



DOCTOR ANGELICVS  
DIVVS THOMAS  
AQVINAS,

DIVINÆ VOLVNTATIS,  
ET SVIIPSIVS IN SVMMA  
Theologiæ Fidissimus Interpres, atque  
Doctrinæ Patrum observantissimus  
Custos, in lucem publicam editus,



*A. R. admodum P. F.*



NICOLAO ARNU,  
ORDINIS PRÆDICATORVM,  
*S. Theologia Magistro, & in Collegio S. Thomæ  
de Vrbe Conventus S. Mariæ super Minervam  
studiorum Regente.*

TOMVS PRIMVS,

In duas Partes divisus, duplicibusque Indicibus  
locupletatus, ad commodam Theologorum  
eruditionem.

*Ad usum S. Romani Palatii. S. O. S. f.*

R O M Æ,  
Typis NICOLAI ANGELI TINASSII.

M. D C. LXXIX.

Cum Approbatione, & Permissione.

*90*





EMINENTISSIMO

E T

REVERENDISSIMO

D. D. ALDERANO

S. R. E.

CARDINALI CIBO.



*V*OD tuo potissimum  
nomini, PRINCEPS  
EMINENTISSIME,  
opus hoc Theologicum  
inscribam, nemini, ut  
reor, mirum accidet, qui nouerit, quàm  
innata Tibi sit erga sacra literarum stu-  
dia propensio, quantòque humanitatis et  
beneuolentiae studio bonarum artium  
Cultores prosequaris. Meherclè haud scio  
an alterius nomen in hujuscè libri fronte  
aquiore jure spectare liceret. Solem, præ-  
clarissimum illum mundi oculum, qui

## EPISTOLA

*aureo sui luminis fulgore omnium ad se  
 mortalium obtutus rapit, & ad quem  
 conuersi tot gentium, nationumque po-  
 puli adorant, ad pedes adolescentis in  
 supremum dignitatis culmen efferendi  
 supplicem quandoque fuisse visum Sacra  
 Genesis historia narrat; Nec enim exi-  
 miam tanti honoris celsitudinem porten-  
 to minori ostendi, aut minùs fulgidi Sy-  
 deris obsequio coli decuit, quàm ejus,  
 quod est luminum Pater, Cælorumque  
 decus & ornamentum. Solem hunc di-  
 uinam adumbrare Theologia sapien-  
 tiam, quæ in altissimis Dei oriens mun-  
 do, veluti luminare majus in firma-  
 mento Ecclesiæ lucet, supremi illius nu-  
 minis notitiam fidelium mentibus inspi-  
 rans, Author glossæ annotauit. Quæ pro-  
 fectò sicubi gloriôsè splendet, nullibi ta-  
 men gloriosius, & magis conspicuè quàm  
 in Angelico illo Doctore Diuo Thoma  
 Aquinate, fidissimo Diuinæ voluntatis  
 interprete. Ea propter illam omnes Do-  
 minam agnoscunt, ipsique uniuersus*

## DEDICATORIA.

*Scientiarum Chorus certatim, veluti Regina famulatur; istum omnes Theologorum Academia Principem meritò venerantur. Hoc splendidissimum Sydus, cui tot sapientum corda, mentesque deuoentur sub tuis Auspiciis splendidius micaturum supplex se Tibi sistit, Teque Patronum veneratur, eo potiori jure, ac feliciore sorte, quo æquius est, atque fortunatius, tam egregium, ac sapientem in Ecclesia Principem, mecænatem habere & colere, quàm adolescentem post tot pressuras, & tam longa annorum curricula ad excelsi muneris apicem extolendum portendere, & adorare. Magna equidem fuit honoris sublimitas istum è carceris ignominia ad Purpuræ ac Principatus gloriam transire, è squallida seruitute ad supremam totius Regni præfeturam à Rege ipso vocari, à quo uno duntaxat Regni solio præcederetur, super uniuersam illius Domum constitui, & denique cunctum in Regione illa populum ad oris ejus imperium obedire; sed re ipsâ*

## EPISTOLA

quidem tantò major gloria amplitudo  
 in Te elucet, quantò gloriosius, atque ma-  
 jus est à Nobilissima familia ad virtu-  
 tem, à virtute ad Purpuram sublimari,  
 & à Purpura ad partem Curae Ecclesiasti-  
 ci Regiminis à Summo Pontifice Innocen-  
 tio XI. maturâ ac sapienti deliberatione  
 Te esse assumptum, quantò sunt Sanctissi-  
 mi, atque integerrimi uniuersalis Ec-  
 clesiae Praesulis, & Capituli sanctiora judi-  
 cia, quàm illius Monarchae in rebus affli-  
 ctis Consilia. Eoque sublimus est Tibi  
 consiliorum omnium de Republica Chri-  
 stiana arbitrium, regimenque fuisse con-  
 creditum, quò augustius iudicatur, ar-  
 duis ac publicis in Regno Christi negotiis  
 gerendis intendere, quàm illius Regis  
 Domui, & Regni annonae praesse, quan-  
 tò denique prestantius est Christi populo  
 maximi Ecclesiae Catholicae Principis san-  
 ctiones annunciare, iura dicere, atque  
 leges, & obaudiri, quàm illi à plebe ad  
 oris imperium obtemperari. Quantum  
 sanè Summi Pontificis dispositioni debet

## DEDICATORIA.

*Vrbs, immò Orbis Christianus, quòd Te cum illo habeat; siquidem post Se illi nihil aliud melius potuit providere, quàm Te, cujus & scientiâ proficiunt subditi, & patrocinio virtus exultat. Decet tractatores habere doctissimos, inquebat Cassiodorus lib. 8. variar. 12. quibus potestas summa committitur, ut nullo defectu impediante meritorum provisa reipublicæ utilitas explicetur. Ad tam sublime dignitatis & gloriæ fastigium, non fortune ludo, non blandiente fauoris aurâ elatus es, non necessitudinis funiculo tractus, sed eximie sapientiæ & doctrinæ, ingeniumque meritorum gradibus ascendisti. Non es passus ut generis tui claritudo, quæ verè maxima, & notissima est, Tibi foret ad tam eximios honores gradus, ad eos solum ex præclarissimis virtutum dotibus gradum fecisti. Earum laudes exequi velle studium mihi reuera dulce, sed non & cura mediocris. Quacunque exordiar, aut finem dicendi faciam, ni-*

## EPISTOLA

hil ultra me prestitisse arbitror, quam  
 exorsum esse, & quodcunque sit mihi  
 initium, nusquam erit juxta sancita elo-  
 quentiae praecepta à minoribus ad maxi-  
 ma, sic in Te maxima omnia, sic Tu ipse  
 semper; & ubique par ac similis Tui, nisi  
 quod Tu major, & clarior videaris,  
 quibus postea ipse contigeris. Exordiar  
 tamen illos imitatus, qui terrarum orbem  
 unius tabulae ambitu circumscribunt ali-  
 quanto detrimento magnitudinis, nullo  
 dispendio Veritatis. Inter praeclaras &  
 eximias virtutes tuas, maximè tamen,  
 & quasi è quadam sublimi specula se  
 ostendit & extollit ingens illa morum  
 suauitas, quae Tibi omnium conciliat ani-  
 mos; occurrit statim vita ac cultus in  
 tanta sublimitate moderatio, quae dum  
 sic fastum reprimat, edocet Te meruisse,  
 quod adeptus es. Sæculi hujus honor,  
 aiebat Cassiodorus lib. 7. variar. form. 26.  
 humanæ mentis est manifesta pro-  
 batio, quia libertas animi volunta-  
 tem propriam semper ostendit, dum



## DEDICATORIA.

se contemnit occulere, qui sibi alios agnoverit subjacere. Sed humanæ mentis felix illa conditio est, quæ arbitrium provectionis suæ intra terminum moderationis includit, & sic peragit dignitatis brevissimum spatium, ut universis temporibus reddatur acceptus. *Tu vitam tenes improbis minantem. Tu disciplinam inter jura custodis. Plus tamen justitiæ in Te eximiè splendentis terror noxios corrigit, quàm pœna consumat. Signa tua abactores timent, fures pauescunt, omnes mali perhorrent, Innocentia tantum læsa respirat, dùm sibi auxilia venisse credit, quæ legum disciplina transmisit. Causa omnium bene acta tuum illum rectitudinis zelum, & equabilem Clementiam, quæ populos nutrit, egregiè nobilitat, quando totum bono proposito agere crederis, qui generalibus desideriis adesse sentiris. Amas in audiendo patientiam, in suggestione veritatem, sæpè quæ ad Te falso perveniunt, recti studio*

## EPISTOLA

emendas. Quis in Te non miretur magnam illam animi constantiam, quam sublimis efficit sapientia, mens religiosa consolidat? Et si prudentia, quae gubernatrix est hominum, & omnis constitutionis inter eos princeps, ciuitates, & familias, priuatamque singulorum vitam ad exemplar Diuinum referens, magna sit, & prope modum infinita, undè & in paucis nascitur, in paucioribus adolescit, & in paucissimis ad maturitatem peruenit, eam tamen ita perfectè affecutus es, ut videatur Te ad hanc unam virtutem natura genuisse, voluntas exercuisse, fortuna seruasse. Hæc excelsa virtus, caterarumque omnium decus, quæ cum præclara scientia iunctim emicant, egregium in Te, atque conspicuum absolutissimi Principis exemplar citra controuersiam exhibent. Et quamuis de splendore natalium tantum iubar hauseris, vincens decorem sanguinis ingenii claritate, dum coruscantem germinis tui lampadem actuum sereni-

# DEDICATORIA.

tate transcendis , factus es stemmatis  
 victor cui , per quod plerosque mortu-  
 alium nascendo superasti. O quanta , &  
 quàm optanda , vel maximè mihi scri-  
 ptori extero illa sors, erat , ut in manibus,  
 oculisque tanti Principis , iste fatus inge-  
 nii mei lucem videret , ut duplici , &  
 doctrina , & authoritatis tue patrocínio,  
 nec maleuolorum calumnias, nec sciolo-  
 rum morsus pertimesceret. Tanto igitur  
 virtutis , sapientia tua , ac nobilitatis  
 ingenuo splendori , hoc quaecunque ob-  
 sequii mei munus, PRINCEPS EMI-  
 NENTISSIME , offero ; nec arbitror pro  
 ingrato erit , quod per se haud magnum  
 ab animo consecrantis pondus accipiet ,  
 qui hoc donat , quod in omni suo lite-  
 rario cénſu maximum ; optimumque  
 habet.

EMINENTIÆ VESTRÆ,

Addictissimus & obsequentissimus  
 Servus,  
 F. NICOLAUS ARNU,  
 Ord. Prædic.



## LECTORI BENEVOLO.

**T**ANDEM, Lector benevole, post diuturni temporis spatium, oppignoratam liberaturus fidem, multorumque expectationi facturus satis, qui quantulacunque nuper edita à nobis Philosophiæ opera non vulgariter probarunt, ad Theologiam D. Thomæ calamum, animumque admoveo. *Magnum opus, & arduum aggredior*, inquiebat Augustinus lib. 1. de doct. Christ. in prologo, & si ad sustinendum difficile, *vereor ne ad suscipiendum temerarium*. Etenim quemadmodum Divus Gregorius Nazianzenus observavit orat. 1. de Theolog. *Non cuiusvis est de Deo disputare; Non, inquam, cuiusvis; non adeo hæc res vilis est, & eorum, qui etiamnum humi serpentes terrenis studiis occupantur. Non omnium quidem, quia eorum tantum est, qui inter multos habito delectu, ad tantum munus videantur idonei, quique contemplandi acumine ceteris antecellunt*. Immo neque hi ipsi, qui sunt sublimiori mentis acie præstantes, absque periculo divina vestigare queunt. *Confiteor libenter*, ait Origenes homil. 1. in Ezech.

## LECTORI BENEVOLO.

*à sapiente, ac fideli viro dictam sententiam, quam saepe suspicio; De Deo & verè dicere periculosum est. Quo enim pacto, quave ratione homo de Deo, imbecillus, & morti obnoxius de ingenito, & in quem non cadit interitus, opus de eo qui fecit pro dignitate dicere valeat. Qui non potest de seipso vera dicere, exclamat D. Clemens Alexandrinus lib. 6. Strom. An non multò magis ne de Deo quidem ei credendum est. Quantum enim abest homo à Dei potestate, tantum etiam est ejus oratio imbecilla, etiamsi non Deum, sed de Deo dicat, & Verbo Divino. Qui sibi Deum ascribunt Magistrum, vix perveniunt ad Dei notitiam, opem eis ferente gratia ad quantulamcunque cognitionem, utpote Spiritu Sancto Sanctum Spiritum assuescentes. Quinimò divinus Plato apud Theodoretum lib. 2. de principiis; Patrem quidem, ait, factoremque totius mundi hujus, & invenire laboriosum est opus, & cum inveneris, cunctis mortalibus eum proderè opis ullius non est. Neque enim sicut cetera quæ condiscimus, ita potest dicendo exprimi, accedit huic oneri, & difficile satis interpretandi genus, difficile namque (teste D. Hieronymo) est, ac planè arduum alienas insequentem lineas alicubi non excidere; Quia, ut inquit D. Augu-*

# LECTORI BENEVOLO.

stinus *lib. 5. de Civit. Dei*, relatus à D. Thoma *opusc. 72.* nunquam fuit aliquis, qui in omnibus ab omnibus intelligeretur. Sed & non parum ab hoc opere suscipiendo, atque ineundo labore animum nostrum detertere videbatur aucthorum in hoc scripturienti sæculo plurima seges (utinam & in omnibus manifesta fortitudo bonis reperiretur) itaut plures jam magistri, ut ita dicam, quam discipuli. Sed quod maximè animi nostri impetum, ac desiderium cohibere poterat, ea erat quæ mentem nostram subibat cogitatio; *Ei qui de tantis rebus disputationem habeat, ( ut cum D. Gregorio Nazianzeno loquar orat. 1. ) praesertim apud multitudinem, qua ex variis aetatibus, animique affectionibus conflata est, ac musci cujusdam instrumenti multis fidibus constantis in modum, variis pulsibus opus habet, difficile esse hujusmodi doctrinam invenire, quæ omnes concinnare, ac scientia lumine collustrare posset.. Quidam lactis alimonia opus habent, hoc est simplicioribus, & elementalibus doctrinis, nimirum qui puerili animi habitudine sunt, recensque, ut sic dicam, compacti, nec virilem sermonis, aut doctrinae cibum ferunt, quem si quis ipsis præter vires admovent ejus pondere oppressi, fortasse atque obruti*

## LECTORI BENEVOLO.

( *animo ad id , quod transmissum est , attrahendum sibi que accommodandum haud satis virium habente , quemadmodum nec corpore in cibis materia constantibus } pri-  
stinas etiam eorum vires labefactabit. Alii, quòd sensus ad verum à falso internoscendum ac discernendum exercitatos habeant , ac proinde sapientia ea , qua inter perfectos exponitur , sublimiorique , & firmiori cibo indigeant , si quis lac illis propinet , oleribusque , hoc est infirmiorum cibo , eos alat , molesto animo id laturi sunt ; ac meritò sanè , utpote nihil Christiani roboris colligentes , nec laudabile illud augmentum capientes , quod sermo divinus affert , cum , qui pulchrè alitur , in virum perficiens , atque ad spiritualis ætatis mensuram ducens. Et ad hæc quis idoneus ? Vici tandem fluctuantis animi remoras , & unde improbi laboris suscipiendi enatæ difficultates fuerant , inde vires mihi assumendas arbitratus sum. Et imprimis quidem , esto probè noverim nulli fas esse Deum , divinaque subtili mentis indagine nedum comprehendere , sed ne attingere quidem , ut opus est , hoc ipsum ingenio admovit calcaria ; Nam ut perbellè dixit S. Leo Papa *serm. 10. de passione ; Ipsa materia ex eo quod ineffabilis est , fandi tribuit facultatem ; neque potest deficere**

## LECTORI BENEVOLO.

*quod dicatur, dum non potest satis esse quod dicitur. Et præterea audendi aliquid in ipsius notitiam dat fiduciam non modicam, quòd magnarum rerum magnus ipse conatus sit. Siquidem ( ut notavit D. Prosper de vita contemplat. in prologo ) necessariorum tractatio questionum, etsi non instruit invenientis quod querit animum, exercet saltem quarentis ingenium; aut ut noverit se quarendo, & nihil inveniundo nescire, quod se fortè nosse præsumserat, & ignorantia sua consequenter admonitus, quod sibi deesse viderit quærat; quod invenerit teneat, diligenter exerceat; aut si quod sibi de divinis literis propositum fuerat, salubriter tractare, & sufficienter explicare potuerit, non de inventione veritatis infletur, sed de Domino, qui cum intus illuminavit, ut illuminata cognosceret, gloriatur. Nec magis animum nostrum movit quod innumeri propemodum viri sapientissimi hac nostra tempestate de his materiis theologicis scribendi provinciam ingenti cum laude obierint; Neque obest utilitati salutari ( inquit D. Cyprianus epist. 65. ) aut eadem retexere ad confirmandam veritatem, aut & quadam addere ad cumulandam probationem. Si quid autem à nobis additum fuerit, non sic additur quasi ab aliis minus*

dictum



## LECTORI BENEVOLO.

*dictum sit ; sed quoniam sermo divinus humanam naturam supergreditur , nec potest totum & perfectum anima concipere. Idcirco & tantus est numerus Prophetarum, ut multiplex divina sapientia per multos distribuitur. Vnde & tacere precipitur primo in prophetia loquenti, si secundo fuerit revelatum. Cujus & aliam rationem insinuat D. Augustinus libro 1. de Trinit. cap. 3. dicens; Non propterea putet quis me tacere debuisse, quia non tam expeditè ac dilucidè quam illi, eloqui potui. Neque enim omnia , quæ ab omnibus conscribuntur , in omnium manus veniunt. Et fieri potest , ut nonnulli , qui etiam hac nostra intelligere valent, illos plures non invenient libros , & in istos saltem incidant. Ideoque utile est plures à pluribus diverso fieri stylo , sed non diversa fide, etiam de quæstionibus eisdem , ut ad plurimos res ipsa perveniat, ad alios sic , ad alios autem sic. De eisdem fateor quæstionibus ego atque illi de eisdemque rebus tractationem suscipio , diverso tamen aliquantulum stylo , & scribendi ratione absimili, Angelicum Doctorem S. Thomam Aquinatem in Theologiæ summa fidissimum sui ipsius , ac divinæ voluntatis interpreter studiosæ juventuti exhibens, ut veluti aquilarum pulli solem in rota intueri , ac conspicere*

## LECTORI BENEVOLO.

addiscant. Venustum illud est Philonis Iudæi effatum; *Sol alio non indiget interprete, sui ipsius idoneus testis est*, quippe qui nonnisi per seipsum cognosci valet. Quod de nostro, immò Ecclesiæ sole inter gloriæ nebulas refulgente veriùs dixerim. Huic si alienas faces accendere volueris, non illustrasse, sed potiùs nubem opposuisse videberis. Solus ipse sui idoneus testis est. *Quapropter meam cogitationem quasi germen*, (ut cum S. Gregorio in *Hexameron in principio*, loquar) *aut surculum exiguum magna arbori, nempe praeceptoris nostri sapientia inferam, occasioneque mihi inde suppeditata, tanquam humore quodam irrigatus, pro viribus ramus ejus efficiar; arbitror enim quosdam haud rectè percepisse, quid ille sibi in iis, qua... conscripsit, proposuerit; ideoque calumniari, quod dilucidè non explicatis ea, quæ ad sacram doctrinam pertinent; Qui hac & alia ejusmodi loquuntur, hi mihi non videntur propositum Patris nostri doctrina finem intruere, qui in amplissima Ecclesia populum frequentissimum alloquens, pro audientium intelligentia sermonem moderabatur... Quare si quis ex praeceptoris consilio dicta ipsius expendit, nihil dubitationis relinquetur; neque enim verborum contentiones aucupabatur, sed simplici expositione audientium simplicitati*

## LECTORI BENEVOLO.

*fic orationem suam accommodabat, ut variam tamen externa Philosophia doctrinam redolens peritioribus etiam satisfaceres. Quamobrem eam & imperiti intelligebāt, & eruditi admirabantur.* Observantissimum Sacri Depositi custodem ipsum dixi, quippe qui, ut Augustini verbis utar, *Quod invenit in Ecclesia, tenuit; quod didicerunt, docuit; quod à Patribus accepit, hoc filiis tradidit.* Et quia hos summè veneratus est, eorum omnium doctrinam affecutus est. Quod & in hoc opere, Deo benignè annuente, planum fiet, dum ostendemus singulas ipsius sententias Ecclesiæ, & Patrum doctrinæ consonare. In hoc opere quanta porero brevitate, & quam dilucida methodo utar; hoc enim prolixitas nimia præstat, ut discipuli à permagnifico sapientiæ hujus convivio jejuni abscedant. Non est profectò mihi animus hinc inde quæstiones avellere, & in unum Theologiæ tractatū congerere, nec enim desidero unius diei, aut quæstionis Theologos; probè enim novi & ad scientiam illam veri Angelum apostatam non pervenisse, qui fortunam suam impatienter ferens, voluit in una morula similari altissimo; & verbum divinum carnis tra-bea indutum temporis sustinuisse moras, simul ætate; & sapientia proficiendo.

## LECTORI BENEVOLO.

Simpli utar stylo, quia ut ait Chrysologus *serm. 18. Si scire volumus, verborum flosculos non quaramus. Qui maturitatis fructum quarit, despicit amœna camporum. Viola, rosa, lilia, narcissus, grati flores, sed gravior panis. Seponenda est ergo eloquentia voluptas, quando scientia fortitudo deposcitur. Non uberes audeo polliceri fructus, quia ut cum Cypriano *epist. 2. ad Donatum*, dicam; *Exilis ingenii angusta mediocritas tenues admodum fruges parit; nullis ad copiam facundi cespitis culmis ingravescit: aggrediar tamen facultate, quâ valeo, nam & materia dicendi facit mecum. In judiciis, in concione pro vestris opulenta facundia volubili ambitione jactetur; cum de Domino Deo vox est, vocis pura sinceritas non eloquentia viribus nititur ad fidei argumenta, sed rebus. Accipe non diserta, sed fortia, & rudi veritate simplicia, & Vale.**



## I N D E X


# QVÆSTIONVM,

## ARTICVLORVM,

Capitum & Paragraph: hujus  
primæ Partis Tomi I.

### QVÆSTIO PRIMA.

De ipsa Sacra Doctrina qualis sit, & ad  
quæ se extendat. pag. 15

ART. I.  TRVM necessarium sit pra-  
ter physicas disciplinas  
aliam doctrinam haberi.  
ibid.

CAP. I. Sensus tituli explicatur. ibid.

CAP. II. Deciditur questio. pag. 20

CAP. III. Quo pacto, quave ratione sacra do-  
ctrina sit ad salutem necessaria. p. 24

CAP. IV. Diluuntur argumenta. p. 31

CAP. V. De nomine ortu, progressu, ac multi-  
plici Theologia divisione. p. 36

CAP. VI. Quanam sint Sacra Doctrina princi-  
pia. p. 49

CAP. VII. Virum Theologia principia exigant  
fide divina ac supernaturali suscipi. p. 57

§. I. Argumenta contraria dissolvuntur. f. 64

CAP. VIII. Quomodo premissa naturalis uni-

## Index Quæstionum ,

*cum supernaturali ad assensum conclusionis  
theologica concurrere valeat ?* p.70

C A P. IX. *Sitne Theologia habitus entitative su-  
pernaturalis.* p.75

§. I. *Quadam præsupponuntur.* ibid.

§. II. *Statuitur conclusio & probatur.* p.79

§. III. *Solvuntur contrariorum objectiones.*  
pag.85

A R T. II. *Verum Sacra Doctrina sit scientia.*  
pag.91

C A P. I. *Sitne Theologia verè & propriè scientia.*  
ibid.

§. I. *Theologiam esse verè & propriè scientiam  
ostenditur.* ibid.

§. II. *Solvuntur argumenta contraria.* p.99

C A P. II. *Sitne Theologia viatorum propriè sub-  
alternata scientia Dei & Beatorum ?* p.108

C A P. III. *Maneatne Theologia nostra in patria.*  
pag.116

§. I. *Quibusdam suppositis deciditur quæstio.*  
ibid.

§. II. *Solvuntur argumenta.* p.125

A R T. III. *Verum Sacra Doctrina sit una vel plu-  
res ?* p.129

C A P. I. *Quadam de unitate subiecti in esse sci-  
bili præmittuntur.* ibid.

C A P. II. *Sacram Doctrinam esse unam speciem  
scientiam statuitur.* p.134

C A P. III. *Quomodo causa, vel cognitio quo al-  
tior & universalior, eò ad plura se dicatur  
extendere.* p.139

§. I. *Solvuntur argumenta.* p.143

A R T. IV. *Verum Sacra Doctrina sit scientia pra-  
ctica ?* p.149

C A P. I. *Vnde sumatur ratio practici & specula-  
tivi in scientiis.* ibid.

Articulus. Cap. & Paragraphorum.

CAP. II. *Theologiam esse simul practicam & speculativam statuitur.* p.155

CAP. III. *Contraria argumenta dissolvuntur.* p.160

ART. V. *Vtrum Sacra Doctrina sit dignior aliis scientiis.* p.166

§. I. *Solvuntur argumenta contraria.* p.171

ART. VI. *Vtrum Sacra Doctrina sit Sapientia.* pag.175

ART. VII. *Vtrum Deus sit subjectum huius scientia.* p.184

CAP. I. *Quadam prenotantur, & Deum sub ratione absoluta Deitatis esse formale Theologia subjectum ostenditur.* ibid.

CAP. II. *Solvuntur argumenta contraria, triplexque modus cognoscendi Deum pro hoc statu assignatur, nimirum per viam causalitatis, eminentia, & remotionis.* p.191

ART. VIII. *Vtrum Theologia sit argumentativa.* pag.200

CAP. I. *Varii errores referuntur.* ibid.

CAP. II. *Deciditur questio.* p.204

CAP. III. *Competatne. Sacra Doctrina magis propriè uti rationibus, quàm autoritatibus, & quibusnam uti debeat?* p.217

CAP. IV. *Solvuntur contraria argumenta.* p.224

ART. IX. *Vtrum Sacra Scriptura debeat uti metaphoris.* p.227

CAP. I. *Quid sit Sacra Scriptura, & an sit propriè verbum Dei.* ibid.

§. I. *Quadam prenotantur, & hæreticorum errores referuntur.* ibid.

§. II. *Statuitur conclusio & probatur.* p.231

§. III. *Solvuntur contrariorum argumenta.* pag.241

## Index Quæstionum,

CAP. II. *Verum Sacra Scriptura quoad omnia  
& singula ipsius verba sit à Deo revelata.*  
pag. 249

§. I. Solvuntur argumenta. p. 253

CAP. III. *An scriptores sacri inscribendo Spiritus Sancti instrumenta fuerint, & quomodo.*  
pag. 256

CAP. IV. *Quinam sint Libri Canonici.* p. 261

CAP. V. *Rectène Sacra Scriptura utatur metaphoris?* p. 268

ART. X. *Verum Sacra Scriptura sub una littera  
plures sensus habeat?* p. 280

CAP. I. *Statuitur conclusio & probatur.* ibid.

CAP. II. *Solvuntur argumenta contraria.* p. 286

CAP. III. *An sub una littera plures sensus literales contineri possint?* p. 293

§. I. Deciditur quæstio. ibid.

§. II. Solvuntur argumenta contraria. p. 298

CAP. IV. *An præter illos quatuor sensus deus accommodatitius.* pag. 301

---

## QVÆSTIO SECUNDA. DE DEO.

An Deus sit. pag. 307

ART. I. **V**trum Deum esse sit per se notum?  
pag. 310

CAP. I. *Quid sit aliquam propositionem esse per se notam, & quæ modis dicatur.* ibid.

CAP. II. *Hanc propositionem, Deus est, esse per se notam secundum se, & non quoad nos demonstratur?* p. 313



Articuli. Cap. & Paragraphorum.

CAP. III. *Argumenta contraria dissolvuntur.*

pag. 317

ART. II. *Utrum Deum esse sit demonstrabile.*

pag. 322

CAP. I. *Deciditur questio.* ibid.

CAP. II. *Solvuntur argumenta contraria.* p. 329

ART. III. *An Deus sit.* p. 332

CAP. I. *Quibusdam suppositis refertur Atheistarum error, Atheismi que Origo.* ibid.

CAP. II. *Statuitur conclusio, & probatur prima ratione D. Thoma.* p. 339

CAP. III. *Secunda ratio D. Thoma adducitur, & elucidatur.* p. 345

CAP. IV. *Tertia ratio, D. Thoma proponitur.* pag. 351

CAP. V. *Dua ultima rationes D. Thoma proponuntur & explicantur.* p. 354

CAP. VI. *Argumenta contraria dissolvuntur.* pag. 359

CAP. VII. *Per quid Dei natura seu essentia metaphysicè constituatur.* p. 362

§. I. *Sensus tituli explicatur, & breviter quaedam observationes praeferuntur.* p. 363

§. II. *Refertur primus dicendi modus & rejicitur.* p. 365

§. III. *Rejicitur secundus, tertius, quartus, & quintus dicendi modus.* p. 372

§. IV. *Rejicitur quintus dicendi modus.* p. 378

§. V. *Statuitur vera sententia ex mente D. Thoma.* p. 382

§. VI. *Solvuntur argumenta prima, secunda, & tertia sententia.* p. 395

§. VII. *Solvuntur alia argumenta.* p. 402

CAP. VIII. *Quid sit attributum.* p. 410

QVÆSTIO TERTIA.

De simplicitate Dei. pag.415

ART. I. **V**trum Deus sit Corpus. ibid.

CAP. I. **S**ensus articuli breviter declaratur & referuntur varii errores. ibid.

CAP. II. Statuitur conclusio, & probatur, tum authoritate, cum rationibus Divi Thomæ. pag.419

CAP. III. Solvuntur contraria argumenta. pag.425

CAP. IV. Solvuntur instantia contra rationes D. Thomæ. P.431

ART. II. Vtrum in Deo sit compositio materie & forma. P.438

§. I. Solvuntur argumenta. P.441

ART. III. Vtrum sit idem Deus quod sua natura vel essentia. P.443

CAP. I. Sensus tituli explicatur, & aperitur quomodo natura & suppositum in substantiis materialibus non differre dicantur. ibid.

CAP. II. Deciditur quæstio, & solvuntur argumenta contraria. P.449

ART. IV. Vtrum in Deo sit idem essentia quod esse. pag.452

ART. V. Vtrum Deus sit in aliquo genere. P.459

CAP. I. Statuitur conclusio, & probatur ex Patribus. ibid.

CAP. II. Probatur conclusio rationibus D. Thomæ. P.462

CAP. III. Solvuntur argumenta contraria. pagina 468

Articulator. Cap. & Paragraphorum.

ART. VI. *Utrum in Deo sint aliqua accidentia?*  
pag. 471

ART. VII. *Utrum Deus sit omnino simplex.*  
pag. 476

CAP. I. *Arnaldistarum relato errore statuitur  
Conclusio & probatur.* ibid.

CAP. II. *Solvuntur argumenta.* p. 480

ART. VIII. *Utrum Deus in compositionem alio-  
rum veniat.* pag. 488

---

Q V Æ S T I O Q V A R T A.

*Utrum Deus sit perfectus?* pag. 493

ART. I. *Utrum Deus sit perfectus.* ibid.

ART. II. *Utrum in Deo sint perfectiones  
omnium rerum.* p. 498

CAP. I. *Quibusdam adnotatis statuitur conclusio  
D. Thoma & rationes ejus elucidantur.*  
ibid.

CAP. II. *Quomodo rerum omnium perfectiones  
in Deo sint, ostenditur.* p. 503

CAP. III. *Solvuntur argumenta.* p. 509

CAP. IV. *Quomodo hujusmodi perfectiones, seu  
attributa, in Deo, inter se & ab essentia di-  
vina distinguantur.* p. 514

§. I. *Varia sententia referuntur, & quadam pra-  
notantur.* ibid.

§. II. *Statuitur divina attributa inter se & ab  
essentia non distingui realiter ex natura rei,  
& autoritate probatur.* p. 519

§. III. *Attributa divina abinvicem, vel ab  
essentia divina non distingui realiter ex na-  
tura rei, ratione desumpta ex summa Dei  
simplicitate ostenditur.* p. 528

## Index Quæstionum ;

- §. IV. *Hujusmodi distinctio formalis ex natura rei inter attributa & essentiam Dei, seu attributa abinvicem rejicitur ratione desumpta ex infinitate Dei, & purissima essendi actualitate.* p. 532
- §. V. *Hac distinctio rejicitur evertendo contraria fundamenta.* p. 538
- §. VI. *Quomodo attributa divina inter se & ab essentia distinguantur, ostenditur,* p. 539
- §. VII. *Solvuntur præcipua Scoti, & Scotistarum argumenta.* p. 546
- §. VII. *Solvuntur argumenta sententia assentientis attributa divina inter se nonnisi ratione ratiocinante, & penes diversa connotata in creaturis distinguuntur.* p. 558
- ART. III. *Utrum aliqua creatura possit esse similis Deo,* pag. 568

## QVÆSTIO QVINTA.

De Bono. pag. 575

- ART. I. **V**trum bonum differat secundum rem ab ente. pag. 577
- CAP. I. *Quibusdam præsuppositis statuitur conclusio.* ibid.
- CAP. II. *Solvuntur argumenta contraria.* p. 582
- CAP. III. *Ostenditur quomodo ratio boni sit relativa, quomodo ve absoluta.* p. 586
- ART. II. *Utrum bonum secundum rationem sit prius quam ens.* p. 588
- ART. III. *Utrum omne ens sit bonum.* p. 593
- ART. IV. *Utrum ens habeat rationem causæ finalis.* p. 598

Articulator. Cap. & Paragraphorum.

ART. V. *Vtrum ratio boni consistat in modo specie, & ordine.* p.603

ART. VI. *Vtrum convenienter dividatur bonum per honestum, utile, & delectabile.* p.609

---

QVÆSTIO SEXTA.

De Bonitate Dei. pag.613

ART. I. *Vtrum esse bonum Deo conveniat.* ibid.

ART. II. *Vtrum sit summum bonum.* p.617

ART. III. *Vtrum esse bonum per essentiam sit proprium Dei.* p.621

ART. IV. *Vtrum omnia sint bona bonitate divina.* pag.627

---

QVÆSTIO SEPTIMA.

De Infinitate Dei. pag.633

ART. I. *Vtrum Deus sit infinitus.* ibid.

ART. II. *Vtrum aliquid quam Deus possit esse infinitum per essentiam.* p.641

ART. III. *Vtrum possit esse aliquid actu infinitum secundum multitudinem.* p.646

CAP. I. *Ostenditur nullum corpus naturale posse esse secundum magnitudinem infinitum.* p.647

CAP. II. *Nullum corpus mathematicè acceptum posse esse secundum magnitudinem infinitum statuitur, & probatur.* p.654

CAP. III. *Solvuntur argumenta.* p.658

ART. IV. *Vtrum possit esse multitudo infinita in rebus.* p.661

---

*Facultas Reverendissimi Patris Fr. Antonij  
de Monroy, totius Ordinis Prædicatorum  
Magistri Generalis.*

**N**OS FR. ANTONIVS DE MONROY S. Theol. Professor, ac Ord. FF. Prædicatorum humilis Magister Generalis & servus: Harum serie nostrique autoritate officij Tibi à R. Patre Mag. Fr. NICOLAO ARNV hujus nostri Collegij S. Thomæ de Vrbe studiorum Regenti facultatem concedimus ut typis mandare possis opus à te compositum, cui titulus; *D. Thomas Aquinas Doctor Angelicus; Divina voluntatis & sui ipsius in Summa Theologia fidelissimus Interpreter, &c.* jam revisum & approbatum à duobus nostri Ordinis S. Theologiæ Magistris; servatis aliàs de jure servandis. In nomine Patris & Filij & Spiritus Sancti, Amen. Dat. Romæ in Convētu nostro S. Mariæ super Minervam die 5. mensis Aprilis 1678.

FR ANTONIVS DE MONROY  
*Magister Ordinis.*

Registrata fol. 15.

FR. FRANCISCVS IUSTINIANVS  
*Mag. & Sec.*

† *Loco sigilli.*

---

## APPROBATIO.

**E**X mandato Reverendissimi Patris Generalis Fr. Antonij de Monroy, vidimus & perlegimus primum Tomum Theologicum A. R. P. Magistri Fr. NICOLAI ARNY Collegij Sancti Thomæ de Vrbe studiorum Regentis, nihilque in eo offendimus aut à fide absonum, aut probatis moribus adversum, sed omnia solida, Sanctis PP. & Scholæ Thomisticæ consentanea, & difficillima quæque perspicacis Autoris ingenio clara & pervia facta; arbitramur proinde, in publicam Theologorum utilitatem & luce & prælo dignum. Romæ in Conventu Sanctæ Mariæ super Minervam. 3. Aprilis 1678.

FR. ANTONIVS CLOCHE *Sacra  
Theologia Mag. Ord. FF. Præd.*

FR. GVINANDVS WYNANS *Sacra  
Theologia Magister, & Socius Reverendissimi  
supradicti Patris Generalis Ordinis  
Prædicatorum.*

---

## APPROBATIO.

**H**Vnc ego Primum Tomum ex commissione Reverendissimi Patris Magistri Sac. Palatij legi, & consideravi, nihilque in eo quod Sacræ Doctrinæ adverfetur, reperi; ideoque summa cum utilitate excudi posse censeo.  
Die 4. Aprilis 1678.

LAVRENTIUS BVLBVL *Cler. Reg.  
Minor. S. Congr. Indicis Consultor.*

SUMMÆ





S V M M Æ

# THEOLOGIÆ

D. T H O M Æ

PRIMA PARS,

DE DEO VNO, AC TRINO,

ATQVE DIVINITATIS

Effectibus in esse naturæ , &  
egressu eorum à Deo con-  
ditore.



## P R O L O G V S.

**C**ONSTAT profectò naturam  
rationalem ad hoc solum fa-  
ctam, ut factorem suum verum  
Deum intelligat, intelligendo diligit,  
& diligendo, in eò qui est æterna vita,  
beatè vivat; nam cætera, quæ putan-  
tur homini esse propria, inquit Lactan-  
Tom. I. A

I.  
De cog-  
nit. veræ  
vitæ c. 1.  
Aug. tri-  
butus  
tom. 9.  
Lib. 3.  
diu. inst.  
cap. 10.

tius, in reliquis etiam animalibus reperiuntur. Cum enim suas voces propriis inter se notis discernunt, atque dignoscunt, colloqui videntur: ridendi quoque ratio in his apparet aliqua, cum demulsis auribus, contractoque vultu, & oculis in lasciviam resolutis, aut homini alludunt, aut suis quisque coniugibus, ac foetibus propriis. Nonne aliquid amoris mutuo, & indulgentiæ simile impartiunt? Iam illa quæ sibi prospiciunt in futurum, & cibos reponunt, quandam habent utique providentiam. Rationis quoque signa in multis deprehenduntur; nam quando sibi utilia appetunt, mala cavent, pericula vitant, latibula sibi parant in plures exitus disparentia, profectò aliquid intelligere videntur. Potestne aliquis negare illis quandam inesse rationem, cum hominem sæpè deludant? Iam quibus generandi mellis officium est, cum assignatas incolunt sedes, castra muniunt, domicilia inenarrabili arte componunt, regi suo serviunt, nonne quoddam perfectæ prudentiæ specimen ostendunt? Quæ igitur homini tribuuntur, communia ipsi cum aliis viventibus esse videntur, sed religionis certè sunt ista expertia. Et quia in solo duntaxat homine

mine perfecta est ratio , sapientia nominatur , quæ in hoc eximium facit hominem, quod ipsi soli datum est con-  
tueri divina atque intelligere. Qua de re Ciceronis vera est sententia. *Ex tot , inquit , generibus , nullum est animal præter hominem , quod habeat notitiam aliquam Dei. Ipsisque in hominibus nulla gens est , neque tam immansueta , neque tam fera , qua non , etiamsi ignoret qualem haberi Deum deceat , tamen habendum sciat.*

Constat igitur Religionis oportere  
suscipi doctrinam, qua Dei summi natu-  
ræ parentis comparetur agnitio, & agni-  
tione cultus impendatur. *Naturam enim hominis hanc Deus esse voluit , inquit La-  
ctantius, lib. 3. c. 11. ut duarum rerum cupidus , & appetens esset, religionis, & sapientia; sed homines ideo falluntur , quia , aut Religio-  
nem suscipiunt omissa sapientia , aut sa-  
pientia soli student omissa religione , cum alterum sine altero verum esse non possit.*  
Cadunt namque in multiplices religio-  
nes , sed ideò falsas , quia sapientiam reliquerunt ; aut student sapientiæ , sed ideò falsæ , quia religionem summi Dei omiserunt, qui eos ad veri scientiam po-  
tuit erudire.

Hominis igitur officium tunc se im-

plere quisque arbitretur , cum se Dei agnitioni , & divinorum contemplationi dediderit : sapientis verò partes se agere existimet , si Christi factus administrator , Deique adjutor , *qui vult omnes homines salvos fieri , & ad agnitionem sui nominis venire* , Dei scientia , & Christianæ Religionis disciplina imbuendos , & informandos , tum & populum alti sermonis , cum & parvulos , atque latentem suscipiat. *Catholica veritatis Doctor* , inquit D. Thomas , *hic in proloquio non solum profectos debet instruere , sed ad eum pertinet etiam incipientes erudire*. Idcirco Doctores sacros , non semel in sacrâ paginâ , Ecclesiæ mammæ , & ubera vocitantur. *Per ubera* , inquit Theodoretus , *doctrina fontes accipiamus , qui singulis atatibus congruentia subministrant ; aliis quidem lac , aliis solidum cibum : Non enim vanis honoribus suis consulunt* , ait Beda , *in epist. 1. ad Corinth. cap. 3. sed utilitati eorum , cum quibus societatem vite hujus inire meruerunt*. Hac est namque lex divina providentia , ut nemo à superioribus adjuvetur ad cognoscendam , & percipiendam gratiam Dei , qui non ad eandem puro affectu inferiores adjuverit.

4. Ea de causa æterni Patris sapientia Christus Dominus Angelorum Magister,

ster, & hominum Doctor venit ad homines, venit in homines, & factus est homo, ut solidum illum doctrinæ cibum, quem in contemplatione divinitatis Angeli degustant, & homines capere non poterant, in carne assumpta lac ceu parvulis potum daret, non escam, ad esum solidi cibi eos præparando. *Et quomodo mater*, inquit D. Augustinus apud Bedam *loc. cit. cibum comedit, ut per carnem trajiciat lac factum, sic cibus Angelorum Dominus Verbum caro factum est, & factus est lac: Ergo dando lac descendit ad parvulos, quos utique vel Angelos, vel Deos esse cupiebat.* Vnde non immeritò idem S. Doctor, *lib. 12. cont. Faustum*, Christum scalam illam dixit, per quam divinorum eloquiorum tractatores, ceu Angeli ascendant, atque descendant, illuminationes à Deo Patre luminum descendentes, & sibi traditas, tum perfectis, & in sublimi constitutis, quorum est solidus cibus, cum parvulis, & in imo jacentibus, seu divina conscendere tentantibus, perlaturi. *Ad ipsum*, inquit, *ascenditur, ut in excelsis intelligatur, & ad ipsum descenditur, ut in membris suis parvuli nutrantur.*

Hoc ipsum à primis fidei, & Religionis Christianæ Magistris voluit Do-

minus quàm exactissimè observandum. *Fides revelata est*, ait idem S. Doctor, *sed per Apostolos. Quam in lacte suxerunt, in cibo sumpserunt, cujus lac, & cibum parvis, magnisque ministrarunt.* Hinc Apostolus Corinthios alloquens, 1. *Corinth. 2. & 1. cap. D. Th. lec. 1.* nonnunquam dicebat : *sapientiam loquimur in mysterio absconditam.* Et iterum : *sapientiam loquimur inter perfectos.* Ostendens doctrinam illam subtiliorem, & secretiora Christianæ religionis dogmata non quibusvis se, reliquosque Apostolos, aut fidei primævos instructores impartiri, aut communia facere, sed iis duntaxat, qui ad capeffenda divina sensus haberent exercitatos, ablaetatiq; à lacte, & avulsi ab uberibus digni essent, qui Dei mysticam scientiam docerentur. Nonnunquam autem 1. *Corinth. 3. Tanquam parvulis in Christo*, inquit, *lac vobis potum dedi*, idest, facilem doctrinam, dulcem, & nutrientem, *non escam*, idest, non robustam spiritualium rerum doctrinam, seu altam, & mysticam ut exponit D. Anselmus in eum locum, sedulius D. Thomas, & D. Chrysostomus in *epist. ad Hebr. c. 5.*

2. Quemadmodum autem ab Apostolis  
( quos adlegerat Dominus destinatos nationibus

*nibus magistros , ut notavit Tertullianus lib. de prasc. cap. 22. ) in Sanctos Patres , & Ecclesiæ Doctores doctrina sacra derivata est , pariter & doctrinæ forma , quæ sic divino semper dispensata est eloquio , ut & peritis scientiam conferret altiore , & simplicibus salutaris intelligentiæ gratiam largiretur. Quemadmodum egregiè animadvertit idem D. August. lib. de vera relig. dicens. Hoc à magnis , & spiritualibus viris video cautissimè provideri, alimenta lactea largè avidis infirmioribus, pluribus, atque instanter infundi, validioribus autem cibis cum sapientibus paucis vescuntur : sapientiam enim loquuntur inter perfectos.*

Non prætermittam huc adducere D. Chrysostomum , *in homil. de Lazaro* , qui de Sanctis Ecclesiæ Patribus aureo planè ore verba faciens , optimam hujus rei adducit rationem sub his verbis: *Non ad inanem gloriam , quemadmodum Ethnici , sed audientium salutem omnia composuerunt , in quos ab initio dignatus est gratia Spiritus Sancti. Si quidem hi sunt à Christo alieni Philosophi dicendi artifices Rhetores , ac librorum conscriptores , non quod in commune conducit quærentes , sed illud spectantes , ut ipsi sint admirationi. Etiam si quid utile dixerint , hoc quoque*

7.

*quemadmodum in caligine sapientia consueta illis occultavit obscuritas. Apostoli verò, & Propheta manifesta, claraque, quæ prodiderunt, exposuerunt omnibus, veluti communes orbis Doctores, ut per se discere possint ea, quæ dicuntur sola lectione.*

8. Esto fuerit hæc omnium pene tractatorum maxima cura, atque sollicitudo, qui non inanis gloriæ captandis auris, sed Ecclesiæ studuerunt profectui; id tamen cum omnium ingenti admiratione, & plausu plenius, ac dilucidius perfecisse existimatur D. Thomas, *hic*, quemadmodum & sibi proposuerat: *Propositum*, ait, *nostra intentionis in hoc opere est, ea, quæ ad Christianam Religionem pertinent, eo modo tradere secundum quod congruit ad eruditionem incipientium.* Ipse enim pinguem, & opimum Deitatis cibum in lac traducens, ita sapientiæ fux, imò divinæ, altitudine maxima quæque ingenia pascit, ut docendi affabilitate, clara sententiæ perspicuitate, atque suavitate styli, etiam lactescentes alat. Vnde jure quidem optimo de eo dictum putem: *Favus distillans labia tua, mel & lac sub lingua tua.* Hoc est: *Docendi rationem, & modum docent labia tua, sic instructum, ut ab apicula favum cernimus.* Neque enim unica ratione cun-
- dis*



*etis audientibus affers utilitatem : sed pro  
cujusque modulo te singulis accommodas, ut  
& perfectioribus, & rudioribus satisfacias.  
Ac mentem quidem eorum qui sunt perfecti,  
divinioribus verbis tanquam melle, dulcis-  
simum reddis. Qui verò rudes, tyronesque  
sunt, eorum animos, tanquam lacte, natu-  
ralibus exples institutis.*

Tria potissimum tyronibus addiscen- 9.  
di viam præcludere solent ( ut notavit  
D. Thomas *hic.* ) Primum occurrit inu-  
tilium quæstionum, articulorum, & ar-  
gumentorum inanis inculcatio, quæ ad  
inveniendam veritatem parum idonea  
est ( nam ut ingenuè dixit Philo He-  
bræorum ille doctissimus. *Qui cavillari  
volunt, argumenta multiplicant; qui verò  
philosophari, rerum veritate contenti sunt* )  
& fastidium non mediocre addiscen-  
tium animis ingenerare, immò & ple-  
rumque nauseam movere consuevit.  
*Quemadmodum enim* ( inquit D. Bernar-  
dus *serm. 36. in Cantic.* ) *sumentis cibum,  
& non digerenti perniciosum est ei; cibus  
siquidem indigestus, & qui non habet bo-  
nam decoctionem, malos generat homores,  
& corrumpit corpus, & non nutrit, ita  
& multa scientia ingesta stomacho anima  
qui est memoria. Hinc D. Iustinus mar-  
tyr apolog. 2. ad gent. hæc de Christi  
doctrina*

doctrina scribit; Breves, ac praeclari sermones Christi existerunt, neque enim sophistes erat, sed vis Dei verbum illius.

10. Secundò, prætermisus disciplinæ ordo addiscentibus quam maximo impedimento esse solet. Quod egregiè D. Bernard. *ibid.* observandum nos voluit, dicens; *Nonne corporum medici diffiniunt medicina portionem eligere in sumendis cibis quid prius, quid posterius, & quemadmodum quidque sumi oporteat? Nam etsi bonos constat esse cibos, quos Deus creavit; tu tamen ipsos tibi, si in sumendo modum, & ordinem non serves, reddis planè non bonos. Ergo quod dico de cibis, hoc sentite & de scientiis. Sed melius mitto vos ad Magistrum; non est nostra sententia, immò illius & nostra, quoniam veritatis. Qui se, inquit, putat aliquid scire, nondum scit quomodo oporteat eum scire. Vides quomodo non probat multa scientem, si sciendi modum nescierit. Unde jure merito D. Gregorius Theologus orat. 1. de Theol. Quæ per se bona sunt, inquit, nisi bene tractentur, boni gratiam perdunt.*

11. Tertium est frequens, & inanis doctorum repetitio, & nimia dicendi prolixitas, quæ & confusionem, & fastidium auditorum animis ingenerare solet; & rusticum quendam tumultum, ut inquit Hila

Hilarius, *perturbata vociferatione præbere.* Quæ omnia summa cura, & ingenti studio cavit S. Doctor, & ab hac Theologiæ summa longè proscripsit. *Consideravimus*, inquit, *hujus doctrinæ novitios in his, quæ à diversis conscripta sunt, plurimum impediri. Partim quidem propter multiplicationem inutilium questionum, articulorum, & argumentorum. Partim etiam, quia ea quæ sunt necessaria talibus ad sciendum, non traduntur secundum ordinem disciplina; sed secundum quod requirebat librorum expositio, vel secundum quod se præbebat occasio disputandi. Partim quidem, quia eorundem frequens repetitio, & fastidium, & confusionem generabat in animis auditorum. Hac igitur, & alia hujusmodi evitare studentes tentabimus cum confidentia divini auxiliij, ea quæ ad sacram doctrinam pertinent, breviter & dilucidè prosequi secundum quod materia patietur.*

Breviter profectò D. Thomas innu-  
mera propemodum de Deo, rebusque  
divinis edisserens, ita tamen grata fa-  
cundia opus hoc peregit, ut si centies  
ipsum percurreris, semper futurum sit,  
ut tibi aliquid offerat quod addiscas. Si-  
milis est hac doctrina fonti largis, perenni-  
busque scaturienti fluentis ( ut verbis  
Chrysostomi hom. 3. in Genes. utar ) Qui  
ante

*ante nos fuerunt , pro viribus aquas inde hauserunt , & similiter qui post nos futuri sunt , idem attentabunt ; neque sic totum evacuare poterunt , sed magis interim augescunt flumina , & increscunt. Hac enim spiritualium fluminum natura est , ut hoc magis scaturiat , & accrescat , quò magis haurire studet. Breviter, inquam, S. Doctor sacram doctrinam exposuit , attamen ita nervosè , ut nihil huic desit , quo aut veritatem stabiliat , aut errores confutet ipsi adversarios ; quemadmodum & de Christi doctrina effatus est D. Hilarius lib. 3. de Trinit. dicens. Christus verbis brevibus & paucis omne opus officij sui , & dispensationis exposuit ; nihilominus fidei voluntatem adversus omnem inspirationem diabolica fraudulentia communiens. Et quamvis brevitatis intelligentiam auferre soleat , & obscurus quis fiat , dum brevis esse laborat , ipse tamen D. Thomas tam perspicuè , & dilucidè omnia recensuit , ut de hoc opere illud Tertulliani eloquium non immeritò pronunciatum quis dixerit. Ita claret , ut radiis solis scriptum putes. Vel ut uno verbo cum D. Chrysostomo prol. epist. ad Rom. rem absolvam ; Hujus lingua super etiam ipsum solem illuxit , ceteros omnes verbi doctrina exuperans. Et quam*

quam

quamvis stylus ejus simplex tibi videatur, nihil tamen eloquitur, nisi pro materiæ dignitate, ac præstantia; Quod & prius de Christo observari voluit D. Hilarius *lib. 9. de Trinit.* Quanta potuit Deus, inquit, verborum simplicitate evangelicam fidem loquutus est, & in tantum ad intelligentiam nostram sermones aptavit, in quantum natura nostra ferret infirmitas; non tamen ut quicquam minus dignum naturæ suæ majestate loqueretur. Et quod magis admiratione dignum est, si quis rem aliis verbis, etiam Ciceronianis, ut dicitur, explicare aggredietur, aut mentem S. Doctoris non dabit, aut dictorum ipsius auferet intelligentiam. Non enim relictus est hominum eloquiis (ut ait idem Hilarius *lib. ad Conot.*) de Dei rebus alius præterquam Dei sermo. Omnia reliqua, & arcta, & conclusa, & impedita sunt, & obscura; si quis aliis verbis demonstrare hoc, quam quibus à Deo dictum est, volet, aut ipse non intelligit, aut legentibus non intelligendum relinquit.

Sed quid mirum, ut paucis multa cum  
D. Chrysostomo *homil. 37. in Genes.* de hac doctrina complectar: Divina sunt hæc dogmata non humana, & propter hoc omnem illam doctrinam videre licet secus se habere, quam humanam. Illic enim in  
humana

*humana sapientia omne studium in concinnandis verbis adhibitum est, hic verò prorsus aliter. Nullam habent rationem pulchritudinis, vel compositionis verborum. Habent enim gratiam domesticam effulgentem, & pulchritudinem sententia qua dicuntur. Et illic post longam & indicibilem nugacitatem vix aliqua sententia venantibus occurrunt: hic autem parva dictio saepe nobis totum texit sermonem.*

14. Ducem igitur ac præceptorem angelicum divinæ voluntatis ac sui ipsius interpretem habentes: *Ea qua de Deo ac divina sunt cognoscamus, de iisque differamus, ut aiebat D. Gregorius Theologus, Differemus autem hinc unde satius est initium ducentes. Hinc porro satius est, unde Salomon nobis legem statuit. Principium sapientia, inquit, collige sapientiam. Adhibenda nobis prius est per virtutem in actione positam anima purgatio, atque ita ad contemplationis puritatem eundum, id est, divinam scientiam & doctrinam. Quemadmodum enim Israëlita, quamvis Moysis vultum cernere cuperent, tamen propter splendoris radios inde manantes, suamque infirmitatem, cum intueri non poterant: ad hunc quoque modum quicumque non per morum probitatem animos perpurgarint, cum Deo & Theologia frustra commercium habere conabuntur.*


QVÆSTIO



## QVÆSTIO PRIMA.

De ipsa Sacra Doctrina, qualis sit,  
& ad quæ se extendat.

**N**ECCESSARIUM est primò  
investigare de ipsa sacra do-  
ctrina qualis sit, & ad quæ se  
extendat, inquit S. D. Nam <sup>Sup.  
Dionys.  
cap. 1.</sup> mos eorum est, qui artificiosè  
scientias tradiderunt, quadam necessaria  
ad subsequendum planiorem intelligen-  
tiam, ceu faces praambulas anteferre, &  
praesertim ipsum sciendi modum.



## ARTICVLVS PRIMVS.

*Vtrum necessarium sit prater Physicas disci-  
plinas aliam doctrinam haberi.*

## CAPVT PRIMVM.

*Sensus tituli explicatur.*

**P**ER physicas disciplinas hîc intelligit S. D. **I.**  
omnes demonstrativas scientias: praeter- **2 2. q.**  
tim verò speculativas; nam practicæ magis **481. 1.**  
proprie **Ethic.**

**Lect. 1.** propriè dicuntur virtutes , quia sunt aliqua-  
**& 2.** rum principia operationum. Quare D. Au-  
 gustinus *lib. 8. de cin. cap. 4.* Philosophiam ,  
 cum Platone , in tres partes distribuit ; nimirum Naturalem seu Physicam , quæ contemplationi deputata est : Ethicam seu Moralem , quæ maximè in actione versatur : & Rationalem , quâ verum à falso discernitur. Quod autem præcipuè veniant intelligendæ scientiæ speculativæ , ratio in promptu est , quia in his felicitàtem humanam , sive salutem , & ultimum finem sapientes , qui rectè senserunt , collocandam esse censuerunt , ut docet S. D. 1. *sent. q. prol. art. 1.*

**2.** Nuncupantur autem disciplinæ , quia per  
**Opusc.** eas addiscentibus per institutionem & doctrinam Magistri , lumen naturale rationis adjuvantis scientia aggeneratur. Dicuntur autem naturales , seu physicæ , non quia de ente naturali seu mobili physico agant ; sed quia rerum naturalium contemplationi sunt deputatæ , vel actionibus hominum dirigendis addictæ , quantum per naturale rationis lumen comparari potest. Vnde dicuntur physicæ seu naturales , non quidem objectivè , sed emanativè , quia nimirum à naturali scientiarum principio , quod est intellectus per investigationem rationis procedens , dimanant & acquiruntur.

**3.** Nomine autem sacre doctrinæ , Theologiæ doctrinam , seu Theologiam divinam secundum suum acquiri , intelligenda venit : quâ perfectè de Deo rebusque divinis cognitio per lumen divinæ revelationis , quæ est perceptio divinæ veritatis in se , & non ex ejus effectibus



*Art. I. An sit necessaria, &c. Cap. I. 17*  
 feñtibus , habetur. Nam doctrina & disciplina  
 ad acquisitionem scientiæ pertinent. Et  
 enim doctrina nihil aliud est , quam actio do-  
 centis in addiscente , sicut effectio est actio  
 facientis in eo quod fit. Et quia omnis cog-  
 nitio præcipuè à principio activo , & ratio-  
 ne formali seu medio cognoscendi specifica-  
 tur ; idcirco sacra doctrina præcipuè ordinem  
 importat ad revelationis divinæ lumen. Su-  
 mitur ex S. D. 1. sent. ad Annibal. prol. q. 2.  
 art. 3. ubi ait : *docens est in quantum revelata*  
*divinitus manat.*

Nomine itaque *sacra doctrina* non venit in-  
 telligenda fides , quia de fidei necessitate agit 4.  
 D. Thomas 2. 2. q. 2. art. 3. & 4. Neque de  
 simplici doctrina fidei , quæ , tanquam lac  
 parvulis , omnibus Christi fidelibus dispen-  
 satur : sed de perfecta illa Theologiæ doctri-  
 na , quæ ad scientiæ acquisitionem pertinet. 1. Sent. q.  
 Vnde complectitur tam principiorum quam prol. art.  
 Conclusionum Theologicarum noticiam seu 1.  
 doctrinam ; nam infra ostenditur quod ipsa sit,  
 non modò scientia , sed & sapientia ; sapien-  
 tia autem complectitur , tam principiorum  
 intellectum ; quam conclusionum scientiam , 6. Ethic.  
 quia & de principiis , & de conclusionibus lect. 6. &  
 habet iudicare. Quia verò de veritatibus di- 12. q. 57.  
 vinis edoceri possumus , tum linguâ , cum art. 2.  
 scripturâ , *Cum enim lingua silet* , inquit Theo-  
 doretus de provid. orat. 14. *præcipuum loquu-*  
*tionis instrumentum* , loco eius inseruit manus ca-  
 lamo arrepta , & sermonis fit vehiculum , non  
 jam lingua sed charta : ideo passim à D. Thoma,  
 vocatur hæc sacra doctrina , Scriptura , quia  
 in Scripturis Sanctis loquitur nobis Deus,

tanquam longè positis, edocendo nos de veritatibus divinis, de quibus est hæc doctrina.

5. *i. Sent. q. prol. Rom. 1. lect. 1.* Ea propter hæc doctrina vocatur Sacra, Sancta, divinaque &c. Non modo quia est de Deo, rebusque divinis: sed quia speciali quodam jure ac privilegio à Deo, tanquam doctore in homines, ceu illius discipulos, ac Teodidactos divinitus transfusa est, secundum illud Ioan. 6. *Et erunt omnes docibiles Dei*, id est, omnes qui hanc doctrinam docentur, à Deo docentur. Hoc enim ipsum quod nos de Deo homines docent, à Deo revelante susceperunt, sive immediatè ut Apostoli & Prophetæ: sive mediatè, ut alij qui per hos fidei doctrinam acceperunt.

6. *Opusc. 7. & 20. ad Ephes. c. 2. lect. 3.* Per salutem intelligitur fœlicitas, seu beatitudo, quæ est ultimus finis & summum hominis bonum: & in contemplatione Dei ponitur. Quando enim aliquod consequitur id ad quod ordinatur, & ad quod factum est, salvari dicitur: è contra verò res illa perire ac deperdi creditur, quando finem, ad quem destinata est, minimè assequitur. Cum ergo propter Deum in se contemplandum, & eo beatè fruendum homo conditus sit, ut alibi dictum est, salvari dicitur, cum ad Dei contemplationem in se quodammodo pertingere valet. Tandem necessarium hic sumitur proptèr oppositum superfluo. Vnde sensus difficultatis est, utrum ad contemplationem perfectam Dei in se, quantum est in hac vita homini possibile, seu in via, qua ad patriam pergit, physicæ disciplinæ, seu demonstrativæ scientiæ sufficiant, ac subinde alia quævis doctrina

na sit superflua , ad perficiendum hominem in contemplatione Dei, finis ultimi ; an verò illæ ad hoc sint insufficientes , & ideo alia quædam doctrina divinitus inspirata , præter illas desideretur, ac necessaria sit.

Doctrinam aliquam divinitus inspiratam comparandæ salutis, seu veræ Dei contemplationi, utcumque necessariam vel utilem , Gentiles Philosophi , qui totum sciendi negotium animi rationibus commiserunt , rationisque investigationi , omnino negarunt , stultitiam reputantes quæ nobis à Deo esse revelata annuntiamus. Raymundus quoque Lullus apud Eymericum 2. part. *Directorij* §. *de erroribus Lulli errore* 96. hujus sacræ doctrinæ necessitatem minimè agnovisse convincitur : quippe qui omnes fidei articulos , qui sunt prima hujus doctrinæ principia , per rationes evidentes & demonstrativas posse probari asseruit, & multò perfectiùs quam per fidem , eorum haberi cognitionem. Cum duplex sit veritatum genus de Deo scibilium , aliæ quæ naturali rationis lumine , ejusque investigatione cognosci possunt , ut Deum esse , incorporeum , infinitum &c. aliæ verò quæ nonnisi per supernaturalem illustrationem , ac divinam revelationem , Theologi quidam asseruerunt ad utrasque veritates tunc naturales , cum supernaturales , de Deo sciendas sacram doctrinam simpliciter esse necessariam. Sed communis opinio est , quod nonnisi ad supernaturales illas veritates perfectè cognoscendas sacram doctrinam haberi simpliciter necessarium fuerit , ad alias verò utile ; quia earum cognitio per investigationem rationis sufficienter haberi potest , immo fuit à quibusdam Philosophis comparata.

7.

I. Cont.  
gent. c. 3.  
& 4.

## CAP V T I I.

## Deciditur questio.

8. **C**onclusio D. Thomæ est : Non fuit superfluum immo necessarium ad humanam salutem esse doctrinam quandam secundum revelationem præter philosophicas disciplinas, seu demonstrativas scientias, quæ ratione humana investigantur. Probat S. D. in *sed contra* ex Apostolo 2. ad Timoth. 3. dicente : *Omnia scriptura divinitus inspirata utilis est ad docendum, ad arguendum, ad corripiendum, ad erudiendum ad justitiam* ; sed scriptura divinitus inspirata non pertinet ad physicas disciplinas, quæ sunt secundum humanam rationem inventæ : utile igitur est præter physicas disciplinas aliam doctrinam haberi.

9. Probat S. D. ratione, primò : ultimus hominis finis & salus ejus, est contemplatio Dei in se, quæ perfecta erit in patria, & est illi possibilis in via secundum fidei suppositionem : sed ad perfectam Dei contemplationem in se nequeunt sufficienter disponere, & hominem perficere philosophiæ disciplinæ : ergo necessarium fuit præter eas aliam doctrinam haberi. Prob. minor : ea quæ sunt ad finem, debent esse fini proportionata : sed physiciæ disciplinæ non sunt medium proportionatum ad consequendam perfectam Dei contemplationem in se, quia hæc rationis capacitatem excedit : ergo ad perfectam Dei contemplationem in se nequeunt physiciæ disciplinæ sufficienter hominem

*Art. I. An sit necessaria, &c. Cap. I I. 21*  
 minem disponere, seu perficere in cognitione  
 Dei. Minor prob. ex illo Isaïæ cap. 63. *Oculus*  
*non vidit Deus absque te, quæ preparasti diligen-*  
*tibus te.* Hoc est, nemo perfectam, & manife-  
 stam Dei cognitionem, in qua felicitas con-  
 sistit potest accipere, nisi Deus ipse concesserit,  
 ac revelaverit. Vt habetur ex Glossa *ibidem*.  
 Vnde S. Hilarius *lib. 4. de Trinit.* inquit: *Ne-*  
*que scientiam cælestium per semet humana imbe-*  
*cillitas consequetur, neque invisibilem intelli-*  
*gentiam ipsi sibi corporalium sensus assumet: non*  
*enim vel quod creatum in nobis, atque carnale est,*  
*vel quod in usum vitæ nostræ ex Deo datum est,*  
*suomet judicio naturam creatoris sui, opusque dis-*  
*cernet. Non subeunt ingenia nostra in cælestem*  
*scientiam, neque incomprehensibilem virtutem*  
*sensu aliquo infirmitas nostra concipiet.* Videndus  
 D. Clemens Alexand. *lib. 5. Stromat.*



Deinde probat *ibid.* quod ad illas veritates,  
 quæ naturaliter de Deo demonstrativè cognos-  
 ci possunt, necessarium etiam fuit doctrinam  
 quandam divinitus inspiratam haberi; quia  
 sunt multæ veritates de Deo naturaliter co-  
 gnoscibiles, quæ sunt præambulæ ad perfe-  
 ctam Dei contemplationem, & à quibus tota  
 hominis salus dependet, sicut Deum esse, in-  
 corporeum, sapientem &c. de rebus providen-  
 tiam habere &c. sed hæ nequeunt sufficienter  
 cognosci per physicas disciplinas prout compe-  
 tit ad salutem; ergo etiam ad has veritates co-  
 gnoscendas necessarium fuit hominem divina  
 revelatione instrui. Maior patet, ignorato enim  
 an Deus sit, & de rebus curam gerat, penitus  
 impossibile est Dei cognitionem haberi perfe-  
 ctam. Vnde Apostolus *ad Hebr. cap. 11.* dixit,

**IO.**  
 1. Cont.  
 gent.  
 cap. 4. de  
 verit. q.  
 14 art. 10.  
 in corp.  
 2. 2 q. 7.  
 art. 7. in  
 corp.

*quod accedentem ad Deum oportet credere, quia est, & quod inquirentibus se remunerator sit.* Minor verò probatur, hujusmodi cognitio debet esse communis, seu facilis, ut ab omnibus haberi possit, & à principio, debetque esse sine errore, cum sit operatio perfecta: sed veritas de Deo investigata per rationem, nonnisi à paucis haberetur, ac post longum tempus, atque cum multorum admixtione errorum: ergo veritates de Deo scibiles & quas ad salutem scire necessum est, nequeunt sufficienter per physicas disciplinas cognosci. Major patet, quia aliàs non videretur homini sufficienter provisum de mediis ad salutem necessariis, qualis est Dei cognitio, nisi hoc modo haberi posset.

3. Cont.  
gent. c.  
38. &  
seq.

**II.** Minor verò probatur, ad cognoscendum veritates divinas oportet sensum derelinquere, imaginationem, seu phantasiā; immò etiam ipsum intellectum, quia Deus in se nihil est sensibilem, imaginabilem, ac nequidem eorum aliquid, quæ ex effectibus creatis intelligere valemus; sed pauci homines sensibilia, & imaginabilia transcendere sunt idonei, & si sint, hoc nonnisi post longum tempus, & cum admixtione multorum errorum (ut *cap. seq.* ostendetur:) ergo veritas de Deo per rationem investigata nonnisi à paucis haberetur, postque longum, ac diutinum tempus, ac denique cum multorum admixtione errorum. *Concedamus ergo* (inquit D. Hilarius *lib. 1. de Trinit.*) *cognitionem sui Deo, dictisque ejus pia veneratione famulemur, idoneus enim sibi testis est, qui nisi per se cognitus non est. Torpemus quodam natura nostra pigro stupore, & ad res illius intelligendas*

Sup.  
Dionys.  
c. 7. lect.  
4.

*Art. I. An sit necessaria, &c. Cap. II. 23*  
*gendas intra ignorantia ingenij nostri imbecillitate cohibemur: sed doctrina ipsius studia ad sensum nos divina cognitionis instruunt, & ultra naturalem opinionem fidei obedientia provehit.*

Confirmatur, necessitas alicujus rei potissimum ex defectu illius cognoscitur; sed ex ignorantia, & defectu sacrae doctrinae, seu scientiae divinae circa veritates naturales divinas mundi sapientes, aut rationi naturali se committentes in turpissimos errores prolapsi sunt: ergo omnino ad perfectam divinorum cognitionem etiam de Deo naturaliter scibilium necessum fuit hominem divina revelatione instrui. Minorem late probant omnes ferè Patres praesertim D. Chrysostomus *orat. 16. epist. 1. ad Corinth.* dicens: *Philosophi sceptro scientia, & cognitionis dato rationibus impietatis pelagus imbecilli effecti intrarunt, protinus abyssum malorum invenerunt, dicentes ex iis, quae non sunt, nihil fieri, sed ex materia ingenta, unde etiam haereses pepererunt innumerabiles.* Videndi sunt idem D. Chrysostomus *orat. 4. in 1. ad Corinth.* Lactantius *lib. 3. divin. institut. cap. 1.* Eusebius *lib. 7. Hist. cap. 8.* Hilarius *lib. 1. de Trinit.* Tertullianus *in apologetico adversus gentes, & alij.*

Nota, quod cum doctrina, seu scientia aliqua tota virtute in principiis contineatur, hæ rationes D. Thomæ potissimum sacrae doctrinae necessitatem ostendunt quoad cognitionem principiorum ejus, quæ oportet fide, ac revelatione divina suscipi; vel quia naturalem intelligentiam veritas eorum excedit, sicut Deum esse in Trinitate unum, vel saltem virtutem, & facultatem multorum, sicut verita-

I 2.

In epist.  
1. ad Corinth.  
cap. 12.

I 3.

Hic art.

24 *Quest. I. De Sacra Doctrina*,  
res principiorum Theologiæ de Deo per ra-  
tionem demonstrativè cognoscibiles. Et exin-  
de necessitatem doctrinæ revelatæ etiam prout  
dicit cognitionem eorum quæ ex fidei princi-  
piis deducuntur, arguit; quia nonnisi per hu-  
jusmodi principia, seu virtuales revelationem  
cognosci possunt.

### C A P V T I I I.

*Quo pacto, quave ratione Sacra doctrina  
sit ad salutem necessaria.*

14. **N**Otandum est primò, quod rerum nos ad  
1.2.q.111. beatitudinem ducentium, seu utilium  
art. 1. q. quædam nos immediatè ultimo fini coniu-  
63.art.3. gunt, seu ad illum ordinant, sicut gratiæ, &  
ad 2. q. virtutes Theologicæ, seu fides per dilectionem  
98 art. 5. operans. Quædam vero duntaxat quatenus sunt  
ad 3. dispositiones quædam, ac præparationes ad fi-  
nem illam generandam, nutriendam, defen-  
dendam, roborandam, aut aliquid hujusmodi  
conferentes, sive ad divinorum perfectam co-  
gnitionem, sive ad rectam operandi, ac viven-  
di normam, sicut virtutes infusæ morales, &  
gratiæ gratis datæ. Res primi generis omninò,  
& simpliciter, seu absolutè necessariae sunt ad  
salutem. Vnde dicitur *Hebr. 11. Quod sine fide  
impossibile est placere Deo.* Et 1. Ioann. 3. *Qui  
non diligit, manet in morte.* Ex secundis autem  
quædam simpliciter ad salutem necessariae sunt,  
quemadmodum virtutes infusæ morales, in-  
quantum per illas anima perficitur circa alias  
res, in ordine tamen ad Deum finem superna-



*Art. I. An sit necessaria, &c. Cap. III. 25*  
 turalem, cui immediatè secundum quandam  
 inchoationem virtutes Theologicæ coniun-  
 gunt. Aliæ sunt ad hunc finem tantummodò  
 utiles, & ad melius ut cœlibatus, voluntaria  
 paupertas, & rerum omnium abdicatio &c.  
 Cum sine his maxima pars hominum salutem  
 consequatur æternam. De doctrina sacra est  
 dubium, an sit ad salutem hoc modo simplici-  
 ter necessaria, an tantummodò utilis.

Notandum est secundò quod rei necessitas,  
 vel utilitas ex fine pensanda est; rebus autem  
 creatis à divina providentia duplex est ordo in-  
 ditus. Primus est rerum omnium ad ultimum  
 finem, ipsum videlicet Deum. Et secundum  
 hunc ordinem per fidem, & alias virtutes  
 theologicas homo in Deum, ceu finem super-  
 naturalem ordinatur. Secundus est ordo unius  
 rei ad aliam, in ordine tamen ad finem ulti-  
 mum; & hoc pacto gratiæ gratis datæ necessa-  
 riæ sunt, ut unius ministerio alij ad Deum or-  
 dinentur. Hunc duplicem ordinem quodam-  
 modo Theologiæ doctrina respicit; nam me-  
 diante fide hominem ad perfectam Dei cogni-  
 tionem, seu contemplationem ejus in se, &  
 non ex effectibus creatis ducit; perfectam, in-  
 quam, quantum in hac vita possibile est. Vnde  
 Apostolus *Ad Phil. cap. 1.* eam, *omnis boni agni-  
 tionem*, vocat, quia ut vult *ibidem* Anselmus  
 per eam *ad hoc pervenit, ut omne bonum, prout  
 in hac vita possibile est, agnoscat, id est, intelli-  
 gat, à malo discernat, & quale sit, sciat.* Et  
 hoc pacto dicitur docens, quia de divinis per  
 revelationem divinitus edocemur. Per eam  
 etiam unus homo alios habet in Deum ordi-  
 nare; pertinet enim ad gratias gratis datas, quæ  
 ad

I 5.

I. Sent.  
 dist. 48.  
 q. 1. ad 4. c.

I. Sent.  
 q. prol.  
 art. 1. in  
 corp. &  
 1. ad An-  
 nib. q. 2.  
 prol. art.  
 3. in  
 corp.

ad utilitatem aliorum ordinantur. Et hoc modo utentis rationem habet ; estque duplex ejus usus , seu operatio , & finis quem Apostolus describit *ad Titum* 1. dicens ; *Vt sit potens exhortari in doctrina sana, & eos qui contradicunt arguere.* Quia videlicet exhortari debet infideles ad fidem , peccatores ad poenitentiam , justos ad profectum , & omnis contradictor est convincendus. Vnde D. Thomas *in 2. ad Timoth. cap. 3. lect. 3.* docet quod sacra doctrina est utilis ad cognoscendam veritatem , & ad dirigendum in operatione , nimirum circa finem supernaturalem ostendendo ipsum. Primo modo perficiendæ rationi speculativæ deservit docendo veritatem , & repellendo errorem. Secundo modo utilis est ad perficiendum rationem practicam, ostendendo bonum amplectendum ; & malum fugiendum. Vnde quadruplex est effectus sacrae doctrinae , seu scripturae , inquit S. D. scilicet docere veritatem , arguere falsitatem , quantum ad speculativam : eripere à malo , & inducere ad bonum , quantum ad practicam ; ultimus autem ejus effectus est , & finis , ut perducatur homines ad perfectum. Non enim qualitercunque bonum facit, sed perficit.

16. Certum est quod si de sacra doctrina in tota sua latitudine sermo fiat , prout etiam comprehendit simplicem articulorum fidei doctrinam, eam esse simpliciter ad salutem necessariam, quemadmodum & fidem ; cum sit de necessitate salutis aliquid distinctè , & explicitè credere , ut docet D. Thomas 2.2. *quaest. 2. art. 5.* distinctio autem , ac determinatio articulorum nonnisi per doctrinam habetur, ut sumitur ex Apostolo ad

*Art. I. An sit necessaria, &c. Cap. III. 27*  
 ad Rom. 10. dicente; *Fides ex auditu, auditus autem per verbum Christi.* Vbi D. Thom. *lec. 2. Ad fidem, inquit, duo requiruntur, quorum unum est cordis inclinatio ad credendum, & hoc non est ex auditu, sed ex dono gratia. Aliud autem est determinatio de credibili, & istud est ex auditu. Et ideo Cornelius, qui habebat cor inclinatum ad credendum, necesse habuit, ut ad eum mitteretur Paulus, qui sibi determinaret, quid esset credendum.* De sacra igitur doctrina, prout est perfecta Dei, divinarumque veritatum cognitio, quantum possibilis est homini in via, habetque nomen scientiæ, ac sapientiæ, difficultas procedit, tam respectu veritatum supernaturaliter, quàm naturaliter de Deo cognoscibilem.

Prima conclusio; Sacra Theologiæ doctrina non est omninò, & simpliciter, seu absolute ad salutem necessaria, & per modum formæ conjungentis immediate nos Deo, seu virtutis operantis circa finem supernaturalem; sed tantum est necessaria quoad modum perfectè cognoscendi veritates divinitas, & ad perfectè instruendum alios in fide, & moribus, seu per modum illuminationis, & tanquam quædam dispositio ad fidem, quam præsupponit, generandam, nutriendam, defendendam, & roborandam. 17.

Sumitur ex D. Augustino *lib. 1. de doctr. Christi.* ubi ait; *Tria hæc sunt, quibus & scientia omnis, & Prophetia militat, fides, spes, charitas; homo itaque fide, spe, & charitate subnixus, eaque inconcussè retinens non indiget scripturis, nisi ad alios instruendos. Itaque multi per hæc tria etiam in solitudine sine codicibus vivunt.* Vnde 18.

*Vnde in illis jam arbitror completum esse quod dictum est; Sive Prophetia evacuabuntur, sive lingue cessabunt, sive scientia destruetur. Quibus tamen quasi machinis tanta fidei, spei, & charitatis surrexit instructio, ut perfectum aliquid tenentes, ea, quae sunt ex parte, non quarant. Perfectum sanè quantum in hac vita potest.*

Idem docet D. Chrysostomus homil. 9. in epist. 2. ad Timoth. ubi ait; *Omnis huiusmodi Scriptura utilis, & divinitus inspirata est. Nihil ergo dubites, est utilis, inquit, ad docendum, ad arguendum, ad corripiendum, ut sit perfectus homo Dei ad omne bonum opus instructus. Ad docendum, si quid vel discere, vel ignorare opus sit, addiscemus; si arguere, falsitatem inde hauriemus; si corrigi, si castigari ad exhortationem; ad solatium si quid sit, & oporteat adipisci ex ea discimus, ut perfectus sit homo Dei. Non ergo sine illa perfici potest; Quid expressius pro sacrae doctrinae necessitate. Non ergo, inquit, sine illa potest. Ergo ad perfectum omnino desideratur, ac simpliciter necessaria est. D. Hilarius etiam in Psal. 118. Plures, ait, arbitrantur simplicitatem fidei ad absolutam aeternitatis spem posse sufficere, tanquam innocentiae studium doctrinae caelestis non egeat institutis; res aliter se habet. Idem docet lib. 4. de Trinit. Hoc etiam asserunt D. Iustinus Martyr in expositione fidei. D. Irenaeus lib. 2. contra haereticos cap. 47. D. Basilii lib. 5. adversus Eunomium cap. 16. D. Hieronymus epist. 8. de scientia divinae legis. Lactantius divin. institut. lib. 2. ac 3. Sedulius in 1. ad Corinth. ubi ait; *Sicut plantatio sine aqua, sic fides sine doctrina, & alij.**

19. Probatur prima pars ex dictis; quia fides formata

*'Art. I. An sit necessaria, &c. Cap. III. 29*

formata charitate, ac virtutibus exornata absolute, & omnino sufficit ad salutem absque sacra Theologiæ doctrina: ergo sacra Theologiæ doctrina non est omnino, & simpliciter, seu absolute ad salutem necessaria.

Rom. 1.  
lect. 6.  
Galat. 3.  
lect. 4.

Secunda verò pars prob. breviter; In sacra scriptura præceptum divinum datur de sacra doctrina ediscenda etiam sub æternæ damnationis supplicio, ut patet *Deuteronom. cap. 6. & 17. Malach. 2. & Oseea 4.* sed præcepta Dei sunt de his, quæ secundum se sunt de necessitate salutis: ergo sacra doctrina est simpliciter ad salutem necessaria. Neque hoc præceptum intelligi potest de qualibet doctrina, sed perfecta, & quæ habet rationem scientiæ, quia loc. cit. fit sermo de doctrina, quæ propter sui perfectionem, scientiæ nomen sibi vindicat; dicitur enim *Malachia 3. Labia sacerdotis custodient scientiam, & legem ex ore ejus requirent, quia angelus Domini est. Vbi glossa; Si sacerdos de lege interrogetur, doceat; resistentes convincat; alioqui frustra dignitatem jactat, qui non exhibet operationem.* Quæ omnia profectò peritiam legis, fideique scientiam exigunt non modicam; signum enim perfectè scientis est posse docere, sapientisque officium non mentiri, & mentientem posse ostendere, seu repellere ut docet D. Thom. 1. *cont. gent. cap. 1.* explicans illud Proverb. 8. *Veritatem meditabitur guttur meum, & labia mea detestabuntur impium.*

20.  
2.2. q. 16.  
2.2. c. &  
q. 147.  
art. 4. ad  
1. in 4.  
dist. 15.  
q. 3. 2. 2.  
ad 1.

Tertia pars probatur ex D. Augustino *lib. 14. de Trinit. cap. 1.* dicente; *Huic scientia tribuitur illud tantummodò, quo fides saluberrima, qua ad veram beatitudinem ducit, gignitur, nutritur, defenditur, roboratur.* Ex quibus sic simpliciter necessaria

21.

necessaria est ad salutem fides; sed ad fidem generandam, quantum ad determinationem, & explicationem ejus ad determinata credibilia simpliciter necessaria est sacra doctrina, ut patet in tot Conciliorum, & Summorum Pontificum definitionibus, quæ nonnisi post multam discussionem, ad quam maximâ opus est scripturarum, & sacræ doctrinæ peritiâ, fiunt.

22. Quod sit etiam necessaria ad fidem nutriendam satis docet Concilium Valentinum Gallicæ III. *Can. 18.* dicens: *De Scholis tam divine, quam humana litteratura, necnon & Ecclesiastica cantilena juxta exemplum Prædecessorum nostrorum aliquid inter nos tractetur, & si potest fieri statuatur atque ordinetur; quia ex hujus studij longa intermissione pleraque Ecclesiarum Dei loca, & ignorantia fidei, & totius sapientia inopia invasit. Placet formatum.* &c. Et D. Hieronymus loquens de sacra doctrina in *epist. ad Titum cap. 3.* ait; *Inter frugiferas arbores æstimo tenere primum lignum vitæ, quod est sapientia, nisi enim in medio illa plantetur, ligna cetera siccabuntur.* Quantum autem ad defendendam fidem, & evertendas hæreses conferrat, nullus non videt, & nos *art. 8.* ostendemus.

23. Secunda conclusio: sacra Theologiæ doctrina est simpliciter necessaria ad eas veritates de Deo cognoscendas, quæ naturalem rationem excedunt. Ad eas verò quæ naturali rationis lumine assequi possunt, est utilis. Ita communiter Theologi. Et patet: quia plurimi gentilium Philosophi has veritates de Deo naturaliter demonstrabiles cognoverunt, quamvis nonnulli circa ipsas erraverint. Et qui in eis  
verum

*Art. I. An sit necessaria, &c. Cap. IV. 31*  
verum dixerunt post longam & laboriosam in-  
quisitionem ad hujusmodi veritatum cogniti-  
onem vix pervenire potuerunt; ergo utile fuit  
ad eas cognoscendas sacram doctrinam haberi.

## C A P V T I V.

### *Diluuntur argumenta contraria.*

**A**Rguitur primò: ad ea, quæ rationem exce- 24.  
dunt humanam, non debet homo eniti;  
scriptum est enim *Eccles. 3. Altiora te ne qua-*  
*sieris*, id est, *ne quæras id quod eminet supra vi-*  
*res tuas*, ut habet textus Arabicus; sed ea quæ  
de Deo, rebusque cæteris ratio cognoscere va-  
let, sufficienter in philosophicis traduntur dis-  
ciplinis; superfluum igitur videtur præter phy-  
ficas disciplinas aliam doctrinam haberi.

Resp. S. D. quod licet ea, quæ sunt homi- 25.  
nis cognitione superiora, non sint ab eo per ra-  
tionem inquirenda, (totam nimirum veritatis  
inventionem animæ rationibus committendo)  
sunt tamen à Deo revelata per fidem suscipien-  
da; unde & ibidem subditur; *plurima supra*  
*sursum ostensa sunt tibi*; id est, *plura quam pro*  
*humano captu tibi sunt patefacta*, ut legit Tigur-  
ina; vel, *elatus es supra id quod superius te est*;  
ut habet Arabicus. Et circa hujusmodi res sa-  
cra doctrina versatur, nimirum prout sub-  
sunt divinæ revelationi. Hanc solutionem in-  
dicat S. Epiphanius in lib. Ancorat. Si vcrò  
inquit, reprehendit nos divina scriptura dicens:  
*Altiora te ne quasieris*; ergo dixerimus etiam de  
*spiritu sancto, quod non magis per curiositatem, &*  
non

32 *Quaest. 1. De Sacra Doctrina,*  
*non legitime perscrutantur profunditates Dei ?*  
*Absit. Sed quoniam digni sunt sancti, ut spiritus*  
*sanctus in ipsis habitet ; ubi in sanctis fuerit spi-*  
*ritus sanctus , largitur ipsis , ut perscrutentur*  
*profunditates Dei , ad hoc ut profundè glorificent.*  
*Quemamodum etiam David hoc confitetur. De*  
*profundis , inquit clamavi ad te Domine, & juxta*  
*infinitam magnitudinem, & non modicè parcèque,*  
*& imperfectè.*

26. Arguitur 2. Doctrina non potest esse nisi de ente ; nihil enim scitur nisi verum , quod cum ente convertitur , sed de omnibus entibus tractatur in physicis disciplinis , etiam de Deo : unde quædam pars Philosophiæ dicitur Theologia , sive scientia divina ; ut patet per Philosophum in 6. *Metaph.* non fuit igitur necessarium præter Physicas disciplinas aliam doctrinam divinitus inspiratam haberi , saltem ad ea cognoscenda quæ de Deo ratione naturali investigari , & cognosci possunt.

Resp. S. D. hic & 1. 2. *quaest. 54. art. 2. ad 2.* quod diversa ratio cognoscibilis diversitatem scientiarum inducit , eandem enim conclusionem demonstrant Astrologus , & naturalis ; nimirum quod terra sit rotunda , sed Astrologus per medium mathematicum , id est à materia abstractum , sicut per figuras eclipsum ; naturalis autem per medium naturale , aut circa materiam consideratum ; sicut per motum gravium ad medium , vel aliud quidpiam hujusmodi. Vnde nihil prohibet de eisdem rebus de quibus physicæ disciplinæ agunt , prout sunt lumine naturalis rationis cognoscibiles , & aliam scientiam agere , quatenus divinæ revelationis lumine cognoscuntur.

Contra



Contra hanc solutionem Scotus *quest. 1. prol.* dupliciter arguit; primò si de cognoscibilibus à Theologiæ doctrina, in aliis scientiis cognitio tradi valet, quantumvis sub alio & distincto lumine; ergo de eis non est necessum aliam cognitionem Theologicam haberi. Conseq. patet exemplo ab ipso D. Thoma adducto; si quis enim per medium physicum terram rotundam esse cognoscat, hoc ei sufficit, nec ulterius aliquam ejusdem veritatis cognitionem per medium mathematicum suscipi erit simpliciter necessarium. Secundò quia per hanc solutionem non Theologiæ necessitas inducitur, aut salvatur, quam argumentum labefactare intendebat, sed tantummodo ejus distinctio ab aliis scientiis propter mediorum diversitatem, quam quidem distinctionem argumentum minime impugnabat.

Sed profecto Scotus sine fundamento solutione D. Th. coarguit. Patet enim, quod distinguendæ sunt scientiæ, & virtutes perficientes intellectû, non modò propter diversa scibilia, sed etiam propter diversum modum sciendi eandem rem. Quod patet primò in Christo, qui habuit scientiam acquisitam rerum naturalium, quas per scientiam beatam in verbo videbat; scientia autem beata, & acquisita distinguuntur specie. Secundò quia intellectus principiorum, sapientia, & scientia multoties sunt de eisdem rebus, & tamen sunt diversæ virtutes intellectuales propter diversum modum cognoscendi. Diversæ itaque scientiæ dupliciter dantur, & necessariae sunt ad perficiendum intellectum, vel propter diversitatem rerum scibilium, sicut distinguuntur Moraphysica, Mathematica & Physica

propter diversitatem formalem scibilium ; vel propter diversos modos cognoscendi , & perficiendi intellectum in ordine ad idem scibile materialiter ; quo pacto distinguuntur , & necessariae sunt diversae virtutes intellectuales.

29. Vnde ad primam objectionem respondetur distinguendo conseq. non est necessum aliam cognitionem Theologicam haberi ex parte rerum seu objectorum , concedo ; ex parte modi cognoscendi , & perficiendi intellectum in cognitione , & iudicio de veritatibus divinis penes diversa principia formalia effectiva , nego. Ad probationem dicimus quod si quis per medium physicum terram esse cognoscat , ei in tali genere , scil. physico , huiusmodi cognitionem sufficere ; sed neutiquam in omni genere , & modo quo cognoscibilis est huiusmodi conclusio. Vnde Physica , & Astrologia respectu ipsius cognitionis suscipiendae desiderantur , non propter diversam rem cognoscibilem , sed propter diversam cognoscibilitatis rationem formalem objectivam ; & Theologia naturalis , & divina etiam propter diversam rationem formalem effectivam , nimirum diversum lumen , ut supra explicatum manet.

30. Ad secundam objectionem responderetur , per solutionem à D. Thoma adductam , & sacrae doctrinae à disciplinis diversitatem explicitè notari , & ex diversitate necessitatem illius optimè induci. Etenim semel admissio , prout manifestè admittendum est ; divinorum Deique cognitionem ad salutem , & perfectionem homini esse necessariam ; si aliàs constet diversimodè hanc comparari posse , nimirum per physicas disciplinas , imperfectè quidem , & non satis compe

competenter ad salutem, quod probatum reliquerat in corpore; & per divinam inspirationem, optimè infertur, quod necessarius sit iste cognoscendi modus, istaque divinæ veritatis competens manifestatio, cum Deus in necessariis ad salutem non deficiat.

Circa id quod S. D. in fine ait, nimirum quod 3 I.

*Theologia, quæ ad sacram doctrinam pertinet, differt secundum genus ab illa Theologia, quæ pars philosophiæ ponitur.* Nota quod genus dupliciter sumitur; primò pro eo, quod de multis specie differentibus prædicatur; secundò prout significat

1. 2. q. 18.  
art. 2. &  
in 2. d.  
34. art. 2.  
ad 1.

rationem vel originem, seu generationis principium. Quo pacto dicitur genus Romanorum tota hominum multitudo à Romulo descendens, & propagata, seu originata. Et hoc pacto sumitur hic genus cum dicitur, quod *Theologia, quæ ad sacram doctrinam pertinet, differt secundum genus*, idest secundum originem, & rationem formalem scibilem; quia origo illius est divina revelatio, & ordinem dicit ad objectum per lumen divinæ revelationis dumtaxat scibile; Theologiæ verò, quæ pars Philosophiæ ponitur (idest Metaphysica) origo est lumen naturalis rationis, & ens, inquantum ens per abstractionem ab omni materia sub tali lumine factam respicit. Sumitur ex eodem S. D. q. 12. de verit. art. 1. ad 7. dicente, *Habitus infusus est perfectior quam acquisitus secundum genus suum, scilicet ratione originis, & ratione ejus ad quod datur &c.*

## CAPVT V.

*De nomine, ortu, progressu, ac multiplici  
Theologia divisione.*

32. **T**heologiæ nomen, *sermonem*, seu *rationem*  
 de Deo significat, non quamlibet, sed ar-  
 tificiosam, ut reor, *logos* enim, teste D. Ba-  
 1. hic q. 1. filio in cat. *græca Ioan. cap. 1. artificiosa est*  
 art. 7. & oratio.  
 1. sent. q. prol.

33. Theologi, ac Theologiæ vocabula apud Græ-  
 cos non ita latè patere inveniuntur, quam apud  
 Opusc. 2. c. 2. 3. Latinos. Cum enim universa fidei, seu creden-  
 P q. 2. dorum doctrina circa tria potissimum versetur,  
 art. 6. ad Trinitatis nimirum Deitatem, Verbi Dei in car-  
 1. ne dispensationem, & divinitatis effectus, tum  
 naturæ, cum gratiæ, & gloriæ, Theologia ab  
 ipsis pressius usurpata invenitur pro sola ea  
 scientiæ parte, quæ de divinitate edisserit, &  
 prout quandam, ut ita dicam, oppositionem  
 notat ad ipsam Oeconomix tractationem. Que-  
 madmodum colligere est ex D. Gregorio Na-  
 zianzeno *orat. 20. & 42.* Vnde Theologi nuncu-  
 pari consueverunt, qui divinitatis doctrinam  
 sermone vel scripto prosequuntur. Sic D. Ioan-  
 nes Evangelista ex omnibus Evangelij scripto-  
 ribus Theologi cognomento potissimum insi-  
 gnitus est, quod cæteris in expromenda æter-  
 ni Verbi divinitate altiùs ipse se evexerit, ut  
 notant D. August. *lib. 1. de consensu Evangel.*  
*cap. 4.* D. Thom. in *prefat. Evang. secundum Ioan-*  
*nem*, & alij communiter. Eodem etiam nomi-  
 ne postea compellatus est D. ille Gregorius Na-  
 zianzenus,

*Art. I. An sit necessaria, &c. Cap. V. 37*  
zianzenus, quod nemo ex Patribus Græcis  
Deitatis materiam sublimiori, ac graviori stylo  
pertractaverit.

Oeconomix autem tractatio duplex apud eos  
constituta est; altera Verbi divini in carne di-  
spensationem concernit; altera in creaturarum  
multimoda Dei providentia versatur, præsertim  
hominis. Oeconomix vocabulum ab iis, qui  
apud Græcos Theologiæ laude floruerunt, fre-  
quentiùs, ac magis propriè ad Verbi Incarnatio-  
nem referri consuevit. Eapropter Doctores, qui  
de hisce rebus differebant, non jam in Theolo-  
gia, sed in Oeconomia versari dicebantur.

Apud Latinos autem *Theologia* vocabulum  
omnem eam scientiam complectitur, quæ non  
modò, de Deitatis Trinitate, sed & de utraque  
Oeconomia, innò & de morum institutione  
pertractat; Theologi autem nuncupantur, qui  
hujusmodi scientiam tenent, atque profitentur.  
Quæ significatio à Græca sapientia minimè ab-  
horrere putanda est. Nam D. Dionysius Apo-  
stolos ubique Theologos vocat, & sacram scri-  
pturam, Theologiam; hæc autem quemadmo-  
dum & illi de omnibus hisce rebus doctrinam  
tradunt.

Duplex Theologiæ modus, seu genus apud  
probatissimos quosque authores distingui con-  
suevit; altera humana, seu naturalis; divina,  
ac supernaturalis altera. Illa de Deo rebusque  
divinis, prout sunt naturali intellectus lumi-  
ne, & rationis investigatione cognoscibiles, edis-  
serit. Altera, nimirum divina ac supernatu-  
ralis, Dei divinorumque notitiam supernæ illu-  
minationis à Deo patre luminum immediatè  
descendentis beneficio, & non solius naturalis

34.

35.

36.

1. p. q. 1.  
2. 1. ad 2.  
& 1. sent.  
q. prol.  
art. 1.

38 *Quest. I. De Sacra Doctrina*,  
luminis operâ tradit, definitur à D. Augustino;  
*Scientia de rebus ad salutem animæ pertinentibus.*  
Quæ sunt fidei instructio, & morum infor-  
matio.

37. Antiqui Philosophi triplex humanæ, seu na-  
turalis Theologiæ genus distinxerunt, ut Au-  
thor est D. August. *lib. 6. de Civit. Dei cap. 5.*  
Vnum Myticon, seu fabulare, aut fabulosum  
ipsis Poëtis attributum; alterum naturale, seu  
physicum ac etiam mysticum, quod Philoso-  
phi maximè approbarunt. Tertium civile, seu  
politicum Sacerdotes spectans, quibus ritus  
sacrorum & cura divini cultus incumberebat.  
Hanc etiam divisionem nobis traditam reliquit  
Eusebius *lib. 3. de preparat. Evang. cap. 1.* Et  
his multò anterior Plutarchus *lib. 1. de placit.*  
*Philos. cap. 6.*

38. Naturalis Theologia, Dij qui sint, ubi, quod  
genus, quale, ex quonam tempore, an ex sem-  
piterno fuerint, an ex igne sint, ut credit He-  
raclitus, an ex numeris constent, ut Pythagoras  
voluit, an ex athomis, ut Epicurus, an ex  
aqua, ut Thales, an res humanas curent, &  
similia pertractat, quæ Gentilium Sapientes de  
Deo, rebusque divinis protulerunt, ut pluri-  
mum ita absurda, ut faciliùs intra parietes in  
Schola, quam extra in foro aures ferre possint.  
Vnde hoc genus Theologiæ à foro removet Var-  
ro, id est à populis, Scholis verò, & parietibus  
clausit. Ita refert D. Augustinus *loc. cit.*

39. Genus Theologiæ Mytichon sic dictum à  
*Mythos*, quod græcè fabula dicitur, ut Author  
est D. Augustinus *loc. cit.* proprium, ac fami-  
liare Poëtis fuit, ut diximus, qui Deorum ge-  
nealogiæ texuerunt, tum eorum ordines, opera,  
&

*Art. I. An sit necessaria, &c. Cap. V. 39*  
& res gestas; quibus tam indecora, & turpia attribuerunt, qualia nec in contemptissimum hominem cadere possunt. Vnde meritò hujusmodi Theologifantes Poëtas Tertullianus in *apol. c. 14.* dedecoratores Deorum vocat.

Civile autem quod in urbibus Cives, maxime sacerdotes nosse, & administrare debebant, agebat, quos Deos publicè colere, quæ sacra, & sacrificia facere quemque par esset. Ad hanc etiam Deorum oracula, & responsa pertinebant. Ipsam in turpissimis erroribus, fœditatibus, & mendaciis fingendis, amplectendisque vix, aut parum à fabulosa distasse comperitur.

Gentilium hujusmodi Theologiam, quemadmodum, & idololatriam apud Ægyptios initium habuisse communiter Authores ferunt. Hujus rei testis est locupletissimus Eusebius *de preparat. Evang. lib. 1. cap. 6. & lib. 2. cap. 1.* Ipsi enim Solem, & Lunam, errantiaque in cœlo sydera, ac demùm cœlum ipsum admirati, Deos esse putarunt, quibus sacra fecerunt, non quidem nidorem, & sanguinem offerentes, sed fruges: dein ad Phœnices derivata est; & hinc ad ipsos Græcos, qui mentiendi licentiâ plurima, multumque indecora de Deorum ortu commentiti sunt, deque eorum gestis, & ordinibus. Idem præstitere è Poëtis Græcis Hesiodus in sua Theogonia, ubi Deorum ortum, calamitates, & bella, victoriasque inducit; Linus etiam, ac Musæus, & alij multi, qui ante Græciæ sapientes floruerunt, ut refert D. Thom. *lib. 1. Metaphys. lect. 4. & 5.* Tandem Romam à Romulo invec̃ta est, ut ex Dionysio refert Eusebius *lib. 2. cap. 10.* Fabulas tamen, quæ de Diis traduntur, turpes, atque inutiles existimans,

non solum Diis, sed neque probis hominibus dignas, cunctas eiecit. Demum universum orbem paulatim occupavit (si electum Dei populum dempseris) totos conatus suos ad id impendente dæmone, cui non aliud studium est, inquit D. Cyprianus de idol. van. *quam homines ad superstitionem sui ab intellectu vera Religionis avertere; cum sit ipse pœnalis, querere sibi ad pœnam socios, quos ad crimen suum fecerit errore participes.* Idcirco igitur *Philosophiam*, seu inanem illam Theologiam finxit, ait Chrysost. *serm. 16. ut faceret homines nihil scire plus querendo, deos multos figuravit, ut Deus qui unus est, nesciretur.*

42. Theologiam divinam, immò, & naturalem, quæ per investigationem rationis vera de Deo, rebusque divinis accipitur cognitio, cum primis ortam fuisse parentibus Patres plerique omnes ostendunt, & præcipuè Theodoretus *lib. 3. de curat. affectionum Græcarum.* Cum enim
- I p. q. 94.  
art. 3. c. 1.  
dist. 23.  
quæst. 2.  
De verit.  
q. 18. art.  
2. & 4.
- in statu innocentiae à Deo Adam ut totius humani generis principium constitutus sit, non solum à quo in posteros omnes natura propagaretur humana, sed etiam quo in alios originalem justitiam transfunderet, duplicem cognitionis perfectionem sortitus est, alteram naturalem, qua ex creaturarum speculo factorem suum Deum agnoscere posset; alteram gratiæ, atque supernaturalem, qua videlicet Deum divinaque per inspirationem internam cognosceret, ex divina irradiatione sapientiæ, cuius quædam menti ipsius similitudo impressa erat. Eiusmodi autem cognitio ex sensibilibus orta ad Deum agnoscendum, Theologia naturalis est. Quæ verò supernæ illustrationis beneficio ipsi concede



*Art. I. An sit necessaria, &c. Cap. V. 41*  
concedebatur cognitio, Theologiam supernaturalem fuisse nemo ambiget.

Ab Adam ad posteros deducta est, & usque ad confusionem linguarum, licet ob ignorantiam hominum, peccata, atque rerum coelestium contemptum valde obscuraretur, falsis tamen de Deo opinionibus depravata non est. Dum enim una fuit omnium hominum lingua; nulla idololatria irrepfit. At deinceps idololatria parvo etiam tempore multum ubique excrecente, magnam cognitio Dei, & vera Theologia cladem, & decrementum, ac ferme excidium perpeffa est, atque inter Hebræos dumtaxat cum aliquanto lumine naturali remansit. Sed & inter hos quoque variis rerum casibus, & conversatione cum gentibus, idolatrisque habita, praesertim in Ægypto, non parum depravata est, ac ferme obscurata, ut refert Eusebius lib. 7. cap. 3. dicens. *In multitudinem deinde magnam genus (scilicet Hebræorum) crevit, paulatimque diligentissima norma vivendi labebatur, & parentum pietas obtundebatur. Ita post aliqua secula Ægyptiorum conversatione depravati adeo fuerunt, ut nihil ab Ægyptiis differre viderentur. Tunc Deus Patrum suorum Moysen ad eos mittit, ac per eum inauditis factis miraculis convenientem Iudeorum moribus legem imposuit. Nam cum jam corrupti vitam mutare non possent, alia manifestè mandavit, alia occultius suggestit, symbola, umbramque, non nudam veritatem conservare ipsis precipiens. Hoc pacto Iudeorum disciplina, seu Theologia à Moysi temporibus capta, & primò litteris consignata usque ad Salvatoris nostri adventum per voces Prophetarum duravit, tumque constituti sunt sacerdotes, scribae,*

42. *Quaest. I. De Sacra Doctrina,*  
& legisperiti, qui Theologiam omnes profite-  
rentur.

44. Iudæis tamen toto illo tempore Theologiæ doctrina ceu lac pueris, tradita est, & modicam ipsi, comparatione ad Christi tempora habita, lucem atque illuminationem, ut plurimum susceperunt; quod notavit D. Thomas *in cat. ad cap. 2. Lucae*. Itaque ubi venit plenitudo temporis, plenitudo etiam Theologiæ advenit, quæ non tam aucta, quam facta est. Cum enim Christus Dominus, quæ obscurè fuerant Iudæis tradita, explicuisset, neque ita exhibita, interpretatus Prophetas, nova priscis abolitis instituisset Sacramenta, ac sacrificia, mandataque renovasset, quibus & consilia adiecit; plenissimam sanè lucem attulit, quæ non solum à Iudæa, verum etiam à Gentibus errorum tenebras dispelleret. Et exindè in Ecclesia Catholica plurima semper fuit sacræ doctrinæ seges, & operarij non pauci eruditissimi Theologiæ magistri, qui & res divinas eminenter, ac subtiliter exposuerunt, & eam in aciem deducentes, contra veritatis hostes omni tempore validè ac nervosè propugnarunt.

45. Huiusmodi supernaturalis, ac divina Theologia ex diverso, quo utitur modo in explicandis fidei rebus, dividi consuevit in symbolicam, mysticam, & demonstrantem. De qua D. Thomas *super Dionys. lec. 1.* Symbolica dicitur, quatenus figuratis vocabulis res sensibiles designantibus, & secundum primarium eorum significatum incongruentibus Deo, rebusque divinis, adaptata quadam similitudine ad Dei, divinorumque notitiam intellectum nostrum deducit, atque invehit, v. g. cum Deum nominat

*Art. I. An sit necessaria, &c. Cap. V. 43*

minat ignem *Deuteronom. cap. 4. Deus noster ignis consumens est.* Non quod ignis natura, & species propriè Deo competat, sed quædam ignis similitudo ex illius proprietatibus orta. Etenim ipse ignis innatæ subtilitatis specimine summam Dei simplicitatem exhibet, lumine suo immaterialitatem, perfectissimam calore demonstrat charitatem, ac demum altitudine supervenientem Dei altitudinem enunciat. D. Thomas *opuscul. 70.*

Mystica Theologia Deum, resque divinas negationibus manifestat, omne id ab ipso removens quod creaturis proprium inesse perspexerit, prout earum caligine involutum, & obumbratum est, ipsum intellectum humanum in divinitatis arcano defigens, & relinquens, ita ut jam assequi valeat, non equidem quid sit Deus, sed quid non sit, cognoscendo videlicet, & contuendo Deum nihil esse existentium, sed super omnia existentem, omnibusque effectis, & entium gradibus supereminentem causam; ut videre est apud D. Dionysium *lib. de mystica Theologia c. 4. & 5.*

Demum Theologia demonstrans illa pertrahat, quæ ad Deum spectant proprietate quadam singulari, & ratione præcipua ipsi congruunt, ab eoque in creaturas effluente ipsius bonitate derivantur, v. g. cum Deum nominat Patrem; etenim ab ipso omnis paternitas in cælo, & in terra nominatur, ut dicitur *Ephes. 3.* Esto namque, ut docet D. Thomas *ibidem lect. 3.* hoc vocabulum à creatura nominationis suæ exordium significandi originem desumat, tamen quoad rem significatam à Deo ceu primævo paternitatis fonte dimanat. Verum enim verò quia

46.

47.

44 *Quaest. I. De Sacra Doctrina,*

quia eorum vocabulorum quibus divinæ perfectiones propriè explicantur, quædam ipsi Deo affirmanter tribuuntur, ut esse bonum, sapientem, intelligentem &c. quædam autem neganter, ut cum dicimus Deum esse incorporeum, & infinitum; Theologia demonstrans à quibusdam dividitur. in affirmantem, & negantem. Hanc divisionem tradit Cyparissiotus *dec. 2. cap. 1. ex sententia D. Dionysij cap. 2. de cælesti Hierarchia.*

48. Insuper Theologia in scholasticam, & positivam dividi consuevit, quam divisionem confusè satis, nec minùs ineptè moderni quidam Theologi explicant. Notandum velim ex D. Thoma in *psal. 48.* doctrinam sacram duplicem esse, rerum videlicet, ut de Deo, creatione mundi, Incarnationis Mysterio, ac demùm de fide, & moribus; & verborum, quæ nimirum scripturam, & verba interpretatur. Vtramque innuisse videtur Propheta Regius dict. *psal. doctrinam quidem rerum dum ait; Os meum loquetur sapientiam, & meditatio cordis mei prudentiam.* Hanc propter certissimam, altissimamque veritatis cognitionem sapientiam nuncupat; prudentiam autem propter operandorum peritiam. Verborum autem disciplinam insinuat subjungens; *Inclinabo in parabolam aurem meam.* Ad hujusmodi enim disciplinam parabolicas sacræ scripturæ locutiones, & sensus sermonum profunditate occultos patefacere, atque in lucem ejicere spectat.

49. Theologia itaque positiva, seu potiùs expositiva est, quæ sacræ scripturæ sermones, vel res ipsas ad usum significandi adaptatas exponit, & enucleat, sive ad literam, seu literalem,

lem, & historicum, sive ad spiritum, seu mysticum sensum. Hinc sacrae scripturae interpretes, seu expositores vocari consuetum est Theologos positivos, seu Doctores verba legis divinae ponderantes, quod in lege veteri Scribarum, & Pharisaorum munus fuit, ut sumitur ex D. Hieronymo *in cap. 33. Esaia*; cum hoc tamen discrimine, quod Scribae sacrorum librorum literam duntaxat edocebant, nec ab ea vel latum unguem recedentes; Pharisei autem rerum aliarum, ac secretorum expositionem, etiam secundum mysticos sensus tradebant. Theologiam hujusmodi antiquitus apud Esseos Philosophos multum floruisse constat ex Eusebio *lib. 8. de preparat. Evang.* Quinimodo Apostolus hujusmodi Theologos vocat Prophetas, quippe qui ad explanandum, seu exponendum dicta Prophetarum, vel scripturas alias lumen intellectuale susceperint: ex D. Thoma *1. p. q. 1. art. 10. & epist. 1. ad Corinth. c. 4. & Ephes. cap. 4.*

Theologia verò scholastica est, quæ de rebus, fide, & moribus instruit, seu rerum doctrinam tradit, præsertim disciplinæ methodo, nimirum ratiocinando, atque demonstrando; qualem nobis post tot Sanctos Doctores, & Theologiæ Magistros scriptam in hac Theologiæ Summa reliquit D. Thomas, qui jure merito ob id Theologorum Principis nomen, & gloriam sibi comparavit. Nam in hoc opere, ut notat Sixtus Senensis, quatuor inter se implacabiliter pugnancia indissolubilis pacis fœdere conjunxit, videlicet copiam, brevitatem, facultatem, securitatem, quemadmodum in ejus officio canit Ecclesia. *Stylus brevis, grata facundia,*

46 *Quaest. I. De Sacra Doctrina,*  
*facundia, celsa, clara, firma sententia; quas*  
*nulli unquam literarum professori, vel ante,*  
*vel post eum contigit semel potuisse connecte-*  
*re, Theatrum vitæ humanæ verb. Theologia.*

51. Theologiam Scholasticam à Schola dici no-  
tum est, non qualibet, sed Ecclesiastica, in qua  
fideles de quinque potissimum erudiri consue-  
verunt, nimirum de credendis fidei mysteriis,  
de virtutum agendis operibus, de vitandis pec-  
catis, de vita æterna speranda, ac demum de in-  
ferni timore. Vnde Apostolus 1. ad Corinth. c. 4.  
*in Ecclesia, inquit, volo quinque verba sensu*  
*meo loqui, ut & alios instruam, D. Thomas ibi-*  
*dem.*

52. Hujusmodi Scholas in primitiva Ecclesia in-  
stitutas fuisse ad eos formandos, & erudiendos  
in fide ac moribus, qui ex Iudæis, vel Gentili-  
bus ad Ecclesiam veniebant, nemo dubitabit,  
qui legerit D. Hieronymum *in epist. ad Pammac-*  
*chium*, ubi de Origene verba faciens ait; *Ale-*  
*xandria Scholam Ecclesiasticam tenuit succedens*  
*eruditissimo viro Clementi Presbytero.* In his fi-  
dei dogmata primum brevi, ac dilucida insti-  
tutione tradita sunt. Eapropter Marianus Vi-  
ctorinus in eum locum; *Cathechismi, inquit,*  
*Doctrinam Ecclesiasticam Scholam vocat.* Non  
dubium tamen quin & perfectioribus solidiora,  
ac perfectiora sapientiæ dogmata traderentur  
jam à temporibus Apostolorum, cum dicat Apo-  
stolus se loqui sapientiam inter perfectos, &  
Sapientibus se debitorem constitutum esse; *Sa-*  
*pientibus quidem* (ait Anselmus, *in epist. ad Rom. 1.*)  
*ut eos ad majora sapientiæ arcana promoveret, &*  
*insipientibus, ut illos erudiat.*

53. Hujus rei validissimum nobis testimonium  
præbet

*Art. 1. An sit necessaria, &c. Cap. V. 47*

præbet Eusebius lib. 6. *Historia Ecclesiastica* c. 3. ubi ait ; Demetrius Origeni cathechisandi , id est, docendi Magisterium in Ecclesia tribuit. Quod primus post Apostolos apud Alexandriam Panthenus ; secundus s. per ordinem Clemens ; tertius administravit Origenes ipsius discipulus Clementis. Et statim cap. 12. Interea, inquit, cum videret Origenes se non sufficere ad omnia, id est, vel in diviniorebus, & profundioribus pertractandis, vel in sacra scriptura explanationibus differendis, vel etiam in eorum qui quotidie fidei addebantur, instructionibus, vel institutionibus adimplendis, utilius esse ratus est segregare incipientium turbas, & uni ex discipulis suis plenè jam, & optimè instructo viro Heracle tradere, participemque eum officij, ac laboris adsumere. Huic ergo tradendi prima elementa incipientibus delegat officium ; sibi verò perfectorum instructiones reservat.

Hæc doctrina, ut plurimum voce in principio peracta est ; præsertim quoad quædam Religionis Christianæ Mysteria, ceremonias, aut cultus, ne, si scripto mandata, ad Infidelium manus devenirent, ab eis ceu aniles fabulæ riderentur. Vnde S. Doctor 3. p. 9. 25. art. 3. ad 4. loquens de cultu patriæ Crucis Christi exhibendo, cum sibi objecisset quod de eo in Scriptura non constaret ; Ad quartum dicendum, inquit, quod Apostoli familiari instinctu Spiritus sancti quædam Ecclesiis tradiderunt servanda, quæ non reliquerunt in scriptis, sed in observatione Ecclesiæ per successionem fidelium. Vnde Apostolus 2. ad Thessal. 2. State, & tenere traditiones, sive per sermonem, scilicet ore prolatus ; sive per epistolam, scilicet scripto transmissam. Et inter hujusmodi

48 *Quaest. 1. De Sacra Doctrina,*  
*huiusmodi traditiones est imaginum Christi ado-*  
*ratio.*

55 Crescente jam Ecclesia, hæresibus hinc, & inde exortis, frequentior Scholarum usus in Ecclesia fuit, & ibi subtiliores dispositiones communiùs peractæ. Nam ut ingenuè observavit D. Augustinus *lib. 16. de Civit Dei cap. 2.* *Multa ad fidem Catholicam pertinentia, dum Hæreticorum callida inquietudine exagitantur, ut adversus eos defendi possint, & considerantur intelligentiùs, & intelliguntur clariùs, & instantiùs predicantur; & ab adversario mota quaestio dicendi existit occasio. Vnde Apostolus; Oportet, inquit, hæreses esse.*

56. Idcirco hi qui erant ingenio præstanti, atque in docendo, ac disputando ingeniosi, ac periti, Scholastici jam tunc nuncupati sunt. Sic Hyeronimus *lib. de script. Eccles.* scribit Serapionem virum doctissimum ob ingenij elegantiam Scholastici cognomen adeptum fuisse. Et Gennadius in Cathalogo Scriptorum vocat D. Prosperum sermone Scholasticum; quemadmodum & Honorius Alcuinum officio Scholasticum nuncupat. Quod inde derivatum putem, quod huiusmodi Scholis nonnisi viri doctissimi præficerentur, ut colligitur *ex lib. 5. Eccles. hist. Euseb. cap. 10.* ubi hæc habetur; *Cum per idem tempus Schola Ecclesiastica, & Doctoris officio præesset vir in omni eruditione nobilissimus Panthenus. Ex quo apud eos consuetudo antiquitus tradita in hodiernum diem permanet, divinarum scripturarum Doctores inibi Schola Ecclesiastica haberi viros duntaxat in scientia, & eruditione probatissimos. Ex quibus conjicere licet Scholasticam eruditionem præstantissimam quandam*



*Art. I. An sit necessaria, &c. Cap. VI. 49*  
quandam sonare doctrinam, & Scholasticum  
virum eximie literatum & eruditione excultum.  
Id indicare voluisse videtur S. Concilium Tri-  
dentinum *sess. 23.* ubi decernit. *De cetero officia,*  
*vel dignitates ista quæ Scholastica dicuntur, non-*  
*nisi Doctoribus &c. conferantur.*

A Patribus, & antiquis Scholasticis in flo-  
rentissimas quasque Orbis Universitates Scho-  
lastica Theologia derivata est, & per univer-  
sam Ecclesiam profectu plurimo diffusa, præ-  
sertim ab eo tempore quo in methodicam for-  
mam redacta est. Qua parte de fide disputat,  
vel etiam de moribus secundum communia  
doctrinæ principia edisserit, Scholasticæ Theo-  
logiæ nomen etiamnum retinet; ubi verò de  
operibus moralibus, eorumque particularibus  
circumstantiis quasi ad speciales casus, & indi-  
viduas personas se submittens agit, Moralis  
Theologia vocari consuevit. Quatenus deni-  
que contra hæreses, hæreticosve pugnas in-  
struit, Polemica nuncupatur.

57:

## C A P V T VI.

*Quanam sint sacra doctrina principia.*

**D**E principiis theologici discursus postero-  
risticè, & secundum materiam enuncia-  
tionum acceptis impræsentiarum est sermo.  
Principium ab Aristotele dicitur; *propositio im-*  
*mediata, qua non est alterâ prior:* caret nam-  
que medio, per quod prædicatum subiecto in-  
esse demonstratur. Duplex est, unum quod  
nuncupatur, *dignitas*, alterum quod *positio*

58.

lib 1. post  
cap. 2 D.  
Th. ibid.  
lec. 5. &  
opusc.  
69. §. 2.

Tom. I.

D

dicitur. Dignitas est quædam communis animi conceptio ex propriis terminis adeo per se nota, ut ei necesse sit, omnem qui docetur, assentiri; itaut contrarium mente credere nequeat, etsi ore proferat, cujusmodi sunt; *Quodlibet est, vel non est. De eodem secundum idem affirmatio, & negatio non sunt simul vera. Omne totum est majus sua parte.* Positio verò est quædam indemonstrabilis propositio secundum se, sed ei qui docetur, non est ita necesse assentiri, ut oppositum ejus mente concipere non possit, v.g. *incorporalia non sunt in loco.* Est & alius modus quo nonnullæ propositiones dici consueverunt *suppositiones*; illæ videlicet, quæ nonnisi per principia alterius scientiæ probari possunt. Et ideò illas in hujusmodi scientia tanquam principia veritatem habentia supponi necessum est; licet in aliqua alia scientia demonstrentur v. g. hæc propositio. *A puncto ad punctum est lineam rectam ducere*, à Geometra tanquam doctrinæ principium supponitur; ipsum autem philosophus naturalis probat ostendens, inter quælibet duo puncta rectam lineam mediare.

59.  
Opusc.  
69.

Principiorum non est eadem manifestandi universalitas Quædam enim sunt universalissima seu communissima quæ à Metaphysico considerantur, quippe qui de ente in quantum ens agit. Alia sunt universalialia, Alia denique particularia. Universalissima sunt dignitates, in quas omnium scientiarum conclusiones denique tandem reducuntur, quæ etiam maximæ dicuntur propter maximam, quam in se complectuntur, certitudinem ad alia demonstranda. Nuncupantur & *termini*, quia omnis cognitio.

*Art. I. An sit necessaria, &c. Cap. VI. 51*

cognitio Scientifica ad ea terminatur: vocantur & *regula*, quoniam universaliter per ea dirigitur intellectus in scientiis ad certam conclusionum habendam notitiam. Dicuntur tandem *communes animi conceptiones*, quia natura ad id adigente, communiter ab omnibus præbetur ei fides, & assensus.

Hujusmodi principiorum tres conditiones Philosophus assignat; Prima est, quod circa hæc non possit aliquis mentiri, vel errare; quia ad hæc potentia intellectiva ordinatur secundum quod ipsa, & ei notissima sunt, ex ipsiusque infallibilitas veritatis secundum certitudinem scientiæ oritur. Secunda est, ut non sint quid conditionale, id est, non suppositum, si-  
ve ex quodam disputantium condicito acceptatum; sed ipsa oportet esse per se nota. Tertia est, ut per demonstrationem eorum notitia non comparetur, vel alio simili modo, sed adveniat quasi per naturam habenti ipsa, quasi naturaliter cognoscantur, & non per acquisitionem.

Alia sunt universalia principia, per quæ in scientiis multæ conclusiones demonstrantur, & per resolutionem ad ea de illis certò, & infallibiliter judicatur, v. g. in Physica, *Natura est principium, & causa motus, & quietis ejus in quo est*, universale principium est, & multarum illius scientiæ conclusionum Seminarium. Alia verò sunt particularia, & magis propria principia proxima, quæ ad particularem conclusionem demonstrandam, speciale continent medium, quale est subjecti, vel passionis definitio.

In sacra doctrina ut universalissima habentur

60.

4 Meta-  
phys.  
lect. 6. r.  
p q 85. a  
6. c.

61.

62.

tur principia, Deum esse, &, de rebus humanis providentiam habere, de quibus D. Thomas 2. 2. quaest. 1. art. 7. ita scribit; Ita se habent in doctrina fidei articuli fidei, sicut principia per se nota in doctrina, quae per rationem naturalem habetur. In quibus principiis ordo quidam invenitur, ut quaedam in aliis implicite contineantur, sicut omnia principia reducuntur ad hoc, sicut ad primum; impossibile est simul affirmare, & negare, ut patet per Philosophum in 4. Metaphys. (textu 9.) Et similiter omnes articuli implicite continentur in aliquibus primis credibilibus, scilicet ut credatur Deus esse, & providentiam de rebus habere circa hominum salutem, secundum illud ad Hebraeos 11. Accedentem ad Deum oportet credere quia est, & quod inquirentibus se remunerator sit. In esse enim divino includuntur omnia, quae credimus in Deo aeternaliter existere, in quibus nostra beatitudo consistit. In fide autem providentia includuntur omnia, quae temporaliter à Deo dispensantur ad hominum salutem, quae sunt via ad beatitudinem.

63. Sunt etiam ipsius sacrae doctrinae quaedam universalia principia, quae sunt plurium conclusionum theologiarum fons, & seminarium, sicut omnes articuli fidei in Symbolo contenti, & id generis multa, quae in Sacra Scriptura habentur; Quemadmodum illud, *Naturâ nascimur filij irae*; Hoc enim est universale principium omnium ferè conclusionum, quae in materia de justificatione, & peccato originali tractantur. Ex illo namque sequitur, quod liberum arbitrium sit vulneratum in naturalibus, spoliatum verò in gratuitis; quod non possit omne opus bonum virtutis, etiam moralis,

moralis, suis viribus operari. Quod ex se non possit se ad gratiam secluso auxilio divino præparare; Quod natura humana propterea damnationi, morti, & aliis pœnis obnoxia, facta fuerit &c.

Particularia principia sunt, in quibus formale medium particularis conclusionis theologicæ probandæ assumitur; v. g. ad probandum in Patre, & filio esse unicam virtutem spirativam, meritò illud formale principium assumitur, *Omnia sunt unum in divinis, ubi non obviat relationis oppositio.*

64.

Differunt hujusmodi sacræ doctrinæ principia à physicarum disciplinarum principiis, quantum ad modum suscipiendi cognitionem de illis. Habitus enim primorum principiorum naturalium est quoad inchoationem naturalis secundum naturam speciei, & ex parte ipsius animæ, inquantum ipsi indidit Deus primæ veritatis quamdam refulgentiam, quam naturale rationis lumen dicimus, habens vim innatam ad judicandum de quibusdam primis cognoscibilibus, qualia sunt principia illa prima. Terminorum autem, ex quibus hujusmodo principia coalescunt, definitionem seu notitiam quidditativam suscipit per species intelligibiles à sensibus acceptas, qui de re habent judicare secundum communia quædam principia, & proprietates naturaliter notas, quas in memoria colligit: ex memoria sumit experimentum; & ex isto devenit ad cognoscendum quid sint; v. g. ex ipsa intellectualis animæ natura homini competit, ut statim cognito quid sit totum, & quid sit pars cognoscat omne totum esse sua parte majus; tamen

65.

I 2. q. 11.  
art. 1. 6.  
psal. 4.

quid sit totum, & quid sit pars cognoscere nequit, nisi per species intelligibiles à phantasmatibus acceptas. Et secundum hoc principiorum habitus acquiri dicitur, esto naturalis sit quoad inchoationem.

66.

Hic q. 1.  
art. 2. § 4.  
§. & 6. q.  
12. art. 13.  
c. 2. 2. q.  
173. 0.

Sed in principiis sacrae doctrinae res aliter se habet, cum enim eorum cognitio totius naturae vim excedat, desiderant quoddam supernaturale lumen elevans, perficiens, & corroborans ipsum lumen naturale; quod quidem divinum lumen est quaedam immediata participatio divini luminis, seu divinae veritatis in se, per quod intellectus humanus de veritatibus divinis ferre iudicium valet, non ex effectibus sensibilibus progrediendo, ceu notioribus nobis instrumentalibus principiis, sed per species immediatè inspiratas à Deo, & non à sensibilibus acceptas; nihil enim simile in rebus creatis inveniri potest. Lumen illud est fidei habitus, qui est sicut habitus primorum principiorum inchoans in nobis Dei, divinatorumque supernaturalem cognitionem; unde vocatur à D. Dionysio *Credentium firmamentum collocans eos in veritate, & veritatem in eis*; Quia tamen lumen illud quidpiam incircumscriptum est; ac subinde nullius rei determinatam cognitionem efficere potens, species intelligibiles rerum credibilium à Deo menti Prophetarum, vel Apostolorum fuerunt divinitus impressae. Huiusmodi lumen vocat Apostolus Spiritum Dei, quia est *transmissus in nobis divinarum cognitionem, vitam, & notitiam*; Spiritum Dei accepimus 1. Corinth. cap. 2. videlicet, *quo doceremur, inquit Anselmus, non quae mundi, sed quae Dei sunt; id est, divinum quendam radium*

*Art. I. An sit necessaria, &c. Cap. VI. § 5.*  
dium illuminantem nos, ut per eum sciamus be-  
neficia, quæ sunt à Deo nobis donata, Spiritus  
enim Dei, mentem quam replet, illuminat.

67.

Hinc est quod principia Sacræ doctrinæ di-  
cuntur divina revelatione, seu inspiratione sus-  
cipi; inspiratione quidem, quia cum supra ho-  
minis captum sint, debet homo Spiritu Sancto  
movente ad ea videnda elevari; sed quia non  
satis est ea videre, nisi & quodammodo intelli-  
gat (unde habitus principiorum intellectus qui-  
dam vocatur) quantum ad mentis elevationem  
dicuntur inspiratione suscipi; secundum illud  
*Iob. 32. Inspiratio omnipotentis dat intelligentiam*, scil. veritatis quæ est sapientiæ princi-  
pium iis, quibus inspirat. Quantum autem ad  
ipsam divinorum perceptionem, per quam re-  
movetur obscuritatis, & ignorantiae velamen,  
dicuntur revelatione haberi; revelatio enim  
supra inspirationem, visionem addit eorum quæ  
videntur & intelligentiam. Differunt ergo in  
utroque principia sacræ doctrinæ ab aliis alia-  
rum scientiarum principiis; & quoad princi-  
palem causam activam, quæ est intellectuale  
lumen; Lumen enim principiorum sacræ do-  
ctrinæ est supernaturale, & divinitus susce-  
ptum; lumen verò principiorum naturalium  
est naturale; & etiam quoad causam cognitio-  
nis instrumentalem quæ sunt species intelli-  
gibiles, quia terminorum, ex quibus coales-  
cunt naturalia scientiarum principia, species  
intelligibiles, & definitiones à sensibilibus ac-  
cipiuntur: sed species intelligibiles terminorum  
ex quibus componuntur sacræ principia  
doctrinæ divinitus suscipiuntur, & non cognos-  
citur de eis quid sint per species intelligibiles à

2.2. q. 171.

art. 1. ad

4 Iob.

32 lect. 1.

Loc. sup.

cit.

sensibus acceptas. Ex quo provenit quod Theologia sacra, & naturalis, seu Metaphysica genere differant, quia eorum principia scibilia in esse scibili genere differunt, scil. supernaturaliter cognoscibile, & naturaliter cognoscibile; seu cognoscibile per lumen divinum, ac supernaturale; & cognoscibile per lumen rationis naturalis, quæ lumina unius generis, vel rationis planè esse nequeunt, ut diximus supra. Ex quo colligere licet, quod licet principia Theologiæ secundum se notissima sint, & dignitates quædam, tamen pro hoc statu *suppositiones* dicendæ sunt, quia per fidem suscipiuntur, postea in scientia Dei videnda.

Opusc.  
70. q. 2.  
art. 3. ad  
7.

68. Convenit autem Theologiæ doctrina cum physicis disciplinis quodammodo, tum quia sicut multæ ipsarum supponunt sua principia, & non probant, ita & sacra doctrina sua supponit & fide suscipit. *Credendus est*, inquit Hilarius, *intelligendus est, & his officiis eloquendus est Deus*, ut dicetur art. 8. Tum etiam quia sicut in principiis naturalibus reperiuntur principia prima, intermedia, proximaque eo ordine disposita, ut conclusiones immediatè à proximis dependeant, proxima à mediis, & media à primis, & proxima in media, & media in prima resolvantur; ita in sacra doctrina accidit. Vnde hæc conclusio; *Christus Dominus habet humanam voluntatem*, in hoc principium resolvitur, *Christus est homo*, hoc autem *Christus est homo*, resolvitur in illud

Opusc.  
70. q. 2. a.  
3.

*quia scriptura, quæ mentiri non potest, id tradit.* Scripturæ autoritas in Ecclesiæ autoritatem: Ecclesiæ autoritas infallibiliter docentis in primam veritatem resolvitur, & divinum intellectum,



*Art. I. An sit necessaria, &c. Cap. VII. 57*  
 tellectum, qui hæc omnia noscit, cui nos credimus, & credere oportet id indicanti per suos nuncios, sicut discipulum inferioris scientiæ oportet credere superiori. Ad divinam pariter confugimus providentiam, quæ de infallibili credendorum regula providere debuit; quæ non deest timentibus Deum.

Convenit præterea, quia in physicis disciplinis ex per se notis, & concessis, ad alia etiam per se nota, & inconcessa probanda procedimus; sic & in sacra doctrina ex per se creditis, Deo tamen notis, & concessis ab Adversariis, ad per se credita, & inconcessa proceditur, v. g. si Hæreticus Sacra Scripturæ credat; neget tamen Christum Dominum esse hominem, vel habere humanam voluntatem, ex scriptura, quam admittit, ad hanc veritatem demonstrandam procedimus; ut infra dicemus.

69.

## C A P V T V I I.

*Vtrum Theologiæ principia exigant fidei divina, ac supernaturali suscipi?*

**D**Iximus Theologiam articulos fidei, ceu prima doctrinæ principia respicere, quorum cognitionem fide suscipere debet. De ratione autem fidei est, ut credens assensum aliquibus præbeat, quæ ei per se nota haud sunt, aut in per se nota resolubilia; sed ad habendam hanc fidem ex aliquo motivo, & ratione inclinatur sufficiente ad eliciendum huiusmodi assensum, esto ad visionem rei creditæ intellectum deducere minimè valeat. Quod quidem motivum duplex

70.

1. sent.  
 prol. q.  
 unica,  
 art. 3. &  
 1. p. q. 1.  
 2. 7. & 8.  
 1. sent.  
 dist. 13.  
 q. 3. 2. 3. 2.  
 2. q. 5. 2. 1.

duplex esse potest ; alterum creatum , quemadmodum aliquod signum ostensum , parentum traditio , sapientum autoritas , & humana ratio , quâ apparet huiusmodi credenda repugnantiam non involvere , immò rationi consentaneum esse fidem ipsis habere ; & hæc est fides humana , quæ & qualis in dæmonibus , etiam de quibusdam supernaturalibus mysteriis , esse dicitur secundum illud Iacobi 2. *Dæmones credunt , & contremiscunt.* Alterum est motivum divinum , & supernaturale , nimirum ipsamet veritas increata per scripturas sacras , vel inspirationem supernaturalem revelata , atque per Ecclesiam promulgata ; & hæc est fides infusa.

71. *Loc. cit. ex 3. sent.* Huiusmodi fidei infusæ habitus in duobus nos adjuvat ; videlicet ut credamus quæ credenda sunt , & ut his , quæ credenda non sunt , fidem minimè adhibeamus. Primum homo potest ex ipsa æstimatione , etiam absque habitu infuso : sed secundum , nimirum ut discretè in hæc , & non illa inclinetur ex habitu infuso duntaxat provenit ; quæ quidem discretio in nobis efficit , ut non circumferamur omni vento doctrinæ , nec omni spiritui credamus , sed divino , & sancto veritatem revelanti , & eam per ministros suos , quos idoneos effecit annuncianti.

72. Dicendum est , igitur fidem acquisitam principiorum non sufficere omnino ad causandum , & præstandum verum assensum conclusionis Theologicæ , ceu rationem formalem assentiendi , & teminum collationis discursivæ , sed requiri fidem infusam huiusmodi principiorum , seu articulorum fidei ad causandum huiusmodi assensum ,

*Art. I. An sit necessaria, &c. Cap. VII. 59*  
 assensum, seu Theologiæ habitum; prout fides  
 certam, & infallibilem cognitionem dicit pri-  
 mæ veritati, ceu rationi formali sub qua im-  
 mediatè innoxam, & ab ea regulatam; non  
 verò prout obscuritatem intrinsecè involvit.  
 Hanc conclusionem docent imprimis D. Basi-  
 lius in *psal.* 115. ubi ait. *Necesse est cum admi-*  
*seris earum artium, quæ certa ratione nituntur,*  
*principia, ut confessa, nec proinde ullam requi-*  
*rentia probationem demonstrativam, id demùm*  
*inspicias quidquid ex præsuppositis ordine conse-*  
*quitur. Nihilò secius, & Theologia mysterium*  
*requirit assensum nulla prævia inquisitione niten-*  
*tem: sanè ait Apostolus; credere enim oportet,*  
*quia Deus est. Non dubium quin de fide infusa*  
*loquatur. D. Hilarius lib. 2. de Trinit. explicans*  
*illa Apostoli verba 1. Corinth. 2. Nos non spi-*  
*ritum huius mundi accepimus, sed spiritum qui*  
*ex Deo est, ut sciamus quæ à Deo donata sunt*  
*nobis; in hæc verba prorumpit; Accipitur ergo*  
*ob scientiam. Vt enim natura humani corporis ces-*  
*santibus officiis sui causis erit otiosa; nam & ocu-*  
*lis nisi lumen accedat, nullus ministerij usus erit;*  
*ita & animus humanus nisi per fidem donum spi-*  
*ritus hauserit, habebit quidem naturam intelli-*  
*gendi Deum, sed lumen scientiæ non habebit.*  
 Insuper D. Gregorius Nazianzenus *orat. 3. de*  
*Theologia in fine; Fides inquit, doctrina nostræ*  
*complementum est. D. August. lib. 4. & 14. de*  
*Trinit. D. Chrysost. orat. 7. in 1. ad Corinth. c. 2.*  
*D. Anselmus in eum locum. Cyparisiotus in*  
*prologo decadum. D. Thomas opusc. 70. quæst. 8.*  
*& 1. sent. prol. art. 3. & 2. 2. quæst. 4. ubi ait:*  
*scientia & sapientia cooperantur ad fidem sicut*  
*ad principium quod præsupponunt. B. Alb. Mag.*

60 *Quaest. 1. De Sacra Doctrina,*  
*in summ. tract. 1. quaest. 4. & 5. m. 2.* Et com-  
muniter Theologi, tum antiqui, quàm moderni  
paucis demptis.

73. Probatur ; ut intellectus perfectè veritati  
2.2. q. 9. per rationem assentiat , duo requiruntur , ni-  
1.2 q. mirum quod rem prout in se est, percipiat ; dein  
112. art. ut certum de ea iudicium habeat per resolutionem  
5. c. in causas veritatis , & principia certissi-  
ma cognitionis ipsius cum discretione veri à  
falso ; sed ille assensus Theologicus per ratio-  
nem & discursum ex principiis Theologiae, ni-  
mirum fidei articulis , deductus , est perfectus,  
cum sit certissimus : ergo ad huiusmodi assen-  
sum Theologicum omninò requiritur, ut Theo-  
logus sanè capiat veritatem quæ proponitur ,  
& perfectum de ipsa iudicium per resolutionem  
ad huiusmodi principia sibi comparet , discer-  
nendo verum à falso , seu non credendum à  
credendo ; sed huiusmodi iudicium præstare,  
vel causare nequeunt huiusmodi articuli hu-  
mana duntaxat , & acquisita fide crediti ; ergo  
omninò requiritur fidei habitus infusus , quo  
eis certò assentiat, & propter ea conclusioni-  
bus theologicè deductis Major est certa ; om-  
ninò enim necessum est , ut certò cognoscat  
oppositum ejus verum esse non posse , ac subin-  
de ad ipsum nullatenus inclinetur , sed conclu-  
sioni deductæ firmiter , ac determinato assensu  
adhæreat.

74. Minor verò probatur ex Apostolo 1. *ad Co-  
rinth. 2.* ubi postquam dixit spiritualibus spiri-  
tualia comparanda , rationem assignans subdit ;  
*Animalis autem homo non percipit ea quæ sunt  
spiritus Dei ; stultitia enim est illi , & non potest  
intelligere , quia spiritualiter examinatur ; spi-  
ritualis*

*Art. I. An sit necessaria, &c. Cap. VII. 61*  
*ritualis autem judicat omnia* ; sed si articuli humana fide crediti , seu ad causandum de rebus divinis assensum sufficerent, tunc animalis homo posset ea percipere quæ sunt spiritus Dei , nec spirituales esse oporteret , ut spiritualia dijudicaret : ergo ad causandum hujusmodi judicium , fidei lumen infusum , & Spiritus Sancti illustratio superna omninò desideratur. Minor probatur , quia animalis homo ex SS. PP. dicitur , qui ratione , vel æstimatione humana , & autoritate ducitur , quæ fidem acquisitam , & humanam facere possunt , ut supponitur ; ergo si hæc ad principia Theologiæ stabilienda sufficiant , & ad theologicæ conclusionis præstandum assensum , nihil prorsus obstat, quin animalis homo percipiat quæ sunt spiritus Dei , & spiritualia dijudicet, ac discernat, quod negat Apostolus.

Confirmatur primò ; principia Theologiæ , 75.  
 nimirum articuli fidei , intrinsecè æqualis certitudinis esse debent ; sed si humana duntaxat <sup>3. dist.</sup>  
 fide crediti sint , intrinsecè æqualis certitudinis esse non poterunt , cum motiva humana ad <sup>19. art. 2.</sup>  
 fidem humanam inducentia non sint aqualia ; <sup>ad 1.</sup>  
 benè verò in fide infusa ; quia sunt eo modo annunciata , scilicet per primam veritatem revelantem : ergo omninò requiritur fides infusa. Probatur major ; quia in omnibus principiis certitudo est immediata, ac subindè æqualis intrinsecè.

Confirmatur secundò , necessum est ut veritatis manifestatio , seu judicium lumini quo 76.  
 fit proportionetur , ceu effectus suo principio <sup>1. 2. q.</sup>  
 activo : ergo in omni cognitione , quæ supra <sup>171. art.</sup>  
 naturalem rationem existit , lumen aliquod intellectuale <sup>2.</sup>

tellectuale exigitur, quod pariter naturale rationis lumen excedat; sed cognitio principiorum Theologiæ est veritas supra naturalem rationem existens, ut probatum est *quaest. preced.* ergo omninò lumen ad sui manifestationem requirit, quod naturale rationis lumen exuperet; sed hoc est lumen fidei infusæ per modum naturæ inclinans ad assensum principiorum immediate; & mediatè, seu per rationem ad assensum conclusionum theologicarum, quæ per discursum ex eis deducuntur, & per resolutionem ad ipsa innotescunt: ergo necessarium est fidei lumen infusum ad Theologiæ principia stabilienda.

77.

q. 1. de  
virt. a 13.  
& 1. ad  
Corinth.  
cap. 12.

Dices ex P. Vasquez cognitionem principiorum Theologiæ supernaturalem esse ex parte Dei revelantis; quia videlicet nemo illam investigatione rationis naturalis sibi posset comparare. *Contra*, revelatio illa seu revelans se habet in ratione causæ exterioris duntaxat, solumque ad assensum inclinare potest per modum causæ exterioris; sed id non sufficit ad perficiendum intellectum in iudicio divinorum, & elevandum ad cognitionem supernaturalem, qualis ad stabilienda principia exigitur: ergo requiritur præterea lumen infusum, seu fides infusa. Prob. minor; quia in omni cognitione lumen intellectuale est principalis, & prima causa manifestationis, & iudicii; ac subinde tam principia quam doctrina exterior, nonnisi dependenter ab eo, ceu instrumenta à causa principali manifestant; ergo si sit cognitio supernaturalis, & divina seu ordinis superioris, oportet ut lumen illud supernaturale sit, & infusum, nec unquam certum & infallibile iudicium

dicium haberi poterit, nisi adsit huiusmodi lumen per modum naturæ ad assensum principiorum inclinans; tota autem conclusionum certitudo, & iudicii earum ex cognitione principiorum dependet; ergo neque conclusionum theologicarum omnimoda certitudo haberi poterit, nisi per resolutionem ad huiusmodi principia fide divina credita, & ut primæ veritati infallibili innituntur.

Vt hæc dilucidius percipiantur advertendum est ex S. D. primam veritatem esse omnis veri creati perfectam regulam, & eatenus verum creatum infallibilitatem sortiri, quatenus ipsi commensuratur. Idcirco intellectus circa principia prima errare nequit, quia immediatè illi regulæ infallibili subordinatur per huius lucis participationem ex vi propriæ formæ sibi competentem. Ex quibus etiam veritatis infallibilitas accidit secundum scientiæ certitudinem circa conclusiones ipsas scientificas. In principiis tamen falsitas per accidens contingere potest ex parte principij cognitionis, inquantum scilicet omnis nostræ cognitio ex sensibus, & phantasmatibus ortum ducit, & aliter species componit, aut dividit quam oporteat. Ergo quamdiù conclusionis Theologicæ iudicium in primam illam regulam ratione principiorum suorum non resolvitur, per se veritatis infallibilitatem sortiri nequit; sed fides acquisita, & humana in illam per se non resolvit; sed alteri motivo innititur in cognitione & iudicio divinorum, ut explicuimus: ergo nequit Theologiæ principia stabilire, sed requiritur omnino fides infusa, & supernaturalis. Possunt ergo ista motiva, videlicet perpetrata miracula, humana

78.

q. 1. de  
verit. art.  
4. 3. d. 24.  
art. 3. q.  
2. ad 2. 1.  
p. q. 25. a.  
6. opusc.  
1. cap. 30.  
Ioan 4.  
lect. 5.

64 *Quest. I. De Sacra Doctrina,*  
humana authoritas , testimonium doctrinæ ,  
femina esse huiusmodi principiorum , ut sunt  
ad fidem infusam inductiva , sed neutiquam  
ratio formalis assentiendi , & iudicandi de di-  
vinis cum discretione credendorum à non cre-  
dendis.

§. I.

*Argumenta contraria dissolvuntur.*

79.  
2.2 q. 5.  
art. 3.

**O**bjicitur primò , in hæretico non manet  
fides infusa ; sed verè manet Theologiæ  
habitus : ergo ad istum fides infusa principio-  
rum non exigitur ; aliàs fide infusa deperdita  
omniò deperiret , cum ex principiis ejus ve-  
ritas , & certitudo penitus dependeat. Minor  
probatur primò , quia huiusmodi assensus non  
est opinativus , cum sine formidine conclusio-  
nibus quibusdam assentiat : ergo certus , ac  
scientificus sicut antea. Secundò ; quia circa  
aliquas conclusiones , circa quas non errat ,  
eodem modo discurret sicut antea ; eisque ad-  
hæret , & assentitur , & si ipse ad fidem con-  
vertatur absque alia mutatione intrinseca ;  
vel absque aliquo superaddito Theologiam ,  
quemadmodum antea habere noscitur : ergo  
signum est , quod per hæresim Theologiæ ha-  
bitus non deperdatur , sed maneat. Tertiò ,  
quia non corrumpitur habitus intellectualis ;  
qualis est Theologicus , nisi per causam oppo-  
sitam , seu agens contrarium , vel totalem ces-  
sationem ab actu ; sed hæresis , seu infidelitas  
Theologiæ non opponitur , sed fidei ; nec hæ-  
reticus totaliter ab actibus rationum Theolo-  
gicarum cessat : ergo nullatenus assignari potest  
causa

1.2.q.53.



*Art. I. An sit necessaria, &c. Cap. VII. 65*  
causa aliqua corruptionis habitus Theologici  
in hæretico, ac subinde manebit sicut antea.

Respondetur quod sicut in hæretico fides 80.  
nonnisi secundum quandam æstimationem ma- 2.2. 9.5.  
net, ita neque Theologiæ habitus. Ad primam 23.  
probationem minoris dicimus, quod sicut hæ-  
reticus circa unum articulum pertinaciter erra-  
bundus, de cæteris fidem verè non habet, sed  
opinionem quandam, quia videlicet non est  
paratus in omnibus Ecclesiæ doctrinam sequi,  
ceu infallibilem veritatis regulam, utpote ex  
prima veritate immediatè procedentem; ita &  
de conclusionibus illis, quibus assentitur, non-  
nisi opinionem quandam habet; cum nequeat  
conclusionis certitudo principiorum certitudi-  
ne major esse, aut habitus, quo ipsa cognosci-  
tur, perfectior. Quod autem formidinem in  
assentiendo minimè sentiat, non dimanat ex  
principio formali certitudinis, & infallibili-  
tatis intrinsecè causativo, nimirum resolutione  
conclusionis in prima principia, ut sunt con-  
clusionis causa illuminans, & certificans; sic  
enim ad assentiendum omnibus inclinaretur,  
cum sit idem medium per se illuminans, nimi-  
rùm veritas prima; sed ex proprio voluntatis  
arbitrio, & quia sibi ita videtur, propter ali-  
quod motivum sufficiens ad inducendum  
utrumque assensum per modum cujusdam dis-  
positionis ad fidem principiorum; sed non per  
modum causæ propriæ, & radicis ipsius infal-  
libilitatis, ut supra diximus.

Ad secundam probationem respondetur di- 81.  
stinguendo antecedentis primam partem; hæ-  
reticus eodem modo discurrit, sicut antea, ma-  
terialiter, & secundum ipsarum enunciationum

Opus. 70  
q. 6. 2. 2.

ac specierum intelligibiliū à phantasmatibus desumptarum coordinationem, concedo; formaliter, & quoad certam resolutionem conclusionum in principia Theologica, & iudicium earum, nego: Hujus rei gratia notandum est ex S. D. in qualibet cognitione præsertim discursiva, duo pensanda esse; nimirum principium, & finem seu terminum; principium est à sensu, & phantasmatibus in nobis, ex quibus intellectus species intelligibiles abstrahit; dein ipsas componit, aut dividit enunciationum beneficio, quas subinde coordinat, & in formam discursus reducit, unumque ex alio educit, nimirum conclusionem ex præmissis, secundum successionem quandam; terminus autem cognitionis in quodam iudicio consistit, quo de conclusionibus iudicium ferimus certum & infallibile per resolutionem in principia nota, & infallibilia; in quibus ceu causa videtur certò conclusio. Primum est quasi materiale, & præsuppositivè se habens in discursu, sed in secundo formaliter, & completivè consistit, ut ex D. Thoma satis explicitum est *tomo 2. Clipei philosoph. ph.* Quia in sola resolutione fit perfecta rei cognitio. Dicimus igitur hæreticum quoad principium cognitionis, & discursus duntaxat eodem modo se habere, quia similiter infert, sed non quoad terminum, quia non similiter iudicat; quia non est similis veritatis judicandæ regula. Ad secundam partem similiter dicimus in hæretico, dum ad fidem convertitur, intrinsecam fieri mutationem, non secundum facilitatem illam, & in principio cognoscendi sed in termino; quia aliter fit iudicium, & conclusionis certitudo per distinctum resolvendi modum,

*Art. I. An sit necessaria, &c. Cap. VII. 67*

modum, & formalem rationem sub qua diversam suscipitur.

Ex quibus inferimus habitum theologicum in hæretico manere in ratione habitus cujusdam, seu potius habilitatis facilitantis intellectum ad cognoscenda per rationem, & discursum divina; sed non in ratione virtutis intellectualis, de cujus ratione est facultatem perfectæ cognitionis, & judicandi facere; & ad oppositam virtuti non inclinare: Ratione cujus habilitatis hæreticus facilis circa divinorum cognitionem sicut antea videtur, & similes operationes exercere apparet, ut discurrere &c. sicut aqua, cum ex calida in tepidam transit, non remanet simpliciter calida, seu cum calore, sed cum caliditate quadam, ratione cujus similes quasdam operationes exhibere videtur; sicut exhalare fumum, expellere frigus &c. Et sicut ratione hujus habilitatis aqua facile in calidam transit, ita & hæreticus ratione illius habilitatis in eo post deperditam fidem remanentis iterum suscepta fide infusa facillimè in perfectum Theologum commigrat & Theologi operationes verè agit.

82.

Ad tertiam probationem Resp. habitum conclusionum Theologicarum dupliciter corrumpi posse. Vno modo ex parte ipsarum propositionum seu enunciationum, ex quibus ratio procedit. Etenim huic enunciationi *Deus est providens* contrariatur hæc altera; *Deus non est providens*. Alio modo quoad ipsum rationis processum (scilicet posterioristice syllogismo accepto) propter diversum medium, & rationem formalem diversam judicandi, & resolvendi. Dico igitur, quod in hæretico respectu earum

83.

I. 2. q. 53.  
art. 1. c.

veritatum ad fidem spectantium quas negat, habitum Theologiæ utroque modo corrumpi, nimirum, & propter diversas enunciationes, & propter diversum rationis processum; sed quoad eas, quibus eodem modo assentit, quoad rationis duntaxat processum diversum corrumpitur, quia diversa est formalis ratio sub qua iudicat, & resolvit, ut diximus, & de sciente fit opinans intrinsecè, aut de sciente formaliter efficitur materialiter sciens: sicut si quis demonstrationis medium obliviscatur, tamen eandem conclusionem teneat, & ei assentiat, tunc materialiter duntaxat conclusionem scire dicitur, sed non formaliter propter defectum ignorati medij. Vel si propter aliud medium probabile assentiat, fiet ex sciente opinans. Et licet infidelitas secundum rationem formæ, Theologiæ non opponatur saltem immediatè, benè tamen mediatè & ratione principij activi, ac subinde habitum Theologiæ corrumpere potest. Quemadmodum si quis erret circa principia prima, habitus scientiæ removetur.

84.

1. p. q. 1.  
a. 6. 1. 1.  
q. 5. a. 4.

Objicies secundò, Theologia nostra simpliciter est habitus naturalis, & acquisitus; sed tota ratio sciendi est ex principiis: ergo principia Theologiæ non requirunt fide infusa credi, ut ex eis Theologiæ habitus per rationem & discursum comparetur. Confirm. 1. habitus supernaturales habituum naturalium causa, & radix esse nequeunt, cum specie, vel saltem proximo genere distinguantur; sed fides est habitus infusus, ac supernaturalis: ergo nequit esse causa, & radix Theologiæ, quæ est habitus acquisitus; sed principiorum habitus est  
radix

*Art. I. An sit necessaria, &c. Cap. VII. 69*

radix scientiæ : ergo principia Theologiæ non debent fide infusa credi. Confirm. 2. Si principia Theologiæ fide infusa credi oporteret, ad utendum illis, gratiæ supernaturalis opus esset auxilio ; sed constat nos ad theologisandum huiusmodi auxilio non egere ; ergo neque fide infusa ad cognoscendum Theologiæ principia.

Resp. ad arg. duo ad rationem cujuscunque habitus intellectivi concurrere ; nimirum intellectus agentis lumen, & species intellectuales ordinatas, quæ medio lumine intellectuales in actu efficiuntur, & ceu instrumenta ejus vim illuminandi suscipiunt, ad certam rei cognitionem ipsum perficientes, ac determinantes. Dicimus ergo Theologiam, seu sacram doctrinam, prout specierum ordinationem dicit, quo ab uno noto ad aliud cognoscendum fit intellectualis progressus, esse habitum acquisitum, & à naturale scientiarum principio, & causa procedentem ; attamen quoad lumen quod supernaturalis, & infusus est, nisi enim naturale intellectus agentis lumen divina illustratione roboretur, numquam ad discernenda, & dijudicanda divina, quæ ejus rationis investigationem excedunt, elevari, ac pertingere poterit. Ipsum enim totius cognitionis supernaturalis radix est, quemadmodum lumen naturale est totius cognitionis naturalis principium quo activum per diffusionem sui in intelligibilia prima, & mediantibus his in alia. Unde non immerito à Theologis dici consuevit habitus radicaliter supernaturalis, & inchoativè, sicut habitus principiorum est inchoativè naturalis, & ratione specierum à sensu acceptarum acquisitus ; & habitus scientiæ ratione ejus dicitur

85.

1. dist. 3.  
q. 5. art.  
unico ad  
1. 1. 2. q.  
5. 1. 2. 4.

esse secundum naturam hominis. Vnde distinguo min. tota ratio sciendi est ex principiis, ceu instrumentis habentibus vim illuminandi ex lumine intellectuali, ut contracto & determinato concedo ; ceu causis principalibus, & ex se illuminantibus nego : Et sub hac ratione Theologiæ principia fidem exigunt infusam, ceu prima instrumenta cognitionis divinæ, ex quibus conclusiones Theologiæ eruuntur, & revelationi mediata subsunt.

---

## C A P V T V I I I.

*Quomodo premissa naturalis unà cum supernaturali ad assensum conclusionis theologica concurrere valeat ?*

86. **I**N superiori articulo constituimus ad principia Theologiæ stabilienda fidei lumen infusæ, seu lumen divinum, ac supernaturale omnino desiderari. Cum ergo non paucae occurrant conclusiones, quæ ex principiis eruuntur, quorum alterum naturali rationis lumine innotescit v. g. in hoc syllogismo : *Omnis homo est risibilis, sed Christus est homo : ergo Christus est risibilis* ; major lumine naturali est nota ; minor fide suscipitur, dubium non modicum occurrit, an huiusmodi propositio, ut naturaliter nota, seu ut lumini naturali subest, per se influat in conclusionem Theologicam, ut causa principalis assensus Theologici, vel qua ratione id præster ?

87. Supponendum est ex S. D. demonstrationis præmissas

Præmissas dupliciter capi : primò præsuppositivè , & materialiter ut quædam enunciationes sunt verum significantes , vel enunciantes aliquod objectum complexum circa quod absolute intellectus judicium ferri potest. Secundò formaliter & in vi præmissarum , seu ut propositiones sunt positæ in syllogismo demonstrativo ad causandum assensum conclusionis interventu medij syllogistici , quod continent , & quo vinciuntur , illuminantque conclusionem , quæ per resolutionem in eas , ceu effectus in causa videtur ? Et ex hujusmodi visione necessitatur ad assentiendum conclusioni propter præmissas illas , quæ sicut sunt principia ejus illativa , ita , & resolutionis demonstrativæ terminus , in quo judicium de veritate conclusionis perficitur , & completur. Sicut autem unicus est assensus formaliter , ita & ambæ præmissæ per modum unius principij , & causæ totalis ad illum concurrunt , non quidem principalis , sed instrumentalis , si loquamur de hujusmodi præmissis objectivè sumptis , prout de eis impræsentiarum fit sermo. Vnde non habent agere vel influere , nisi ut motæ ab intellectuali lumine , quod determinant , sicut instrumentum determinat virtutem principalis agentis. Quapropter sicut omne instrumentum duplicem actionem sortitur , unam videlicet ex propria natura ; aliam verò prout est motum à primo movente ; sicut calor ignis , qui est instrumentum virtutis nutritivæ ex natura propria habet dissolvere , consumere , & hujusmodi effectus , sed in quantum instrumentum animæ vegetabilis generat carnem : ita & illæ præmissæ duplicem quodammodo actionem for-

tiuntur ; alteram propriam , & alteram ex lumine intellectuali quod determinant , & in cuius virtute agunt. Videnda sunt quæ diximus *tomo 2. Clypei Philosophia q. 14. art. 2. §. 5. & 6. & tomo 3. q. 8. art. 9.*

88. Dico igitur præmissam naturalem positam positione medij in demonstratione Theologica, ut præmissa est formaliter, & illativè simul cum præmissa supernaturali non influere in conclusionem Theologicam , & assensum ejus , ut enunciatio est naturaliter nota , sed ut subordinatur lumini divino , seu fidei infusæ , & intellectui illustrato , tanquam instrumentum principali agenti. Esto præsuppositivè , & materialiter naturaliter nota sit , & ut sic præsuppositivè & materialiter possit esse conclusionis causa veluti materialis , inquantum terminus ejus , qui per lumen naturale rationis habet innotescere est illius conclusionis materia. Sumitur ratio ex Philosopho *lib. 1. Poster. text. 20. & D. Thom. ibid. lect. 15.* dicens *Ex quo demonstratio est ex his , quæ sunt per se, manifestum est quod non contingit demonstrare descendentem , vel procedentem ex uno genere in aliud genus ; sicut non contingit quod Geometria ex propriis principiis demonstret aliquid descendens in Arithmeticam.*

89. Probatur : nulla causa efficiens potest esse ignobilior suo effectui , & inferioris ordinis ad illum ; sed præmissa naturalis posita & præsupposita in demonstratione Theologica simul cum supernaturali est causa efficiens assensus conclusionis theologicæ : ergo nequit ut sic ignobilior esse illa , seu inferioris ordinis ; sed ut præmissa naturalis est , verè est inferior in certitudine , & veritate respectu conclusionis theologicæ ,



logicæ, quæ est virtualiter revelata, ejusque certitudo, & veritas lumini divinæ revelationis innititur: ergo ut naturalis est non influit in conclusionem, ceu causâ, & principium ejus, sed debet lumini supernaturali intellectus, ceu causæ principali subordinari, & ab eo suscipere quo movere possit intellectum ad assensum conclusionis theologicæ, & virtualiter revelatæ.

Confirmatur præmissa naturalis, quæ ut plurimum habet rationem principij, seu causæ universalis respectu præmissæ supernaturalis, non habet influere, nisi ut determinata per supernaturalem præmissam, ceu causam specialem & proximam; sed ut determinata est ejus virtus per supernaturalem non est formaliter naturalis, seu naturaliter nota; ergo ut naturalis est, non concurrit ad assensum conclusionis Theologicæ, sed ut supernaturalis, & elevata. Major patet, sicut enim causâ superior, & universalis non producit effectum particularem nisi à causâ proxima determinetur; v. g. virtus solis non generat hominem, nisi mediante homine, ceu causâ proxima, & particulari; ita nec conclusio, quæ est ut effectus præmissarum particularis non emanat ab eis nisi inquantum major, quæ verè major est positione medij, per minorem determinatur. Minor declaratur in exemplo supra adducto; *Omnis homo est risibilis, sed Christus est homo: ergo Christus est risibilis*; Verum equidem est majorem sumptam, ut quædam enunciatio est, naturalem esse, & naturaliter constare, & cum formatur discursus ille cum successione quadam, in illo priori ad assensendum hujusmodi majori solo opus esse naturali

naturali rationis lumine; nam si fiat infideli, & ipse certò assentietur, cum tamen lumine fidei sit destitutus; attamen non habet hoc modo causare assensum formaliter effectivè conclusionis illius theologicæ, sed quatenus est in termino cognitionis per resolutionem conclusionis in præmissas, ceu effectus in causam (ut explicuimus, & ex D. Thoma probavimus *tom. 2. Cyp. philos. quest. 14. art. 2. §. 5. & 6.*) sed intellectus non resolvit in præmissam naturalem, nisi ut determinatur per præmissam supernaturalem, inquantum minus extremum continetur sub medio; v. g. non resolvit hanc conclusionem, *Christus est risibilis*, in illam præmissam, *omnis homo est risibilis*, nisi mediante hac, *Christus est homo*, in qua medium applicatur minori extremo tanquam aliquid contento sub illo: ergo cum non constet de continentia Christi sub homine, nisi per fidem, major illa influens virtute medij, ut contentivi minoris extremi, nempe Christi nullatenus lumine naturali constare potest, sed lumine divino, & ut sic erit influens in conclusionem illam Theologicam, & non ut naturalis est, nisi materialiter, & præsuppositivè ad summum.

91. Ex quibus sequitur, quod conclusio non respicit præmissam naturalem & supernaturalem ex æquo, sed illam præsuppositivè & materialiter, quatenus naturalis, supernaturalem vcrò formaliter, ceu causam & principium suæ certitudinis, & veritatis, vel evidentiae, & sub lumine divinæ revelationis; sub quo etiam respicit præmissam naturalem in ratione præmissæ, quia hoc modo supernaturalis est intrinsicè saltem virtualiter, & ratione medij continens

*Art. 1. An sit necessaria, &c. Cap. IX. 75*  
nentis sub se minus extremum, de quo facit  
verificari majus extremum in conclusione. Ar-  
gumenta quæ contra hanc veritatem obiici pos-  
sunt ex dictis, & infra dicendis faciliè diluentur.

---

## C A P V T IX.

*Sitne Theologia habitus entitativè  
supernaturalis ?*

§. I.

*Quadam præsupponuntur.*

Cum quælibet scientia virtute in suis prin-  
cipiis tota contineatur, & in præcedenti  
articulo stabiliverimus, oportere Theologiæ  
principia fide supernaturali, & infusa credi,  
superest modo examinandum, utrum ipsa sit  
habitus entitativè, & quoad substantiam su-  
pernaturalis. Omissis variis de hac re Autho-  
rum sententiis, notandum est sermonem esse  
de Theologia propriè sumpta, quatenus est ha-  
bitus eorum quæ ex fidei principiis ratione, &  
discursu deducuntur, seu ad eorum explicatio-  
nem, & defensionem valent. Etenim si de  
Theologia, seu sapientia, ac scientia divina  
fiat mentio, prout per eam sine ratione, &  
discursu per simplicem veritatis intuitum cer-  
tum de rebus divinis iudicium comparatur, du-  
bium non est quin sint supernaturales habitus,  
& infusi. Cum sint Spiritus Sancti dona; nul-  
la hominis operatione, vel industria compara-  
ta, sed desursum descendencia. *Nec natura ope,*  
inquit

91.

D.Th. 2  
1. q. 9.

inquit D. Iustinus, in exhort. ad gentes, *nec humana cogitatione tam magnas ac divinas res potest homo percipere, sed dono descendente in sanctos viros cælitus, qui non opus habent arte differendi, aut contentiosè disputandi, modò se pueros prabeant operationi divini Spiritus, ut ipsum numen superne descendens pulset eos tanquam lyram, aut cytharam, & cælestem eis sapientiam revelet.*

93. Notandum est præterea scientiam, & à solo  
 1. p. q. duntaxat interiori principio, & ab exteriori  
 117 2. 1. etiam acquiri posse; quemadmodum sanitas  
 c. l. 1. 2. q. quandoque à sola natura causatur; quandoque  
 51. à natura cum adminiculo artis medicinæ. Ab  
 interiori quidem principio, utpote cum per propriam inventionem comparatur. Ab exteriori autem, cum per disciplinam suscipitur. Etenim homini naturaliter inest quoddam intrinsecum sciendi principium, videlicet naturale intellectus agentis lumen, per quod statim à principio universalia quædam scientiarum omnium principia cognoscuntur; quæ dum aliquis ad particularia applicat, quorum memoriam & experimentum sensuum ministerio accepit, inventionem propriam, eorum quæ nesciebat scientiam comparat, ex notis ad ignota progrediens. Scientiam autem per disciplinam, seu doctrinam aliquis capit, cum ducente ac dirigente magistro, vocis vel scripturæ medio, ex præcognitis ad ignotorum notitiam deducitur. Quod dupliciter fieri contingit: primò quidem addiscenti proponendo aliquas propositiones minùs universales, quas tamen ex præcognitis dijudicare valet: vel aliqua exempla, & signa sensibilia ostendendo, ex quibus discipuli

*Art. I. An sit necessaria, &c. Cap. IX. 77*

puli intellectus in cognitionem ignotæ veritatis manuducitur. Secundò, addiscenti ordinem principiorum ad conclusiones proponendo, quia forsan addiscens tantâ vi discursivâ, atque colativâ præditus non est, ut ex principiis conclusiones deducere per se ipsum, valeat. Quapropter 1. post. dicitur quod demonstratio sit syllogismus faciens scire. Et hoc pacto, qui demonstrat scientem efficit auditorem.

Quod in scientiarum naturalium acquisitione præstat intellectus agentis lumen, hoc in divinorum cognitione, quæ rationis facultatem excedunt, fidei infusæ habitus tribuit. Quod verò sensus, & experimentum, seu memoria in earum inventionem efficiunt, id divina revelatio, vel doctrina exterior revelata, in cognitione principiorum Theologiæ faciunt. In his quidem, qui primò fidei doctrinam susceperunt Divina revelatio, & Spiritus Sancti interius docentis unctio; in aliis verò exterior doctrina, seu disciplina per revelationem suscepta. A quo autem illa applicatio universalium sacræ doctrinæ seu Theologiæ principiorum, (quæ sunt fidei articuli) ad particulares conclusiones theologicas, istarumque ad principia resolutio, & iudicium perfectum dimanet, an videlicet à ratione naturaliter discurrente oriatur; & an hoc sufficiat, ut Theologia dicatur habitus simpliciter acquisitus nec ne? difficultatem hîc non modicam faceffit.

Notandum est tertio Deum creaturis duplices indidisse rationes; scilicet causales, per quas omnes ipsæ natæ sunt supremo ejus nutui obtemperare, ut ex eis fiat, quidquid ei placuerit; & seminales, principia nimirum activa,

94.  
Opusc.  
70.

95.  
1. d. 42.  
q. 2. a. 2.  
ad 4. l. 1.  
p. q. 105.  
a 6. &  
per 1eq.

per quæ naturales exercentur effectus. Supernaturale propriè ac potissimum ex ordine ad hujusmodi rationes causales non desumitur; immò secundum eas quodammodo naturale dicitur creaturæ, quodlibet Deus in ea fuerit operatus, à quo est omnis modus, numerus, & ordo naturæ, ut inquit D. Augustinus *lib. 26. contra Faustum*. Penes igitur rationes seminales propria supernaturalitatis ratio pensanda est; cum nimirum præter eas, vel super eas Deus aliquem effectum inducit. Super eas quidem, cum aliquid operatur in quod tota naturæ vis, & facultas nullo modo valet pertingere, aut illud efficere: v. g. corpus humanum formâ gloriosâ donare, solem sistere, duo corpora simul in eodem loco circumscriptivo constituere, & similia; hæc enim natura suâ vi ac potestate nativa, qua pellet, efficere nequit ullo modo. Præter eas autem operari dicitur, cum effectum, quem equidem natura inducere potest absque naturalium causarum officio, vel actione producit: utpotè dum aliquis à febre subitò curatur; operâ enim artis, & naturæ seu causarum naturalium sanitas reddi potest; at non subitò, quia non subitò digeritur, aut consumitur humor peccans; & quemadmodum Deus præter hujusmodi causarum commercium, ac solitum naturæ cursum eam restituit, ac pristinas reparat vires. Primò modo dicitur supernaturale simpliciter, aut secundum substantiam. Secundo modo dici consuevit supernaturale quoad modum duntaxat.

96.

1. 2. q. 51.

2. 4. &amp; 1.

P. q. 105.

27.

Hoc utroque modo aliquem habitum supernaturalem esse, & dici contingit: nimirum simpliciter & quoad essentiam seu substantiam, cum

cum videlicet nullis nostris actibus ullatenus comparari valet ; nec homini nisi divinâ infusione , aut inspiratione concedi potest ; quemadmodum virtutes theologicæ atque gratiæ , quas Deus in nobis sine nobis operatur ; sine nobis , inquam , operantibus , & per proprios naturæ actus eas comparantibus , sed non absque nobis consentientibus. Dicitur autem supernaturalis quoad modum tantum , cum hujusmodi habitus à naturali scientiarum principio natus est per inventionem vel disciplinam comparari ; attamen Deus absque causæ naturalis operâ ac ministerio infundit , ac divinitus inspirat ; sicut Apostolis divinorum scientiam profusa largitate divinitus concessit. Ipsi enim neque inveniētes , neque addiscentes , optimi ac peritissimi Theologi effecti sunt.

§. II.

*Statuitur conclusio , & probatur.*

**C**onclusio. Theologia pro habitu conclusio- 97.  
num theologicarum sumpta, vel scripturarū peritia ; non est habitus intrinsecè, & secundum substantiam , seu essentiam supernaturalis formaliter , sed solum virtualiter , ac præsuppositivè ; quatenus scilicet principia supponit fide infusâ credita , & per resolutionem ad ea complementum suscipit. Hanc conclusionem docet D. Thomas 1.2.q.51.art.4. dicens : *Quandoque ad ostendendum virtutem suam Deus infundit homini illos habitus , qui naturali virtute causari possunt : sicut Apostolis dedit scientiam scripturarum , & omnium linguarum , quam homines per studium acquirere possunt , licet non ita perfecta.*

*fecta.* Scientia autem scripturarum quid nisi Theologia, ut supra ex eodem S. D. ostendimus? Et 2. 2. quæst. 45. art. 1. ad 2. *Sapientia*, inquit, *qua ponitur donum Spiritus Sancti differe ab ea, qua ponitur virtus intellectualis acquisita.* Nam illa acquiritur studio humano, hac autem est *desursum descendens*, ut dicitur Iacobi 3. Idem docet multis aliis in locis, ut 1. sent. art. 3. 1. p. q. 1. art. 6. 2. 2. q. 9. o.

98. Prob. Habitus secundum essentiam, seu substantiam supernaturalis sola infusione comparatur, & nostris actibus nullatenus acquiri potest; sed Theologia prout est habitus eorum, quæ ex fidei principiis deducuntur, seu prout est scripturarum peritia & scientia, per disciplinam & studium proprium, propriisque rationis actibus comparatur: ergo non est habitus secundum substantiam supernaturalis. Major prob. 1. Omnis habitus, qui nostris actibus, seu causis, acquiritur, est in animæ potentiis seu principio activo, & seminali; sed habitus infusi non sunt in potentiis animæ seu principio activo, sed materiali duntaxat: ergo nostris actibus acquiri nequeunt. Major patet: Omnis enim scientia est in primis principiis, quæ naturaliter nota sunt, seu principiis activis instrumentalibus, & in lumine intellectus agentis seu causa principali effectiva, alias se de potentia ad actum sciendi suapte natura nunquam reducere valeret. Minor verò prob. Si in potentia animæ, seu principio activo continerentur, supra naturæ facultatem non essent, nec supra animæ actionem connaturalem elevarentur: ac subindè supernaturales intrinsecè & substantialiter non essent. Id namque supernaturale



*Art. I. An sit necessaria, &c. Cap. IX. 81*  
naturale secundum essentiam, & substantiam dicitur, quod omninò naturæ facultatem, seu principium formale activum exuperat, & excedit. Secundò prob. eadem maj. Quia de ratione virtutis infusæ, ut communiter docent Theologi, est, quod Deus eam in nobis sine nobis operetur; virtus autem pro genere proximo habitum sortitur. Dein quia Theologia est virtus quædam intellectualis; ergo si substantialiter & intrinsecè supernaturalis est, Deus eam in nobis sine nobis operantibus causare debet.

Dices Theologiam, esto nostris actibus comparetur, nihilotenus supernaturalem esse, quoniam ad ejus productionem principaliter habitus fidei infusæ concurret; ratio autem hujusmodi principia in conclusiones theologicas deducens, ut dispositio duntaxat & conditio sine qua non; Effectus autem potissimè secundum causam principalem judicandus est. Nam & fidei infusæ habitus secundum substantiam supernaturalis est, esto per modum dispositionis, & exterioris persuasionis doctrinâ comparetur, ut diximus.

99.

Contra: sic se habet lumen, seu habitus fidei infusæ respectu habitus theologici, quemadmodum naturale principiorum lumen, seu habitus respectu scientiæ ordinis naturalis: sed esto principiorum habitus sit nobis à natura inditus, & causa principalis habitus scientifici, tamen iste non est à natura inditus, sed omninò arte atque doctrinâ, seu disciplinâ acquiritur: quia non est natus perficere intellectum in judicio veritatis per modum naturæ, sed ratione ad assentiendum convincitur, & discursu sententiam profert: ergo similiter esto habitus

fidei infusæ supernaturalis sit, & radix habitus theologici, doctrinæque sacrae complementum; quia tamen fidei habitus per modum naturæ, & absque discursu perficit intellectum in judicio, & assensu veritatum supernaturalium; habitus verò Theologiæ per rationem, & discursum hujusmodi judicium de veritatibus divinis sibi comparat, censendus erit habitus simpliciter acquisitus, *ex 1. 2. q. 57. o. 1.*

100.

Itaque admissio quod ratio Theologiæ principia in conclusiones deducens, secundum rationem discursus prioristice sumpti, se habeat ut conditio sine qua non, tamen, secundum rationem discursus posterioristice accepti, prout nimirum importat ordinem principiorum ad conclusiones, ceu causam ad effectus proprios, vel effectuum ad causas proprias, verè est causa distincti habitus intellectualis à fide; quia fides in verum Divinum tendit, ut per se notum, & principium convincens immediatè intellectum ad sui assensum; non equidem propter evidentiam quam pro hoc statu habet, sed propter certitudinem ex conjunctione ad primam & omnino infallibilem veritatis regulam: habitus autem, seu discursus theologicus tendit ad verum divinum ut per aliud notum; conclusiones enim Theologiæ per resolutionem ad articulos fidei cognoscuntur; sed notum per se, & ut principium; & notum per aliud, seu ut terminus, sunt distinctæ rationes veri cognoscibilis, & in ordine ad ea diversi habitus intellectuales admittuntur, scil. habitus principiorum, & sapientiæ atque scientiæ; quorum primus est à natura inclitus, alij simpliciter acquisiti; quia in eo quod per aliud cognosci debet,

debet, & non statim hujusmodi verum, opus est studio, & rationis investigatione: ergo pari ratione ad cognoscendum verum divinum mediâtè & per aliud, erit necessarius Theologiæ habitus à fide infusa distinctus. Et quia totum quod addit supra fidei habitum rationis est, nimirum studium, & rationis inquisitio, omnino fatendum est habitum Theologiæ prorsus acquisitum esse. Ibid.

Secundo prob. scientiæ seu habitus qui per discursum & demonstrationem comparatur, est naturalis, quia demonstratio est syllogismus suaptè natura faciens scire, ut dicitur 1. *Poster.* sed Theologia est habitus per demonstrationem, vel saltim discursum vim demonstrationis habentem comparatus: ergo nullatenus est habitus supernaturalis, sed acquisitus. Maj. patet: Etenim ille effectus supernaturalis censendus non est, cujus est naturale principium proprium, & proximum, cum effectus à suo principio formali specificetur, in quantum suam naturam ab eo accipit. Hinc D. Thomas 2. 2. *quest. 9. art. 2. ad 1.* scientiam, quatenus est donum Dei, naturalem esse negat, quia in ea per discursum, & rationem, judicium de veritate non acquiritur, sed absque discursu, per simplicem veritatis intuitum, ex superna illustratione provenientem, qua filij Dei agi dicuntur, ut veritates divinas sanè percipiant, ac sine errore discernant.

Quod autem virtualiter, ac præsuppositivè supernaturalis sit, manifestum est: scientia enim conclusionum virtute in principiis ceu rationibus seminalibus tota continetur, & per reductionem ad ea suæ certitudinis, & evidentiae

complementum suscipit. Principia autem sacrae doctrinae, nimirum fidei articuli nonnisi supernaturaliter cognosci possunt. Idcirco à D. Thom. *hic art. 1.* & alibi passim Theologia dicitur scientia revelata, vel divinitus inspirata; quia ex principiis divina revelatione cognitis procedit, attamen per rationem, & discursum de veritatibus divinis iudicium capit, & proferit. Vel dicitur, divinitus inspirata; quoniam cum scientia dupliciter acquiri possit, nimirum inventione propria, & doctrinâ ac disciplinâ, quo utroque modo scientiæ humanæ, acquisitæ ac naturales dici possunt, quia primitus industria hominum inventas eas disciplina, seu doctrina communes fecit; tamen scientiæ divina, non quidem originativè suscepta est hominum inventionem, sed revelationem divinam, saltem quoad præcipuas ejus veritates, ac principia. Quod non obscure sacra scriptura indicat Baruch 3. ubi de hac divina scientia loquens ait: *Invenes viam disciplina ignoraverunt; neque intellexerunt semitas ejus: exquisitores prudentia, & intelligentia viam sapientia nescierunt, neque commemorati sunt semitas ejus; Deus adinvenit omnem viam disciplina: & tradidit illam Jacob puero suo, & Israël dilecto suo.* Attamen esto per inventionem humanam, & rationis investigationem comparata non sit, tamen semel agnitis, aut fide divina principiis ipsius stabilitis ratione & discursu, studioque adhibito comparatur.

§. III.

*Solvuntur contrariorum objectiones.*

**O**bjicies 1. Habitus quibus homo bene ad 103.  
finem disponitur, qui facultatem ejus 12951.  
naturalem excedit, supernaturales sunt: sed 246.  
habitus Theologiæ hominem ad finem ultimum  
supernaturalem, & excedentem facultatem ejus  
naturalem, nimirum æternam beatitudinem,  
disponit: ergo intrinsecè & substantialiter su-  
pernaturalis censendus est. Maj. patet: Etenim  
habitus oportet illis rebus esse proportionatos,  
ad quas homo per ipsos disponitur: ergo si fi-  
nis supernaturalis est, atque excedens, neces-  
sum est habitum quoque supernaturalem esse.  
Minor etiam est evidens: Quia ex eo D. Tho-  
mas *hic art. 1.* præter physicas disciplinas, quæ  
ratione humana investigantur, sacram Theo-  
logiæ doctrinam necessariam esse constituit ad  
salutem, quia homo in Deum ordinatur ceu  
in quendam finem supernaturalem, & qui com-  
prehensionem rationis excedit, ad quem scien-  
tiæ naturales bene & sufficienter eum dispone-  
re nequeunt.

Respondeo distinguendo minorem. Habitus 104.  
Theologiæ mediante fide infusâ, & supernatu-  
rali, ceu habitu principiorum ad illum finem  
nos ordinat, concedo minorem; per modum  
formæ immediatè nos Deo fini supernaturali  
conjungentis, nego minorem; ergo intrinsecè  
est habitus supernaturalis, radicaliter, inchoa-  
tivè, & mediante fide, concedo: formaliter  
& secundum id quod de se addit fidei, nego.  
Hoc enim totum quod addit, ratione cujus

habet rationem virtutis intellectualis, media fide ordinantis nos in Deum, totum studio fit & comparatur, ut probavimus.

105. *Obijcies 2.* Theologia circa objectum, seu subjectum supernaturale formaliter, seu modo supernaturali versatur; sed hoc exigitur, & nihil amplius, ut aliquis habitus intrinsecè supernaturalis habeatur: ergo theologia est habitus intrinsecè, & essentialiter supernaturalis. Major prob. Theologia pro objecto respicit conclusiones ex fidei principiis deductas, prout divinæ revelationi ceu rationi formali subsunt; pro subjecto vero Deum respicit, non equidem ex creaturarum rationibus cognoscibilem, sed inspirationis divinæ beneficio, ut dicemus infra; sed hujusmodi conclusiones sunt veritates quædam supernaturales, necnon ipse Deus sic cognoscibilis, finis supernaturalis est: ergo Theologia respicit objectum seu subjectum supernaturale formaliter, seu modo supernaturali.

106. *Respondeo negando maj.* Ad cujus prob. concessa majori dist. minorem; hujusmodi conclusiones sunt veritates quædam supernaturales materialiter, & præsuppositivè, seu ex parte principij radicalis activi cognitionis, concedo: formaliter, & secundum applicationem principiorum ad ipsas, ceu causæ ad particulares effectus per ordinationem specierum intelligibilium, nego min. hæc enim ordinatio labore & industria comparatur, ac subindè Theologiæ scientia formaliter est habitus acquisitus, cum scientia in tali specierum intelligibilium ordinatione, & applicatione principiorum ad conclusiones formaliter quoad suum generari

*Art. 1. An sit necessaria, &c. Cap. IX. 87*  
generari consistat, & solum præsuppositivè habitum principiorum includat. Ex D. Thom. 3. d. 14. art. 3. *quæstiunc. 4. c. verit. q. 10. art. 2.*

Sed dices, multoties contingere, quod conclusiones ipsæ theologicæ de fide sint: vel quia per Ecclesiam definitæ, vel quia ex duabus de fide præmissis, evidenter & necessariò inferantur: ergo cum cognitio supernaturalis, & infusa esse debet: ac subindè supernaturalem habitum non generare non poterit.

107.

Respondeo distinguendo antecedens; contingit multoties, quod conclusiones ipsæ de fide sint, formaliter & secundum acceptionem earum ex principiis ordinatis, & applicatis per rationem ad tales conclusiones, seu particulares eorum effectus, nego: materialiter & ut quædam enunciationes sunt, dicentes commensurationem ad rem supernaturalem, & excellentem rationis conceptum, concedo antecedens. Et dist. consequ. cognitio earum est supernaturalis, secundum quod accipitur per rationem applicantem principia ad conclusiones, nego: si huiusmodi cognitio feratur in ea simpliciter per modum intellectus cuiusdam principiorum, seu enunciabilium concedo: Hoc enim modo ad habitum fidei pertinent; sed primo modo ad habitum Theologiæ. Exemplum tritum habemus in ista conclusione: *Ergo Christus habet humanam voluntatem*; quæ si sumatur per modum cuiusdam enunciabilis, seu veritatis complexæ, objectum est fidei, est enim veritas ab Ecclesia definita: at verò si sumatur, ut infertur ex ista Christus est homo; & per ordinationem intellectualem suscipitur, verè est conclusio pertinens ad habi-

tum Theologiæ, & ratione ejus cognitio comparatur.

108. Objicies 3. Illa scientia est entitativè supernaturalis censenda, cujus specificativum est formaliter supernaturale; sed principia Theologiæ, quæ sunt formale specificativum theologicarum conclusionum, prout lumini infuso fidei subsunt, sunt supernaturalia: ergo & ipsa Theologia erit habitus entitativè supernaturalis.

109. Confirmatur; illa scientia debet dici supernaturalis simpliciter, & entitativè, cujus differentia essentialis supernaturalis est; sed certitudo Theologiæ, quæ est differentia illius essentialis, quemadmodum & cujuslibet scientifici habitus, est supernaturalis, cum sit omni certitudine naturali major: ergo habitus Theologiæ est entitativè supernaturalis.

110. Respondeo concessa majori dist. min. Principia Theologiæ præsuppositivè, & ut quædam enunciationes sunt, seu veritates complexæ terminantes simpliciter judicium intellectus, sunt supernaturalia concedo; formaliter sumpta & secundum intellectualem ordinationem, & applicationem eorum ad excipiendas, & ratione deducendas particulares ex eisdem conclusiones, resolvendas in principia, seu effectus, in causas, nego. Hoc autem modo scientiam specificant & causant; non verò primo modo, nisi præsuppositivè, quatenus secunda operatio intellectus ad tertiam præsupponitur, & habitus principiorum ad habitum scientiæ. Vnde habitus Theologiæ præsuppositivè duntaxat supernaturalis censendus est, non formaliter entitativè sicut scientia est habitus secundum naturam



*Art. I. An sit necessaria, &c. Cap. IX. 89*  
turam propter habitum principiorum, tamen  
formaliter ratione, & doctrinâ comparatus, &  
acquisitus reputatur.

- Dices illam applicationem tantummodo se  
habere, ut conditionem *sine qua non*, non ve-  
rò ut generativam illius habitus: ergo propter  
eam non debet simpliciter naturalis, & acqui-  
situs reputari, sed propter principia dici super-  
naturalis, quæ effectivè principaliter causant  
ipsum. I 11.

: Respondeo dist. antecedens; illa applicatio  
tantummodo se habet, ut conditio *sine qua*  
non, non verò ut generativa illius habitus, si  
prioristicè sumatur, & secundum ordinationem  
demonstrationis in modo, & figura, concedo an-  
tecedens; si sumatur posterioristicè & secundum  
coordinationem specierum intelligibilium, ap-  
plicationemque primorum principiorum ad  
conclusiones certas, & necessariò connexas  
cum illis, tanquam effectus cum propriis cau-  
sis, nego; hoc enim pacto est causa activa for-  
malis proxima ipsius scientiæ, & subinde cum  
hujusmodi ordinatio ratione ordinante per do-  
ctrinam, & disciplinam fiat, habitus Theologiæ  
simpliciter acquisitus erit. I 12.

Respondeo ad Confirm. dist. min. Certitu-  
do Theologiæ est supernaturalis præsuppositi-  
vè, radicaliter, & inchoativè, seu secundum  
principium universale ipsius certitudinis, con-  
cedo; formaliter, & quantum ad principium  
formale proximum ipsius certitudinis, nego;  
ac subinde supernaturalis erit inchoativè dun-  
taxat atque radicaliter. Quod & nos concedi-  
mus. Et ratione hujus dicitur Theologiæ certi-  
tudo major naturalium certitudine scientiarum.

Instabis;

114. Instabis ; Theologia Christi fuit verè supernaturalis , & infusa ; sed non ob aliam rationem , nisi quia ex principiis supernaturalibus per discursum derivabatur : ergo ut habitus aliquis sit entitativè supernaturalis , sufficit ut illius principia supernaturalia sint , & supernaturaliter cognita ; esto applicatio eorum ad speciales conclusiones ratione collativa , & resolutiva naturaliter fiat.

115. Resp. quod loquendo de scientia indita animæ Christi ( de hujusmodi enim currit sermo ) fuit supernaturalis , & infusa quoad modum , non verò entitativè ; sed esto daremus illam entitativè fuisse supernaturalem : negamus tamen idcirco eam fuisse hoc modo supernaturalem , quia ex principiis supernaturalibus per discursum derivaretur ; quinimò omnino oppositum dicendum foret , nimirum fuisse supernaturalem , quia videlicet quoad sui acquisitionem minime collativa , discursiva , aut per investigationem rationis comparata fuit ; sed divinitus indita : Esto quoad usum , & exercitium collativa , & discursiva esse potuerit. Nostra autem Theologia quoad sui acquisitionem collativa , & discursiva est , idcirco supernaturalis simpliciter , & entitativè non est reputanda , Ex 3. p. 9. 9. & seq. præsertim 11. art. 3.

ARTICVLVS SECVNDVS.

*Vtrum Sacra Doctrina sit Scientia.*

CAPVT PRIMVM.

*Sitne Theologia verè, & propriè scientia.*

§. I.

*Theologiam esse verè, & propriè scientiam ostenditur.*

**P**RÆTER Gentiles Philosophos qui inanum rationum munitionibus, & subtilitatum argutiis adversus sacram Theologiæ doctrinam se extollentes, eam stultitiam reputarunt, quippe quæ rationi naturali omninò dissona, & contraria stabilire videretur; puta quod immortalis moriatur, quod omnipotens violentorum manibus subjiciatur, & confusione contempta crucis opprobrium subeat &c. Præter etiam Lutherum, qui non contentus universa omnium opera temerare, speculativas omnes scientias errores dixit: & præsertim contra Scholasticam Theologiam invehens, eam veritatis ignorantiam, & inanem fallaciam nuncupavit, Theologi varè de hac quæstione loquuti sunt, quorum sententiis omisiss.

Dicendum est cum D. Thoma, sacram doctrinam,

I.  
1. Co.  
rinth. x.  
D. Th.  
ibid.

Hic art. 2. & opusc. 70. q. 2. 2. 2. 1. sent. prol. art. 2. q. 14. de ver. & alibi supra.

doctrinam, seu Theologiam, etiam in nobis viatoribus, secundum se & substantialiter esse verè, & propriè scientiam, habere tamen ex parte scientis statum scientiæ imperfectum; quatenus principia illius ex parte credentis, seu cognoscentis ea, obscura sunt, & non apparentia, seu non visa, licet secundum se maxime cognoscibila sint, etiam intellectui humano. Hæc conclusio Sacræ Scripturæ, & Patribus admodum consona est; illa enim sacram fidei doctrinam passim vocat scientiam. Sapient. 7. cap. *Dedit illi*, inquit, *scientiam sanctorum*, id est, fidei, quia de alia nequit intelligi, nisi de illa qua fideles, & sancti ab infidelibus, & impiis discernuntur quæ est fidei disciplina. Et Ierem. cap. 3. *Dabo vobis*, inquit, *Pastores, qui pascunt vox juxta cor meum scientiâ & doctrinâ*, id est Apostolos, & Apostolicos viros (inquit glossa) qui pascunt vos credentes scientiâ Christi, & ejus doctrinâ. Patres etiam scientiæ nomen ubique ei tribuunt. D. Augustinus lib. 14. de Trinitate infra citandus. D. Ambrosius explicans illud Apostoli 1. Corinth. 12. id est, *Alij datur sermo scientiæ*, id est, *ut habeat scientiam rerum divinarum*. Idem asserit octonario 9. in psal. 118. ad illa verba *Bonitatem, & disciplinam, & scientiam doce me*. D. Hieronymus epistola 103. ad Paul: & in lib. de scientia divina legis, D. Hilar. 1. & 8. de Trinit. D. Anselmus in epist. 1. ad Corinth. cap. 12. & 13. & communiter cæteri.

3. Nec satis est, si dicas, sacram Theologiæ, seu fidei doctrinam à scriptura, & Patribus scientiam nuncupari generali quadam ratione, prout

prout nimirum certam quamlibet cognitionem scientiæ nomine insignire consuevimus, ut sumitur ex D. Augustino epist. 112. cap. 3. dicente: *Scire non incongruenter dicimur, etiam illud quod certissimum credimus.* Quo pacto etiam dixit Philosophus 1. poster. primorum principiorum esse indemonstrabilem scientiam.

Non, inquam, valet; scientia enim, & sapientia illa Apostolis infusa, & ab eis in viros Apostolicos derivata, non fuit qualiscunque credibilium cognitio, qualis etiam in quolibet fidei idiota reperitur, sed doctrina perfecta, etiam qua poterant adversarios redarguere, & fidem ostendere, quod sit ratiocinando, & demonstrando; sed cognitio quam habet fidelis quilibet de credibilibus, largè scientia dici potest, cum sit cognitio certa: ergo illa alia propriè scientia dici debet. Quapropter Apostolus ipse Corinthios alloquens agebat; *Et si imperitus sermone, at non scientia*; id est, *in scientia divinorum non sum imperitus*, inquit D. Anselmus. Vbi scientia proculdubio usurpari nequit in ampla illa, atque generali significatione, sed propriâ, aliàs nihil ad intentum Apostoli. Etenim præmiserat se in nihilo posteriorem magnis Apostolis, Petro nimirum, & Ioanne, qui cum Iesu conversati fuerant, & veluti divinæ Theologiæ apices, scientiæ fama præcellebant; Et ad hujus rei confirmationem subiungit, *Et si imperitus sermone, sed non scientia*, id est, quanquam vobis sermone imperitus videar, quia simplicem doctrinam fidei vobis, qui nondum poteratis capere perfectam, proposui; tamen non sum scientia destitutus, id est altitudine scientiæ, quâ magni

4.  
1. 2. q. 51.  
art. 4.  
2. ad Timoth. 3.  
2. Corinth. c. 11.  
D. Chrysost. hom. 22.  
D. Th. lect. 2.

94 *Quaest. 1. De Sacra Doctrina,*  
gni Apostoli pollent, & alij qui se, ab eis missos  
dicunt.

5. Et profectò, si quid hæc evasio valeret,  
ubique scriptura, & Patres Deo rationem  
scientiæ aut sapientiæ tribuunt, eadem ratione  
possent eludi, dicendo scientiam ab eis in Deo  
constitui, generali quadam ratione dictam, &  
non propriè acceptam, quod neque hi Autho-  
res faciliè admissuri sunt, qui Deo propriam  
sapientiæ, ac scientiæ rationem concedunt, &  
quidem meritò. Vnde postquam D. August. de  
Theologia protulisset ( quæ D. Thomas in *sed  
contra* adducit ) dicens lib. 14. de Trinit. cap. 1.  
*Huic scientia attribuitur illud tantummodo quo  
fides saluberrima, qua ad veram beatitudinem  
ducit, gignitur, nutritur, defenditur, roboratur;*  
statim S. D. subdit; *Quæ scientia non pol-  
lent fideles plurimi, licet polleant fide plurimum.*  
*Aliud est enim scire tantummodo, quid homo  
credere debeat propter adipiscendam vitam bea-  
tam, quam non nisi æterna est; aliud autem scire,  
quemadmodum hoc ipsum, & piis opituletur, &  
contra impios defendatur, quam proprio appella-  
re vocabulo scientiam videtur Apostolus 1. Co-  
rinth. 12. dicens; Alij datur sermo sapientia, alij  
sermo scientia. Vbi S. D. cognoscere credibilia  
simpliciter vocat scire, quid aliud nisi sub  
communi ratione scire vocat? ergo dum contra  
distinguit ipsum scire Theologiæ à cognitione  
fidei, loquitur de scire propriè, quod insinuas-  
se videtur dum subjungit; *Quam proprio ap-  
pellare vocabulo scientiam videtur Apostolus.**

6. Deinde probat D. Thom. in corpore: Quia  
ad rationem scientiæ duo requiruntur, unum  
ex parte conclusionum, scilicet quod ex aliqui-  
bus

1. sent. ad  
Annib.  
prol. q. 1.  
2 1. c.

bus principiis necessariò deducantur; aliud ex parte principiorum, videlicet quod sint certa, sive per viam credulitatis, & fidei, sive per visionem eorum in illa scientia; sed hæc duo in Theologia inveniuntur: ergo est vera, & substantialiter scientia. Minor patet, nam in Theologia conclusiones aliquæ ex principiis deducuntur, sicut Apostolus 1. *Corinth.* 15. probat resurrectionem generalem futuram per hoc quod Christus resurrexit; sunt etiam ejus principia certa per viam fidei divinæ, per quam eis certò assentimur. Maj. verò prob. quia duplex est genus scientiarum, scilicet subalternans, & subalternatum: sed in subalternatis principia sunt certa solùm per viam fidei, & non per visionem eorum in dictis scientiis, sed in superioribus duntaxat quibus subalternantur; in subalternantibus autem sunt certa, quia visa, & per se nota in eis: ergo ad rationem scientiæ sufficit quod principia ejus sint certa, sive per visionem eorum in dicta scientia superiori; sive per viam fidei, & credulitatis in scientia inferiori, quæ accipit illa ut visa, & per se nota in superiori.

Probat. 2. ratione; Certitudo judicij, quæ 7.  
per resolutionem habetur, non solùm ex ipsa 1. post.  
syllogismi forma, sed etiam ex materia, quia lec. 1. q.  
nimirum sumuntur propositiones per se, & ne- 14. de  
cessariæ, nonnisi ad scientiam pertinere potest; verit. art.  
sed judicij theologicij certitudo ex parte rei sci- 8. & 9.  
tæ per resolutionem habetur, non solùm ex arg. 4.  
ipsa syllogismi forma, sed etiam ex materia, 1. 2. q. 57.  
quia assumuntur propositiones per se, ac neces- art. 4.  
sariæ: ergo ipsa Theologiæ doctrina per quam  
hujusmodi judicium de conclusionibus theo-  
logicis

logicis habetur, verè, & propriè est scientia ex parte rei scitæ. Prob. maj. hujusmodi certitudo imprimis pertinere nequit ad aliquem intellectus habitum, qui circa contingentia versetur, sicut ars & prudentia, ut patet; quia conclusiones illæ sunt necessariae. Deinde neque potest opinioni adscribi, quippe quæ veri, & falsi est, & annexam necessariò habet in assentiendo formidinem, ac denique secundum Philosophum, debile quidpiam, & infirmum est. Neque etiam est fidei, quia ad assentiendum non merè voluntariè declinat, sed ex principio noto per se, vel supposito de necessitate cogitur intellectus ad assentiendum, quod non habet fides; Non denique ad habitus primorum principiorum spectare potest, quia hic non respicit verum per aliud, & mediatè notum, sed per modum naturæ in per se notum fertur absque ratiocinatione, & discursu: ergo hujusmodi certitudo judicij nonnisi ad scientiam spectare potest. Minor etiam est certa, & multis exemplis demonstrari potest, quorum hoc unum nobis sufficiat; *Accedentem ad Deum oportet credere quia est, & quod diligentibus se remunerator sit: sed non potest remunerare opera hominum, nisi cognoscat operantes, & ipsorum opera: ergo oportet credere quod singularia Deus cognoscat* 1. dist. 36. q. 1. art. 1.

8. Dices non sat esse quod certitudo illa ex per se necessariis habeatur, sed etiam ex per se notis, vel reducibilibus in per se nota; quod in propositionibus Theologicis non contingit, quæ sunt de se obscuræ, quippe quæ per fidem susceptæ, de cujus ratione est inevidentia.



Sed contra ; Esto in scientiis superioribus aut subalternantibus istud omnino desideretur, non tamen in scientiis quæ inferiores ac subalternatæ sunt ; istis enim sat est procedere ex principiis suppositis , vel in superiori scientia demonstratis : sed Theologia nostra scientiæ Dei , & beatorum quodammodo subalternatur, ut infra ostendemus : ergo non exigitur , ut certitudo judicij theologici pro hoc statu per resolutionem ad principia per se nota immediate suscipiatur , sed sufficit quod ex his procedat , quæ supponuntur in superiori scientia per se nota , aut demonstrata. Prob. maj. quia principia scientiæ subalternæ ipsi debent esse evidentia , vel ex sola ratione terminorum , aut quia sunt ex aliis evidentibus conclusa : Non primum , quia illam evidentiam solum reperire est in principiis primis , & universalissimis, quorum termini , & rationes terminorum omnibus sunt noti , cujusmodi non sunt scientiæ subalternæ principia. Neque secundum dici potest ; quia accipere ea ut conclusa ad scientiam pertinet concludentem , quæ est de hujusmodi conclusionibus : ergo sufficit accipere illa , ut supposita , & nota in scientia subalternante. Hinc est quod principiorum scientiæ Philosophus quædam vocat dignitates, alia positiones , & tandem alia suppositiones , ut diximus supra. Vide tom. 2. *Clypei Philosop.* q. 15. art. 2.

Conf. non minus ad rationem scientiæ requiritur certitudo quam evidentia ; imò magis, cum non desideretur evidentia rei nisi ut de illa cognitio certa suscipiatur ; sed non potest inveniri , nec est requirenda æqualis certitudo in

Hic art.  
2. c de  
verit. q.  
14. art. 8.  
ad 3.

Ex 1. E.  
thic. lcc.  
3. q. 14.  
art. 1. &

omnibus sermonibus, quibus de aliqua re ratiocinamur, sed juxta modum materiæ convenientem; sicut etiam in his quæ fiunt per artem, non est in omnibus similis operandi modus; aliter enim artifex operatur ex luto, aliter ex ære, aliter ex terra: ergo nec eadem evidentia in omnibus scientiarum principiis expectanda est, sed in quibusdam sufficit ut supponantur, ut sunt suprema intelligibilia, ad quæ pro hoc statu se habet intellectus noster, sicut oculus noctuæ ad lumen solis; in aliis requiritur, ut per se videantur, per quæ de omnibus judicamus: ergo cum Theologia versetur circa maximè intelligibilia, & quæ rationem excedunt, sufficit ei ut supponat principia, ut ei nota per fidem, quâ certissimè eis assentit, ut ex eis demonstrare valeat, & conclusionum scientiam accipere. Major quoad primam ejus partem patet ex definitione ipsius scientiæ, nimirum quod sit *habitus certus, verus, & evidens per demonstrationem acquisitus*. Quoad secundam etiam est evidens, etenim certitudo nihil aliud est quam determinatio intellectus ad unum; non determinatur autem ad unum intellectus in scientia, nisi quia sufficienter ei apparet veritas objecti, videlicet conclusionum per resolutionem in principia per se nota. Min. verò prob. scientia moralis, seu doctrina de operationibus humanis est vera scientia: sed non convenit ei perfecta certitudo, cum ejus materia sit valdè difformis, & variabilis, judicia etiam prudentum per quæ regulatur, valde timida, & incerta: ergo nequit inveniri, nec est requirenda eadem certitudo in illa: atqui in Mathematicis, seu physicis disciplinis.

Secunda pars conclusionis prob. quando aliquis actus ex duobus principiis, vel potentiis dependet, nequit esse perfectus, nisi in utroque perfectio reperiat; sed perfecta conclusionum scientia duo exigit, nimirum principiorum intellectum, & rationem deducentem principia in conclusiones: ergo licet Theologia perfectissimè principia sua, quæ sunt articuli fidei, in conclusiones deducat, quia tamen pro hoc statu principiorum hujusmodi intellectum non habet, sed fidem, perfecta scientia non est, sed habet statum scientiæ imperfectum in ratione virtutis intellectualis.

Confirmatur, qui scientia subalternata prædictus est, ad perfectam sciendi rationem non attingit, nisi in quantum ejus cognitio quodammodo continuatur cum illius cognitione; qui scientiam subalternantem habet; sed cognitio Theologica in hoc statu non continuatur cum scientia Dei, & beatorum: ergo ad perfectam sciendi rationem non attingit. Maj. patet; quia principia sua accipit, ut supposita, duntaxat, & non ut visa.

## §. II.

*Solvuntur argumenta contraria.*

**A**Rguitur primò; de ratione scientiæ est evidentiā per resolutionem conclusionum in principia per se nota, seu quæ præsto sunt intellectui; omnis enim scientia in visione rei perficitur: sed Theologia non resolvit conclusiones Theologicas in principia evidentiā, & per se nota: ergo non est verè, & propriè scientia. Maj. patet, quia oportet ex Philosopho,

scientem cognoscere quod res aliter se habere non possit, quod nonnisi per reductionem ad prima principia per se nota innotescere potest, quæ intellectum naturaliter ad eis assentiendum astringunt. Prob. min. quia principia sacrae doctrinae sunt articuli fidei, qui non sunt per se noti, nec reducibiles in per se nota pro hoc statu.

14. Confirmatur; nequit esse major evidentia conclusionum in aliqua doctrina, quam sit principiorum ejus; Etenim conclusiones sunt notæ propter principia, ac subinde ipsa sunt notiora conclusionibus; nam *propter quod unumquodque tale, & illud magis*; sed principia sacrae doctrinae, nimirum articuli fidei, non sunt evidentia, & nota: ergo neque conclusiones ex eis deductæ: ergo de istis nequit dari scientia, de cujus ratione est evidentia.

15. Respondet S. D. primò quod ista doctrina habet pro principiis primis articulos fidei, qui per lumen fidei infusum per se noti sunt habenti fidem, sicut & principia naturaliter nobis insita per lumen intellectus agentis. Nec est mirum si infidelibus nota non sunt, qui lumen fidei non habent, quia nec etiam principia naturaliter insita nota essent sine lumine intellectus agentis. Quod intelligendum est, non quia articulorum fidei visionem habeamus, sed ita firmum, ac certum assensum, qualem præstare solemus principiis per se notis, ut patet ex *quaest. 14. de verit. art. 2. ad 15.* ubi ait. *Dicendum quod cognitio duo potest importare, scilicet visionem, & assensum, & quantum ad visionem contra fidem distinguitur. Unde Gregorius dicit, quod visa non habent fidem, sed cognitionem;*

nem; dicuntur autem videri secundum Augustinum in lib. de videndo Deum, quæ præsto sunt sensui, vel intellectui. Intellectui autem præsto esse dicuntur, quæ ejus capacitatem non excedunt. Sed quantum ad certitudinem assensus, fides est cognitio, ratione cujus dici potest scientia, & visio, secundum illud 1. Cor. 13. Videmus nunc per speculum &c. Et hoc est quod Augustinus dicit in lib. de videndo Deum, si scire non inconvenienter dicimur illud quod certissimum credimus, hinc est, ut credita recte, & si non adsint sensibus nostris, videre mente dicamur.

Resp. 2. dist. maj. de ratione scientiæ est evidentia per resolutionem conclusionum in principia per se nota, sive proxima, sive prima, concedo; semper proxima, nego; vel aliter; in principia per se nota scienti inferiori, vel superiori, concedo; scienti inferiori semper, nego: principia autem Theologiæ licet pro hoc statu non sint nota inferiori scienti, sunt tamen nota in superiori scientia, quæ est Theologia Dei, & beatorum, ut docet S. D. hic solutione ad primum dicens; *Principia cujuslibet scientiæ vel sunt nota per se, vel inducuntur ad notitiam superioris scientiæ; & talia sunt principia sacra doctrinæ.*

Contra hanc solutionem instabis primò; 17. quia dum hæreticus syllogizat ex fidei principiis, & eis certò assentitur, verè syllogizat ex his quæ sunt certa, ac per se nota in superiori scientia; attamen per nos scientiam de conclusionibus deductis ex hujusmodi principiis sibi non comparat: ergo non sufficit quod Theologus ex principiis in superiori scientia notis arguat, ut scientiam habere dicatur. Secundò,

quia si hoc verum esset, Theologus scientiam consequentiarum duntaxat haberet, in quantum iudicat consequentiam bene inferri ex antecedenti, cuius non habet evidentiam, quod absurdum est; nam huiusmodi scientia ad Logicum spectat.

18.  
Ex loc.  
supra ci-  
tatis.

Resp. ad 1. quod hæreticus scientiam de his sibi non comparat, quia deficit ei proximum scientiæ principium, quod est fidei infusæ lumen stabiliens intellectum humanum in cognitione veritatum divinarum; hoc autem lumine Theologus præditus est, cuius beneficio ei fidei principia sunt quoad certitudinem assensus per se nota. Resp. ad 2. quod Theologus habet scientiam consequentiarum in determinata materia necessariò revelata, quod non habet Logicus, qui nullam determinatam materiam respicit, ut explicuimus *tomo 1. nostri clypei Philos. 2. p. 9. 1. art. 10.*

19.

Resp. ad conf. dist. maj. nequit esse major evidentia conclusionum, quam sit principiorum quantum ad terminum cognitionis, seu iudicium quod accipitur de conclusionibus per resolutionem ad principia concedo: secundum rationem necessariò deducentem principia in conclusiones; nego: v. g. hæc conclusio *Christus habet humanam voluntatem*; deducta ex hoc principio, *Christus est homo*, quantum ad rationem necessariò deducentem istam conclusionem ex isto principio, maiorem sortitur evidentiam, illud enim principium autoritate dicentis, ut verum suscipitur, & non ex evidentia objecti intellectum movet; sed ista conclusio quantum ad deductionem necessariam ex parte objecti movet intellectum ut ei assertia-  
tur

tur necessariò propter necessariam deductionem ex illo principio supposito per fidem, & noto in superiori scientia, quod eminenter habet præstare, quidquid præstaret principium per se notum, licet non ita perfectè, sumitur ex S. D. 2.2.9.1. art. 5. dicente. *Ex his principiis (fidei scilicet) ita probatur aliquid apud fideles, sicut etiam ex principiis naturaliter notis probatur aliquid apud omnes. Vnde etiam Theologia scientia est, ut in principio operis dictum est.* Non attingit autem ad perfectam sciendi rationem; quia cum duo sint in cognitione scientifica, nimirum principium quod est ratio deducens principia in conclusiones necessarias, & necessario consecutas, & terminus illius cognitionis, qui est iudicium de re per resolutionem conclusionum in principia per se nota in quibus videntur, & in ipsa resolutione perficitur ratio scientiæ; Theologia primum sortitur, ad secundum non attingit, & sic dicitur ad perfectam sciendi rationem non attingere.

Arguitur 3. de eodem nequit esse fides & scientia, fides enim est de non apparentibus; sed multæ sunt conclusiones, quæ in Theologia demonstrari dicuntur, de quibus est fides v. g. ista, *Christus habet divinam, & humanam voluntatem*, hæc enim fuit definita in 6. Synodo generali art. 8. ergo de huiusmodi conclusionibus non est scientia.

Resp. dist. min. de his conclusionibus est fides, in quantum sunt quædam enunciationes terminantes simplicem fidei assensum, concedo; ut conclusiones sunt formaliter per necessariam deductionem ex principiis illatæ, nego; sic enim de eis est scientia. Ita sumitur ex S. D.

20.

12.9.  
67.art.3.  
q.14. de  
verit.  
art.9 22.  
q.4 art.4.  
3.p.q.18.  
art.1.

21.

quaest. 14. de verit. art. 8. dicente ; *Inferior scientia non dicitur de his qua supponit scientiam habere ( sed fidem ) sed de conclusionibus qua ex principiis suppositis de necessitate concluduntur , & sic fidelis potest dici habere scientiam ex his qua concluduntur ( videlicet ex necessitate ) ex articulis fidei.* Vbi innuit idem de conclusionibus esse scientiam , quia ex principiis illis de necessitate concluduntur ; necessario enim concludere pertinet ad rationem demonstrantem , & scientem ceu principium sciendi , esto in iudicio de conclusionibus per resolutionem ad principia scientiae ratio perficiatur , sicut in cognitionis termino : Ex qua parte ad perfectam sciendi rationem non attingit , sicut neque puer pertingit ad statum virilem , quia nondum est in termino augmenti , & robore membrorum perfectus , esto essentialiter , ac substantialiter sit homo.

22.  
1. 2. q. 67.  
2 3. corp.

Resp. 2. dist. maj. fides ; & scientia nequit esse de eodem , si scientia habeat statum perfectum scientiae , id est , firmam adhaesionem cum visione intellectiva procedente ex intellectu principiorum , in quibus actu videt conclusiones , concedo ; si habeat statum imperfectum scientiae , id est , firmam adhaesionem ratione comparatam sine visione intellectiva procedente ex intellectu principiorum , nego ; Fides enim eatenus cum scientia esse nequit , quatenus scientia ut quid perfectum in genere cognitionum , habet huiusmodi visionem intellectivam ; fides autem est quid imperfectum carens tali visione. Manifestum est autem quod perfectum , & imperfectum secundum idem simul esse nequeunt , sed tamen ea quae secundum perfectum ,

&c



& imperfectum differunt, secundum aliquid idem possunt esse in aliquo alio eadem, sicut opinio, & scientia de eadem conclusione per diversa media. Et hoc pacto fides, & Theologia sunt de eadem conclusione secundum diversam rationem & medium, utraque tamen in ratione imperfectæ cognitionis. Et sicut cognitio, quæ per medium probabile acquiritur, fortificatur per conjunctionem ad intellectum demonstrantem, ita & cognitio conclusionis Theologiæ fortificatur per determinationem fidei, quæ est ratione perfectior, non tamen auferitur.

Arguitur 4. de contingentibus non potest 23.  
acquiri cognitio immobilis, ac subinde neque scientia, de cuius ratione est certitudo: sed Theologia pro maxima sui parte est de contingentibus v. g. quod Verbum caro factum est, in Cruce passum, quod venturus est ad iudicandum, quod Antichristus nascetur &c. ergo non est scientia. Conf. de singularibus non datur scientia: sed Theologia est de singularibus putatis Abrahæ, Isaac & Iacob, atque similibus: ergo non est scientia.

Hic q. 1.  
2.2. arg.  
2.

Resp. quod huiusmodi contingentia, prout 24.  
lumini divinæ revelationis, & præscientiæ Dei subsumunt, infallibilitatem, & immobilitatem quamdam sortiuntur, & hoc pacto de ipsis Theologia agit. Sumitur ex S. D. 1. p. q. 14. art. 13. ubi loquens de futuris contingentibus ait; *Ea quæ sunt scita à Deo oportet esse necessaria secundum modum quo subsunt divinæ scientiæ.* Quam doctrinam repetens 2.2. q. 1. art. 3. ad 2. ait: *Deum non incarnari secundum se consideratum, fuit possibile etiam post tempus Abrahæ,*  
sed

106 *Quest. I. de Sacra Doctrina,*  
*sed secundum quod cadit sub præscentia divinæ*  
*habet quamdam infallibilitatis necessitatem, ut in*  
*primo dictum est: Et hoc modo cadit sub fide (&*  
*Theologia)*

25. Resp. ad conf. quod singularia traduntur in  
 Hic art. sacra doctrina, quatenus practica est, non quia  
 2. ad 2. de eis principaliter tractetur, in quantum  
 sup. epist. particularia sunt, sed in quantum sunt exem-  
 ad Hebr. pla operandorum, quo pacto quamdam univer-  
 c. 12. 1. salitatem sortiuntur. Hoc enim pacto de sin-  
 prol. art. gularibus in scientiis moralibus, & practicis  
 2. agitur, quia operationes singularium circa par-  
 ticularia sunt. Vnde per exempla particularia ea  
 quæ ad mores pertinent melius manifestantur.  
 Ea propter Iacobi cap. 5. dicitur; *Exemplum*  
*accipite fratres exitus mali, & longanimitatis,*  
*laboris, & patientie Prophetas.* Et D. Augusti-  
 nus; *sicut, inquit, Spiritus Sanctus loquitur in*  
*scripturis, ita in gestis sanctorum, quæ sunt no-*  
*bis forma, & preceptum vite.* Introducuntur  
 etiam in sacra doctrina quædam singularia ad  
 declarandum auctoritatem virorum, per quos  
 ad nos divina revelatio processit, supra quam  
 fundatur sacra scriptura seu doctrina. Multum  
 enim interest ad faciliè obtemperandum legi,  
 vel veritati scripturæ credendum, scire per  
 quos ad nos derivata sit. Hinc Apostolus ad  
 Hebræos 1. commendaturus utramque legem  
 illiusque excellentiam ait: *Multifarie, multifi-*  
*que modis olim Deus loquens Patribus in Pro-*  
*phetis; novissimè locutus est nobis in filio.* Osten-  
 dit, quibus (scilicet vetus testamentum) inquit  
 S. D. lect. 1. quia Patribus; & idè nobis fami-  
 liare, & acceptum esse debet. Deinde osten-  
 dit quibus ministris, quia non jaculatoribus,  
 sed

sed Prophetis. In novo autem testamento per unigenitum suum Deus loquutus ostenditur.

Arguitur ultimò; quælibet scientia est virtus intellectualis, cum perficiat intellectum in ordine ad verum quod est bonum ejus proprium: Theologia non est virtus intellectualis: ergo non est scientia. Prob. min. primò; omnis virtus est dispositio perfecti ad optimum; sed optimum intellectus est contemplatio Dei in se, qualis in beatis reperitur, ad quam Theologia nostra non attingit: ergo Theologia non est virtus intellectualis. Prob. secundo, virtus quæ habet Deum pro objecto est virtus Theologica, & non intellectualis, ut patet in fide, spe, & charitate; sed Theologia habet Deum pro objecto: ergo est virtus Theologica & non intellectualis.

Resp. quod Theologia prout est in nobis respicit quodammodo contemplationem Dei in se per lumen divinæ revelationis, quæ est impressio quædam scientiæ Dei. Vnde attingit quodammodo ad optimum, licet non perfecte; quapropter est imperfecta in ratione virtutis intellectualis, ut diximus in conclusione. Ad 2. prob. dico quod respicit Deum pro objecto, non quidem ut habitus per modum naturæ inclinans in ipsum ut per se notum, dependenter tamen à motu voluntatis, sicut fides; sed per modum rationis, & ut verum per aliud notum, seu de quo aliquid per rationem demonstratur. Vel inclinatur tanquam habitus facultatem faciens conjunctionis ad ipsum, sed non usum, sicut virtus Theologica quæ per se habet usum conjungendi Deo.

## CAPVT II.

*Sitne Theologia viatorum propriè subalternata scientia Dei, & Beatorum?*

28. **S**cientia subalternata dicitur, quæ sub altera, nimirum subalternante ponitur. Hoc autem contingit dupliciter. Vno quidem modo quando subjectum unius scientiæ est species subjecti superioris scientiæ; sicut animal est species corporis naturalis, & ideo scientia de animalibus est sub scientia naturali. Alio autem modo quando subjectum inferioris scientiæ non est species subjecti superioris scientiæ: sed subjectum inferioris scientiæ comparatur ad subjectum superioris, sicut materiale ad formale. Et hoc modo accipitur hic unam scientiam esse sub altera, sicut speculativa, id est, perspectiva se habet ad geometriam. Geometria enim est de linea, & aliis magnitudinibus. Perspectiva autem est circa lineam determinatam ad materiam, id est, circa lineam visualem. Linea autem visualis non est species lineæ simpliciter, sicut nec triangulus ligneus est species trianguli. Non enim ligneum est differentia trianguli. Cajetanus hic *art. 2.* quem Thomistæ communiter sequuntur, existimat S. D. in litera intelligendum venire de subalternatione simpliciter, & propriè dicta; tum quia de illa ante conclusionem distinxerat, ut ex illius verbis fit manifestum; *sciendum est*, inquit, *quod duplex est scientiarum genus &c.* Paret autem quod perspectiva Geometriæ & Musica

sica Arithmeticae propriè subalternentur : ergo etiam Theologia nostra scientiæ Dei , & beatorum.

Tum etiam , quia subalternatio quoad evidentiam oritur ex ratione scientiæ ; sed ex continuabilitate ad scientiam Dei , ac beatorum Theologia nostra evidentiam sortitur : ergo ei propriè subalternatur , esto principia ejus non sint conclusiones in superiori scientia demonstratæ. Prob. Maj. Idè enim Perspectiva Geometriæ subalternatur , & Musica Arithmetica , quia Perspectivæ principia in Geometria , & Musicæ in Arithmetica innotescunt.

29.

30.

Tandem, si quid obstaret quominus esset subalternata Theologiæ Dei & Beatorum , id esset, quòd principia subalternatæ scientiæ debent esse conclusiones deductæ ex altioribus principiis à scientia subalternante ; principia verò Theologiæ viatorum sunt ipsæmet veritates primæ , & per se notæ Deo , & beatis , ut quod Deus sit trinus , & unus &c. sed hoc non obstat quominus Theologia viatorum sit subalternata ; nam cum aliquid , quod in creaturis invenitur , transferimus ad Deum , sine imperfectione transferendum est ; atque idcirco ei scientiam tribuimus cum evidentia & certitudine , sine discursu tamen , quæ est imperfectio , quam habet ex nobis. Cum igitur dicimus , Theologiam viatorum subalternari scientiæ Dei , non est ita intelligendum , ut scientiæ Dei tanquam subalternanti tribuamus id , quod habent cæteræ scientiæ creatæ subalternantes , probare scilicet per discursum conclusiones suas , quæ assumuntur , ut principia in scientia subalternata. Non ergo opus est , ut principia

principia Theologiæ viatorum, quæ sunt articuli fidei, sint conclusiones Theologiæ Deo & Beatis; sed satis est, si quæ sunt evidenter nota Deo & Beatis, fide solum credita assumantur à viatoribus in sua Theologia. Quemadmodum si Geometria sine ullo discursu haberet evidentiam suarum conclusionum, quas nunc Perspectiva assumit, ut principia, esset nihilominus subalternans; perspectiva verò subalternata, sicut modò est.

31. Scotus vero, *quaest. 3. prol.* quem sequuntur ejus discipuli. Durandus *ibidem quaest. 7.* & alij non pauci etiam ex S. Thomæ discipulis existimant Theologiam nostram scientiæ Dei, & Beatorum propriè non subalternari, neque de hujusmodi subalternatione ullatenus venire intelligendum. Hanc sententiam probant primò; quia de ratione subalternatæ est quod subjectum subalternatæ addat subjecto subalternantis differentiam accidentalem, per quam ab ea intrinsecè distinguatur, v. g. Musica quæ Arithmeticæ subalternata creditur, istius subjecto sonori differentiam addit, quæ numero secundum se accidit: sed viatorum Theologia supra subjectum scientiæ beatæ nullatenus hujusmodi accidentalem differentiam addit: ergo ei propriè non subalternatur. Minor prob. quæ tam scientia Dei, quam Beatorum respicit Deum sub ratione Deitatis tanquam subjectum, ut infra ostendemus.

32. Respondent quidam hanc conditionem subalternationi accidere, unde nihil prohibet, quominus una scientia alteri subordinetur, etiamsi subjectum unius subjecto alterius hujusmodi accidentalem differentiam minimè addat,

dat, dummodo principiorum inferioris evidentia à superiori oriatur. Sed contra est; scientia subalternans, & subalternata specie distinguuntur, ut patet in Arithmetica, & Musica; sed in scientiis distinctio specifica penes rationem formalem subjeutorum desumenda est: ergo subiectum subalternatæ aliquam rationem formalem in sui subiecto intrinsecè & essentialiter importare debet, per quam à subalternante specificè distinguatur: sed hæc differentia addita nequit subalternantis subiecto essentialis esse: ergo accidentalis. Major est D. Thomæ 1. poster. lec. 25. ubi explicans illa Philosophi verba; *Ferè autem univoca sunt harum quadam scientiarum*; ita habet: *Dicit quod ferè huiusmodi scientia sunt univoca ad invicem. Dicit autem ferè, quia communicant in nomine generis, & non in nomine speciei.* Prima etiam minor constat; sic enim se habet subiectum ad scientiam, sicut objectum ad potentiam, vel habitum; distinctio autem potentiæ, sicut & unitas à ratione formali objectorum pensanda est; visus enim, & auditus sunt diversæ potentiæ, esto eadem res materialiter sit visibilis, & audibilis, quia alia est ratio soni, alia coloris. Secunda autem minor prob. quia si scientia subalternata subiecto subalternantis essentialem duntaxat adderet differentiam, esset pars ejus subiectiva, seu species, nec ei propriè subalternaretur.

Nec sufficit ad propriam subalternationem, quod principiorum inferioris scientiæ evidentia à superiori oriatur; etenim omnes aliæ scientiæ Metaphysicæ non subalternantur; sed tamen ab ea suorum principiorum evidentiam capiunt;

ergo

1. poster.  
lec. 25. 1.  
p. q. 1. a. 3.  
& 7.

33.  
4. Metaph. lec.  
5. & 11.  
lec. 1.  
opusc.  
70. 7. c. 6.

& bielec. ergo ad rationem propriæ subalternationis; notū  
6.3. con- sufficit quod principiorum inferioris scientiæ  
tra gen- evidentia à superiori oriatur. Maj. est certa,  
tes 6. 25. minor probatur, quia ad Metaphysicam spectat  
aliarum scientiarum principia probare, & de  
eis judicare; sed nonnisi quia considerat quæ-  
dam communia, ut pars, & totum, æquale,  
& inæquale, per quæ hujusmodi principia in-  
notescunt, & de eis certum, & evidens judi-  
cium fertur: ergo cæteræ scientiæ à Meta-  
physica suorum principiorum evidentiam ca-  
piunt.

34. Respondent alij quod Theologia nostra dif-  
ferentiam accidentalem subjeçto scientiæ Dei,  
& Beatorum addat; nempè esse revelatum, vel  
cognoscibile per revelationem: sed perfectò  
hæc doctrina minimè stare potest. Etenim licet  
differentia illa addita subjeçto subalternantis  
accidat, attamen subjeçto subalternatæ essen-  
tialis esse debet, cum ab ea propriæ passionis  
orientur, de subjeçto subalternatæ demonstra-  
biles: ergo esse revelatum seu cognoscibile per  
revelationem erit differentia essentialis subje-  
çti Theologiæ viatorum secundum se sumpti:  
ergo cum Theologia maneat in Patria manebit  
hujusmodi differentia essentialis subjeçto Theo-  
logiæ viatorum: ergo ibi etiam cognoscetur  
Deus per revelationem & non ut est in se.

35. Confirmatur per continuationem scientiæ  
subalternatæ cum subalternante, seu adventum  
ejus in subjeçto non destruitur sed perficitur  
scientia subalternata: ergo in Patria Theologia  
nostra in ratione subalternatæ etiam remanebit:  
ergo cum differentia illa accidentali, quam  
debet addere remanebit: ergo remanebit Deus  
cognosci



cognoscibilis per revelationem, & non visus in se, seu per essentiam, quia hæ differentia, & modi inter se opponuntur.

Secundò probatur, scientia subalternans, & subalternata sunt composibiles in eodem intellectu : sed Theologia nostra non est composibilis cum beata in eodem intellectu ; aliàs haberet simul fidem, & claram visionem de suis principiis : ergo non est propriè subalternata. 36.

Dices Theologiam nostram ex parte ipsius scientiæ se in eodem subjecto compati cum scientia beata, esto ratione status imperfecti se non compatiuntur. Contra, ergo ablato statu imperfecto se compatiuntur, sicut se compatiuntur Musica, & Arithmetica, cum Musicus habet suorum principiorum evidentiam, esto se non compatiuntur, si ea accipiat ut credita duntaxat. Quæro modo per quid distinguatur tunc à subalternante ; Nec enim eadem esse potest. Non per differentiam accidentalem subjecto additam, quia vel hæc non datur, vel non remanet ? non penes principiorum evidentiam, & inevidentiam, quia tunc erit omnimoda evidentia : ergo ablato statu non remanet per quid distinguantur : ergo accidentaliter duntaxat ratione illius status subordinatæ dici possunt, sicut, & distinguui. 37.

Hoc dissidium, quantum ad intentum D. Thomæ facit, non est magni momenti ; solum enim intendit S.D. ostendere quod in omnibus scientiis præambulis, & inferioribus respectu altiorum, & superiorum sint suppositiones quædam, quæ in superiori habent innotescere, esto veræ scientiæ sint, v. g. in scientia naturali 38.  
Opusc.  
70. q. 3.  
art. I.

& Mathematicis disciplinis, quæ sunt præambulæ ad Metaphysicam & illâ inferiores (ipsa enim de altissimis, & maximè intelligibilibus agit) oportet quædam præsupponere quæ in Metaphysica plenius innotescunt. Exemplificat autem hoc in Mathematicis disciplinis, quia hoc in eis evidentiùs apparet. Ea de ratione crediderim quod S. D. nunquam usurparit in hoc articulo nomen scientiæ subalternantis aut subalternatæ, sed superioris, & inferioris, quod est quid communius, nam aliæ scientiæ sunt inferiores Metaphysica, & tamen ei non subalternantur.

39. Quantum verò ad rem ipsam, de qua quaeritur, attinet, dicendum existimo quod stando in rigore propriæ subalternationis, prout de ea Aristoteles *lib. 1. Post.* loquitur, & ibi communiter interpretes tradunt, Theologia viatorum non est propriè subalternata scientiæ Dei, & Beatorum, & id meo iudicio satis probant rationes à nobis pro secunda sententia adductæ. Quod si admittamus nomen subalternationis se extendere ad illas scientias quæ in evidentia principiorum quolibet modo adinvicem dependent, nimirum inferior à superiori, & subalternata à subalternante, constat posse dici hoc pacto Theologiam viatorum, scientiæ Dei, & Beatorum subalternari.

40. Cujus rei gratia adverte ex S. D. quod in  
 Opusc. scientiis speculativis semper proceditur ex ali-  
 70. q. 6. a. quibus principiis priùs notis, tam in demon-  
 4. c. strationibus conclusionum, quam in diffinitionum inventionibus. Quemadmodum ex propositionibus præcognitis, seu principiis per se notis, aliquis in cognitionem conclusionis devenit;

devenit ; ita ex conceptione generis , & differentia , aliarum ipsius causarum quis in notitiam speciei pervenit. Verum quia tota ratio demonstrandi est in medio , quod est rei definitio , principia eatenus conclusionem illuminant , quatenus medium , quod est rei definitio , vel aliquid loco ejus , continent. Conclusionis ergo notitia à principiis pendet , quatenus per notitiam terminorum innotescunt ; & sic quodammodo quoad evidentiam eis subordinatur. Vnde si hujusmodi terminorum notitia in inferiori scientia sufficienter haberi nequit , sed à superiori emendicanda sit , tunc inferioris principia erunt nota solum in superiori scientia , & hoc pacto erit inferior scientia superiori subordinata ratione evidentia principiorum ; sed in Theologia nostra cognosci non potest quid Deus sit : ergo debet innotescere per superiorem scientiam , in qua divina essentia cognita secundum se est medium alia cognoscendi de Deo , ut est principium , & finis rerum omnium , & subinde lumen superioris scientia dicitur : ergo quoad evidentiam principiorum Theologia nostra scientia Dei , & Beatorum subalternata dici potest.

Verumenimverò quia utendum nominibus prout eis uti consueverunt communiter sapientes , in secundam sententiam magis propendo , quæ de subalternatione magis propriè secundum Aristotelis , & Philosophorum morem differit ; & re ipsa quidem rationes , quas pro ea adduximus , majus habent robur. Vnde ad primam Cajetani rationem dicimus quod S. D. distinguat de subalternatione non secundum rigorosam , & adæquatam ipsius rationem , sed

41.

secundum quod in ea sunt suppositiones in subalternatis, quippe inferioribus, sicut & in omnibus aliis scientiis præambulis, & inferioribus, ut legenti textum patebit. Vnde de subalternante sub nomine superioris, & de subalternata sub nomine inferioris disserit. Ad 2. patet ex dictis nimirum quod oritur ex ratione scientiæ in quantum inferior, vel præambula est alteri superiori, & non præcisè, quia subalternata est. Ad 3. dico quod obstat non modo propter rationem allatam à Cajetano, sed propter rationes quas pro secunda sententia adduximus, quæ sunt propriæ subalternationi essentielles, & in Theologia viatorum respectu scientiæ superioris inveniri nequeunt.

Vide o-  
pusc. 70.  
q. 3. art. 1.

### C A P V T I I I.

*Maneatne Theologia nostra in patria?*

§. I.

*Quibusdam suppositis deciditur questio.*

42.  
3. sent.  
dist. 31. q.  
2. a. 1. arg.  
2. & 1. 2.  
c. 67. a. 3  
q. 14 de  
verit. a.  
2. c.

**R**atio dubitandi est quia destructâ causâ destruitur effectus: sed cognitio fidei est causa Theologiæ nostræ, sicut cognitio principiorum est causa scientiæ: ergo cum fides evacuatur in patria, videtur quod nullatenus Theologia nostra eadem specie remanere queat. Et ita existimant quamplurimi auctores, etiam ex Thomistis, quos refert & sequitur M. Ildefonsus Michaël *hic quest. 1. art. 1. dub. 3.* sed opposita sententia dubio procul est D. Thomæ,

ut

ut ex dicendis patebit, quem sequuntur communiter ejus discipuli.

Supponendum est in scientia nostra tria con-  
sideranda venire, scil. habitum, actum, & modum agendi. Modus intelligendi est quod cum phantasmate intelligat, quia intellectus in statu viæ aliter intelligere nequit. Actus autem scientiæ est certa conclusionum notitia per resolutionem in principia per se nota in quibus videntur: Habitus est quædam qualitas intellectum perficiens, & ad hunc actum habilitans. Certum est quod nulla scientia quantum ad modum intelligendi dependenter à phantasmate in anima separata maneat: quia id ipsi competit, quatenus est corporis forma. In actu verò scientiæ duo considerare oportet, scil. motum inquisitionis, seu rationis discurrentis ex principiis ad conclusiones; & terminum, qui est certitudo quæ habetur de conclusionibus, secundum quod jam in principiis videntur. Quantum ad inquisitionem, & discursum scientiæ actus in anima separata non manet, quia id imperfectionis est; bene verò quoad certitudinem. Eapropter scientia quoad actum quodammodo evacuabitur, nec tamen totaliter actus ejus auferetur, quia manebit ipsa quoad habitum, seu species intelligibiles; habitus autem nihil aliud est quam habilitas ad actum. Et ratione hujus dicitur scientia essentialiter, sive substantialiter in patria manere. Difficultas igitur præsens de Theologia hoc pacto procedit, an videlicet quoad habitum, & actum certitudinis maneat, cum certitudinem in via à lumine fidei capiat, quæ tunc evacuabitur.

43.

3. sent.  
dist. 37.  
q. 2. 2. 4.

In c. 13.  
1. ad Co-  
rinth. &  
homil.  
16. in c. 5.  
Marth.

Dicendum est Theologiam nostram in patria essentialiter, sive substantialiter manere, perfici tamen multò amplius per visionem principiorum ejus in scientia beata, qua medio lumine beato res in verbo, seu divina essentia videt. Sumitur hæc conclusio ex D. Chrysostomo, qui explicans illa Apostoli verba, *Sive scientia destruetur*, ait: *Non evacuatur ergo scientia, sed esse singularem & particularem scientiam evacuabitur. Non tam multa enim utrique sciemus, sed etiam multò plura. Ut autem exemplo hoc faciam manifestum, nunc sci- mus Deum esse ubique, sed quomodo sit nescimus. Quod qua sunt ex nihilo fecerit, sciimus, modum autem ignoramus: Quod ex virgine natus sit, sciimus, quomodo autem nequaquam. Tunc autem de eis aliquid sciimus amplius & perfectius. Idem docet D. Hieronymus epist. ad Paulinam di- dens: Talem scientiam, inquit, discimus in ter- ris, qua nobiscum perseveret in Cælis. Vbi de scientia scripturarum seu sacra Theologiæ do- ctrina sermo est. Hanc eandem sententiam do- cet S. D. qui pluribus in locis explicans illud Apostoli 1. ad Corinth. 13. dicentis quod *scientia destruetur*, ait: quod verbum Apostoli est intelligendum, quantum ad id quod est ma- teriale in scientia, & quantum ad modum intel- ligendi: quia scilicet neque phantasmata remanebunt destructo corpore, neque erit usus scientia per conversionem ad phantasmata: non autem quan- tum ad id quod est formale in eis: nimirum spe- cies intelligibiles. Patet autem quod in eo Apo- stoli loco sermo est de scientia Theologiæ, quæ in hac vita de Deo habetur.*

43.

Prob. quando actus perfecti in imperfecto inventus,

inventus, secundum quod jam aliquid de perfectione participat, venit ad perfectionem ad quam tendebat, manet quantum ad id quod est de substantia actus, & tollitur duntaxat quantum ad id, quod imperfectionis in ipso erat; sicut loquela balbutientis pueri aufertur, cum ipse ad perfectam ætatem venit, quantum ad id quod imperfectionis in ipsa erat, manet tamen quidquid erat de perfectione, & de substantia loquelæ, quia loquela est de se actus perfecti: sed Theologia in quantum hujusmodi est actus perfecti, esto pro hoc statu in imperfecto reperiatur, quia in via ex parte cognoscimus: ergo cum venerit ad statum actus perfectum, qualis est status patriæ, non destruetur, nisi secundum id quod est materiale, & imperfectionis in ipsa, sed quantum ad formale, & substantiam manebit. Minor est evidens: quia quælibet scientia est cognitio perfecta, cum sit virtus intellectualis: Theologia autem est scientia, immo omnium scientiarum dignissima. Major etiam est evidens, nam hæc est differentia inter actum, qui de se est imperfecti, ut motus, & actum perfecti, sicut intelligere & velle: quod ille, quando ad perfectum, videlicet terminum motus, attingit, non manet ejus aliquid quantum ad substantiam, sed quoad radicem motus; bene verò quando est actus perfecti.

Conf. ideo spes & fides in patria evacuantur, quia de se sunt actus imperfecti, spes enim se habet in ratione cujusdam motus tendentis in bonum arduum expectatum, & desideratum, nondum verò habitum; fides autem est de se cum ænigmate: sed charitas manet

quia est actus perfecti, licet non habeat in via statum perfectum : ergo cum Theologia sit scientia, & de se actus perfectus, quantum ad substantiam etiam manebit.

47.  
*Ex su-  
pra cit.  
locis.*

*Hic arg.  
§. ad 1.*

Secundò prob. & confirmatur præcedens ratio : si Theologia nostra in patria non maneret, maximè quia essentialiter est obscura, & de ratione ejus est imperfectio : sed hoc non : ergo manet. Maj. est fundamentum præcipuum adversariorum. Minor verò prob. si esset essentialiter obscura maximè quia principiorum illius cognitio per fidem, & revelationem habetur, quæ quidem obscura est essentialiter, & de ratione ejus est imperfectio : sed hoc non : ergo non est essentialiter obscura. Prob. min. quia quod cognitio principiorum Theologiæ per fidem in via accipitur, accidit ei ex subjecto sciente, principia enim illius sunt maximè cognoscibilia, cum sint suprema intelligibilia : sed quod accidit scientiæ ex subjecto non convenit ei essentialiter secundum se : ergo Theologia nostra non est essentialiter obscura. Prob. min. nam inquisitio rationis, discursus, & conversio ad phantasmata est de ratione scientiæ nostræ, & eam ita necessariò concomitatur, ut nonnisi per inquisitionem rationis, discursum, & conversionem ad phantasmata, scientiam acquirere, aut eâ uti valeamus : sed tamen, quia ex subjecto sciente hoc ei competit, non dicitur essentialiter absolute, & secundum se illi convenire, unde his omnibus ablati in patria manet scientia acquisita quoad habitum : ergo quod convenit scientiæ ex subjecto duntaxat essentialiter absolute, & secundum se non convenit. Maj. etiam est evidens ; quia  
Theologia



Theologia in patria, ubi cognoscitur de Deo quid sit, & manifesta sunt illius principia, clara & evidens efficitur: ergo obscuritas, & imperfectio competit illi ex subjecto: ergo non impedit quin in patria substantialiter, & essentialiter maneat; sicut non impedit quin maneat, quia est acquisita per discursum, & dependenter à phantasmatis.

48.

Conf. 1. non minus est de ratione cujuslibet scientiæ pro hoc statu discursus, & conversio ad phantasmata, quam sit de ratione principiorum Theologiæ pro hoc statu obscuritas: sed scientia acquisita manet essentialiter, & substantialiter eadem in patria absque discursu, & modo cognoscendi per conversionem ad phantasmata: ergo & absque illo obscuritatis modo Theologia eadem essentialiter, quoad habitum, & certudinem manebit. Prob. maj. nam ex eo principia Theologiæ sunt obscura, & indigent per viam fidei accipi, quia sciri nequit de terminis principiorum quid sint; & nescitur quid sint quia phantasmata, & sensibilibus species (à quibus principiorum cognitio in scientiis accipi consuevit) nequeunt Deum, vel divina repræsentare, quia nil prorsus in eis invenitur simile, & proportionatum: ergo ex necessaria conversione ad phantasmata oritur principiorum Theologiæ obscuritas in nobis, quemadmodum & ab excellenti, ac supereminenti eorum intelligibilitate.

Conf. 2. Theologia nostra est vera scientia, ac sapientia: sed de ratione scientiæ essentiali est evidentiā, & visio, per resolutionem in principia in quibus videntur conclusiones, sicut effectus in causis: ergo de ratione essentiali Theologiæ

49.  
Hic art.  
2. & 1.  
sent.  
prol. a. 3.  
de verit.  
9. 14. a. 9.

Theologiæ secundum se non est obscuritas, sed ratione status quem habet ex conditione subjecti.

Respondent adversarij, quod nil obstat, quin Theologia nostra sit essentialiter obscura, & tamen scientia, & virtus intellectualis: etenim fides divina est virtus intellectualis, ut docet D. Thom. 2. 2. & tamen est essentialiter obscura. Nam cum dicit Aristoteles evidentiam ad scientiam requiri, id tantummodo exigit in scientiis naturalibus, & inferioribus, quas agnovit, non verò in Theologia quæ altissima est, ac Philosopho ignota.

50. Hæc profectò solutio absque ullo prorsus  
 1. p. q. 1. fundamento, & ad libitum conficta est: quod  
 art. 2. patet primò, quia sæpiùs D. Thomas huic ob-  
 1. sent. jectioni respondendo, quod nimirum eviden-  
 prol. 2. tia sit de ratione scientiæ, quæ Theologiæ com-  
 1. ad An- petere nequit, cum procedat ex principiis fi-  
 nib. prol. dei, quæ per se nota non sunt, ac subinde con-  
 q. 1. a. 1. clusionibus evidentiam præbere nequeunt, nun-  
 & opusc. quam ad hujusmodi solutionem recurrit, sed  
 70. q. 2. semper respondit, quod hujusmodi principia  
 sint in superiori scientia nota, ac subinde ex  
 eis scientiam oriri posse. Secundò, quia ut ip-  
 semet S. Doctor *quæst. 14. de verit. art. 9.* asserit  
 hæc est differentia inter fidem & scientiam;  
 quod fides est de absentibus, seu non apparen-  
 tibus; scientia verò in visione rei perficitur,  
 estque de rebus quæ præsto sunt intellectui.  
 Tandem quia dum inferiorum rationes superio-  
 ribus attribuuntur, auferre opus est, quod in  
 eis est imperfectionis, sed non quod perfectio-  
 nem secundum se explicat: evidentia autem est  
 de cognitionis perfectione; unde & Deus cla-  
 rissimè

*Art. I 1. An sit Scientia, Cap. III. 123*

rissimè omnia intuetur, estque ejus cognitio evidentiissima, cum omnia nuda sint, & aperta oculis ejus, ut dicitur ad *Heb. cap. 1.* Non ergo ob id Theologiæ nostræ denegari debet evidentia, secundum se, quia superior scientia est. Confirm. 3. Charitas præsupponit fidem, ab eaque generatur: attamen charitas in patria manet, quia solum innititur fidei, secundum id quod in ea certitudinis, & cognitionis est: ergo licet Theologia nostra principiis fidei, quoad cognitionem, & certitudinem innitatur, nihilominus ipsa manebit, quia & fides quantum ad genus cognitionis in patria manet. Minor patet ex glossa in *cap. 1. Matth.* quia charitas tendit in bonum supernaturale per fidem cognitum; est enim fides fundamentum credentium collocans eos in veritate & veritatem in eis, ut ait Dionysius, per ipsamque sit prima conjunctio hominis ad Deum.

Confirm. 4. dona Spiritus Sancti eadem secundum speciem in patria manent: sed tamen fidei innituntur; quia per fidem Christus habitat in nobis: ergo etiam Theologia eadem manebit, esto à principiis fidei pendeat, quia hæc dependentia solummodo est quoad genus cognitionis. Respondet nonnullus, quod dispar ratio sit, quia nimirum dona sunt clara, idcirco non pugnant cum visione beatifica. Sed hæc solutio est contra D. Thomam, & veritatem ipsam, loquendo de donis prout in nobis. Contra veritatem, inquam, quia quælibet cognitio viæ est ex parte, id est, imperfecta, specularisque, & ænigmatica: *Videmus nunc*, ait Apostolus, *per speculum & in enigmate, tunc autem facie ad faciem. Nunc cognosco ex parte, tunc autem cognoscam,*

§ I.

1.2. q. 68.

2.6. 3. p.

9.7. 2. 5.

1. Cor.  
rinth. 14.  
D. Th.  
1.2. 4.

*cognoscam, sicut & cognitus sum, ubi D. Thom. cognosco ex parte, id est, obscure, & imperfectè; Paulus autem donis Spiritus Sancti abundabar; præsertim sapientia, & scientia: 1 Corinth. 1. sapientiam loquimur inter perfectos. Contra D. Thomam etiam militat; nam ipse 2. 2. quæst. 8. art. 1. inquirens utrum donum intellectus possit esse simul cum fide, arguit ad probandum non posse esse cum fide, quia intellectus est comprehensivus, & penetrativus rerum; itaut id quod intelligitur, videatur & certissimè cognoscatur; fides autem est de non apparentibus, & iis quæ non comprehenduntur, vel intelliguntur. Et statim respondet in corp. Dupliciter dici possumus aliqua intelligere. Vno modo perfectè quando scil. pertingimus ad cognoscendum essentiam rei intellectæ, & ipsam veritatem enuntiabilis intellecti, secundum quod in se est. Et hoc modo ea quæ directè cadunt sub fide, intelligere non possumus durante statu fidei: sed quadam alia ad fidem ordinata etiam hoc modo intelligi possunt. Alio modo contingit aliquid intelligi imperfectè, quando scil. ipsa essentia rei, vel veritas propositionis non cognoscitur quid sit, aut quomodo sit: sed tamen cognoscitur secundum quod ea quæ exterius apparent, veritati non contrariantur, inquantum scil. homo intelligit, quod propter ea quæ exterius apparent, non est recedendum ab his quæ sunt fidei. Et secundum hoc nihil prohibet durante statu fidei intelligere etiam ea, quæ per se sub fide cadunt. Quod quidem etiam per habitum Theologiæ consequimur; nam huic scientiæ tribuitur illud quo fides gignitur, nutritur, defenditur, roboratur, per eamque scitur quid credi debeat, & quid non credi,*

*Art. I I. An sit Scientia, Cap. I I I.* 125  
credi, &c. videndus D. Thom. 2. 2. quæst. 9.  
art. 1. ad 2.

§. II.

*Solvuntur argumenta.*

**A**Rguitur 1. ex Apostolo 1. *ad Corinth. 13.* 52.  
ubi loquens de scientia Sanctorum, seu q. 20. de  
fidei, quæ est Theologia, asserit quod destrue-  
tur. Nec valet dicere quod non destruetur quan-  
tum ad id quod est formale, & essentialiale in ipsa, verit.  
nimirum species intelligibiles, & certitudo; sed art. 3. &  
quantum ad modum, quo nunc intellectus in- loco cit.  
quirendo, & convertendo se ad phantasmata ad Co-  
speculatur, accipitque sua principia per viam rinth.  
fidei, & credulitatis. lect. 3.

Non, inquam, valet; primò quia modus 53.  
iste est de essentia Theologiæ nostræ: sed ablato  
aliquo substantiali non potest rei substantia re-  
manere: ergo non potest ipsa secundum sub-  
stantiam remanere modo isto cessante. Secun-  
dò, nam secundum Paulum prophetia neque  
quantum ad substantiam manebit; sed non alia  
ratione, nisi quia caret evidentia rerum, de  
quibus est: ergo cum Theologia nostra careat  
evidentia rerum scitarum, neque ipsa mane-  
bit. Tertiò, quia etiam charitas destrueretur,  
cum modus habendi illam sit imperfectus res-  
pectu status patriæ, quod tamen negat Aposto-  
lus, *ibid.*

Resp. quod modus iste cognoscendi non est 54.  
essentialis ex parte sui, sed ex parte subjecti, ibid. ad  
cui secundum statum viæ talis modus cognos- 2.  
cendi competit: hoc autem per se solum est  
essentialiale scientiæ, ut per eam scibilia cognos-  
cantur.

cantur. Et ideo quando variatur status subiecti, variatur modus cognoscendi, non tamen habitus scientiæ.

§ 55. Resp. ad 2. quod prophetia evacuabitur, quippe quæ in gloria locum non habebit, quia prophetia respicit futurum: status autem ille non expectabit aliquid in futurum, sed erit finale complementum omnium eorum, quæ ante fuerant prophetata. Vnde in psal. 47. dicitur: *sicut audivimus*, scil. per prophetas, ita & *vidimus*, præsentialiter, *in civitate domini virtutum*. Scientia autem non est de contingentibus & futuris, sed de necessariis, & iis quæ sunt. Vnde non repugnat statui gloriæ sicut prophetia.

§ 56. Resp. ad 3. quod imperfectio non est de ratione charitatis, ad quam cognitum bonum diligere pertinet; sed est de ratione scientiæ ex modo agendi. Vnde scientia dicitur evacuari, quoad modum scil. agendi, non verò charitas, sed tantum dicitur perfici; quia quod perfectius in patria cognoscetur Deus, eò amplius diligetur. *Ibidem.*

§ 57. Ex quibus patet ad rationem dubitandi initio positam; dicimus enim quod fides est causa Theologiæ, sicut etiam charitatis, & aliarum virtutum infusarum, secundum id quod est perfectionis in ipsa, cognitionem videlicet certissimam primæ veritati innixam; non verò secundum id quod imperfectionis involvit, nimirum obscuritatem, & ænigma. Fides autem quantum ad cognitionem manebit, ac subinde Theologia quoad habitum, & certitudinem.

§ 58. Arguitur 2. destructo aliquo quod ad essentialem

tialem ac formalem rei alicujus rationem spectat, ipsa secundum speciem manere nequit: sed ratio formalis Theologiæ nostræ, quæ ex S. D. est divina revelatio, non manet: ergo ratio formalis Theologiæ nostræ in patria non manet. Prob. minor, revelatio illa est essentialiter obscura, cum sit essentialiter à fide dependens: ergo destruitur quemadmodum & fides.

Resp. quod divina revelatio quantum ad id, 59.  
quod convenit ei secundum se, manet; non 2. Co-  
tamen secundum modum quem hic habet ex rinth. 12.  
indispositione subjecti imperfectè participantis lect. 1.  
illud divinæ revelationis lumen. Nam revela- Iob. 4.  
tio secundum se claram dicit perceptionem di- lect. 3.  
vinæ veritatis in se. Quo pacto dixit Aposto- Rom. 8.  
lus ad Rom. 8. quod gloria divina revelabitur in sanctis: quia gloriam nunc equidem sancti occultatam in conscientia habent; tunc autem in conspectu omnium tam bonorum, quàm malorum revelabitur, & manifesta erit. Quod igitur in via illa revelatio obscura sit ex indispositione subjecti oritur, quæ tunc aufertur, & subinde quidquid Theologiæ ex ipso competit; non tamen id quod secundum se habet.

Arguitur 3. secundum Philosophum in 2. 60.  
*Ethic. capite* 10. omnes habitus ex actibus q. 20. de  
acquisiti, producant actus illis similes, à qui- verit. 2. 3.  
bus acquiruntur; sed scientia Theologiæ, arg. 3.  
quam nunc habemus, acquiratur ex actibus obscuris, cum ex principiis fidei conclusiones deducantur: ergo si in patria maneret, similes actus redderet; sed hoc est impossibile, quia ibi erit clarissima, & facilis cognitio:

cognitio : ergo ipsa eadem specie manere nequit.

61.  
Ibid. ad  
3.

Respondeo quod unus actus potest dici alteri simili dupliciter ; uno modo quantum ad speciem actus , quam trahit à materia circa quam est ; & sic habitus acquisitus semper reddit actum similem illi actui , à quo generatus est , sicut fortia faciendo efficitur aliquis fortis , & fortis effectus fortia facit. Alio modo quantum ad modum qui sequitur dispositionem subjecti , & sic non oportet actus praedictos esse similes. Constat enim quod actus ex quibus fortitudo politica acquiritur , sunt actus cum tristitia , & sine delectatione effecti ; actus autem qui sequuntur habitum sunt faciliores & cum delectatione , vel saltem sine tristitia : ita videmus in scientia quod homo in considerando aliqua , scientiam illorum acquirit ; & sciens illa potest eadem considerare , tamen alio modo quam ante ; quia jam non inquit , sed contemplatur. Dicimus itaque quod Theologia similes actus , quantum ad speciem actus reddet , sed non similes quantum ad modum qui sequitur dispositionem subjecti , à qua habent illi actus quod sint obscuri.





## ARTICVLVS TERTIVS.

*Vtrum Sacra Doctrina sit una, vel plures?*

### CAPVT PRIMVM.

*Quadam de unitate subjecti in esse  
scibili pramittuntur.*

**S**ACRAM doctrinam utcunque esse unam nulli dubium esse debet, nam ut scitè dixit lacteum illud Christianæ eloquentiæ flumen Lactantius lib. 3. divin. institut: *sicut est unus mundi rector, & constitutor Deus, una veritas, ita unam esse, ac simplicem sapientiam (scilicet de eo) necesse est. Quia quidquid est verum, & bonum, id perfectum esse non potest, nisi fuerit singulare.* Totus ergo difficultatis cardo in præsentiarum vertitur circa illius unitatis radicem, & modum; utrum scil. sit una scientia unitate specifica, necne; & unde veniat desumenda huiusmodi unitas in ipsa, cum de tot, & tam diversis rebus, Deo nimirum, & creaturis agat?

Observandum est 1. ab una veritate increata, quæ Deus est, veritatum multitudinem in animas nostras derivari; quemadmodum ab una specie objecti similitudines plurimæ in diversis speculis, aut in speculo fracto resultant. Veritas autem huiusmodi primò & per se consistit in primis principiis per se notis, per quæ de aliis

1.

2.

q.1. de  
verit. art.  
4. in 4.  
dist. 49.  
q.2. art.  
7. & ali-  
bi.

omnibus, sive in operabilibus, sive in speculativis dijudicamus. Principia verò terminorum definitionibus innotescunt. Cum igitur scientia sit quaedam intellectus perfectio in habitudine ad cognoscendum aliquod speciale verum, eatenus plura unificat, quatenus ipsa in una veritatis ratione conveniunt, ut possit eodem modo de illis certum iudicium, resolutivaque ac veluti definitiva sententia comparari; sed omne id per quod aliquid manifestatur, ac discernitur, perfectèque dijudicatur lumen est, ut testatur Apostolus *ad Ephesios* 5. patetque in luce hac visibili, cujus beneficio colores discernimus, ac de illis iudicamus: Igitur prout aliqua nata sunt eandem illuminationem subire, seu eidem subesse lumini, & medio quo manifestentur, ac dijudicentur, ad eandem scientiam pertinent; sed illuminatio fieri nequit, nisi per quandam à materiæ facibus, & grossitie depurationem, in qua formæ lumen immersum veluti tegitur, aut obumbratur; igitur tandem denique oportet ad immaterialitatem devenire, ceteri fontem cognoscibilitatis, ac cognitionis, unitatisque ipsius scibilis, ac scientiæ.

3. Notandum 2. quod finis cujuscunque scientiæ est ut habeatur cognitio de subiecto conclusionis demonstratæ, quod dicitur subiectum scientiæ; demonstrando de ipso passiones. Unde unitas scientiæ ab unitate subiecti desumi dicitur; subiecti, inquam formaliter sumpti, & in esse scibilis, cujus cognitio ultimatè intenditur. Dicitur autem subiectum unum genus scibilis, cum ex parte ejus non sumitur aliqua differentia determinans, quæ sit à natura illius generis

Hic &  
art. 7. &  
1. post.  
lec. 41.

*Art. III. An sit una, vel plures, Cap. I. 131*  
 generis extranea, ut si quis per principia mobilitatis communia probet, tum hominem, cum plantam habere naturaliter certum augmenti, ac decrementi terminum; non additur aliqua differentia extranea, ac subinde ipsa unum genus scibilis habent; ac respiciunt, pertinentque simpliciter ad eandem specificam scientiam. Secundum quid autem est unum genus, quando circa subiectum aliqua differentia extranea assumitur; & aliena à natura illius generis; sicut visuale est extraneum à natura lineæ, & sonus à genere numeri. Numerus ergo simpliciter, qui est obiectum Arithmeticæ, & numerus sonorus non sunt unum genus subiecti simpliciter; similiter nec linea simpliciter, quæ est obiectum Geometriæ, & linea visualis, quam considerat Perspectivus; subindeque diversæ constituuntur scientiæ penes numerum sonorum, nimirum Arithmetica, ac Musica; & penes lineam, & lineam visualement, sicut Geometria, atque Perspectiva. Videnda sunt quæ diximus in *Clyp. Philos. tom. 2. quæst. 15. artic. ultimo.*

Vt autem de subiecto cognitio acquiratur, oportet quod principia, & causæ ejus cognoscantur; tunc enim cognoscere arbitramur unumquodque, cum causas primas, & primæ principia cognoscimus; idcirco in scientia oportet cognoscere quid sit; quod quidem cognoscitur per definitionem tanquam per medium probandi passiones de subiecto: unde tunc erit una scientia, quando erit unus mediij modus propter unam formalem rationem immaterialitatis, quæ habet intellectum movere, & ei proportionari; quidditas enim rei intelligibilis

4.

Ibidem;  
 & 1. phy-  
 sic. cap. 1.  
 lect. 1.  
 1. post.  
 lect. 2.

est proprium objectum intellectus, & principium formale determinans ipsum, seu forma per quam agit; actio autem specificatur à principio agente formaliter sumpto, ac subinde à medio specificatur scientia, tanquam à principio formali per quam agit intellectus certam cognitionem; ratio autem sub qua movet, & agit, est immaterialitatis modus.

5. Finis autem scientiæ non est, ut habeatur quælibet cognitio de subiecto, sed ut passionibus ejus manifestentur, & ei attribui demonstrentur. Quapropter conclusio demonstrata, ut visa in principiis, medij beneficio unientis utrumque extremum & illuminantis conclusionem, est finis ultimus scientiæ, & objectum quod significatur, ut terminus ejus. Hoc autem non fit, nisi mediantibus principiis; idcirco ad unitatem specificam scientiæ requiritur primò unitas subiecti in esse scibilis; unitas medij, seu causæ cognoscendi, & formæ intellectus; unitas objecti formalis; & unitas principiorum. Vnde unitas medij se habet quodammodo, ut formalis ratio *sub qua* omnia in genere scibilis unificantur; ratio autem *qua* est ratio subiecti scibilis, cujus cognitio in scientia quaeritur.

6. Ad sciendum autem quæ sit ratio formalis scibilis subiecti Theologiæ, advertendum quod quemadmodum in nobis necessarius est intellectus principiorum, qui versatur circa veritates quasdam complexas per se notas; ita & infunditur habitus fidei, quo cognoscamus articulos, tanquam prima quædam principia doctrinæ sacræ; cum hoc tamen discrimine, quod ad sumendam illorum principiorum notitiam, necessum est scire quid termini eorum significant, v.g. ad

*Art. III. An sit una, vel plures, Cap. I. 133*  
ad cognoscendum hoc principium, *homo est animal*, opus est nosse quid sit homo, quidve animal; & terminorum notitiam cognitione accepta à sensibus venamur; attamen notitiam principiorum fidei non accipimus per terminorum cognitionem sciendo quid sint, sed potius quid non sint, nec sensuum experientia ad hauriendam eorum cognitionem sufficit, quia nihil tale in sensibilibus invenitur; unde totum præstat superna revelatio, & divinum illud lumen afficiens voluntatem, & intellectum inducens ad certum assensum, non ex evidentia objecti, sed ex efficacia luminis voluntatem afficientis, ut velit assensum intellectualem certum præbere. Vnde revelata formaliter, propriè loquendo, sunt veritates complexæ, quibus intellectus per modum naturæ assentitur, & non ex notitia terminorum aut convictus evidentia objecti. Ratio ergo assentiendi est revelatio, quæ ex parte principij habitudinem dicit ad Deum revelantem, ex parte termini veritatem divinam certò cognitam, ex parte medij, & principij proximi, intellectum illustratum lumine divino & speciebus intelligibilibus, quæ ut participant virtutem luminis divini, virtutem habent ad inclinandum ad assensum certum.

Ex his manifestum redditur, quod esse revelatam aliquam veritatem, vel revelabilem non est pura denominatio extrinseca, aut aliquid omninò illi extrinsecum, sed quid intrinsecum, saltim si sumatur radicaliter, nimirum prout ipsa res divinitus cognoscibilis, est lumen quoddam intellectui nostro improporcionatum, sed non omninò extraneum, ratione cujus natum est movere intellectum nostrum

7.

ad sui cognitionem, non tamen secundum eas quas naturaliter habet vires, sed prout formatum lumine superno, seu principio activo, & virtute præstante vigorem potentiae intellectivæ in ordine ad veritatem illam, ut formata specie intelligibili ejus, seu principio formali determinante, eliciat cognitionem supernaturalem de veritate illa, & in hoc distinguitur à cognoscibilitate seu scibilitate ordinis naturalis.

## CAPUT II.

*Sacram Doctrinam esse unam specie scientiam statuitur.*

8. **D**icendum est itaque sacram doctrinam esse unam specie scientiam respectu omnium de quibus agit. Huius conclusioni favet sacrae scripturae autoritas, & loquendi modus, quæ ubique de hac doctrina, sicuti de una scientia loquitur, præsertim Sap. 10, ubi ait; *dedit illi scientiam sanctorum.*

9. Probatur conclusio ratione D. Thomæ; si Theologia non esset una scientia specie atoma, maxime quia de diversis agit rebus, nimirum de Deo, & creaturis, tum corporalibus, cum spiritualibus, actibus virtutum, & moribus hominum; sed hoc non obstat: ergo est una scientia. Prob. min. potest una, & eadem scientia specie de diversis rebus agere, dummodo in aliqua formali ratione conveniant; sed Theologia de diversis agit, ut conveniunt in una formali ratione objecti, nimirum ut revelabilia sunt;

*Art. III. An sit una, vel plures, Cap. II. 135*  
 sunt : ergo nil obstat , quin ipsa simpliciter sit  
 una scientia. Major patet ; eadem enim est ha-  
 bitudo potentia, & habitus ad suum objectum ;  
 sed unica specie potentia plura , & diversa at-  
 tingit , prout in aliqua formali ratione objecti  
 conveniunt v. g. potentia visiva unica specie  
 existens diversa , sicut hominem & lapidem ,  
 corporaliaque omnia, prout colore induuntur ;  
 ergo pari modo potest unus , & idem scientia  
 habitus de diversis rebus agere, dummodo con-  
 veniant in una aliqua ratione scibili.

Minor verò probatur , tota scibilitas objecti  
 ex scibilitate principiorum dependet ; per reso-  
 lutionem enim ad principia de conclusionibus  
 habetur visio , seu scientia , & cognitio certa ;  
 sed principia Theologiae sunt articuli fidei di-  
 vinae , seu veritates formaliter revelatae , & ut  
 revelatae à Theologo attinguntur, supponuntur-  
 que notae per se in scientia Dei : ergo cognos-  
 cuntur , & sciuntur conclusiones Theologicae  
 inquantum revelabiles , ac prout subsunt reve-  
 lationi divinae , seu principiis formaliter revela-  
 tis, per quae certò cognoscuntur , ac resolutivum  
 de eis iudicium fertur ; igitur omnia quae ad  
 Theologiam pertinent , spectant ad eam sub  
 una formali ratione objecti , sive sint moralia ,  
 sive veritates divinae speculativae. Major patet  
 ex Philosopho 5. *phys. cit.* Minor etiam est evi-  
 dens , tum ex his quae diximus, & probavimus  
 supra , nimirum principia Theologiae debere  
 credi fide divina , tum autoritate D. Thomae, &  
 communi Theologorum sententia.

Secunda consequentia , quantum ad verita-  
 tes morales probatur , non enim de moribus  
 in Theologia est sermo , quemadmodum in

10.

D. Th.  
 ibidem  
 lec. I. vi-  
 dendus.

11.

scientia morali, in ordine ad beatitudinem naturalem, sed quatenus per eos homo practicè dirigitur in vitæ æternæ finem, quæ est contemplatio perfecta Dei in se, & fruitio ejus; sed nequit illa ordinatio, & directio per sola communia principia operabilium, & cognitionem naturalem finis debitè fieri: ergo altiora exigit principia, & cognitionem finis excedentem, qualis est revelatio divina. Major patet ex illo Isaïæ 63. *Oculus non vidit Deus absque te, quæ præparasti diligentibus te*: ergo dilectio Dei non ordinatur ad quemcunque finem prout à Theologia respicitur, & est virtutis Theologicæ actus, sed finem supernaturalem & excedentem, & prout sunt meritorij ejus, quatenus in gratia radicanter. Minor verò probatur, quod quis voluntariè mortem oppetat, & crucem confusione contempta, non cadit sub aliquo principio communi operabilium, & naturali; quia si ratio dicat bonum esse amplectendum, & malum fugiendum, ignominiosa mors, dum apprehenditur ut malum naturale, & morale, profecto non cadit sub illo principio: ergo sub altiori, & revelato; nimirum, *Qui vult venire post me, abneget semetipsum, & tollat crucem suam, & sequatur me*: ergo operabilia particularia in ordine ad finem sunt etiam practicè revelabilia per habitudinem, quam dicunt ad præcepta formaliter revelata, ceu principia eorum. Antec. confirm. autoritate D. Augustini tract. 1. de discip. Christiana cap. 12. dicentis. *Quare mortes martyrum, oculos carnis interroga, malè mortui sunt. Oculos fidei interroga, præiosa in conspectu Domini mors sanctorum ejus. Quidquid ergo est quod exhorres in morte, omninò*

non



*Art. III. An sit una, vel plures, Cap. II. 137*  
*non exhorreas, si eos imitaris id age, ut bonam*  
*vitam habeas; & quacunque occasio fuerit, ut*  
*ex eas de hoc corpore, exis ad requiem, exis ad*  
*beatitudinem qua nec habet timorem nec finem....*  
*Finem respice, Christianus es, oculum fidei in-*  
*tende.*

Quod autem spectat de assensibus conclusio-  
 num ex uno principio naturali, & altero de fi-  
 de deductarum, omninò dicimus non esse spe-  
 cie distinctos; tum quia principium Theologi-  
 cum in ratione principij inferentis non est na-  
 turale sed revelatum, ut supra demonstravi-  
 mus; tum quia conclusiones illæ certæ sunt  
 theologicè, suntque veritates de se exceden-  
 tes; v. g. ergo Christus est risibilis: ergo stant  
 sub ratione revelabilitatis formaliter, & adæ-  
 quatè; quia ut diximus, propositionem esse  
 revelabilem dicit aliquod lumen veritatis divi-  
 næ imbibitum, & de se improporcionatum  
 captui intellectus, & rationis naturalis; quod  
 habent omnes illæ propositiones, seu conclu-  
 siones theologicæ deductæ: ergo sunt ex na-  
 tura sua revelabiles, & dicentes habitudinem  
 ad revelationem principiorum sub eadem ra-  
 tione qua aliæ conclusiones procedentes ex utra-  
 que præmissa revelata formaliter.

12.

Confirmatur: quæcunque conveniunt in  
 ratione una subjecti scibilis possunt ad unam  
 scientiam pertinere, sed divina scientia deter-  
 minat de rebus per rationem divinam, quæ una  
 existens omnia complectitur, etiam secundum  
 particulares eorum rationes: ergo ipsa una spe-  
 cie existens potest de diversis rebus agere, prout  
 conveniunt formaliter in illa ratione, ratione  
 cujus unam subordinationem formaliter for-  
 tiuntur.

13.

1. sent.  
 prol. art.

2.

riuntur. Major patet : nam Metaphysica plura omninò diversa considerat , nimirum substantiam , & accidens , prout conveniunt in ratione entis ; atque finitum , & infinitum , prout sunt passionēs ejus. Minor verò prob. quia quæcunque à Theologia respiciuntur , ad Deum dicunt habitudinem , sicut ad unum genus scibilis , in quantum ipsum attendunt , ut principium , & finem , scilicet supernaturalem , prout ab ipso , & ad ipsum sunt : ergo divina scientia determinat de rebus per rationem divinam , quæ omnia complectitur , etiam secundum particulares eorum rationes.

14.

Nota breviter quod omnia dicuntur respicere Deum ut principium , & finem , videlicet in se cognoscibilem , & non ex effectibus , sicut in Metaphysica contingit , sed ut revelabilem , seu cognoscibilem per revelationem quantum ad ea quæ illi attribuuntur , ceu passionēs quædam , vel effecta ; v.g. ipsi attribuitur quod singularia per se cognoscat , etiam secundum proprias eorum rationes , & deducitur ex hoc principio revelato , Deus habet perfectissimam providentiam de omnibus etiam singularibus , & actibus eorum : sed non potest perfectè providere nisi cognoscat , quia providentia est directiva rerum in finem ; quod absque perfecta cognitione perfectè fieri nequit : ergo cognoscit ipse perfectissimè singularia secundum proprias rationes , & operationes eorum. Deus qui est ut subjectum scibile conclusionis demonstratæ , subest revelationi divinæ quoad hoc quod de eo passionēs demonstrantur , quæ non nisi per revelationem attribui illi demonstrativè , & certò possunt.

### C A P V T III.

*Quomodo causa, vel cognitio quò altior,  
& universalior, eò ad plura se  
dicatur extendere.*

**A**Ntequam ad diluenda argumenta contra-  
ria procedamus, examinandum venit  
quoddam axioma, quo passim utitur D. Tho-  
mas, nimirum: *quod quantò aliqua causa, vel  
cognitio altior, seu universalior est, tantò est  
magis unica, & ad plura se extendit absque di-  
versitate*. Supponendum quod aliqua causa seu  
ratio potest dici universalior dupliciter, primò  
in prædicando, & per modum actus inchoati,  
seu imperfecti, ac totius potentialis; quo pa-  
cto vivens est universalius animali, continet  
enim ipsum animal, & plantas etiam, potentiâ  
tamen formali indeterminatâ, & in actu in-  
choato, ut fusè explicuimus alibi. Vnde se-  
cundùm veram rationem habet de illis prædi-  
cari. Secundò potest dici universalior in cau-  
sando, & per modum actus perfecti, quia vi-  
delicet forma per quam agit, habet majorem  
actualitatem essendi, & virtus ejus ad plura se  
extendit, v. g. cœlum dicitur universalius quo-  
libet alio corpore naturali, in causando; quia  
forma per quam agit in inferiora motu suo, &  
lumine est perfectior, & magis in actu mobi-  
lis, utpote minus immersa materiæ, & ut in-  
strumentum Angeli moventis, qui est actus per-  
fectus per se subsistens.

15.

Cum

16.

Cum ergo dicitur quod causa, vel cognitio eò perfectior est, quò universalior, & ad plura se extendens, non est sermo de universalitate in prædicando, & quæ sequitur potentiam formalem indeterminatam, sed de universalitate in causando, & quæ sequitur actualitatem perfectam: nam agere sequitur ad esse actu; igitur quò perfectior fuerit, & magis in actu forma quæ est principium formale per quod agit, eò erit universalior in causando, & magis unica in ratione principij formalis. Consequentia probatur, nam forma non dividitur, nisi per divisionem subjecti, & materię, sed potentialitatis: ergo quò magis fuerit ab his elongata, eò magis carebit divisionis, & limitationis principio, ac subinde erit magis una, & ad plura secundum virtutem, & efficaciam formæ se extendens, sed de his alibi.

17.

Quantum ad id quod spectat ad præsens de cognitione; scito, quod sicut universalitas causæ in agendo sumitur secundum formam per quam agit, ita, & cognitionis altitudo debet desumi à principio formali ejus, quod est quidditas rei, seu quod quid est. Ipsum namque est prima ratio cognoscendi perfectè aliquid, & intelligendi: ergo cognitio erit altior, & plura sub se comprehendens, cujus medium, & causa cognoscendi erit efficacior, & magis in actu secundum rationem movendi intellectum cognoscentis. Hinc est quod intellectus Dei, qui est altissimus, per lumen quod est ipse Deus, id est, per divinam essentiam, seu medium cognoscendi, sui ipsius, & omnium rerum cognitionem propriam, atque distinctam habet. Quidquidem perfectionis est in quacunque creatura,

*Art. III. An sit una, vel plures, Cap. III. 141*

creatura, totum præexistit, & continetur in Deo secundum modum excellentem, etiam perfectiones illæ per quas ab invicem distinguuntur, sicut vivere, & intelligere: quia divina essentia comparatur ad illas omnes, sicut actus perfectus ad imperfectos; quemadmodum numerus senarius ad unitatem, binarium, ternarium, quaternarium, & quinarium, omnes enim istæ numeri species sunt actus non adæquantes perfectionem senarij, & forma totalis senarij has omnes complectitur, & præterea unitatem ultimam, ceu propriam perfectionem per quam ab eis distinguitur. Vnde sicut ratio senarij est ratio cognoscendi seipsum & binarium &c. ita & essentia divina est ratio cognoscendi se, & alia omnia.

Manifestum est autem quod Theologiæ doctrina cum sit quædam impressio scientiæ divinæ habet medium cognoscendi universalius, & perfectius, nimirum deitatem in ratione principij & finis divina revelatione cognoscibilem, & sub divino lumine efficaciam habent ejus principia, quod altissimum est, cum sit immediata quædam participatio Dei in se, prout ejus esse, seu essentiæ est ratio cognoscendi omnia; optimè ergo concluditur, quod ipsa una existens plura, immò omnia sub una ratione formali scibilis, seu cognoscibilis per revelationem complectatur, unica manens, & non diversificata secundum diversas scibilis rationes.

Sicut autem medium cognoscendi, scilicet divinum lumen est altissimum, ita & principia ejus prima universalissimam habent efficaciam, & per resolutionem ad ea potest haberi propria omnium

18.

19.

D.Th.  
ibid.  
lect. 2.

omnium quæ sunt cognitio. Ejus principia simpliciter prima, & universalissima sunt, quod Deus sit, & providentiam de rebus habeat in ordine ad finem supernaturalem secundum illud Apostoli ad Hebræos 11. cap. *Credere oportet accedentem ad Deum quia sit* ( nimirum unus in Trinitate subsistens, & specialiter colendus ) & *inquirentibus se remunerator sit*, largiendo dona gratiæ, ut inquirent, & coronando opera per præmium vitæ æternæ. Per hæc de omnibus redditur ratio certa, etsi non evidens quoad nos : & licet ad reddendas causas, & rationes rerum, adinventæ sint plures scientiæ, quia tamen judicium earum fit per causas minùs universales, ista unica existens judicium sub una ratione profert reducendo ad hæc principia, prout sunt nobis expressè revelata, ac subindè infallibilia.

20.

Doctrinam hanc exemplo illustremus desumpto ex partibus monstruosis animalium, qui ad triplicem causam reduci possunt; nimirum ad causam proximam, scil. defectum in semine, quod est generationis principium activum; ad corpus cœleste, quod per motum suum est causa generationis primaria; & ad providentiam divinam. Prout judicium fit de eis per causam proximam, ad naturalem spectat; si nequeant reduci ad hoc principium, judicium accipitur per Astronomiam, quæ est scientia superior naturali; & si hujusmodi effectus ad neutram ex his causis reduci queant, ad considerationem divinæ providentiæ, quæ est causa superior, recurritur, fitque judicium de hoc effectu in particulari, edò certius, quo altius principium est providentia, quam sit corpus

*Art. III. An sit una, vel plures, Cap. III. 143*  
corpus cœleste, vel virtus activa seminis. Et  
sicut de hoc effectu accipitur iudicium per pro-  
videntiam quæ est directiva rerum in finem, ita  
& de multis aliis puta de pœnis innocentium,  
& morte martyrum, ad quæ nec Astrologus,  
nec naturalis pertingere queunt, ut patet de  
morte Christi. Theologia ergo una existens de  
his considerat sub una ratione, de quibus &  
Astrologus, & naturalis sub diversis rationibus  
principiorum agunt. 2. 2. q. 51. art. 4.

§. I.

*Solvuntur argumenta.*

**A**Rguitur 1. una scientia est quæ est unius 21.  
generis subiecti, seu unius scibilis; sed  
Deus, & creatura, de quibus in sacra doctrina  
agitur, non continentur sub uno genere subje-  
cti: ergo sacra doctrina non est una scientia.

Confirmatur, ea quæ sunt ab opere nostro,  
sicut opera virtutum, & quæ sunt ab opere  
naturæ, ad eandem scientiam non pertinent;  
sed sacra doctrina determinat per se de his, quæ  
sunt ab opere nostro, puta actionibus morali-  
bus, & virtutum actibus, & etiam de Deo,  
Angelis & aliis rebus naturalibus, quæ ab ope-  
re nostro non derivantur: ergo una scientia  
specie atoma esse nequit. Major patet, scientia  
namque moralis, & naturalis per id distin-  
guuntur, quod Moralis de his agat, quæ ab  
opere nostro sunt; Naturalis verò de rebus na-  
turalibus, & mobilibus, quorum principium est  
natura disputet.

Respondetur ad argumentum ex S. D. quod 22.  
sacra doctrina non determinet de Deo, & crea-  
turis

turis ex æquo, sed de Deo principaliter tanquam de subiecto per se scibili, de creaturis autem ut referuntur in ipsum, ut ad principium, & finem, divina revelatione cognoscibilem. Vnde unitas scientiæ non impeditur, quæ ab objecto desumitur, non quomodocunque, sed formaliter sumpto, secundum quod ratio ejus est medium cognoscendi omnia quæ ipsi attribuuntur, vel de eo demonstrantur, vel quoquo modo ad scientiam spectant. Habet enim quælibet res aliquo modo rationem utilis in ordine ad Deum; seu ut ducat nos in cognitionem finis supernaturalis, & amorem fruitionemque ejus; Christus ut via, & causa prædestinationis nostræ, qui per passionem suam nobis præbens exemplum, quomodo sequamur vestigia ejus, & sanguinem fundens meruit introitum Regni cœlestis, virtutes verò, dona supernaturalia, & gratia, tanquam ea per quæ Deo conjungimur, ut explicuimus supra.

23. Ad confirmationem respondet D. Thomas dicens quod nihil prohibet inferiores potentias, vel habitus diversificari circa illas materias, quæ communiter sub una potentia, vel habitu superiori cadunt; quia superior potentia, vel habitus respicit objectum sub universaliori ratione (universaliori inquam, non in prædicando, vel ex parte rei cognitæ, sed universaliori in causando, & ex parte mediij cognoscendi) sicut objectum sensus communis est sensibile quod comprehendit sub se visibile, & audibile (non sicut genus comprehendit species in potentia formali indeterminata, & actu inchoato; sed sicut actus perfectus comprehendit imperfectos, habetque perfectiorem immutandi sensus



*Art. III. An sit una, vel plures, Cap. III. 145*  
 sensus rationem , utpote minùs materiæ im-  
 mersam , per quam ipsas quoque sensuum parti-  
 cularium immutationes apprehendit, & inter eas  
 discernit ac dijudicat ) Vnde sensus communis,  
 cum sit una potentia extendit se ad omnia ob-  
 jecta quinque sensuum ; & similiter ea , quæ  
 in diversis scientiis Philosophicis tractantur ,  
 sacra doctrina una existens considerat sub una  
 ratione superiori , prout nimirum sunt divino  
 lumine cognoscibilia , seu divinitus revelabilia,  
*Vt sic sit velut quadam impressio divina scientiæ,*  
*quæ est una simplex omnium* , in quantum habet  
 unum medium cognoscendi , scil. essentiam di-  
 vinam per quam de omnibus judicat, Theologia  
 verò habet deitatem divina revelatione co-  
 gnoscibilem , per quam similiter de omnibus  
 fert judicium.

Arguitur 2. Ea de quibus Theologia tractat  
 non sunt ejusdem immaterialitatis , ut patet ;  
 sed unitas specifica scientiarum speculativarum  
 ab immaterialitate, ceu ratione formali sub qua  
 desumenda venit : ergo sacra Theologiæ doctri-  
 na non est una scientia specie.

Respondeo communiter quod in Theologia  
 non desumitur unitas ab hujusmodi immate-  
 rialitate , sed à revelatione virtuali : sed hæc  
 solutio communior est , quàm vera ; unde mihi  
 non probatur. Primò quia hæc scientia est cer-  
 tior aliis , ut docet infra D. Thomas *art. 5.* ergo  
 secundum se respicit magis immobilia , & ne-  
 cessaria ; sed non sunt magis immobilia , & ne-  
 cessaria, nisi quia magis à materia separata , sal-  
 tim secundum rationes per quas cognoscuntur:  
 ergo ratio sub qua hujus scientiæ necessariò est  
 quidam immaterialitatis modus , seu abstractio

1. post  
1c. 41.

à materia. Min. prob. incertitudo causatur per transmutationem materiæ sensibilis, unde quantò magis acceditur ad eam, tantò scientia est minùs certa. Qua ratione Aristoteles *ibidem* docet scientiam quæ non est de subiecto certior esse illa, quæ est de subiecto, hoc est, materia sensibili: ergo non sunt aliqua magis immobilia, & necessaria, nisi quia magis à mate-

1. p. q. 14.  
art. 1. c.

ria separata secundum rationes suas. Secundò quia immaterialitas alicujus rei est ratio quod sit cognoscibilis, & secundum modum immaterialitatis est modus cognitionis; sed Theologiæ scientia habet specialem modum cognitionis, & specialia cognoscibilia: ergo specialem modum immaterialitatis, tanquam rationem formalem sub qua. Tandem quia Theologiæ scientia est quædam impressio scientiæ divinæ, quæ pro medio, & ratione sub qua habet essentiam divinam, quæ est in summo immaterialitatis gradu: ergo & Theologia quodammodo hanc immaterialitatem imitari debet, & eam habere, ceu rationem formalem sub qua.

Hic in  
corp.

26.

1. sent.  
prol. art.  
1.

Respondeo itaque quod ex modo cognoscendi hæc scientia habet specialem immaterialitatis modum superiorem illo, qui est Metaphysicæ. Cum enim contemplatio Dei fiat dupliciter; una per creaturas, quæ imperfecta est, cum sint effectus non adæquates essentiam ejus; alia perfecta, quâ videtur immediatè per suam essentiam; quæ erit in patria, & est homini possibilis secundum fidei suppositionem, doctrina Theologiæ ad illam Dei completionem perfectam, & in se quodammodo attinet; cognoscendo Deum, non per cognitionem à creatu-

ris

*Art. III. An sit una, vel plures, Cap. III. 147*  
ris sumptam, sed immediatè ex divino lumine  
inspiratam. Quod quidem lumen est perfectius  
quolibet lumine creato, & magis certum, seu  
immobile, ac subinde minus obumbratum,  
materiæque immersum. Habet igitur Theolo-  
gia divina in suis principiis, & ratione formali  
scibilitatis immaterialitatem perfectiorem, ex  
parte mediij cognoscendi. Et licet ea de quibus  
agit in genere entis non sint æqualis omnino  
immaterialitatis, sed multum diversæ ac discre-  
pantis, attamen ex parte mediij cognoscendi,  
quod est divinum lumen, seu divina revelatio,  
ac perceptio veritatis divinæ in seipſa, conve-  
niunt, quod sufficit. Quia neque illa, de qui-  
bus Metaphysica pertractat, sunt ejusdem im-  
materialitatis in se; Deus enim & intelligen-  
tiæ ita abstrahunt, ut secundum rationem suam  
in materia esse nequeant: cætera verò ita à ma-  
teria depurantur, quod licet in earum ratione  
materia non includatur; attamen de ratione  
earum non est, ut sint absque materia, tamen  
ut Deus, & Angeli pro hoc statu ex effe-  
ctibus sensibilibus cognoscuntur, non sunt  
majoris abstractionis cæteris, de quibus agit  
Metaphysicus, & hac eadem ratione dicimus,  
quod ut Deus Angeli &c. sunt cognoscibiles  
per divinam revelationem, scù ut revelabilia  
sunt ejusdem immaterialitatis, & immobili-  
tatis. Adde quod Deus est præcipuum & per se  
subjectum formale scibile, alia ut dicunt ha-  
bitudinem ad ipsum, sub qua ratione eundem  
immaterialitatis modum quodammodo su-  
beunt. Quod verò agit de actibus humanis, &  
operibus hominum, in quorum ratione neces-  
sariò includitur materia, hoc habet inquantum

practica est, sed ultima ratio sub qua omnia cognoscuntur, & verificantur, est revelabilitas, seu revelatio divina.

27. Instabis contra hujusmodi revelabilitatem, seu revelationem, virtuales, quam constituimus rationem formalem subjecti, seu objecti Theologiæ: Primò, quia ratio formalis ponit aliquid in objecto, cujus est ratio; sed revelabilitas nihil ponit in re: ergo nequit esse ratio formalis ipsius Theologiæ, verificans omnia, quæ ad ipsam spectant.

28. Confirmatur, quia revelatio divina vel sumitur activè ex parte Dei, vel passivè ex parte nostra? Si primum, certum est, quod nihil intrinsecè ponat in re revelabili, vel revelata, cum sit aliquid immanens in Deo, sicut neque cognitio ponit aliquid reale intrinsecum in ipso objecto cognito. Si sumatur passivè, sic est aliquod lumen habituale perficiens intellectum nostrum, incircumscriptum, & nullius rei determinatæ, efficiens cognitionem, sicut est lumen fidei: ergo revelatio divina nullatenus potest esse ratio formalis Theologiæ.

29. Respondeo ad argumentum quod revelatio, ut se tenet ex parte Dei testificantis est quid extrinsecum; ut se tenet ex parte potentiæ est aliquid intrinsecum perficiens ipsam ad cognoscendam veritatem divinam; ut se tenet ex parte objecti revelabilis, est aliqua lux superior imbibita per modum hypostasis in excedente & superiori intelligibili, vel lux derivata ex lumine superno perficiente intellectum agentem, quæ inesse intelligibili ultimæ, & motivi intellectus perficit objectum, estque ei quid intrinsecum, sicut lux solis, ut efficiens coloratum

*Art. III. An sit una, vel plures, Cap. III. 149*  
 ratum actu lucidum in esse visibilis, & motivi  
 in actu visus, est quid intrinsecum, esto in ge-  
 nere entis extrinsecum sit. Ex quibus ad con-  
 firm. patet, dico enim quod revelabilitas est  
 aliquid ex parte objecti, per modum luminis  
 divini imbibiti in natura intelligibili quæ ex-  
 cedit intellectum humanum, per cujus species  
 determinatur lumen divinum ex parte intelle-  
 ctus se tenens, sicut lumen naturale determi-  
 natur per species intelligibiles objectorum, ut  
 aliquid determinatè intelligat.

\*\*\*

## ARTICVLVS QVARTVS.

*Vtrum Sacra Doctrina sit scientia practica?*

### CAPVT PRIMVM.

*Vnde sumatur ratio practici & specula-  
 tivi in scientiis?*



SCIENDVM quod nihil scitur nisi  
 verum, quemadmodum nihil appe-  
 titur nisi bonum, aut boni umbram  
 habens. Accidit autem verò secun-  
 dum se, & rationem suam, quod ad opus or-  
 dinetur; de sua enim ratione dicit rationem  
 manifestativi duntaxat, & adæquationem sui,  
 seu conformitatem cum intellectu. Idcirco pra-  
 cticum non est essentialis ipsius intellectus dif-  
 ferentia, qui habet respicere verum absolute,  
 & in communi, sed accidit ei ab extensione ad

I.

appetitum, à quo habet efficienter moveri, & ad aliquod verum operabile modo operabili ordinari. Eapropter non est differentia essentialis ipsius intelligibilis, aut scibilis absolute sumpti, sed in quantum induit aliquam rationem boni, & operabilis modo operabili, & in exercitio, itaut intellectus scientis non intendat ipsum scibile, ut cognoscens fiat, aut sciens, sed ut efficiatur rectè operans. Quapropter de Ethica, seu Morali sermonem faciens Aristoteles dixit; *hujusmodi sermonem suscipimus, non ut scientes simus, sed operantes.* Nam sub ea duntaxat ratione, qua scibile habet in re boni rationem, vel convenientis appetitui, natum est movere appetitum, qui intellectum applicat, ut modo directivo, & operabili ad illud scibile tendat. Vnde scientia speculativa dicitur, cujus finis non est nisi scire; scientia autem practica est, cujus finis est operari.

2. Licet autem ratio, seu scientia practica, & speculativa fine differant, atque objecto, conveniunt tamen in hoc, quod sicut ratio speculativa incipit ab aliquo principio, & per media ad conclusionem intentam devenit, ita ratio seu scientia practica, & operativa incipit ab aliquo principio, & per aliqua media devenit ad operationem, vel operatum, quod intenditur. Principium hujusmodi in speculativis est quod quid est rei, seu natura, & forma ejus, quæ est ratio cognoscendi ipsam; & medium ad probandum passiones, vel proprietates aliquas de ipsa. In operativis autem principium est finis, qui quandoque est forma, aliquando aliquid aliud, v. g. finis ædificantis est constructio domus secundum aptam formam,

3. contr.  
gent. c.  
97.

*Art. I V. An sit Scientia practica, Cap. I. 151*  
mam, & dispositionem ad habitandum, & propter hanc disponuntur, & fiunt omnia quæ ad domum pertinent, sicut tectum, paries &c. Et ex fine fertur iudicium de omnibus.

Eapropter sicut scibilitas subiecti in scientiis speculativis attenditur secundum habitudinem ad medium demonstrandi, & principia simpliciter prima in genere aliquo scibilis speculativi; quæ enim ex alteris sunt principia in principia simpliciter prima tandem resolvuntur ut efficaciam demonstrandi habeant; ita in scientiis subiecti operabilis dirigibilitas, seu ordinatio attendi debet secundum finem præcipuum, & principia operabilium simpliciter prima in illo genere; sicut dolatio lapidum, & compaginatio lignorum, & quælibet dispositio materiæ est in ordine ad constructionem domus secundum aptam, & congruam dispositionem ad habitandum; & hæc omnia secundum principia artis domificandi simpliciter prima regulantur, ut recta sint.

Duplex est rectitudo in operabilibus; alia artificialis, moralis altera. Rectitudo moralis desumitur penes finem moralium, scil. bonitatem moralem. Bonitas autem moralis desumitur ab objecto in esse moris primario, & essentialiter, quia habet rationem formæ. Objectum autem dicitur bonum in esse moris, quando est consonum rectæ rationi, & legi. Vnde lex, seu legis præcepta sunt principia per quæ regulantur opera nostra, seu actiones morales, & per ea dijudicamus de illis. Rectitudo autem artificialis desumitur penes finem artificialium, qui est bonum ipsorum, ut scil. sint conformia regulis artis, & fini intento; bonum enim artis

est in ipsis artificiatu, v. g. bonum domus constructa est quod sit aptè disposita, & concinnata juxta regulas artis, ut nos valeat à nive, frigore, & aliis inclementiis temporum, vel incommodis sublevare. Idcirco discrimen inter veritatem practicam, & speculativam in hoc reperitur, quod veritas speculativa in scientiis sumitur per adæquationem conclusionum ad principia speculativa, & rationes rerum quæ sunt medium demonstrandi; sed in practicis moralibus per adæquationem conclusionum seu electionum ad legem, seu legis præcepta per quæ regulamur, & dirigimur practice ad operandum rectè in ordine ad finem, per quem, ceu medium, de omnibus judicium fertur, & dicitur bonum, vel malum opus, prout conforme, vel difforme fuerit legi, & fini, & ab eis discordans, vel cum eis consonans.

5. Finis Theologiæ seu sacre doctrinæ est nos in cognitione recta Dei, ac divinatorum perficere, ne circumferamur omni vento doctrinæ, sicut gentes quæ Deum ignorant, & hoc mediante revelatione, ut ratione formali scibilitatis suæ, ut supra fusè explicuimus, & præterea nos dirigere in operatione recta; utrumque in ordine ad Deum, ceu principium, & finem supernaturalem, tam cognitio, quam operatio destinantur. Vnde utriusque principia stant sub eadem formali ratione revelationis. Per revelationem enim, & non aliter, didicimus, quod Deus sit unus in Trinitate subsistens, & quod diligentibus se remunerator sit largiendo gloriam; principium, & finis supernaturalis, ut patet ex illo Apostoli ad Hebræos 11. *Oportet accedentem ad Deum credere quod sit,*



*Art. IV. An sit Scientia practica, Cap. I. 153*  
 & diligentibus se remunerator sit. Quæ sunt duo  
 principia simpliciter prima Theologiæ, & fidei  
 nostræ, ex quibus cætera efficaciam habent, &  
 de conclusionibus Theologicis per ea accipitur  
 judicium, tum in speculativis, quàm practi-  
 cis, seu moralibus. Hoc enim principium mo-  
 ralitatis Christianæ, *Inimicus est diligendus*,  
 vel *sustinendum fortiter Crucis opprobrium*, vel  
*diligendus Deus amore perfecto*, & *supernatu-*  
*rali*, in tantum efficaciam habent, in quantum  
 regulantur principio illo, Deus est finis super-  
 naturalis creaturæ, remunerans & dilectionem  
 inimici, & mortis opprobrium. Et conclusio-  
 nes practicæ, quæ ex his principiis operabi-  
 lium, seu lege divina deducuntur; v. g. quod  
 hic & nunc sit propter Deum subeundum mar-  
 tyrium, vel condonanda injuria inimico, pro-  
 ximè dijudicantur per regulas illas operabi-  
 lium, & exempla majorum, præsertim Chri-  
 sti, cujus vita, ut diximus, lex morum fuit.  
 Similiter conclusiones speculativæ; v. g. quod  
 Deus habeat de rebus singularibus perfectam  
 cognitionem, deducitur ex illo principio quod  
 Deus sit, & providentiam de rebus habeat, præ-  
 sertim de actibus humanis, ut coronet merita,  
 & demerita puniat, & sic de cæteris.

Restat modò examinandum quomodo con-  
 clusiones tam diversæ, seu potius cognitio ea-  
 rum sit practica, & speculativa, itaut idem  
 habitus sub una formali ratione revelabilitatis  
 eis assentiens, & per principia illa revelata di-  
 judicans, utrumque complectatur; sciendum  
 est quod potest aliquid formaliter in alio con-  
 tineri duplici modo: primò secundum ratio-  
 nem & esse ipsius formæ absolutè sumptæ;  
 secundo

secundò quoad modum essendi proprium quem habet, non quidem secundum se absolutè, sed ut in hoc, sicut sensitivum absolutè dicit principium quo aliquid sentit, & cognoscit per apprehensionem objecti, sed sensitivum in homine & leone contrahit specialem in operando modum, nam cognoscit objecta sensibilia homo sine necessitate, appetendi illa, vel respuendi, propter conjunctionem sensitivi ad rationalem appetitum, qui in res cum differentia potestativa fertur, quod leo vel brutum carens ratione non habent. Cum itaque dicatur aliquid perfectius in quantum plures in eo perfectiones continentur, continere plura formaliter secundum esse, & rationem formæ absolutè, ad perfectionem pertinet, quia omnis forma est ut actus quidam, & perfectio Dei, sed continere modo proprio essendi in hoc, perfectionem non importat de se absolutam; sed huic & secundum quid v.g. sentire sicut leo sentit, non est perfectio absolutè, sed est perfectio huic, scil. leoni, esto ex parte subjecti, quando scilicet consequitur ad formam in suo optimo subjecto, & perfectissimo, sit perfectio haberi tali modo, vel accedere ad talem habendi modum, quo pacto sensitiva, quæ magis ad modum cognoscendi rationalium appropinquant, perfectiora sunt. Idcirco quod sic continet, formaliter se habet, ut actus perfectus continens plures imperfectos, & inadæquatos; sicut senarius numerus est ut actus perfectus respectu ternarij, & binarij, ut ex D. Thoma supra notavimus. His suppositis ad resolutionem difficultatis accedamus.

## C A P V T I I.

*Theologiam esse simul practicam, & speculativam statuitur.*

**D**icendum est primò : Theologia prout in nobis non est practica duntaxat, aut purè speculativa; sed simul practica, & speculativa. Prima pars conclusionis probatur. De ratione scientiæ simpliciter practicæ est quod subjectum ejus sit operabile, seu dirigibile in opus modo operabili, & conformiter ad principia operabilium, finisque ejus sit operatio, seu operatum aliquod; sed in subjecto scibili Theologiæ formaliter multa continentur, quæ non sunt operabilia modo operabili, seu dirigibilia in opus, nec finis cognitionis eorum de se est operatio simpliciter, aut aliquod operatum: ergo Theologia nostra secundum omnia quæ formaliter ambit non est omnimodè, & simpliciter practica. Major patet, exemplificando in omnibus scientiis operativis seu practicis, nam Moralis subjectum est operatio humana prout progreditur ab appetitu recto, & conformi dictamini rationis, & legi in ordine ad finem rectum, & bonum; ædificativa est de ædificiis & ratio est; quia quælibet scientia dicit intrinsecam habitudinem ad suum subjectum, sub aliqua formali ratione scibilitatis, vel absolutè sistendo in scibilitate & contemplatione veritatis ut speculativa scientia, vel ordinando ad opus, ut practica; si  
autem

7.

*Hic in  
sed cont.*

subiectum ordinatur ad opus, formaliter respicitur ut operabile, vel ut dirigibile in opus.

8.

q. 3. prol.  
q. 2. laterali.

Minor verò probatur. Subiectum primum, ac præcipuum Theologiæ est ipse Deus, quâ Deus est hæc essentia, ut fatetur ipsemet Scotus; sed Deus sub ratione quâ est hæc essentia non est operabilis à sciente, neque per se dirigibilis in opus secundum omnes veritates necessarias de ipso demonstrabiles: ergo in subiecto scibili Theologiæ multa formaliter continentur, quæ non sunt in opus per se dirigibilia, vel operabilia. Prob. min. tum quia omne operabile est contingens esse, & non esse; veritates autem necessariæ non possunt non inesse subiecto per se primo; tum etiam quia Deus, ut est hæc essentia, est subiectum maximè cognoscibile, seu intelligibile, & speculabile, & operatio intellectus circa illum est maximè perfecta in linea cognitionum humanarum; sed speculatio, & contemplatio veritatis, quæ quæritur propter se est perfectior cognitione practica, & certior, nam practica se habet ex additione respiciendo subiectum circa quod operetur: ergo cognitio Theologica Dei in quantum est hæc essentia est potissimum, ac præcipuè speculativa, & non practica.

1. poster.  
lec. 41.

9.

Arg. 1.  
& 2.

Secunda pars probatur 1. sacra doctrina ad operationem ordinatur: secundum illud Iacobi 1. *Estote factores verbi, & non auditores tantum*: ergo sacra doctrina non modò speculativa, sed etiam practica scientia est 2. Quia sacra doctrina per legem veterem, & novam dividitur: sed lex pertinet ad scientiam moralem (cum sit directiva operationum humanarum) quæ est practica: ergo sacra doctrina est practica. 3.

Quia

*Art. IV. An sit Scientia practica, Cap. II. 157*

Quia Deus, qui est subiectum hujus scientiæ, non modò est primum ac supremum intelligibile, sed etiã est ultimus finis, & beatitudo objectiva rationalis creaturæ: sed sicut respicere primum, ac maximè intelligibile ad scientiam, quæ præcipuè speculativa est, nimirum Metaphysicam pertinet, ita respicere beatitudinem, ac de felicitate humana agere, quæ est ultimus finis operationum humanarum ad practicam spectat: ergo Theologia est simul practica & speculativa.

10.

Secunda conclusio; Theologia est simul practica, & speculativa, non modò virtualiter, sed etiã formaliter, non quidem secundum modum proprium essendi practici, & speculativi, prout sunt quædam differentiæ limitantes essentialiter, & contrahentes amplitudinem habitus cognoscitivi circa specialem rationem cognoscibilem absolutè, vel cum ordine ad opus; sed secundum rationem, & esse practici, ac speculativi. Prob. sacra doctrina una existens formaliter perficit hominem, non modò in contemplatione Dei, veritatumque divinarum scibilium de ipso, sed etiã in recta operatione circa finem supernaturalem: ergo est formaliter practica, & speculativa. Antecedens prob. sacra doctrina est quædam divinæ scientiæ impressio, quatenus Deum, ut in se cognoscibilem contemplatur per medium, quod est Deitas ipsa, ut cognoscibilis per revelationem; sed scientia Dei per unam rationem formalem, quæ est Deitas attingit, seu cognoscit se, & ea quæ facit: ergo sacra doctrina una existens formaliter perficit hominem in cognitione Dei, & operatione circa eum, ut finem ultimum.

11.

Confirmatur. Quando aliqua forma superior se habet ordinatè, & ex additione alicujus perfectionis essentialis ad inferiores, à quibus specie distinguitur, secundum rationem & esse debet eas formaliter continere, non tamen quoad modum essendi proprium istarum, per quem specie differunt; sed sacra doctrina est superior quædam forma, utpote habens superiorem rationem per quam potest tam de scibilibus, quam operabilibus rationibus judicare: ergo una existens formaliter continet rationem practici, & speculativi; esto non secundum modum proprium, quo in Philosophicis disciplinis reperitur. Maj. patet 1. In anima rationali, quæ formaliter continet vegetativum, & sensitivum secundum rationem, & esse, sed non secundum modum essendi proprium vegetativi, vel sensitivi. 2. In sapientia, quæ alias virtutes intellectuales speculativas, secundum rationem, & esse formaliter complectitur, quia habet rationem formalem sciendi superiorem, per quam de principiis (de quibus est intellectus,) & de conclusionibus (de quibus est scientia) judicare potest.

12.

1.p. q.1.  
art. & 1.  
sent. ad  
Annib.  
prol. q.2.  
art.1.

Minor verò prob. quia ratio formalis Theologiæ est divina revelatio, seu deitas ut cognoscibilis lumine divinæ revelationis, non modò in ratione principij, & finis rerum omnium, sed etiam in ratione finis supernaturalis, & beatitudinis objectivæ ad quam creatura rationalis specialiter ordinatur, sed per rationem hanc sacra doctrina habet judicare, non modò de veritatibus scibilibus de Deo, sed etiam de operationibus humanis prout hominem ad finem supernaturalem ordinant: ergo sacra doctrina

*Art. IV. An sit Scientia practica, Cap. II. 159*

Doctrina est superior quædam forma utpote habens altissimam quamdam rationem formalem, per quam potest, tam de scibilibus quam operabilium rationibus judicare. Prob. minor, tum quia Deus idcirco eadem scientia se cognoscit, & ea quæ facit, habetque scientiam, quæ una existens est practica, & speculativa, quia medium cognoscendi tam se, quam alia est divina essentia, quæ se habet in ratione primi intelligibilis, & finis omnium rerum. Tum quia sicut veritates fidei divina revelatione attinguntur, ita & operationes humanæ lege æterna diriguntur quæ naturalem rationem excedit, & ideo humanarum operationum cognitio, prout à lege æterna regulatur, nonnisi per revelationem haberi potest: ergo per eandem rationem formalem, quæ est revelabilitas, Theologia de omnibus habet judicare, tum cognoscibilibus veritatibus speculativis, tum practicis, & operationibus humanis.

Tertia conclusio; sacra doctrina principaliter est speculativa, seu magis est speculativa, quam practica. Prob. sacra doctrina principalius agit de Deo, & rebus divinis (de quibus speculativam duntaxat cognitionem habet) quam de actibus & operationibus humanis, de quibus practicam habet cognitionem; sed scientia est potissimum dicenda practica, vel speculativa ex ordine ad finem ultimum ad quem per se, & principaliter ordinatur: ergo principalius est speculativa, quam practica. Prob. maj. sacra doctrina non agit de actibus, & operationibus humanis, nisi prout per eas ad beatitudinem supernaturalem ordinatur, quæ in perfecta Dei contemplatione sita est: ergo principia

2. 2. q. 8,  
art. 3. ad  
3.

I 3.  
Hic  
corp. &  
1. sent.  
prol. a. 3.  
c.

160 *Quest. I. De Sacra Doctrina,*  
principalius Dei contemplationem in se inten-  
dit; quæ imperfectè quidem habetur hîc per  
fidem, & doctrinam, perfectè autem in patria  
per claram Dei visionem.

### C A P V T III.

#### *Contraria argumenta dissolvuntur.*

14. **A**Rguitur primò secundum Philosophum  
1. sent. ad in 6. *Ethic.* Sapientia, & prudentia dif-  
Annib. ferunt, quia sapientia est speculativa, pruden-  
prol. q. 2. tia verò practica; sed hæc doctrina est sapien-  
art. 1. tia (ut *art. 6.* dicitur;) ergo est speculativa  
tantum. Conf. quia sicut Philosophus in 1. *me-*  
1. sent. *taphys.* docet, nobilissimam scientiam oportet  
prol. a. 3. sui gratia esse, sed practicæ non sunt sui gratia,  
arg. 2. immò propter opus: ergo cum ista sit scientia-  
rum nobilissima, non erit practica.

15. **R**espondeo quod Philosophus ibi accipit sa-  
1. sent. pientiam pro sapientia, quæ duntaxat est res-  
Loc. cit. in pectu ultimi finis simpliciter, quæ equidem est  
argum. & speculativa tantum, quippe quæ Deum contem-  
in corp. platur, ut est finis communis, & principium  
omnium rerum à quo habent esse; non verò ut  
est finis specialis creaturæ rationalis, aut ultimus  
in tota vita humana, seu ad quem omnes ope-  
rationes humanæ ordinantur, hoc enim ad  
Moralem pertinet, quæ de felicitate agit. Theo-  
logiæ autem doctrina considerat Deum, ut co-  
gnoscibilem revelatione divina, non modò qua-  
tenus est finis, & principium omnium rerum  
(in quo cum Metaphysica convenit) sed etiam

ut



*Art. IV. An sit Scientia practica, Cap. III. 161*  
ut est finis supernaturalis, & beatitudo perfecta objectiva hominum ( in quo convenit cum Morali. ) Eapropter est simul practica, & speculativa, non autem Metaphysica.

Resp. ad Conf. quod hæc doctrina maximè est gratiæ sui : opus enim non est ultimum intentum in hac scientia, immò potius contemplatio primæ veritatis in patria, ad quam depurati ex bonis operibus pervenimus; sicut dicitur Matth. 5. *Beati mundo corde quoniam ipsi Deum videbunt*; & idè principaliter est gratiæ sui, & speculativa magis quam practica.

Contra solutionem, ac tertiam conclusionem instat Durandus. *Primò*; quia finis, qui denominat scientiam est operatio, quam ipsa elicit, vel regulat, atque dirigit; sed beatitudo non est operatio elicitæ, vel regulata ab hac scientia: ergo non ita denominat illam, ut ab ea dici queat speculativa magis quam practica. *Secundò*, quia nulla scientia denominari valet practica, vel speculativa à fine remoto, seu ad quem à remotis disponit, sed à fine proximo; sed visio patriæ est finis Theologiæ remotus ad quem per modum dispositionis nos disponit, & non per modum formæ immediatè ei conjungentis: ergo non est dicenda maximè speculativa à visione patriæ.

Respondeo quod equidem finis scientiam denominans proximè est ejus operatio, in speculativis scilicet scire, gratiæ ipsius scire; in practicis autem scire propter operari; & quod finis proximus à quo denominatur Theologia speculativa est Dei contemplatio in se per revelationem suscepta; finis autem, à quo practica dicitur, est operatio virtutis in ordine ad

finem supernaturalem consequendum ; & ab his denominatur formaliter practica , & speculativa ; ac subinde ab aliqua ejus operatione. Verùm quia utraque hæc operatio ad beatitudinem patriæ ordinatur , sicut imperfecta felicitas ad perfectam ; & ratio ordinatorum ad finem à majori , vel minori proportionem , & accessu ad rationem finis habenda est ; idcirco S. D. ait Theologiam dici speculativam magis , quam practicam , quia finis , ad quem ultimò ordinatur , est contemplatio Dei in se , in patria habenda , quæ est operatio speculativa principaliter , cum qua contemplatio viæ magis convenit quam operatio. Verba S. D. sunt ;

Hic art. 4. c. fin. *Magis tamen est speculativa , quam practica ; quia principalius agit de rebus divinis , quam de actibus humanis ; de quibus agit secundum quod per eos ordinatur homo ad perfectam Dei cognitionem in qua aterna beatitudo consistit. Vbi S. D. ex fine proximo rationem practici , & speculativi in Theologia desumit ; quia verò operatio virtuosa ad contemplationem perfectam Dei in se ( in qua ejus beatitudo consistit ) ordinatur , quæ per fidem in via jam habetur ; idcirco Theologiæ doctrinam principaliter esse speculativam asserit ; & secundum aliquid duntaxat practicam ; Vnde quantum ad quid practica est , & etiam speculativa.*

1. Sent.  
prol. art.  
3. c.

19.

1. p. q. 14.  
art. 16.

Ad pleniorē hujus rei intelligentiam notandum est ex eodem S. D. quod scientia potest dici speculativa , vel practica tripliciter ; primò ex objecto seu ex parte rei scitæ , sicut scientia hominum de rebus naturalibus , vel divinis est speculativa ; de moribus autem , seu actionibus humanis est practica. Secundò ex modo sciendi,

*Art. IV. An sit Scientia practica, Cap. III. 163*  
 sciendi, sicut si aliquis consideret actiones humanas definiendo, dividendo, & secundum communia illarum prædicata non applicando ad opus, erit cognitio practica ex parte rei scitæ, sed tamen speculativa secundum modum sciendi. Tertiò quantum ad finem v. g. si quis consideret quo pacto domus construi possit non ordinando ad operationem ceu finem, sed ad cognoscendum tantum, erit quantum ad finem (nimirum scientis) speculativa consideratio, & tamen de re operabili. Scientia, quæ est speculativa ratione ipsius rei scitæ, seu objecti est speculativa tantum; quæ verò est speculativa secundum modum, & finem, & non ex parte rei scitæ, est secundum aliquid practica, & secundum aliquid speculativa; Quæ verò ex se ad finem operationis ordinatur est practica tantum, seu simpliciter. Et hoc pacto Theologiæ doctrina dicitur secundum aliquid practica in ordine ad finem beatitudinis, quæ est contemplatio Dei in patria, & etiam speculativa; quia est de objecto speculabili, tamen applicando universalialia supernaturalis cognitionis principia ad opus in particulari tendit ad illud, & operatio est quodammodo finis ejus, sed non ultimus.

Si instes quod Theologia erit duntaxat practica respectu actionum humanarum, quæ sunt subjectum secundarium, ac subinde non simpliciter. Respondeo quod actiones humanæ, prout regulantur lege æterna quæ naturalem rationem excedit, sunt quiddam revelabile, & pertinenſ ad subjectum formale Theologiæ, licet per attributionem ad Deum, ceu principale subjectum illius; sicut materia; & forma

20.

2.2. q.8.

art.3. ad

3.

ad Physicæ subjectum formale spectant, non tamen sine habitudine ad ens mobile, cujus sunt causæ, & principia.

21. Arg. 2. duæ differentia essentialiter oppositæ nequeunt eidem competere; sed practicum, & speculativum sunt differentia essentialia habituum, cum sumantur ex fine, & objecto ad quæ ordinantur: ergo Theologia nequit esse simul practica, & speculativa.

22. Respondet S. D. quod quamvis ista scientia  
1. sent. q. sit una, tamen perfecta, ac superioris ordinis,  
prol. art. ac subinde sufficiens ad omnem humanam perfectionem (quam scientiæ practicae, ac speculativæ præstare possunt dirigendo in cognitione veritatis, & operatione virtutis in communi vel particulari) propter efficaciam divini luminis.

23. Ad pleniorē hujus rei intelligentiam nota,  
1. 2. q. 3. quod speculativæ scientiæ ultra virtutem suorum principiorum, id est, ultra quam cognitio sensitiva, & lumen intellectus agentis à phantasmatibus abstrahens corporeis, ducere potest; se extendere nequeunt: similiter practicae ultra quam finis cognitio, seu ratio recta humana se extendit, in operando hominem dirigere non valent. Se habent enim fines in operabilibus; sicut principia in speculativis. Hinc est, quod cum alia sint speculabilem, alia operabilem, in nobis principia naturaliter indita, oportet nos diversimodè, seu diversis scientiarum habitibus perfici in contemplatione veritatis, & operatione recta circa finem; quia habitus per principia distinguuntur, inquantum sunt formæ quædam. At verò Deitas, seu divina essentia in se cognita (cujus quædam impressio

*Art. IV. An sit Scientia practica, Cap. III. 165*  
 pressio est divinæ revelationis lumen, cum  
 Deus per eam in se cognoscatur, licet imper-  
 fectè) cum sit primum principium simpliciter,  
 & ultimus finis omnium, ac specialis creaturæ  
 rationalis, beatificans ipsam, secundum se est  
 ratio cognoscendi omnia, & ratio omnium  
 quæ aguntur; quapropter potest intellectum  
 nostrum in consideratione cujuscunque verita-  
 tis perficere, & in operatione recta universaliter  
 dirigere.

Et hoc indicare videtur Apostolus 1. Co- 24.  
 rinth. 2. dicens; *Spiritualis homo judicat omnia;* Prol.  
 Quia cum aliarum scientiarum singulæ circa sent. ad  
 singula earum genera occupentur, sacra do- Annib.  
 ctrina circa omnia nos illustrat. In ipsa enim  
 revelantur divina, docentur cœlestia, & terre-  
 stria judicantur, & honestæ vitæ documenta  
 traduntur. Vnde Augustinus in epist. ad Volu-  
 sianum de sacra doctrina, seu scriptura loquens,  
 ait: *Hic Physica, quoniam omnes omnium natu-*  
*rarum causa in Deo creatore sunt. Hic Ethica*  
*quoniam vita bona, & honesta non aliunde for-*  
*matur, quam cum ea, qua diligenda sunt, dili-*  
*guntur; scilicet Deus, & proximus. Hic Logica,*  
*quoniam veritas, lumenque animæ rationalis non-*  
*nisi Deus est.* Et S. D. de ipsa illud sap. cap. 7.  
 intelligendum putat; *Attingit ubique* (id est  
 non restringitur ad aliquid speciale) *propter*  
*suam munditiem; vapor enim est virtutis Dei.*

Vnde in forma ad arg. resp. dist. min. pra- 25.  
 cticum, & speculativum sunt differentiæ essen-  
 tiales habituum secundum rationes suas abso-  
 lutè sumptas, nego: secundum determinatos  
 essendi modos, quibus intellectum habent di-  
 rigere, ac perficere ad speciale cognoscibile per

rationes formales , & principia limitata , concedo ; unde secundum rationes suas possunt eidem superioris scientiæ habitui convenire, non tamen secundum illum limitatum essendi modum , quem in inferioribus scientiis , & habitibus habent.

\*\*\*

## ARTICVLVS QVINTVS.

*Vtrum Sacra Doctrina sit dignior  
aliis scientiis.*

1.



THEOLOGIAM secundum se omnibus aliis scientiis digniorem ac præstantiorem esse nemo est qui dubitet , tam speculativis , quam practicis ; speculativis quidem inquantum speculativa est , practicis autem inquantum practica. Id probat Sanct. Doct. ex illo Proverb. 8. *Sapientia misit ancillas suas , ut vocarent ad arcem* ; ubi secundum aliquos interpretes sermo est de sacra scripturæ doctrina , seu Theologiæ sapientia , quæ omnes philosophicas disciplinas , ceu ancillas in ministerium assumit , ut ad arcem , id est , Christi fidem vocet homines. Quod quatenus id præstet , infra explicabimus. Vnde ea est omnium scientiarum ad Theologiam in dignitate comparatio , quæ est ancillæ ad Dominam. Hanc eandem sacra doctrinæ præstantiam S.D. colligit ex illo *Ecclesiast. 24.* ubi sapientia divina de se loquens ait : *Ego in altissimis habito* ; Quem locum non pauci de sacra doctrina , seu scriptura exponunt ,  
inter

*Art.V. An sit dignior aliis scientiis. 167*  
inter quos D. Thomas in prol. sent.ad Annib.  
inquiens : *Habitant quidem in infimis omnes  
mechanica artes , qua circa particularia , in qui-  
bus consistit operatio , versantur. In altis verò  
habitat scientia naturalis , qua de sensibilibus  
universalem speculationum habet. In altioribus  
verò commorantur alia philosophica scientia , qua  
sua consideratione sensibilia transcendunt , intui-  
tum tamen rationis sequentes ; sed in altissimis ha-  
bitat Christiana sapientia doctrina , qua intuitum  
superat rationis.*

Hanc eandem super alias scientias sacræ do-  
ctrinæ excellentiam multis prosequuntur San-  
cti Patres , quæ recensere longum esset, D.Au-  
gustinus lib. 2. doct. Christ. ita de ipsa scribit ;  
*Quantò minor est argenti , & auri vestisque co-  
pia , quam de Aegypto secum ille populus abstul-  
lit , in comparatione divitiarum , quas postea  
Hierosolymæ consecutus est , tanta sit cuncta scien-  
tia collecta de libris Gentilium , si divinarum  
scientiarum scriptura comparetur. Hinc Eusebius  
lib.14. de prepar. evang.Philosophos, ac mundi  
sapientes cum Theologis comparans ait: Quan-  
do Philosophos inter se aut cum aliis comparo ,  
non facile negaverim ipsos claros fuisse viros ;  
quando verò ipsos Hebræorum Theologis, qui vide-  
licet Prophetas habuerunt , comparo , & doctrinam  
doctrina conféro , caduca , & frivola omnia , qua  
Philosophi excogitarunt , mihi videntur.*

Quod sacra doctrina inquantum speculati-  
va cæteris disciplinis physicis , seu speculativis  
scientiis præmineat , prob. S. D. quia scien-  
tiarum speculativarum una dicitur altera perfe-  
ctior , tum propter nobilitatem materiæ , circa  
quam , seu honorabilitatem objecti , tum quia

2.

3.

Hic , &  
lib.1. de  
anima  
lect.1.

certior ; sed Theologia versatur circa nobilior-  
rem materiam , seu nobilius objectum , quam  
sint materia , seu objecta circa quæ aliæ scien-  
tiæ speculativæ versantur , estque certior sim-  
pliciter : ergo absolutè , & secundum se est di-  
gnior , ac cæteris scientiis præstantior. Maj.  
patet ; quia omnis scientia sicut & quælibet res  
in finem ordinata ex actu laudatur ; v. g. lauda-  
damus bonum equum, quia bene currit; sed om-  
nis actus ex eo melior , ac laudabilior existit,  
quia est de meliori objecto , & meliorem illud  
attingendi modum sortitur , v. g. ædificare est  
melius simpliciter , quam lectum construere , &  
quantò modus ædificiij est melior , tantò est  
ædificare melius : ergo quò perfectius est obje-  
ctum , & modus ipsum attingendi melior , eò  
scientia erit perfectior ; modus autem seu qua-  
litas essentialis ipsius scientiæ est certitudo per  
resolutionem conclusionum ad principia certa,  
in quibus videntur , & à quibus certitudinem  
accipiunt: ergo quoad modum essentialem scien-  
tia dicenda est perfectior , quia certior.

4. Minor verò quoad primam partem prob. sacra  
doctrina est principalitèr de his quæ sua altitu-  
dine rationem transcendunt ; sed hæc sunt no-  
bilius objectum , quam ea , quæ rationem non  
superant: ergo Theologia habet nobiliorem ma-  
teriam circa quam , seu nobilius objectum.  
Maj. patet , nam Theologia est principaliter  
de Deo , ut cognoscibili , non ex effectibus ,  
sed in se, & secundum ea quæ sibi soli nota sunt,  
& per revelationem hominibus. Minor verò  
prob. hæc sunt maximè intelligibilia ; ex hoc  
enim habent , quod rationem transcendant,  
quia lucidissima, & maximè abstracta à materia  
in



in se, ut patet in substantiis spiritualibus, sed intantum aliquod objectum scientiæ speculativæ est nobilius inquantum est magis intelligibile in se, & nobilius intellectum perficiens: ergo ea quæ transcendunt rationem sunt nobilius objectum quam ea, quæ rationi subduntur.

Quoad secundam autem partem prob. illud est simpliciter certius, quod certiozem habet causam: sed Theologia certiozem habet causam quam omnes aliæ scientiæ: ergo absolute, & simpliciter est certior. Prob. minor, aliæ scientiæ ex lumine naturalis rationis certitudinem habent, quæ errare potest in accipienda à sensibus principiorum scientia, ex quibus demonstrat, & per resolutionem ad ea judicat; sacra autem Theologiæ doctrina certitudinem habet ex lumine divinæ scientiæ, & revelationis, quæ errare non potest: ergo Theologiæ doctrina habet firmiorem suæ certitudinis causam. Vnde S. Augustinus *lib. 2. de Genes. ad litt. c. 5.* sic habet; *Quoquomodo autem, & qualibet aqua ibi sint, esse eas ibi minimè dubitemus; major est quippe Scriptura hujus autoritas (quippe quæ à Deo revelata) quam omnis ingenij humani capacitas.*

Quod autem sacra doctrina inquantum practica sit omnibus scientiis practicis humanitús inventis dignior, ac præstantior, probat S. D. Quia practicarum scientiarum illa est dignior, quæ ad ulteriorem finem non ordinatur, id est, quæ considerat finem ultimum, cui aliarum fines subordinantur: Sed Theologiæ, prout est scientia practica, finis est beatitudo æterna, quæ est summum creaturæ rationalis bonum, ad

5.

6.

1. Ethic.  
lec. 5.

ad quod omnium scientiarum fines ordinantur: ergo Theologiæ doctrina in quantum practica est cæteris scientiis practicis dignior. Maj. patet, quia unaquæque causa tantò prior, ac potior est, quantò ad plura se extendit; unde bonum quod habet rationem causæ finalis, tantò potius, ac divinius est, quantò communius, & ad plura se extendens; ea propter finis ultimus melior est, propter ipsum enim sunt cæteri boni; v. g. finis Civilis est bonum Civitatis, quod est bonum communius, ac divinius, quam bonum exercitus, nimirum victoria, quæ eatenus bona est, quatenus ad bonum civile conducit.

7. Minor verò prob. ex D. Augustino lib. 19. de Civitate Dei cap. 1. dicente. *Nulla est homini causa philosophandi, nisi ut beatus sit. Quod autem beatum facit ipse est finis boni. Quamobrem qua nullum finem boni sectatur, nulla philosophia secta dicenda est.* Idem docet D. Thomas 3. cont. gent. cap. 25. rat. 6. ubi ostendit totam cognitionem practicam ad speculativam ordinari, istam autem ad cognitionem Dei, in qua beatitudo sita est.

8. Circa hanc rationem advertendum notat D. Cajetanus, quod major non intelligitur absolute de scientiis practicis, sed de practicis subordinatis; quoniam non est verum inter practicas disparatas digniorem esse, quæ ad ulteriorem finem non ordinatur. Dignius namque est ministrare superioris ordinis arti, puta aurifici, quam principari in arte inferioris ordinis, puta figuli; sed inter practicas, quarum una subordinatur alteri, proculdubio major est vera; ac proinde verissimum est Theologiam, quatenus

quatenus practica est, omnibus aliis præstare scientiis; quia omnes aliæ scientiæ ad finem illius ordinantur; atque ipsa finem ultimum simpliciter, qui est summum bonum, ac beatitudo respicit.

§. I.

*Solvuntur argumenta contraria.*

**A**Rg. 1. Certitudo ad dignitatem scientiæ 9.  
pertinet; sed aliæ scientiæ speculativæ sunt Hic arg.  
sacra doctrinâ certiores; ergo ipsa non est di- 1. & lib. 1.  
gnior illis. Prob. min. omnis certitudo scientiæ de anima  
est ex principiis; sed principia, saltem prima lec. 1.  
& universalissima, aliarum scientiarum sunt  
certiora quam sacræ doctrinæ principia: ergo  
aliæ scientiæ sunt certiores quam sacra doctrina.  
Prob. min. quia principia sacræ doctrinæ  
sunt articuli fidei, qui dubitationem recipiunt,  
principia autem prima scientiarum ita certa  
sunt, ut nullo modo corde negari possint, esto  
negentur ore, ut dicit Philosophus.

Resp. neg. min. ad prob. dist. min. aliarum 10.  
scientiarum principia sunt certiora secundum Hic, &  
quid, & quoad nos, concedo; simpliciter, & 1. 2. q. 4.  
quoad causam certitudinis, seu ex parte rei, art. 8. c.  
quæ nata est causare certitudinem nego; sic  
enim Theologiæ principia certiora sunt. Quod  
enim fidei articuli dubitationem recipiant non  
est propter incertudinem rei, quæ summè intelli-  
gibilis, ac visibilis est secundum sui naturam,  
ac maximè potens ad sui assensum naturaliter  
intellectum determinare, sed propter intelle-  
ctus nostri debilitatem, qui secundum sibi pro-  
prium intelligendi modum, quo ex sensibilibus  
intelligi

172 *Quaest. I. De Sacra Doctrina*,  
 intelligibilia cognoscit, se habet ad naturæ ma-  
 nifestissima, sicut oculus noctuæ ad lumen so-  
 lis, ut dicitur in 2. *Metaphys. text. 1.* Et diff.  
 conseq. aliæ scientiæ sunt certiores secundum  
 quid, & quantum ad modum habendi certitu-  
 dinem, concedo; absolute & simpliciter, nego:  
 Quia per Theologiæ doctrinam pro hoc statu,  
 non ita perfecte credibilia videmus, sicut per  
 philosophicas disciplinas conclusiones earum  
 intuemur. Sumitur ex D. Thoma q. 12. *de verit.*  
*art. 1. ad 7.*

11. Arguitur 2. Inferioris scientiæ proprium est  
 à superiori accipere, & non è contra; sicut  
 Musicus ab Arithmetico sua principia accipit,  
 non autem Arithmeticus à Musico, quia Musi-  
 ca est scientia inferior & subalternata Arithme-  
 ticæ; sed sacra doctrina aliquid à Philosophicis  
 disciplinis accipit: ergo sacra doctrina est infe-  
 rior aliis scientiis. Minor prob. ex D. Hierony-  
 mo in *epist. ad mag. Orat. Urbis Romæ*, ubi do-  
 cet, quod *Doctores antiqui intantum Philoso-*  
*phorum doctrinis, atque sententiis suos resperse-*  
*runt libros, ut nescias quid in illis prius admira-*  
*ri debeas, eruditionem saculæ scientiam scriptu-*  
*rarum.*

12. Respondet S. D. quod sacra doctrina acci-  
 pit à philosophicis disciplinis, non tanquam  
 à superioribus scientiæ inferiores sua principia  
 accipiunt; principia enim sacre doctrinæ non  
 habentur per sensum, & experientiam, vel no-  
 tificationem quidditivam terminorum, sed im-  
 mediatè per divinam revelationem; sed utitur  
 illis tanquam ancillis, & inferioribus; sicut  
 Architectonicæ utuntur subministrantibus arti-  
 bus, ut Civilis Militari. Et hoc ipsum, quod  
 sic

sic utitur eis, non est propter defectum, vel insufficientiam ejus, cum per propria principia habeat de omnibus sufficienter judicare; sed propter defectum intellectus nostri; qui in addiscendo divina non parum juvatur eorum cognitione, quæ per naturalem rationem (ex qua procedunt aliæ scientiæ ceu principio activo) cognoscuntur. Multa enim quæ sunt in scientiis demonstrata, v. g. animam esse incorruptibilem, & similia considerata in creaturis, in divinæ sapientiæ, & potestatis admirationem inducunt, & ad instructionem fidei, & informationem morum conducunt. Vnde in S. Scriptura de his frequenter est sermo. *q. 12. de veris. art. 2. in corp.*

Arg. 3. contra rationes D. Thomæ, Dona Sancti Spiritus sunt intellectualibus virtutibus nobiliora; sed non sunt de objecto nobiliori quam sint aliquæ virtutes intellectuales, præsertim Theologia; ergo non idè scientia speculativa est præstantior, quia est de objecto nobiliori. Maj. patet ex D. Thoma 1. 2. *quæst. 68. art. 8.* & probatur, quia dona sunt absque inquisitione rationis, & discursu, & per hoc habent maximam similitudinem cum scientia Dei, loquendo de dono sapientiæ, & scientiæ. Minor etiam est evidens. Quia donum scientiæ versatur circa res creatas, ut docet D. Thomas 2. 2. *quæst. 9.* Metaphysica autem, vel Theologia naturalis est de Deo.

Respondeo primò neg. maj. de omni virtute intellectuali, nam solum verum habet de virtutibus intellectualibus, quæ innituntur lumini rationis naturalis, Theologia autem nostra innititur lumini fidei. Vnde habet idem principium

13.

14.

pium certitudinis : atqui dona, quæ idè certissima sunt, quia innituntur fidei divinæ, & ei superaddunt quandam manifestationem, quæ plenior est in Theologo, qui non solum scit discernere credenda à non credendis; sed etiam fidem roborare, manifestare, & defendere à contradicentibus. Vnde Theologia nostra quantum ad genus cognitionis est perfectior donis, licet dona quantum ad aliquid perfectiora sint, quia faciunt animam magis mobilem à Spiritu Sancto.

15. Respondèdò secundò. Quod est differentia inter utrumque, quia nobilitas doni sumitur non quidem ex objecto, sed ex subiectione ad principium scil. Spiritum Sanctum, sicut perfectio mobilis est in ordine ad motorem; nobilitas autem scientiæ speculativæ est per ordinem ad objectum nobilius. Vnde licet concedamus dona esse nobiliora, nihil interest, quia D. Thomas non agit de dignitate Theologiæ comparativè ad dona, vel virtutes theologicas, aut morales, sed comparativè ad alias scientias.
16. Arguitur ultimò, Principia universalissima sunt certiora v. g. *quodlibet est, vel non est*, quam articuli fidei: ergo scientiæ naturales, quæ procedunt ex illis, erunt certiores. Item hoc principium *Deus est*, est certius isto principio *Deus est unus, & trinus*, quia istud ab illo dependet, ut docet D. Thom. 2. 2: *questione 1. art. 7.* & tamen cognoscitur lumine naturali. Tandem quia lumen naturale secundum se errare non potest, cum sit à Deo immediatè; Vnde error refunderetur in Deum. Quod autem per accidens erret, potest contin

contingere in habente fidem , & Theologiam.

Respondeo ex D. Thoma 2. 2. *quest. 4. art. ult.* quod sunt certiora non quantum ad causam certitudinis , sed quia intellectus noster pro hoc statu plenius illa capit. Certitudo autem simpliciter est ex causis. Respondeo ad secundum quod hoc principium *Dens est* , ut cognitum per lumen naturale rationis non est certius quantum ad causam certitudinis , sed quantum ad maiorem manifestationem, ex parte subjecti. Neque hoc principium fidei , *Dens est trinus ; & unus* , dependet ab illo tanquam à causa suæ certitudinis , sed præsuppositivè , & inquantum est præambulum ad fidem. Quod si fide credatur sunt æqualis certitudinis. Respondeo ad tertium , quod licet lumen naturale rationis , quantum ad primas conceptiones errare non possit , tamen quantum ad alia potest errare , immò de facto in multis errat , præsertim in accipienda notitia principiorum à sensibus. Lumen autem fidei non permittit errorem , nec quantum ad acceptionem principiorum , neque quantum ad iudicium de illis.

\*\*\*

## ARTICVLVS SEXTVS.

*Vtrum Sacra Doctrina sit Sapientia.*



NIMADVERTENDVM velim, sapientiã nullatenus contra scientiam dividi , sicut unum oppositorum contra aliud; sapientia enim quædam scientia est , quatenus id , quod est omnibus scientiis commune,

I.

1.2.9.57.

art. 2.0.

mune, sibi adsciscit, ut scilicet ex principiis conclusiones demonstret. Vnde & apud Patres quandoque pro eodem sumitur, ut habetur ex Nazianzeno *orat. 9.* dicente. *Quanam sapientia, & scientia nostra ob quam festis omnibus oppugnamur.* In quæ verba Iacobus Bilius ex Hiceta ait. Idem esse sapientiam, & scientiam, tum Platoni in Thæteteto placet, tum nunc Gregorio, Ac propterea cum dixisset, sapientia, & scientia, *non subjunxit ob quas oppugnamur, sed ob quam, tanquam videlicet pro una eademque re hac duo nomina usurpans.* Distinguitur ergo ab illa prout ad rationem scientiæ aliquam perfectionis rationem addit: sicut accidit in totis potentialibus, quorum una pars est perfectior altera; v. g. anima rationalis est perfectior quam sensibilis, & sensibilis quam vegetabilis. Ipsa enim sapientia altissimas rei causas considerat, ut dicitur in 2. *Metaphys.* Vnde convenienter ordinat, ac de omnibus judicat; quia perfectum, & universale de rebus iudicium non nisi per resolutionem ad primas causas haberi valet.

2.  
Lib. 3.  
cont.  
gent.  
c. 97.

Sciendum est autem secundum duas potissimum causas rei iudicium perfici; formalem videlicet, ac finalem. In speculativis quidem secundum formam, quæ est quod quid esse rei, & principium cognoscendi ipsam; in operabilibus autem secundum finem; quia secundum Philosophum 6. & 7. *Ethic.* fines in operabilibus sunt sicut principia in speculativis. Quoniam in operabilibus secundum proportionem eorum ad finem de omnibus judicatur, ac disponitur; quemadmodum in speculativis de conclusionibus certum comparatur iudicium per



per resolutionem ad principia in quibus videntur.

Humana sapientia ( id est, quæ homini competit, eumque sapientem denominat ) duplex est, alia particularis, quæ in aliquo duntaxat genere sapientia est, ac subinde secundum quid: per quam potest homo in ultimum cuiusque artis; sicut Architectonica in genere ædificij, quæ universalem ipsius dispositionem, atque structuram considerat secundum proportionem ac commensurationem ad finem, propter quem ipsum ædificium construitur, & secundum huiusmodi commensurationem ad finem, de omnibus quæ ad ædificium spectant, nimirum lignis, lapidibus, ac cæmento disponit, ac iudicat. Et in operabilibus prudentia dicitur viro sapientia, *Proverb. 8.* quippe quæ in genere totius humanæ vitæ ad debitum illius finem humanos ordinat actus. Sed tamen neque prudentia, neque architectonica habentem simpliciter sapientem denominant, sed secundum aliquam duntaxat specialem ordinationis rationem, nimirum ædificij, vel humanæ vitæ, cuius ordinationis principia nequaquam universalissima, atque altissima sunt, ut est manifestum.

Vniuersalis autem sapientia ultimum in omnibus entibus, & scientiis existit, utpote supremam, & altissimam omnium causam considerans, nimirum Deum; Eapropter quemadmodum est unica duntaxat huiusmodi causa suprema, ita & unica esse dicitur sapientia, videlicet Metaphysica. Sapientiam communiter dictam definiunt Philosophi, humanarum, ac divinarum rerum cognitionem: at verò Dei,

3.  
Ad Rom.  
c. 8. lec. 2.  
1. Corinth.  
c. 3. lec. 2.

4.  
Ibidem.

divinarumque contemplatio rerum sapientia simpliciter nuncupatur, ut sumitur ex D. Augustino lib. 14. de Trinit. cap. 1. ubi ait : *Disputantes, Philosophi, de sapientia definiunt eam dicentes; sapientia est rerum humanarum divinarumque scientia; Verum secundum hanc distinctionem, qua dixit Apostolus, alij datur sermo sapientia, alij sermo scientia, ista definitio dividenda est, ut divinarum rerum scientia propriè sapientia nuncupetur, humanarum autem propriè scientia nomen habeat.*

5. Prima conclusio; Sacra Theologiæ doctrina,

Hic a. 6. inter omnes sapientias humanas, seu præ om-  
cap. & 1. nibus sapientiis humanis (sive sermo fiat de hu-  
sent. q. mana sapientia simpliciter, qualis est Metaphy-  
prol. art. sica, sive de sapientia humana in aliquo gene-  
re, cujuscumque sunt prudentia in genere opera-  
bilium, sive actuum humanorum, & Archi-  
tectonica in genere factibilium sive artificia-  
lium) est maximè sapientia. Dixi inter sapien-  
tias humanas, nam si conferatur cum Dei, aut  
beatorum sapientia, cujus quædam impressio  
est, & imperfecta susceptio, non est maximè  
sapientia, ut patet, quia videt, atque intuetur in  
speculo, & ænigmate Deum primam, & altissi-  
mam omnium causam.

6. Prob. S. D. in sed contra ex Deuter. cap. 4.  
ubi de sacra scriptura divinitus inspirata, præ-  
sertim verò scientia, & observatione legis di-  
vinæ, dicitur; *Hac est sapientia vestra, & in-  
tellectus coram populis, ut audientes universi  
præcepta hac dicant; En populus sapiens, & in-  
telligens, gens magna. Non est alia natio tam  
grandis &c.* scil. dignitate donorum, ut expli-  
cat glossa, quia videlicet accepit legem divini-  
tùs

tus datam, & sapientiam inducentem ad amorem Dei, cum qua si leges cæteræ, ac sapientiæ humanæ conferantur, quasi nihil reputandæ sunt, quippe quæ multum vanæ curiositatis, aut noxiæ falsitatis admixtum habeant. Vnde Tertullianus, *Nemo*, inquit, *sapiens nisi fidelis*.

Probat. S. D. C. ratione; illa scientia quæ considerat primam causam simpliciter totius universi, quæ Deus est, maximè sapientia est; sed sacra doctrina propriissimè determinat de Deo secundum quod est altissima causa; non verò Metaphysica, vel aliæ sapientiæ humanæ: ergo sacra doctrina maximè sapientia est inter omnes sapientias humanas, non in aliquo genere tantum, sed simpliciter, Maj. patet, quia ex eo quod sapientia de Deo, qui est altissima causa tractat, idè rerum cognitio divinarum dicitur, ut patet per D. August. *lib. 14. de Trinit. cap. 1.* Minor verò probatur; sacra doctrina tractat de Deo non solum quantum ad illud, quod est de ipso per creaturas cognoscibile, & à Philosophis cognitum est, ut dicitur Rom. 1. *Quod notum est Dei manifestum est illis*; sed etiam quantum ad id quod est notum sibi soli de seipso, & aliis per revelationem communicatur; sed hoc propriissimè est agere de Deo secundum quod est altissima causa; igitur Theologia propriè considerat de Deo secundum quod est altissima causa. Prob. minor, altima causa dicitur supremum, & maximè intelligibile, ad quod intellectus pervenire potest; sed ultimum ad quod pervenire potest intellectus creatus, est ut cognoscat Deum in se, seu secundum ea quæ sibi ipsi soli nota sunt, sicuti Deum esse in Tri-

7.

r. Metaph.  
phys.  
lect. 2.

1. sent.  
 prol. q. 1.  
 art. 1.

nitare unum, Redemptorem, glorificatorem &c. & non solum ex effectibus creatis, qui cum inadæquati sint, insufficientes sunt ad cognitionem Dei faciendam secundum ea quæ rationem humanam excedunt: ergo cognoscere Deum non solum ut cognoscibilem ex effectibus creatis, sed etiam quantum ad id quod sibi soli de seipso notum est, & aliis per revelationem communicatum, est propriissimè cognoscere Deum, ut est altissima causa.

8. Itaque *ly propriissimè determinare de Deo*, est de eo determinare eo modo quo sapienti competit, nimirum per *modum causarum altissimarum*, & rationes ipsarum immediatè, per quas adæquatè & potissimè judicatur, & scitur de omnibus. Nam Theologia agit de Deo secundum quod habet rationem principij, & finis omnium rerum; & etiam ut est finis, & beatitudo hominum per divinam revelationem cognoscibilis. Divina autem revelatio, seu inspiratio, quæ est ratio formalis scibilitatis objecti, est ratio per quam de omnibus rebus judicatur. In quo Metaphysicam dignitate hæc sapientia excedit. Quia Metaphysica Deum altissimam causam, ex rationibus creaturarum, seu effectibus creatis duntaxat considerat. Vnde solum potest judicium ejus se extendere ad omne illud cujus similitudo in creaturarum rationibus reperitur; non autem ad illud cujus nulla similitudo in eis reperitur, sed omninò earum superexcedit rationes. Vnde non judicat de gloriosa morte Christi, & justorum, qui in paupertate, & laboribus vixerunt, vel martyrio coronati sunt: immò reputat stultitiam dicere, quod Deus homo potuerit obire mortem,
- &c

2. 2. q. 9.  
 a. 2. c.

& gloriosum sit pro veritate hujus mysterij subire martyrium, sed fides utrumque judicat, & magnam misericordiam, summæque dilectionis pignus reputat primum; secundum autem dicit esse secundum sapientiam, quia non sunt condignæ passiones hujus temporis ad futuram gloriam, quam tribulationum pondus operatur in eis qui similia agunt. Ita insinuat D. Thomas 1. sent. prol. art. 3. c. dicens, *Est magis dicenda (scilicet sacra doctrina) sapientia, quam Metaphysica, quia causas altissimas considerat per modum ipsarum causarum; quia per inspirationem à Deo immediatè acceptam. Metaphysica autem considerat causas altissimas per rationes ex creaturis assumptas.*

Arguitur primò, nulla doctrina aliunde sua principia supponens, nomine sapientiæ digna est; sed hæc doctrina sua principia aliunde supponit, nimirum ex scientia Dei, & beatorum: ergo non est sapientia. Prob. major, quia sapientiæ est ordinare, & non ordinari, ut dicitur 1. Metaphys. unde non competit ei, ut ab alio persuadeatur.

Respondeo quod sacra doctrina non supponit sua principia ab aliqua scientia humana, sed à scientia divina, à qua sicut à summa sapientia omnis nostra cognitio ordinatur; Et ratio est, quia cum sapientia sit scientia divina, & de causis altissimis, eam Deus maximè habet; homo autem non adipiscitur, ut propriam possessionem, sed ut aliquid mutuatum à Deo, qui solus hujusmodi causarum perfectam comprehensionem obtinet. Vnde nihil prohibet quin hæc doctrina, quæ de altissimis est, à Dei sapientia sua principia supponat, &

9.

Hic arg.

1.

10.

Ibid. solut. ad 1.

1. metaph.

ph. lec.

3. c. ostēdit quātum.

tamen sapientia vocetur, non tamen summa.

11. Arguitur 2. ad sapientiam pertinet aliarum scientiarum principia probare; sed hæc doctrina aliarum scientiarum principia non probat: ergo non est sapientia. Major patet, nam sapientia caput scientiarum dicitur. 6. *Ethic. cap. 7.* sicut enim per sensus, qui sunt in capite, diriguntur motus, & operationes omnium aliorum membrorum, ita sapientia dirigit omnes alias scientias, dum ab ea omnes sua principia supponunt. S.D. *ibi lec. 6.*

12. Resp. S. D. quod ad eam sapientiam spectat aliarum scientiarum principia probare quæ per investigationem rationis procedit; hæc enim, vel sunt per se nota, & probari non possunt; vel per rationem naturalem probantur, ac subinde per communes entis rationes, per quas cognoscuntur omnium entium causæ. Propria verò hujus scientiæ cognitio est quæ est per revelationem, non autem quæ est per naturalem rationem, quæ attingit communes entis conceptiones, per quas scitur de omnibus; & ideo non pertinet ad eam principia aliarum scientiarum probare; sed solum de illis judicare (judicio scil. comparativo) in quantum quidquid in aliis scientiis invenitur veritati hujus scientiæ repugnans, totum condemnatur ut falsum. Vnde dicitur 2. Corinth. 10. *Consilia destruentes, & omnem altitudinem extollentem se adversus scientiam Dei.* Ea de causa S. Hieronymus explicans illud Isaïæ cap. 2. *Et incurvabitur sublimitas hominum: & humiliabitur altitudo virorum: & elevabitur dominus &c.* hæc habet; *Tamdiu videtur humanus sermo habere rationem, quamdiu divina scientia non fuerit comparatus.*

*Cum*

Cum autem mendacium veritati quasi stipula igni appropinquaverit, citò voratur & deperit: & omnia dogmata falsitatis, quæ nunc idola nominantur, ab eo quod simulata sint atque conficta, penitus conterentur.

Arguitur 3. sapientia inter dona Spiritus Sancti computatur, ut patet Isaia cap. 11. ac subinde per infusionem habetur; sed sacra Theologiæ doctrina per studium, & acquisitionem habetur: ergo non est sapientia.

Respondet S. D. quod sapientia, quæ Spiritus Sancti donum constituitur, diversa est ab ea, quæ ex principiis revelatis procedendo per studium, & inquisitionem habetur, qualis est Sacra Theologiæ doctrina. Ratio diversitatis sumitur penes diversum judicandi modum de rebus; nam sapientia quæ donum Spiritus Sancti est, judicat de rebus per modum cujusdam inclinationis, & absque ratiocinatione, approbando statim ea quæ sunt fidei, & afficiendo intellectum, & voluntatem ad illa. Vnde Isaia capite 50. dicitur: *Dominus aperuit mihi aurem, ego autem non contradico, retrorsum non abij*; De quo judicio loquitur Apostolus 1. ad Corinth. 2. dicens; *Spiritualis judicat omnia*, quia scil. homo habens intellectum illustratum, & effectum ordinatum per Spiritum Sanctum, de singulis quæ pertinent ad salutem rectum habet judicium, secundum quod inclinatur & rectè afficitur ad illa; sicut virtuosus rectè judicat de his, quæ sunt secundum virtutem agenda, quia ad illa rectè se habet, & inclinatur; unde & in 10. *Erbic.* dicitur quod virtuosus est mensura, & regula

13.

14.

Hic, & 1.  
sent. ad  
Annib. q.  
2. prol.  
a. 1. 1. 2.  
q. 68. 2. 1.

Ibidem  
lec. 3.





quid complexum, nimirum conclusio demonstrata, quæ primò cognitionem scientificam terminat, prout in suis principiis videtur; subiectum verò est id de quo in conclusione propria passio, vel aliquid huiusmodi demonstratur; ac subinde aliquid simplex, & incomple-  
xum est.

Tres exigit conditiones: Prima est, ut omnia, de quibus in scientia agitur, sub subiecto contineantur; vel sicut principia subiecti, quemadmodum materia prima, & forma sub ente mobili: vel sicut partes integrales, sicut caro, ossa, & nervi sub corpore naturali; vel sicut partes subiectivæ, sicut mobile ad ubi, & corpus mobile ad formam simpliciter, seu ad formam mixti perfecti vel imperfecti sub ente, seu corpore mobili; vel sicut passionēs, quemadmodum unum, verum, bonum sub ente; vel denique sicut dicens habitudinem effectus, vel aliquid simile ad subiectum. Secunda est, quod ejus cognitio principaliter in scientia illa intendatur. Tertia est quod per habitudinem ad ipsum, ceu rationem formalem, scientia ab aliis omnibus differre intelligatur. Qui plura de ratione objecti scire desiderat, videat quæ diximus *tom. 1. Clypei philosoph. part. 2. quæst. 1. art.*

Quidam ad primam conditionem attendentes subiectum hujus scientiæ, res & signa assignarunt, quippe quæ omnia de quibus est Theologiæ scientiæ complectantur; sub signis enim universa comprehenduntur sacramenta; sub rebus autem continentur res quibus fruendum est, sicut beatitudo, & Deus qui illius ob-  
jectum

2.  
ibid.

3.  
1. sent.  
q. prol.  
art. 4. &  
dist. 1.  
text.

Etum est; & etiam res quibus utendum est, id est, quibus tendentes ad beatitudinem assequendam adjuvamus. Hæc sententia Magistro attribuitur, sed communiter rejicitur. Primò quia per rationes subiecti debet scientia ab aliis differre; sed per rationes signorum, & rerum Theologia ab aliis scientiis nõ distinguitur, cum de rebus, & signis, etiam aliæ scientiæ tractent: ergo res, & signa non sunt subiectum huius scientiæ. Secundò quia quandocunque multa requiruntur ad unum, necesse est unum eorum esse principale ad quod omnia alia ordinentur, ut sub una ratione scibili, ac scientia attingi queant; sed res, & signa oppositas habent rationes in quantum huiusmodi; nam res dicunt aliquid absolutum, & in se; signa autem aliquid relativum, seu ad aliud ex sua institutione ordinatum: ergo debet unum eorum esse principale, sub cuius ratione cætera attingantur, ut unam scientiam specificare, & terminare valeant: hoc autem est Deus, quo fruendum est: ergo Deus, non res, aut signa, est huius scientiæ subiectum.

4. Alij propter eandem rationem pro huius scientiæ subiecto totum Christum, caput videlicet, & membra, seu opus restaurationis constituerunt; eo quod quidquid in hac scientia traditur, ad hoc reduci videatur. Vnde Apostolus, qui perfectissimus Theologus fuit, totam suam scientiam in hoc sitam esse agebat, quod Christum nosset. *Neque existinavi me aliquid scire inter vos nisi Iesum Christum, & hunc Crucifixum.* 1. Corinth. 1. Tribuitur Hugoni de S. Victore in prol. 1. de sacram. & Gloss. Cassiodori in principio Psalm.

5. Sed contra est; quia illud est subiectum de quo

2. 2. q.  
49 art. 6.  
ad. 1.

quo primò & per se agitur & de cæteris per ordinem ad ipsum; sed de Christo, & membris ejus, seu operibus restaurationis in Theologia agitur per ordinem ad Deum, non è contra: ergo Christus totus, vel opera restaurationis non sunt subjectum, sed Deus. Antecedens patet: tum quia Theologia inscribitur sermo, seu ratio de Deo, & non de Christo, quod secus se haberet, si Theologia de Christo per se ageret, & non per ordinem ad Deum; quia scientia inscribi consuevit ab eo, de quo est primò, & per se sermo in scientia. Tum quia per humanitatem Christi in Deitatem cognoscendam manuducimur; Vnde quasi lac primò (videlicet in primitiva Ecclesia) incipientibus proponebatur, quibus tamen postmodum perfectis cognitio Deitatis, veluti solidus cibus ad quem manuducendi erant, tradebatur.

D. Th.  
hic in  
sed con-  
tra, & in  
fin. corp.  
1. sent. ad  
Annib. q.  
1. prol.  
art. 2. ad

3. 1

Præter has opiniones à S. D. relatas est specialis Durandi sententia, qui ait, quod si Theologia pro habitu illo usurpetur, quo fides gignitur, nutritur, defenditur, roboratur, Deum equidem esse illius subjectum, non tamen sub ratione absoluta Deitatis, sed sub ratione determinata, & respectiva Salvatoris. At verò si accipiatur Theologia pro habitu fidei, quo assentimur iis, quæ in sacra scriptura traduntur; aut pro eo habitu, qui ex principiis fidei conclusiones Theologicas deducit, actum meritorium esse illius objectum asseverat. Communior Theologorum sententia, & in Scholis magis recepta Deum sub ratione Deitatis pro Theologiæ formali subjecto attributionis adæquato constituit.

6.

Conclusio, subjectum formale attributionis adæquatum

7.

i. sent. ad  
Annib.  
q. 1. prol.  
art. 2. o.

adæquatum Theologiæ est Deus sub ratione absoluta Deitatis, ut cognoscibilis pro hoc statu per viam fidei, seu revelationis. Dixi, *sub ratione absoluta Deitatis*, & non ut consideratur sub aliqua speciali, ac determinata ratione, puta restauratoris, glorificatoris, aut hujusmodi. Dixi *cognoscibilis per viam fidei*, ut distinguatur ab objecto Theologiæ beatorum, quod est Deus per essentiam visus, & etiam ab objecto Metaphysicæ, quod est Deus per viam naturalis rationis cognoscibilis.

8. Prob. S. D. 1. *in sed contra*: Illud est subiectum scientiæ, de quo est principaliter sermo in scientia; sed in hac scientia fit sermo de Deo principaliter: ergo Deus est subiectum hujus scientiæ. Prob. minor, quia Theologia dicitur sermo de Deo; sed non nisi quia de Deo in ea fit principaliter sermo: ergo in Theologia primò, & principaliter est sermo de Deo. Prob. min. sic res nominare consuevimus, sicut eas cognoscimus; sed cognoscimus scientiam per habitudinem ad id de quo primò tractat, & per quod ab aliis distinguitur: ergo Theologia, sermo de Deo idcirco dicitur, quia de Deo in ea fit principaliter sermo.

9. Hic modus arguendi ab Ethimologia nominis non ineptus tibi videatur, aut puerilis, nam aptissimum esse ostendit, non modò ratio à nobis assignata, sed & summorum Pontificum, & Conciliorum autoritas, quæ hoc modo in rebus gravibus usa sunt. Et ut de aliis præteream, Eugenius 16. quæst. 1. *Placuit secundò* alloquens Monachum ait: *Sicut piscis sine aqua caret vita, ita sine monasterio monachus. Agnoscit nomen suum, Monos enim græcè, latine est unus.*

*Art. VII. An Deus sit subjecl. Th. Cap. I. 189*  
*unus. Achos gracè, latinè est tristis. Vnde dicitur Monachus, id est, unus tristis; sedeat itaque solitarius, & jaceat, tristis & officio suo vacet; quia mundo mortuus est, Deo autem vivit. Concilium autem Nicenum ea de causa, & quaestione cap. Placuit ei primo sic ait, placuit omnibus residentibus in Sancta Nicena Synodo ut monachorum conversatio, & vita secundum ethymologiam nominis ab omnibus discrepet. Monachus enim gracè, latinè singularis dicitur. Vnde monachum per omnia singulariter ( id est non sæculariter, glossa ibi ) agere oportet.*

10.

Secundò probat in corpore subjeclum formale alicujus scientiæ, est illud sub cujus ratione formali ad scientiam referuntur omnia, de quibus in scientia agitur; sed omnia de quibus est sacra doctrina, pertractantur in ea sub ratione Dei, vel quia sunt ipse Deus, vel quia habent ordinem ad Deum, ut ad principium, & finem: ergo Deus verè, ( id est per se, & propriè ) est subjeclum hujus scientiæ. Major probatur, sic se habet subjeclum ad scientiam, sicut objectum ad potentiam, vel habitum: quia sicut objectum est finis actuum potentiæ vel habitus, & subinde specificat actus, & potentias vel habitus; ita & subjeclum ad scire se habet in ratione finis; finis enim ejus est cognitio perfecta subjeclti; & sic eâ habitâ sciendi desiderium quiescit; sed propriè assignatur objectum potentiæ, vel habitus id sub cujus ratione omnia ad potentiam, vel habitum referuntur; v.g. coloratum dicitur objectum visus, quia quæcunque attingit in particulari visus ut hominem, vel asinum, nonnisi sub ratione colorati videt: ergo subjeclum formale alicujus

I. p. q. 77.  
 art. 3.

alicujus scientiæ est illud sub cujus ratione formali ad scientiam referuntur omnia de quibus in scientia agitur. Minor primi syllogismi ut nota supponitur à D. Thoma, sed probari potest, quia in sacra doctrina de omnibus agitur prout pertinent ad beatitudinem supernaturalem quæ Deus est. De gratia prout primò nos ordinat ad illam, de virtutibus infusis, & actibus earum prout per actus earum in beatitudinem pervenimus, de Christo prout nobis eam suis actibus meruit, & ut ejus vita nobis in exemplum morum traditur secundum illud Augustini lib. de vera Relig. cap. 16. dicentis. *Tota vita Christi in terris per hominem, quem suscipere dignatus est, disciplina morum fuit.* Et Tertullianus in apolog. adversus gentes, *Deum colimus, inquit, per Christum: illum hominem putate, per eum, & in eo se cognosci vult Deus.* Et iterum; *Christus in cognitione veritatis nos oculat.*

11,  
Ibid.

Tertiò prob. Idem est subjectum principiorum alicujus scientiæ, atque totius scientiæ; sed subjectum de quo est primò, & per se cognitio in principiis sacre doctrinæ, quæ sunt articuli fidei, Deus est: ergo etiam ipse erit sacre doctrinæ subjectum. Minor patet, cognitio enim principiorum hujusmodi est fides divina; sed fides divina est per se primò cognitio de Deo; unde & actus fidei sunt credere Deo, credere Deum, & credere in Deum: ergo subjectum de quo primò & per se est cognitio in sacre doctrinæ principiis, Deus est; Maj. prob. S. D. quia scientia, quæ est conclusionum notitia, tota virtute continetur in principiis, secundum quod continent medium, quod est diffinitio subjecti, per

*Art.VII. An Deus sit subiect. Th. Cap. I. 191*  
per quam scitur quid est de subiecto, & passion-  
es de eo demonstrantur; sed idem est subje-  
ctum ipsius quod quid est passionum ejus: ergo  
idem est subiectum principiorum, secundum  
id quod de subiecto præcognoscitur, & sub-  
jectum conclusionum secundum id quod de eo  
demonstratur.

Quomodo autem tota scientia in principiis  
contineri dicatur, seriò inquirunt SS.D. inter-  
pretes. Breviter dico, quod in principiis tan-  
quam primis instrumentis intellectualis lumi-  
nis determinantibus ipsum ad certam rei cogni-  
tionem producendam, continetur scientia se-  
cundum suam rationem, sed non secundum pro-  
prium essendi modum; sicut effectus virtute  
continetur in sua causa activa univoca, v. g.  
animal in semine. Quia nimirum sciens prin-  
cipia, scit quidem in universali conclusiones,  
inquantum scit medium per quod de conclusio-  
nibus scitur, sed particularem & determinatam  
conclusionum notitiam, seu scientiam suscipit  
per deductionem, & applicationem principio-  
rum ad conclusiones in particulari. Vnde sciens  
principia, dicitur scire secundum quid, sciens  
autè conclusiones actu dicitur scire simpliciter.

12.

## C A P V T I I.

*Solvuntur argumenta contraria, triplex-  
que modus cognoscendi Deum pro hoc sta-  
tu assignatur, nimirum per viam causa-  
litatis eminentia, & remotionis.*

**A**Rguitur 1. secundum Philos. lib. 1. Poster.  
in qualibet scientia oportet quid est de  
subiecto

13.

subiecto supponere ; sed hæc scientia non supponit de subiecto quid est : ergo Deus non est subiectum hujus scientiæ. Minor patet, quia ut inquit D. Damascenus lib. 3. fid. orthod. c. 4. *In Deo quid est, dicere impossibile est.*

14. Respond. quod sicut in aliquibus scientiis Philosophicis, præsertim naturalibus (in quibus fiunt demonstrationes, ut plurimum per effectus, qui sunt notiores quoad nos) utimur effectû loco definitionis causæ (definitionis inquam Logicæ, quæ datur per causas cognoscendi, & non essendi, seu intrinsecus) Ita & in hac doctrina, licet non possimus scire de Deo *quid est*, (metaphysicè, & per causas intrinsecas ipsum quidditativè definientes) utimur tamen ejus effectibus naturæ, vel gratiæ loco definitionis (videlicet Logicæ) ad ea, quæ de Deo in hac doctrina considerantur.

15. Hujus rei gratia nota quod tripliciter secundum Dyonisium 7. cap. de divin. nomin. ex creaturis ad Deum cognoscendum ascendere possumus, nimirum per viam causalitatis, remotio-  
 1. d. 3. di-  
 vis. text. nis, & eminentiæ. Et hujus ratio est, quia esse creaturæ est ab altero. Vnde secundum hoc ducimur in causam, à qua est. Hoc autem dupliciter esse potest; primò secundum id quod à Deo accepit, videlicet esse, vivere, intelligere &c. & sic per modum causalitatis in eum ducimur; v. g. omne quod habet esse ex nihilo, oportet quod sit ab aliquo, à quo suum esse fluxerit; sed omnes creaturæ habent esse ex nihilo, ut satis earum imperfectio, & potentialitas manifestant: ergo oportet, quod sint ab aliquo, uno primo, & hoc est Deus. Secundò considerari potest quantum ad modum quo in creatura im-  
 perfecte



*Art. VII. An Deus sit subjeēt. Th. Cap. II. 193*  
 perfectè recipitur ; & sic duo modi cognoscendi Deum accipiuntur , primus per eminentiam , quatenus id quod in creatura recipitur , longè nobilius , & perfectius in Deo reperiri concipimus v. g. bonum , & melius dicuntur per comparationem ad optimum ; sed in substantiis invenimus corpus bonum & Spiritum creatum meliorem , in quo tamen bonitas non est à seipso : ergo oportet esse aliquid optimum , à quo sit bonitas in utroque. Secundus modus est per remotionem , quatenus videlicet removemus à Deo omne id quod in creaturis reperitur , & concipimus ipsum esse aliquid supra hæc omnia existens. Et hic modus cognoscendi Deum aptissimus est , & Theologis familiarissimus. Vnde S. Dionysius Areopagita asseruit optimum modum cognoscendi Deum esse , ei ut ignoto conjungi ; dum videlicet secretis ab eo omnium creaturarum notionibus , nihil omninò earum Deum esse cognoscimus , sed quidpiam supereminens , & ab eis omninò distinctum.

Ratio est ; quia sicut unaquæque res in seipsa esse proprium ab omnibus aliis secretum & distinctum sortitur , ita eo perfectius cognoscitur , quò ejus differentias plenius intuemur , per quas cognoscimus quid sit , & quid non sit. Vnde si cujuspiam definitiones aucupari velimus , primò cum in genere collocamus , per quod scimus in communi *quid est* , & postmodum differentias addimus , quibus à rebus aliis distinguamus , & hoc pacto substantiæ , seu essentia rei completam notitiam suscipimus ; v. g. inventuri quid sit homo , eum substantiam esse dicimus , quæ est primum ejus quidditativum prædicatum. Dein addimus , cum esse corpo-

I 6.  
 I. cont.  
 gent.  
 cap. 14.

reum, ut à substantiis spiritualibus distinguamus ; & quia hoc etiam in lapide, & aliis inanimis invenimus , aliam accumulamus differentiam dicentes , ipsum esse substantiam corpoream , viventem , & quoniam plantas quoque vivere conspiciamus , adjungimus hominem sensitivum esse , & quia sensus signa , & in aliis puta brutis deprehendimus , eum esse rationalem adiicimus , & hoc pacto plenam essentiae hominis notitiam comparamus , proprias addendo differentias , quibus ab aliis discernatur. In consideratione autem substantiae divinae aliter equidem res se habet , quia enim omnem humani intellectus formam subterfugit , non possumus accipere *quid* , quasi genus, nec distinctionem ejus ab aliis per affirmativas differentias comparare. Vnde cogimur ad negativas recurrere. Quemadmodum autem in affirmativis differentiis una aliam contrahit , & magis ad completam designationem rei appropinquat , secundum quod à pluribus differre facit , ita una differentia negativa per aliam contrahitur , quæ à pluribus differre facit ; v. g. si dicamus Deum non esse accidens , per hoc ab omnibus accidentibus distinguitur. Si addamus eum non esse corpus , distinguemus etiam ipsum ab aliquibus substantiis, videlicet corporeis ; & sic per ordinem secernendo ab eo omne quod est præter ipsum ; per negationes hujusmodi à cæteris omnibus distinguetur , eritque de substantia ejus propria consideratio , cum cognoscetur , ut ab omnibus distinctus , non tamen erit perfecta cognitio , quia non cognoscetur quid in se sit. Eapropter S. D. non raro dicit , quod esto de Deo , quid sit nolle non

*Art. VII. An Deus sit subjeſt. Th. Cap. II. 195*  
non valeamus ; ſcire tamen quid non ſit poſſu-  
mus, & hoc ejus quod quid eſt vices ſupplet.

Arguitur 2. ſubjectum alicujus ſcientiæ ea  
omnia, quæ in ipſa conſiderantur complecti  
debet : ſed in ſacra ſcriptura ſeu Theologiæ  
doctrina determinatur de multis aliis quam de  
Deo puta de creaturis, & de moribus homi-  
num ; ergo Deus non eſt ſubjectum hujus  
ſcientiæ.

17.  
Hic & 1.  
ſent. ad  
Annib.  
prol. q. 5.  
a. 2.

Confirmatur : ſcientia eſt illius ſicut ſubje-  
cti, cujus partes, & paſſiones conſiderat, ut  
patet ex *lib. 1. poſt. in princip.* ſed Deus non  
habet partes, & paſſiones, de quibus poſſit hæc  
ſcientia conſiderare : ergo Deus non eſt ſubje-  
ctum hujus ſcientiæ, ſaltem ſub ratione abſo-  
luta Deitatis. Minor patet, quia Deus eſt omni-  
nò ſimplex, & quidquid in eo eſt, eſſentialiter eſt  
ipſemet Deus.

18.

Reſp. S. D. quod omnia quæ in ſacra tra-  
duntur doctrina, ſub Deo, veluti ſubjecto at-  
tributionis adæquato comprehenduntur ; non  
quidem ut partes, vel ſpecies, vel accidentia,  
nec enim Deus compoſitus eſt, ſed omninò  
ſimplex, carens partibus tam integralibus,  
quàm ſubjectivis, cum non ſit totum univer-  
ſale, vel quantitativum, aut aliquid ex ſub-  
jecto, & accidenti coaleſcens ( ut dicitur *in-  
fra quaſt. 3.* ) ſed ut aliquo modo iſta ordinantur  
ad Deum, & ad ipſum habitudinem dicunt, vel  
ſigni, vel effectus, vel medi j nos conjungen-  
tis ei. Itaque de creaturis ſacra doctrina agit,  
non equidem ſecundum quod in propria na-  
tura conſiſtunt ( hoc enim pacto ad philoſophi-  
cas diſciplinas ſpectant ; unde & proprias paſ-  
ſiones, cauſaſque rerum inquirunt ) ſed qua-

19.  
Ibid.

2. ſent.  
prol.

tenens à Deo rerum omnium principio exierunt, & ad eum, seu finem ultimum per divinam scientiam, ac providentiam ordinantur, estque earum à Deo exitus & ordinatio hujusmodi per viam fidei, & revelationis aliquo modo cognoscibilis. Inter quas præcipuam rationalis creatura habitudinem ad Deum seu finem ultimum habet, ad quem videndum per se, & eo fruendum per actiones morales, ut radicantur in gratia, & ex virtutibus infusis procedunt, potissimum pertingere valet.

20. Resp. ad confirm. quod quamvis Deus non  
 Loc. cit. habeat propriè loquendo passiones; habet ta-  
 ibid. men aliquid loco passionum, scilicet attributa  
 quæ secundum intelligendi modum, ejus sub-  
 stantiam seu essentiam consequuntur, ut Da-  
 mascenus dicit; habitudines & operationes ejus  
 respectu creaturæ, quæ in Theologia de Deo  
 considerantur.

21. Arguitur 3. Ens divinum est Theologiæ subje-  
 ctum formale adæquatum: sed Deus, & ens  
 divinum non sunt formaliter idem: ergo Deus  
 non est formale adæquatum Theologiæ subje-  
 ctum. Major prob. ex D. Thoma 1. sent. quæst.  
 prol. art. 4. dicente: *Si autem vultimus invenire*  
*subjectum, quod hac omnia comprehendat; pos-*  
*sumus dicere quod ens divinum cognoscibile per*  
*inpirationem est subjectum hujus scientiæ. Omnia*  
*enim, quæ in hac scientia considerantur, sunt, aut*  
*Deus, aut ea quæ ex Deo, & ad Deum sunt in-*  
*quantum hujusmodi; sicut etiam medicus conside-*  
*rat signa, & causas, & multa hujusmodi inquan-*  
*tum sunt sana, id est, ad sanitatem aliquo modo*  
*relata. Unde quanto aliquid magis accedit ad*  
*veram rationem divinitatis, principalius consi-*  
*deratur*

*Art. VII. An Deus sit subiect. Th. Cap. II. 197*  
*deratur in hac scientia. Et solut. ad 1. ait; quod*  
*Deus non est subiectum, nisi sicut principaliter in-*  
*tentum, & sub cuius ratione omnia, qua sunt in*  
*scientia, considerantur.*

Confirmatur; illud est subiectum formale 22.  
quod specificativum alicujus scientiæ cui imme-  
diatè convenit ratio formalis scibilitatis; sed  
enti divino prout abstrahit à Deo, & creatu-  
ris convenit immediatè ratio revelabilitatis;  
omne enim hujusmodi revelari potest: ergo  
ens divinum revelabile, seu cognoscibile per  
revelationem & subiectum formale adæquatum  
hujus scientiæ. Major prob. nam in Metaphy-  
sica ponitur ens inquantum ens subiectum for-  
male quia ipsi immediatè convenit esse abstra-  
hibile ab omni materia; & non Deus, sicut  
primariò, & per se ei convenit hujusmodi scibi-  
litis ratio.

Confir. 2. nulla scientia probat suum subje- 23.  
ctum, sed illud esse supponit, & de eo proprias  
passiones demonstrat; sed Theologia probat  
Deum esse: ut patet *infra q. 2. art. 3.* ergo Deus  
sub ratione absoluta Deitatis non est subiectum  
formale adæquatum attributionis ipsius Theo-  
logiæ.

Resp. ex S. D. 5. *metaphys. lec. 7.* quod scien- 24.  
tiæ subiectum dupliciter sumitur, primò com-  
muniter sicut aliquid in tota scientia considera-  
tum; secundò propriè, & sicut de quo est prin-  
cipalis intentio, primò modo ens dicitur Me-  
taphysicæ subiectum; secundò autem modo sub-  
stantia. Et hoc pacto Deus sub ratione Deitatis  
est Theologiæ subiectum, videlicet tanquam id  
de quo est intentio in scientia; primo autem  
modo, seu tanquam id quod communiter in

scientia consideratur est ens revelabile, seu cognoscibile per revelationem. Et quia subiectum est cujus causæ, & passionis in scientia quaeruntur; hic enim est scientiæ finis, idcirco Deus propriè subiectum Theologiæ, & non ens revelabile. Alias solutiones vide in tabula aurea dubio 1154.

25. Resp. ad conf. dist. majorem; illud est subiectum formale specificativum, cui convenit ratio formalis scibilitatis, tanquam subiecto denominationis duntaxat, & communiter dicto, nego: tanquam subiecto intentionis, seu de quo principaliter quaeritur cognitio, & cæterorum per habitudinem ad ipsum, concedo; v.g. sanum in medicina est ratio formalis scibilis, nec tamen formale subiectum medicinæ constituitur, omne quod à sano denominatur, sed corpus sanabile per artem, de quo est intentio. Et dist. min. enti divino prout abstrahit à Deo, & creaturis convenit ratio revelabilitatis, tanquam subiecto denominationis, & communiter dicto, concedo; tanquam subiecto intentionis, seu de quo est intentio, nego. Hoc enim est Deus, & quæcunque revelabilia sunt, ea præcisè ratione, quia ordinem aliquem ad ipsum, seu finem supernaturalem dicunt. Vnde si ab eis habitudinem huiusmodi abstuleris, jam ad Theologiam non pertinebunt.

26. Ad illud de Metaphysica respondetur, quod Metaphysica tantummodo ex effectibus Deum cognoscere potest, & non immediatè sub ratione absoluta deitatis, sicut Theologia. Vnde illa non tam Deum ut subiectum, quam ut causam primam subiecti sui, quod est ens inquantum ens, attingit. Theologia autem respicit

*Art. VII. An Deus sit subject. Th. Cap. II. 199*  
respicit ipsum Deum sub ratione Deitatis im-  
mediatè ut subjectum formale intentionis, &  
non ut causam duntaxat ex effectibus cognos-  
cibilem; quia attingit formalem Deitatis ratio-  
nem, licet imperfectè. Sumitur ex S. D. I. *sent.*  
*quest. prol. art. 1. c.*

Respondeo ad 2. Conf. quod eo modo Deum 27.  
esse à Theologo consideratur, quo sub fide &  
revelatione cadit, quo pacto non probatur,  
sed per fidem accipitur secundum illud Aposto-  
li ad Hebræos capite 11. *Credere enim oportet*  
*accedentem ad Deum, quia est, & inquirenti-*  
*bus se remunerator sit.* Cujus rei gratia nota ex  
S. D. ibidem lect. 2. quod de Deo potest mul-  
tipliciter haberi notitia; uno modo per Christum,  
inquantum scilicet est pater unigeniti, & consub-  
stantialis, & alia qua specialiter Christus de  
Deo patre, & filio, & Spiritu Sancto docuit,  
quantum ad unitatem essentia, & Trinitatem  
personarum, & hoc modo tantum est creditum;  
secundo modo quod solus Deus colendus est, & sic  
etiam est creditum; Tertiò quod est unus Deus, &  
hoc est notum ipsis Philosophis, per demonstra-  
tionem videlicet, probaturque à Theologo, ut  
quid præambulum ad fidem, seu ut quid con-  
ducens ad manifestationem eorum, de quibus  
agit, quod non implicat.


\*\*\*

## ARTICVLVS OCTAVVS.

*Verum Theologia sit argumentativa.*

## CAPVT PRIMVM.

*Varij errores referuntur.*

1.  VM argumentum sit actus rationis; dicitur enim argumentum quasi arguens mentem, seu ratio rei dubiæ faciens fidem, ea verò quæ sunt fidei, de quibus est Sacra Theologiæ doctrina, omninò rationem excedant; dubium meritò exoritur an in Theologiæ doctrina argumentis uti liceat. Hæc quæstio, tam respectu principiorum Theologiæ, quæ sunt articuli fidei, quam respectu eorum, quæ ex principiis ostendi possunt, locum habet.
2. Præter Mahometem maledictissimum illum Arabem, qui ne fidei doctrina (qualiscunque fides ejus sit) in disputationes vocaretur, omninò, etiam sub capitali pœna, inhibuit (ut refert Prateolus *verbo*, Mahometes) pauci admodum reperiuntur hæretici, qui in fidei doctrina argumentis uti non licere asseruerint. Quinimò vetus fuit antiquorum hæreticorum proverbium (Tertulliano teste *lib. præscrip. cap. 8.*) mysteria fidei, quæ sunt hujus doctrinæ principia, quærenda ac ratione investiganda esse, ad capiendam eorum, quemadmodum

&c



*Art. VIII. An Th. sit argument. Cap. I. 201*  
& cæterarum rerum intelligentiam. Cum scriptum sit; *Quærite, & inuenietis* Matth. 7. cap. Et rursus; Ioan. cap. 5. *Scrutamini scripturas, illa enim testimonium perhibent de me.* In hoc errore versatos fuisse Arthemionitas, & Manichæus ex Eusebio *lib. 5. cap. ultimo*, refert Gravina *lib. 2. cath. præscript. cont. unica art. 1.* Hi enim demonstrationes ad credendum exigebant; citò namque, & absque ratione credere, cordis levitatem arguit; Eccles. 19. *Qui citò credit, levis est corde.* Vnde Anonymus quidam apud P. Valentia *lib. 5. controu.* eò insolentiæ devenit, ut assereret, quod cum trabali clavo rationis lumen per Catholicos (quos Trinitarios vocat) extinctum sit, facillimum quoque videatur quemlibet fidei articulum condere, & nimium credulis hominibus tanquam cæcis album esse nigrum persuadere.

Eundem errorem Petro Abailardo impingit præfatus P. M. Gravina *ibidem*. Quod conjicit ex D. Bernardo *epist. 112.* dicente. *Nihil videt (nimirum Abailardus) per speculum & in enigmate, sed facie ad faciem omnia intuetur, ambulans in magnis, & mirabilibus super se, sed manifestius S. D. hunc Abailardi errorem refert, & impugnat epist. 190. ubi videndus. Quidquid sit de Abailardo; in hunc errorem impigisse Calvinum non levis conjectura est, quod ipse lib. 3. instit. cap. 2. asserat, non ignorantia, nec animi, vel sensus submissione, sed cognitione certa, & explorata Regnum cælorum adiri. Allegatque Apostolum damnantem eos, qui semper discunt, & ad scientiam veritatis nunquam perveniunt. 2. Timoth. c. 3.*

Cum autem in hujusmodi argumentationibus

3.

4.

bus theologicis, vel ex autoritate praesertim sacrae scripturae, vel ratione humana procedi possit, Felicianus quidam Secta Arrianus, contra quem D. Augustinus pro consubstantialitate Verbi divini decertavit, rationibus potius quam scripturae testimoniis, in fidei disciplina agendum esse dicebat. Qui error rejectus intelligitur ab Urbano Papa *lib. Decret. Dist. 37.* & Concilio Lateran. sub Leone X. *sess. 8.* ubi auctoritatem scripturae rationi praefendam esse statuitur; *Regnum enim Dei in simplicitate fidei est, non in contentione sermonis.*

5.

E contra verò horum temporum haeretici Scholasticorum argumenta, praesertim quae à ratione petuntur, ita exosa habent, ut ob id Scholasticam Theologiam, quae cum Ecclesia nata est, ut vidimus, ipsique admodum utilis, omnino rejiciant, & variis Scommatibus persequantur. Primus inter eos Scholasticam Theologiam impius Vviclef traduxit, asserens Vniversitates, studia, Collegia, Magisteria vanae gentilitatis imitatione in Ecclesiam introducta esse; tantumque istius bono prodesse, quantum Diabolum. Addens insuper simplicium inspirationem sacerdotum, tam in hujusmodi rerum divinarum noticia, quam in polita institutione morum, plus Laïcorum fidelium capacitati prodesse, quam omnes Vniversitates cum studiis suis. Quem imitatus Lutherus *lib. contra Latorum* Scholasticam Theologiam dixit, ignorantiam veritatis, ab Adolescentibus ceu mortem animae vitandam. Vnde & de ipsa intelligendum volebat illud Apostoli ad Coloss. 2. *Videte ne quis vos decipiat per Philosophiam, & inanem fallaciam, secundum traditionem*

*Art. VIII. An Th. sit argument. Cap. I. 203*  
ditionem hominum, secundum elementa mundi,  
id est, rationes à physicis, & naturalibus rebus  
peritas.

Philippus quoque Melancton Lutetiæ natam  
Scholasticam Theologiam somnians, eam pro-  
phanam vocat, ac subinde ceu pestem evitan-  
dam, cum scriptum sit; *Prophanas vocem no-  
vitates evita* 2. ad Timoth. 6. Cum tam per-  
niciosa sit, ut eâ admiscâ Evangelium obscu-  
ratum, & Christi fides extincta sit. Carlostad-  
ius etiam omnia hujusmodi studia penitus re-  
jicienda dogmatifans asseruit, uni Bibliorum  
Lectiōi vocandum: nec fas esse Christiano  
litteris vitam insumere, quod & Anabaptistæ  
quidam pronunciarunt, nihil penitus in Ec-  
clesia, vel in Scholis præter Biblia juventuti  
proponendum affirmantes, idcirco Biblistæ  
nuncupati sunt. In summa nullus est Novato-  
rum, qui Scholasticam Theologiam non car-  
pat, Scholasticosque Doctores non laceret.  
Verum illud *ne lateat istos* (inquirebat D. Ba-  
silius lib. de Spiritu Sancto cap. 10.) *nos qui-*  
*dem esse belli occasionem; ceterum negotium re-*  
*vera ad excelsum spectare. Itaque in nos quidem*  
*machinas, & insidias instruunt, seque mutuo*  
*exhortantur ad ferendas suppetias, ut quisque*  
*peritia, aut robore valet, ceterum in quod oppu-*  
*gnatur, fides est; isque scopus communis est om-*  
*nibus, ut soliditatem fidei in Christum labefa-*  
*ctent.*

Non magis, aut melius in Scholasticam Theo-  
logiam, Scholæque Doctores affectus inveni-  
tur. Erasmus, qui *prol. in D. Hilarium*, eos  
temeritatis notâ inurit, quod debiliū ratio-  
num humanarum fulcro innixi ardua tentent,  
&

6.

7.

& inaccessa præsumant altiora se quærentes, & Scrutatores Majestatis effecti, seriò modos, & causas operum Dei, actionumque ejus, ac mysteriorum fidei discutiant. Quod nulli hominum, sed Spiritui Dei concessum est. Vnde S. Gregorius Nyssenus de Resurrect. Christi sic ait. *Quocirca candidos, gratos, & sanos homines fidem habere decet, iis quæ à Deo dicuntur; modos autem, & causas actionum, & operum tanquam nostram intelligentiam excedentes exquirere non oportet.* Et S. Cyrillus catech. 11. *Qui est alius, (inquit) qui cognoscat profunda Dei, nisi Spiritus Sanctus? Neque tamen, vel ipse Spiritus Sanctus de filij ex Patre generatione loquutus est. Cur igitur curiosè inquiris, quæ nec Spiritus solus loquutus est in scripturis? Qui ea quæ scripta sunt, non nosti, circa ea, quæ scripta non sunt, ne sis curiosus.*

## CAPVT II.

## Deciditur quæstio.

8. **P**rima conclusio; sacre doctrinæ competit rationibus, seu demonstrationibus uti. Probat S. D. in sed contra ex illo ad Titum 1. ubi dicitur oportere Episcopum esse amplectentem eum, qui secundum doctrinam est, fidelem sermonem, ut potens sit exhortari in doctrina sana, & eos qui contradicunt arguere: sed hoc fit per rationem demonstrativam, seu scientiam: ergo sacre doctrinæ competit esse argumentativam. Minor est D. Chrysostomi in glossa dicentis; Hoc verò quod ait, & contradicentes arguere, referendum est ad scientiam.

Hic in  
corp. &  
in sed  
contra.

*Art. VIII. An Th. sit argument. Cap. II. 205*

Confirmatur ex illo 1. Petri 3. *Parati semper ad satisfactionem omni poscenti vos rationem reddere de ea quæ in vobis est fide* ; sed poscenti rationem non satisfacit nisi ratiocinando : ergo de his quæ sunt fidei ratiocinari convenit. Hinc est quod Paulus Magister gentium ad resurrectionem communem asserendam ex resurrectione Christi argumentatus est , ut patet 1. *Corinth. cap. 15.*

Hoc idem asserunt communiter Patres & probant. Sufficiat impræsentiarum unus Chrysostom. *Absurdum est*, ait, *quod Medicus, Coriarius, textor, & omnes generatim opifices, quisque pro artis suæ, professione pugnet, Christianus autem non possit ullam Religionis suæ asserere rationem.* Et paulò infra, *Si illi (nempe Gentiles) ut contra Religionem loquerentur, tantoperè invigilarunt, quàm nos venià dignamur, nisi huiusmodi contrarios insultus propulsare calleamus?* Hoc nobis Petrus præcipit ; *Parati semper ad satisfactionem omni poscenti vos rationem de ea, quæ in vobis est fide, & spe.* Et Paulus ; ad Coloss. c. 3. *verbum Christi habitet in vobis abundanter.*

Prob. ratione ; ut argutè dixit D. Augustinus lib. 2. *soliloq. cap. 11.* ( & habet vera Philosophia lib. 1. Posterior. ) *Nulla occurrit facies disciplina ( seu scientiæ ) in qua non definitiones, ac divisiones, ac rationes, & ratiocinationes sint.* Sacra doctrina passim in Sacra Scriptura dicitur scientia, ac disciplina : ergo ei competit argumentari, seu rationibus, ac demonstrationibus uti.

Secunda conclusio ; Sacræ doctrinæ non congruit sua principia ratione disquirere, ac probare ; sed ea per fidem revelata suscipere, &

9.

1. sent. ad  
Annib. q.  
3. art. 2.

10.

Homil.  
16. in  
Ioan-  
nem.

11.

12.

Hic & a.  
1. sol. ad  
1. & o-  
ex pusc. 70.

206 *Quaest. I. de Sacra Doctrina*,  
 ex his ad alia argumentari. Hæc conclusio sumitur ex illo Isaïæ cap. 7. *Nisi credideritis, non permanebitis.* Vbi Septuaginta legunt; *Nisi credideritis, non intelligetis.* Quæ versio est communiter recepta, ceu veritati eorum quæ dicebantur maximè accommoda. Ibi enim de adventu Messia & Incarnationis mysterio sermo erat, ad quod arcanum intelligendum, quam maximè opus est fide. Vnde Eusebius; *Valde necessario*, inquit, *Propheta Virginis partui, & natiuitati Emanuelis Dei inter homines prætulit: Nisi credideritis, non intelligetis.* Ea propter SS. Patres communiter in hujus veritatis confirmationem hocce testimonium adducunt. Audiendus est S. Cyrillus lib. 4. in Ioann. dicens; *Optimè fidem cognitioni præposuerunt. Præcedit namque fides, cognitio sequitur juxta illud: Nisi credideritis non intelligetis. Nisi enim absque ulla dubitatione fidei jeceris fundamenta, non poteris paulatim cognitionem, quæ in Christo est superadificare, & in virum spirituales evadere.* Videndi sunt D. Cyprianus lib. 1. contra Iudeos D. Augustinus lib. 1. de libero arbit. c. 2. & in 7. cap. Ioann. & alibi sæpe.

13. Eandem conclusionem probat illud Apostoli 1. ad Timoth. cap. 2. ubi se Magistrum gentium à Domino constitutum asserens, qui vult omnes homines salvos fieri, & ad agnitionem veritatis venire, ait, *Veritatem dico, non mentior, Doctor gentium in fide, & veritate*; Augustinus in glossa: *Veritate futura quæ est res, & merces fidei. Quæris mercedem, fides præcedat. Credimus enim, ut videamus. Quid est enim fides, nisi credere quod non vides. Fides ergo est, quod non vides credere. Veritas quæ credidisti videre.*  
*Fides*

*Art. VIII. An Th. sit argument. Cap. II. 207*  
*Fides ducit ad veritatem, si maneatur in eo quod creditur, pervenitur & ad id quod creditur. D. Anselmus in eum locum, D. Hilarius in c. 13. Matth. Regni mysteria, inquit, fides percipit. Et lib. 2. de Trinitate. Deus credendus est, intelligendus est, adorandus est, & his officiis eloquendus est. D. Chrysost. homil. 17. in 1. ad Timoth. Neque enim, ait, si quis clausis oculis quærat invenire quid poterit, sicut item si apertis illis, seipsum humo obruat, aversatusque solem ibi inquirat, invenire aliquid nequaquam poterit. Adeo sine fide nihil invenire potest; eaque absente pugnas nasci necessario contingit.*

*Insuper D. Bernardus Petrum Abailardum redarguens epist. 190. ita scribit. Dum paratus est de omnibus reddere rationem, etiam qua sunt supra rationem, & contra rationem præsumit, & contra fidem. Quid enim magis contra rationem, quam ratione rationem conari transcendere. Et quid magis contra fidem, quam credere nolle, quidquid non possit ratione attingere? Denique exponere volens illud sapientis; Qui credit citò, levis est corde; citò credere est, inquit, adhibere fidem ante rationem. Cum hoc Salomon, non de fide in Deum, sed de mutua inter nos dixeris credulitate. Nam illam, qua in Deum est fidem D. Papa Gregorius negat planè habere meritum, si ei humana ratio præbeat experimentum. Laudat autem Apostolos, quod ad unius iussus vocem sequuti sunt Redemptorem. Scit nimirum pro laude dictum; in auditu auris obediit mihi; increpatos è regione discipulos, quod tardius credidissent. Denique laudatur Maria, quod rationem fide prævenit; & punitur Zacharias quod fidem ratione tentavit.*

Ratio

15.

Ratio D. Thomæ est; Nulla scientia sua principia probat, sed ad aliquid demonstrativè probandum ex principiis notis, vel suppositis argumentatur; Sacra Theologiæ doctrina est scientia, ut ostensum est: ergo non debet argumentari ad sua principia demonstrativè probanda, quæ sunt articuli fidei, sed ex eis ad aliquid ostendendum demonstrativè procedere. Majorem asserit D. Basilii in *psal.* 115. dicens; *Necesse est cujuslibet disciplina indemonstrata esse discantibus principia; quoniam circa principia pugnantes, ac contendentes rectè ac ordinatè posse ad finem procedere impossibile est. Hoc enim manifestè ex iis, quæ sunt externa, apparet. Nam si Geometria prima principia non concedas, impossibile fuerit inde quicquam concludere. Item in Arithmetica qui primis repugnat elementis, reliqua quæ ex illis sequuntur impediunt; sic nec à Medicis Medicina principia demonstrantur. Denique in quolibet studio, quo ordine in finem procedit, impossibile est primorum subjectorum demonstrationes inquirere, sed necesse est omnium artium quæ probationi nituntur principia sine vestigatione, aut ratione admittentem, ad reliqua quæ deinceps sequuntur inspicere. Sic & Theologia mysterium ex fide minimè rationibus probata adificium querit. Credendum est, inquit Apostolus, accedentibus ad Deum quod sit Deus, non contendere quid sit.*

16.

Tertia conclusio; sacre doctrinæ, quatenus altissima scientia, seu sapientia est, competit contra negantes sua principia argumentari, si aliquod fidei principium admittant, ex quo ad alia probanda valeat demonstrativè procedere, sin minus ei argumentis uti non conceditur, sed



*Art. VIII. An Th. sit argument. Cap. II. 209*  
 sed rationes duntaxat adversariorum fidei sol-  
 vere, si quas adversarij ( hæretici nimirum, vel  
 infideles, aut quivis alij fidem Catholicam  
 oppugnantes ) adducant. Pars prima patet ex  
 eo Apostoli loco ad Titum 1. ubi rationem red-  
 dens, cur contradicentes ab Episcopo arguen-  
 di veniant, subdit; *Sunt enim multi, etiam ino-*  
*bedientes, vaniloqui, & seductores, maxime*  
*quide Circumcisione sunt* ( id est Iudæi, qui sub  
 nomine Christi judaizare docebant ) *quos oport-*  
*et redargui*; patet autem quod Iudæi vetus or-  
 ganum, seu testamentum admittant; ex quo  
 ad ea, quæ in novo testamento de Christo di-  
 cebantur, argui poterat, ad eos convincen-  
 dos. In Evangelio Matthæi cap. 19. notissimus  
 etiam est locus ille, quo matrimonij indisso-  
 lubilitas à Christo contra Phariseos ex testi-  
 monio veteris organi theologicè probatur; *Non*  
*legistis, quia qui fecit hominem ab ini-*  
*tio, masculum, & fæminam, fecit eos; &*  
*dixit; Propter hoc dimittet homo patrem, & ma-*  
*trêm, & adhærebit uxori suæ, & erunt duo in*  
*carne una. Itaque jam non sunt duo, sed una caro.*  
*Quod ergo Deus conjunxit, homo ne separet.*  
 In quæ verba D. Hieronymus in cat. D. Th. ad  
 dictum cap. 19. ait: *Sic responsionem temperat,*  
*ut muscipulam eorum transeat, scripturam san-*  
*ctam adducens in testimonium, & naturalem le-*  
*gem primam Dei scientiam secunda opponens.*

Similiter Christus *Matth. 22.* Saducæos qui  
 resurrectionem corporum non credebant, &  
 animam putabant interire cum corporibus, in-  
 terrogantes, & turpitudinem fabulæ opponen-  
 tes revicit, & confutavit ex scripturæ testimo-  
 nio, dicens; *De resurrectione autem mortuorum,*

non legistis, quod dictum est à Deo dicente vobis; Ego sum Deus Abraham, Deus Isaac, & Deus Jacob? Non est Deus mortuorum, sed viventium; ex quo inferebatur, quod Abraham, Isaac, & Jacob, etiamsi corpore defuncti, tamen secundum animam viverent; ac subinde quod anima cum corpore non interiret. Advertit idem S. Hieronymus in cat. D. Thom. quod licet multa essent sacrae scripturae testimonia multò clariora, tamen hoc, quod obscurum esse videbatur, ex libris Moysis adduxit, quia solos hos scripturae libros Saducæi recipiebant; Ad comprobandum, inquit, resurrectionis veritatem multis aliis exemplis manifestioribus uti potuit, ex quibus est illud; Resuscitabunt mortui & resurgent, qui in monumentis sunt, & in alio loco. Multi dormientium de terra pulvere resurgent. Queritur ergo quid sibi voluerit Dominus hoc proferre testimonium quod videtur ambiguum, vel non satis ad resurrectionis pertinens veritatem, & quasi hoc prolato probaverit quod volebat, statim intulerit. Non est Deus mortuorum, sed viventium. Supradiximus autem Saducæos nec Angelum, nec spiritum, nec resurrectionem corporum confitentes, & animarum quoque interitum pradicasse, hi quinque tantum libros Moysi recipiebant, Prophetarum vaticinia respicientes. Stultum autem erat inde proferre testimonia, cujus auctoritatem non sequebantur. Porro ad aternitatem animarum probandam, de Moyse ponit exemplum; Ego sum Deus Abraham; statimque infert; Non est Deus mortuorum, sed viventium, ut cum probaverit animas permanere post mortem; neque enim poterat fieri, ut eorum esset Deus, qui nequaquam subsisterent, convenienter introduceretur & corporum

*Art.VIII. An Th.sit argument.Cap.II. 211*  
*porum resurrectio,qua cum animabus bona,malaeque*  
*gesserunt.*

Insuper Christus (ut habetur in eodem c.22.) cum Iudæi æstimantes ipsum esse hominem purum, eum tentarent; volens ostendere, inquit Chrysostomus homil.72.in Matth.quod cognoscebat fallaciam cordis eorum & quia Deus erat, talem interrogationem eis proposuit; *Quid vobis videtur de Christo cujus filius est*, & cum responderent se reputare eum filium David, eos testimonio ejusdem Psal. 109. redarguit aiens; *Quomodo ergo David in spiritu vocat eum Dominum dicens. Dixit Dominus Domino meo; sede à dextris meis. Donec ponam inimicos tuos scabellum pedum tuorum. Si ergo David vocat eum Dominum, quomodo filius ejus est.* Quæ ratio secundum D. Thomam *ibidem*, ita formari potest; Habetur in lege quod pater major est filio; non ergo filius Dominus est Patris: ergo vel Christus non est filius David, vel in eo est aliquid majus David, cum vocet eum Dominum. Aliæ multæ sunt hujusmodi argumentationes in novo testamento, ut *Matth. cap.12. Luca 6.1. ad Corinth. cap.15.* ubi Apostolus ex resurrectione Christi ad communem resurrectionem stabilendam argumentatur. Et ut uno verbo concludam in actibus Apostolorum, & Canonicis epistolis hic arguendi modus familiariter occurrit; quem etiam Concilia, & Patres in disputationibus contra Hæreticos observasse ita notum est, ut probatione ampliori non indigeat. Vnde S. Iustinus Martyr in quæst. ad gent. quæst.145. hanc D. Thomæ conclusionem pro regula ab omnibus servanda præscribit; *Primum*, inquit, *ea quæ pro confessis habentur ponere, ac deinceps*

181

212 *Quaest. I. de Sacra Doctrina,*  
*eorum, quæ in quaestionem veniunt, solvere ambi-*  
*guïtatem debet.*

19. Probat S. D. exemplo à physicis disciplinis sumpto, sic ; Quamvis in aliis scientiis humanis, quæ sunt inferiores, contra negantes quodlibet principium non arguatur, tamen Metaphysicæ, quæ suprema earum est, atque caput, sapientiaque, competit contra negantes principia disputare, si aliquid admittant, ex quo possit ad alia probanda procedere ; sed sacra doctrina est maximè, & propriissimè sapientia, cæteras omnes scientias humanas dignitate superans, ut ostensum est supra : ergo ad eam pertinet adversus negantes sua principia argumentari, si adversarius, puta infidelis vel hæreticus, aliquod fidei principium admittat, ex quo valeat ad alia probanda arguendo procedere.

20. Notandum, quod quando Sacra Theologia contra negantes principia ex aliquibus concessis argumentatur, non modò probabiliter, sed etiam demonstrativè procedere potest, ut v. g. adversus Iudæos, qui vetus testamentum admittunt, ex suppositione alicujus principij ibi traditi argumenta necessaria constanter ; quibus concluditur jam advenisse Messiam ; Prophetarum oracula in Christi persona adimpleta. Et ita intelligendus est D. Thomas hîc. Quod autem hujusmodi demonstrativis rationibus non convincantur, & resipiscant ab errore, in causa est, quia *obtusi sunt sensus eorum*, inquit Apostolus 2. Corinth. 3. & 4. *usque in hodiernum diem velamen positum est super cor eorum.* In quæ verba S. Thomas lect. 3. inquit. *Obtusi sunt sensus eorum, id est, ratio eorum hebes est, & sensus eorum imbecilles, & obtusi sunt nec possunt*

*Art. VIII. An Th. sit argument. Cap. II. 213*  
 possunt videre claritatem Dei, idest, divina veritatis absque velamine figuratum. Et hujus ratio est, quia claudunt oculos, ut non videant, quia velum templi scissum est. Et ideo est ex eorum culpa infidelitatis, non ex defectu veritatis, quia remoto velamine omnibus aperientibus oculos mentis per fidem clarissimè veritas manifestatur. Rom. II. Cæcitas ex parte contingit in Israël.

Secunda pars conclusionis etiam asseritur à 21.  
 Sanctis Patribus, præsertim D. Iustino supracitato, & D. Augustino 2. de serm. Domini in monte, ubi ait; Qui novit quid respondeat, debet respondere, vel propter alios, quibus desperatio suboritur, si propositam questionem solui non posse crediderint. Insuper D. Gregorius Nazianzenus orat. 49. quæ est de fide, loquens de libello quodam, quem jam pridem adversus Arrianos ediderat; Et quia res digna, inquit, tam catholica confessioni, quam hæretica responsioni universorum judicio æstimata est, multi eum, vel legere, vel describere voluerunt. Et in fine, cur respondendum sit, ostendit dicens; Ne videatur hac perversitas præjudicata magis, quam examinata damnari, breviter tibi de hac oppositione respondeam. Tandem D. Clemens Alexandrinus lib. I. Strom. Revera, inquit, Verbum non vult otiosum esse qui credidit. Quærite inquit, & invenietis, sed inquisitionem terminat inventione recedentibus nugis, inserta autem contemplatione, quæ nostram fidem confirmat. Hoc autem dico, ne quis vos decipiat in probabilitate sermonis, ait Apost. ut qui, quæ dicuntur ab eis discernere, scilicet didiceritis, & iis quæ obijciunt occurrere docti sitis.

Probaturque ratione D. Thomæ sic. Meta- 22.

physica, utpote suprema scientiarum, & cujus est contra negantes principia disputare, si adversarius nihil concedat, unde convinci possit, ejus rationes dissolvere potest; sed Theologia est suprema scientia, & maximè sapientia: ergo pariter, si adversarius nihil credat eorum quæ divinitus revelantur, non remanet ampliùs via ad probandum articulos fidei per rationes, sed ad solvendum rationes, quas inducit contra fidem. Maj. patet; Prima scientiarum principia maximè vera sunt, quia naturaliter rationi sunt insita, ac subinde eorum veritas immediatè à prima veritate derivatur: ergo non est impossibile contrarium demonstrare, aliàs Deus, à quo induntur, author falsitatis esset, ac subinde omnes rationes, quæ contra hujusmodi principia adducuntur, solubiles sunt. Conseq. verò prob. quia id, quod de fide tenetur, nullatenus potest esse falsum, aut rationi naturali contrarium, cum primæ veritati, quæ omninò infallibilis est, & totius veritatis etiam naturalis fons, & origo innitatur: ergo quævis rationes contra fidei principia militantes, esto veritatis speciem ostendant, tamen veræ esse non possunt, sed sophisticæ, ac subinde eas solvendi remanet locus. An autem hujusmodi rationes evidenter solubiles sint, alterius loci est disputatio.

23. Confirmatur; contrariis ligatur rationibus intellectus noster, ne ad veri cognitionem pertingere possit; sed maximè eniti debemus, ut ad veritatis divinæ cognitionem pervenire possimus, cum in ejus contemplatione salus humana consistat: ergo oportet rationes, quæ contra fidem adducuntur, per quas à veritatis cognitione impedimur, solvere.

Ex 3. me  
caph.  
lect. 1.

Tertia conclusio ; etiam contra eos, qui nul-  
lum fidei principium admittunt, quemadmodum  
Gentiles , & Pagani , non modò non est illicitum  
argumentis , & rationibus uti , quinimò  
apprime necessarium , & expediens , non quidem  
ad demonstrandam fidem , seu fidei Christianæ  
principia , sed ad ostendendum illa rationi non  
repugnare , esto rationem excedant. Prob. ex D.  
Augustino lib. 4. de doctr. Christ. dicente; *Cum  
posita sit in medio facultas eloquij , qua ad persua-  
dendum , seu prava , seu recta valet pluribus ,  
cur non bonorum studio comparetur , ut militet  
virtuti , si eam mali in usum iniquitatis , & erro-  
ris usurpant.* Idem probatur ex D. Chrysostomo  
loco supra citato in 1. conclus. & ex D. Clemente  
Alex. lib. 1. Strom. dicente ; *Merito Apostolus  
variā , ac multiplicem dixit Dei sapientiam  
utque multifariam , multisque modis , per artem ,  
per fidem , per prophetiam , per scientiam , suam osten-  
dat potentiam ad nostrum beneficium.* Idem asse-  
runt communiter Patres.

Triplex ex eis hujus ratio desumitur ; prima  
est , ut fideles instruuntur facilius , & ex his ,  
quæ norunt , ad ea , quæ non norunt , manu-  
ducuntur. Sumitur ex Tertulliano lib. 2. contra  
Praxeam ; *Propter instructionem , inquit , & mu-  
nitionem quorundam ; vel ne videatur unaquæque  
perversitas non examinata , sed præjudicata dam-  
nari.* Secunda est , ut corroborentur in fide , D.  
Bernardus serm. 64. *Nam etsi , inquit , hæreticus  
non surrexit de face ; Ecclesia tamen confirmatur  
in fide ; & quidem de profectibus sponse sponsus si-  
ne dubio gratulatur , gaudium enim Domini est  
fortitudo nostra.* Tertia est ad exercitium studio-  
rum , & aliorum solatium. Sumitur ex D.

\*Clemente Alex. lib. 1. *Stromatum*, & Origene lib. 1. *Periarch*. S. Prospero 1. *de vita contemplativa*, & utramque hanc rationem assignat D. Thomas hîc.

26. Probatur ex D. Thoma *opusc. 70. quaest. 2. art. 1.* Perfectio hominis consistit in conjunctione ad Deum secundum illud Psal. 72. *Mihi adhaerere Deo bonum est*; ergo oportet quod homo ex omnibus, quæ in ipso sunt, quantum potest ad divina innitatur, & adducatur, ut intellectus contemplationi, & ratio inquisitioni divinorum vacet. Confirm. ex eodem S. D. *hic in solut. ad 2.* Gratia non tollit, sed perficit naturam; ergo oportet, ut naturalis ratio fidei subserviat, sicut naturalis inclinatio voluntatis obsequitur charitati. Vnde Apostolus 2. ad Corinth. 10. *In captivitatem*, inquit, *redigentes omnem intellectum in obsequium fidei.*

27. Secunda pars conclusionis prob. ex D. Cyrillo Alexandrino lib. de recta fide, ubi ait: *Stultissimum, & omnino fuerit ex animi subiacere ea, qua mentem nostram transcendunt, & tentare intelligere, qua intelligere impossibile est*; sed fidei principia rationem transcendunt, & pro hoc statu ea intelligere impossibile est, seu demonstrationem naturalem de eis habere, cum non sciamus quid de Deo; ergo ad hoc non debet Theologus uti rationibus naturalibus ut fidei principia probe demonstrativè, sed solum, ut ostendat non repugnare. Quapropter idem S. D. lib. 4. in Ioann. *Demus* inquit, *operam, qui Dei Mysteria discere gliscimus, ut quasi optimi nummularij nummum cognoscamus, ne aut in fide accipienda, ratione docere velimus, aut qua ratione probari possunt, temerariâ credulitate*



*Art. VIII. An Th. sit argument. Cap. II. 217*  
*dulitate approbemus, s. d. alterutris, ut decet at-*  
*tendentes, ac per iter regium in neutram partem*  
*declinantes ambulemus.*

28.

Notat S. D. *opusc. 70. quast. 2.* quod tripliciter potest homo investigatione divinorum per rationem naturalem, peccare. Primò ex præsumptione, quia scilicet sic ea investigat, & scrutatur, quasi perfectè comprehensurus. Vnde S. Hilarius; *Ne te inferas, inquit, in illud secretum, & arcanum inopinabilis nativitatis; ne te immergas summam intelligentia comprehendere præsumens, sed intellige incomprehensibilia esse.* Secundò ex hoc quod in eis, quæ sunt fidei, ratio præcedit fidem, & non fides rationem; dum scilicet aliquis hoc solum vult credere, quod ratione potest invenire, cum debeat esse è converso. Vnde Hilarius. *Credendo inquirere, percurre, persiste.* Tertiò ultra modum suæ capacitatis ad divinorum perscrutationem se ingendo. Vnde *Rom. 12. Non plus sapere quam oportet sapere, sed sapere ad sobrietatem, & unicuique sicut Deus divisit mensuram fidei.* Non enim omnes eandem mensuram sunt consecuti; unde aliquid est ultra modum unius, quod non est ultra modum alterius.

---

### C A P V T III.

*Competatne Sacra Doctrina magis propriè*  
*uti rationibus, quam autoritatibus,*  
*& quibusnam uti debeat?*

**C**Vm potissimum in sacra doctrina ad probandam veritatem, erroresque contrarios  
refellen 18.

29.  
Quod-  
lib. 4. art.

refellendos, aut rationibus agere, aut eis auctoritate arguere possimus; dubium exoritur hîc, quisnam horum arguendi modorum sit aptior. Ratio dubitandi est, quia ex una parte videtur, quod magister determinans quaestiones theologicæ magis debeat uti auctoritatibus, quàm rationibus, quia in qualibet scientia quaestiones optimè determinantur per prima principia illius scientiæ; sed prima principia scientiæ theologicæ sunt articuli fidei, quæ nobis per auctoritates innotescit: ergo maximè quaestiones theologicæ sunt determinandæ per auctoritates. Ex altera autem parte obstat quod dicitur ad Timoth. 1. *Vt sit potens exhortari in doctrina sana, & contradicentes revincere*; sed contradicentes meliùs revincuntur rationibus, quàm auctoritatibus: ergo magis oportet determinare quaestiones per rationes quàm per auctoritates.

31.

S. Thomas *ibidem* hanc difficultatem ita resolvit: Dicendum, quod quilibet actus exequendus est secundum quod convenit ad suum finem. Disputatio autem ad duplicem finem potest ordinari. Quædam enim disputatio ordinatur ad removendum dubitationem an ita sit; & in tali disputatione theologica maximè utendum est auctoritatibus, quas recipiunt illi, cum quibus disputatur; puta, si cum Iudæis disputetur, oportet inducere auctoritates veteris testamenti. Si cum Manichæis, qui vetus testamentum respuunt, oportet uti solùm auctoritatibus novi testamenti. Si autem cum Schismaticis, qui recipiunt vetus, & novum testamentum, non autem doctrinam sanctorum nostrorum, sicut sunt Græci, oportet cum eis disputare

tare

tare ex authoribus novi, vel veteris testamenti, & illorum Doctorum quos ipsi recipiunt. Si autem nullam auctoritatem recipiant, oportet ad eos convincendos ad rationes naturales confurgere. Quædam verò disputatio est magistralis in Scholis non ad removendum errorem, sed ad instruendum auditores, ut inducantur ad intellectum veritatis quam intendit, & tunc oportet rationibus inniti investigantibus veritatis radicem, & facientibus scire quomodo sit verum quod dicitur; alioquin si nudis auctoritatibus magister quæstionem determinet, certificabitur quidem auditor, quod ita est, sed nihil scientiæ, vel intellectus acquireret, sed vacuus abscedet. Huc usque D. Thomas. Ex quibus sequitur, quod sacræ doctrinæ potissimum competit auctoritatibus uti, quia potissime ordinata est ad removendum errorem circa veritates divinas, & instruendum homines, an ita sit de Deo, & veritatibus illis. Et per hæc patet responsio ad objecta.

Circa secundum dicendum est cum D. Thoma; quod auctoritatibus canonicæ scripturæ utitur sacra doctrina propriè ex necessitate argumentando. Auctoritatibus autem aliorum Doctorum Ecclesiæ quasi arguendo ex propriis, sed probabiliter. Auctoritatibus denique Philosophorum & rationibus naturalibus sacra doctrina utitur, ubi per rationem naturalem veritatem cognoscere potuerunt; quasi extraneis argumentis, & probabilibus. Primam partem probat, quia sacra doctrina innititur articulis fidei, seu primis, & propriis scientiæ principiis; sed fides nostra innititur revelationi, Apostolis, & Prophetis factæ, qui canonicos libros

32.

In hoc  
art. 8. so-  
lut. ad 2.

220 *Quaest. I. De Sacra Doctrina,*  
 libros scripserunt : ergo sacra doctrina authoritatibus canonicæ scripturæ utitur propriè ex necessitate argumentando ; quia dum argumentatur sic ex primis scientiæ principiis arguit , ac subinde demonstrativè , & ex necessitate.

33. Confirmatur , quia sicut Deus prima scientiarum principia naturæ humanæ indidit , quibus homo disciplinas physicas , & cognitionem rerum naturalem suscipere possit , ita & per scripturam nos doceri voluit veritates divinas , & ipsiusmet cognitionem , quæ naturæ viribus comparari nequit ; sed ex principiis hujusmodi de necessitate arguitur , & demonstrativè in physicis disciplinis : ergo & sacra doctrina ex authoritatibus sacre scripturæ , per quam nos veritates revelatas doceri voluit. Ea propter D. August. lib.6. confess. cap. 5. *Ideoque* , ait , *cum essemus infirmi ad inveniendam liquida ratione veritatem , & ob hoc nobis opus esset auctoritate sanctarum litterarum , jam credere cepimus nullo modo fuisse tributurum tam excellentem illi scripturæ per omnes jam terras auctoritatem , nisi & per ipsam tibi credi , & per ipsum te queri voluisses.*

34. Secundam partem probat D. Thomas , quia fides nostra non innititur revelationi , si qua facta fuit aliis Doctoribus Ecclesiæ , præter Apostolos , & prophetas quos Dominus ad se gerat destinatos nationibus Magistros , & primos doctrinæ parentes : ergo non arguit ex authoritatibus , sicut ex principiis primis scientiæ. Vnde S. Augustinus *epist.* 19. quæ est ad Hieronymum ita scribit ; *Solis scripturarum libris , qui canonici appellantur , didici hunc hono-*

rem

*Art.VIII. An Th sit argument. Cap.III. 221*  
rem deferre, ut nullum authorem eorum in scriben-  
do errasse aliquid firmissimè credam. Alios autem  
ita lego, ut quantalibet sanctitate, doctrinaque præ-  
polleant ; non ideo verum putem, quod ipsi ita sen-  
serunt, vel scripserunt.

Tertiam partem D. Thomas probat *ibidem*  
dicens ; Cum gratia non tollat, sed perficiat  
naturam, oportet quod naturalis ratio subser-  
uiat fidei ; sicut, & naturalis inclinatio volun-  
tatis obsequitur charitati. Vnde & Apostolus  
dicit 2. ad Corinth. 10. *In captivitatem redi-  
gentes omnem intellectum in obsequium Christi.* Et  
inde est quod etiam auctoritatibus Philosopho-  
rum sacra doctrina utitur, ubi per rationem  
naturalem veritatem cognoscere potuerunt, si-  
cut Paulus actuum 17. inducit verbum Arati  
dicens ; *Sicut, & quidam Poëtarum vestrorum di-  
xerunt, genus Dei sumus.*

Circa hæc sciendum est primò, quod ratio  
humana de qua hîc est sermo, nihil aliud est,  
quam argumentatio aliqua ex solo naturali lu-  
mine robur habens, siue sit demonstrativa, siue  
probabilis, quæ ad aliquam physicam discipli-  
nam spectat. Quæ cum sit diversum genus scien-  
tiæ ; idèd Theologia arguens ex hujusmodi ra-  
tionibus extraneis, id est, pertinentibus ad  
diversum genus scibilis, arguere dicitur. De-  
serviunt itaque istæ rationes, ut ancillæ, ac  
ministræ ad manifestanda quodammodo divina,  
vel ostendendum ea, quæ sunt fidei, rationi na-  
turali non repugnare.

Notandum est tamen quod quædam sunt ra-  
tiones naturales demonstrativæ, ut ex quibus  
demonstratur Deum esse, incorporeum &c. quæ  
sunt præambulæ ad fidem, & sic ad Theologiam  
pertinentes

35.

36.

37.

pertinentes sub lumine tamen divinæ revelationis, unde quando his utitur Theologia, non procedit omninò ex extraneis. Quia ad eam pertinent tum præambula ad fidem, tum consequentia, atque per se spectantia ad illam.

38. Sciendum est secundò, quod sicut Philosophi locos nominare consueverunt, *argumentorum sedes*, ex quibus nimirum ipsi argumenta in singulis scientiis, sive demonstrativè arguendo ex propriis, sive dialectica, & Sophistica arguendo ab extraneis, desumere solent (de quibus nos satis *tomo 1. clyp. philosoph. part. 1. q. ult. art. ult.*) ita & hos argumentorum fontes, locos Theologicos hujus doctrinæ sapientes nuncupant theologicarum argumentationum sedes; à quibus nimirum Theologus suas rationationes accipit.

39. Decem recensentur communiter: Primus est sacre scripturæ autoritas, quæ libris canonicis continetur. Secundus est autoritas traditionum Christi, & Apostolorum, quæ scriptæ non sunt, sed de aure in aurem ad nos pervenerunt. Tertius est Catholicæ Ecclesiæ autoritas. Quartus autoritas Conciliorum præsertim generalium, in quibus Catholicæ universalis Ecclesia residet. Quintus Ecclesiæ Romanæ autoritas, quæ divino privilegio & est, & vocatur Apostolica. Sextus est autoritas sanctorum ac veterum Patrum. Septimus est Theologorum, Scholasticorum autoritas; quibus adjunguntur juris canonici, seu Pontificij Doctores, ac periti. Etenim istius doctrina quasi in æquilibrio Scholasticæ Theologiæ respondet. Octavus est ratio naturalis, quæ per omnes scientias naturali luminè inventas, latissimè patet; harum enim omnium

*Art. VIII. An Th. sit argument. Cap. III. 223*  
 omnium rationes quodammodo Theologicæ  
 doctrinæ subserviunt, ut ancillæ. Nonus est Phi-  
 losophorum autoritas, qui naturam ducem se-  
 quuntur; cum quibus sine dubio sunt Cæsarei  
 Iuris Consulti, qui veram (ut ipsi aiunt) Philo-  
 sophiam profitentur. Decimus tandem est hu-  
 manæ autoritas historiæ, sive per authores fide  
 dignos scriptæ, sive de gente in gentem traditæ,  
 non superstitiosè, neque aliter sed gravi con-  
 stantique ratione.

Ex his locis tria duntaxat D. Thomas enu-  
 meravit, nimirum canonicæ scripturæ autori-  
 tatem, sanctorum Patrum testimonia, ac de-  
 mum rationem naturalem Philosophorumque  
 auctoritates. Ad quæ nihilominus decem enu-  
 merati reduci possunt. Quoniam ad auctoritatem  
 canonicæ scripturæ Ecclesiæ autoritas, etiam  
 Romanæ & Conciliorum, ac traditionum Apo-  
 stolicarum firmitas reduci poterit. In his enim  
 omnibus divina autoritas continetur, quæ pri-  
 mò in sacris litteris, sive in sacrarum litterarum  
 autoribus invenitur, in quibus etiam Ecclesiæ  
 autoritas commendatur, dum dictum est Petro  
 Matth. 16. *Tu es Petrus, & super hanc Petram*  
*edificabo Ecclesiam meam.* Deinde ad aliorum  
 Doctorum Ecclesiæ auctoritatem reduci potest  
 tanquam aliquid minùs auctoritas Scholastico-  
 rum, & Philosophorum, quorum auctoritas in  
 hac parte non tanta est, atque Sanctorum Pa-  
 trum, quos ipsi Theologi Scholastici meritò ve-  
 nerantur. Cæterum ad tertium caput, cujus me-  
 minit D. Thomas reliqua quæ inter decem nu-  
 merata sunt facillè reducentur.

40.

## CAPVT IV.

*Soluantur contraria argumenta.*

41. **A**rguitur primò ex D. Ambrosio lib. 1. de fide cap. 1. dicente, *Tolle argumenta ubi fides quaritur*; sed in hac doctrina præcipuè fides quaritur: ergo sacra doctrina, non est argumentativa. Antecedens probatur ex illo Ioan. 20. *hæc scripta sunt, ut credatis.*
42. Resp. ex D. Thoma hîc ad primum dist. maj. tollenda sunt argumenta, ubi fides quaritur, innixa rationi humanæ & præsumptia demonstrare fidem concedo maj. tollenda sunt argumenta, quæ procedunt ex principiis per fidem suppositis alia demonstranda nego. Vnde D. Cyrillus Alexandrinus; *Oportet, inquit, fidei radices primum in anima jacere, deinde illa quarere, quæ homini quærenda sunt.* Quærere autem fit per investigationem rationis.
43. Arguitur secundò: si sacra doctrina esset argumentativa, illi competeret argumentari, vel ex auctoritate, vel ex ratione? Sed neutrum horum sacre doctrinæ congruit: ergo non est argumentativa. Prob. minor, imprimis non congruit ab auctoritate argumentari; quia locus ab auctoritate est infirmissimus, & solum ostendens an res sit; sed uti modo arguendi infirmissimo derogat dignitati sacre doctrinæ: ergo non competit ei ex auctoritate argumentari. Deinde neque ex ratione, nam argumentari ex ratione ejus fini non congruit, quia secundum D. Gregorium homil. 26. in Evangelia,
- fides*



*Art. VIII. An Th. sit argument. Cap. IV. 225*  
*fides non habet meritum, cui humana ratio præbet*  
*experimentum.*

Respondeo ex S. D. *hic*, neg. min. ad probationem primæ partis dist. maj. Locus ab authoritate, quæ fundatur super humana ratione est infirmissimus, concedo; nam cogitationes mortalium sunt timidæ, & incertæ. Locus qui fundatur super revelatione divina, quæ nec fallitur, nec fallere potest, nego maj. Cum enim revelatio divina primæ, & infallibili veritati innitatur, quæ nec falli, nec fallere potest, locus in ea fundatus efficacissimus est. Ad probationem verò secundæ partis dist. antecedens; argumentari ex ratione humana ad demonstrandum fidem, non congruit sacre doctrinæ fini, concedo; quia per hoc fidei meritum auferretur, si ad assentiendum veritatibus fidei per necessariam convictionem, intelligibilium & visionem eorum intellectus induceretur. Argumentari ex ratione humana ad manifestandum aliqua quæ traduntur in hac doctrina, non congruit ejus fini, nego; Sacra enim doctrina, ut diximus *art. 6.* utitur aliis disciplinis philosophicis, tanquam ancillis; sumendo ab eis quæcunque conducere possunt ad manifestandum aliquo modo res fidei.

Arg. 3. contra secundam; Quod sit futura communis. Resurrectio est articulus fidei; sed Apostolus *1. Corinth. 16.* ex Resurrectione Christi ad communem Resurrectionem stabiendam argumentatur: ergo sacra doctrina ad sua principia demonstrativè probanda arguit; nam arguere ex loco sacre scripturæ, est arguere ex propriis & demonstrativè.

Confirmatur, Hæc est necessaria consequen-

*Tom. I.*

P

447

457

467

tia, *Christus resurrexit : ergo mortuus est ;* sed Christum mortuum esse & resurrexisse sunt duo fidei principia : ergo unum principium Theologiae potest efficaciter probari ex alio, seu demonstrari.

47. Resp. ad argum. concessa majori dist. min. Apostolus argumentatur ex Resurrectione Christi, tanquam ex principio concessio ad Resurrectionem communem inconcessam, vel saltem in dubio positam à quibusdam Corinthiis, contra quos agebat, concedo; tanquam ex principio de se demonstrativo, & noto pro hoc statu, nego. Quod autem aliqui Corinthij communem Resurrectionem negarent, vel de ea dubitarent, patet ex eodem Apostolo ibi dicente; *Si autem Christus pradicatur, quod resurrexit à mortuis, quomodo quidam dicunt in vobis, quod Resurrectio mortuorum non est.* Diximus autem supra quod ex principio fidei concessio benè potest ad aliud probandum argui, si sit inconcessum. Sumitur ex D. Thoma 1. sent. q. prob. art. 5. ad 4. ubi ait; *Quod argumenta tolluntur ad probationem articulorum fidei scil. demonstrativam, & comprehensivam eorum per rationem, sed ad defensionem fidei, & inventionem veritatis in questionibus ex principiis fidei oportet argumentis uti; sic enim Apostolus facit 1. Corinth. 16. Si Christus resurrexit : ergo & mortui resurgent.*

48. Resp. ad Conf. dist. maj. hæc consequentia, *Christus resurrexit ; ergo mortuus est*, necessaria est secundum quod mors Christi ponitur fidei principium, & articulus, nego: secundum quod Resurrectio communiter non est, nisi ejus qui mortuus est, concedo. Mors enim

*Art. IX. An script. deb. uti metaph. Cap. I. 227*  
enim Christi, ut est articulus, importat fidem  
Redemptionis, & salutis humanæ virtute Pas-  
sionis, & mortis illius factæ, & quod Deitas  
mortua non sit, & similia, de quibus S. Thom.  
luculenter, & diffusè opusc. 6. §. Passus sub  
Pontio Pilato, quæ ex resurrectione Christi  
ut sic nequeunt demonstrari.

\*\*\*

## ARTICVLVS NONVS.

*Utrum Sacra Scriptura debeat  
uti metaphoricè.*

---

### CAPVT PRIMVM.

*Quid sit Sacra Scriptura, & an sit propriè  
verbum Dei.*

§. I.

*Quadam prænoscuntur, & hereticorum errores  
breuiter referuntur.*

**S**UPRA art. I. aliquam doctrinam diuini-  
tatis inspiratam comparandæ salutis ne-  
cessariam esse constituimus. Dupliciter  
autem potest homo diuinitatis edoceri;  
primò per internam Dei locutionem siue inspi-  
rationem, quâ ipse Deus ad cor hominis loqui-  
tur, veritatis notitiam mentibus hominum in-  
spirando. Ratione cuius solus ipse Magister dici-  
tur Matth. 23. *Vnus est Magister vester.* 2. exte-

rius, per homines loquendo divinitus edoctos, & inspiratos tanquam verbi Domini ministros. Quo pacto loquutus est primò per Prophetas suos; Deinde per unigenitum Verbum suum carne indutum, secundum illud Apostoli ad Hebr. 1. *Multifariè, multisque modis olim loquens Deus Patribus in Prophetis, novissimè locutus est nobis in filio.* Tandem per Apostolos suos quos adlegerat destinatos nationibus Magistros secundum illud Apostoli 2. Corinth. 3. *Idoneos nos fecit ministros novi testamenti.* Vnde S. Augustinus lib. 11. de Civit. Dei cap. 3. inquit; *Hoc prius per Prophetas, deinde per seipsum, postea per Apostolos, quantum satis esse judicavit, locutus, etiam scripturam condidit, qua canonica nominatur, eminentissima auctoritatis.*

2. Scriptura igitur, quæ hujusmodi continet doctrinam scriptura sacra, seu sancta nominari consuevit, ut habetur Rom. 1. Quia sancta continet, quia ad sanctitatem provocat, & quia specialiter est à Deo, tanquam quæ dicitur illius Epistola ad nos missa, ut habet D. Ambrosius epist. 84. dicens; *Quid est scriptura sacra, nisi quadam epistola omnipotentis Dei ad creaturam missa?* Dicitur sancta, seu sacra ad differentiam aliarum scripturarum, quæ divinitus inspiratæ non sunt, nec per Verbi Domini ministros idoneos, & fidei nostræ præcones annuntiatae, sed voluntate humana allatae. Vnde Apostolus 1. ad Corinth. 2. *Sapientiam, inquit, loquimur inter perfectos. Sapientiam verò non hujus sæculi, neque principum hujus sæculi qui destruuntur, sed loquimur Dei sapientiam, id est, non loquimur sapientiam, quæ est per rationes humanas inventa, hujusmodi est tota hominum Philo-*  
sophia,

*Art. IX. An script. deb. uti mataph. Cap. I 229*  
sophia, aut legum scientia, dæmonumque artes; sed sapientia Dei, id est, quæ speciali jure & modo est à Deo nimirum per revelationem secundum illud Sapient. 9. *Sensum autem tuum quis sciet, nisi tu dederis sapientiam, & miseris spiritum tuum de altissimis.*

Igitur in præsentī quærimus an verè, atque reipsa ita sit quod hujusmodi scriptura quæ continetur in libris Canonicis, continetque sacram doctrinam, Christi, Apostolorum, & Prophetarum, dividiturque per veterem, & novam legem, seu vetus, & novum testamentum, sit à Deo divinitus inspirata, & tanquam Verbum Dei habenda, & utrum de hoc aliqua ratio haberi possit?

Præter Ethnicos, qui scripturam sacram non modò ut Dei verbum non susceperunt; sed ut aviles fabulas contempnere, multi à fide apostatantes, atque hæretici eam non esse divinitus inspiratam, nec ut Dei verbum habendam affirmarunt. Sic Celsus apud Origenem in libris contra ipsum, editis. Antiqui etiam Gnostici, ut refert Irenæus *lib. 3. cap. 2.* Scripturæ nullam, vel minimam deberi auctoritatem asseruerunt; quippe quæ & mendacia multa, & pugnantia contineat. Libertini etiam quorum Duces, & Antesignani extiterunt Quintinus, & Coppinus, ridere solitos refert Calvinus in *instruct. adversus Libert. cap. 9.* Si quis scripturas allegaret, nec dissimulasse, quin eas pro fabulis haberent. Gaspar etiam Suvénfeldius (ut narrat Card. Bellarm. *lib. de verbo Dei cap. 1.*) verbum scriptum tanquam litteram occidentem respuit, solumque spiritu interno, qui vivificat contentos nos esse debere asseruit. Quinimò in

derisum scripturas adducens ajebat ipsas, ceu idolum quoddam, & puerorum pupam ostentari. In eodem errore versatus est Papus in *Breviculis fidei Romana thesi* 9. ut refert Gravina *Cathol. præscript. lib. 4. contr. de verbo Dei scripto art. 1.* ut alios innumeros prætermittam, qui scripturæ partem ut verbum hominum, vel fabulam, & inventam humanam rejecerunt. Ipsum Lutherum sinistram opinionem de scripturis concepisse multi non sine magno fundamento existimant; ipse enim in Colloq. apud Aurifabrum tit. de scriptura inquit, *quod post Biblia nullus habetur in orbe liber elegantior, quam scripta Catonis, & Aspi fabula.* Et id satis ostendere valent vitæ ipsius modus liberior, & perditissimi mores, qui homines in Dei, divinique ipsius verbi contemptum infeliciter deducere solent. Vnde ipsemet Lutherus *epist. 2. ad Saxonia Ducem* de quibusdam conqueritur quod scripturas nihili faciant, asserentes eas nihil esse, aut posse, & Calvinus *1. instit. capite 7.* multos scripturæ authoritatem in dubium vocare, & probationem hujus veritatis exigere affirmat. Et ut cæteros prætermittam Muntzerus inter suos potus scripturas in jocum, & contemptum adducere solitus fuit, Castalio eas parvipendit. Libanius libro contra Græterum dixit, eas non esse verbum Dei, sed aliquid quid. Quia scriptura non vivit, non est veritas, non manet in æternum.

§. II.

Statuitur conclusio, & probatur.

**D**icendum est scripturam sacram esse à Deo inspiratam, atque verè verbum ipsius. Et ut talem habendam multa probant eo probationis genere, quo credibilitas mysteriorum fidei demonstrari potest. Hujusmodi probationes breviter perstrinxit Iunilius Episcopus Africanus lib. 2. de part. divinæ legis cap. 29. dicens; *Vnde probamus libros Religionis nostræ divinæ esse inspiratione conscriptos? Ex multis. Prius est ipsius scriptura veritas; deinde ordo rerum, consonantia preceptorum, modus locutionis sine ambitu, puritasque verborum. Additur conscribentium, & predicantium qualitas, quod divina homines, excelsa viles infacundi subrilia nonnisi divino repleti spiritu tradidissent. Tum predicationis virtus, quam, dum predicaretur, licet à paucis despectis, obtinuit. Accedunt his reëctificatio contrariorum, ut Poëtarum, vel Philosophorum; expulsio adversariorum utilitas consequentium, exitus eorum, quæ per acceptationes, & figuras, & prædictionem prædicta sunt. Ad postremum miracula jugiter facta, donec ipsa susciperetur à Gentilibus, de qua hoc nunc proximum miraculum sufficit, quod ab omnibus suscepta cognoscitur.*

Ex quibus hoc argumentum desumi potest; prærogativæ, seu proprietates scripturæ sacræ competentes nulli sapientiæ sæculari seu ratione humana inventæ competunt, aut simul adaptari possunt: ergo non est ratione humana inventa, sed à Deo inspirata, seu ut verbum Dei

habenda est. Prob. antecedens, Proprietates & prærogativæ speciales hujus scripturæ, ut ex Iulilio attrulimus, sunt summa veritas, rerum ordo, consonantia præceptorum, modus locutionis Scribentium, & prædicantium qualitas, prædicationis virtus, rectificatio contrariorum, expulsio adversariorum, seu triumphus de eis infallibiles eventus subsequuti, & denique confirmatio veritatis per miracula, & mortes martyrum ipsius testium; sed hæc nulli doctrinæ humanitus inventæ competunt, aut simul competere queunt: ergo prærogativæ, seu proprietates scripturæ sacræ nulli sapientiæ sæculari, vel doctrinæ humanitus inventæ competere possunt.

7.

Prob. minor exemplificando per singula. Imprimis summa veritas in scripturis sacris relucet, nec aliquid Deo indignum, aut innato rationis lumini repugnans edocetur, ut discurrenti, per singula patebit. Ipsa enim docet Deum religiosè colere, interiùs quidem fide, spe, & charitate; exterius autem per Sacramentorum cæremonias & ritus; per præceptorum & consiliorum observantiam: vivendi normam instituit egregiam, & primis naturalis rationis principiis admodum conformem; scil. nulli malum inferre, omnibus benefacere, venerari Deum, honorare parentes, assurgere & obsequi majoribus; in moribusque tantam exigit perfectionem, ut non modò malum esse, sed etiam à malo parum abfuisse cõmini tribuat, dum nos etiam à cogitationibus pravis, vel cujusvis mali appetitione coërcet. Et quod summum in ea est pro inimicis orare docet; persequentes, non gladio sed obsequio, & ancòre flectere.



*Art. IX. An script. deb. uti metaph. Cap. I. 233*  
fletere. Vnde Tertullianus in apolog. cap. 31.  
& 32. *Inspice*, ait, *Dei voces, litteras nostras,*  
*quas neque ipsi suppressimus, & plerique easus*  
*ad extraneos transferunt: scito ex illis praeceptum*  
*nobis esse ad redundantiam benignitatis Dei,*  
*etiam pro inimicis orare, &c.* Videndus de hac re  
D. Gregorius Nazianz. orat. 3. quæ est in Iu-  
lianum.

E contra verò Gentilium Theologia atque 8.  
doctrina multa de Deorum natura refert &  
edocet, quæ Deitati tribuere piaculum ingens  
est; ut ortum & genituram, corporeitatem,  
imprudenciam, rerum ignorantiam, stupra,  
adulteria, cædes, & denique tam corruptos  
mores, ut in perditum quemque hominem eos  
cædere turpissimum fuerit. Multitudinem Deo-  
rum prope infinitam comminiscitur, advehit  
superstitiones ad eorum cultum innumeras, &  
plerumque foedissimas, quæ probi cujusvis ho-  
minis aspectui possint horrore esse; ut cæteras  
superstitiosæ ac vanæ eorum Theologiæ, Theo-  
logorumque absurditates præteream. Quapro-  
pter idem S. Greg. *ibidem*, ita in Iulianum in-  
vehitur; *Quid postea? Præbebis ipsis, scil. di-*  
*vinorum, ut ipsi dicere soletis, oraculorum inter-*  
*pretes; ac libros tum theologicos, tum morales*  
*evolves, & explicabis. Quosnam tandem hos, dic*  
*quæso, & quorum? præclarum erit Hesiodi Theo-*  
*goniam ipsis accini, & bella illic descripta, &*  
*tumultus, Titanes, Gigantes, nominibus simul*  
*ac rebus horrendos. Proferentur Cotus, Briareus,*  
*Giges, Enceladus, anguipedes vestri, Diique*  
*fulmen gestantes, & insula in eos injecta, qua te-*  
*la simul & sepulchra illis ad prælum occurrenti-*  
*bus extiterunt; tum acerbi atque immanes eorum*  
*factus*

234 *Quæst. I. De Sacra Doctrina,*  
*fatus ac Soboles, Hydra, Chimera, Cerberi,*  
*Gorgones, omnis denique mali colluvies. Hac sint*  
*egregia illa, qua auditoribus ex Hesiodo proponen-*  
*tur, &c. vide plurima ibi.*

9. Quod si dicatur hoc egisse fabulosam Theologiam, quæ multa de Diis finxit; certè arguuntur Gentiles, quod imposita hominibus crimina, legibus ac suppliciis mulctarint; calumnias autem Deorum suorum, & criminationes Poëtis permiserint. Meritòque arguendi, immo irridendi veniunt, quod fabulosa, & commentitiæ pro veris habuerint, & templo invexerint. *Et quidem* (ait idem Gregorius ibidem) *si hac vera sunt, non erubescant illi, sed potius gloriantur, aut ea turpitudine carere probent. Quid enim necesse est eos ad fabulam, tanquam ad turpitudinis integumentum perfergere? Neque enim præsidentium, sed metuentium, ac terga vertentium est fabula. Si autem falsa, primum nudos theologos nobis ostendant, ut cum his disputationem ineamus. Deinde dicant, an non stultum sit, quibus ut fidei & fabulis erubescunt, iisdem ut firmis se se jactare; & qua multitudini obscura, atque incognita esse potuissent (non enim omnium est eruditio) hac, tum per fragmenta, tum per figuras, ob omnium oculos ponere; quodque gravissimum est, non sine maximè pecuniarum detrimento, in templis, aris, statuis, donariis, ac sumptuosissimis sacrificiis; cumque citra rei familiaris dispendium, pietatem colere liceat, impium esse malle cum detrimento. Quod si hac quidem Poëtarum fragmenta, & nugæ esse dicent, duo hæc, hoc est carmen & fabulam, ad conciliandam poësi jucunditatem adhibentium, iisque aurem velut delinientium, cæterum altiore, & abstrusiore*  
in

*Art. IX. An script. deb. uti metaph. Cap. I. 235*  
in eis sensum reconditum esse, atque ejusmodi, ut  
sapientiorum pauci ad eum penetrare possint; vi-  
dete quam simpliciter, & aequè de his rebus dis-  
seram. Primum, cur eos qui contumelias inferunt,  
laudent, divinisque penè honoribus afficiunt, qui-  
bus impietatis pœnam non persolvere, satis am-  
plum lucrum erat? Nam cum eos, qui unumquem-  
piam Deorum privatim etiam ac levi maledicto  
affecerunt, capitalis pœna legibus constituta sit,  
quas tandem eos pendere oportebat, qui in om-  
nes simul, & publice, & ob fœdissima flagitia poësis  
sua aculeos strinxerunt, atque hanc comœdiam po-  
steris in longum tempus tradiderunt? &c.

Secundò, quantum ad rerum ordinem elo-  
cutionemque spectat tam admirabili rerum ac  
verborum contextu & serie conscripta est, tan-  
ta sensuum copiâ referta, ut in singulis verbis  
multiplices intelligentiæ lateant; & nunquam  
sic diffusè, atque dilucidè exponitur, quin plu-  
ra exponenda remaneant. Et licet in ea sublimia  
quæque, ac divinißima tradantur, tamen om-  
nibus accessibilis est. Quod egregiè observavit  
D. Gregorius in *Iob. cap. 4.* dicens; *Habet in*  
*publico, unde parvulos nutriet; servat in secreto,*  
*unde mentes sublimium admiratione suspendat;*  
*quasi quidam fluvius planus & altus, in quo &*  
*agnus ambulet, & elephas nater.* E contra ve-  
rò humana sapientia, & Gentilium doctrinæ,  
teste D. Isidoro lib. 3. de summo bono cap. 19.  
exterius verborum eloquentiâ nitent, interius va-  
cua virtutis sapientiâ manent. Et si quæ sublimia  
tradunt, tot subtilitatibus replent, & verbo-  
rum involucris tegunt, ut videantur potius ea  
velle ignorari, quam doceri, propriam glo-  
riam, & non commune audientium commodum  
spectantes.

Tertiò, accedit eximia doctrinæ & præceptorum consonantia, eò mirabilior, quod licet diversis temporibus, & à diversis admodum personis conscripta sint, tamen ubique consonant. Quod D. Iustinus martyr adnotavit. Ex quibus vera horum traditio apparet: Namque, ut ait Lactantius lib. 5. cap. 5. *Quærat undique, & sibi tota consentit, & ideo persuadet, quia constanti ratione suffulta est.* E contra verò in doctrinis humanitùs adinventis multa dissonantia est, etiam iis in rebus, quæ rerum principia, & Deorum naturam concernunt, felicitatemque, & summum bonum spectant. Vnde Tertullianus, lib. de anima cap. 2. *Plus diversitatis, inquit, reperies inter Philosophos, quam Societatis, cum & in ipsa societate diversitas deprehendatur.* Cujus rationem assignant D. Augustinus lib. 18. de civit. Dei cap. 41. & D. Theodoretus lib. 2. de princip. dicens: *Proprias sibi vias fecerunt, tum vero & innumeras excogitarunt; multisque sunt enim mendacij, falsitatisque semita.* Profectò non modicum sacræ doctrinæ veritati attestatur, & favet tanta eorum in sententiis discordia; Nam ut scripsit Hilarius lib. 7. de Trinit. *Dum sibi adversantur, affirmant.* Et S. Vigilius m. lib. 2. contra Entychetem ait, quod *dum eosdem contrarios invenimus, eorum error veritati testimonium dicit.*

12.

Quartò accedit Prædicatorum, & Scribentium qualitas, nempe quòd divina homines, excelsa viles, infacundi subtilia nonnisi spiritu divino repleti tradere potuerunt. Nec in eis mendacij, deceptionis, aut malitiæ suspicio locum habere potest. Nec enim si fuissent mali, tam seriò virtutes commendassent, vitia

cx

exprobaſſent; illas præcipiendo, iſta prohibendo; aut commenta ſua Deo tribuere potuiſſent, qui tam ſtrenuum, & acre bellum mendacio inferebant, etiam in ſeiſiſ vitia condemnando. *Neque propter invidiam*, ait Chryſoſtomus homil. 37. in Genef. *juſtorum virtutes præterit, neque propter gratiam peccatum adumbrat*, videlicet ſcriptura. Quibus adde ſanam eorum in his agendis intentionem: *Non enim*, ait Lactantius lib. 5. cap. 3. *quaſtus & commodi gratiâ religionem commenti ſunt*, quippe qui & præceptis, & reiſſa eam vitam ſecuti ſunt, qua & voluptatibus caret, & omnia qua habentur in bonis ſpernit; & qui non tantum mortem pro fide ſubierint; ſed etiam morituros ſe eſſe, & ſciverint, & prædixerint, & poſtea univerſos qui eorum doctrinam ſecuturi eſſent, acerba & nefanda paſſuros. E contra verò Philoſophi & mundi ſapientes nonniſi gloriam & commodum in ſuis doctrinis aucupati ſunt, & in ferendis de religione legibus, quæ ſenſum mulcere ſolent, ut plurimum ſunt polliciti: nullatenus autem, quæ ſenſui & voluptati omnino adverſarentur.

Quintò accedit eorum prædicationis virtus, 13.  
quæ gentes innumeras, & tot homines efferatos, voluptati deditos, abhorrentes ab iis quæ dicebantur, ad religionem Chriſtianam amplectendam, relictis patriis legibus, convertit; & in ſui admirationem pertraxit; itaut ſapientes multi relictâ ſæculari ſapientia, prædicationis fidei Chriſtianæ ſimplicitati acquieſcerent, religionis noſtræ jugo colla ſubdentes. Nulla ſapientia, ſeu doctrina, tam acriter impugnata per criminationes & calumnias, per comminationes

238 *Quest. I. De Sacra Doctrina* ;  
 tiones & terrores , perque Principum edicta ,  
 proscriptiones , & supplicia horrenda , per sa-  
 pientum doctrinam , & Philosophorum falla-  
 cias , cum ipsa tamen de omnibus victrix eva-  
 ferit , persecutionum impetu robur & augmen-  
 tum suscipiens , quod de nulla doctrina Philo-  
 sophorum , aut sapientia humana legitur. Hoc  
 annotarunt inter alios Origenes lib. 4. Periar.  
 & D. Clemens Alexandrinus lib. 5. & 6. Strom.  
 dicens : *Si quis magistratus prohibuerit ( scil.  
 Philosophiam ) ea statim gerit. Nostram autem  
 doctrinam à prima usque predicatione prohibent  
 simul Reges & Tyranni, & singuli Duces, & Ma-  
 gistratus cum universis satellitibus, & innume-  
 rabilibus etiam hominibus in nos belligerantibus,  
 & nos pro viribus excedere conantibus : illa au-  
 tem magis etiam floret. Non enim emoritur ut do-  
 ctrina humana , neque flaccescat ut donum imbe-  
 cillum.*

14. Sextò accedit utilitas consequentium , &  
 exitus eorum , quæ per acceptiones , & figuras ,  
 & prædictionem prædicta sunt. Nam per scri-  
 pturas idololatria prostrata , oracula deleta ,  
 superstitiones abolitæ, Græcorum sapientia con-  
 fusa , Synagoga redarguta , hæreses jugulatæ ,  
 omnis intellectus in captivitatem redactus in  
 obsequium Christi. Videndus de hac re D. Chry-  
 sostomus *orat. 2. adversus Indæos*. Sed profectò  
 majus his testimonium nobis præbet eventus  
 eorum quæ multò antea fuerant in scripturis  
 prophetata. Nam ut perbellè Tertullianus in  
 Apolog. cap. 20. ait : *Idoneum opinor testimonium  
 divinitatis, veritas divinationis*. Et de Moyse  
 scriptore sacro loquens lib. de anima cap. 28.  
 fatis , ait , *probavit divinitatem operis ex divi-  
 natione*

*Art. IX. An script. deb. uti metaph. Cap. I. 239*  
*natione vocis.* Cum igitur in sacra scriptura tales profectò prædictiones habeantur, quæ postmodum impletæ sunt, non alius hujus scripturæ author quam Deus existimandus est. Quod autem res ita se habeat, patet ex mutua collatione hujusmodi prædictionum cum eventibus; de quibus D. Augustinus lib. 13. contra Faustum ita scribit; *Si aliquis Gentilis testimoniis Prophetarum de persecutione Regum, & populorum, de fide regum & populorum, de abolitione idolorum, de cecitate Iudeorum, de probatione Codicum ab ipsis custoditorum, de amentia hæreticorum, de excellentia Sanctæ Ecclesiæ verorum & germanorum Christianorum ante prædicta, & nunc impleta conspiceret, quid inveniret fide dignius, quam illos Prophetas, quibus de divinitate Christi eligeret credere? Etenim si antequam ista fierent, ingererem gentili Prophetas hebraeos, quibus ea futura crederet, quæ facta nondum videret; meritò fortasse diceret; quid mihi est cum istis Prophetis, quos unde veraces probem non mihi ostenditur? Cum verò tam magna & tam multa, quæ dixerunt, jam ad effectum, manifestationemque perducta, planè ille, si perversus esse noller, nec ista nullo modo contemneret, quæ tanto ante, & tanto apparatu prævidendo & prænunciando commendari meruerunt, nec illos, à quibus prævideri, & prænunciari potuerunt.*

Quod si dicatur, Christianos hanc scripturam composuisse, postquam ista per mundum fieri cœperunt, ut ante divinitus prædicta putarentur; Contra, quia hi libri non à Christianis suppositi, sed ab ipsamet Synagoga producti; *Per eorum quippe Codices* (ait Augustinus lib. 15. de Civit. & in Psal. 88.) *probamus*  
*non*

non à nobis tanquam de rerum eventu commonitis ista esse conscripta; sed olim in illo regno pradicta, atque servata; nunc autem manifestata & impleta.

16. Ultimo accedunt miracula jugiter facta, donec susciperetur à gentilibus, ac etiam postquam suscepta est. Ex innumeris unum, vel alterum referemus. Theopompus quidam græca oratione scripturæ aliquot locos ornare volens, cerebri agitatione tandiu percutitur, donec cessavit ab opere. Theodorus etiam Theodastæ comædiarum scriptor quædam scripturæ verba ad fabulas convertere studens cæcitate punitur, ut refert Iosephus *lib. 12. de antiquit. cap. 2.* Tempore persecutionis Vandalicæ igni traditi sacri codices incolumes servati sunt, subito demissa è cælo sereno pluvia, quæ ignem extinxit.

17. Secundò prob. sacra scriptura ab aliquo esse debet; sed non ab inventionione humana, vel rationis investigatione: ergo est à Deo inspirata & revelata. Prob. min. cum verba sint signa conceptuum, illi duntaxat principaliter tribuenda est impositio, seu prolatio verborum tales res, seu mysteria significantium, quæ nonnisi ab illo solo primò concipi, aut apprehendi potuerunt; sed res seu mysteria per scripturam sacram revelata, talia sunt, quæ primùm ac principaliter nonnisi à Deo cognosci potuerunt, ut constat de mysteriis incarnationis, passionis, resurrectionis & sepulchro, ascensionis in cælum &c. & Trinitatis personarum in unitate essentiæ: ergo sacra scriptura nonnisi à Deo, tanquam à causa principali esse potest. Hanc rationem insinuat D. Clemens Alex. *lib. 6. Strom. cap. 6.* dicens; *Quoniam ex Apostoli sententia Spiritus*



*Art. IX. An script. deb. uti metaph. Cap. I. 241*  
*Spiritus scrutatur profunda Dei; animalis autem*  
*homo non capit quæ sunt Spiritus; sola ergo est à*  
*Deo tradita, quæ apud nos est doctrina.*

Ex his colliges contra Novatores non suffi-  
cere privatum Spiritum internum, ut sit canon  
& regula divinæ veritatis agnoscendæ; sed  
exigi sacram scripturam. Quia de regulæ ratio-  
ne est, ut sit nota ac certa, infallibilis, at-  
que indubitata; sed privatus Spiritus internus  
non potest pro certo & indubitato à nobis ha-  
beri; igitur non sufficit, ut sit Canon & re-  
gula divinæ veritatis. Prob. minor quia ille  
internus Spiritus pro certo & infallibili haberi  
& agnosci deberet, vel quia ipsi, qui eo illustra-  
ti sunt, id dicunt; vel quia ex circumstantiis ex-  
terioribus ejus certitudo & infallibilitas appa-  
ret? Non primum; cum experimento constet  
multos, etiam perditissimos homines, & mulier-  
culas jactare se de recepto interno illo Spiritu,  
quibus nulla fides à cordatis viris habenda est.  
Quod si ex exterioribus id judicandum veniat,  
miracula requiruntur in confirmationem (quæ  
ut plurimum nulla sunt) consensus gentium, &  
aliæ probationes adductæ, quæ scripturam sa-  
cram verè Dei verbum esse ostendunt.

18.

### §. III.

*Solvuntur contrariorum argumenta.*

**A**Rg. 1. Multa in sacra scriptura referuntur,  
quæ apud Sapientes pro fabulis habentur;  
v. g. quod Serpens in Paradiso mulierem sit al-  
locutus; quod genus humanum diluvij aquis  
deperierit; & quod mundus iste sit conflagra-  
tioni tradendus (hæc enim omnia à Poëtarum

19.

*Tim. I.*

Q

242 *Quaest. I. De Sacra Doctrina,*  
 fabulis mutuata videntur. ) Insuper quod legi-  
 tur de viribus Sampsonis *Judic. cap. 14. & 15.* &  
 quæ de Davide 1. *Reg. cap. 17.* quod nimirum  
 Leones discerpebat & ursos, & alia hujus ge-  
 neris plurima apud Origenem *lib. 1. & 4. contra*  
*Celsum.* Præterea in sacra scriptura plurima nar-  
 rantur humilia, & historiarum monumentis in-  
 digna; v. g. quod canis peregrinantem Tobiam  
 sequebatur. Quod Paulus esset sollicitus, ut sibi  
 penula Troade apud Carpum relicta mitteretur.  
 Tandem referuntur vitiorum exempla, & perdi-  
 torum hominum corrupti mores, quæ legentium  
 candorem legere possunt. Sed scriptura quæ hæc  
 omnia continet, indigna est quæ pro Verbo Dei  
 habeatur: ergo sacra scriptura non est verè Ver-  
 bum Dei.

20. Resp. supponendo Moysen, & Prophetas  
 cæteris scriptoribus antiquiores multò esse.  
 Quapropter Gentiles Philosophi, ac Poëtæ  
 multa ab eis suffurati sunt, & ad fabulas con-  
 verterunt, hoc agente Dæmone ut sacræ scri-  
 pturæ veritatem in mendacium traduceret vel  
 eam infirmaret. Vnde Tertullianus in apolog.  
*Omnia, inquit, adversus veritatem constructa sunt*  
*operantibus amulationem istam spiritibus erroris.*  
*Ab iis adulteria hujusmodi salutaris disciplina*  
*suborta, ab his quadam fabula immissa, qua diffi-*  
*mitudine fidem infirmarent veritatis; vel etiamsi*  
*possent, evincerent, ut quis ideo non putet Chri-*  
*stianis credendum, quia nec poëtis, nec philoso-*  
*phis. Vel ideo magis poëtis ac Philosophis existi-*  
*met credendum, quia non Christianis. Itaque &*  
*ridemur Deum prædicantes judicaturum; sic enim*  
*& poëta & philosophi tribunal apud inferos po-*  
*nunt. Si gehennam comminemur, quæ est ignis*  
*arcani*

*Art. IX. An script. deb. uti metaph. Cap. I. 243*  
 arcani subterraneus ad panam thesaurus, proinde  
 decacchinamur; sic enim & Pyriplegeton apud  
 mortuos amnis est. Et si paradisum nominemus  
 locum divina amœnitatis: Elysi campi fidem occu-  
 parunt. Unde hac, oro vos, philosophis aut pœtis  
 tanquam similia? Nonnisi de nostris Sacramentis,  
 ut de prioribus: ergo fideliora sunt nostra, magis-  
 que credenda, quorum imagines quoque fidem in-  
 veniunt, si de suis sensibus, jam ergo Sacramenta  
 nostra imagines posteriorum habebuntur, quod re-  
 rum forma non sustinet, nunquam enim corpus  
 umbra, aut veritatem imago procedit. Videndi  
 etiam de hoc argumento Clemens Alex. lib. 6.  
 Strom. Eusebius. Cæsar lib. 10. de præp. evang.  
 cap. 1. Cyrillus lib. 1. cont. Iulianum. & Origenes  
 lib. 1. cont. Celsum.

Unde ad illud de serpente, quod fuit olim 21.  
 Iuliani apostatæ objectio, dicendum cum S.  
 Cyrillo lib. 3. contra Iul. quod nullum absurdum  
 sit dicere, quod illud animal naturâ serpens  
 fuerit sermonis expers, induerit verò personam  
 ejus malorum author Sathan homines immor-  
 talitate concessa depredari volens. Nam & in  
 obsessis à Dæmone experimur, quod per eo-  
 rum ora multa proferat, & loquatur, quæ ca-  
 ptum & scientiam obsessorum longè, latèque  
 exuperant, utpote cum mulier ignara latinè aut  
 hebraicè loquitur, quæ idiomatica sunt ei omni-  
 no peregrina; aut cordis secreta detegit, de  
 quæstionibusque theologicis disputat. Neque  
 aliquid fabulosum asseritur, cum refertur di-  
 luvio genus humanum pene extinctum fuisse,  
 & in extremis temporibus mundum igne con-  
 flagrandum. Cum enim optimum deceat judi-  
 cem ac principem (qualis est Deus qui mun-

dum ipsum ex nihilo condidit, & generi humano originem dedit) & malis pro delictorum mensura pœnas infligere, & benemeritis præmia largiri; quomodo historia sacra, quæ, cum diluvium refert, narrat & causam, quia nimirum omnis caro corruerat viam suam, omnesque sensus humani erant ad malum intenti, apud cordatos viros ac prudentes, pro fabula haberi potest. Idem dic de conflagratione mundi.

Quod verò de viribus Sampsonis & Davidis refertur, si naturaliter id factum esset, dubitandi aliquis superesset locus; sed cum scriptura ipsa divini Spiritus virtuti hoc facinus perpetratum esse narret, nihil mirum. Illa autem minima, & quæ tantæ scripturæ monumentis indigna videntur, idcirco narrantur; ut per ea ad aliquid in Deo commendandum veniamus; vel ut aliquid nobis occultum & mysticum innotescat, atque detegatur. Itaque canis Tobiam comitans Dei providentiam commendat, & Angelorum specialem custodiam erga justos, quibus vel minima propter meritum eorum incolumia servantur. Fit etiam mentio de penula non sine causa. Nam si per penulam intelligatur legis volumen cum D. Hieronymo, ostenditur quantæ curæ Apostolo fuerit, & nobis esse debeat hujusmodi legis volumen, quippe quod sacra religionis nostræ mysteria continens. Si autem intelligatur sacerdotale quoddam indumentum, ut vult Baronius *tomo 1. anno Christi 58. num. 69.* hoc non erat contra apostolicum officium curam de eo recuperando habere. Tandem si per penulam intelligendum veniat commune pallium ad pluvias arcendas, ut

*Art. IX. An script. deb. uti metaph. Cap. I. 245*  
ut D. Chrysostomo & multis aliis placet, admonemur quod dum prædicationi vacamus, non propterea inhibemur necessitatibus humanæ vitæ providere, quantum fragilitas humana exigit, & patitur honestas, officiique debitum.

Ad ultimum resp. cum D. Augustino *lib. 22. 23.*  
*contra Faustum cap. 60. & 61.* recenseri sanctorum virorum peccata, ut cum vident homines Deum nec suis amicis pepercisse, aut eorum lapsus dissimulasse, quin potius eos acerbissimis multasse pœnis, divinam timeant ultionem; & dum naturæ infirmitatem in eorum casibus agnoscunt, qui maximè stabiles videbantur, de suis viribus non confidant, sed de Dei adiutorio. Et dum cernunt Dominum eis tam facile veniam indulgisse, de divina misericordia sperantes, à peccato resurgant, dignosque pœnitentiæ faciant fructus. Tandem ut deprehendatur, quam verax & fidelis est ea scriptura, quæ hujusmodi virorum, quorum nobis facta in exemplum vitæ dantur, pari tenore peccata, & egregia facinora refert.

Arg. 2. Si sacra scriptura pro vero Dei verbo *24.*  
habenda esset, maximè quia scriptores illius divino afflati spiritu eam conscripserunt; sed hæc ratio est nulla; igitur sacra scriptura non est habenda pro vero Dei verbo. Prob. minor primò; nam Sybillæ multa Christi mysteria divinitus afflatæ prænunciarunt; & tamen earum oracula, seu prophetiæ pro scripturis canonicis non habentur. Prob. 2. nam D. Paulus *ad Titum* 1. poëtam Epimenidem vocat prophetam, inquit; *Dixit quidam ex illis proprius ipsorum propheta; Cretenses semper mendaces, mala*

246 *Quaest. I. de Sacra Doctrina,*  
*bestia, ventres pigri: ergo etiam scripta ipsius*  
*pro scriptura canonica habenda forent.*

25. Resp. Sybillas quidem divino afflatas spiritu  
prophetaſſe, ut cum D. Hieronymo, S. Cle-  
mente Alexandrino *lib. 1. ſtrem.* atque D. Augu-  
ſtino *lib. 22. de Civit. Dei* docet D. Thomas 2. 2.  
*quaest. 2. art. 7.* Eorum tamen oracula per Eccle-  
ſiam Catholicam, ad cujus pertinet iudicium  
referre libros in Canonem, non ſunt in Cano-  
ne appoſita; tum quia apud Gentiles ſcripſe-  
runt; tum quia in multis depravata ſunt. Ex  
Epimenide teſtimonium adduxit Apoſtolus,  
quia veritati divinæ conſonabat, & ut confuta-  
ret gentiles illius auctoritate; quia apud eos  
propheta habebatur, non tamen quod verè pro-  
pheta eſſet, nec talem nuncupat Apoſtolus; ſed  
eo pacto eum prophetam vocat, quo alibi ſcri-  
ptura ſacra falſos nominat prophetas. Videndus  
D. Thomas *ibidem lect. 3.*

26. Arg. 3. multa inter ſe pugnancia, & discre-  
pantia paſſim in ſacra ſcriptura leguntur: ergo  
Deus non eſt author illius. Prob. antec. nam  
*Genes. 4.* dicitur de Enos quod, *Iſte cepit invocare*  
*nomen Dei;* & tamen de Abel eadem ſcriptura  
narrat, quod immolavit Domino, & quod ad  
Sacrificium ipſius Dominus reſpexit, quæ im-  
molatio abſque invocatione non fuit. Item *lib. 4.*  
*Regum cap. 24.* refertur quod *decem & octo an-*  
*noram erat Ioachim, cum regnare cepiſſet.* &  
*lib. 2. Paralipom. cap. 36.* dicitur quod; *Octo*  
*annorum erat Ioachim cum regnare cepiſſet.* Tan-  
dem *Matthai cap. 1.* recenſentur in Chriſti ge-  
nealogia ter quatuordecim generationes, quæ  
efficiunt numerum 42. & tamen, ſi recenſean-  
tur ſigillatim, ad 40. duntaxat perveniunt, &  
ad

*Art. IX. An script. deb. uti metaph. Cap. I. 247*  
ad personas 41. Sed scriptura quæ continet repugnantia, & inter se discrepantia non potest pro vero Dei verbo haberi: ergo sacra scriptura non est verè verbum Dei.

Resp. neg. maj. ad primam probationem dicitur, quod Enos fertur primus invocasse nomen Domini, cultu nimirum & ritu publico, solemnibusque cæremoniis, quod antea peractum non erat. Ad 2. de Ioachim, missis aliis solutionibus dicimus, quod licet octodecim annos natus regnare cœperit, in regni tamen sui principio ita erat morum integritate, & innocentia præstans, ut octo annorum ætatem præferre videretur. Vnde & in hoc sensu etiam de Saul dictum est lib. 1. Reg. c. 13. *Filius unius anni erat Saul, cum regnare cœpisset*, nimirum propter innocentiam morum & vitæ.

Ad tertiam dicimus, quod illæ tres quatuordecim generationes integræ reperiuntur apud Matthæum, non quidem numerando personas sed generationes, itaut quando dicitur, *ab Araham usque ad David generationes quatuordecim*, intelligendum sit, ab Abraham usque ad David generantem, id est, usque ad generationem Salomonis, includendo in qualibet quatuordecimæ primam & ultimum cuiusvis generationis. Vnde in duabus quatuordecimis prioribus ultima generatio bis repeti debet. Quo pacto quadraginta duæ generationes consurgunt. Cur autem in sacra scriptura huiusmodi apparentes contradictiones inveniantur, Origenes lib. 4. *Periarch. c. 2.* observat dicens; *Ista de causa procuravit divina sapientia offendicula quadam, vel intercedines fieri historiales, impossibilia quadam vel inconvenientia per medium inserendo ut interruptio*

248 *Quest. I. De Sacra Doctrina,*  
*ipsa narrationis, velut obicibus quibusdam legenti*  
*resistat objectis, quibus intelligentia hujus vulgaris*  
*iter ac transitum neget; & exclusos nos revocet ad*  
*alterius initium via; ut ita celsioris cujusdam, &*  
*eminentioris tramitis per angusti callis ingressum*  
*immensam divina scientia latitudinem pandat.*

29. Arg. ultimò ex illo Apostoli 2. Corinth. 3. *lite-*  
*ra occidit, Spiritus autem vivificat.* Vbi est sermo  
de veteri lege, quæ ex D. Thoma *ibid.* dicitur te-  
stamentum literæ, ut distinguatur à nova lege,  
quæ non est testamentum literæ, seu literis inci-  
sum, sicut lex vetus, quæ in lapideis tabulis  
digito Dei scripta dicitur; sed in cordibus car-  
neis per Spiritum Sanctum, qui vivificat: sed scri-  
ptura seu litera occidens non est Verbum Dei,  
quod debet esse sanctum, justum, & vivificans;  
igitur sacra scriptura, saltem ea quæ vetus testa-  
mentum dicitur, non est verè verbum Dei.

30. Resp. ab Apostolo legem veterem (scil. absque  
gratia, quæ in nova lege per Christum conferen-  
da erat) literam occidentem, nimirum occasio-  
naliter, dici: tum quia cum absque gratia im-  
pleri non possit, eum cui datur, quodammodo  
prævaricatorem facit. *Lex*, inquit Apostolus  
Rom. 4. *iam operatur: ubi non est lex, neque præva-*  
*ricatio.* Tum etiam quia ipsa prohibitione concu-  
piscenciam auget. Etenim, ut ille ait: *Nitimur in*  
*vetitum, cupimusque negata.* Nec tamen infertur,  
quod lex illa non fuerit sancta, & justa; sed quod  
non fuit perfecta. Non enim vivificare poterat,  
nisi per gratiam mediatoris, quæ in nova lege  
promittebatur, unde hæc dicitur lex gratiæ. Hoc  
autem à Domino factum fuit, ut homines im-  
becillitatem suam agnoscences, per hujusmodi  
legem instruerentur ad quærendum mediato-  
rem,



*Art. IX. An script. deb. uti met. Cap. II. 249*  
rem, & desiderandum ipsum, per quem salutem  
perfectam consequi poterant. D. Thom. *ibid.*

## C A P V T II.

*Vtrum scriptura sacra quoad omnia, &  
singula ipsius verba sit à Deo revelata.*

**O**missis Libertinorum deliriis, de quibus  
*cap. precedenti*, Erasmus in *cap. 2. Matthai*,  
& alibi asseruit, multa parvi momenti in sacra  
scriptura referri, quæ indigna sunt, ut dicantur  
à Domino dictata, sed hoc profectò temerè di-  
ctum est, nam ut D. Hieronimus *cap. 2. ad Ephe-*  
*sios ait; Singuli sermones, Syllaba, apices, pun-*  
*cta in divinis scripturis plena sunt sensibus; Et D.*  
*Chrysostomus hom. 21. in Genesim, In Syllaba,*  
*inquit, vel apiculo grandis thesaurus invenitur;*  
*quandoquidem divino afflati Spiritu Propheta lo-*  
*quuti sunt, ideo ut à Spiritu Sancto scripta ingentē*  
*in se contineat thesaurum;* igitur nihil in sacra scri-  
ptura scriptum reperitur, quod non sit plenum  
sensibus, & ingentem continens thesaurum.

Non defuerunt etiam alij, qui in dubium re-  
vocarunt, an Deus Prophetis tantum significet,  
id quod dicturi sunt, ipsi verò postea explicent  
iis, quibus voluerint verbis, & sententiis.  
Inter Catholicos etiam dissidium est, utrum,  
ut scriptura sit sacra, & à Deo dictata, neces-  
sarium sit, ut specialiter Deus infundat res, &  
verba; An verò sufficiat notitia scriptorum atque  
peritia rerum, & vorum, ut ex motione Dei,  
vel assistentia ad scribendum eleventur, & diri-  
gantur ne in scribendo errent, aut labantur.

Sciendum

31.

32.

33.

Sciendum est, quod scripturam sacram divinitus inspiratam esse multipliciter intelligi potest. Primò, ut res, & verba de novo infundantur, id est, ut res, quæ prius erant occultæ, intellectui prophetico referentur, seu manifestæ fiant, & verba de novo suggerantur, in illiusque phantasia species efformentur. Quo pacto contigit Moyse dum scripsit illud Gen. 1. *In principio creavit Deus cælum & terram*, ut sumitur ex D. Augustino *lib. 11. de Civit. Dei cap. 4.* Et communiter etiam accidit Prophetis, cum de futuris mysteriis prophetant. Secundò cum Deus res aliunde scriptori cognitæ, & verba etiam quæ erant ipsi nota, vult ut scribat, tamen ad has, & ad illas scribendas ejus intellectum applicat, & determinat. Quo pacto multa in actis Apostolorum scripsit D. Lucas, quæ ipse viderat, & hoc modo asserit D. Petrus *epist. 2. cap. 1.* quod Spiritu Sancto inspirati locuti sunt Sancti Dei. Tertiò modo ut inspiratio à Deo facta dicatur per solam ejus assistentiam, & per impulsus, quibus scriptori adest, ne in scribendo erret. Quartò, ut impulsus à principio fuerit ad applicandum animum scriptori perspecta habentis tum verba, cum res; in progressu autem solum fuerit assistentia adjuvandi, vel confortandi ne species rerum, vel verborum, temerè acciperentur aut conjungerentur.

34.

Quidam igitur asserunt ad rationem formalem sacrae scripturae necesse esse, ut semper verba, & res infundantur, ac subinde omnia in scripturis contenta usque ad minimum apicem immediata Dei revelatione dicta, & scripta fuisse, sed hoc stare non potest. Nam sicut in necessariis

*Art. IX. An script. deb. utimet. Cap. II. 251*  
necessariis Dei providentia non deest, ita neque  
in superfluis abundat; sed superfluum esset, cum  
res, & verba cognita sunt supernaturaliter eo-  
rum notitiam infundere: ergo cum semper in-  
fundantur.

Alij è contra opinantur satis esse ad rationem 35.  
formalem sacrae scripturae, ut sit ex directione,  
& assistentia divina; ac subinde aliqua in scri-  
ptura esse non immediatè à Deo suggesta, sed  
solum ipso dirigente, & assistente conscripta.  
Sed contra; quia nulla intercederet differentia  
inter sacram scripturam, & sacrorum Concilio-  
rum decreta; nam etiam in his formandis adsi-  
stit Spiritus Sanctus, & dirigit Patres, ne in re-  
bus fidei definiendis errent.

Alij dicunt Deum in principio incitasse scri- 36.  
ptorem canonicum ad scribendum, sed post  
motum reliquisse scriptori electionem, & de-  
terminationem in rebus sibi perspectis, adstir-  
se tamen illi, & eum gubernasse in toto operis  
curriculo ne erraret; sed hæc opinio refellitur  
eodem modo quo præcedens; nam totum hoc  
præstat in decretis formandis Conciliorum, &  
Pontificum, dum ex Cathedra loquuntur, & res  
fidei definiunt.

Prima conclusio; sacra scriptura, cum sit 37.  
divinitus inspirata, in omnibus, sive parvis si-  
ve magnis, divinam continet revelationem, &  
non ex hominum industria verba ejus sunt ada-  
ptata. Probari potest hæc conclusio ex innu-  
meris scripturae sacrae testimoniis, quorum  
unum, vel alterum duntaxat adducemus. Su-  
mitur hæc conclusio ex illo 2. Petri cap. 1. ubi  
dicitur; *Non enim voluntate humana allata est  
aliquando Prophetia; sed Spiritu Sancto inspirati  
locuti*

*locuti sunt Sancti Dei homines*, pro inspirati in græco legitur *πεπορευει*, id est, permoti, & impulsii. Et ita expressè asserunt Sancti Patres, imprimis D. Clemens Alexandrinus *lib. 2. stromat. in fine.* D. Augustinus *lib. 11. de Civitate Dei cap. 3.* Procopius in *Genesim*; D. Gregorius in *proæmio moralium*, ubi ait; *Ipsè, scilicet Deus, est qui scripsit, qui hac scribenda dictavit.* Iisdem verbis utitur Rabanus de *institut. Clericorum lib. 2. cap. 4.* D. Ambrosius super Lucam exponens illa verba; *Quoniam multi conati sunt*, ait; *sine conatu sunt donationes, & gratia Dei, qua ubi se infuderit, rigare consuevit, ut non egeat, sed redundet scriptoris ingenium; non conatus est Matthæus, non conatus est Marcus, non conatus est Ioannes, non conatus est Lucas, sed divino Spiritu ubertatem dictorum, rerumque omnium ministrante, sine ullo molimine cæpta compleverunt.*

38.

Prob. 1. quia si compositio verborum sacris scriptoribus reservata fuisset, magis historica diligentia, quam prophetica providentia in illis apparuisset. Secundò, quia Deus dicitur passim locutus per os Sanctorum, & Prophetarum, sed non nisi quia etiam verba quæque inspirat; igitur &c. Tertiò non propriè esset Deus, qui loqueretur in scripturis, nec per scriptores sacros satis mentem suam aperiret, sed alius qui suo nutu gestum, vel rem narrare sic voluit. Conf. nam si sacra scriptura quoad singula verba non esset à Deo revelata, nulla intercederet differentia inter sacrorum Conciliorum decreta, & sacram scripturam; sed hoc est falsum: ergo &c. sequela prob. Nam etiam Patres in Concilio generali legitimè congregato, vel  
Romanus

Romanus Pontifex ex Cathedra loquens, ad definiendum res fidei, impulsu Dei moventur, & humana diligentia supposita assistit Deus, ut nullus sit error in decretorum determinatione: ergo si quoad singula verba non sit, aut debeat esse sacra scriptura à Deo inspirata, & revelata, nulla erit differentia inter eam, & Conciliorum, aut summi Pontificis definitiones.

Dicendum secundò, quod quando scriptor res, & verba perspecta, & in promptu habet, præter impulsu primum & assistentiam Dei extrinsecam, requiritur motio Dei specialis, ac supernaturalis, quâ adest scriptori Canonico, moverque ut determinatè res istas per hæc verba describat; sententiam hanc proferat; his similitudinibus, & non illis rem significet. Sumitur ex D. Thoma 3. p. quæst. 60. art. 5. ubi ait *quod iudicio Spiritus Sancti determinatum est quibus verbis in certis sacra scriptura locis res spirituales significantur. In cæteris autem quæ sacri scriptores in promptu non habebant, non tantum sententia, sed verba ipsa sunt à Deo dictata.* Vnde utrumque complexus D. Gregorius in Prologo Moralium cap. 1. dixit: *Ille hæc scripsit, qui hæc scribenda dictavit. Ipse scripsit, qui etiam illius operis inspirator extitit, & per scriptoris vocem imitanda ad nos ejus facta transmisit.* 39.

§. I.

*Solvuntur argumenta.*

**A**rguitur 1. D. Paulus quædam scribit, quæ Deo, & non sibi tribuit, alia verò sibi, & non Deo: ergo sacra scriptura quoad omnia non 40.

254 *Quaest. 1. De Sacra Doctrina,*  
 non fuit à Deo inspirata. Prob. antecedens ex 1.  
 ad Corinth. cap. 7. ubi ait; *Præcipio non ego, sed*  
*Dominus.* Et iterum. *Cæteris ego dico, non Do-*  
*minus;* similiter Moyses: *Ego sum,* inquit, *tenui*  
*voce, & tarda lingua.* Et iterum, *Hæc dicit Do-*  
*minus, mitte populum ut me colat.*

41. Resp. ex dictis, omnia quidem quæ conti-  
 nentur in sacra scriptura esse à Deo inspirata,  
 sed non eodem modo & tenore; quandoquidem  
 Spiritus Sanctus aliquibus scriptoribus nedum  
 res, sed etiam verba suggerebat, quemadmo-  
 dum factum est in revelatione Mysteriorum su-  
 pernaturalium, & tunc specialiter dicitur Do-  
 minus loquutus, quodd scriptor res illas non  
 capiebat, nec apud se notas habebat. Quando-  
 que autem, res, & verba scriptori præsto erant,  
 directio autem, & divina motio cum determi-  
 natione ad significandum, quod Spiritus San-  
 ctus intendebat, à Deo erant, & tunc scriptor  
 dicitur loquutus, non dominus, licet Domino  
 dirigente, & specialiter movente scriptor lo-  
 queretur. Vnde Apostolus postquam dixit. *Ego*  
*dico non Dominus;* statim subdit; *Puto autem,*  
*quod & ego Spiritum Dei habeam,* ne quis puta-  
 ret ea, quæ dicebat quasi nomine proprio non  
 esse à Deo inspirata.

42. Arg. 2. Si omnia, & singula scripturæ verba  
 essent à Deo inspirata, idem omninò esset sty-  
 lus, & phrasis eadem Scriptorum Canonico-  
 rum, ut contingit in libris aliorum authorum,  
 puta Ciceronis, Platonis: sed omninò non est  
 idem sacrorum librorum stylus, nec eadem  
 phrasis: ergo sacra scriptura quoad omnia, quæ  
 in ea continentur, non est à Deo. Minor prob.  
 nam ut observat D. Hieronymus in prologo  
 super

*Art. IX. An script. deb. uti met. Cap. II. 255*  
super Eſaiam, & cap. 7. *Iſaias* urpote vir nobilis  
in ſermone diſertus, & urbana eloquentia appa-  
ret, non habens quidquam ruſticitatis in eloquio  
admixtum. *Ieremias* ruſticior videtur, quippe qui  
in viculo natus. *Amos* ſtylo, & phraſi utitur Pa-  
ſtorali. *D. Lucas* ſacularem redolet eloquentiam;  
& ſic de cæteris.

Reſp. Divinam ſapientiam, quæ diſponit om-  
nia ſuaviter juxta cujuſcunque ſcriptoris condi-  
tionem ſtylum, & phraſim attemperaffe. Vnde  
S. Auguſtinus in quaſtionibus ſuper *Genefim* 9. 40.  
ait, quod more humano in nobis Deus loqui-  
tur; hinc ſtyli, & Phraſis diverſitas, quem-  
admodum & diverſæ perſonarum conditiones.

Arg. 3. Quæ à Spiritu Sancto ſuggeruntur,  
vel dictantur, ſine diligentia ejus, qui loqui-  
tur, aut ſcribit, proferuntur, atque ſcribun-  
tur; ſed multi ſcriptores Canonici in ſcriben-  
dis ſuis libris laboraſſe feruntur, ut patet de  
D. Luca cap. 1. ubi poſtquam dixiſſet; *Quoniam*  
*multi conati ſunt?* Statim ſubjungit. *Viſum eſt,*  
*& mihi aſſecuto omnia à principio diligenter ex*  
*ordine tibi ſcribere,* & lib. 2. Machabæorum c. 2.  
author illius operis, ait, *Qui opus breviandi*  
*cauſam ſuſcepimus, non facilem laborem, immò*  
*negotium plenum vigiliarum aſſumpſimus.* Igitur  
non omnia, quæ in ſacris libris continentur,  
ſunt à Deo inſpirata.

Confirm. Si ſcriptores ſacri aſſerantur om-  
nium rerum infulam habuiſſe notitiam, neces-  
ſariò dicendum erit Scriptores omnes Canoni-  
cos Prophetiæ lumine fuiſſe illuſtratos, & pro  
Prophetis habendos; ſed hoc non, nam ſcri-  
ptores libri *Iudith*, *Eccleſiaſtici*, *Tobiæ*, &  
*Machabæorum* pro Prophetis non agnoſcun-  
tur:

43.

44.

45.

256 *Quaest. I. De Sacra Doctrina;*  
tur : ergo non omnis scriptura est à Deo in-  
spira-  
rata.

46. Resp. ad argumentum dist. min. si tam quoad verba quam internam directionem suggerantur, concedo ; si quoad motionem , & directionem tantum, nego ; Etenim esto directio , & interna motio sit à Deo , ratione cujus Scriptor deficere non potest, attamen quoad ordinationem verborum, & rerum potest labor accidere, & sic in locis allegatis evenit. Vnde S. Lucas dicitur affecutus, quod multi conati sunt, non tamen sine inspiratione , & motione divina id perfecit.

47. Resp. ad Conf. quod licet omnes Scriptores in scribendo motione divina & impulsu acti, & directi fuerint, non tamen simpliciter dicti sunt Prophetæ , quia egerunt de rebus perspectis, & visis ; non autem de absconditis mysteriis , aut futuris eventibus à quorum prænatione aliquis propriè , & simpliciter Prophetæ dicitur.

---

### CAP V T III.

*An Scriptores Sacri in Scribendo Spiritus Sancti instrumenta fuerint, & quomodo.*

48. **S** ACROS Scriptores fuisse in Scribenda canonica scriptura Sancti Spiritus instrumenta communiter docent Patres , & Theologi, D. Iustinus Martyr *oratione ad Gentes*. Origenes *præfatione in Levit.* Chrysost. *in Genesim hom.* 13. & 14. D. Ambros. *lib. 6. epistolarum epist.* 36. D. Greg. *præfat. in Iob.* ubi ad hoc propositum confirman



*Art. IX. An script. deb. uti met. Cap. III. 257*  
 confirmandum affert illud Psal. 44. *Lingua mea*  
*calamus scribæ velociter scribentis.* Quod igitur  
 in dubium vertitur est, an Canonici Bibliorum  
 Scriptores ita fuerint acti, & moti à Deo, ut  
 se in scribendo non agerent, sed merè agerentur,  
 seu spontaneè ducerentur. An verò ita noti fue-  
 rint, ut etiam se in scribendo agerent, & libe-  
 rè scripserint. Quidam, inter quos P. Valentia  
*lib. 8. analysis fidei c. 5.* asserunt quod spontaneè  
 tantum, & non liberè scripserunt. Oppositum  
 probabilius substinent alij Doctores.

Dico primò; Si consideretur mens Prophetæ 49.  
 quantum ad receptionem specierum tam mens  
 quam voluntas ejus quoad impulsu Spiritus  
 Sancti ad scribendum, fuerunt instrumenta mo-  
 ta, & non liberè agentia.

Prob. Hujusmodi specierum receptio, vel 50.  
 impulsus in eorum non erat potestate: ergo re-  
 spectu impulsus, vel receptionis non erant in-  
 strumenta se moventia, & agentia. Quapro-  
 pter à SS. PP. & Doctoribus communiter vo-  
 cantur Spiritus Sancti organa, tibiæ, vel ca-  
 nales, quia sicut organum accipiendo impul-  
 sum, & ventum non agit, neque mens, vel  
 voluntas Prophetæ in recipiendis speciebus,  
 & impulsu Spiritus Sancti non erat se mo-  
 vens, vel liberè agens. Vnde S. Thom. dicit  
 scriptores canonicos in Ezechiele, & Apoca-  
 lypsi dici animalia, quia potius aguntur, quam  
 agant ex vehementi irradiatione divina.

Dico secundo: Si considerentur Scripturæ 51.  
 quoad judicium, & usum specierum à Deo im-  
 missarum mentibus Prophetarum, vel scripto-  
 rum in eis fuit libertas.

Prob. quia ut notat D. Epiphanius *adversus* 52.

*Tom. I.*

R

258 *Quest. I. De Sacra Doctrina,*  
*Catafriges*, una ex notis ad discernendum veros  
 Prophetas à falsis, hæc est, quod falsi per de-  
 mentiam consternati non consentanea sibi ver-  
 ba loquuntur, sed sunt in extasi veluti mortui,  
 ut pote diaboli instrumenta per eos deceptio-  
 nem operantis; Veri autem Prophetæ fuerunt  
 in veraci spiritu, atque sibi constanter prophe-  
 tantes, & non fuerunt in extasi cogitationum,  
 & rationis; nam firma cogitatione, & consen-  
 tanea mente constabant. Sed qui in operando,  
 à firmitate mentis, & rationis non cadit, sed  
 sibi constat, liberè operatur, & non purè spon-  
 tanè: ergo quoad usum, & iudiciam non fue-  
 runt instrumenta purè mota.

53. Conf. congruum fuit, ut sacri scriptores à  
 terreno, & humano sensu nos erigentes usque  
 ad ea verba descenderent quibus humana uti-  
 tur consuetudo: ergo etiam congruum fuit ut  
 homines, quibus tanquam instrumentis in illis  
 conscribendis Deus utebatur, humano modo,  
 id est liberè agerent in scribendo, & non ut  
 instrumenta purè mota, vel spontaneè tan-  
 tum.

54. Arguitur primò: Instrumentum animatum  
 ad operandum indiget habitu, non autem in-  
 animatum, ut docet D. Thom. *de verit. q. 29.*  
*art. 1. ad 9.* sed mens Scriptorum canonicorum  
 non fuit ad scribendum aliquo habitu perfecta:  
 ergo non fuerunt animata instrumenta Spiritus  
 Sancti.

55. Conf. in Instrumento animato requiritur in-  
 tentio ad effectum, secus autem in instrumen-  
 to non animato, ut sumitur ex D. Th. 3. *p. 9. 64.*  
*art. 8. ad 1.* sed semper Scriptores Sacri non in-  
 tenderunt ea, ad quæ scribenda Spiritus Sanctus  
 eos

*Art. IX. An script. deb. uti met. Cap. III. 259*  
eos impellebat: ergo non fuerunt instrumenta  
animata, & se moventia, aut liberè agentia.

Resp. ad argumentum dist. min. mens Scri- 56.  
ptorum canonicorum non fuit perfectà habitu  
per modum formæ in subjecto permanentis,  
concedo; per modum motionis, vel passionis,  
& habilitatis cujusdam, nego. Hoc autem suf-  
ficit, ut dicatur instrumentum animatum. Su-  
mitur ex D. Thom. *quest. 12. de verit. art. 1. in*  
*corp.*

Ad Conf. resp. dist. maj. In instrumento ani- 57.  
mato requiritur intentio, quæ absolutè inten-  
dat finem, nego Maj. Requiritur intentio quæ  
se subjiciat principali agenti, & intendat fi-  
nem à principali agente intentum, concedo.  
Et hoc pacto fuit intentio scribendi ea, quæ Spi-  
ritus Sanctus intendebat in canonicis Scripto-  
ribus.

Arg. 2. Sacri Scriptores non ob aliam causam 58.  
instrumenta dici possunt, nisi quia Spiritus San-  
ctus his tanquam organis usus est ad exprimen-  
dam sententiam, illos movendo, & agendo;  
sed hoc non sufficit, ut dicantur instrumenta:  
ergo &c. Prob. min. quia in omnibus actionibus  
supernaturalibus justī moventur à Deo; sed ta-  
men non dicuntur instrumentales causæ, sed  
principales: ergo non sufficit quod sic movean-  
tur, ut causæ instrumentales Spiritus Sancti dici  
valeant.

Resp. concedo maj. negando min. Ad prob. 59.  
dist. maj. in omnibus actionibus moventur justī  
à Deo cum electione, & intētionē finis concedo;  
sine electione, & subjiciendo se finī ab alio intē-  
to immediatē, & principaliter, nego. Sic autē  
canonici Scriptores moti fuerunt à Deo, ut non

elicerent, quæ scribenda erant, neque principalem intenderent finem, sed ad scribendum determinati sunt à Deo, & subjecerunt se fini intento ab ipso.

60. Arg. ult. Tanta fuit necessitas scribendi imposita Scriptoribus Sacris, ut non fuerit in eorum potestate non scribere; sed quod sic agitur, & movetur est instrumentum inanimatum: ergo Sacri Scriptores fuerunt instrumenta inanimata. Prob. maj. nam multa scripserunt, quæ si fuissent in potestate non scribere, minimè scripsissent, ut notat Abulensis quæst. 3. in cap. 1. libri Numerorum, dicens; *Si Moyses foret sua libertati relictus, non sic de se scripsisset, erat enim Moyses vir meritissimus.* & D. Gregorius præfatione in Iob. c. 1. inquit; *Scriptores Sacri eloquij, quia repleti Spiritu Sancto super se trahuntur, quasi extra semetipsos fiunt, & sic Dei sententias, quasi de labiis proferunt.*

61. Resp. dist. Maj. Tanta fuit necessitas scribendi, ut non fuerit in eorum potestate non scribere, quantum ad antecedentem causam, & receptionem specierum, & irradiationem divinam, concedo; quantum ad consequentia, nimirum vigiles labores, & exarationem characterum, nego Maj. Vnde non fuerunt instrumenta inanimata, sed animata. Idcirco dicitur quod non sunt suæ libertati relictæ quantum ad electionem scribendorum, quia hæc jubebantur scribere, & non alia, licet fuerint relictæ suæ libertati, & vitaliter se moverint quoad alia.

## CAPVT IV.

### *Quinam sint Libri Canonici.*

**S**acra Scriptura in vetus, & novum testamentum dividi solet. Cujus rei gratiâ sciendum est, quod testamentum propriè dicitur extremæ nostræ voluntatis continens testimonium. Vnde Vlpianus lib. 1. *Qui testamenta facere possunt*: Testamentum est, inquit, voluntatis nostræ justa sententia de eo quod post mortem fieri voluerimus. Quia verò testamentum scriptoribus, & testibus obsignatur, hinc est, quod testamentum usurpari solet, & pro voluntate testatoris legantis bonâ, & pro scriptura, seu instrumento in quo talis voluntas exprimitur. Sumitur; & quandoque in Scriptura testamentum pro quolibet pacto, seu fœdere testibus confirmato, quod necessariò promissionem includit. 62i

Secundum utramque testamenti acceptionem scriptura sacra optimè testamentum dicitur; quia pactum, seu promissio, & voluntas est Dei de hæreditate aliqua danda hominibus, seu bonis legandis; quæ quidem bona sunt, primò quidem vita æterna, quæ sola verè, & summum hominis bonum, & felicitas dicitur Matthæi 25. *Venite benedicti Patris mei, possidete paratam vobis regnum à constitutione mundi.* Secundo autem loco sunt quædam spiritualia bona, quibus vitam, & hæreditatem æternam consequi valeamus, de quibus est sermo Ephesiorum 1. cum dicitur; *Benedictus Deus, & Pater Domini nostri* 63.

*Iesu Christi, qui benedixit nos omni benedictione spirituali in celestibus in Christo; Ac demum bona temporalia, de quibus Esaiæ 1. Si audieritis me, bona terra comedetis. Secundum ergo diversitatem huiusmodi promissionum, aut voluntatem Dei diversa hæc bona legantis duplex accipitur testamentum, nimirum vetus, & novum; in veteri testamento temporalia promittuntur, quæ sicut vestimentum veterascunt; in novo autem æterna, & spiritualia promissa sunt bona, quæ non depereunt, neque prope interitum sunt, sed semper innovantur. Vnde Augustinus cont. epist. Pelag. cap. 4. inquit: Cum mandatum bonis terrenis inhiantes premittit servos, testamentum vetus; cum in bona æterna flagrantem erigit liberos; testamentum novum vocatur.*

64.

Accipiendo autem vetus testamentum pro eo, in quo voluntas testatoris exprimitur, scriptura sacra meritò testamenti nomen accepit: nedum quia generatim Dei mentem, & voluntatem nobis testatur; Vnde & sæpius in sacra pagina testimonium vocatur, ut patet ex psal. 18. *Præceptum Domini lucidum illuminans oculos; Et iterum; testimonium Domini fidele sapientiam præstans parvulis*; sed etiam quia in ea tanquam instrumento authentico, probatissimis scribis, & testibus obsignato voluntas Dei nobis hæreditatem legantis exprimitur. Vnde, ut optime advertit Tertullianus lib. 4. contra Marcionem, scriptura sacra magis propriè testamentum quam instrumentum dicitur; cum non sit, ut simplex instrumentum conventiones quolibet continens, sed pactum, & legatum de hæreditate obtinenda. Qua etiam ratione in vetus, & novum

*Art. IX. An script. deb. uti met. Cap. IV. 263*  
 novum testamentum rectè dividitur; vetus dictum est, quod contineat, & describat res Christi morte antiquatas, præcepta nimirum ceremonialia, quæ abrogata sunt, & res quasdam futurorum duntaxat bonorum umbram habentes. Nonum autem, quia mandata describit nova ad novitatem spiritus inducendam, & crucifigendum hominem veterem cum actibus suis.

Qui sint libri sacri, atque canonici Sac. Concil. Tridentinum sess. 4. sub his verbis definit. *Sunt verò infra scripti (scil. sacri libri) Testamenti veteris, Quinque Moysi, id est, Genesim, Exodus, Leviticus, Numeri, Deuteronomium; Iosue, Iudicum, Ruth: Quatuor Regum: Duo Paralipomenon: Esdra primus, & secundus, qui dicitur Neemias; Tobias, Iudith, Esther, Job, Psalterium Davidicum centum quinquaginta Psalmorum, Parabola, Ecclesiastes, Canticum Canticorum, Sapientia, Ecclesiasticus, Isaias, Jeremias cum Baruch, Ezechiel, Daniel; Duodecim Prophetæ minores, id est, Osea, Ioël, Amos, Abdias, Ionas, Micheas, Nahum, Habacuc, Sophonias, Aggeus, Zacharias, Malachias; Duo Machabeorum primus, & secundus. Testamenti novi; Quatuor Evangelia, secundum Matthæum, Marcum, Lucam & Ioannem; Actus Apostolorum à Luca Evangelista conscripti; Quatuordecim epistolæ Pauli Apostoli; Ad Romanos, duæ ad Corinthios, ad Galatas, ad Ephesios, ad Philippenses, ad Colossenses, duæ ad Thessalonicenses, duæ ad Timotheum, ad Titum, ad Philemonem, ad Hebræos; Petri Apostoli duæ; Ioannis Apostoli tres; Iacobi Apostoli una; Iudæ Apostoli una; & Apocalypsis Ioannis Apostoli.*

651

*Siquis autem libros ipsos integros cum omnibus suis partibus, prout in Ecclesia Catholica legi consueverunt, & in veteri vulgata Latina editione habentur, pro sacris, & canonicis non susceperit, & traditiones prædictas sciens, & prudens contempserit, anathema sit. Hucusque Sac. Concil. Trid.*

66. Horum librorum à Doctõribus quidam vocantur Protocanonici; alij verò Deuterocanonici. Protocanonici sunt, de quorum authoritate nulla unquam fuit inter Catholicos homines disceptatio; Cujusmodi sunt Moysis Pentateucus, Liber Iosue, Iudicum, Ruth, quatuor libri Regum, duo libri Paralipomenon: Esdræ & Nehemiæ duo, Iob, Psalterium centum quinquaginta Psalmis constans, Proverbia, Ecclesiastes, Cantica, Prophetæ majores quatuor, duodecim minores, libri quatuor Evangeliorum, Acta Apostolorum, Epistolæ Pauli numero tredecim, omiſſa ea sola quæ est ad Hebræos, Epistolæ Canonice duæ, Petri una Ioannis altera.

67. Deuterocanonici autem dicuntur, qui licet verè sacri, seu prophetici, aut apostolici sint, non tamen apud Ecclesiæ Patres, & Doctores semper æque certa, & explorata fuit eorum authoritas, sed de ipsis aliquando apud ipsos exorta est dubitatio. Hujusmodi sunt, liber Esther, Baruch, Daniëlis pars, liber Tobie, Iudith sapientiæ, Ecclesiastici, duo Machabæorum libri, Marci, Lucæ, & Ioannis partes quædam, Epistola ad Hebræos, Epistola Iacobi, posterior D. Petri Epistola, primæ Ioannis quædam particula, integræ ejusdem epistolæ, secunda, & tertia, epistola D. Iudæ, & Apocalypsis.

Sunt



Sunt & alij libri dicti Apocryphi, qui nimirum quanquam à nonnullis clarissimis, doctissimisque viris aliquando in numero divinatorum voluminum haberentur, publico tamen totius Ecclesiæ judicio nunquam approbati sunt. Ejusmodi sunt, qui recensentur ab Innocentio *epist. 3. ad Exuperium*, & Gelasio Papa *dist. 15. can. Sancta Romana*, & etiam ab Athanasio in *Synopsi*, necnon & ab Eusebio *lib. 3. historia c. 25.* ex quibus hæc pauca videntur extare; Oratio Manassæ, quæ non est pars alicujus libri sacri, nec ponitur nominatim in canone ab aliquo Pontifice, vel Concilio; Liber tertius, & quartus Esdræ, cum à nullo Concilio in canonem referantur, immò à Tridentino à canone rejiciantur; Et quidem de quarto manifestum est, quod quædam fabulosa continet de pisce Henoch, & Leviatham quæ Rabbiorum Thalamidistarum somnia sunt. Item liber tertius, & quartus Machabæorum, nam quartus liber à S. Athanasio in *Synopsi* extra canonem ponitur; à Tridentino uterque. Psalmus centesimus quinquagesimus primus, cujus meminit Athanasius in *Synopsi*, & habetur in græcis psalteriis. Nā Concilium Laodicenum *can. 59. Romanum*, & Tridentinum *loc. cit.* tantummodo centum quinquaginta psalmos enumerant; Appendix libri Iob, quippe qui manifestè falsum continet enarrans Iob fuisse de stirpe Esau, cum fuerit de stirpe Hus, qui fuit filius Nachor fratris Abrahæ, ut ostendit D. Hieronymus in *quest. super Genesim*: liber Hermetis, qui inscribitur Pastor, nam etsi divinitus inspiratum censeat Origenes *lib. 10. in epist. ad Romanos*; & ex eo multi Patres, ut Tertullianus, Irenæus, Clemens Alexandrinus,

xandrinus, Athanasius, & alij adducant testimonia, tamen eum apertè à canone rejiciunt Gelasius Papa in *decreto de libris Ecclesiasticis*, Athanasius in *lib. de Decretis Nicena Synodi*, & Theodoretus in *lib. 1. historia* c. 18.

69. Circa hoc genus Apocryphorum librorum breviter adnotandum est ex Cardinali Bellarmino *lib. 1. controvers. de verbo Dei cap. 2.* quod scriptores, hanc vocem *Apocryphus* quæ rem occultam, & reconditam significat, non semper eodem modo usurpant. Interdum enim vocant scripturas apocryphas eas, quas non est certum an sint canonicæ, & divinæ, etiam si satis constet nullos in eis errores inveniri. Sic Hieronymus in *prologo galeato*, vult omnes eos libros, qui non sint in canone inter apocryphos esse numerandos. Frequentiùs autem vocant apocryphos eos libros, qui admixtos errores habent. Quam significationem sequutus Gelasius in *decreto de lib. Ecclesiast.* eos libros vocat apocryphos, qui sunt editi ab authoribus hæreticis, vel certè suspectis.

70. Sed dices S. Clementem in canonibus Apostolorum, *canone 84.* tres Libros Machabæorum in canonem referre; itemque tertium Esdræ in græcis codicibus eum esse, qui nunc primus, & secundus dicitur; citaturque hic liber tertius à multis Ecclesiæ Patribus, nimirum Athanasio orat. 3. contra Arrianos, Augustino lib. 18. de Civit. Dei cap. 36. Clemente Alexandrino lib. 1. Stromat. & S. Cypriano in epistola ad Pompeium; igitur hi libri non sunt apocryphi censendi.

71. Resp. ad primum, quod licet Aliqui Authores, inter quos Turrianus est, existiment omnes hujusmodi

*Art. IX. An script. deb. uti met. Cap. IV. 267*  
 hujusmodi canones Apostolorum, qui numero octoginta quinque recensentur, asserant esse ab Apostolis editos; tamen Cardinalis Bellarminus *loco citato*. Cardinalis Baronius *tom. I. annalium ad annum Domini 102.* & Possevinus *in apparatu sacro, verbo Clemens*, quinquaginta duntaxat priores legitimos esse arbitrantur, reliquos verò triginta quinque supposititios esse. Immo novissimè Natalis Alexander *in Hist. Eccles. sæculi I. dissert. 17. conclus. 3.* omnes hujusmodi Canones Apostolis suppositos, & pseudepigraphos esse asserit, & multis doctissimè probat, ad quæ Lectorem remitto. Insequendo igitur secundam, vel tertiam hanc opinionem, argumentum ex autoritate Canonis 84. Apostolorum nullius est roboris.

Ad illud de tertio libro Esdræ respondet idem Cardinalis Bellarminus, *loco cit.* quod licet in codicibus græcis duo libri Esdræ sint nostri tres; non tamen propterea Concilia, antiqua, & veteres Patres; qui in Canone duos dumtaxat Esdræ libros numerant, intelligere nomine duorum nostros tres. Nam imprimis multi veterum ut Melito, Epiphanius, Hilarius, Hieronymus, Ruffinus in canone exponendo testamenti veteris apertè secuti sunt Hebræos, non Græcos. Hebræi autem tertium Esdræ non habent. Deinde ex hoc tertio libro in Ecclesiastico officio nunquam legitur; quod argumento est, à longo jam tempore non fuisse eum librum habitum in numero sacrorum. Præterea Gelasius in Concilio Romano LXX. Episcoporum unum tantum Esdræ librum ponit in Canone. Quo uno sine dubio nostros duos intelligit, qui uno volumine continentur,

72.

ut

ut testatur D. Hieronymus *præfat. in Esdræ*. Itaque disertis verbis Gelasius priorem illum, qui est apud Græcos rejecit. Denique idem S. Hieronymus *ibid.* apertè significat tertium, & quartum Esdræ, non solum apud Hebræos non haberi, sed ne apud LXX. quidem. Quare licet quidam codices Græci haberent tria volumina Esdræ in duobus libris, correctiores tamen non habebant. Porro veteres Patres utuntur interdum testimoniis ex hoc libro petitis, quem & nos non inutilem esse fatemur, sed raro id faciunt, & nusquam sacrum & divinum appellant. Varij errores exorti sunt circa omnes ferme libros sacrae scripturae, variaeque difficultates se offerebant experiendae, sed quia nimis tædiosum esset hîc omnia inculcare, brevitati consulentes omittimus; De hac re & materia latè disputant Cardinalis Bellarminus lib. 1. de verbo Dei scripto. N. Gruvina lib. 4. Cathol. præscript. & alij Controversistæ qui consuli possunt.

## C A P V T V.

### *Reclene Sacra Scriptura utatur metaphorâ?*

74. **C**VM Philosophus prohibeat in scientiis uti metaphoris, & Sacra Scriptura passim eas ad explicanda Regni mysteria adducat in medium, meritò D. Thomas hîc *art. 9.* in dubium vertit utrum sacrae scripturae, quam scientiam esse dictum est, id congruat. Vbi nomine *metaphora* quamlibet locutionem intellige, in qua  
verbi,

verbi, vel sermonis à propria significatione ad aliam fit inmutatio, sive sit metaphora propriè dicta, sive ænigma, aut symbolum, sive parabola, aut tropus quilibet. Sumitur ex D. Th. dicente: *Quia etiam ista principia non sunt proportionata humana rationi secundum statum via, qua ex sensibilibus consuevit accipere, ideo oportet ut ad eorum cognitionem per sensibilem similitudines manuducatur, unde oportet modum istius scientiae esse metaphoricum, sive Symbolicum, vel parabolicum.*

1. sent. ad  
Annib. q.  
4. prol.  
art. 5.

Est igitur metaphora secundum D. Augustinum lib. 2. cont. mendac. de re propria ad rem impropriam verbi alicujus usurpata translatio; sicut cum dicimus fluctuare segetes, gemmare vites, floridam juventutem, niveam caniciem; proculdubio fluctus, gemmas, florem, nivem, in his rebus non invenimus, in quas hæc verba aliunde transtulimus. Item cum dicitur Petra Christus, cor lapideum Iudæorum; Leo Christus, & leo diabolus, & innumerabilia talia; *Consuetudo sacrarum litterarum*, D. Chrysost. orat. 5. inquit ea est, ut res sæpe nominibus, modificatè à moribus translatis, denotet, non autem ab ea appellatione, qua in majoribus est primò indita; sed eam appellationem adhibent, quam vel virtus, vel etiam vitium concedit; exempli gratia, si illa impudentem aliquem conspiciant, canem vocant; non quidem suo proprio vocabulo; sed eo cujus hoc vitium vel maxime est.

75.

1. Corinth. 10.  
Ezech.  
36. Apoc.  
calyp. 5.  
1. Petri 5.

Advertendum est S. D. quæst. 7. de verit. a. 2. c. in his quæ translative dicuntur metaphoram non secundum quamcunque similitudinem accipi, sed secundum convenientiam in illo, quod non

76.

non

non est de propria ipsius constitutione rei, cuius nomen transfertur; ut in exemplo opposito nomen leonis ad Deum significandum non transfertur propter convenientiam in sensibilitate, quæ est illius prædicatum commune, ac genericum; sed ob convenientiam in aliqua illius proprietate, eximia nimirum, & excellenti fortitudine, quæ alteri animali non competit, qualis ea est ad nullius occursum pavere, Proverb. c. 30. *Leo bestiarum fortissimus ad nullius pavebit occursum.*

77. Parabola verò est sententia comparativam aliquam similitudinem continens, vel similitudinarius sermo qui aliud dicit, & aliud significat; seu rerum dissimilium genere latens, vel expressa comparatio. Differt à metaphora, quia in metaphora vox à propria significatione immutata absolute, & absque collatione effertur de eo, ad quod significandum translatum est; at in parabola unius rei comparatione seu collatione altera intelligi debet, ut docet D. August. in psal. 77. *Notum est inquit, quod in parabolis, quæ dicuntur rerum similitudines, rebus, de quibus agitur, comparantur; v.g. de Christo Apocalyp. 5. dicitur; Vicit Leo de tribu Iuda,* ibi est metaphora; cum autem de eodem c. 10. in persona angeli effertur; *Clamavit voce magna, quemadmodum cum leo rugit;* ibi est parabola vel similitudinis sermo.

78. Quotiescunque igitur inter aliqua genere dissimilia similis quædam comparatio inveniri potest, ibi & rationem parabolæ reperire est. Quapropter parabola nonnunquam in sacris litteris dicitur rei futuræ figura, quatenus inter eam, & rem futuram similis aliqua comparatio

*Art. IX. An script. deb. uti met. Cap. V. 271*  
ratio attenditur. Quo pacto *ad Hebraeos 11.* de Abraham pro Isaac immolante arietem cornibus inter vepres hærentem dicitur, *quod eum, & in pa. ab. lam accepit*, id est, figuram Christi crucifigendi, & immolandi temporibus futuris. Sicut enim Aries occisus est, Isaac verò mortem evasit, ita & Christi humanitas passa, sed divinitas nulli fuit obnoxia passioni, sed penitus illæsa mansit, ibi D. Th. lec. 4.

Sumitur etiam parabola pro derisu, quæ ratione Christus *psalm. 68.* introducit in Cruce pendens dicere; *Factus sum illis in parabolam*, id est, in derisum vel similitudinem maledicti, ait Glossa. Quemadmodum enim consuetum est, ut omnes de maledicto, qui in ligno pendet, loquantur, & crimina ei impropere, ita & Christo cruci affixo contigit. Quâ parte cum maledicto similitudinem contraxit, qui est in sæcula benedictus. D. August. in *psal. 68.* *Et factus sum illis in parabolam*, id est, in derisionem. Parabola autem dicitur, quando datur similitudo de aliquo, quando de illo malè dicitur, sic ille v. g. pereat, quomodo ille parabola est; id est, comparatio, & similitudo maledicti.

Tandem ænigma, sive symbolum est nota arcanioris cujusdam mysterij significativa; vel est brevis quædam, & involuta sententia rem occultam, & reconditam significans; quale est illud Iudicum 14. *De comedente exivit cibus, & de forti egressa est dulcedo.* Ita, sumitur ex D. August. in *psal. 48.* *Ænigma*, inquit, *est obscura parabola qua difficile intelligitur.*

Conclusio; ad sacram doctrinam potissimum, ac propriè pertinet, & conveniens est metaphoris, seu figuratis locutionibus uti. Probat S.

D.

79.

80.

81.

Glossa  
ibi.

D. in *sed contra* ex illo *Osea* 12. ubi in persona Dei Propheta loquens ait ; *Ego visionem multiplicavi eis, & in manibus Prophetarum assimilatus sum* ; id est, videndus, atque cognoscendus Prophetis multipliciter apparui, multaque opera faciendo, quæ mei ipsius similitudines prætulerunt, innotui ; ut in Adam dormiente, in David qui Goliath stravit, in Iona qui tribus diebus fuit in ventre cæti, & aliis multis ; sed tradere aliquid sub similitudine est metaphoricum : ergo ad sacram doctrinam pertinet metaphoris uti.

82. Deinde prob. *in corp.* Deus unicuique, secundum quod ejus competit naturæ providet ; sed naturale est homini, ut per sensibilia ad intelligibilem cognitionem veniat : ergo in sacra scriptura nobis spiritualia sub corporalium similitudinibus, seu metaphoris convenienter traduntur, ut videlicet per ea ad divinorum notitiam perveniamus. Maj. patet ex D. Damasceno lib. 2. fid. orthodox. cap. 29. ubi providentiam definiens ait ; *Providentia est voluntas Dei, per quam omnia, quæ sunt, convenientem gubernationem suscipiunt.* Minor verò prob. omnis nostra cognitio initium à sensu ducit ; sed procedendo per viam sensus innata nobis via est, ut à notioribus nobis ad notiora naturæ procedamus : ergo cum sensibilia sint magis nota nobis, quam intelligibilia, & immaterialia, licet ista sint notiora naturæ, naturale est homini, ut per sensibilia ad spiritualium, & intelligibilem divinorum cognitionem deveniat. Vnde Sanctus Dionysius de cælest. hierarchia capite 1. *Impossibile est, inquit, nobis aliter lucere divinum radium, nisi varietate*



Secundò probat; convenit, ut doctrina quæ omnibus proponitur, eo modo proponatur quo aliquatenus ab omnibus capi possit; ad hoc enim aliquid docetur, ut sciatur; sacra scriptura omnibus proponi debet, secundum illud Apostoli ad Rom. 1. *Sapientibus, & insipientibus debitor sum*, ut per eam de fide, & moribus instruantur: ergo sacræ scripturæ competit, ut quæ in ea traduntur tam à rudibus, ac simplicibus, quam à sapientibus intelligi queant: sed simplices, & rudes maximè intelligibilia non nisi per similitudines corporalium, ac sensibilibus intelligere queunt, quia sensum, & imaginationem vix transcendere queunt: ergo competit maximè sacræ scripturæ metaphoris, & parabolicis locutionibus uti. Hanc rationem insinuat D. Ambrosius in cap. 8. ad Heb. dicens: *Condescendit scriptura nostra infirmitati: nostraque consuetudini, quatenus imbecilla instrueretur humanitas, quando usque ad illam secretam gloriam divinitatis, hominum non poterat cogitatio pervenire.* Videndus etiam D. Petrus Chrysologus serm. 39.

Arguitur 1. modus qui infimæ doctrinæ est 84.  
conveniens, & proprius non videtur supremæ Hic arg.  
competere, qualis est sacra doctrina, quæ, ut  
dictum est, dignitate super omnes alias eminet;  
sed per similitudines varias, ac representationes  
procedere competit Poëticæ, quæ inter  
omnes doctrinas infima est: ergo similitudinibus,  
& metaphoris uti non est huic scientiæ  
conveniens.

Resp. S. D. quod alio fine utraque repræsentationibus utitur; Poëtica propter repræsen-

1. sent.  
9. prol.  
art. 5.

rationem ( quæ nimirum fit fingendo , & quibusdam similitudinibus rationem seducendo ut delectationem majorem capiat , ) repræsentatio enim hujusmodi naturaliter homini delectabilis est ; sed sacra doctrina similitudinibus solius recreationis animi gratia non utitur , sed tanquam aliquo necessario , & utili ad deveniendum in cognitionem intelligibilium ac divinorum , seu propter necessitatem , & utilitatem. Repræsentatio autem quæ fit solius recreandi animi causa est infirmæ scientiæ ; sed quæ fit ob utilitatem , & necessitatem in ordine ad ultimum finem supernaturalem , supremæ scientiæ competit ; cujusmodi est sacra doctrina.

86. Dices quod possunt absque metaphoris intelligibilia connaturaliter capi ; immò nulla veritas in aliquo scripturæ loco per metaphoras explicatur , quæ propriè alio in loco non tradatur , ut docet S. D. hic *solut. ad 2.* sed quando finis absque aliquo haberi potest , ad ipsum finem nullam necessitatem simpliciter inducit : ergo nulla necessitas est utendi metaphoris propter connaturalem intelligendi modum.

87. Respondet D. Cajetanus ibi esse sermonem de necessitate secundum quid , & ad melius consequendum finem , scil. cognitionem Dei. Ex hoc namque quod connaturale est homini intelligibilia per sensibilia nosse , oportet , si spiritualia facilè , & suo modo cognoscere debet , ut per metaphoras cognoscat quoniam ipsæ vires spiritualium specierum complent , quæ de spiritualibus secundum se haberi deberent. Hæc tamen solutio non est ad intentum D. Thomæ.

88. Nota ex S. D. infra *quæst. 5. art. 6. ad 2.* quod illa propriè delectabilia nuncupantur , quæ nullam

nullam aliam appetibilitatis rationem habent, nisi delectationem, cum aliquando sint noxia, & inhonesta. Vtilia verò dicuntur, quæ non habent in se, unde desiderentur; sed desiderantur, ut sunt ducentia in alterum, sicut sumptio medicinæ amaræ; honesta verò quæ habent in seipsis, unde desiderentur. Distinguit ergo S. D. inter Poëticam, & sacram doctrinam metaphoris & repræsentationibus utentes, quod illa ut merè delectet, metaphoris utitur, itaut finis metaphorarum sit delectatio, quæ cum multis sit nociva, nec ob utilitatem, nec ob necessitatem esse dicitur; quia non conducit ad finem qui est beatitudo; sed sacra doctrina in repræsentationibus, & metaphoris intendit cognitionem Dei, vel eorum quæ ad Deum ducunt; unde attendit in repræsentationibus, non delectationem tantum, sed necessitatem, & utilitatem.

Arguitur 2. Hæc doctrina inter cæteras præcipuè ad veritatis manifestationem ordinata esse videtur; sed per metaphoras, & similitudines veritas occultatur; non ergo huic doctrinæ competit divina sub corporalium similitudine rerum tradere. Major patet, quia hujus doctrinæ Magistris veritatem elucidantibus vitæ æternæ præmium repromittitur; Eccles. 24. *Qui elucidant me* (occulta sapientiæ mysteria in lege, & populis contenta fideliter exponendo) *vitam æternam habebunt*, in præmium.

Resp. S. D. quod veritas similitudinum, ac metaphorarum involucro occultaretur, si mentes quibus fit revelatio, in ipsis permanere sinerentur; quia nihil præter similitudines corporalium intelligerent, inter quas modicè &

89.

90.

parcè admodum veritas divina relucet : sed res aliter se habet ; quia mentes quibus fit revelatio , non permittuntur in similibus permanere , sed per eas ad intelligibilem divinorum cognitionem elewantur ij , qui immediatè revelationem suscipiunt , & alij de veritatibus divinis per istos instruuntur.

91. Sed contra : quia esto non sic occultetur omnimodè veritas , nihilominus negari non potest , quin clariùs & manifestiùs rei veritas panderetur , si per verba propria exponeretur. Resp. S. D. quod ea , quæ in uno loco sacrae scripturae traduntur sub metaphoris , in aliis locis expressius exponuntur. Vnde eadem veritas providè alicubi sub figuris occultata revelatur : Primò quidem ad exercenda studiosorum fidelium ingenia. *Propterea figuratis velut amictibus* (inquit , Aug. lib. de men. cap. 10. ) *obteguntur , ut sensum piè querentis exerceant , & ne nuda vilescant , quamvis qua aliis locis apertè ac manifestè dicta didicimus , cum ea ipsa de abditis eruuntur , in nostra quodammodo cognitione renovantur , & renovata dulcescunt.* Secundò ad tollendum in labore fastidium , atque edomandum humanæ superbiæ fastum.

92. Hanc rationem assignat idem S. August. lib. 2. de doct. Christ. cap. 6. dicens : *Ita obscure quædam dicta altissimam caliginem obducunt. Quod totum provisum divinitus esse non dubito , ad edomandam labore superbiam , & intellectum à fastidio removendum ; cui facile investigata plerumque vilescunt. Quid enim est quæso , quod si quisquam dicat sanctos esse homines , atque perfectos , quorum vita , & moribus Christi Ecclesia de quibuslibet superstitionibus præcedit eos qui ad se veniunt,*

*Art. IX. An script. deb. uti met. Cap. V. 277*  
niunt, & imitatione bonorum sibi met quodammodo incorporat; qui boni fideles, & veri Dei servi deponentes onera sæculi ad sanctum baptismi lavacrum venerunt, atque inde ascendentes conceptione Sancti Spiritus fructum dant gemina charitatis, id est Dei & proximi: quid est ergo quod si hæc quisque dicat minùs delectat audientem, quam si ad eundem sensum locum illum exponat de Canticis Canticorum, ubi dictum est Ecclesie, cum tanquam pulchra quadam fœmina laudaretur; Dentes tui sicut grex detonsarum ascendens de lavacro, quæ omnes geminos creant & non est sterilis in eis: Num aliud homo dicit, quàm cum illud planissimis verbis, sine similitudinis hujusmodi adminiculo audiret? Et tamen nescio quomodo suavius intueor sanctos, cum eos quasi dentes Ecclesie video pracidere ab erroribus homines, atque in ejus corpus emolita durtia quasi demersos mansue transferre. Oves etiam jucundissimè agnoscò detonsas oneribus secularibus tanquam velleribus depositis, & ascendentes de lavacro, id est, de baptismo, creare omnes geminos, id est, duo præcepta dilectionis, & nullam esse ab isto sancto fructu sterilem video. Sed quare siavius videam, quam si nulla de divinis libris talis similitudo promeretur, cum res eadem sit eademque cognitio, difficile est dicere, & alia quæstio est. Nunc tamen nemo ambigit, & per similitudines libentiùs quæque cognosci, & cum aliqua difficultate quasita multò gravius inveniri. Qui enim prorsus non inveniunt, quod quærunt fame laborant. Qui autem non quærunt, quia in promptu habent, fastidio sæpe marcescunt. In utroque autem languor cavendus est. Magnificè igitur, & salubriter Spiritus Sanctus ita scripturas sanctas

278 *Quest. I. De Sacra Doctrina,*  
*modificavit, ut locis apertioribus fami occurreret,*  
*obscurioribus autem fastidia detergeret. Nihil enim*  
*ferè de illis obscuritatibus eruitur, quod non pia-*  
*nissimè dictum alibi reperiat.*

93.

Tertiò ad irrisiones infidelium evitandas, de quibus dicitur Matth. 7. *Nolite sanctum dare canibus, neque mittatis margaritas vestras ante porcos;* quæ verba interpretans D. Chrysostomus in cat. D. Thomæ ait; *Mysteria autem veritatis margarita sunt, quia sicut margarita inclusa coctileis, posita sunt in profundo maris, sic mysteria divina, verbis inclusa posita sunt in altitudine sensus sacra scriptura. Quæ quidem, quæ bona mentis sunt, & intellectum habent, revelata honesta apparent, his autem qui insensibiles sunt, magis reverenda apparent cum occultantur.* Et Georgius Venetus lib. 1. probl. ait; *Vt Trismegisto placet religiosissimus sermo, & divinitate plenus, multorum publico & aperto intervètu violatur.*

94.

Hæc eadem ratio antiquos Philosophos movit, ut scientias variis ænigmatibus involutas traderent; quemadmodum testatur Plato in Alcibiade inquiring; *Univerſa antiqua Philosophia ænigmatibus plena fuit, quippe quæ non eſſet intellectu facilis; & ut major ei redderetur reverentia, quibusdam verborum involucris, & metaphoris obtegebatur.* Sic Homerus quatuor illa prima otorceia inter se pugnancia, & sese mutuò producentia elementa sub nominibus Iovis, Neptuni, & Plutonis effinxit, & ad Physicem, traduxit. Sic ad mores translata est Palladis cum Marte pugna, quâ rationi partem sensitivam, & virtuti vitium adversari intelligeremus. Sic ad Theologicam rationem alia retulerunt, cœli namque imagine motu suo tem-  
pus

*Art. IX. An script. deb. uti metaph. Cap. V. 279*  
pus producentis, & quæque gignit absumentis, divinam essentiam Rheâ Dei vitam, Saturno illius mentem adumbrarunt.

Quartò, quia ipsa intelligendi difficultate 95  
plures eruuntur veritates, & spirituales sensus ad fidelium ædificationem eliciuntur. Hanc utramque rationem tradit D. Augustinus lib. 11. de Civit. capite 19. ubi ait; *Divini sermonis obscuritas, etiam ad hoc est utilis, quod plures sententias veritatis parit, & in lucem notitiæ producit, dum eum alius sic, alius sic intelligit.* Tandem ut imbecillitatis ingenij nostri ad cæpessenda spiritualia memores, scripturæ intelligentiam assidue à Deo postulemus. Ita Origenes hom. 7. in Ezechiel. Theophylactus in capite 13. Matth. & D. Hieronymus in capite 18. *Isaia dicens; Idcirco omnis scriptura, & propheta specialiter, futurorum mysteriis involuti sunt; ut provocent nos ad intelligentiam, & ad illud quod in Evangelio dicitur; Petite & accipietis; querite, & invenietis; pulsate, & aperietur vobis.*

Arguitur 3. si sacræ scripturæ ob eam rationem metaphoris uti competeret, ut videlicet per sensibilia ad spiritualium, ac divinorum notitiam deveniamus, maximè similitudinibus ex creaturis sublimioribus desumptis ei utendum esset: sed totum oppositum omninò in sacris scripturisprehendimus, quæ ex vilioribus rebus metaphoras transumit: ergo metaphoris competenter non utitur. Maj. Probatur quia quantò aliquæ creaturæ sunt sublimiores, tantò magis ad divinam similitudinem accedunt: ergo earum similitudinibus perfectiùs ad divinorum cognitionem veniremus. 96.





*Art. X. An plur. sens. hab. sub lit. Cap. I. 281*  
 pro intellectu, sicut etiam sentire pro intelligere usurpatur. Et quia nomina potentiarum non raro objectis earum attribuuntur, jam consuetudo obtinuit, ut mente concepta sensus vocaretur. Quo pacto in præsentiarum sensus usurpatur, nimirum pro eo quod concipitur de re, prout per vocem, & scripturam designatur.

Gentiles, Ethnici, & Apostatae hanc sensuum pluralitatem ridere, & aspernari soliti fuere. Sic Porphyrius apud Eusebium *lib. 2. c. 17.* Celsus apud Origenem *lib. 4.* & nonnulli alij Hæretici apud Moysem Baræpha *lib. 1. de paradiso cap. 3.* Hos imitati sunt omnes ferè Novatores, existimantes in sacra scriptura præter unicum legitimum ac genuinum sensum, nullum alium reperiri, aut admittendum; sed hanc multipliciter esse prorsus inutilem, ut videre est apud nostrum Gravina *Cathol. præscript. lib. 4. tract. 3. contr. 2. gener. art. 1.*

Prima conclusio; sacrae scripturae competit sub una littera, id est sub uno sermone plures sensus habere, nimirum litteralem, & spirituales, seu mysticum. Qui quidem spiritualis sensus trifariam dividitur, nimirum in sensum allegoricum, moralem, seu tropologicum, & anagogicum. Vnde quadruplex est Sacrae Scripturae sensus, videlicet litteralis, allegoricus, moralis, & anagogicus. Probat S. D. in *sed contra* autoritate D. Gregorij *lib. 20. moral. cap. 1. dicentis; Sacra Scriptura omnes scientias ipso locutionis suae more transcendit; quia uno eodemque sermone, dum narrat gestum, prodit mysterium; Sed gestum narrare ad litteralem sensum pertinet, ad spirituales autem seu mysticum*

2.

3.

282 *Quest. I. De Sacra Doctrina,*

cum proderet mysterium, quod in litteræ cortice latet: ergo Sacræ Scripturæ competit sub una littera plures sensus habere, litteralem videlicet & mysticum sive spirituales.

4. Idem probat D. Thomas quodlibet 7. art. 15. ex D. Augustino lib. 1. super Genesim ad litteram, ubi ait, quod *in omnibus libris sanctis oportet intueri quæ ibi æterna intuentur, quæ ibi facta narrantur, quæ futura prænunciuntur, quæ agenda præcipiuntur.* Primum autem pertinet ad sensum anagogicum; secundum ad historicum; tertium ad allegoricum; quartum ad moralem: ergo quatuor sunt sensus Sacræ Scripturæ.

5. Tandem probat ex autoritate Bedæ super Genesim, in principio dicentis. *Quatuor sunt sensus Sacra Scriptura, historia quæ res gestas loquitur; allegoria, in qua aliud ex alio intelligitur; tropologia, id est moralis locutio, in qua de moribus ordinandis tractatur; anagogia, per quam de summis, & cælestibus tractaturi ad superiora reducimur.*

6. Deinde ratione probat; illa scriptura, cujus non solum verba, sed etiam ipsæ res significatæ aliquid aliud significant, sensus plures habet; sed Sacræ Scripturæ non solum verba, sed etiam res, quæ per verba significantur, habent ex ordinatione divina aliquid significare: ergo Sacra Scriptura sub una littera plures sensus habet. Major patet; quia quotiescunque contingit plura esse signa diversa, & non Synonima, ibi sunt & plures sensus, & conceptus; voces autem, & res significatæ sunt plura signa, & non Synonima ut patet. Minor verò prob. Deus speciali modo est author Sacræ Scripturæ, quæ est

*Art. X. An plur. sens. hab. sub lit. Cap. I. 283*  
 est quædam præcipua divinæ scientiæ impressio:  
 sed divinæ sapientiæ seu scientiæ proprium est, ut  
 non solum voces ad significandum accommodet  
 ( quod commune est omnibus scientiis , præ-  
 fertim fermocionalibus ) sed etiam res ipsas :  
 ergo Sacræ Scripturæ non solum verba , sed  
 etiam res quæ per verba significantur , ha-  
 bent ex ordinatione divina aliquid signifi-  
 care.

Secundam partem conclusionis explicat D.  
 Thomas tum hic , tum *quodlibet. 7. cit.* quia Sa-  
 cra Scriptura veritatem quam tradit ; dupliciter  
 manifestat , ut dictum est , per verba scilicet ,  
 & per rerum figuras , seu res significatas ; sed  
 manifestatio , quæ est per verba facit sensum  
 historicum sive litteralem , unde totum id ad  
 sensum litteralem pertinet , quod ex ipsa verbo-  
 rum significatione rectè excipitur ; manifesta-  
 tio autem quæ fit per rerum figuras tripliciter  
 fit : ergo quadruplex est Sacræ Scripturæ sen-  
 sus ; minor quoad 1. partem patet , quoad 2.  
 verò prob. quia sicut dicit Apostolus *ad Hebræos*  
*cap. 7.* Lex vetus figura est novæ legis , & ipsa  
 nova lex , ut dicit Dionysius in *Ecclesiastica*  
*Hierach. cap. 5.* est figura futuræ gloriæ in nova  
 etiam lege , quæ in capite sunt gesta , sunt signa  
 eorum , quæ nos agere debemus ; sed prout ea  
 quæ sunt veteris legis , significant ea quæ sunt  
 novæ legis est sensus allegoricus ; secundum  
 verò ea quæ in Christo sunt facta , vel in his  
 quæ Christum significant , sunt signa eorum  
 quæ nos agere debemus , est sensus moralis ;  
 prout verò significant ea , quæ sunt in æterna  
 gloria , est sensus anagogicus : ergo sensus Spi-  
 ritualis , seu mysticus trifariam optimè dividi-

7.

tur

284 *Quaest. I. De Sacra Doctrina*,  
tur, ac subinde quadruplex meritò assignatur  
Sacrae Scripturae sensus.

8. Confirm. ex eodem S. D. *ibid.* Veritas quam sacra scriptura per figuras rerum tradit, ad duo ordinatur, scilicet ad rectè credendum & ad rectè operandum. Si ad rectè operandum, sic est sensus moralis, qui alio nomine tropologicus dicitur. Si autem ad rectè credendum, oportet distinguere secundum ordinem credibilium, ut enim Dionysius dicit 4. *cap. cæl. hierarch.* Status Ecclesiae medius est inter statum Synagogæ, & statum Ecclesiae triumphantis. Vetus ergo testamentum figura fuit novi, vetus simul, & novum figura sunt cœlestium. Sensus ergo spiritualis ordinatus ad rectè credendum potest fundari in illo modo figurationis, quo vetus testamentum figurat novum, & sic est allegoricus sensus, vel typicus secundum quod ea quæ in veteri testamento contigerunt exponuntur de Christo, & Ecclesia; vel potest fundari in illo modo figurationis; quo novum simul, & vetus significant Ecclesiam triumphantem, & sic est sensus anagogicus.

9. Hanc sensuum multiplicitem ut necessariam agnoscunt omnes Patres ad veram scripturarum intelligentiam. Vnde Origenes homil. 7. in Isaiam explicans illud; *Videntes videbitis, & non scietis* &c. ait; *Si autem ut existimant, simplicia illa quæ facta sunt, non propter nos, sed propter se facta sunt, & non erant exempla alterius rei, exponat, quod hic dictum est; videntes videbitis, & non scietis, habeat sensum. Nam si ea quæ non videbantur, habebant aliquem sensum sacratum, ut cum carnalibus etiam spiritaliter inspicerentur, nunquam dixisset videntes, videbitis,*

*Art. X. An plur. sens. hab. sublit. Cap. I. 285*  
*videbitis, & non scietis. Et D. Gregorius Nyf-*  
*senus de vita Moyſis; Hic inquit, qui omninò*  
*litera ſervit, rerum ipſarum conſequentia corru-*  
*ptibilem eſſe Deum opinari compellitur; eſt autem*  
*Deus incorruptibilis omninò, atque immortalis.*  
*Non eſt ergo ubique ſequenda litera.*

Secunda conclusio: in nulla ſcientia huma-  
nâ indiſtriâ inventâ propriè loquendo poteſt  
inveniri iſta ſenſuum multiplicitas, ſed ſolùm  
litteralis, unde proprium eſt hujus ſcripturæ,  
cujus Spiritus Sanctus eſt Actor, homo verò  
inſtrumentum, habere plures ſenſus. Ita D.  
Thom. hic, & quodlibet. 7. art. 16. quod probat  
ex Greg. 22. moral. ſupra cit. Deinde rationem  
aſſignat dicens; Reſpondeo dicendum quod ſpi-  
ritualis ſenſus ſacræ ſcripturæ accipitur ex hoc  
quod res curſum ſuum peragentes ſignificant  
aliquid aliud, quod per ſpiritualem ſenſum ac-  
cipitur. Sic autem ordinantur res in curſu ſuo,  
ut ex eis talis ſenſus poſſit accipi, quod ejus ſo-  
lius eſt, qui ſua providentia res gubernat, qui  
ſolus Deus eſt. Sicut enim homo poteſt adhibe-  
re ad aliquid ſignificandum aliquas voces, vel  
aliquas ſimilitudines fictas; ita Deus adhibet  
ad ſignificationem aliquorum ipſum curſum re-  
rum ſuæ providentiæ ſubjectarum. Signifi-  
care autem aliquid per verba, vel per ſimili-  
tudines fictas ad ſignificandum tantùm ordi-  
natas, non facit niſi ſenſum literalem, ut ex  
dictis patet.

10.

## CAPVT II.

*Solvuntur argumenta contraria.*

11. **A**rg. 1. Multiplicitas sensuum in eadem scriptura confusionem parit, & amphibologiam, deceptionemque, & tollit arguendi firmitatem: sed hæc quàm longè à sacra scriptura esse debent, quæ à Deo inspirata est ad docendam certò, evidenter, & absque fallacia divinam veritatem secundum illud Psal. 118. *Declaratio sermonum tuorum intellectum dat parvulis*, ergo non debent in ea sub una littera plures sensus tradi.

12. Resp. S. D. quod multiplicitas horum sensuum nullatenus æquivocationem parit, quia sensus isti non multiplicantur propter hoc quod una vox immediatè multa significet (sicut contingit in hoc nomine canis v. g.) sed quia præter voces ipsas, res per eas significatæ aliarum rerum signa esse possunt. Et ita etiam nulla penitus confusio in sacra scriptura sequitur, cum omnes sensus super unum, videlicet literalem fundentur, ex quo solo argumentum efficax trahi potest; non autem ex his quæ secundum allegoriam dicuntur, ut dicit Augustinus in *epist. cont. Vincent. Donatum*. Non tamen ex hoc aliquid sacre scripturæ deperit, quia nihil sub spirituali sensu continetur fidei necessarium, quod scriptura per literalem sensum alibi non tradat.

13. Arg. 2. ex D. Augustino *epist. 1. ad Volusianum* dicente; *Hortor, ut valeo, ut literarum verè,*

*Art. X. An plur. sens. hab. sub lit. Cap. I. 287*  
 verè , certèque sanctarum studio te curam non pi-  
 geat impendere , sincera enim & solida res est , nec  
 fucatis eloquiis ambit ad animum , nec ullo lingua  
 tectorio inane aliquid ac pendulum crepat ; sed  
 sermo qui variè exponi potest neque sincerus ,  
 neque solidus est , neque ab omni fucò liber  
 rectè dici potest ; igitur sacræ scripturæ multi-  
 plices sensus esse non debent. *Conf.* si multos  
 posset habere sensus , infiniti erui possent , cum  
 fecundissimum sit Dei verbum , & infiniti infi-  
 nita esset proles ; sed non contingit infinita in-  
 telligere , aut significare : ergo nequit plures ipsa  
 compati sensus.

Resp. ex S.D. quod cum alij sensus supra li- 14.  
 teralem fundentur , qui certus ac solidus est , sen-  
 suum multiplicitas nullatenus ejus sinceritati ,  
 aut soliditati derogare potest. Vnde S. Grego-  
 rius homil. 40. in Evang. monet quod , *In ver-*  
*bis sancti eloquiij , prius servanda est veritas hi-*  
*storia , & postmodum requirenda spiritalis intelli-*  
*gentia allegoria , tunc enim allegoria fructus sua-*  
*viter carpitur , cum prius per historiam in veri-*  
*tatis radice solidatur.* Et D. Chrysostomus proë-  
 mio in spal. illud Apostoli *Abraham habuit duos*  
*filios.* &c. exponens , ait : *Apostolus nusquam ever-*  
*tit historiam , licet contemplationem introduxerit :*  
*& hanc contemplationem vocavit allegoriam ; non*  
*quod nomina quid sibi vellent ignoraret ; sed di-*  
*cens , quod licet sententiis allegoria nomen attribue-*  
*rit ; per contemplationem tamen id sufficiat acci-*  
*pere , nusquam ladentes natura historiam.*

Resp. ad conf. Verbum Dei , quod est proles 15.  
 fecundi Patris infinitum est. Cæterum verbum  
 creatum , quale est , quod scribitur ad tot si-  
 gnificata extenditur , ad quot denotanda à Spi-  
 ritu

ritu Sancto designatum est. Certum est autem in certo numero & mensura præfixam esse ejus significationem; quanquam negandum non sit, multa esse significata, quæ nobis occulta sunt, nec penetrantur. Quod quidem in fecunditatem, & majestatem divini sermonis cedit, ut ex mysteriis prudentes exerceat, & mentes sublimiorem in admirationem suspendat, sicut ait D. Gregorius *præfat. in Job. c. 4.*

16.

Arg. 3. contra secundam partem; D. Augustinus *lib. de utilit. credendi cap. 3.* de expositione scripturæ loquens, ait; *Omnis scriptura, quæ testamentum vetus vocatur, diligenter eam nosse cupientibus quadrifariam traditur, secundum historiam, secundum ætymologiam, secundum analogiam, secundum allegoriam;* quæ quidem à quatuor assignatis sensibus omnino aliena esse videntur: non igitur conveniens videtur, quod eadem litera sacre scripturæ secundum quatuor sensus prædictos exponatur.

17.

Resp. S. D. hîc, quod illa tria, historia, ætymologia, & analogia ad unum literalem sensum pertinent. Nam historia est (ut ipsemet Augustinus exponit *ibidem*) cum simpliciter aliquid proponitur; ætymologia verò, cum causa dicti assignatur; sicut cum Dominus assignavit causam, quare Moyses permisit scientiam repudiandi uxores, scilicet propter duritiam cordis eorum, ut dicitur *Matthæi 19.* Analogia verò est cum veritas unius Scripturæ ostenditur veritati alterius non repugnare. Sola autem allegoria inter illa quatuor, pro tribus spiritualibus ponitur. Sicut & Hugo de S. Victore *in prol. lib. 1. de sacram. cap. 4.* sub sensu allegorico etiam anagogicum comprehendit, solum

tres



*Art. X. An plur. sens. hab. sub lit. Cap. II. 289*  
tres sensus enumerans, videlicet historicum, allegoricum, & tropologicum.

Arg. 4. præter prædictos sensus invenitur 18.  
sensus parabolicus, qui inter illos sensus quatuor non continetur: ergo sensus sacrae scripturae non sunt tantum quatuor. Resp. S. D. quod sensus parabolicus sub literali continetur: nam per voces significatur aliquid propriè & figurativè. Nec tamen est literalis sensus ipsa figura, sed id quod per eam significatum est. Non enim, cum scriptura nominat Dei brachium, est literalis sensus, quod in Deo sit membrum hujusmodi corporale; sed id quod per hoc membrum significatur, scil. virtus operativa. In quo patet quod sensui literali sacrae scripturae nunquam potest subesse falsum. 19.

Arg. 5. Sicut in sacra scriptura aliqua figuratè dicuntur de Christo, ita etiam figuratè dicuntur de aliis multis hominibus; sicut *Danielis* 8. per hircum capratum significatur rex Graecorum; sed hujusmodi figurativæ locutiones non faciunt nisi aliquem sensum præter literalem in sacra scriptura: ergo nec sensus allegoricus, per quem exponuntur de Christo ea, quæ in figura ipsius præcesserunt, debet illius sensus ab historico poni.

Resp. S. D. *quodlib. 7. art. 15.* quod hircus, 20.  
vel alia hujusmodi, per quæ aliæ personæ à Christo in Scripturis designantur, non fuerunt res aliquæ, sed similitudines imaginariæ ad hoc solum ostensæ, ut illæ personæ significarentur. Vnde illa significatio, quæ per illas similitudines personæ illæ, aut regna designantur, non pertinet nisi ad historicum sensum; sed ad Christum designandum etiam illa, quæ in rei veri-

tate contigerunt, ordinantur sicut umbra ad veritatem. Et ideo talis significatio, qua per huiusmodi res Christus, aut ejus membra significantur, facit alium sensum præter historicum, scil. allegoricum. Si alicubi verò invenitur, quod Christus significatur per huiusmodi imaginarias similitudines, talis significatio non excedit sensum literalem, sicut Christus significatur per lapidem, qui excisus est de monte sine manibus, *Danielis 2.*

21. Arg. 6. Vna est Ecclesia capitis, & membrorum; sed sensus allegoricus videtur pertinere ad caput Ecclesiæ, scilicet Christum; moralis autem sensus videtur pertinere ad membra ejus, scil. fideles: ergo sensus moralis non debet ab allegorico distingui. Conf. sensus moralis est, qui ad morum instructionem pertinet; sed sacra scriptura in pluribus locis secundum literalem sensum mores instruit: ergo moralis sensus non debet à literali distingui.

22. Resp. S. D. *ibid.* quod sensus allegoricus non solum pertinet ad Christum ratione capitis, sed etiam ratione membrorum; sicut quoddam per duodecim lapides electos de Iordane, *Iosue 7.* duodecim Apostoli designantur. Sed moralis sensus pertinet ad membra Christi, quantum ad proprios eorum actus, & non secundum quod considerantur, ut membra.

23. Resp. ad conf. cum eodem S. D. *ibidem*, quod moralis sensus non dicitur omnis ille, per quem mores instruuntur, sed per quem instructio morum sumitur, ex similitudine aliqua rerum gestarum. Sic enim moralis sensus est pars spiritualis, quod nunquam est idem sensus moralis, & spiritualis.

Arg. 7.

*Art. X. An plur. sens. hab. sub lit. Cap. II. 291*

Arg. 7. sicut Christus est caput Ecclesiæ militantis, ita est caput triumphantis; nec est alius, & alius Christus: ergo nec sensus anagogicus, per quem aliqua de Ecclesia triumphante exponuntur, alius ab allegorico esse debet, quo aliqua de Christo & Ecclesia militante exponuntur.

Conf. si isti quatuor sensus essent de necessitate Sacræ Scripturæ, quælibet pars illius deberet hos quatuor sensus habere; sed hoc falsum est, ut enim dicit D. Augustinus *sup. Genes. ad lit.* in quibusdam sensus literalis quærendus est solus: ergo hi quatuor sensus non sunt de necessitate expositionis Sacræ Scripturæ.

Resp. ad arg. S. D. *ibidem*, quod sicut sensus allegoricus ad Christum pertinet, secundum quod est caput Ecclesiæ militantis justificans eam, & gratiam infundens; ita & sensus anagogicus pertinet ad eum, secundum quod est caput Ecclesiæ triumphantis glorificans eam: quapropter sub diversa ratione penes ipsum sumitur sensus allegoricus & anagogicus.

Resp. ad conf. idem S. D. *ibidem* quod quatuor isti sensus, non ita Sacræ Scripturæ attribuantur, ut in qualibet ejus parte sit in istis quatuor sensibus exponenda; sed quandoque istis quatuor, quandoque tribus, quandoque uno tantum. In Sacra enim Scriptura præcipuè ex prioribus posteriora significantur; & ideo quandoque in Sacra Scriptura secundum sensum literalem, de priori aliquid dicitur, quod spiritualiter de posterioribus exponi potest, sed non convertitur. Inter omnia autem, quæ in Sacra Scriptura narrantur, prima sunt illa, quæ ad vetus testamentum pertinent; &

ideo, quæ secundum literalem sensum ad facta veteris testamenti spectant, quatuor illis sensibus exponi possunt. Secunda verò sunt illa, quæ ad statum præsentis Ecclesiæ spectant: in quibus illa sunt priora, quæ ad caput attinent, respectu eorum, quæ ad membra pertinent; quia ipsum corpus Christi verum, & ea quæ in ipso sunt gesta, sunt figura corporis Christi mystici, & eorum quæ in ipso geruntur; ut in ipso scilicet Christo exemplum vivendi sumere debeamus. In Christo etiam futura gloria nobis præmonstrata est; unde ea, quæ ad literam de ipso capite Christo dicuntur, possunt exponi & allegoricè referendo ad corpus ejus mysticum; & moraliter referendo ad actus nostros, qui secundum ipsum reformari debent: & anagogicè inquantum in Christo est nobis iter gloriæ demonstratum. Sed quando secundum literalem sensum dicitur aliquid de Ecclesia, non potest allegoricè exponi, nisi fortè ea quæ de primitiva Ecclesia dicuntur, quantum ad futurum statum Ecclesiæ præsentis exponantur; potest tamen exponi moraliter & anagogicè. Ea verò quæ moraliter dicuntur secundum sensum literalem, nonnisi allegoricè exponi consueverunt. Illa verò quæ secundum sensum literalem ad statum gloriæ pertinent, nullo alio sensu consueverunt exponi, eò quod ipsa nullatenus sint aliorum figura, sed ab omnibus aliis figurata.

28. Arg. ultimò contra id quod dicit S. D. nimirum, quod hujus scripturæ proprium sit, & non aliarum, prædictos sensus habere: sensus enim spirituales in sacra scriptura ex quibusdam similitudinibus desumuntur: sed in aliis scientiis etiam

*Art. X. An plur. sens. hab. sub lit. Cap. III. 293*  
etiam ex quibusdam similitudinibus proceditur:  
ergo in scripturis aliis plures sensus inveniri  
possunt.

Conf. 1. Poëticæ artis est veritatem aliquibus  
similitudinibus fictis designare : ergo videtur  
quodd , & in dictis poëtarum sensus spirituales  
inveniantur, & non solum in scriptura.

Resp. S. D. *quodlibet* 7. art. 16. quod in aliis  
scientiis proceditur ex similibus in argumen-  
tando, non quod ex verbis, quibus una res si-  
gnificatur, significetur & altera, quemadmodum  
in sacra scriptura contingit, quæ eisdem verbis  
plura significat, & res significatas ad aliud si-  
gnificandum accommodat.

Resp. ad conf. *ibid.* quod fictiones poëticæ  
non sunt ad aliud ordinatæ, nisi ad signifi-  
candum. Vnde talis significatio non supergre-  
ditur modum literalis sensus.

---

### C A P V T III.

*An sub una litera plures sensus literales  
contineri possint?*

§. I.

*Deciditur questio:*

**N**Egant Michaël Medina *lib. 6. de recta in*  
*Deum fide.* Ribera in *Oseam cap. 11.* &  
alii; sed contrariam sententiam asserunt omnes  
fere Theologi. Ita D. Thom. *hic art. 10. in corp.*  
ubi ait : *Quia verò sensus literalis est, quem au-*  
*thor intendit; auctor autem Sacra Scriptura Deus*

est, qui omnia simul suo intellectu comprehendit, non est inconveniens, ut dicit Augustinus 12. Confess. si etiam secundum literalem sensum in una litera scriptura plures sint sensus. Et quaest. 4. de pot. art. 1. c. Ne aliquis ita scripturam ad unum sensum cogere velit, quod alios sensus, qui in se veritatem continent, & possunt salva circumstantia litera scriptura aptari, penitus excludantur. Hoc enim ad dignitatem divina scriptura pertinet, ut sub una litera multos sensus contineat, ut sic & diversis hominum intellectibus conveniat, & unusquisque miretur se in divina scriptura posse invenire veritatem, quam mente conceperit; & per hoc etiam contra infideles facilius defendatur; dum si aliquid, quod quisque ex sacra scriptura velit intelligere, factum apparuerit, ad alium ejus sensum possit haberi recursus. Unde non est incredibile Moysi, & aliis sacra scriptura auctoribus hoc divinitus esse concessum, ut diversa vera, quae homines possent intelligere, ipsi cognoscerent, & ea sub una serie litera designarent, ut sic quilibet eorum sit sensus authoris, D. Thomam sequuntur Lyranus, Abulensis, Sylvester, Driedo, Castro, & alij, quos citat, & sequitur M. Gravina cathol. praescript. lib. 4. contr. 2. gener. de sensib. sac. script. art. 4.

33. Ita etiam sumitur ex SS. Patribus, & primò ex Augustino lib. 3. de doct. Christi. cap. 27. ubi ait: Ille quippe author in eisdem verbis, quae intelligere volumus, & ipsam sententiam forsitan vidit, & certè Dei Spiritus, qui per eam operatus est, etiam ipsam occursum lectori, vel auditori sine dubitatione praevidit; immo ut occurreret, quia ipsa est veritate subnixæ, providit. Nam quid in divinis eloquiis largius, & uberius potuit divinitus provideri,

*Art. X. An plur. sens. hab. sub lit. Cap. III. 295*  
 provideri, quam ut eadem verba pluribus intelli-  
 gantur modis, quos alios non minus divina conte-  
 stantia faciunt approbari. Deinde ex D. Hiero-  
 nymo *epist. 103.* S. Chrysostomo *hom. 2. in Ge-  
 nef.* D. Basilio *lib. de Spiritu Sancto in principio,*  
 & aliis.

Prob. primò ex variis sacræ scripturæ locis,  
 quos necessum est in multiplici sensu ad literam  
 intelligere: Et primò quidem ille locus Exodi  
 12. *Os non comminuentis ex eo,* literaliter de agno  
 paschali intelligitur; sed etiam debet ad lite-  
 ram de Christo intelligi: ergo idem scripturæ  
 sermo diversos sensus literales habere potest.  
 Prob. min. ex illo Ioan. 19. *Hoc autem factum*  
*est, ut impleretur scriptura, quæ dicit, os non com-*  
*minuetis ex eo:* ex quibus sic scriptura comple-  
 tur, quando fit id, quod per eam significatur;  
 sed sensus mystici per scripturam non signifi-  
 cantur, sed per res ipsas scripturis significatas:  
 ergo ad literam de Christo debet intelligi, &  
 non mysticè duntaxat.

Secundò ex psalmo 2. ubi dicitur; *Dom-*  
*inus dixit ad me, filius meus es tu, hodie ge-*  
*nui te.* Quem locum D. Paulus ad Hebræos 1.  
 de æterna generatione explicat, dicens: *Cui*  
*enim Angelorum aliquando dictum est filius meus*  
*es tu, hodie genui te?* Et infra c. 5. eundem locum  
 de promotione ad sacerdotium interpretatur:  
*Christus, inquit non semetipsum glorificavit, ut*  
*Pontifex fieret, sed qui loquutus est ad eum: filius*  
*meus es tu, ego hodie genui te, quemadmodum &*  
*in alio loco dicit, tu es Sacerdos in æternum se-*  
*cundum ordinem Melchisedech.* D. Petrus autem  
 in actis Apostolorum cap. 13. illum de resurre-  
 ctione Christi ex mortuis exponit: *Nos annun-*

*ciamus, inquit, vobis eam, quæ apud Patres nostros facta est repromissio, quando hanc Deus adimplevit filiis vestris resuscitans Iesum, sicut in psalmo 2. scriptum est; Filius meus es tu, ego hodie genui te; sed hi sensus non sunt mystici; Apostolus enim non ex rebus per voces, significatis, sed ex sensu per ipsa verba propriè significata tot sensus ex una, eademque litera eruit; ergo &c. Explicatur & idem locus in sensu literali de generatione Christi secundum carnem; ita Ecclesia in officio Nativitatis,*

36. *Sunt & alij plures huiusmodi sacræ scripturæ loci, qui multos literales sensus admittunt, ut locus ille Isaiæ 53. Generationem ejus quis enarrabit? qui tam de generatione æterna, quam de temporali; necnon de resurrectione Christi ex mortuis, atque de regeneratione filiorum Ecclesiæ per adoptionem, quæ ex morte Christi processit, à Sanctis Patribus exponitur, ut videre est apud M. Gravina loc. cit. Similiter & locus ejusdem Prophetæ in eodem capite 53. Verè languores nostros ipse tulit. Qui tum de peccatis nostris; tum de miraculis, quibus nostros morbos Christus ipse sanavit, exponitur. Ut alios plures prætermittam, qui passim in sacris expositoribus occurrunt.*

37. *Prob. ratione quia potest scriptor prophæus una voce plures sensus concludere, ut probat D. Augustinus lib. 2. de doct. Christiana cap. 23. dicens; Beta uno eodemque sermo apud Græcos littera, apud Latinos oleris est nomen; & cum dico, lege, in his duabus syllabis aliud Græcus, aliud Latinus intelligit, & Deus ipse scripturæ conditor potest rebus ipsis propter diversas proprietates plura significare, ut ex S. D. supra diximus;*



diximus : ergo poterit etiam iisdem vocibus si-  
ve tropicis , siue propriis plures sensus , atque  
sententias designare. Et quod de facto sic fe-  
cerit , suadetur ; tum quia ad dignitatem con-  
ditionis sacræ scripturæ conducit ; tum quia ad  
majorem Dei gloriam spectat , si asseratur scri-  
pturam divinam sic ab ipso esse conditam , ut  
fons esset uberrimus , diversas , easque com-  
possibiles sententias per plura capita scaturiens ,  
quam si esset angustus rivus in uno alveo tan-  
tum decurrens. Tandem , quia eò in majori  
veneratione habetur , quo in sensuum litera-  
lium multiplicitate ejus alta profunditas cerni-  
tur. Vnde S. Augustinus lib. 12. confess. exclam-  
mat : *Mira profunditas eloquiorum tuorum ! Ecce  
ante nos superficies blandiens ; sed mira profundi-  
tas , Deus meus ! mira profunditas , horror est in-  
tendere in eam : horror honoris , & tremor amoris.*

Secundò prob. ratione , quia ex ista sensuum  
literalium multiplicitate , nedum sapientia con-  
ditoris ostenditur , sed maxima utilitas nobis  
est allata , dum ad scripturarum exercitatio-  
nem accendimur , & historiæ veritatem ma-  
jori studio investigamus. Vnde Sanctus Hierò-  
nymus exponens illa Daniëlis verba capite 12.  
*Tu autem Daniel claude sermones usque ad tem-  
pus statutum , plurimi pertransibunt , & multi-  
plex erit scientia ,* inquit , *Præcipit ut involvat  
sermones , signet librum ut legant plurimi , &  
quarant historia veritatem , & propter obscuri-  
tatis magnitudinem diversa opinentur.* Tertiò  
prob. ab inconvenienti : quia aliàs exposi-  
tiones literales à Patribus , & expositoribus  
adductæ essent reiiciendæ , utpote alienæ ab in-  
tentione Spiritus Sancti , quod est contra com-

munem

§. II.

*Solvuntur argumenta contraria.*

39. **A**Rg. 1. multiplicitas sensuum literalium sub unius literæ cortice delitescens, non potest non parere æquivocationem, ambiguitatem, & confusionem, atque fallaciam: sed hac penitus à scripturis sacris est removenda, ne dæmonum oracula imitari videantur, quæ sub verbis æquivocis reddita incautos decipiebant: igitur neque admittendum est, quod sub una litera multos sensus literales ipsa habere possit. Maj. patet, quia æquivoca sunt, quorum nomen est commune, ratio verò significata est omnino diversa; tunc autem immediate plura essent unius vocis, vel sermonis significata. Vnde S. Thomas hîc solut. ad 1. ex eo dicit multipliciter sensuum in sacra scriptura non facere æquivocationem, aut aliam multiplicatis speciem: *quia sensus isti non multiplicantur propter hoc quod una vox multa significet; sed quia ipsa res significata per voces aliarum rerum possunt esse signa.*

40. Varias Doctores huic argumento solutiones adhibent, itaut tot sint fere sensus, quot capita. Sylvester in *rosa aurea tract. 1. cap. 6.* quem sequuntur alij non pauci, ait, tunc tantummodo æquivocationem committi, cum enunciatio profertur, in qua unus sensus est verus, & alius falsus ad decipiendum audientem. Cæterum quando uterque sensus verus est & textui conveniens, nullatenus fallaciam, æquivocationem,

*Art. X. An plur. sens. hab. sub lit. Cap. III. 299*  
tionem, aut amphibologiam inducit, sed ad  
majorem intelligentiam confert. Omnia autem  
dæmonum oracula erant ambigua & ad deci-  
piendum ordinata, & licet in uno sensu vera,  
in alio falsa esse possent, tamen ad fallendum  
specie tenus veritatem ostendebant, & menda-  
cium, quod intendebatur, occultabant.

Responderi potest 2. ex D. Thom. *opuscul. 39. c. 1.*  
multiplicitatem sermonis tunc duntaxat esse de-  
ceptionis causam, & æquivocationem seu am-  
phibologiam parere. *Quando propter unitatem*  
*vocis creditur esse unitas rei per vocem significata;*  
*sicut illa que per nomen canis significantur, unum*  
*esse videntur, quia hoc nomen canis est unum.*  
Non sic autem est in uno sermone sacræ scri-  
pturæ plures literæ sensus habente, quia non  
creditur esse unitas rei significatæ, propter uni-  
tatem vocis; quinimmo propter eminentiam  
Verbi divini creditur, quod sub unius literæ  
nucleo possit plura continere diversa, & signi-  
ficare, non quidem à casu, aut beneplacito hu-  
mano, sed ordinatione Dei, qui omnia simul  
suo intellectu comprehendit, & subinde unam  
vocem, vel sermonem ordinare valet ad multa  
simul cum veritate significandum, & absque de-  
ceptione.

Ad illud, quod ex D. Thoma adducitur, di-  
cendum, quod S. D. directè respondens argu-  
mento, quod ex falsa suppositione procedebat,  
nimirum quod una vox vel unicus sermo multa  
significaret, optimè ait, quod multiplicitas ho-  
rum sensuum non facit æquivocationem, quia  
sensus isti non multiplicantur per hoc quod vox  
una multa significet, ut contingit in hoc no-  
mine *canis*, sed quia ipsæ res significatæ per  
voces

41.

42.

voces aliarum rerum possunt esse signa; quia ibi tantum de pluralitate sensuum agebat. An verò, quando in una litera plures sensus immediatè reperiuntur, committatur æquivocatio, non aperuit, quia id argumentum non postulabat.

43. Arg. 2. si essent in una litera plures sensus, tunc nihil certum ex sensu literali definiri posset, aut ab eo efficax argumentum desumi; unusquisque enim pro libito posset unam, vel alteram expositionem sequi, aut propriam adducere, aut alteram rejicere: essetque procedere à disjunctiva propositione ad alteram ejus partem, quæ argumentandi ratio inefficax & infirma est; igitur nequeunt sub una litera plures sensus contineri.

44. Resp. 1. D. Cajetanus tunc conferendos hujusmodi sensus varios cum aliis sacræ paginæ locis, & si consonaverint, ab eis posse optimè & efficaciter argui. Quod si in aliis locis obscurè duntaxat veritas habeatur, recurrendum est ad Ecclesiæ auctoritatem, à qua non solum de literalis sensu possumus reddi certissimi, sed etiam de scriptura ipsa certiorati sumus. Nam, ut inquit Augustinus, *Evangelio non crederem, nisi me auctoritas Ecclesiæ admoneret.*

45. Resp. alij 2. cum Sylvestro, quod si sub una litera sint diversi sensus, & in aliquo conveniant, poterit tunc efficax desumi argumentum. Licet enim non consentiant authores in assignando tempore, quando inceperint, vel completæ sint Daniëlis hebdomadæ: quia tamen omnes fatentur quod tempus earum jam completum sit, colligitur evidenter jam Christum advenisse. Si autem sensus literalis non sit idem apud omnes, contra admittentes illum, firmum conficitur

*Art. X. An plur. sens. hab. sub lit. Cap. IV. 301*  
conficitur argumentum, non tamen contra non  
admittentes, maximè si sint infideles. Nec ar-  
guitur à disjunctiva ad copulativam, immo po-  
tius à copulativa ad singulas partes, unde va-  
lidè arguitur; locus enim plures sensus habens  
literales copulativæ locum obtinet.

---

## C A P V T · I V.

*An præter illos quatuor sensus detur  
accommodatitius?*

**S**ensus accommodatitius à Doctoribus dici-  
tur applicatio verborum sacrae scripturae ali-  
cui intento, vel proposito, quod sacer scriptor,  
nec historicè, nec mysticè intendit, vel indi-  
cavit; v.g. cum Ecclesia beatissimæ Virgini Ma-  
riæ adaptat illud Ecclesiastici 24. *Ab initio, &  
ante sæcula creata sum*; Quod propriè de divina  
sapientia intelligi debet. Certum est hujusmodi  
sensem accommodatitium non esse sacrae scri-  
pturae proprium, quia à Spiritu Sancto non  
præsupponitur intentus. Quapropter solùm hoc  
in dubium vocatur, utrum aliquando sacra scri-  
ptura, vel sacer scriptor, allegans alterius scri-  
pturae testimonium, ipso in sensu accommoda-  
titio utatur? affirmant quidam Recentiores; sed  
contrarium asserunt communiter Doctores.

Prob. I. autoritate Vigilij Papæ, qui refe-  
rens errorem Theodori Mopsuesteni asserentis  
quæcunque dicta sunt de Christo, & ejus my-  
steriis secundùm rei eventum, & accommoda-  
tionem interpretanda venire, cap. 22. ita scribit;

*In*

46.

47.

*In supradicto capite hoc videtur dici prophetiam, qua ex persona Christi loquens ait: Non derelinques animam meam in inferno, non de ipso Christo predictam fuisse, sed de populo Israëlítico; hoc autem verum eventum ex rebus ipsis accepisse in Domino; & ideo beatum Petrum ad Christum hanc prophetiam, per eventum aptare voluisse. Qui hac ita sapit, docet, credit, predicat, anathema sit. Et cap. seq. 23. similiter alia Prophetarum dicta, quæ per eventum ipse Theodorus asserbat evenisse, sic intelligenda sub anathemate prohibuit.*

48. Sumitur etiam ex D. Augustino lib. 3. de doct. Christ. cap. 10. ubi ait: *Non asserit scriptura nisi catholicam fidem rebus præteritis, presentibus, & futuris. Præteritorum narratio est futurorum prænuntiatio, presentium demonstratio: igitur nihil in præsentī evenit, vel in futuro eventurum est, quod non sit prædictum; ac subinde à Spiritu Sancto intentum & prænuntiatur: igitur dum sacer scriptor aliquod scripturæ testimonium adducit in confirmationem illius quod scribit, in eo sensu in quo fuerat à Spiritu Sancto prænuntiatur, allegat; ac subinde non in sensu accomodatitio. Vnde scriptores sacri, ut hoc manifestè indicent, soliti sunt hæc verba adjicere: Tunc impletum est, vel, ut adimpleretur, ut patet Matth. 2. Ut impleretur quod dictum est à Domino per Prophetam; ex Ægypto vocavi filium meum, & in multis aliis ejusdem locis, ut cap. 1. v. 22. cap. 4. v. 14. cap. 8. v. 17. cap. 12. v. 17. cap. 21. v. 4. c. 26. v. 56. & Ioan. 15. v. 25. & alibi sæpe. Non dicitur autem propriè adimpleri scriptura per eventum rei, qui in ea non fuerat prænuntiatus & prædictus.*

Conf.

Conf. ea quæ in veteri testamento dicta vel gesta sunt, umbræ & figuræ existunt eorum, quæ in novo fieri debebant, præsertim in capite Christo, ut patet ex Apostolo 1. Corinth. 10. *Omnia in figura contingebant illis*; & Heb. 10. *Umbra enim habens lex futurorum bonorum &c.* ergo cum Christus sit finis legis omni credenti; quæ ex veteri testamento ad confirmationem veritatis à scriptoribus canonicis adducuntur, à Spiritu Sancto prænunciata fuerant, & erant præsertim demonstratio, ut ait August. cit. videndus D. Hieronymus *epist. ad Paulinum*; & *lib. 3. contr. Donatist. c. 19.* ubi ait, hæreticis familiare esse librorum sanctorum verba ad imaginem phantasmatum suorum convertere. Quod & insinuant Tertullianus *lib. de præscript. c. 39.* & Irenæus *lib. 1. c. 1.*

49.

Varia scripturæ testimonia congerunt oppositum asserentes, quæ contendunt nonnisi in sensu accommodatio à scriptoribus sacris potuisse adduci, & interpretari, cujusmodi est ille Tobia 2. *Manducaui panem cum luctu memorans illum sermonem, quem dixit Dominus per Amos prophetam; dies vestri convertentur in lamentationem & luctum*, ubi adducitur prophetia Amos, quæ literaliter loquitur de calamitate populi Israël, cujus captivitatem & interfectionem prænunciabat, & non de calamitate ipsius Tobia; igitur nonnisi in sensu accommodatio à Tobia scriptore sacro adduci potuit. Eiusmodi etiam sunt sequentia loca Matth. 2. *Ex Aegypto vocavi filium meum*, quod ad literam de Populo Israëlítico intelligitur, ab Evangelista autem adducitur pro reditu pueri Iesu ex Aegypto. Et  
ibidem

50.

ibidem etiam; *Vox in Rhama audita est* &c. qui locus per accommodationem ad necem innocentium translatus est. Præterea illud Ioëlis c. 2. *Effundam de Spiritu meo super omnem carnem.* Et illud psal. 15. *Non derelinques animam in inferno.* Et illud Osee 9. *Post hac revertar, & reedificabo tabernaculum David.* Quæ præfatus Theodorus Mopsuestenus in sensu accommodatio interpretabatur.

51. Resp. omnia ejusmodi loca, non quidem in sensu accommodatio, sed literali, saltem spiritali adducta fuisse, ut diximus. Ad 1. itaque dicendum, quod ea verba, *memorans illum sermonem*, satis indicant à Tobia intellectam prophetiam Amos in sensu literali. Etenim cum prophetia illa generalis esset absque determinatione loci & temporis, comminante Deo filiis Israël propter peccata se acturum ut omnes eorum festivitates in luctum converterentur, & ipsum Tobiam respiciebat, qui unus ex populo Israël erat. Vnde etiam idem locus *lib. 1. Machab.* adducitur, non quidem per accommodationem, sed in sensu literali ad illorum temporum calamitatem designandam sacer scriptor transtulit.

52. Ad 2. quidam aiunt in sensu mystico reditum pueri Iesu ex Egypto figuratum, & intellectum. Alij autem dicunt utrumque literaliter intelligendum, quod satis indicant illa verba, *Ut impleretur, quod dictum est à Domino per Prophetam dicentem.* Cujus rei gratia notandum ex S. D. ibid. quod in omnibus autoritatibus, quæ in Evangeliiis, vel in epistolis dicuntur de Christo, quædam de ipso specialiter enunciantur, quemadmo



*Art. X. An plur. sens. hab. sub lit. Cap. IV. 305*  
 quemadmodum illud Isaïæ 53. *Tanquam ovis*  
*ad occisionem &c.* Quædam autem dicuntur de  
 quibusdam, secundum quod Christi figuram  
 gesserunt, & sic est ista autoritas. Isti enim  
 non fuerunt filij Israël, nisi inquantum si-  
 militudinem gesserunt veri filij Vnigeniti. Aliis  
 placet eo in loco non esse sensum literalem de  
 populo Israël, sed de adventu Christi, & Iu-  
 dæorum infidelitate. Similiter ad illud, *vox*  
*in Rhama &c.* respondet S. Thom. quod in-  
 telligendum venit in sensu literali: *Ista est*  
*una de illis* (scilicet ex autoritatibus) *qua in-*  
*troducuntur in Evangelio, qua tamen sensum li-*  
*teralem habet, quia est figura ejus, quod fuit in*  
*novo testamento.* Ex quibus ad alia, & similia  
 loca patet solutio.

Solet & pro magno adduci locus ille Apo-  
 stoli ad Titum 1. ubi loquens de Cretensibus,  
 auctoritatem poëtæ Epimenidis adducit dicen-  
 tis: *Cretenses semper mendaces, mala bestia,*  
*ventres pigri;* & hoc asserit dictum per pro-  
 prium illorum prophetam. Respond. ex S.  
 Thom. *ibid. lec. 3.* quod illa autoritas in sen-  
 su litterali adducitur, describit enim proprias  
 Cretensium conditiones. Vnde Apostolus sta-  
 tim subdit: *Testimonium hoc verum est,* quæ  
 verba explicans S. Doctor ait: *Per hoc intel-*  
*ligitur, quod Doctor Sacra Scriptura accipit*  
*testimonium veritatis, ubicumque invenerit. Vn-*  
*de Apostolus in pluribus locis recitat dicta Gen-*  
*tilium, sicut 1. Corinth. 15. Corrumunt bonos*  
*mores colloquia mala. Item Act. 17. In ipso*  
*vivimus, movemur, & sumus. Nec propter*  
*hoc approbatur tota eorum doctrina, sed eligitur*  
*bonum: quia verum à quocumque dicatur est*

306 *Quæst. I. De Sacra Doctrina,*  
à Spiritu Sancto , & respuitur malum. Vnde  
dicitur Deuteronomij 21. in figura hujus , quod si  
quis viderit puellam in numero captivorum, debet  
præcidere ungues , & capillos, id est , superfluita-  
tes. Et hæc breviter dicta sint de hac quæ-  
stione & materia. Qui plura desiderat , adeat  
authores , qui ex professo de hac re agunt ,  
præsertim nostrum Gravina lib. 4. cathol. præ-  
script. controv. 2. generali de sensibus Sacra-  
Scriptura art. 8.



QVÆSTIO



QVÆSTIO SECYNDÆ,  
DE DEO.  
AN DEVS SIT.

PROLOGVS.



STO in naturali rerum cognitione, quæ ex sensu principium sumit innata sit nobis cognitionis via à posterioribus ad priora, ac subinde à creaturis ad conditorem; attamen in his quæ revelatione divina, ac supernæ fidei lumine desursum à Patre luminum descendente capimus, nostra cognitio immediate ipsi primæ veritati innititur. Quapropter necessum est, ut à prima veritate, quæ Deus est, ad ea cognoscenda, quæ ab ipso ducunt, ceu effecta originem, procedamus. Nam & Sancti in Patria Verbum Dei immediate contuentur, & in ipso creaturarum notitiam sibi comparant: quorum scientiæ, & cognitionis omnimodæ perfectæ est

D.Th.r.  
sent. dist.  
48. exp.  
text. o-  
pusc. 70.  
5.1.

1. sent. q. hæc quoque sacra doctrina perfectior  
 prol. 2. 1. assimilatio; Vnde & per anthonomasiam  
 c. opusc. Sapientia sanctorum dicitur.  
 70. q. 1. 2.  
 2.

Eusebius  
 de præ-  
 par.  
 evang.  
 lib. 7. c. 4.  
 & 5.

Et reipsa quidem à Deo ipso Theo-  
 logiæ desumendum esse exordium per-  
 antiquus Theologorum mos obtinuit.  
 Primus enim omnium eximius ille  
 Theologus Moyses, qui divinas leges  
 conscripsit, cum pietati convenientem  
 doctrinam tradere voluisset, non com-  
 munibus, atque tritis exordiis usus est,  
 sed nihil potius ducens, quam prisco-  
 rum sui generis Theologiam ad rectè  
 vivendi normam pertinere, à Deo se-  
 cundum Hebræorum Theologiam in-  
 cœpit. Quinimò doctrina Evangeli-  
 ca, prophetica, ac paternam Hebræo-  
 rum Theologiam renovans, à divini-  
 tate desumpsit exordium: *In principio*,  
 inquit, Theologorum apex, *erat verbum,*  
*& verbum erat apud Deum, & Deus erat*  
*verbum.* A Deo ergo exordium desu-  
 mamus.

Lib 1.  
 cont.  
 gent. c. 9.

Intendentibus autem nobis de Deo  
 sermonem, atque ratiocinationem te-  
 xere, considerata primùm occurrunt  
 ea, quæ Deum unum, & ejus essen-  
 tiam concernunt; *ut de unius principatu,*  
*atque imperij dignitate eruditi, personarum*  
*doctrinam paulatim addiscere valeamus,*  
 quemadmo

quemadmodum admonuit D. Isidorus  
Pelusiota *epistola* 261.

Inter illa autem, quæ de Deo, illius- Ibidem  
que natura considerata veniunt, præ-  
mittenda est, quasi totius operis fun-  
damentum necessarium, consideratio  
qua demonstratur Deum esse; nisi enim  
veritatem hanc præacceperimus, om-  
nem de divinis rebus contemplatio-  
nem nos in vanum assumpturos fore  
constat. Hinc Apostolus Athenienses  
in fide instructurus imprimis Deum  
esse illis annunciat; quod egregiè  
adnotavit Divus Chrysostomus ho-  
mil. 38. in acta Apostol. dicens; *Cur  
autem non rectè juxta Philosophiam in-  
greditur dicens, Deus natura incorporeus  
est, invisibilis, & infigurabilis; Quia  
superfluum videbatur jam hæc dicere ad  
homines quidem nondum edoctos unum esse  
Deum.*

\*\*\*

## ARTICVLVS PRIMVS.

*Virum Deum esse sit per se notum.*

### CAPVT PRIMVM.

*Quid sit aliquam propositionem esse per se notam, & quot modis dicatur.*

I.  
Vide 1.  
p. q. 17. a.  
3. c.



PROPOSITIONEM per se notam, eam esse dicit D. Thomas; cuius prædicatum est de ratione subiecti; quæ definitio est per causam data; causa enim, cur propositio per se nota dicatur, est quia prædicatum est de ratione subiecti. Vnde propositio per se nota formaliter loquendo, est; quæ cognitis terminis statim cognoscitur. Illud autem dicitur statim cognosci, cuius cognitio non per demonstrationem, aut alio simili modo, sed per naturam advenit, & non per acquisitionem, quia nimirum intellectus per naturale rationis lumen ad illud cognoscibile est determinatum. Vnde omnem propositionem per se notam, immediatam esse oportet, id est carentem medio per quod demonstretur; siue simpliciter, ut prima principia universalissima; siue in aliquo genere, sicut universalia scientiarum principia.

2.  
Ibid. &  
in 4. d. 4.  
q. 2. a. 1.  
c. opusc.  
69.

Ad cuius evidentiam sciendum est, quod propositio apprehensionem sequitur, & quodammodo in ea fundatur; non enim est compositio, & divisio, seu affirmatio, & negatio, nisi simplicium

*Art. I. An Deum esse sit per se notum, C. I. 3* 11  
 simplicium apprehensorum. Quarundam autem  
 propositionum termini ejusmodi sunt, ut in  
 omnium cognitione, & notitia communiter ver-  
 sentur, sicut ens, unum, totum, & pars; æqua-  
 le, & inæquale; aliaque hujusmodi plurima,  
 quæ sunt entis inquantum ens, quæ est prima,  
 & universalior, seu communior entis conceptio;  
 nihil enim intelligitur, nisi sub entis ratione.  
 Propositiones itaque ex hujusmodi communi-  
 bus terminis coalescentes dicuntur, & sunt pro-  
 positiones per se notæ secundum se, & quoad  
 nos; quia nimirum sunt communes quædam  
 animi conceptiones, quas dum quisque audit  
 naturaliter approbat, dummodo prædicati, &  
 subjecti notitiam præceperit, v. g. *Omne to-  
 tum est majus sua parte*; Scito enim quid sit to-  
 tum, & quid pars, statim naturali intellectus  
 lumine ad id adigente, ab audiente præbetur  
 assensus absque aliqua investigatione rationis  
 ad assentiendum necessariò compellente.

Sunt & alij termini immediatam equidem,  
 & infallibilem habitudinem inter se habentes, <sup>3.</sup> *Ibid.*  
 itaut unum sit de alterius ratione, nec sine illo  
 possit quidditativè nosci; tamen de eis non  
 scitur quid sint communiter, nec facilè quia  
 nimirum procul sunt à sensu, ac subinde à me-  
 moria & experimento; quapropter diligenti  
 inquisitione egent, ut diffinitivè eorum cognos-  
 catur ratio, procedendo per viam divisionis ge-  
 neris in differentias, & investigationem causa-  
 rum rei, accidentiumque ipsius. Et proposi-  
 tiones per se, quæ hujusmodi terminis con-  
 stant, positiones dicuntur, suntque per se notæ  
 secundum se, non tamen quoad nos; v. g. hæc;  
*Angelus non est in loco circumscriptivè*; intelli-

genti enim quid sit Angelus, seu potius quid non sit, videlicet quod non sit corpus, sed incorporale quidpiam, per se notum est secundum se, quod non est in loco circumscriptivè; sed tamen non quoad nos, quia dum auditur, nec naturaliter statim approbatur, nec ab omnibus, quasi ad sensum patens, seu ad illius assensum naturali adigente intellectus agentis lumine, ex his solis quæ sibi apud sensum, vel imaginationem sunt nota.

4. Hanc propositionis per se notæ divisionem in eam quæ est nota secundum se, & quoad nos, & in eam quæ secundum se duntaxat nota est, rejecit Scotus in 1. *dist. 2. quaest. 2.* & post ipsum aliqui recentiores; sed immerito sanè, quia modus rei cognitæ non est modus cognoscentis, res enim materiales in intellectu, immateriali modo esse habent; sed quod propositio aliqua sit per se nota secundum se habet ex modo rei cognitæ; quod verò sit etiam per se nota quoad nos ex modo cognoscentis sortitur: ergo bene stat, immò necessum est, quod aliqua propositio sit per se nota secundum se & non quoad nos. Minor probatur quod sit per se nota propositio secundum se habet ex hoc quod res significata, nimirum veritas illius, est primum & per se objectum intellectus componentis, & dividensis, sicut ratio rei est primum objectum intellectus simpliciter intelligentis, ac subinde movere natum est ipsum per modum naturæ, & ut intellectus quidam est, absque collatione rationis; sed quod sit per se nota etiam quoad nos provenit ex hoc quod proprius cognoscentis modus est cum dependentia à sensibilibus imaginibus, à quibus ejus cognitio ortum habet, &



*Art. I. An Deum esse sit per se notū, C. II. 313*  
& per resolutionem ad ea de rerum veritate judicat absque discursu, & collatione, per modum naturæ, quemadmodum, ut ita dicam, ovis judicat de appetibili convenienti: ergo quod propositio aliqua sit per se nota secundum se, habet ex modo rei cognitæ; quod verò sit etiam per se nota quoad nos, ex modo cognoscentis sortitur. Vide quæ diximus tom. 2. Clypei quæst. 14. art. 2. §. 4. Nec enim brevitati studentes debemus omnes quæstiones philosophicas ad longum hîc inculcare.

---

## C A P V T II.

*Hanc propositionem, Deus est, esse per se notam secundum se, & non quoad nos demonstratur?*

Circa hanc quæstionem triplex invenitur antiquorum opinio. Quidam (ut Rabbi Moyses narrat) dixerunt quod Deum esse nec est per se notum, nec per rationem demonstrabile: sed sola fide suscipiendum. Et ad hoc asserendum inducti sunt rationum debilitate, quibus multi in hoc demonstrando utuntur. Alij, ut D. Anselmus, arbitrati sunt, quod Deum esse sit per se notum intantum ut nullus possit interius cogitare Deum non esse. Alij ut Avicenna 1. *metaphys.* dixerunt quod Deum esse non sit per se notum, sed per demonstrationem scitum. Prima sententia jamdudum à Scholis exulavit. Constat enim ab ipsismet Philosophis fuisse irrefragabilibus rationibus id demonstratum.

stratum. Ex duabus autem posterioribus prima multis postea arrisit; alijs autem secunda placuit. Esto diversimodè rem explicent, ut videre est apud Illustrissimum D. Godoy 1.p.9.2.tract.2. disp.2.6.2.

6. Dicendum est igitur hanc propositionem, *Deus est*, esse per se notam secundum se, non tamen quoad nos. Prima pars prob. propositio cujus prædicatum est de intrinseca ratione subjecti est per se nota secundum se; sed prædicatum hujus propositionis, *Deus est*, est de intrinseca ratione subjecti, ita ut visa natura subjecti statim appareat inhærentia prædicati cum subjecto; Deus enim est suum esse: ergo est per se nota secundum se. Major patet, nam nihil prius rei inest, quam sua ratio: ergo cum prædicatum est de intrinseca ratione subjecti, non est medium reperire ad probandum ipsum inesse subjecto: ergo non est nota per aliud medium complexum: ergo per se.

7. Secunda pars prob. ea quæ sunt per se nota etiam quoad nos, ut dicit Phil. 4. *metaph. tex. 48.* etsi exterius negentur ore, nunquam interius negari possunt corde; sed Deum esse potest corde negari: ergo Deum esse non est per se notum quoad nos, & secundum se. Maj. patet, quia ad assentiendum vero per se noto simpliciter per modum naturæ fertur intellectus principiorum: ergo circa illa non errat. Minor prob. ex illo Psalmi 13. *Dixit insipiens in corde suo non est Deus.* Vbi D. Basilius; *Ubi est Deus, in corde vero insipientis non est. Insipientem autem, qui malo est ingenio, dicit, ibid.*

8. Secundò prob. quidquid demonstratione indiget, ut notum sit per se notitia certa, & infallibili, non

*Art. 1. An Deum esse sit per se notū, C. II. 315*  
 non est per se notum quoad nos, quia quoad nos  
 indiget medio, ut innotescat; sed hæc propositio  
*Deus est*, ut innotescat certa, & infallibili evi-  
 dentia, indiget demonstrari: ergo non est per  
 se nota quoad nos evidentia certa, & infallibili.  
 Prob. min. cognitione naturali non possumus  
 in cognitionem Dei devenire nisi ex sensibili-  
 um cognitione per remotionem, excessum, &  
 causalitatem; omnis enim nostra cognitio pro  
 hoc statu ortum habet à sensibus; sed ad deve-  
 niendum ex effectibus sensibilibus imperfectè  
 Deum repræsentantibus, in notitiam Dei cer-  
 tam multa rationis inquisitione indigemus præ-  
 cedendo à notioribus quoad nos: ergo hæc pro-  
 positio *Deus est*, ut innotescat certa, & infallibili  
 indiget demonstrari, *ibid.*

Confirmatur; ea quæ per se nobis nota sunt,  
 efficiuntur nota statim per sensum; sicut visis  
 toto & parte statim absque ulla inquisitione co-  
 gnoscimus omne totum esse majus sua parte;  
 Vnde Philos. 1. *poster. text. 24.* principia, inquit,  
 cognoscimus, dum terminos cognoscimus; sed  
 visis sensibilibus non statim pervenimus in Dei  
 cognitionem, sed per inquisitionem rationis de-  
 monstrativè procedendo, secundum videlicet  
 quod ista causata sunt, & quod omne causatum  
 ab aliquo agente esse necessum est &c. ergo hæc  
 propositio *Deus est*, non est per se nota quoad  
 nos. *ibidem.*

Confirmatur 2. non scimus de Deo quid est;  
 sed ut sit nobis per se notum notitia certâ, & in-  
 fallibili evidentiâ quod Deus sit, oportet nosse  
 quod quid est ipsius Dei absque rationis inqui-  
 sitione: ergo Deum esse non est per se notum  
 secundum se, & quoad nos. Major ex dictis *art. 1.*  
 est

9.

10.

1. cont.  
gent. 2.  
11.

est manifesta; minor verò prob. profectio per se nota ea est, quæ notis terminis per se nota est notia certa & evidentia infallibili; sed non cognoscuntur termini, nisi inquantum ratio ipsorum quidditativa cognoscitur, quæ est causa per quam innotescit unum per se, & immediate alteri inesse: ergo ut sit nobis per se notum evidentia certâ, & infallibili quod Deus sit, oportet nosse quod quid est ipsius absque rationis investigatione, aut medio probativo. Minor prob. quidditas rei est primum, & proprium per se objectum ipsius intellectus, inquantum intellectus est; sed nihil naturaliter potentiam movet, nisi inquantum rationem primi, propriique, ac per se objecti illius participat: ergo intantum naturaliter, & absque rationis inquisitione aliqua propositio potest intellectum suapte natura movere ad assentiendum illi, inquantum quodquid est terminorum cognitum, efficit ut statim noscamus unum alteri per se necessario, & immediate inesse.

- II. Ex quibus infertur hanc propositionem, *Deus est*, simpliciter beatis per se notam esse, qui essentiam illius intuentur. Quod expresse docet S. D. *quaest. 10. de verit. art. 12.* dicens; *In patria ubi essentiam ejus videbimus, multò amplius erit nobis per se notum Deum esse, quàm nunc sit per se notum, quod affirmatio, & negatio non sunt simul verae.* Et breviter prob. ex eodem. *ibidem.* Ad hoc quod aliquid sit per se notum nihil aliud requiritur, nisi ut prædicatum sit de ratione subjecti; tunc enim subjectum cogitari non potest sine hoc quod prædicatum sibi inesse appareat; ad hoc autem ut sit per se notum nobis, oportet ut sit nobis nota subjecti ratio, in

*Art. I. An Deum esse sit per se notū, C. III. 317*  
in qua concluditur prædicatum; sed esse est de  
ratione quidditativa Dei, & Dei ratio est perfe-  
ctè nota beatis: ergo illis simpliciter per se no-  
tum est, Deum esse, 1. cont. gent. c. 11.

### C A P V T III.

*Argumenta contraria dissolvuntur.*

**A**Rguitur 1. Illa sunt nobis per se nota, quo-  
rum cognitio est nobis naturaliter insita, 12.  
q. 10. de  
verit. art.  
12. arg. 1.  
ut patet in primis principiis simpliciter; sed co-  
gnitio existendi Deum est nobis naturaliter in-  
sita; igitur Deum esse est nobis per se notum.  
Minor est D. Damasceni lib. 1. fid. orthod. c. 1.  
dicentis; *Haudquaquam nos deseruit Deus om-  
nimoda sui circumfusos ignorantia: quinimmo cun-  
ctis cognitio quod Deus sit, ab ipso naturaliter in-  
sita est, atque ingenta.* Idem insinuat Tertullia-  
nus ad Scapulam cap. 2. dicens; *Nos unum Deum  
colimus, quem omnes naturaliter nostis, ad cujus  
fulgura, & tonitrua contremiscitis, ad cujus benefi-  
cia gaudetis.*

Confirmatur omnia summum bonum deside-  
rant, sed summum bonum solus Deus est: ergo  
omnia Deum desiderant; sed nō potest desiderari  
quod non cognoscitur, cum bonum appren-  
sum sit objectum appetitus, ut dicitur in 3. de  
anima text. 29. ergo Deus debet naturaliter ab  
omnibus cognosci, seu communis conceptio  
naturaliter omnibus insita esse debet, quod  
Deus sit. 13.  
Ibidem  
arg. 5. 1.  
2. q. 5.  
art. 7.

Resp. quod cognitio existendi Deum dicitur  
omnibus naturaliter inserta, non quidem secun-  
dum 14.

q. 10. de  
verit. art.  
12. solut.  
ad 1. & in  
1. d. 3. q. 1.  
a. 2. ad 1.  
3. cont.  
gent. c.  
38.

dum quod est in sua natura, sed secundum quamdam confusam ipsius similitudinem, quia videlicet omnibus naturaliter insertum est aliquid, quasi semen cognitionis ipsius, unde facile ex sensibilibus visis potest pervenire ad cognoscendum Deum; sicut in nobis quædam scientiarum semina præexistunt, virtute quorum potest homo facile exire in actum scientiæ. Videntes enim homines res omnes naturales secundum certum ordinem peragi, & currere, cum ordinatio absque ordinatore non sit, percipiunt ut in pluribus aliquem esse rerum ordinatorem, quæ sub aspectum nostrum cadunt; Quis autem vel qualis, vel si unus est tantum ordinator naturæ, nondum statim ex hac communi consideratione habetur. Vnde hæc cognitio non sufficit, ut dicatur esse nobis per se notum simpliciter, & notitia certa atque infallibili evidentia Deum esse. Hanc solutionem indicat Procopius Gazæus *ad c. 32. Isaie.*

15. Resp. ad Confirm. eadem modo; quod omnia appetunt summum bonum, seu Deum ipsum, *Ibid. & 1. p. q. 2. a. 1. ad 1.* non quidem prout consideratur in sua natura, sed ut consideratur in sui similitudine, & sub quadam communi ratione; Vnde & sub hac duntaxat ratione naturaliter Deus cognoscibilis est. Hoc autem non est simpliciter evidentia certa, & infallibili Deum cognoscere, sicut cognoscere venientem non est cognoscere Petrum, esto sit Petrus veniens.

16. Arguitur 2. Illud est per se notum quod non potest cogitari non esse; sed non potest Deus cogitari non esse; ergo Deum esse est per se notum. Minorem probat D. Anselmus *in prosol. cap. 25.* Deus est id quo majus cogitari non potest; sed illud

4. sent.  
dist. 3. q.  
1. art. 2.  
arg. 4.

*Art. I. An Deum esse sit per se notū, C. III. 3* 19  
 illud quod non potest cogitari nō esse est majus  
 eo quod potest cogitari non esse; ergo Deus non  
 potest cogitari non esse, cum sit illud, quo nihil  
 majus cogitari potest. Secundò probatur eadem  
 minor: nulla res potest cogitari sine sua quiddi-  
 tate, sicut homo sine eo quod est animal ratio-  
 nale mortale; sed Dei quidditas est suum esse:  
 ergo Deus non potest cogitari non esse. Con-  
 firm. 1. Veritatem esse est per se notum: Deus  
 est veritas, Ioan. 14. *Ego sum via, veritas, &  
 vita*: ergo Deum esse est per se notum. Con-  
 firm. 2. Deum esse colendum est per se notum:  
 ergo multò magis est per se notum Deum esse,  
 cum Deum esse colendum præsupponat Deum  
 esse, & includat, *ibid*,

Resp. ad argum. neg. min. ad prob. dici po- 17.  
 test primò non omnibus notum esse, etiam <sup>1 cont.</sup>  
 concedentibus Deum existere, quod ipse sit id <sup>gent. c.</sup>  
 quo majus cogitari non possit; cum multi an- <sup>11.</sup>  
 tiquorum mundum istum, vel corpus aliquod  
 Deum esse dixerint, quibus aliquid majus co-  
 gitare possumus. Nec Anselmus videtur acce-  
 pisse hoc, ut per se notum, sed tantum ut fide sus-  
 ceptum, quemadmodum colligere licet ex c. 2.  
 præced. ubi ait: *Ergo Domine, qui das fidei in-*  
*tellektum, da mihi, ut quantum scis expedire in-*  
*telligam; quia es, sicut credimus, & hoc es, quod*  
*credimus. Et quidem credimus te esse aliquid quo*  
*nihil majus cogitari possit.*

Dicitur 2. quod dato per hoc nomen, *Deus*, 18.  
 ab omnibus aliquid intelligatur, quo majus  
 cogitari non possit, non tamen necessum erit ali-  
 quid in rerum naturâ tale existere, quo majus  
 cogitari non possit. Cujus ratio est, quia eodem  
 modo necesse est poni rem, & nominis forma-  
 lem

lem rationem ; sed ex hoc quod intelligatur quid significet hoc nomen , *Dens* , non sequitur Deum esse nisi intellectu : ergo nec sequitur esse aliquid in rerum natura quo majus cogitari non possit , sed in intellectu tantum ; sicut ex hoc quod concipiatur , quid hoc nomen vacuum significet , non sequitur vacuum esse nisi intellectu. *ibid.*

19.  
1. p. q. 2.  
2. 1. arg.  
3. & 1.  
cont.  
gent. c.  
10.

Instabis majus est quod est in re , & in intellectu , eo quod est in intellectu tantum ; sed Deo nihil est majus , ut ipsum nomen indicat : ergo ex ipsa nominis ratione constat Deum esse , etiam in rerum natura , & non solum in intellectu. Resp. S. D. minorem propositionem non esse veram , nisi supposito quod in rerum natura sit id quo majus cogitari non possit. Non enim inconueniens est quolibet dato , vel in re , vel in intellectu aliquid majus cogitari posse , nisi ei qui concedit esse aliquid quo majus cogitari non possit in rerum natura , quod non est datum à ponentibus Deum non esse. Cum enim prædicatum est causa , vel ratio subjecti , nõ ponitur in rerum natura esse actu subjectum , nisi in rerum natura supponatur esse id quod per prædicatum significatur ; vel è contra non ponitur hujusmodi rationem esse actu , nisi actu sit subjectum in quo existit , v. g. cum dicitur , vacuum est locus non repletus corpore , non ponitur vacuum esse in rerum natura , nisi ponatur esse in rerum natura aliquem locum non repletum corpore ; quia poneretur effectus sine eo quod est ut causa , & ratio essendi ; Hoc autem quod est esse aliquid quo majus cogitari non possit est ut ratio formalis ponendi Deum existere : ut ergo argui possit Deum in rerum natura existere,



*Art. I. An Deum esse sit per se notū, C. III. 32*  
existere, necesse est in rerum natura admittere  
aliquid quo majus cogitari nequeat; vel subje-  
ctum cui in re actu hæc ratio competat. Aliam  
explicationem egregiè subtilem vide apud D.  
Cajet. in *comm. art. 1. q. 2.*

Resp. ad 1. Confirm. quod si cognosceretur  
Dei natura in se nullatenus cogitari posset non  
esse; quia esse est de ratione quidditativa ejus;  
sic autem à nobis non cognoscitur, sed tantum-  
modo quid nomen significet ex effectibus sensi-  
bilibus attingimus. Vnde ratione distinguimus  
essentiam Dei ab esse ipsius. Inter quæcunque  
autem distinguit ratio, potest unum sine altero  
cogitari, sicut possumus cognoscere Deum esse  
absque eo quod cogitemus esse bonum, vel ju-  
stum; multi enim opinantur Deum justum non  
esse.

Resp. ad 2. Confirm. quod veritatem in com-  
muni esse est per se notum, sed qualis sit, an pri-  
ma, & increata, hoc non est per se notum quoad  
nos propter cognitionis nostræ defectum, qui  
eam non nisi ex effectibus sensibilibus cognosce-  
re possumus. Vnde solum sequitur quod Deum  
esse sit secundum se notissimum, cum sit in quo  
primum intelligibile lumen veritatis reperitur;  
& id quo omnia cognoscuntur, non quidem itaut  
alia non cognoscantur, nisi eo cognito, sicut in  
principiis per se notis accidit; sed quia per ejus  
influentiam omnis causatur in nobis cognitio,  
juxta modum tamen nostræ naturæ proprium,  
videlicet dependenter à sensibilibus, in quibus  
reluet imperfecta ac deficiens dumtaxat divi-  
næ essentiæ, & esse similitudo.

\*\*\*

## ARTICVLVS SECVNDVS.

*Vtrum Deum esse sit demonstrabile.*

### CAPVT PRIMVM.

*Deciditur quaestio.*

- I. **P**RÆTER quosdam antiquos, qui, ut diximus, asseruerunt nullatenus per rationis investigationem demonstrari, aut cognosci posse quod Deus sit, sed hanc veritatem solâ fidei viâ suscipi, quos Calvinus sequutus videtur *lib. 1. instit. cap. 2. sect. 2.* ubi rationes, quibus usi sunt Scholastici ad demonstrandum Deum esse, frigidas speculationes vocat, variè de hac re loquuti inveniuntur Scholastici; Quidam enim affirmarunt à Beatis per visionem intuitivam, & à viatoribus per cognitionem evidentem abstractivam supernaturaliter pro statu viæ possibilem à priori demonstrari posse Deum esse.

2. Sed eorum non mihi probatur sententia; quia ut diximus, Deum esse, beatis est per se notum simpliciter; sed quod est per se notum demonstrari nequit: ergo à beatis per visionem intuitivam à priori demonstrari nequit Deum esse. Multò minùs autem à viatoribus; quia medium demonstrandi an est de ipsa re est quodquid est nominis; sed nequit ullatenus nisi ex effectibus sensibilibus sciri quid nominis

q. 10. de  
verit. 2.  
12. 1. cōt.  
gent. c.  
10. &  
seq.

*Art. II. An Deū esse sit demonstr. Cap. I. 323*  
 nis ipsius Dei, res enim nominamus sicut &  
 cognoscimus, quia pro hoc statu omnis nostra  
 cognitio ortum habet à sensibus: ergo à via-  
 toribus per cognitionem evidentem abstracti-  
 vam à priori demonstrari nequit Deum esse.  
 Deinde quia esse Dei ab ejus essentia ratione  
 non distinguitur, nisi quatenus ex sensibilibus  
 ad Deum cognoscendum ascendimus: ergo ne-  
 quit per eam à priori demonstrari, sed à po-  
 steriori ex sensibilibus nobis notioribus.

Alij non modo supernaturaliter, immò &  
 naturæ viribus aiunt à priori demonstrari posse  
 quod Deus sit. Supposito enim quod effectibus  
 creatis possimus demonstrativè ostendere dari  
 ens necessarium per essentiam, seu primam  
 causam efficientem, ab intrinseco per id de-  
 monstrare valemus, quod unicum sit in tali  
 ratione & modo essendi, ac subinde Deum esse;  
 sed hoc stare non potest; quia demonstrari ne-  
 quit à priori aliquid nisi per causam dicentem  
 propter quid subjecto aliquid conveniat; sed  
 esse non habet causam propter quam Deo com-  
 petat, cum sit ipsamet ejus essentia: ergo na-  
 turaliter à priori de Deo demonstrari nequit,  
 quod ipse sit. Deinde quia sicut ex effectibus  
 sensibilibus cognoscere possumus ens necessa-  
 rium esse unum, ita & Deum esse, & non aliter,  
 quia demonstratio tota virtute continetur in  
 medio: ergo à posteriori.

Dicendum est itaque cum S. D. quod à poste-  
 riori duntaxat, & per effectus nobis notos po-  
 test demonstrari Deum esse secundum quod pro  
 statu nobis non est per se notum quod Deus sit.  
 Hæc conclusio ita certa est ut à plurimis de fi-  
 de esse censeatur. Probat S. D. hanc conclusio-

3.

4.

1p.q.2.a.  
 2. opusc.  
 70.q.1.

nem in *sed contra* ex illo Pauli ad Rom. I. *Invisibilia Dei à creatura mundi per ea quæ facta sunt intellecta conspiciuntur.* Quem locum explicans D. Anselmus ait : *Si vigilanter exteriora conspiciamus, per ipsa eadem ad interiora revocamur. Vestigia quippe creatoris sunt mira opera visibilis creature, quæ dum facta cernimus, potentiam creatoris miramur. Nam quocunque se verterit anima, si vigilanter intendit, in iisdem ipsis dominum invenit.*

5. Non me latet quosdam Recentiores Theologos, licet hanc ipsi conclusionem ut certissimam, & communiter à Theologis receptam admittant, negare tamen quod ex citato Apostoli testimonio evincatur, demonstrativam atque evidentem Dei cognitionem ex effectibus suscipi creatis : ly enim, *intellecta conspiciuntur*, quamcunque cognitionem, etiam probabilem aut moraliter certam denotare arbitrantur : hæc namque sufficit, ut homines dicantur inexcusabiles, quod sic Deum cognoscentes, non sicut Deum glorificaverunt.

6. Sed profectò audiendi non sunt, cum & menti Apostoli, atque communi Patrum Doctorumque interpretationi adversentur. Eo namque in loco mundi sapientes, ac Philosophos coarguebat ( ut author est D. Chrysostomus homil. 3. dicens : *Ad hos (scil. Philosophos) maxime omnium quæ dicta sunt pertinent* ) quos Dei, ac eorum attributorum, quæ de ipso demonstrativè sciri possunt, utpote sapientiam, virtutem, ac potentiam infinitam &c. cognitionem demonstrativam, atque evidentem habuisse constat ; & ostendunt illa Apostoli verba, *Quod notum est Dei, manifestum est illis.* Vnde S. Augustinus

D. Tb.  
lect. 6. in  
cap. I. ad  
Rom.

*Art. II. An Deum esse sit demonstr. Cap. I. 325*  
 gustinus serm. 55. de verbis Domini, ita de ipsis  
 ait: Deum esse quandam vitam aeternam, immu-  
 tabilem, intelligibilem, intelligentem, sapien-  
 tem, sapientes facientem; nonnulli etiam hujus  
 seculi Philosophi viderunt, veritatem fixam, sta-  
 bilem, indeclinabilem, ubi sunt omnes rationes  
 rerum omnium creaturarum. Viderunt quidem sed  
 de longinquo viderunt, & in errore positi; & id-  
 circo ad eam tam magnam, & ineffabilem, &  
 beatificam possessionem, quâ via perveniretur non  
 invenerunt. Nam quod viderunt etiam ipsi (quan-  
 tum videri ab homine potest) creatorem per crea-  
 turam, factorem per facturam, fabricatorem mundi  
 per mundum; Paulus Apostolus testis est, cui utique  
 debet credere Christiani. Et paulò infra: Quia quod  
 notum est Dei, inquit, manifestum in illis; Deus  
 enim illis manifestavit. Manifestavit illis, quibus  
 legem non dedit: Audi quomodo manifestavit; invi-  
 sibilia enim ejus per ea quæ facta sunt intellecta  
 conspiciuntur, Interroga mundi ornatum, cæli ful-  
 gorem, dispositionemque syderum, solem diei suf-  
 ficientem, lunam noctis solatium; interroga ter-  
 ram fructificantem herbis & signis, animalibus  
 plenam, hominibus exornatam: interroga mare  
 qualibus, & quantis natatilibus plenum; inter-  
 roga aërem quantis volatilibus viget; interroga  
 omnia, & vide si non sensu suo tanquam tibi res-  
 pondent: Deus nos fecit. Hac & Philosophi nobi-  
 les quæsierunt, & ex arte artificem cognoverunt  
 &c. Ex quibus sic: certum est quod ex effecti-  
 bus cõditis demonstrari evidenter potest Deum  
 esse; sed S. D. ait, quod viderunt Philosophi,  
 quantum ab homine videri potest, creatorem per  
 creaturam, & quod hujus rei Paulus Apostolus  
 testis est; ergo demonstrativè cognoverunt

Deum esse, & ita de ipsis eo in loco ad *Rom. 1.* testatur Apostolus. Idem habet *serm. 143. de tempore.* Et *lib. de Spiritu & litt. c. 12.*

7. Eodem planè modo de certa, & scientifica cognitione hoc Pauli testimonium interpretatur D. Ambrosius dicens; *Notitia Dei manifesta est ex mundi fabrica. Ut enim Deus, qui naturâ invisibilis est, etiam visibilibus posset sciri, opus factum est ab eo, quod opificem visibilitate sua manifestaret, ut per certum incertum posset sciri; ac per hoc quod ceteris impossibile est, ille esse Deus omnium crederetur, qui hoc opus fecit; Deus enim illis manifestavit. Manifestavit se Deus illis, dum opus fecit, per quod posset agnosci.* Notanda illa verba; *notitia Dei manifesta est ex mundi fabrica.* Et posset sciri quæ certam & evidentem cognitionem Apostolum intendisse ex Ambrosio ostendunt. Insuper Haimo in Glossa: *Ostendit, inquit, quid de Deo sciri potuerunt. Pluraliter dicit, quia pluribus modis cognoscitur, scilicet, quod aternus, omnipotens, & hujusmodi. Intellecta ipsa invisibilia per facta, quia per cælum & terram, & alias creaturas, quas immensas & perpetuas esse intellexerunt, ipsum conditorem, incomparabilem, immensum, aeternum, mente conspexerunt.* Nota illa verba; *ostendit quid de Deo sciri potuerit; & mente conspexerunt.* Ita sentiunt omnes fere alij interpretes.

8. Non opus arbitror necessarium huc omnia Patrum testimonia congerere, quibus conclusio hæc, D. Thomæ ostendatur: nonnulla sufficient, D. Iustinus martyr in resp. ad q. 6. Gentium ait: *Vnde sciri potest, si ne Deus omnino? Ex eorum, inquit, quæ sunt concretione, constitutione, ac stabilitate.* Quid autem est scire omnino, nisi demonstrativè

*Art. II. An Deum esse sit demonstr. Cap. I. 327*  
 monstrativè nosse? Tertullianus item *lib. 1. cont. Marcionem* ait: *Creator ex hoc Deus, & indubitatus Deus, quia omnia ipsius. Quid est indubitatus Deus, nisi evidenter & demonstrativè cognitus?* D. Greg. Nazianzenus *orat. 2. de Theol.* in hæc verba prorumpit; *Nimis absurdus, & præposterus est, qui argumentis naturalibus non cedit, & inficiatur esse Deum.* Vbi per argumenta naturalia quid nisi rationes demonstrativas ratione naturali collectas intelligit? Videntur sunt. S. Cyprianus *tract. de vanit. Idol.* Eusebius *lib. 7. de præparat. Evang. cap. 2.* Basilii magnus *in 1. cap. Isaia.* Athanasius *orat. cont. Idola.* Chrysost. *in cap. 1. ad Rom.* Gregorius Nyssenus *disp. de anima, & hom. 1. in cantica.* Item *orat. Cathetica cap. 1. atque lib. de beatitud. orat. 6.* D. Hieronymus *lib. 11. in Isaiam.* Damascenus *lib. 1. fid. orthod. cap. 1.* Gregorius in illud *Iob. 36. Omnes homines vident eum, & alij communiter.*

Prob. ratione: quotiescunque effectus sunt suâ causâ notiores, & ab ea intrinsecè dependentes, potest causa per effectus à posteriori demonstrari; sed effectus creati sunt quoad nos Deo notiores, cum sint sensibiles & proportionati cognitioni intellectus exeuntis de potentia in actum; & intrinsecè in sui esse dependent à Deo ceu primo principio, & causâ torius esse: ergo potest ex effectibus creatis demonstrativè cognosci Deum esse. Major patet, nam hoc est munus demonstrationis à posteriori demonstrare causam per effectus notiores, & proprios; esse autem cujuslibet effectus Dei proprius est, ut infra ostendetur.

Prob. 2. si non esset aliqua substantia scibilis

Ibidem.

præter substantiam sensibilem non esset aliqua scientia de substantia agens præter naturalem, quia omnis scientia est propter aliquod scibile, ut patet per Philosophum in 4. *metaphys. text. com. 7.* sed constat præter scientiam naturalem dari aliam, quæ de substantia agit, nimirum Metaphysicam: ergo datur aliqua substantia scibilis supra substantiam sensibilem; sed de omni subiecto oportet supponere quod sit, & hoc ideo, vel quia patet ad fursum ipsum esse, ut corpus mobile, vel ex terminis est per se notum, vel quia est demonstratum ipsum esse: ergo cum neque pateat ad sensum Deum esse, neque quoad nos sit per se notum Deum esse, ut diximus supra, oportet quod sit demonstratum, vel demonstrabile. Et hoc satis ostendit conatus ipse philosophorum omnium, qui intendunt ad demonstrandum Deum esse, quod nisi esset possibile, omnes sapientes deluderentur.

II.

Quod si quæras an à solis hominibus, an etiam ab Angelis sit demonstrabile, seu certò & evidenter à posteriori cognoscibile Deum esse? Resp. affirmativè; quia etiam Angeli per essentias suas, seu effectus Dei, Deum ipsam cognoscunt. Vnde cum S. D. videtur hanc cognitionem ex effectibus, & à posteriori, Angelis, vel Adamo in statu innocentiae denegare; solum excludit ab Angelis cognitionem aliunde emendicatam, seu medio per quod cognoscat Deum esse, quia videlicet per essentiam suam, tanquam per medium per quod, habet sufficienter unde cognoscat perfectè, immò perfectiùs quam ex aliis effectibus conditis Deum esse certò, & evidenter. Ita sumitur ex D. Thom. *infra quaest. 56, art. 3. o.* Ab Adamo autem



*Art. 11. An Deū esse sit demonstr. Cap. 11. 319*  
autem excludit necessitatem cognoscendi Deum  
ex effectibus sensibilibus, quam modò habemus;  
quia tunc ex effectibus intelligibilibus Deum  
certius, evidentiùs, ac perfectius cognovisset,  
quam nos post lapsum ejus, ut docet idem S.D.  
*infra quæst. 94. art. 1. c.*

---

## C A P V T I I.

*Solvuntur argumenta contraria.*

**A**Rg. 1. Deum esse est articulus fidei; sed ea  
quæ sunt fidei non sunt demonstrabilia:  
ergo Deum esse non est demonstrabile. Minor  
patet, quia demonstratio facit scire; fides au-  
tem est de non apparentibus, ut constat ex  
Apostolo ad *Heb. cap. 11.* fidem definiente, sub-  
stantiam sperandarum rerum, argumentum non  
apparentium. 12.

Resp. S. D. hîc quod *Deum esse*, & alia hu-  
jusmodi, quæ per rationem naturalem de Deo  
demonstrativè cognosci possunt, non sunt ar-  
ticuli fidei, sed præambula ad articulos; sic  
enim fides præsupponit cognitionem naturalem,  
sicut gratia naturam, & ut perfectio perfecti-  
bile. Nihil tamen prohibet illud, quod secun-  
dum se demonstrabile est & scibile, ab aliquo  
accipi ut credibile, qui demonstrationem non  
capit. Vnde salubriter providit Deus ut hæc  
etiam per fidei cognitionem susciperentur, ut di-  
ceretur *infra 2.2. quæst. 2. art. 4.* Nota quod per ly  
*alia hujusmodi*, non intelligit omnia, quæ na-  
turali rationis lumine de Deo sciri ac demon-  
strari possunt, sed ea duntaxat quæ sunt veluti  
prima, 13.

prima, & universalissima principia, sicut esse unum, omnipotentem, scientem, providentem, quia in his ceu universalissimis principiis continentur quodammodo omnia credibilia, seu articuli fidei, ut habetur 2.2.q.1.a.7.c.

14. Quomodo autem Deum esse fit articulus fidei, & quomodo demonstrabile quidpiam, manifestat sup. epist. ad Heb. cap. 11. lect. 2. dicens; *Dicendum est quod de Deo potest multipliciter haberi notitia; Vno modo per Christum in quantum scil. est pater unigeniti, & consubstantialis, & alia qua specialiter Christus de Deo patre, & filio; & Spiritu Sancto docuit, quantum ad unitatem essentia, & aternitatem personarum. Et hoc tantum est creditum, nec in veteri testamento fuit explicitè creditum, nisi à majoribus tantum. Secundo modo, quòd solus Deus est colendus, & sic etiam erat creditum à Iudais. Tertio modo quod est unus Deus, & hoc notum est etiam ipsis Philosophis, & non cadit sub fide.*

15. Arg. 2. medium demonstrationis est quodquid est; sed de Deo non possumus scire quid est, sed solum quid non est, ut dicit Damasc. lib. 2. fid. orthod. c. 4. ergo non possumus demonstrare Deum esse.

16. Resp. S. D. quod in rationibus in quibus demonstratur Deum esse non oportet assumi pro medio divinam essentiam, seu quidditatem (hoc enim tantummodo necessum est in demonstrationibus à priori, & propter quid) sed loco quidditatis accipitur pro medio quid nominis, seu quid significet hoc nomen Deus; ratio enim quæ assumitur ad ostendendum de aliquo *an est*, est definitio quid nominis, non autem quid rei; nam quæstio *quid rei* sequitur quoad nos

Hic & 1.  
cont.  
gent. c.  
12.

*Art. II. An Deum esse sit demonstr.* C. II. 331  
nos quæstionem *an est*. Quid autem significet  
hoc nomen Deus (quantum ad id nimirum à quo  
imponitur) haurimus ex effectibus nobis notio-  
ribus; & subinde hujusmodi effectus sumun-  
tur pro medio, ut accidit in demonstrationi-  
bus quia.

Arg. 3. per effectus non proportionatos ne-  
quit causa sufficienter demonstrari; sed effectus  
Dei non sunt ei proportionati, quia in infini-  
tum ab eo distant; finiti autem ad infinitam non  
est proportio: ergo per effectus divinos nequit  
demonstrari Deum esse; ac subinde nullo mo-  
do. Conf. Demonstrationis principia à sensu co-  
gnitionis originem sumunt, ut habetur *1. poster.*  
*text. 33.* ergo quæ excédunt sensum, omnino in-  
demonstrabilia sunt; hujusmodi autem est Deum  
esse: ergo Deum esse est omnino indemonstra-  
bile.

17.

*1. contr.*  
*gent. c.*  
*12.*

Resp. S. D. quod per effectus causæ non pro-  
portionatos (& quæ non sunt unius rationis)  
non potest perfecta cognitio (& quoad quid est)  
de causa haberi; sed tamen ex quocunque effe-  
ctu potest manifestè demonstrari causam esse, si  
tamen effectus sint nobis notiores; quia cum  
effectus à causa dependeat, posito effectu cau-  
sam præexistere necesse est; & sic ex effectibus  
Dei potest demonstrari Deum esse, licet per eos  
non possimus eum perfectè & secundum essen-  
tiam, seu quidditativè cognoscere.

18.

Ad conf. resp. ex S. D. quod licet omnis  
nostra cognitio quantum ad originem suam ac  
principium intelligendi pro hoc statu ortum  
habeat à sensibus, non tamen opus est ut quan-  
tum ad terminum ejus stet in sensibus, cum in-  
tellectus sit potentia spiritualis non affixa or-  
gano

*19.*  
*Loc. cit.*  
*& opusc.*  
*70.*

gano corporeo ; sed ad spiritualia cognoscenda devenire potest per viam remotioris eminentiæ, atque causalitatis, ut dictum est. Effectus autem ex quibus Deum esse demonstrat, sensibiles sunt, & sic origo cognitionis, ac demonstrationis principium est à sensu, vel ab eis quæ sensui subjacent, per quæ deinde ad cognitionem Dei pervenitur, non stando in sensibilibus, sed removendo ab eis quicquid sensibile est, aut attingendo habitudinem eorum ad Deum tanquam principium quod est super omnia sensibilia superexistens.

\*\*\*

## ARTICVLVS TERTIVS.

*An Deus sit.*

### CAPVT PRIMVM.

*Quibusdam suppositis refertur Atheistarum error, Atheismi que Origo.*

I.  
D Th. q.  
7. de por.  
art. 2. ad  
1.



NOTA ly esse dupliciter sumi : primò ut significat essentiam, sen essendi actum : secundò prout veritatem propositionis denotat. Cum inquirimus an Deus sit, vel an Deum esse sit per se notum, ly esse sumitur quatenus veritatem propositionis significat, non autem essentiam, vel actum essendi. Eapropter sensus difficultatis est, an verum sit, quod significatum per hoc nomen *Deus*, sit aliquid in rerum natura existens.

Supponen

Supponendum est ex eodem S. D. dupliciter 2.  
 de Deo in via cognitionem posse comparari. Al- 3. cont.  
 tera est communis, & indistincta, quâ homo gent. c.  
 naturali luminis ratione per demonstrationem, 38. & 39.  
 seu ratiocinationem admodum facilem in ali-  
 quam Dei notitiam, non tamen propriam  
 devenit, v. g. res naturales certò casu volvi,  
 & ordine peragi animadvertens, cum ordina-  
 rio absque aliquo ordinante, ac disponente esse  
 nequeat, quemdam earum rerum, quas videt,  
 ordinatorem esse arguit. Quo pacto D. Ephræm.  
 Syrus in opere confess. & reprehens. ait; *Do-*  
*mmum vidi, & æconomum adesse cognovi; mundum*  
*intuitus sum, & providentiam intellexi.* Itaque  
 sic Deus cognoscitur sub communi quadam ra-  
 tione provisoris, vel ordinatoris, nec, tamen  
 cognoscens discernit, quis aut qualis, quantus-  
 ve sit Deus, æternusne & incorporeus, omni-  
 noque simplex, an compositus, aut corporatus,  
 vicissitudinique obnoxius; unusve, an plures  
 &c. Altera est magis distincta, & per quam ad  
 propriam Dei cognitionem acceditur (esto de  
 eo quid sit non percipiatur) cum videlicet per  
 demonstrationem ab eo multa removentur, quo-  
 rum, ablatione seu remotione ab aliis quibus-  
 cunque discretus intelligitur; v. g. cum demon-  
 strando pervenitur ad cognoscendum Deum esse  
 unum, providentem omnibus rebus; incorpo-  
 reum, omnia intelligentem &c. Non est præ-  
 sentis instituti ostendere sic Deum esse; hoc  
 enim in sequentibus plenè demonstrandum re-  
 linquit D. Thom. sed solum intendit S. D. ex  
 quibusdam communibus rationibus eorum, quæ  
 nonnisi Deo competere possunt, ostendere quod  
 verum sit ipsum esse. Quemadmodum videntes  
 hominem

hominem movere, & rectâ incedere, aliaque opera facere, quæ sunt viventium, percipimus in eo quandam harum operationum causam, quam animam dicimus, nondum tamen scientes quid sit anima, vel qualiter prædictas operationes efficiat. Quod insinuavit Theophilus Antiochenus lib. 1. ad Autolyicum dicens; *Vt anima in humano corpore non videtur, invisibilis existens; verum ex corporis motu cognoscitur; sic nec Deus humanis, nec corporeis oculis videri potest, ceterum ex providentia, quâ singula ordinat, suisque operibus aspicitur, & apprehenditur. Quemadmodum si quis cernat navem suis armamentis instructam mare sulcare, & in portum appellere, certè credit aliquem à quo gubernetur, in ea esse gubernatorem; sic certè nemo adeo abjecti animi, quin credat Deum esse gubernatorem omnium, quamvis carnalibus eum oculis non assequamur.*

3. Quod profectò sit Deus (ait Damascenus lib. 1. fid. orthod. cap. 3.) iis qui sacras admittunt scripturas; vetus, inquam, & novum organum, haudquaquam in controversiam venit; nulla enim hujus pagina, quæ Dei non meminerit. Verumenimverò quia hominum pravitas etiamnum intantum invalet, ut quosdam in irrationabilissimum, & omnium malorum pessimum perditionis barathrum detrudat, dicentes non esse Deum, quorum insipientiam detegens sacriloquus David ait: *Dixit insipiens in corde suo non est Deus*; opus est, & adversus eos rationibus agere, & summum totius Religionis mysterium in controversiam adducere.

4. Paucos reipsa, meo judicio qualicunque, invenire est, qui eo dementiæ, & stoliditatis devenerint,

devenerint, ut directè negarint Deum esse; quamvis, eorum sit numerus valde multus, qui secundùm quandam vel præscientiæ, vel providentiæ, aut omnipotentæ, alteriusve attributi rationem, ipsi divinitatem ademerunt. Inter eos igitur qui nullum omninò Deum existare sunt imaginati, primus numeratur Diagoras Milesius, idcirco *Atheos* dictus, hoc est sine Deo, quia, ut inquit Theodoretus Cyrensis Episcopus *lib. 6. de curat. grac. affect.* Deum esse penitus, & omninò negavit. Theodorus etiam Cyrenaicus infanienti Milesio quasi squamma squammæ adhærens omnes de Diis opiniones sustulit. Quibus subscripsere Anguix, & ipsi Aphricæ populi, qui (referente Mela, & aliis) nullos admiserunt Deos præter defunctorum manes, à quibus responsa quærebant, eorum sepulchris incubantes. Eisdem annumeratur Prothagoras, qui (Tullio auctore *lib. 1. de nat. Deorum*) Deos esse non sibi ratum habuit, sed dubius mansit, statuere non valens an sint, nec ne: sunt enim ipsius iudicio plurima, quæ id prohibeant, ut summa rei incertitudo, & brevis hominum vita.

Epicurei (ut Ciceroni placet *ibidem*) nihil de Deo seriò affirmarunt. Insuper Evenerus Theages, & Euripides Atheistæ fuere, licet dissimulati, ut refert Plutarchus *lib. de placitis cap. 7.* Sceptici etiam dubitabant de Deo an esset, juxta ea quæ tradit Sextus Philosophus *lib. 3. Pyrrhonicarum hypotheson cap. 3.* Eidem luto infixus fuisse videtur Plinius *lib. 2. cap. 7.* Lucianus, Lucretius, Doletus & alij hujus farinæ non pauci, ut testis est Prateolus *verb. Athei.* His annumerari possunt illi omnes, qui fortunæ,

fortunæ, & casui omnia tribuunt, resque humanas Deum curare negant. Nam ut dixit D. Ephræm Syrus in confess. & repreh. *Qui dicit omnia casu, fortuitoque fieri, is divinitatem è medio tollit.* Horum porcorum ingentem, ac fœtulentam turbam agnoscit, alit, quinimò lugeat hoc depravatum sæculum.

6. Hujusmodi *Atheos* apud Athenienses capite animadversos testatur Iosephus *lib. 2. cont. Ap- pionem*; & in genere meminit Pollux *lib. 10. cap. 20.* Athenæus *lib. 13.* Plato *13. de repub.* Valerius maximus *lib. 1.* & alij. Memorantur pro- scriptione puniti Diagoras, Theodorus, ac Pro- thagoras, & hic quidem, vel quia de Diis du- bitabat, ut diximus. Socrates etiam damnatus fertur, quod eum negare videretur.

7. Cum Deus Opt. Max. operibus suis notissi- mus sit, itaut pene idem sit ad ea attendere, & Deum nominare. *Quis enim mundum contuens,* (inquit D. Hilarius in psal. 52.) *Deum esse non sentiat?* non modicè animum pulsatur dubitatio, quâ datâ viâ in hominum mentem tam pestifera hæc atheismi lues irrupere valeat. Lata pro- fectò via, quæ ad tam spurcum perditionis ba- rathrum ducit, corporis voluptas est; vitio- rumque oblectatio hoc imprimis persuadet. Quod pulchrè observavit *ibidem* Hilarius di- cens: *sed fit frequenter, ut cum nos veri necessi- tas ad confessionem Dei cogat; oblectatio tamen vitiorum Deum nobis non esse persuadeat.* Et quod contra fidem credimus, id tamen de consilio impij cordis eloquamur: *Causam verò hujus stultissimi in corde eloquij, ostendit (scil. David) dicens; Cor- rupti sunt, & abominabiles facti sunt in iniquita- tibus suis. Iniquum est, quidquid extra legem est.*

Et



Et legem Dei excedentes, primum corruptioni subditi sunt, dehinc abominationi; quia iniquitas abominationem affert, corruptio autem abominationem meretur. Cum enim quis transgreditur Dei legem, tunc Deum negat, & Deum negare corruptio est. Dominus enim noster ad debellandam corruptionem, verbum caro factum est: sed qui iniquus est, & qui verbum Deum carnem factum esse non credit, & quia Deus non sit, loquitur in corde: corruptus, & abominabilis permanebit.

Est voluptas omnis corporea hominem à ratione deordinet, potissimum verò desideria cordis, appetitus inquam sensitivi circa venerea, & gula, & immunditia, quæ hominem efficiunt bestialem, hoc est, ratione carentem, secundum quam ad imaginem, & similitudinem Dei factus est, & cognitionis ejus capax; ac subinde veri Dei cognitionem in homine aptæ sunt extinguere & Atheistam reddere. Hoc innuisse videtur Ioannes Apostolus *epist. 1. cap. 2.* ubi scientes Deum, ea quæ sunt in mundo immoderatè concupiscere ac diligere vetat, ne ipsa amore nimio prosequentes in omnimodam Dei ignorance miserè prolabantur. Elegans ad hanc rem est historia quam refert Lact. lib. 3. cap. 15. dicens; *Aristippo Cyrenaicorum magistro cum Laide nobili Scorto fuit consuetudo. Quod flagitium gravis ille Philosophia Doctor sic defendebat, ut diceret, multum inter se, & ceteros Laidis amatores interesse; quod ipse haberet Laidem, alij verò à Laide haberentur: Nec satis fuit ita vivere sed docere etiam libidines cepit, ac mores suos de lupanari ad Scholam transtulit, dis-*

serens voluptatem corporis esse summum bonum. Quae doctrina pudenda non in corde philosophi, sed & in sinu meretricis est nata. Sed & ingens naturæ depravatio in tantam stultitiam homines deducere solet, ut Deo rebusque divinis omnino valedicant, & in reprobum traditi sensum dicant in corde suo, non est Deus. Cujus rei validum testimonium nobis reddit Sanctus Augustinus tract. 106. in Ioann. dicens: *Hac est vis vera divinitatis, ut creatura rationali jam ratione utenti, non omnino ac penitus possit abscondi. Exceptis enim paucis, in quibus natura nimium depravata est, universum genus humanum Deum hujus mundi fatetur authorem.* Ea propter Divus Damascenus supra citat. lib. 1. fid. orthodox. capite 3. causam assignans cur probandum suscipiat, in depravatos sui temporis mores argumenti hujus rationem revocat. Et Divus Hilarius loco citato ait: *Vitij humani pudenda est eloquia verbis oris non aude re committere, sed instinctu nequitia interioris urgente, ea intra cor loqui; dum adversum publici pudoris necessitatem voluptatis iniquitate luctante, quod pudet dici, non pudet cogitare. Et idcirco stultus in corde suo dicit, non est Deus; quia si vellet verbis oris hoc eloqui, stultus esse, sicuti est, publici assensus judicio argueretur.*

C A P V T II.

*Statuitur conclusio, & probatur prima  
ratione D. Thoma.*

**C**onclusio : necessarium est ponere Deum  
Cesse. Probat S. D. *in sed contra* ; Dicitur,  
inquit, Exodi 3. ex persona Dei : *Ego sum, qui  
sum.* Deinde in corp. quinque rationibus hoc  
ipsum demonstrat. Prima & manifestior via  
sumitur ex parte motus. Secunda ex parte cau-  
sæ efficientis. Tertia ex possibilis, & necessarij  
rationibus. Quarta ex graduum diversitate, qui  
in rebus inveniuntur. Quinta denique ex gu-  
bernatione rerum. 9.

Antequam primam rationem deducamus; 10.  
advertendum est quod tripliciter aliquid mo- Lib. 5.  
veri aut transmutari dicitur : Primò per acci- Physic.  
dens ; quo pacto omne id movetur, quod nun- lect. 1.  
quam simpliciter, & per se moveri, aut agi  
potest, sed semper accidit mobili per se, &  
gratiâ ejus movetur, quod per se transmuta-  
tur; sicut quod musicum ambulet : Musica enim  
nunquam ambulare potest, sed semper accidit  
homini, cujus per se est ambulare. Secundò di-  
citur aliquid gratiâ partis moveri, quod nimi-  
rum per se non movetur, sed in toto, licet per se  
moveri possit, si pars à toto separetur. Et hoc  
proprie contingit in parte, à cujus dispositione  
totum denominatur, vel coafficitur ; sicut v.g.  
cum dicitur Socrates sanari ; quia ejus oculi,  
vel caput sanantur, quæ tamen sunt totius par-

tes. Etenim si quæ in parte dispositio totum non coafficiat, jam non est verum dicere quod motâ parte illa totum moveatur; sicut si aliquis dente albescat, non simpliciter verum erit dicere, quod secundum totum corpus albescat. Tertio convenit motus alicui non secundum accidens, aut alicujus gratiâ partis, sed per se primo & secundum seipsum movetur, seu essentialiter mobile est.

II.

Sicut autem istas tres differentias in mobili reperire est, ita & in motore seu movente. Aliud enim est quod secundum accidens movet; aliud quod secundum partem in eo quod est aliqua pars movet; aliud denique movet per seipsum primum, hoc est essentialiter; ut Medicus sanat per se; cum autem manus percutit, homo gratiâ illius partis percutit; & cum Medicus ædificat est per accidens purè; omnino enim ædificatori accidit, quod musicus sit, nec Musica unquam ædificare potest *ibid.* Cum dicitur hîc necesse esse, quod omne illud quod movetur, ab aliquo motore moveatur, de motu secundum quod est passio mobilis per se eidem attributa, secundum quod ipsum, & non secundum alterum conveniens, est sermo. Quod autem toti convenit secundum ipsum, nequit secundum partem convenire; quia est alia ratio partis, alia ratio totius. Et ideo motus qui est alicujus totius per se primo, non convenit ei gratia partis. Quod non intelligentes Galenus & alij plurimi Philosophi, hoc Aristotelicum ac philosophicum axioma universaliter non recipiunt, *ibidem.*

12.

His suppositis, prima ratio D. Thom. ex Arist. 7. *phys.* desumpta, in hunc modum deducitur;

ducitur ; Hoc nomine, *Deus*, communiter intelligitur, quod sit primum movens essentialiter & secundum seipsum, à nullo motum, vel mobile ; sed ponere necesse est, hujusmodi movens in rerum natura esse ; igitur necesse est ponere Deum esse. Maj. patet, nam Deus ideo sic dictus est, quod omnia moveat, & ad operationes suas agat ; ut constat ex Theophilo Antiocheno lib. 1. ad Autolyicum dicente ; *Deus nomen à Thein, id est currendo, sortitus est, omnia enim movet, in operationem producit, nutrit suâ providentiâ, disponit, gubernat, vegetat.*

Minor verò prob. omne per se mobile, & cui secundum ipsum convenit moveri, ab alio moveri debet ; sed in moventibus & motis per se non est procedere in infinitum : ergo cum aliqua moveri, & per se mobilia esse ad sensum pateat, deveniendum est ad aliquod movens quod sit primum, & secundum seipsum movens, à nullo motum. Maj. inductione prob. Omne quod movetur, aut movetur ab aliquo extrinseco sibi, seu à se distincto, sicut moventur corpora violenter : aut habent principium & efficientem causam motus sui in seipsis. Et illa quidem violenter mota, ab aliquo alio extrinseco agente motum eorum, moveri manifestissimum est ; v. g. lapidem à manu projicientis sursum agi ad sensum patet. Quod autem per se mobilia, quæ in seipsis sui motus causam habent, ab aliis moventibus per se moveri necesse sit, probatur primò : illa non sunt simpliciter primò, & secundum quod ipsa, moventia : ergo sunt secundum ipsa, & simpliciter mobilia seu mota. Prob. antecedens : quia quod sim-

pliciter, & secundum ipsum primò movet, oportet ut totum moveat secundum ipsum; & non gratiâ partis; si enim pars tantum moveat, & non totum, pars erit primò movens, & non per aliud quidpiam; totum autem non erit primò, & secundum quod ipsum movens, sed ratione alterius, videlicet partis. Similiter si pars moveatur per se, illa erit primò mota, totum autem dicitur non primò moveri sed per partem: sed illa ut supponimus, non movent se secundum seipsa, & simpliciter, aliàs nullatenus ab alio moverentur, sed simpliciter essent moventia non mota: ergo non sunt simpliciter primò & secundum quod ipsa moventia, sed ratione partis: ergo ab alio mota secundum quod ipsa, *ibid.*

14. Secundò prob. impossibile est quod idem secundum idem formale principium motus sit movens & motum; sed si aliquid seipsum primò & per se moveret, idem esset movens & motum secundum idem formale principium motus: ergo omne quod movetur ab alio moveri oportet, itaut distinctum sit principium formale movendi activè ab eo quod dicitur passivè moveri. Prob. maj. principium formale unde habet aliquid habet quod moveat, est quia est in actu; principium autem unde habet aliquid quod moveatur, est quia est in potentia; sed impossibile est quod idem secundum idem formale principium sit simul in potentia & in actu simpliciter; v. g. quod est calidum in actu non potest esse simul calidum in potentia, sed est simul frigidum in potentia: ergo impossibile est quod idem secundum idem formale principium motus sit movens & motum. Major patet:

patet: quia movere est quoddam agere, nihil autem agit nisi inquantum est actu: motus etiam est actus entis in potentia secundum quod in potentia: ergo principium formale unde habet aliquid, quod moveat, est quia est in actu, & moveretur quia est in potentia ad aliquid ad quod moveretur adipiscendum, *ibid.*

Scotus in 1. dist. 3. *quæst.* 7. quem sequuntur Recentiores non pauci, ait: quod licet nihil possit esse simul in actu formali, & in potentia formali respectu ejusdem, puta actu calidum, & potentia calidum; potest tamen aliquid esse in actu virtuali, & in potentia formali simul; unde asserit quod possit aliquid seipsum primò movere, dum est in actu virtuali; quia videlicet habet virtutem ut possit movere; & est in potentia formali, quia nimirum non habet formaliter formam, quam per motum acquirit, sed potest habere. 158

Contra: dicitur aliquid secundum naturam suam esse in actu virtuali alicujus formæ, quia virtutem producendi illam formam habet; sed quod habet virtutem producendi aliquam formam in seipso, non potest carere actu illius formæ: ergo nequit aliquid esse simul in actu virtuali, & in potentia formali ad illam formam, cum illam actu præsupponatur habere. Prob. minor primò, quia omnis virtus radicitur in aliqua forma seu formali actu ejus, cum actu operari sequatur ad esse actu. Secundò, quia omne agens intendit sibi simile producere; sed non alia ratione nisi secundum quod communicat id quod actu est: ergo si aliquid habet virtutem producendi aliquam formam in seipso, non potest carere actu illius formæ, seu forma illa in actu. 161

17. Nec valet dicere, quod esto in agentibus univocis hoc verum sit, non tamen in æquivocis : unde hæc possunt se movere primò, & in se agere, propter eminentiam virtutis suæ, ratione cujus sunt in actu virtuali ad effectum producendum. Non, inquam, valet; quia agens æquivocum esto non habeat actu formaliter in seipso terminum ad quem mobile movet, ipsum tamen actualiter eminenter in se præhabet; ut patet in sole, qui licet actu formaliter in se non habeat calorem cum limitato illo essendi modo, quo in inferioribus habet esse; tamen actu eminenter illum præhabet, id est in aliqua forma actuali, quæ eminenter est calor; & hoc sufficit ut causet calorem in alio, sed non in seipso, seu ut moveat se ad calorem prout in inferioribus reperitur, neque ad illum quem jam in se habet: ergo non est simul in actu virtuali & in potentia formali secundum idem. Confirm. Agens æquivocum dicitur, cui non convenit habere in se formam formaliter, sed eminenter duntaxat sui effectus; sed si aliquid existens in actu virtuali esset simul secundum idem in potentia formali, haberet in se aliquando formaliter illam formam, cujus esset causa; cum scil. esset reductum de potentia ad actum: ergo tale non esset agens æquivocum.

18. Primam minorem, videlicet quod in moventibus & motis per se non sit in infinitum procedere, probat S. D. quia si in moventibus & motis in infinitum procederetur, nullum esset movens simpliciter, ac subindè neque aliquod aliud movens: sed necessum est admittere aliquod movens: ergo in moventibus, & motis non est in infinitum procedere. Sequela prob. moventia  
secunda



secunda non movent, nisi per hoc quod sunt mota à primo movente; sicut baculus non movet nisi per hoc quod est motus à manu: ergo si non esset primum movens, nullum aliud movens esset. Hanc rationem insinuat D. Damascenus lib. I. fid. orthod. cap. 4. dicens: *Omne quod movetur, ab alio moveatur necesse est; & hoc si movetur, aliquis movet, & id sine termino, donec in quippiam decumbamus immobile; hoc enim primum movens immobile est, quod revera Deus est.* Nec longè ab hac ratione abest ea quam idem D. Damascenus adducit *ibid.* c. 3.

Notat S. D. I. *cont. gent. cap. 13.* quod hæc Aristotelis ratio de motu propriè accepto equidem procedit: prout nimirum motus est actus in potentia secundum quod in potentia, qualis corporibus duntaxat, ac divisibilibus competit. Attamen etiam currit de motu communiter dicto, & pro qualibet operatione sumpto, quo pacto intelligere & velle quidam motus dicuntur. Nihil enim quoad hoc differt, quod necesse sit in quovis istorum motuum genere ad aliquod primum movens immobile devenire.

### C A P V T III.

*Secunda ratio D. Thoma adducitur,  
& elucidatur.*

SECUNDA ratio, quâ utitur S. D. ad probandum Deum esse, ejusmodi est: necesse est aliquam primam causam efficientem in rerum natura constituere; sed talis est Deus, Deum enim primam causam efficientem communiter omnes nominant:

20.  
Hic, & 1.  
cont.  
gent.  
c. 13.

mentum ejus ; & medium est causa ultimi, quod est ut instrumentum utriusque ( loquendo tam de virtute , quam causalitate actuali , & efficacia ) id est, primum est causa quod secundum actu causet , & secundum est causa quod tertium , vel ultimum actu causet : ergo si tollatur causa efficiens , quæ est simpliciter prima , removebitur à causa media actu agere , seu producere effectum ; & remota causæ mediæ causalitate removebitur effectus ultimus in actu , qui ut actu causetur à tali causa media dependet. Declaratur exemplo, baculus efficit motum lapidis mediante manu , ista mediante vi motiva, quæ agit mediante anima ; si ponatur, animam, quæ in tali ordine est ut causa prima , non agere , omnis efficientia motus, seu effectus ultimus tollitur , qui est lapidis motio : quia anima non agente actu , manus quiescet ; manu quiescente, baculus immotus manebit, & subinde lapidis motio non erit.

Aureolus in 1. dist. 3. quæst. 1. hanc & præcedentem rationem , ut parum efficacem rejicit; 22.  
primò, quia esto concedatur esse aliquod primum movens, vel aliquam primam causam efficientem, nec tamen necesse est id dicere Deum, sed corpus cœleste , quod est primum simpliciter in ordine moventium , & efficientium. Secundò, dicit , rationem hanc non convincere ; nam licet ponamus causam mediam à priori dependere, non tamen sequitur illam esse primam simpliciter , seu dependere mediam ab illa ut prima : quia non intelligitur media à priori dependere ut causa est ; quia etiam prima causa haberet sic dependere , cum maximè causa sit : neque ut media est , quia sic ei sufficit à causa priori

priori dependere. Et subinde ex eo quod processus in infinitum primam causam auferat, non sequitur quod de medio causam mediam tollat, aut effectum ultimum, ut intendebat ratio D. Thomæ. Vnde in partibus proportionalibus in infinitum continuatur, seu proceditur in infinitum; tamen datur ultima pars, scilicet illa quæ fit per primam divisionem.

23. Sed profectò hîc author S. D. intentum non satis percepisse convincitur, nec vim rationis ejusmodi. Nec enim isto articulo intendit D. Thom. demonstrare Deum esse, quoad naturam ejus, vel ea quæ ipsi propria sunt secundum essentiam, aut quibus eum carere necesse est; sed tantum demonstrare intendit, Deum esse, secundum quandam communem rationem, ostendendo ipsum in ratione primi motoris, vel causæ primæ efficientis, nec tamen demonstrando hîc quid sit, seu potius quid non sit, quia alterius negotij est. Vnde probando dari primum in ordine moventium, vel efficientium, optimè concludit intentum, nimirum id esse ponendum in rerum natura, quod homines communiter Deum nominant. Ea propter sic concludit: *Ergo est necessum ponere aliquam causam efficientem primam, quam omnes Deum nominant.* Et hoc profectò optimè præfatæ rationes concludunt. Nam si est dare primum efficiens: ergo vel ipsum est causa omnium; vel est dare aliquid non effectum ab eo? Si primum, habetur propositum. Si secundum; ergo illud non effectum à primo efficiente, est effectum ab alio, vel à nullo, sed habet esse per se? Non potest dici, quod non sit effectum à primo efficiente: quia primum efficiens debet esse per essentiam causa,

ac subinde causa omnis illius quod participat aliquo modo ut sit causa efficiens : ergo non potest non esse à primo, & si non est à primo, nec à secundo, quod participat, & habet causare per subordinationem ad primum, quod essentialiter causa efficiens est. Neque etiam potest dici, quod illud non effectum sit à nullo, sed habeat esse per se. Quod prob. ex D. Thom. 2. cont. gent. cap. 15. sic : si illud effectum non habet esse ab alio, sed per se : ergo erunt saltem duo, quibus conveniet esse primò & per se, scil. primum efficiens, & illud quod à nullo dicitur effectum ; sed est impossibile esse duo habentia aliquam essendi rationem, seu aliquod esse, quorum neutrum habeat causam essendi : ergo impossibile est ponere aliquod præter primum efficiens, quod à nullo sit, sed per se, seu ex se. Prob. minor, quod convenit alicui primò & per se, convenit ei secundum quod ipsum & convertibiliter adæquatè ; v. g. esse animal rationale, vel risibile homini ; sed quod convenit convertibiliter convenit soli, & non aliis, ut patet in exemplo adducto : ergo impossibile est, quod esse per se, & ex nullo, duobus habentibus esse per se conveniat, sed vel utrumque participabit esse ab alia causa, vel unum ab alio.

Quantum ad id, quod secundò adducit 24.  
Aureolus, variè à D. Thomæ discipulis, præsertim Cajetano, & Recentioribus, impugnatur, ut videre est apud Illust. Godoy *hic disp.* 3. Loc. cit.  
§. 9. à num. 196. breviter potest ex D. Thom. & 1. q.  
in hunc modum rejici. Quod causat ut causa 44. a. 1.  
media, nequit per essentiam habere quod sit causans actu : ergo hoc quod est actu causare, debet habere

habere seu participare ab aliquo alio priori; sed non sufficit illud prius, à quo primò id participat, esse prius quomodocunque, sed simpliciter primum: ergo causa media inquantum talis, id est, ut participans causalitatem, & efficaciam causandi, necessariò dependere debet ab aliqua priori, quæ sit simpliciter prima. Maj. patet: tum quia illa causa media non est per essentiam in actu: ergo non est per essentiam actu causans: quia in tantum actu causat, inquantum est actu. Tum etiam, quia, ut supra diximus, nequit dari duplex ens cui primò, & per se competat ratio essendi: ergo neque causandi quia operari sequitur ad esse.

25. Vnde ad illam instantiam de partibus proportionalibus patet, eam satis frivole & contra sensum præfatæ rationis adductam esse: primò, quia ordo inter partes proportionales, quatenus in infinitum divisibiles, non est ordo essentialis, sicut ejus quod est per participationem ad illud quod est per essentiam.

26. Deinde, quia multitudo moventium in ordine ad aliquod motum est ab aliquo ordine, 1. cont. aliàs per accidens omnino se haberent in mo-  
gent. 2. vendo, quod est impossibile in primis moven-  
13. tibus, quæ se dirigunt in finem; sed quod plura unum finem per se intendunt, non est ex ipsis moventibus, sed ex aliquo alio ordinem præscribente; ut in exercitu patet victoriam ut finem belli intendente: ergo jam illa plura moventia respicient unum per se, seu per essentiam movens, & intendens finem motus ad unum.

27. Nec magis obstat id quod P. Suarez disp. 31. metaph. ad hujus rationis vim infringendam adinvenit, nimirum, quod esto non possit effectus

Etus ille successivè, seu à pluribus causis sibi invicem succedentibus in causando dependere, potest tamen ab infinitis, vel saltem plurimis simul, & sine successione causantibus, sed in uno, & eodem instanti. Non, inquam obstat, quia, vel per essentiam, ac primò & per se competet eis causare, vel participativè & cum subordinatione unius ad alteram, vel omnium ad unam tertiam? Primum, ut vidimus in S. D. dici nequit: quod si secundum dicatur, semper deveniendum est ad unam primam causam simpliciter efficientem, ac per essentiam causantem, quam Deum esse omnes dicunt. Est igitur ratio D. Thom. optima, & inter eas, quæ ad hoc propositum induci possunt, non parvi momenti ac ponderis.

---

## C A P V T IV.

### *Tertia ratio D. Thomæ proponitur.*

**T**ertia ratio D. Thomæ est: in rerum natura necessarium est ponere aliquod ens necessarium aliunde essendi necessitatem non habens, sed ex se: sed huiusmodi ens Deum omnes nominant; igitur necesse est ponere Deum esse. Prob. maj. non omnia entia sunt possibilea, immo hoc implicat esse: ergo oportet aliquod ens necessarium esse in rerum natura; tunc sic, omne ens necessarium vel habet causam suæ necessitatis aliunde, vel non habet? Si primum, habetur intentum; si secundum, contra: quia in huiusmodi entibus habentibus suæ necessitatis causam non est possibile

bile quod in infinitum procedatur, sicuti neque in causis efficientibus, quia ab eo essendi necessitatem participare debent, à quo habent esse; quia necessarium sequitur ad esse, tanquam modus vel passio ejus; igitur necesse est ponere aliquid, quod sit per se necessarium, non habens causam suæ necessitatis aliunde, sed ex se, & quod sit causa necessitatis aliis rebus necessariis.

29.

Antecedens verò, nimirum quod sint aliqua possibilia esse & non esse, probatur: quædam generantur & corrumpuntur: sed per hoc quod generantur, accipiunt esse, & per hoc quod corrumpuntur; desinunt esse: igitur quædam sunt possibilia esse & non esse; sed si omnia essent possibilia esse & non esse, & nullum ens esset necessarium in rebus, nihil unquam actu esset, vel esse potuisset, quod est falsum: ergo non omnia entia sunt possibilia; Prob. minor, possibile esse & non esse, aliquando non est, quia dicit potentiam ut sit, nihil autem est simul in potentia & in actu: sed quod aliquando non est, & postea incipit esse per aliquod aliud sit actu, seu incipit esse, quod ex se est actu: ergo si omnia essent possibilia esse & non esse, & nullum ens esset necessarium, seu necessitatem essendi habens, nihil unquam esse potuisset actu: ac subinde nullum ens actu esset, quod est absurdissimum.

30.

Idem Aureolus *loc. cit.* hanc rationem ut inefficacem rejicit, primò: quia non est opus, nec id convincitur, quod omnia entia necessaria habeant causam efficientem suæ necessitatis, sed sufficit quod habeant finalem: Secundò, quia falsum est, quod omne possibile non esse,

esse, quandoque non sit; quia elementa sunt possibile non esse, & tamen nunquam esse desinent. Sed contra primum ejus dictum sic arguitur: impossibile est habere aliqua entia suæ necessitatis essendi causam finalem primam à qua dependeant ut sint actu, & non habere hujusmodi necessitatis essendi causam efficientem: igitur necessum est, quod omnia entia habentia necessitatem essendi ab alio, habeant causam hujusmodi necessitatis essendi, non modò finalem, sed etiam efficientem. Antecedens prob. omnia quæ habent causam finalem primam non sunt ipse finis, sed sunt propter finem: nullum enim ens præter primum potest sibimet esse finis: quia nullum ens habet totam plenitudinem essendi præter primum, ac subinde neque bonitatem per se, seu per essentiam suam, ratione cujus possit esse sibimet finis: sed quæ sunt propter finem, ab aliquo efficiente acceperunt ut sint ad illum finem ordinata; igitur impossibile est, quod aliqua entia habeant causam finalem primam suæ necessitatis, & non habeant efficientem.

Secundum autem illius authoris dictum ad 31. propositum non est; solùm enim intendit S. D. quod possibile secundum se, & prout contra distinguitur ab ente necessario, potest esse & non esse; & hoc verissimum est, quia est contingens esse; si enim esset necessarium esse nunquam non esset, vel esse posset. Res autem, quæ jam actu est; non est possibilis esse, sed necesse esse prout actu est; esto cessante influxu causæ per quam accepit esse, & in eo conservatur, possit non esse, quod etiam in elementis verum est: nam hæc esse desinerent, nisi à Deo servarentur in



esse; Quapropter in ordine ad causam primam à qua esse susceperunt, absolute sunt possibilia non esse.

## C A P V T V.

*Duae ultima rationes D. Thomæ proponuntur, & explicantur.*

32. **Q**UARTA ratio D. Thomæ est; oportet aliquod ens in rerum natura ponere, quod omnibus entibus sit causa essendi, bonitatis, veritatis, nobilitatis, ac cujuslibet perfectionis; sed hoc dicimus Deum: ergo necesse est ponere, in rerum natura Deum esse. Maj. prob. oportet in rerum natura aliquod ens constituere, quod sit verissimum, optimum ac nobilissimum, & subinde maximè ens; sed id quod est maximè tale in aliquo genere seu ordine, est causa omnium quæ sunt illius generis; sicut ignis qui est maximè calidus est causa omnium calidorum: ergo necessum est in rerum natura constituere aliquod ens, quod omnibus entibus sit causa essendi, bonitatis, veritatis, & cujuslibet perfectionis. Major prob. invenitur in rebus aliquid magis & minus bonum, atque nobile, seu verum, & sic de aliis perfectionibus; sed magis & minus dicuntur de diversis, secundum quod diversimode appropinquant ad aliquid, quod maximè tale est; sicut in genere calidi id magis calidum est, quod maximè calido appropinquat; & è contra minus calidum est, si magis ab eo recedit; igitur est aliquid in rebus, quod est verissimum, optimum, ac nobilissimum, ac subinde maximè ens.

Hanc D. Thomæ rationem non magis efficacem quam præcedentes reputat Aureolus. Vnde eam conatur invalidam ostendere dicens, illud axioma, *maximè tale in aliquo genere est causa omnium aliorum quæ sunt illius generis*, nullius esse roboris, nam maximum in genere colorum est albedo, & albedo non est causa effectiva aliorum colorum: ergo non omne maximum in aliquo genere est causa aliorum. Sed reipsa quidem constat hunc authorem non magis percepisse hujus rationis vim, quam præcedentium robur. Quod, ut ostendamus, supponendum est ex S. D. quod maximum vel maximè tale dicitur hîc, quod est maximum per se, & non secundum accidens; itaut illa bonitas, perfectio, vel forma, quâ dicitur tale, sit natura ejus, vel ali-quod accidens ex principiis propriæ naturæ derivatum; sicut calor à naturâ, seu principiis essentialibus ignis derivatur. Similiter primum intelligendum venit de eo quod est primum simpliciter, ac primitate naturæ, vel naturalis proprietatis, aut perfectionis; Tandem, ly *causa*, sumitur tam pro eo quod est causa efficiens formaliter sumpta & secundum formalem rationem agendi; quam pro eo quod est causa formalis & principium cognoscendi, vel mensurandi alia. Vnde reddit hunc sensum; Maximè tale per se, & per propriam naturam, vel naturalem proprietatem est causa eorum quæ secundum magis, vel minùs participant formâ illam per quam maximè tale est per se tale; v. g. ignis est maximè calidus per se, & per proprietatem ex principiis essentialibus ejus ortam; unde omnia quæ sunt participativè calida, secundum magis & minus participant, inquantum magis & minus

q. 3. de  
pot. a. 6.  
ad 8. &  
q. 2. de  
verit. art.  
4 ad 4.

accedunt ad perfectionē caloris, quæ est in igne, quæ est ut per se calor; ac subinde prima forma primitate naturæ & perfectionis, seu bonitatis in genere calidorum participantium illam formam, non per se ceu ut propriam naturam, vel passionem, sed secundum aliquod accidens.

34.  
q 2. de  
verit. a.  
4. ad 4.  
lib. 10.  
metaph.  
text. 4. &  
7.

His suppositis redarguitur Aureolus ipsomet exemplo coloris adducto; licet albedo non sit mensura & causa aliorum colorum secundum id totum quod reperitur in ipsa; tamen in eo quod superabundat aliis coloribus, & est maximè color, seu habens perfectionem coloris ut naturam formalem, est mensura & causa aliorum; ergo verum est universaliter quod maximè tale per se in aliquo genere, est causa aliorum quæ sunt illius generis. Prob. antec. albedo est maximè color secundum formale coloris, quod est lux coloris compositionem ingrediens, & non secundum terminationem diaphani, quæ est ut materiale in colore, sed secundum hanc rationem est primus primitate naturæ, & causa omnium aliorum colorum; igitur albedo secundum rationem formalem coloris, qua est maximè talis, & aliis superabundat, est causa cæterorum in genere coloris. Prob. minor, quia omnes alij colores medij ex albo & nigro generantur, & ita albedo est causa eorum, & prior illis primitate naturæ, & perfectionis; similiter est prior nigredine, quia nigredo est ut privatio & defectus ejus quod est formale in colore; dicitur enim nigrum quod habet minimum de luce: ergo albedo in eo quod est maximè color, est causa omnium, quæ coloris rationem participant,

cupant. Et sic eò perfectior est color, quò magis accedit ad formalem perfectionem & naturam albi; & minùs color, quò magis ab eo recedit. Videnda quæ diximus *tom. 5. clyp. philos. quæst. 7.*

*art. 1.*

Quinta ratio D. Thom. est; necesse est ponere aliquam naturam intelligentem in rebus, à qua omnes res naturales ad finem ordinentur: sed hanc dicimus Deum; igitur necesse est ponere, Deum esse. Prob. maj. ea quæ non cognoscunt finem, & tamen propter finem operantur, non tendunt in illum nisi ut directæ ab aliquo cognoscente & intelligente; sicut sagitta à sagittante in scopum dirigitur; sed videmus, quod res naturales cognitione carentes propter finem operantur: ergo necessum est ponere aliquod intelligens in rerum natura, à quo hujusmodi res naturales in finem dirigantur. Prob. min. quod eodem modo, semper aut frequentius operatur propter assequendum aliquod bonum, illud intendit ut finem, & propter ipsum operari dignoscitur; sed res naturales semper aut frequentius propter assequendum aliquod bonum eodem modo cognoscuntur operari; sicut gravia tendere deorsum, & levia sursum ascendere: ergo res naturales propter finem operantur; & non ut se dirigentes: ergo ut directæ ab aliquo intelligente; sed in hujusmodi intelligentibus dirigentibus non est ire in infinitum: ergo deveniendum est ad aliquod primum, quod sit per essentiam intelligens, & dirigens res omnes in finem.

Resp. Aureolus *ubi supra*, quod hujusmodi res ordinantur in finem, non ab alio, sed ex propriis naturis; nec indigent aliquo extrinseco

imprimente illam ordinationem ; nec tamen à casu necesse est hujusmodi ordinem esse , immò per se ; cum ex rerum quidditatibus ortum habeat.

37. Contra ; esto quælibet res ex propriæ formæ  
 1. cont. natura admittatur ad specialem & proprium fi-  
 gent. c. nem ordinari , qui est propria perfectio , & bo-  
 13. & lib. num ipsius ; attamen ad finem universi , qui est  
 5. c. 64. ordo ejus , absque gubernante omnes res ne-  
 queunt ullatenus coïre, seu convenire : nam in-  
 ter se , & secundum proprias formas non con-  
 veniunt, sed sunt dissonantes , & pugnant, una-  
 que ad ruinam alterius conspirat : ergo oportet  
 ut contineantur in fine , & perfectione universi  
 ab alio causante melodiam ut discrepantium  
 rerum , & pacem inter illas componente. Et hoc  
 dicimus Deum.

38. Hanc rationem omnes fere Patres, qui de hac  
 re agunt insinuant. Et imprimis quidem D. Iu-  
 stinus martyr quæst. 6. *Vnde liquet, ait, quod Deus  
 sit ? Resp. ex rerum, quæ extant, constitutione, &  
 perseverante diuturnitate, non enim ea extarent,  
 quæ extant, nisi Deus prius quam illa extitisset,  
 qui partes creatura omnes utiliter, ex usu & com-  
 modo universa creatura ordinavit.* Insuper D.  
 Theophilus Antiochenus supracitatus lib. 1. ad  
*Autolycum:* Hac eadē ratione utitur D. Joan. Da-  
 masc. lib. 1. c. 3. Tandem, ut alios omittā, D. Greg.  
 Nazianz. orat. 2. de Theol. seu 34. ita fatetur ; *Ete-  
 nim quod Deus, ac princeps quadam causa, quæ  
 res omnes procreavit, atque conservet, tum oculi  
 ipsi, tum lex naturalis docet. Illi, dum rebus in  
 aspectum cadentibus aciem assignant, easque &  
 pulchrè affixas, & stabiles esse, & progredi, at-  
 que immotè, ut ita dicam moveri volvique per-  
 spiciunt.*

spiciunt. Hac autem, dum per res oculis subjectas, ac recto ordine collocatas authorem earum conjectura quadam colligit, atque assequitur. Quonam enim modo universa hac rerum moles, vel producta unquam fuisset, vel consisteret, nisi Deus omnia in rerum natura protulisset, atque conservaret? Quemadmodum enim quispiam Cytharam pulcherrimè confectam, & elaboratam conspiciens, ejusque concinnitatem & constitutionem, aut etiam ipsius Cythara cantum audiens, nihil aliud, quam ipsum Cythara conditorem atque Cytharædum mente reputat, atque ad eum cogitatione fertur, etiamsi de facie ignotum; eodem quoque modo nobis, is qui res efficit, effectusque movet, atque conservat manifestus est, etiamsi mente minime comprehendatur.

## C A P V T V I.

*Argumenta contraria dissolvuntur.*

**A** Rg. 1. Si Deus esset, nullum in rebus malum esset reperire; sed datur malum in rebus: ergo Deus non est. Sequela prob. Si unum contrariorum fuerit infinitum, totaliter destruetur aliud; sed hoc intelligitur in hoc nomine *Deus*, scil. quod sit bonum infinitum: si ergo Deus esset, nullum in rebus malum esset reperire. Hoc argumento motus fuit quidam Philosophus apud Boëtium *lib. 1. de consol. prosa 4.* dicens; *Si Deus est, unde malum est?* ut refert D. Th. *lib. 3. cont. c. 71.* 39.

Resp. S. D. ex D. Augustino in *Enchirid. cap. 11.* quod Deus, cum sit summè bonus, nullo 40.

modo sineret aliquid mali esse in operibus suis, nisi esset adeo omnipotens & bonus, ut bene etiam de malo faceret. Hoc ergo ad infinitam Dei bonitatem pertinet, ut esse permittat mala, & ex eis bona eliciat. Circa hanc solutionem nota breviter, quod unum contrariorum in tantum aliud totaliter destruere potest, inquantum virtus formæ ipsius habet perfectam victoriam super illud. Hanc autem victoriam habere potest, tum in suo connaturali subiecto, sicut calor in igne; vel in subiecto stante sub opposito, in quod agit, & diffundit virtutem suam, ut ipsum sibi assimilet, ut calor in aqua. Certum est, quod cum Deus sit summè bonus, nihil mali in se habeat, sed penitus ab eo est elongatum: sed tamen in effectibus ejus mala & defectus inveniuntur; quod infinitæ illius bonitati repugnare videtur. Respondet igitur S. D. quod esto verum sit, quod Deus infinitam bonitatis virtutem habeat, qua perfectè omnem defectum, & malitiam in suis operibus vincere, & destruere potest; nihilominus tamen ea permittit, inquantum conducunt ad manifestandam bonitatem ejus, & pulchritudinem rerum quas condidit; quæ prout à Deo sunt, penitus sunt mali expertes; deficere enim duntaxat ex se habent, quippequæ ex nihilo.

Infra q.  
22. art. 2.  
ad 2.

41. Nec enim necessarium est, ut, si unum oppositorum est infinitum, aliud semper totaliter, & omnimode destruat; sed quod destruat illud secundum eam rationem, secundum quam illi subest, & in ipsum agit. Et hoc pacto in operibus Dei, prout ab eo sunt, mala & defectus non sunt. Cum enim sit agens voluntarium & ex proposito voluntatis suæ omnia ad esse deducens,

quæst. I.  
de malo  
art. 1. 2.  
& 3.

ducens, non verò per necessitatem naturæ operans; omnia ad esse deducit, & eo modo, quo vult, & ad bonitatem ipsius manifestandam expedit; immò & secundum quod rebus ipsis, earumque naturis convenit. Et quia ipsis, ex ea parte, quâ ex nihilo prodeunt, deficere competit, deficere permittit, inquantum sunt in potentia ad bonitatem, quam totaliter participare nequeunt.

Arg. 2. quod potest per pauciora principia compleri, non fit per plura; natura enim non abundat in superfluis, nec in necessariis deficit cum ordinatè operetur; sed videtur, omnia quæ in mundo apparent, & conspiciuntur, per alia posse principia compleri, supposito quod Deus non sit; Nulla ergo necessitas est, ponere Deum esse. Prob. minor: nam quæcunque sunt in mundo, vel sunt naturalia, vel sunt voluntaria seu à proposito: sed naturales omnes effectus in principium unum, quod est natura, possunt reduci; quæ verò sunt à proposito, reducuntur in principium quod est ratio humana vel voluntas: ergo omnia quæ in mundo apparent, & conspiciuntur, videntur per alia principia compleri posse, supposito quod Deus non sit. 42.

Resp. ex S. D. hic, negando maj. ad prob. dist. min. naturales effectus possunt reduci in naturam, & voluntarij in intellectum & voluntatem, tanquam in causam & principium proximum, concedo; tanquam in principium primum simpliciter, nego. Cum enim natura propter determinatum finem operetur ex directione alicujus superioris agentis præscribentis finem; necesse est ea quæ à natura sunt, etiam in Deum sicut in primam causam simpliciter reducere. 43.



ducere. Similiter etiam quæ ex proposito fiunt ,  
reducere in altiore[m] aliquam causam oportet ,  
quam sit ratio humana vel voluntas , quia hæc  
mutabilia sunt , ac defectibilia. Oportet autem  
omnia mobilia , & deficere possibilia reduci in  
aliquod primum principium immobile , & per  
se necessarium , ut ostensum est. Quod eleganter  
docuit D. Damascenus lib. 1. fid. orthod.  
cap. 1.

44.

Alia argumenta , quæ ex providentiæ , aut  
alterius attributi ratione procedunt , suis in lo-  
cis discutientur. Instantiæ verò quæ contra pri-  
mam rationem D. Thom. adduci solent, viden-  
dæ sunt tom. 3. *Chypei nostri Philosop. quaest. 19.*  
*art. 1. & seq. & etiam quaest. seq. 3. art. 1.* Quæ  
autem militant contra secundam rationem ex  
dicendis *quaest. 7.* constabunt.

## CAP V T VII.

*Per quid Dei natura seu essentia meta-  
physicè constituatur.*

45.

**H**Anc quæstionem prætermittens S.D. quæ-  
stioni , *an Deus sit* , eam quæ de ejus sim-  
plicitate agit , subjunxit , *quia de Deo*, inquit ,  
*scire non possumus quid sit , sed quid non sit.* Quod  
& commune Sanctorum Patrum effatum est, ut  
fatis est omnibus notum , qui eorum opera adie-  
cerunt , D. Isidorus Pelusiota lib. 3. *epist. 232.*  
ita de hac quæstione fatur : *Ultra omnem auda-  
ciam progrediuntur , qui exigua lingua operâ de ip-  
somet Deo quæstionem movent : ac præsertim cum*  
*quid*

quid sit anxie inquirunt. Oportet autem non quid sit inquirere, sed quod sit affirmare. Nam ut ait D. Damascenus lib. 1. fidei orthod. cap. 1. & 3. *Quid sit Deus secundum naturam & substantiam incomprehensibile est omnino, & ignotum.* Abstinere & ego libenter ab hac quaestione, quæ multum dissidij, & parum utilitatis affert, nisi mos Theologis nostri temporis in hoc mihi gerendus esset; abstinebo tamen, quantum potero, ab eorum dicendi prolixitate.

§. I.

*Sensus tituli explicatur, & breviter quadam observationes præmittuntur.*

**N**ON est præsentis intentionis super substantialiæ Dei essentiam, prout in seipsa super substantialiter existit, manifestare: Tum quia, sic sumptâ essentiâ, certum est, quidquid est in Deo, divinam naturam & substantiam esse: Tum quia impossibile hoc & ignotum est, sermoneque explicari nequit, aut conceptione apprehendi. Quidquid enim intellectus noster de Deo apprehendit, minus est quam Dei essentia; & quidquid lingua balbutiendo resonat, aut de ipso effatur, minus est quam esse divinum. Sed solum intendimus essentialiæ ejus, & quasi specificam rationem, prout ex processibus ejus in creaturas nobis innotescit, aliquatenus declarare. *Quemadmodum*, inquit D. Gregorius Nazianzenus orat. 36. *nemo est, qui aërem totum hauscrit: ita Dei naturam neque mens ulla prorsus concepit aut vox ulla complexa est. Verum ex his quæ circa ipsum sunt adumbrantes, obscuram quandam & imbecillam, atque aliam ex alia specie*

46.  
Super  
Dionys.  
c. 5. lec. 1.  
de pot.  
q. 2. a. 1.

ciem colligimus. Ac praestantissimus apud nos Theologus censetur, non qui totum quid sit Deus invenerit; sed qui ampliorem ipsius speciem mente conceperit: ampliusque veritatis simulachrum, vel adumbrationem, vel quocunque tandem alio vocabulo uti quis malit, in seipso collegerit.

47. q. 2. de  
pot. art.  
1. & 5. Supponendum est quod, quemadmodum in rebus creatis reperiuntur tria, quae ad earum substantiam & esse pertinent; nimirum ipsa forma speciei; v.g. humanitas: suppositum huiusmodi formam habens ut homo; & ipsum esse, quod est actus suppositi ut quod, & formae speciei ut quo; ita & in Deo haec tria distinguenda veniunt, videlicet ipsa veluti forma speciei, quae est Deitas; suppositum formam istam habens, nempe Deus; & ipsum esse divinum, quod est ut actus formae & suppositi, vel formae in supposito, ut infra explicabitur. Quod in finuavit D. Anselmus in monolog. c. 6. inquit: *Quemadmodum se se habent adinvicem lux, & lucere, & lucens: sic sunt adinvicem essentia, esse, & ens, hoc est existens sive subsistens: ergo summa essentia, & summè esse, & summè ens, id est, summè existens, sive summè subsistens non dissimiliter sibi conveniunt, quam lux, & lucere, & lucens.*

48. 1. sent.  
dist. 6. q.  
1. art. 3. Supponendum est secundò actum esse duplicem; primum videlicet, qui est forma, & secundum qui est esse, vel operatio: Essentia divina sub ratione essentiae non dicitur principium actus, qui est operatio, sed qui est esse. Median-  
tibus tamen attributis, quae sunt realiter eadem cum ipsa; licet virtualiter & secundum rationes suas distinguantur, est etiam principium operationum divinarum; v. g. essentia divina est

est principium intelligendi inquantum est intellectus; & res volitæ, quæ possunt esse vel non esse, producuntur ab essentia inquantum ipsa est voluntas. Verba D. Thomæ sunt; *Dicendum quod essentia divina est principium omnium actuum divinorum, licet essentia sub ratione essentia non dicat principium actus qui est operatio, sed qui est esse.*

Igitur difficultatis nodus hic mihi esse videtur, quænam earum perfectionum, quæ formaliter & propriè Deo, & non eminenter tantum competunt, quæve ipsi ex processibus ipsius in creaturas attribui consueverunt, propius accedat ad explicandam Deitatem, quæ est veluti forma specifica, quâ Deus est Deus, & ratio seu quidditas & natura ejus; an ipsum esse à se? an ipsum intelligere? an intellectualitas, aut aliqua alia hujusmodi perfectio, seu forma?

§. II.

*Refertur primus dicendi modus & rejicitur.*

**Q**uidam Theologi (inter quos Mag. Cornejo tom.1. quæst. 14. art.4. disph. 1. dub. 3. & 4.) inter essentiam Dei sub ratione essentiæ, & sub ratione naturæ distinguentes asserunt, ipsam in ratione essentiæ per rationem entis spiritualis à se formaliter ac metaphysicè constitui; in ratione autem naturæ per actualem intellectionem.

Sed profectò hic dicendi modus rejiciendus venit, primò in eo quod impræsentiarum inter naturam & essentiam distinguit, diversam rationem formalem constitutivam cuilibet assignans. Hæc enim nomina (prout ad præsens spectat)

spectat) *natura, essentia, & substantia*, idem  
 prorsus significant. Et ita communiter SS. Patres  
 ipsa usurpant. Cujus rei locupletissimus testis  
 est Helias Cretensis in orat. 11. D. Gregorij Naz.  
 dicens; *Inter formam, & naturam, & essentiam,*  
*apud Dei Ecclesiam nullum discrimen est, etiamsi*  
*apud externos sit.* Et hanc esse mentem & com-  
 munem modum loquendi SS. Patrum testatur  
 idem in comm. ad orat. 3. ubi ait: *Indiscrimi-*  
*natum quoque viri sancti formam, & naturam,*  
*& essentiam de eadem re usurpare consueverunt.*  
 Idem docet Nicetas in comm. ad orat. 40. ejus-  
 dem S. Doctoris. Insuper D. Anselmus in mo-  
 nol. cap. 4. inquit: *Idem namque hic naturam*  
*intelligit quod essentiam.* Hoc ipsum asserit D.  
 Thomas plurimis in locis, praesertim in 1. dist. 3.  
 quaest. 2. in exposit. textus dicens; *Sciendum*  
*quod haec tria (scil. natura, substantia, essentia)*  
*pro eodem sumuntur. Non enim sumitur hic na-*  
*tura prout nominat principium alicujus actus, sed*  
*prout dicit formam consequentem totum, sicut hu-*  
*manitas est forma hominis.* Idem habet opusc. 24.  
 loquens de errore Ioachim abbatis. Concilium  
 etiam Lateranense sub Innocentio III. damnans  
 errorem praefati abbatis Ioachim, ita definit:  
*Nos autem sacro, & universali Concilio appro-*  
*bante credimus & confitemur cum Petro, quod*  
*una quaedam summa res est incomprehensibilis*  
*quidem, & ineffabilis, qua veraciter est Pater*  
*& filius & Spiritus Sanctus: tres simul personae,*  
*ac singulariter qualibet earundem.* Et ideo in Deo  
 est Trinitas solummodo, non quaternitas; quia qua-  
 libet illarum trium personarum est illa res, vide-  
 licet substantia, essentia, sive natura divina;  
 sed nominibus utendum est prout communiter  
 Sapientes

Sapientes utuntur : ergo absque fundamento, & contra sensum Conciliorum & Patrum hæc sententia inter essentiam & naturam distinguit.

§ 2.  
In 2. dist.  
37. q. 1.  
art. 1. c.

Ad tollendam omnem in hac parte æquivocationem sciendum est, quod natura quadrupliciter sumitur; primò dicitur natura, prout ad omnia rei entia se habet; quo pacto natura diffinitur omne id quod intellectu in rebus concipi potest; & ens rei dici solet ens naturæ. Secundò usurpatur prout substantiis duntaxat competit, & sic natura dicitur id quod agere, vel pati potest. Tertiò dicitur natura id quod est principium motus & quietis in eis in quibus est, per se & non secundum accidens. Quartò dicitur natura unumquodque informans specifica differentia, sicut rationale dicitur natura hominis. Et de natura hoc pacto sumpta impræsentiarum est sermo, quo pacto eam ab essentia significatione distingui negamus, esto distingui valeat prout significat principium actus, qui est operatio; sed hoc non habet nisi mediante ratione alicujus attributi, ut ex S. D. diximus. Multas ad hoc probandum rationes adducit Illustrissimus Godoy hic tract. 1. disp. 4, §. 2. quæ apud ipsum videri possunt. *Nec enim de vocabulis* ( tanta concertatione, & prolixitate ) *dissidendum, quandiu syllaba ad eandem sententiam ferunt*, inquit D. Gregorius Theologus *orat.* 39.

Sed dices, D. Thomas 1. p. q. 39. art. 2. ita tertiò objicit; *Natura divina est idem quod essentia : sufficeret ergo dicere, quod tres persone sunt unius natura*, & non est opus adjicere, quod sint unius essentiæ. Et respondet S. D. *Ad tertium dicendum, quod quia natura designat principium*

§ 3.

capitulum

*principium actus, essentia, verò ab essendo dicitur; possunt dici aliqua unius naturæ, quæ conveniunt in aliquo actu, sicut omnia calefacientia, quæ conveniunt in aliquo actu. Sed unius essentia dici non possunt, nisi quorum est unum esse. Et ideo magis exprimitur unitas divina per hoc quod dicitur quod tres personæ sunt unius essentia, quam si diceretur quod sunt unius naturæ. Ex quibus sic arguitur pro contraria sententia; Essentia dicitur ab essendo, & ab operatione præscindit; naturæ autem non præscindit ab operatione: ergo diversus est conceptus essentiæ à conceptu naturæ cum fundamento in re, seu ratione ratio-  
cinata, ratione cuius aliqua possunt dici unius naturæ, licet non sint unius essentiæ.*

§4.

*Resp. omissis aliorum solutionibus, quod ibi est sermo de naturæ, non prout significat specificam rei differentiam, & formam, sed ut dicit principium actus, à quo præcipuè denominatur ratio naturæ. Dicitur enim naturæ à nascendo, nasci autem actum, & emanationem quandam dicit: quapropter quæcunque conveniunt in aliquo actu alicujus formæ, etiam accidentalis, unius naturæ hoc pacto dici possunt, ut patet in exemplo adducto de calefacientibus. Vnde ad designandam substantialem convenientiam personarum divinarum in una forma, & non solum in aliquo actu formæ, opus fuit dicere, quod tres personæ sunt unius essentiæ, quia multiplicatis personis non multiplicatur essentia, quæ se habet quantum ad modum significandi ut forma trium personarum, quemadmodum habetur in corpore articuli. Ad cætera quæ objici solent, facilis patet ex his solutio.*

Quibus

Quibus prænotatis impugnatur hic primus dicendi modus, primò; quia de divinis loquimur secundum modum nostrum, quem intellectus noster capit ex rebus inferioribus, ex quibus scientiam sumit; sed in rebus inferioribus cuicumque tribuitur actus secundus qui est esse, necessariò tribui debet essentia sive natura, quæ est illius actus principium: ergo cum intelligere sit quoddam esse, & actus secundus, necessum est in Deo aliquid præaccipi, & præintelligi quod sit illius intelligere principium; sed hoc dicimus essentiam rei quod est principium essendi, seu cujus actus est esse: igitur non ipsum intelligere per modum actus secundi, & esse potest dici constitutivum naturæ divinæ per modum formæ speciei, sed illud quod est ipsius intelligere principium. Prima minor prob. In divinis quia ponitur generatio, quæ per modum rationis significatur, oportet ibi potentiam generandi, seu potentiam generativam concedere, quæ ut principium illius actionis significatur: sed operatio est quidam actus secundus sic se habens ad potentiam sicut esse ad essentiam: ergo si semel ponatur intelligere per modum actus secundi, necessum est ut aliquid præintelligatur quod sit ejus principium.

Conf. Essentia divina secundum intellectum est prius quam esse suum: ergo esse non est formalis essentia & natura Dei, sed aliquid consecutum ad essentiam, tanquam ad causam virtutalem ejus: omne enim ens per principia suæ essentiae habet esse; sed intelligere est esse Dei: ergo non est formale constitutivum naturæ divinæ per modum formæ speciei.

Conf. 2. verbum activum non significat actum

*Tom. I.*

*A 2*

55.

56.

1. sent. dist. 19. q. 2. a. 1. ad 1. & dist. 42. q. 1. a. 1. q. 7. de pot. art. 2. 1. p. q. 14.

57.



1. dist. 32.  
q. 2. a. 1.  
ad 3.

370

*Quaest. I I. De Deo,*

absolutè, sed ut ab agente egredientem, & idcirco Spiritus Sanctus nullatenus significatur verbo *diligere*, sed nomine absoluto dilectionis vel amoris: ergo cum essentia divina sit ut quidam actus, & forma absoluta, non potest significari verbo aliquo importante actum ut egredientem ab alio; sed intelligere per modum actus secundi, significat actum intelligendi ut egredientem ab intellectu, seu intelligente in actu, sicut velle à volente: ergo non potest ex modo significandi convenienter exprimere formale constitutivum naturæ divinæ per modum formæ speciei. Sumitur ex D. Thom. quæst. 1. de pot. art. 1. cap. dicente: *Est autem de ratione operationis habere principium, non de ratione essentia. Vnde licet essentia divina non habeat aliquod principium, neque re, neque ratione; tamen operatio divina habet aliquod principium secundum rationem.* Intelligere itaque cum sit operatio quædam, namque actus secundus est, necessariò debet habere secundum rationem aliquod principium, quod repugnat essentia.

58. Secundò impugnatur: si intelligere per modum actus secundi ponendum esset naturæ divinæ formale constitutivum, & non ipsa intellectualitas, seu esse intellectivum per modum actus primi, eò præsertim esset, quia intellectualitas, seu esse intellectivum per modum actus primi, & radicis se habet ut quid imperfectum respectu ipsius intelligere per modum actus secundi, nihil autem imperfectum est Deo attribuendum; sed hæc ratio, quæ est præcipuum hujus sententiæ fundamentum, est nulla: ergo nulla est ratio cogens nos ad asserendum, quod

quod intelligere per modum actus secundi, debeat formale divinæ naturæ constitutivum poni. Prob. min. 1. quia formaliter in Deo constituitur ratio potentiæ, quæ significatur per modum actus primi, & principij ipsius operationis, quæ est actus secundus: ergo ratio actus primi in Deo reperitur. Et ita docet D. Thomas in 1. dist. 42. quæst. 1. art. 1. ad 1. ubi ait; *propter hoc omnis forma actus dicitur, etiam forma separata, & illud quod est principium perfectionis totius, quod est Deus, vocatur actus primus, & purus, cui maxime illa potentia convenit.* Et ibid. in c. *Et ex hoc, inquit, concluditur perfecta ratio potentia in Deo, tum quia omnia agit, quod convenit sibi inquantum est actus primus, & perfectus.* Et quæst. 7. de pot. art. 1. ad 3. idem docet.

Secundò prob. eadem minor; quia etiam actus secundus, ut distinctus à primo, & non conjunctus ei per essentiam, non absolvitur omnino ab imperfectione: ergo propter hanc rationem, si aliquid probaret, intelligere per modum actus secundi non esset formale constitutivum naturæ divinæ. Prob. antecedens; quia actus secundus, vel est esse, vel operatio: si est esse, de ratione ejus est non esse subsistens, & completum, sed inexistens, quia omne esse alijus est; si verò est operatio, de ratione ejus est relatio existens à principio, seu habere principium, & egredi ab ipso; sed hæc quandam notant imperfectionem ex modo significandi; ut patet: ergo ratio actus secundi ex modo significandi non absolvitur omnino ab imperfectione.

Conf. esto intellectus noster Deum, ut quid perfectissimum exprimere nitatur, tamen quia

in effectibus creatis nihil invenit summè perfectum, idcirco nomina in Deo multiplicat, ad exprimendas diversas illius perfectiones, ac subinde ex modo significandi una ad aliam addere significatur, & quodammodo perficere; Quo pacto diversa attributa sunt diversæ perfectiones ejusdem essentiae, quodammodo secundum modum significandi ipsi addentes: ergo non implicat considerare in Deo ipsum intelligere per modum actus secundi, se habentis quodammodo in ratione perficientis intellectualitatem. Hæc doctrina sumitur ex D. Thom. quaest. 23. de verit. art. 1. ad 10. ubi ait: *Dicendum quod Deus non potest aliquo perfici secundum rem: tamen per modum significandi aliquando aliquo perfici significatur; sicut cum dico, quod Deus intelligit aliquid. Sicut enim volitum est perfectio voluntatis, ita intelligibile perfectio intellectus. In Deo autem idem est intelligibile primum & intellectus; & volitum primum & voluntas. Ex quo habet quod secundum rem non perficiatur. Sed de his plura infra in solut. arg.*

## §. III.

*Rejicitur secundus, tertius, quartus & quintus dicendi modus.*

61. **A**lij pro constitutivo formali naturæ divinæ, non modo ipsum intelligere actuale, seu actualem intellectionem, sed etiam actualem volitionem assignant. Contra 1. nam, ut ex dictis patet, & docet D. Thom. *quaest. 1. de pot. art. 1. c.* de ratione essentiae est non habere principium, cum sit id quod primò competit rei; sed tam velle quam intelligere actuale, seu tam actualis

actualis volitio quam intellectio sunt quædam operationes, & actus secundi, de quorum ratione est habere principium, cum saltem ex modo significandi dicant fluxum agentis in alterum: ergo nequit actualis intellectio, & volitio pro formali constitutivo naturæ divinæ assignari.

Conf. quia velle non dicit ordinem ad volentem nisi mediante voluntate, neque intelligere ad intelligentem nisi mediante intellectu, quia velle ab aliqua voluntate est, & intelligere ab aliquo intellectu; voluntate enim volumus, & intellectu intelligere dicimur; sed neque intellectus, neque voluntas pro constitutivo formali divinæ naturæ assignantur, sed attributa ejus constituuntur, ut quædam proprietates de Deo à Theologis probantur: ergo multominus intelligere, & velle actuale, seu actualis intellectio, & volitio, quæ consequuntur ad hujusmodi potentias, seu proprii earum actus, & operationes, possunt pro formali divinæ naturæ constitutivo poni. Sumitur hæc ratio ex D. Thom. 1. dist. 6. quæst. 1. art. 3. c. ubi ait: *Essentia divina est principium omnium actuum divinorum, licet essentia sub ratione essentia non dicat principium actus, qui est operatio, sed qui est esse: sed cum in essentia sit considerare diversa attributa, quæ sunt realiter unum in ipsa, ratione tamen distinguuntur, actus refertur ad essentiam secundum hoc attributum, vel secundum hoc quod exigit conditio actus, sicut intelligere est ab essentia divina, inquantum ipsa est intellectus &c.*

Contra 2. si volitio actualis intret formale constitutivum naturæ divinæ, oportet quod

62.

63.

verbum divinum naturaliter à patre procedens, sicut genitum à generante, dicatur etiam voluntate, seu volitione sicut principio naturali formaliter generari; quia, ut inquit Damasc. lib. I. fid. orthod. cap. 8. Generatio est opus divinæ naturæ existens; sed hoc non est admitrendum, quia ut inquit Hilarius *lib. de synod.* Omnibus creaturis substantiam Dei voluntas attulit, sed filio natura dedit; igitur non est dicendum quod voluntas, seu actualis volitio sit formale divinæ naturæ constitutivum. D. Th. ibid. art. 2. & 3. Conf. quia voluntatem, seu volitionem necessariò præcedit aliqua cognitio, saltim in universali, ut explicat S. D. ibid. in expos. text. sed cognitionem præcedit natura cognoscens à qua egreditur; igitur volitio, seu voluntas nullatenus potest esse rei natura, seu constitutivum ejus per modum formæ speciei. Maj. patet ex illo communi axiomate, nihil volitum quin præcognitum. Deinde quia voluntas est quidam appetitus, cujus actus est volitio; appetitus autem necessariò sequitur cognitionem, cum sit ordinatio quædam in bonum & finem, ut docet S. D. passim.

64. Tertiò aliqui asseverant naturam divinam collectione omnium attributorum formaliter constitui. Quod quidem si de physico constitutivo intelligerent, nec nos negaremus, cum omne quod est in Deo, realiter & essentialiter sit ipse Deus, cum sit suum esse. Vnde Anselmus in monolog. cap. 16. *Nihil dicitur, quod de ejus essentia verè dicitur, in eo quod qualis, vel quantitas; sed in eo quod quid sit accipitur.* Verum loquendo de constitutivo metaphysico hæc sententia non videtur vera. Vnde impugnatur primo

mò ex D. Damasceno lib. I. fidei orthod. cap. 4. dicente: *Si bonum, si justum, si sapientem, si quidvis aliud dixeris non naturam dicis Dei, sed ea quæ circa naturam sunt.* Et hic loquendi modus familiaris est Patribus distinguentibus naturam Dei, & illa quæ circa ipsam inexistunt, qualia sunt attributa: non igitur ex collectione attributorum metaphysicè essentia Dei constituitur seu constitui rectè à nobis apprehenditur. Impug. 2. quia constitutivum per modum formæ speciei debet unam simpliciter habere rationem; attributorum autem rationes sunt diversæ, & una significatur aliam supponere, sicut voluntas intellectum; non igitur collectio attributorum potest esse formale constitutivum metaphysicum naturæ divinæ. 3. quia naturæ perfectissimæ sunt quoque operationes perfectissimæ, & illarum operationum principia, quæ potentias dicimus; potentiz non sunt ipsa essentia secundum rationem suam, sed essentiz proprietates, quibus mediantibus essentia ad operationum actus habitudinem dicit, ut ex S. D. supra deduximus; non igitur attributorum collectio, quæ sunt diversarum illarum in Deo operationum principia, sunt formaliter ipsius naturæ & essentiz divinæ constitutivum.

Quartò aliqui affirmant Dei essentiam & naturam constitui per rationem entis à se, immaterialis & per se subsistentis. Sed contra est; illud quod ponitur naturæ divinæ constitutivum per modum formæ speciei, debet substantialem quandam essendi perfectionem exprimere, quæ ex processibus Dei in creaturas derivatur, dicens & explicans aliquam substantia-

65.

lem formam, & esse perfectissimum, quod in creaturis reperiri potest; sed ratio entis à se in suo conceptu non complectitur, neque explicat maximam & substantialem essendi perfectionem, quæ ex processibus divinis in creaturas derivatur: ergo naturæ divinæ constitutum per modum formæ speciei non bene exprimitur per rationem entis à se. Major patet, nam hoc dicimus Deum, quod est perfectissimum in entibus: ergo si Dei essentia ex processibus illius ad creaturas explicari debet, assumi necessum est illud quod in sua ratione maximam, & substantialem essendi perfectionem explicat. Minor verò prob. Quia gradus intellectivi se habet ex additione ad ens, & ad quemlibet entis per se gradum, explicatque aliquam specialem differentiam substantialem perfectioris naturæ creatæ: ergo ratio entis à se in suo conceptu non explicat maximam & substantialem essendi perfectionem. Conf. quia substantia est ens cui debetur esse per se seu subsistere; sed substantiæ conceptus est in potentia ad ulteriorem perfectionem, seu differentiam nobiliorem, nimirum vitam, & intellectivum: igitur per se subsistere in creaturis non explicat perfectissimam nobilitatem à Deo in illas derivatam: ergo neque in Deo, prout est cognoscibilis à nobis ex processibus ipsius in creaturas.

66. Quod si dixeris rationem entis has substantiales perfectiones non dicere, bene verò rationem entis per se subsistentis. Contra est, quia ratio entis per se subsistentis non complectitur in sua ratione intellectivum, & alios nobilitatis substantiales gradus, sicut nec ratio substantiæ:

stantiæ : ergo ratio entis à se & per se subsistentis non dicit esse per essentiam seu à se intellectivum. Conseq. patet , quia ex processibus divinis in creaturas debemus Dei naturam & essentiam intelligere : ergo si iste processus essendi per se subsistens est ratio communis & imperfecta, non explicans omnes substantiales nobilitates , & perfectiones , quæ in perfectissima specie creata reperiuntur ; cum assurgimus ad illam Deo tribuendam , non explicabit in illo, prout ex creaturis est à nobis cognoscibilis, maximam perfectionem substantialem ac specificam.

Hanc rationem insinuat D. Augustinus lib.1. de doct. Christ. cap.8. dicens : *Itaque hoc omnes Deum consentiunt esse , quod rebus omnibus anteponitur. Et quoniam omnes qui de Deo cogitant , vivum aliquid cogitant, illi soli possunt non absurda & indigna de Deo existimare qui vitam ipsam cogitant, & quacunque illis forma occurrerit corporis eam vitam vivere , vel non vivere statuunt , & viventem non viventi anteponunt ; eamque ipsam viventem corporis formam , quantalibet luce perfulgeat , quantalibet multitudine præmineat , quantalibet pulchritudine ornetur, aliud esse ipsam , aliud vitam quâ vegetatur intelligunt , eamque illi moli , qua ab ea vegetatur & animatur , dignitate incomparabili præferunt. Deinde ipsam vitam pergunt inspicere , & si eam sine sensu vegetantem invenerint , qualis est arborum , præponunt ei sentientem , qualis est pecorum, & huic rursus intelligentem qualis est hominum. Quam cum adhuc mutabilem viderint, etiam huic aliquam incommutabilem coguntur præponere , illam scil. vitam qua non aliquando desipit , aliquando*



*quando sapit, sed potius est ipsa sapientia.* En quomodo Sanctus Augustinus optimum quod est in creaturis attribuens designat gradum intellectivum, & non per se subsistens, vel ens.

68. Conf. esse à se, sicut & esse immateriale dicuntur de Deo per remotionem: sed ea quæ sic de Deo efferuntur non explicant quid sit seu naturam specificam ejus, sed quid non sit; igitur neque esse à se, neque esse immateriale est constitutivum naturæ divinæ per modum formæ speciei, & quidditatis. Minor asseritur ab omnibus ferè Patribus, præsertim à S. Damasceno lib. 1. fidei orthodox. cap. 4. dicente; *Sed non hoc substantia ejus diffinitivum: ut neque ingenerabile, sine principio, inalterabile, & incorruptibile, & quacunque de Deo, vel circa Deum esse prædicantur; hac enim non ejus quid est significant &c.* Idem habet D. Gregorius Nazianz. orat. 2. de Theol. Major etiam patet, quia esse à se est esse sine principio, seu anarchum; esse immateriale est esse absque materia. D. Th. 1. d. 35. q. 1. a. 1. sed de his infra q. 14. art. 1.

#### §. IV.

*Rejicitur quintus dicendi modus.*

69. **Q**VINTO tandem alij affirmant divinam essentiam, seu naturam metaphysicè constitui per ipsum esse, seu existentiam actualem, ut in se omnes perfectiones essendi complectitur. Vnde & ipsum nomen, *qui est*, dicitur esse maximè proprium Dei. Ita sensisse videntur Rabbi Moyles lib. 1. 57. 58. & Avicenna lib. de intellig. cap. 1. ipsi enim, ut refert D. Thomas in

in 1. dist. 2. art. 3. c. dixerunt, quod res illa, quæ Deus est, sit quoddam esse subsistens, nec aliquid aliud nisi esse in ipso Deo reperitur. Quidquid sit de illis, hanc sententiam amplectantur quidam recentiores, qui videri possunt apud Illustrissimum Godoy 1.p.9.5.tract.1.disp.4. §. 2. & R. M. à S. Thoma 1.p. quæst.14. disp.16. art.2.

Sed profectò loquendo de constitutivo per modum formæ speciei, hæc sententia vera non est, unde contra illam primò arguitur ex variis locis D. Thomæ, quorum primus est ex lib.1. sent. dist.19. quæst. 2. art. 1. ad 1. ubi ait : *Cum essentia divina secundum intellectum sit prius quam esse suum, & esse prius quam aternitas, dicetur ipse Deus esse causa suæ aternitatis secundum modum intelligendi, quamvis ipse sit suæ aternitas secundum rem* : sed nihil est prius se ipso : igitur essentia Dei metaphysicè & secundum rationem considerata non est ipsum esse, licet secundum rem sint idem. Secundus est ex eodem lib. dist.42. quæst.1. art. 1. ad 4. ubi ait : *Dicendum quod Deus non agit operatione media, quæ sit aliud ab essentia sua, sed suum esse est suum operari, & suum operari est sua essentia, nihilominus tamen essentia significatur ut principium essendi, potentia ut principium operandi*; igitur non ipsum esse sed quod est essendi principium dicitur essentia & natura divina.

Præterea lib.1. sent. dist.35. quæst.1. art.1. c. ait, *Cum in aliis creaturis inveniatur esse, vivere, & intelligere, & omnia hujusmodi, secundum diversa in eis existentia, in Deo tamen unum suum simplex esse habet omnium horum virtutem & perfectiōnem*; unde cum Deus nominatur ens, non

70.

71.

non exprimitur aliquid nisi quod pertinet ad perfectionem ejus , & non tota perfectio ipsius , nimirum substantialis & quidditativa , quia vivere & intelligere se habent quodammodo ex additione ad ipsum : sed de ratione naturæ & formæ speciei est quod dicat totam perfectionem substantialem ipsius ; sicut humanitas dicit omne id quo homo est homo , dicit enim intellectivum cum cæteris gradibus substantialibus genericis : ergo esse non est constitutivum formale metaphysicum naturæ divinæ , ut forma speciei.

72. Prob. ratione, primò : de ratione formæ quæ est formale speciei & naturæ constitutivum, est, ut explicet quodammodo quid sit res , cum sit ratio rei : sed esse formaliter non explicat, quid sit Deus , sed solum actum substantiæ ejus , ut docet D. Thom. in 1. dist. 2. in expof. text. ubi ait ; *Esse quamvis significet divinam substantiam, tamen significat illam per modum actus* : ergo esse non est formale constitutivum naturæ divinæ , ut formæ speciei. Conf. quia duæ distinctæ quæstiones formantur de esse rei, & quidditate ejus, nimirum an sit, & quid sit : ergo esse in creatis non significat quid sit res : ergo dum devenimus ex creaturis ad cognoscendum essentiam Dei , alia similiter erit quæstio an sit, & quid sit, & cum esse pertineat , ad an sit, & non ad quid sit, nequit intelligi quod esse sit constitutivum divinæ naturæ , ut forma speciei , quæ dicit quid sit res. Sumitur ex D. Thom. quæst. 8. de pot. art. 2. ad 11. dicente : *Ratio non significat esse, sed esse quid, id est, quid aliquid est. Unde duæ rationes unius rei non demonstrant duplex esse, sed demonstrant quod dupliciter de illa re potest dici*

*Art. III. An Deus sit, Cap. VII. 381*  
*dici quid est, sicut de puncto potest dici quid est*  
*sicut principium, & ut finis propter diversam ra-*  
*tionem principij & finis.*

Secundò prob. illud est formale constitutivum 73.  
alicujus naturæ intellectualis per modum for-  
mæ speciei, quod substantialem ac specifi-  
cam, seu quasi specificam perfectionem forma-  
lem exprimit, qua formaliter illud est secundum  
quod ipsum, & non aliud; sicut humanitas,  
vel rationalitas exprimit formalissimè substan-  
tialem perfectionem specificam, quâ homo est,  
homo; sed esse ex modo significandi, formaliter  
non exprimit formalem perfectionem quasi  
specificam, quâ formalissimè Deus est Deus: ergo  
non est formale constitutivum naturæ divinæ  
per modum formæ speciei. Prob. minor, tum  
quia forma quâ Deus est Deus est Deitas: Deitas  
autem non exprimit solum ipsum esse, sed in-  
tellectualitatem, seu esse intellectivum om-  
nium; nam dicitur à theaste quod est intueri,  
seu videre, & contemplari omnia. Tum etiam,  
quia esse est actus suppositi ut quod, & formæ  
ut quo; ergo non exprimit divinam substantiam  
per modum specificæ perfectionis & substan-  
tialis, sed eam significat per modum actus. Quod  
& facit in omni attributo. Vnde S. August. lib. 6.  
de Trinit. c. 4. ait; *Deo hoc est esse, quod est fortem*  
*esse, aut justum esse, aut sapientem esse, etsi quid de*  
*illa simplici multiplicitate dixeris quo substan-*  
*tia ejus significetur.* Hoc autem est contra ratio-  
nem formæ speciei, hæc enim non est ut actus  
omnium, sed ut substantialis & formalis per-  
fectio, cui significantur addere vel addunt  
quæcunque circa illam sunt, ut proprieta-  
tes, & qualitates ejus. Probatur denique ra-  
tionibus

tionibus supra adductis §. 3. ubi rejectus est quartus dicendi modus.

## §. V.

*Statuitur vera sententia ex mente D. Thoma.*

74. **D**icendum est itaque, quod constitutivum formale naturæ divinæ per modum formæ speciei est intellectualitas per essentiā, sive summa, & comprehensiva; ut conjuncta per essentialitatem cum actu suo; constitutivum autem ejus per modum actus essentialitatis est ipsum esse intellectivum summè, & comprehensiva intellectualione. Prima pars asseritur à D. Thoma quæst. 2. de pot. art. 1. corp. ubi ait; *Ipsa natura divina est ejus intellectualitas. Et sic communicatio, qua fit per modum intelligibilem est etiam per modum natura ut generatio dici possit.* Et ibid. solut. ad 3. addit. *Ipsa natura divina, inquit, tenet locum natura speciei.* Nescio quid expressius pro nostra sententia dici possit.

75. Prob. ratione, primò; Creatura intellectualis, ut homo & Angelus specialiter dicitur esse ad imaginem Dei condita, quia imitatur divinam naturam, non quomodocunque, sed quasi secundum formam speciei, & ultimam ejus differentiam; sed imitatur Deum in specie sua, quatenus intellectualitate præditus est: ergo intellectualitas assignari debet pro formali differentia, & constitutivo naturæ divinæ. Major est D. Thomæ 1. p. quæst. 93. art. 2. in corp. ubi ait: *Requiritur ad rationem imaginis quod sit similitudo secundum speciem, sicut imago Regis est in filio suo; vel ad minus secundum aliquod accidens proprium speciei, & præcipue secundum figuram;*

figuram; sicut hominis imago dicitur esse in cupro. Vnde signanter dicit Hilarius (lib. de synod.) quod imago est species indifferens. Manifestum est autem quod similitudo speciei attenditur secundum ultimam differentiam; assimilantur autem aliqua Deo, primo & maxime communiter inquantum sunt; secundo verò inquantum vivunt; tertio verò inquantum sapiunt, vel intelligunt: Quae ut August. dicit in lib. 83. quaest. 9. 51. ita sunt Deo similitudine proxima, ut in creaturis nihil sit propinquius. Sic ergo patet quod sola creatura intellectuales sunt propriè ad imaginem Dei. Minor etiam est D. Augustini lib. 6. sup. ad lit. cap. 6. dicentis: Hoc excellit in homine, quia Deus ad imaginem suam hominem fecit propter hoc quod dedit ei mentem intellectualem; Per mentem autem intellectualem intelligitur ipsa species, vel essentia intellectualis significatur, ut patet ex eodem lib. 9. de Trinit. cap. 4. dicente: Mens & Spiritus non relativè dicuntur, sed essentiam demonstrant. Vide etiam D. Thom. in 1. d. 3. exp. text.

Conf. si Dei natura ultimò differentialiter constitueretur, per aliam formalitatem, v. g. essendi, vel vitæ &c. non solum creaturæ intellectuales essent ad imaginem Dei, sed & quæcunque aliæ, quia assimilantur ei in esse, vel vita, aut alia perfectione, quæ non sit propria intellectualis naturæ; sed hoc non est dicendum: ergo sola intellectualitas ex ratione sua habet quod significetur per modum specificæ differentiae, vel formæ speciei in natura divina.

Nec valet dicere, quod ipsum esse à se hæc omnia in conceptu suo complectitur. Non, inquam, valet, primò; quia licet esse complectatur

76.

77.

tur

esse rationalem, tanquam actum essendi: ergo similiter in Deo ipsum esse intellectivum in intellectu comprehensione. Itaque intelligere ut operatio est essentia divina mediante intellectu, sed esse intelligentem seu intellectivum, est ut actus essentiae. Hanc conclusionem confirmabit doctrina primi argumenti in oppositum adducendi.

§. VI.

*Solvuntur argumenta prima, secunda, & tertia sententia.*

**A**Rguitur 1. pro prima sententia; natura divina cum sit actus purus, & omnis potentialitatis expers, constitui debet modo purissimo, & actualissimo ac remoto ab omni potentialitate, & defectu: ergo debet constitui per ipsum intelligere actualissimum, non verò per intellectualitatem. Consequentia prob. nam intellectualitas concipitur per modum actus primi, non verò per modum actus secundi, & ultimæ actualitatis, sicut ipsum intelligere: sed omnis actus primus est imperfectus cum sit in potentia ad secundum: ergo non potest natura divina constitui per ipsam intellectualitatem, sed per ipsum intelligere actualissimum. 80.

Confirmatur, In Deo non potest concipi cum fundamento in re intellectualitas per modum actus primi in ordine ad intelligere per modum actus secundi: Ergo natura divina non potest constitui per ipsam intellectualitatem. Antecedens probatur; non potest constitui conceptus aliquis in Deo, cum fundamento in re, quantumcunque præcisus, nisi in ea præcisione in-

grediatur ratio actus puri, & excludatur omnis umbra potentialitatis, & actus primi; sed in conceptu intellectualitatis non ingreditur ratio actus puri, neque excluditur omnis umbra potentialitatis: ergo talis conceptus non potest in Deo admitti. Minor probatur; actus purus formalissimè est actus summus, & ultra quem non est alia actualitas imaginabilis in illo genere, & linea in qua est actus purus; sed intellectualitas non est actus summus & ultimus ordinis intellectualis, sed ulteriùs in linea intelligendi est ipsum intelligere, quod est actus ultimus, & perfectissimus: ergo in conceptu intellectualitatis non ingreditur formalissimè ratio actus puri, neque ab eo excluditur omnis potentialitas.

82. Confirmatur amplius; si in linea intelligendi dividamus virtualiter duos conceptus, unum qui antecedit intelligere, ut est actus secundus, & qui constituat naturam divinam; alterum qui sit ipsum intelligere, & qui se habeat per modum operationis, à tali natura intellectuali procedentis; de illo primo sic præciso, & distincto, inquiri an intelligatur ut actus purus in genere intelligendi, vel non? Si secundum, nondum intelligitur, ut constituens naturam divinam in cuius conceptu debet ingredi formaliter ratio actus purissimi. Si primum: Ergo jam ibi relucet ipsum intelligere in actu secundo, & sic impossibile est cum fundamento in re concipere in Deo vim radicalem vel proximam intelligendi, quæ sit prior intellectione, & quæ antecedenter se habeat ad ipsum intelligere: ac proinde primus conceptus divinitatis, & ratio constitutiva naturæ in Deo,  
hoc



hoc ipso quod incipit à ratione actus puri, incipere debet ab ipso intelligere actuali.

Resp. ad arg. concessa majori negando consequ. Ad prob. dist. intellectualitas concipitur per modum actus primi essentialiter, & in re conjuncti cum actu secundo, concedo; ut separati, nego maj. Sed omnis actus primus est imperfectus, distinguo, si sit essentialiter conjunctus cum actu secundo, nego; si sit ab eo essentialiter separabilis, aut actus secundus accadat primo, concedo. Hæc solutio est D. Thomæ quæst. 2. de potentia art. 1. ubi sic 4. arguit; *Nihil imperfectionis est Deo attribuendum; sed omnis potentia respectu sui actus est imperfecta: ergo potentia generativa in Deo ponenda non est. Sed dicet respondens, quod hoc est verum de potentia non conjuncta actui. Sed contra; omne quod perficitur per alterum est minus perfectum eo, per quod perficitur; sed potentia conjuncta actui perficitur per actum: ergo actui est ea perfectior; & sic etiam potentia actui conjuncta respectu actus imperfecta est. Ad quartum, inquit, dicendum, quod ratio illa procedit quando potentia illa ab actu differt, sive sit conjuncta actui, sive non; hoc autem locum non habet in divinis. Quia nimirum ipsa potentia est suum esse, & suus actus essentialiter, cum per essentiam Deus sit in actu perfecto intellectualitatis, ut dixerat in corpore.*

Dices: ergo saltem ex modo significandi intellectualitas significabitur ut quid perfectibile ab ipso intelligere divino, quod est ut esse, & actus secundus in linea intellectualitatis; sed nil in Deo potest significari ut perfectibile: ergo nullo modo intellectualitas debet assignari pro constitutivo naturæ divinæ.

85. Resp. dist. conseq. significatur ut quid perfectibile ex modo significandi relati ad concipientem; qui una conceptione non potest cognoscere Deum sicuti est, concedo; secundum rem significatam, nego. Hoc autem non implicat, quia imperfectionem non ponit in Deo, sed in concipiente. Sumitur ex D. Thoma q. 23. de verit. art. 1. ad 10. *Dicendum*, inquit, *quod Deus non potest aliquo perfici secundum rem; tamen per modum significandi aliquando aliquo perfici significatur.* Intellige de modo significandi, non quidem relato ad rem ipsam, quia non potest aliquid in Deo concipi ut perfectibile, & perfectum, sed relato ad concipientem & nominantem Deum ex creaturis, in quibus non potest aliqua reperiri perfecta Dei similitudo.

86. Ad hoc intentum facit elegantissima S. Thomæ doctrina, quam tradit quaest. 7. de potentia art. 5. ad 2. *Dicendum*, inquit, *quod ita Dionysius dicit negationes horum nominum esse veras de Deo, quod tamen non asserit affirmationes esse falsas; sed incompactas.* Quantum enim ad rem significatam, Deo verè attribuuntur, quæ in eo aliquo modo est, ut jam ostensum est; sed quantum ad modum quem significant de Deo negari possunt. Quodlibet enim istorum nominum significat aliquam formam definitam, & sic Deo non attribuuntur, ut dictum est. Et ideo absolutè de Deo possunt negari, quia ei non conveniunt per modum, qui significatur; modus enim significatus est secundum quod sunt in intellectu nostro, ut dictum est; Deo autem conveniunt sublimiori modo; unde affirmatio incompacta dicitur, quasi non omninò convenienter conjuncta propter diversum modum. Et ideo

ideò secundum doctrinam Dionysij tripliciter ista de Deo dicuntur. Primò quidem affirmativè, ut dicamus, Deus est sapiens. Quod quidem de eo oportet dicere, propter hoc quod est in eo similitudo sapientia ab ipso fluentis; quia tamen in Deo non est sapientia, qualem nos intelligimus, & nominamus, potest verè negari, ut dicatur, Deus non est sapiens. Rursum quia sapientia non negatur de Deo quia ipsa deficiat a sapientia; sed quia supereminentiùs est in ipso quod dicatur aut intelligatur; ideò oportet dicere, quod sit supersapiens. Et sic per istum triplicem modum loquendi secundum quem dicitur Deus sapiens, perfectè Dionysius dat intelligere, qualiter ista Deo attribuantur. Et art. 6. seq. in corp. iterum ait; Dicendum quod omnes ista multe rationes, & diversa habent aliquid correspondens in ipso Deo, cujus omnes ista conceptiones intellectus sunt similitudines. Constat enim quod unius forme non potest esse nisi una similitudo secundum speciem, qua sit ejusdem rationis cum ea; possunt tamen esse diversa similitudines imperfecta, quarum qualibet à perfecta forma ratione deficiat.

Resp. ad 1. conf. neg. ant. ad cujus prob. concessa majori quoad illud de potentialitate, non autem quoad illud de actu primo (neque enim hic in suo conceptu imperfectionem dicit, nisi quando est in subiecto potentialitati immixto, vel non per essentiam conjunctus cum actu secundo, ut ex S. D. diximus) nego min. Ad cujus prob. dist. maj. actus purus est actus summus, ultra quem non est alia actualitas, quæ sit ut perfectio extranea, & per essentiam non conjuncta cum illo, concedo maj. Quæ per essentiam sit ei conjuncta, licet ex modo

significandi significetur per modum alterius perfectionis, nego. Non enim hoc in Deo imperfectionem arguit, sed in concipiente, ut ex D. Thom. diximus. Nam intellectus v. g. in linea intelligendi significatur ut actus primus, & intellegere ut actus secundus; & similiter voluntas respectu volitionis; & potentia respectu operationis, quia tamen sunt actus per essentiam conjuncti, licet ex modo significandi per modum distinctæ perfectionis explicentur, formalissimè reperiuntur in Deo, ut infra dicemus. Sic autem est intellectualitas respectu ipsius intelligere, vel intellectivi esse, unde neque potentialitatem, neque imperfectionem in Deo arguit. Licet ex modo significandi perfectè sic explicari non possit.

88. Resp. ad 2. Conf. quod ille actus debet intelligi ut actus purus in se, & in termino cognitionis, neque hic relucet intelligere in actu secundo, ex modo significandi, licet ex parte rei significatæ sit essentialiter illi conjunctus, ut actus essentiae suæ essentiae. Vnde nullatenus potest concipi Deum non esse intelligentem in actu, licet possit concipi intellectualitas non concepto ipso intelligere actuali; sicut potest intelligi potentia creandi, non intellecta actuali operatione creandi. Cujus rei gratia nota ex D. Thom. *quaest. 21. de verit. art. 1. ad 1. in sed contra*. Quod dupliciter potest aliquid intelligi sine altero. Vno modo per modum enuntiandi, dum scilicet intelligitur unum esse sine altero; & sic non potest intelligi intellectualitas in Deo sine actuali intellectione, ita ut intelligat Deum non esse actu intelligentem. Alio modo potest intelligi aliquid sine altero per modum definiendi,

di, ut scilicet intelligatur unum, non tamen intellecto altero, sicut in homine intelligitur animal non intellecto rationali, licet sint reipsa & essentialiter idem, seu per essentiam conjuncta, cum perfecte non repræsentatur seu concipitur homo. Et hoc modo intelligi potest intellectualitas in Deo non intellecta actuali intellectione, licet essentialiter sint idem, propter imperfectum nostrum modum concipiendi & significandi Deum, & quæ in ipso sunt. Ex his facile dissolves quæcunque argumenta quæ prolixè & cum molestia solent objici pro actuali intellectione per modum operationis & ultimæ actualitatis sumpta.

Arg. 2. ens infinite perfectum debet in suo conceptu quidditativo omnes perfectiones simpliciter simplices includere; sed natura divina est infinite perfecta: ergo debet essentialiter constitui per cumulum omnium perfectionum. Hinc D. Greg. Nazianz. orat. 49. loquens de Deo, ait; *Quæ enim est substantia Dei, nisi ipsum quod Deus simplex singulare, purum, nulla concrezione permixtum, limpidum, bonum, perfectum, beatum, integrum, sanctum, totum.*

Resp. dist. maj. ens infinite perfectum debet in suo conceptu quidditativo omnes perfectiones simpliciter simplices includere, si sumatur secundum suum esse & in re seu quasi physicè, concedo: sumptum secundum quod habet concipi, & significari ab intellectu nostro ex diversis perfectionibus creaturarum, nego; immò exigit rationes perfectionum diversas, quibus significari & intelligi possit, ut supra dictum est. Et sic distinguo consequens: ergo debet essentialiter constitui per cumulum omnium

89.

90.

perfectiōum, si sumatur essentia divina secundum suum esse & in re, seu quasi physicè, concedo : si sumatur secundum quod habet concipi & significari ex perfectiōibus creaturarum, nego. Esto enim in re includat omnes perfectiōes, tamen nonnisi diversis rationibus possunt concipi, atque significari, & quædam significatur ut perfectiō naturæ constitutiva, quædam ut potentia, quædam ut operatio. Ita sumitur ex D. Thom. *loc. supracit.* & etiam in 1. dist. 2. quæst. 1. art. 3. ubi ait : *Sciendum est, quod ista pluralitas rationum contingit ex hoc, quod res, quæ Deus est, superat intellectum nostrum. Intellectus enim noster non potest una conceptione diversos modos perfectiōnis accipere; tum quia ex creaturis cognitionem accipit, in quibus sunt diversi modi perfectiōnum secundum diversas formas; tum quia hoc quod in Deo est unum & simplex, plurificatur in intellectu nostro, etiam si immediatè à Deo reciperet; sicut multiplicatur processio suæ bonitatis in aliis creaturis. Vnde cum Deus secundum unam & eandem rem sit omnibus modis perfectus, una conceptione non potest integrè perfectiōnem ejus apprehendere, & per consequens nec nominare; & ideo oportet quod diversas conceptiones de eo habeat, & quod diversa nomina imponat significantia res illas.*

## §. VII.

*Solvuntur alia argumenta.*

91. **A**Rg. 3. Illud quod significatur per nomen proprium rei est ratio seu quidditas ejus; sed esse seu, *qui est*, est maximè proprium nomen

men Dei : ergo esse, seu qui est, exprimit quidditatem & naturam divinam, seu formale constitutivum ejus. Minor prob. ex illo Exodi 3. ubi Dominus roganti Moyfi ut nomen suum indicaret, respondit; *Ego sum qui sum*, ait: *Sic dices filiis Israël, QUI EST*, misit me ad vos. Quæ verba ponderans D. Gregorius Nazianz. orat. 36. ait: *Quantum ergo nobis assequi concessum est, Ens & Deus, magis quodammodo essentia nomina sunt, ex iisque etiam Entis vox ad eam indicandam aptior est, non hoc solum nomine, quod ipse, cum Mosi in monte oraculum ederet, quæreretque ille, quo nomine vocaretur, ita seipsum appellavit, edicens videlicet ei, ut ad populum his verbis uteretur, Qui est misit me; sed etiam quia nomen illud magis proprium esse comperimus. Quamvis enim Dei vox, vel à verbo thein, vel ab ethin, ut putant qui in hoc genere sibi sciti atque arguti videntur, hoc est è currendo, vel ab urendo, rationem originis suæ ducat, tum propter sempiternam agitationem, tum propter vim illam vitiosarum affectionum consumptricem, ex eorum tamen numero est, quæ ad aliquid referuntur, nec libera & absoluta est, quemadmodum nec Domini vox, quæ Dei quoque nomen esse dicitur: At nos naturam ejusmodi exquirimus, quæ ipsum esse per se habeat, ac non cum alio quopiam copulatum. Ens verò proprium sanè est Dei, ac totum, nec priore aliqua re, nec posteriore definitum, ac circuncisum. orat. 49. dicit: Ergo hoc ipsum quod est erit substantia hujus rei, quæ esse defenditur, id est, Dei. Ibi enim explicat de Deo illud Exodi, *Ego sum qui sum*. Idem asserunt communiter Patres, præsertim D. Hilarius lib. 2. de Trinitate, ubi ait; *Admiratus sum tam abs-*  
*olutam**

lutam Dei significationem, quâ natura divina incomprehensibilem cognitionem aptissimo ad intelligentiam humanam sermone loqueretur. Non enim aliquid magis proprium Deo, quam esse intelligitur; quia ipsum quod est, neque desinens est. aliquando, neque capiti. Hos imitatus D. Th. 1. p. quaest. 13. art. 11. asseruit hoc inter cætera maximè proprium Dei nomen esse. Et passim affirmat quod esse sit ipsa Dei essentia & substantia.

92. Conf. illa ratio debet assignari pro formali naturæ divinæ constitutivo, quæ maiorem perfectionem & actualitatem exprimit; sed, esse maiorem perfectionem & actualitatem exprimit, quam alia quæpiam perfectio ex his quæ Deo attribui possunt: ergo debet assignari pro formali divinæ naturæ constitutivo. Minor prob. ex D. Thoma 1. p. quaest. 4. art. 1. ad 3. ubi ait: *Ad tertium dicendum quod ipsum esse est perfectissimum omnium; comparatur enim ad omnia ut actus. Nihil enim habet actualitatem nisi in quantum est. Vnde ipsum esse est actualitas omnium rerum, & etiam ipsarum formarum.* Et in 1. dist. 8. quaest. 1. art. 1. docet ex D. Dionysio, *Quod esse inter omnes alias divina bonitatis participationes, sicut vivere & intelligere, & huiusmodi, primum est, & quasi principium aliorum prehabens in se omnia prædicta.*

93. Resp. ad argum. dist. min. *Esse*, seu *qui est*, est maximè proprium nomen Dei, quantum ad id à quo nomen imponitur, & quantum ad modum significandi, & consignificandi ipsius nominis, concedo: Quantum ad id ad quod imponitur nomen ad significandum, nego; quantum enim ad id est magis proprium hoc nomen Deus,

Infra q.  
13. art. 11.  
ad 1.



Deus, quod imponitur ad significandum naturam divinam. Significat autem hoc nomen Deus naturam per se subsistentem, ac summè intellectualem. Vnde dicit Dionysius c. 12. de divinis nominibus, quod Deitas est quæ omnia videt providentia, & bonitate.

Cujus rei gratia notandum est quod tripliciter contingit Deum ex creaturis à nobis cognosci, atque nominari; nimirum per viam remotiōis, causalitatis, & eminentiæ. Quando in Deum procedimus per viam remotiōis primò negamus ab eo corporalia, & secundò etiam intellectualia, secundum quod in creaturis inveniuntur, ut bonitas, & sapientia, & tunc remanet tantum in intellectu nostro, quia est, & nihil ampliùs; unde est sicut in quadam confusione. Quapropter hoc nomen esse, seu qui est, in Deo dicit esse absolutum & indeterminatum, seu non determinatum per aliquod additum; sed alia nomina dicunt esse determinatum, & particulatum, sicut vel intellectivum dicit aliquod esse. Et idè dicit Damascenus lib. 1. fid. orthod. cap. 12. Quod hoc nomen, Qui est, non significat quid sit Deus, sed quoddam pelagus substantiæ infinitum, & interminatum. Et quia modus procedendi ad cognoscendum, & significandum eum magis, proprius, & perfectus pro hoc statu est per viam remotiōis, idè ad id à quo nomen imponitur; magis proprium Dei vocabulum est; & etiam quantum ad modum significandi nominis, & consignificandi; sed non quantum ad rem significatam; quia non exprimit, quid sit Deus, vel Dei substantiam, sicut quædam alia nomina; Quapropter non debet poni formale constitutivum nature

94.  
1. dist. 3.  
divis.  
text. dist.  
8. q. 1.  
dist. 35.  
9. 1. art.  
1.

turæ divinæ per modum ultimæ differentiæ, & formæ speciei, quæ dicit quid sit res, sed potius ut actus substantiæ, & omnium quæ sunt in Deo. Ad illud quod additur, nimirum quod esse à SS. Patribus & D. Thoma dicitur Dei essentia seu substantia, verum est physice, & in re sumpta essentia ut distinguatur ab esse creato, quod non est substantia, seu essentia ejus rei, quæ est; metaphysicè autem non dicitur ejus essentia ut forma & natura speciei, sed ut actus substantiæ, seu naturæ & suppositi, istius *ut quod*, illius *ut quo*.

95.

Resp. ad Confirm. quod ex parte rei significatæ non datur major, vel minor perfectio in Deo cum quælibet sit infinita, & actus purus ut ipsemet Deus; ex parte autem modi significandi, vel concipiendi inadequatè & imperfectè pro hoc statu Deum, dato quod possit significari aliquid per modum majoris perfectionis, distinguo maj. illa ratio debet assignari pro formali constitutivo metaphysico naturæ divinæ, quæ majorem perfectionem explicat per modum formæ speciei, & actus primi substantialis, ac per se subsistentis dicentis quid sit res, concedo maj. quæ explicat majorem perfectionem non quidem ut forma speciei exprimens quid sit res, neque ut actus primus substantialis, ac per se subsistens, sed ut actus secundus, vel aliquid circa substantiam existens, nego maj. Et dist. min. eadem distinct. Esse majorem actualitatem, & perfectionem exprimit, per modum formæ speciei dicentis quid sit res, & actus primi per se subsistentis, nego min. ut actus secundus, vel secundò primus formæ speciei, & substantiæ rei, concedo min. & nego conseq. Vnde ad summum

summum solum concluditur, quod intret constitutivum ut actus essentiae, sed non ut forma speciei dicens quid sit Deus. Quomodo autem esse dicatur perfectius quam vivere, & intelligere q. 4. explicabitur ad 2. & 3. art.

Arg. 4. Illud est formale constitutivum alicujus rei quod primò convenit ei, & concipitur priùs in illa; sed multa alia prædicata intelliguntur primò competere Deo, & concipiuntur in illo, quàm intellectualitas: ergo intellectualitas non est constitutivum formale metaphysicum ipsius naturæ divinæ. Prob. minor, nam imprimis ratio entis à se est, seu entis per se subsistentis est prior; deinde etiam ratio immaterialitatis, nam ut probat D. Thomas *infra quest. 14. art. 1.* Deus est summè cognoscitivus, quia est summè immaterialis, itaut immaterialitas sit ut causa saltim virtualis ipsius intellectualitatis, ut docet idem S. D. *opusc. 2. cap. 28.* ergo intellectualitas non est constitutivum formale metaphysicum ipsius naturæ divinæ.

Resp. ad arg. dist. maj. Illud est formale constitutivum alicujus rei quod primò convenit ei, & concipitur priùs in illa, ut forma speciei, & prædicatum dicens quid sit, distinguensque eam ab omni alio quod non est ipsa essentialiter, concedo; quod priùs concipitur cognitione quoad an est, atque confusa, & non quidditativa, nego. Nam cognitione confusa priùs conveniunt, & concipiuntur prædicata universalialia, & communia quàm propria, & specificantia, v. g. cum cognoscitur confusè homo, priùs cognoscitur ut ens, substantia, corpus, vivens, & animal; sed in cognitione quidditativa, & definitiva priùs occurrit esse rationale, seu proprium,

96.

97.

prium , & quidditativum prædicatum. Et dist. min. multa prædicata intelliguntur prius quàm intellectualitas competere Deo per modum formæ speciei , & ultimæ differentiæ , seu prædicati dicentis quid sit Deus , nego ; per modum prædicati communis , vel dicentis quid non sit Deus , concedo minorem.

98.

Ad primam prob. minoris dico , quod *ly esse à se formaliter est prius per modum prædicati communis , & negativi , seu dicentis quid non sit res , explicat enim hoc quod non est habere principium , sed non est prius ut forma , & natura speciei dicens quodammodo quid sit Deus ; Similiter ens per se subsistens & immateriale , ut sumitur ex D. Thoma in 1. dist. 2. quæst. 1. art. 3. c. & dist. 35. ubi ait ; Respondeo dicendum quod secundum Dionysium in lib. de divin. nom. Tribus viis ex creaturis in Deum devenimus , scilicet per remotionem per causalitatem , per eminentiam , quarum qualibet nos in Dei scientiam inducit. Prima igitur via , quæ est per remotionem est hac , cum à Deo omnis potentia , & materialitas removeatur , eo quod ipse est actus primus , & purus , oportet essentiam ejus esse denudatam à materia , & esse formam tantum. Sicut autem particulationis principium est materia , ita forma debetur intelligibilitas ; unde forma principium cognitionis est , unde oportet quod omnis forma per se existens separata à materia sit intellectualis natura. Et si quidem sit per se subsistens , & intelligens , si autem non sit per se subsistens sed quasi perfectio alicujus subsistentis , non erit intellectus , sed principium intelligendi , quemadmodum omnis forma non in se subsistens non operatur , sed est operationis principium ut caliditas in igne : cum igitur ipse  
Deus*

*Deus sit immunis ab omni materia, & sit per se subsistens quia esse suum ab alio non dependet, oportet quod ipse sit intelligens, & sciens.*

Si autem esse immateriale, & per se subsistens sumatur radicaliter, est ipsummet intellectivum, seu intellectuale. Vnde quando S. Thomas ait, quod immaterialitas est causa intellectualitatis, loquitur de causa in cognoscendo; sicut cum dicimus hominem esse animal, & non irrationale: ergo rationale; non esse rationale accipitur ut causa cognoscendi quid sit rationale, sed de his infra quæstione 14. articul. 1.

Argum. ultim. Illud est formale constitutivum alicujus naturæ, quod formaliter explicat quid sit, & distinguit, seu discernit à quacunque alia; sed intellectualitas non ita se habet, benè verò esse à se, vel infinitas, &c. ergo intellectualitas non est formale constitutivum naturæ divinæ. Minor prob. quia etiam Angelus, & homo sunt substantiæ intellectuales.

Respond. negand. minor. ad probat. distincti sunt substantiæ intellectuales simpliciter, & per essentiam, nego: in determinato genere, & participativè, concedo. Deus autem est simpliciter, & per essentiam intellectualis, & intellectualitas simpliciter, & absolute dicta de isto solo verificatur; nam de homine verificatur non absolute, sed cum modo limitato, scilicet cum receptione specierum à phantasmatibus & discursu; de Angelo etiam cum modo limitato, qui est intelligere per receptionem specierum à Deo, qui sunt modi diminuantes, & contrahentes esse intellectivum, seu intellectualitatem simpliciter, & per essentiam. Ex his

99.

100.

101.

his patet ad omnia alia, quæ objici solent, aut possunt.

102.

Itaque ut cum hac quaestione, quæ contentionis plurimum & utilitatis parum affert, concludamus, dicimus quod intellectualitas est ut forma & natura speciei in Deo, & actus primus, ac purus. Esse intellectivum summè, & in intellectu comprehensiva est ut actus essentiae ut quo, suppositi ut quod, estque actus secundò primus, & comparatur ut esse album ad albedinem. Intelligere est ut operatio, & actus secundus simpliciter, dicitque habitudinem proximè ad intellectum, seu potentiam intellectivā Dei, & mediante illa ad ipsam intellectualitatem, ut ex S.D. diximus. Esse absolutè dictū est ut prædicatum commune per modum actus essentiae, & actualitatis omnis perfectionis in Deo reperiatur.

## CAPUT VIII.

*Quid sit attributum.*

103.  
1. dist. 3.  
divis.  
text. 1. p.  
q. 13.

**A**tributum dicitur, quasi aliquid alicui ex alio tributum, quantum autem ad nominis impositionem ex creaturis Deum nominamus; unde attributum dicitur omne illud, quod ex creaturis ad Deum cognoscendum deveniendo, eique attribuitur essentiae & naturae. Ex creaturis autem contingit Deum nominari, seu aliquid ei tribui, & adscribi dupliciter; primò per viam remotionis; quando nimirum ipsi nomen aliquod, seu prædicatum attribuimus, quo aliquid in creatura repertum à Deo removetur, quo eum carere par est; v. g. cum dicimus incorporeum,

corporeum, removemus ab eo corpus, quo eum constare non est æquum. Secundò per viam eminentiæ & causalitatis; cum videlicet Deo aliquid ex creaturis assignatur, & tribuitur quo eum carere par non est; v. g. cum dicimus sapientem; neque enim Deum sapientia carere par est, aliàs esset insipiens. Quod notavit Theodoretus lib. 2. de principiis dicens: *Plurimorum usu nominum divinam laudamus naturam; eamque non ab iis solum rebus, quæ illi insunt; sed etiam ab iis, quibus illam carere par est, nominamus.* Nam eò quòd à superiore nullo principio deducatur, imprincipiam dicimus, item incorruptibilem, immortalem, infinitam, impassibilem, invisibilem, inspeciem, infigurabilem, incircumscriptam, incomprehensibilem, atque inaccessam vocamus, nomenclaturas hujusmodi ab rebus imponentes, quibus divina caret natura; sed enim cum bonum, justum, lucem, vitam, opificem, universorum præfectum, gubernatoremque vocamus, & quæ sunt ejusdem generis nomina, Deo tribuimus, ea significamus, quæ habere Deum patet, quibusque mundi machinam, creaturasque gubernat. Quæ primò modo se habent propriè attribui non dicuntur, sed potius remove id quod Deo non competit, unde à quibusdam vocari solent attributa negativa; bene verò quæ secundo modo efferuntur, ut perfectiones, & proprietates quædam naturæ divinæ, seu ipsi Deo attributæ.

Attributum propriè dictū definiri potest; Perfectionis simpliciter simplex, naturā divinam quantum ad nostrum modum intelligendi consequens, & circa illam inexistens, ut principium proximum alicujus actus, seu operationis divinæ. Dicitur

perfectio simpliciter simplex, quia melior est ipsa, quam non ipsa, seu melius est id, quod attributum dicitur, inesse Deo, quam non inesse Deo, ut patet de sapientia, bonitate, iustitia &c. ut sumitur ex D. Anselmo in Monol. capite 14. dicente: *Melius quidem est omnino aliquid, quam non ipsum, ut sapiens, quam non sapiens, id est melior est sapiens, quam non sapiens. Quamvis enim iustus non sapiens melior videatur, quam non iustus sapiens; non tamen melius simpliciter est non sapiens quam sapiens; quia non sapiens melius esset, si esset sapiens. Similiter omnino melius est verum, quam non ipsum, id est, non verum; & iustum quam non iustum; & vivit quam non vivit.* Per quod excluduntur à ratione attributi illæ perfectiones, quæ non sunt simpliciter simplices, seu meliores simpliciter, sed meliores huic & in determinato genere; Vnde idem S. D. statim subdit; *Melius autem est in aliquo non ipsum quam ipsum, ut non aurum quam aurum. Nam melius est homini esse non aurum, quam aurum; quamvis forsitan melius esset alicui aurum esse, quam non esse, ut plumbo.*

105. Dicitur, quantum ad nostrum modum intelligendi naturam divinam consequi, quia significat per modum cuiusdam perfectionis, non quidem simplicem summæ naturæ substantiam designantis, sed ei quantum ad modum significandi superadditæ, nec enim sapientia significat quid sit Deus, sed qualitatem & perfectionem substantialem naturæ divinæ quodammodo superadditæ; ratione cuius speciali modo perfectivo se habet, ita ut si deesset, non bene se haberet in tali ratione perfectionis. Dicitur circa illam inexistens ut principium proximum alijus



*Art. III. An Deus sit, Cap. VIII. 413*  
 cuius actus, seu operationis divinæ; per quod  
 distinguitur à proprietatibus relativis, quæ licet  
 Deo inexistant, non sunt tamen operationis  
 alicujus in Deo principium: unde nec attribu-  
 tum, ut docet D. Anselmus *ibid.* dicens: *Itaque*  
*de relativis nulli quidem dubium, quia nullum*  
*eorum substantiale est illi, de quo relativè dicitur.*  
*Quare si quid de summa natura dicitur relativè,*  
*non est ejus significatum substantiale.*

106.

Quod autem attributum esse debeat ut ope-  
 rationis principium, passim docet D. Thomas;  
 præsertim in 1. dist. 42. quæst. 1. art. 2. arg. 4. ubi  
 ait; *Attributum divinum secundum propriam ra-*  
*tionem est principium operationis, quia ex bonitate*  
*ejus fluit omnis bonitas, & ex vita ejus fluit omnis*  
*vita, & sic de aliis, ut docet Dionysius de divinis*  
*nominibus c. 4.* Et *ibid.* in corp. Cuilibet attributo  
 convenit ratio potentia, secundum quod competit  
 ratio operationis. Et dist. 38. q. 1. art. 1. modum hu-  
 jus specialiter explicans ait: *Loquendo de attri-*  
*butis divinis attendenda est attributorum ratio, qua*  
*quia diversa est diversorum, ideò aliquid attribui-*  
*tur uni, quod non attribuitur alteri, quamvis om-*  
*nia sint una res.* Et inde est quod bonitas divina  
 dicitur causa bonorum, & vita causa viventium,  
 & sic de aliis. Si ergo accipiamus diversas attri-  
 butorum rationes, invenientur aliqua habere com-  
 parationem non tantum ad habentem, sed etiam ad  
 aliquid sicut ad objectum, sicut potentia, voluntas,  
 & scientia: quadam autem ad habentem tantum,  
 ut vita, bonitas, & alia hujusmodi. Et hac habent  
 unum modum causalitatis, scil. per modum commu-  
 nem efficientis exemplaris: quia à primo bono sunt  
 omnia bona & à primo vivente omnia viventia.  
 Sed illa qua dicuntur per comparisonem ad ob-

*jectum, habent alium modum causalitatis, respectu scil. obiectorum, sicut voluntas respectu volitorum.*

107. Ex his sequitur, quod existentia, & subsistentia, licet secundum rationem ab essentia, seu natura divina distinguantur, & quodammodo significantur per modum perfectionis superadditæ ipsi essentiæ divinæ, tamen rationem attributi non sortiuntur, quia non sunt principium proximum, & proprium alicujus operationis divinæ, sed ad omnem hanc rationem prærequiruntur, quia nihil operatur, nisi in quantum actu est.

108. Sequitur præterea, quod ideæ rationem attributi propriè non sortiuntur, quia licet in Deo existunt, tamen in eo sunt ut formæ exemplares, & intellectæ, & non ut naturæ ipsius proprietates, ut docet S.D.q.1. de pot. art.1. ad 8. licet in re sint eademmet essentia divina. De distinctione attributorum ab invicem, & ab ipsa essentia divina agendum hîc superat; sed commodius id præstabitur *quæst. seq. ad art. 2.*



## QVÆSTIO TERTIA,

### De Simplicitate Dei.

**P**ER viam remotionis ad Dei cognitionem tradendam accedens S. D. primò de simplicitate ejus, quæ est quoddam divina natura essentielle attributum, ad integritatem & perfectionem illius esse spectans, inquirat. Attributum, inquam, negativum, & communiter dictum, nullam de se addens essentia divina nobilitatem, qua sit alicujus specialis perfectionis causa, ut infra explicabitur.



## ARTICVLVS PRIMVS.

*Utrum Deus sit Corpus.*

### CAPVT PRIMVM.

*Sensus articuli breviter declaratur, & referuntur varij errores.*

**S**UMITVR hîc corpus pro substantia I.  
 physica & naturali in re existente, quæ Infra art.  
 sub quantitate divisibili stat, seu par- 7. cap. &  
 tibus quantitativis constat; estque lib. 1.  
 suapte naturâ terminabilis vel terminata, non cont.  
 gæt. c. 10.  
 rat. 2.

416 *Quæst. III. De Simplicitate Dei,*  
modo terminis essentia, sed etiam quantitatis,  
ut figurâ & loco &c. Per quod distinguitur à  
substantiis spiritualibus creatis, quæ terminis  
duntaxat essentia circumscribuntur, partibus  
autem quantitatis carent, sicut Angelus & ani-  
ma rationalis. Vnde sensus articuli est, utrum  
Deus sit substantia habens partes quantitativas,  
ac dimensiones longitudinis, latitudinis, ac pro-  
funditatis, situmque & figuram.

2. Inter Ethnicos Philosophos Stoici primi nu-  
merantur, qui Deum corporeum esse dixerunt,  
ajebant enim corpus esse omnia, atque Deum  
esse hunc mundum qui sensu percipitur. Ita de  
eis refert D. Damascenus *lib. de hæresibus*, &  
Theodoretus *lib. 2. de princip.* dicens *Qui & ve-*  
*teris, & nova Theologia concordiam viderit, ad-*  
*mirabitur veritatem: & Stoicorum de Deo fugiet*  
*indignam Deo opinionem: Hi namque affirmarunt,*  
*Deum corpore esse præditum.* Epicurus etiam cum  
suis omnes Deos humana specie præditos esse  
docuit, teste Plutarcho *lib. 1. de placitis philo-*  
*sophorum.* Cicero præterea *lib. 1. de nat. Deo-*  
*rum.* Deos inquit *hominis esse specie confitendum*  
*est. Nec tamen ea species est corpus, sed quasi cor-*  
*pus; nec habet sanguinem, sed quasi sanguinem.*  
Iamblicus autem inter Deos, alios visibiles,  
alios invisibiles: alios materiales, alios im-  
materiales fecit. Materiales dicens eos, qui in  
se materiam comprehendunt, atque exornant;  
imateriales autem, qui omnino à materia se-  
gregati sunt.

3. Imperitum etiam Iudæorum vulgus Deum  
fecisse corporeum insinuat D. Gregorius Nyf-  
senus orat. 1. in ea verba Genes. 1. *faciamus ho-*  
*minem ad imaginem* &c. ita enim ait: *Quoniam*  
*modo*

modo si ad imaginem ejus? Animos à vulgaribus, & imperitis, ac stultis illis de Deo opinionibus expiemus. Ad imaginem Dei inquit ille, facti sumus, formam Deus nostra similem habet, oculis, auribus, capite, manibus præditus est, coxarum, &que vertebris quibus fulcitur & insidet; quandoquidem sedere Deum scriptura tradit, pedibus item quibus incedit. Talisne igitur Deus? Recedant ab animo tuo absurde opiniones. Abjice cogitationem, qua Dei magnitudinem imminuit. Figura vacat Deus, simplex est; noli, cum de illo cogitas, formam ullam confingere & comminisci, ne more judaico magnum extenues.

Inter Christianos verò hujus erroris primus Magister (teste D. Epiphanio *hæres.* 72.) fuit Audius, vel Audæus quidam monachus, genere & lingua Syrus, qui perperam intelligens illud Genes. 1. *Faciamus hominem ad imaginem & similitudinem nostram*, Deum humana esse forma præditum, eundemque habere corporalia membra asseruit, adducens & in sui confirmationem erroris alia scripturæ testimonia, quæ corporis humani statum, & figuram Deo arrogare videntur. Hujus erroris sectatores dicti sunt Odiani, seu Audiani, quos D. August. eluxato vocabulo *Vadianos* appellat. Ab aliis *Anthropomorphita*, nuncupati sunt, ab *anthropos*, quod hominem significat, & *morphi*, quod est forma. Historia etiam Tripartita *lib.* 10. *cap.* 7. narrat Monachos quosdam Ægyptios Theodosio Juniore imperante hanc hæresim excitasse, qui Catholicos nuncupabant Origenistas, cò quod Origenes in suis libris sæpius contra eos disputet.

Videtur etiam quibusdam Lactantium *lib.* de

ira Dei cap. 8. sensisse Deum esse corporeum ; *Omitto*, inquit, *de figura Dei dicere ; quia Stoici negant Deum habere ullam formam.* Tertullianus item lib. 1. contra Praxeam, hunc errorem tenuisse communiter fertur : *Quis negabit*, inquit, *Deum esse corpus ?* Verum D. Augustinus lib. de *hæres. hæresi* 86. ab eo errore ipsum liberat, existimans quod nomine corporis, nihil aliud quam substantiam intellexerit. Nec sine fundamento eum excusat S. D. quia *ibidem* ait Deum esse Spiritum, & Spiritum esse corpus ; non potuit igitur nomine corporis aliud intelligere, quam substantiam. Quod ex consequentibus confirmari potest ; disputabat enim eo loco contra eos, qui filium Dei, eo quod in scripturis nuncupetur Verbum, contendebant esse aliquid vacuum & inane, instar verborum, quæ ab hominibus proferri solent : quod ut refelleret, Deum esse corpus, id est, substantiam ac per se quid, asseruit. Verum communiter Auctores hunc ei errorem impingunt. Videantur D. Th. 1. cont. gent. c. 20. & Prateolus verbo *Anthropomorphite*.

6. Quidquid sit de Tertulliano hæresis Manichæorum fuit, ut constat ex D. Augustino lib. cont. epist. fundam. cap. 23. *Deum esse quoddam corpus quadrum & immensum, quod totum hunc mundum replet, ex una tamen parte esse apertum ;* seu infinitam quandam lucis substantiam per infinitum spatium distendentem, ut refert D. Thomas loc. cit. Et ut uno concludam verbo, hic error longè latèque diffusus multos pervasit. Cujus rei non inelegantem rationem S. Augustinus reddit lib. 1. de doct. Christ. cap. 7. dicens ; *Cum ille unus cogitatur Deus Deorum ab his etiam qui*

qui alios & sufficiantur, & vocant, & colunt Deos, sive in cælo sive in terra, ita cogitatur, ut aliquid quo nihil melius sit atque sublimius illo cogitatio conetur attingere. Sane quoniam diversis moventur bonis, partim eis, quæ ad corporis sensum, partim eis quæ ad animi intelligentiam pertinent: illi qui dediti sunt corporis sensibus, aut ipsum cælum, aut quod in cælo fulgentissimum vident, aut ipsum mundum Deum Deorum esse arbitrantur. Aut si extra mundum ire contendunt, aliquid lucidum imaginantur, idque vel infinitum, vel eâ formâ, quæ optima videtur, inani suspitione constituunt, aut humani corporis figuram cogitant, sic eam cæteris anteponunt. Quod si unum Deum Deorum esse non putant, & potius multos, aut innumerabiles æqualis ordinis Deos, etiam tamen eos prout cuique aliquid corporis videtur excellere, ita figuratos animo tenent. Itaque quia hominum plurimi corporeorum ac sensibilibus imaginâ-tiones transcendere nequeunt, idcirco tam multi Deum fecerunt corporeum, attribuentes ei, quod melius in corporibus eis reperire licuit D. Thom., loc. cit.

---

## C A P V T II.

*Statuitur conclusio, & probatur, tam auctoritate, cum rationibus D. Thom.*

**C**onclusio: Deus non est corpus. Hæc conclusio est de fide, censeturque definita in Concilio Lateranensi sub Innocentio III. cap. 2. ubi de Patre dicitur: *Pater ab æterno generando filium, suam substantiam ei dedit, juxta quod ipse testatur:*

420 *Quaest. III. De Simplicitate Dei,*  
*testatur: Pater quod dedit mihi majus est omnibus:*  
*ac dici non potest quod partem suae substantiae illi*  
*dederit (qualiter in generationibus corporalium*  
*contingit) & partem ipse retinuerit sibi: cum sub-*  
*stantia Patris indivisibilis sit, utpote omnino sim-*  
*plex: omne autem corpus divisibile esse opor-*  
*teret, aque ex partibus quantitativis composi-*  
*tum; non est igitur substantia Dei corporea.*

8. Probat S. D. in *sed contra* ex Sacra Scriptura  
 Ioan. 4. *Spiritus est Deus; quem locum inter-*  
*pretans D. Cyrillus Alex. epist. ad Calosyrium*  
*ait; Deus est corporis expers, quod & Salvator*  
*ipse dixit inquit, Deus est Spiritus. Non itaque*  
*corporeus, si Spiritus est, neque formam corporis*  
*praesert.* Quod enim corpore pradium non est;  
 forma etiam careat necesse est. Neque enim quan-  
 titas, aut figura in Deum cadit. In hanc eandem  
 conclusionem, ceu communem Ecclesiae Ca-  
 tholicae doctrinam conspirant omnes Patres.  
 Vnum D. Greg. Nazianzenum *orat. 34.* adducere  
 lubet, ubi Deum esse corpus multis improbat  
 dicens: *An corpus eum (scil. Deum) esse dices?*  
*Quonam ergo modo immensus, infinitus, figura*  
*expers est, ac denique ejusmodi, ut nec tangi, nec*  
*oculis cerni queat? An hac quoque in corpora ca-*  
*dunt? O licentiam! non enim hac corporum natura*  
*est. An verò corpus quidem esse statues, immensum*  
*verò atque infinitum, ceteraque hujus generis esse*  
*negabis? o crassitiem! Qua in re nos Deus antecellit?*  
*Quid enim afferri potest, quod colatur atque ado-*  
*retur, si circumscriptus est? Aut quid causa esse*  
*dicemus quin ex elementis conflatus sit, atque*  
*in eadem denuo redigatur, ac prorsus intereat?*  
*Compositio quippe pugna initium est, pugna au-*  
*tem dissidij, dissidium solutionis; solutio porro nul-*  
 lo



lo modo in Deum , ac primam illam naturam cadit. Quocirca nullum diffidium admittendum est ne solutio consequatur; nec pugna , ne diffidium oriatur ; nec compositio , ne pugna existat. Ac proinde nec corpus quidem est, ne alioqui compositum eum esse necesse sit. Sic ab extremis ad prima recurrens oratio gradum figit. Iam verò quomodo illud tueri poterimus , quod ait scriptura , Deum omnia pervadere atque implere ( juxta illud , nonne cælum & terram ego impleo, dicit Dominus : Et, Spiritus Domini replevit orbem terrarum, si Deus partim circumscribat , partim circumscribatur ? Aut enim per vacuum Universitatem grassabitur , & res omnes nobis peribunt , ut sic Deus contumelia afficiatur , nimirum & qui corpus sit, & iis , qua procreavit , careat ; aut corpus in corporibus erit ( id quod fieri non potest ) aut implicabitur , aut opponetur , quemadmodum ea , qua liquiditate prædita sunt , inter se miscentur , atque alia secabit , atque ab aliis rursus secabitur ; quod ipsis etiam Epicuri atomis absurdus est , atque anilius : Quod si eum corpus materia expers esse contenderint , siquidem quantum illud , ut nonnulli censuerunt , & in orbem volubile , sit sanè corpus quoddam quantum , & à materia semotum , si ipsis ita collibuerit , incorporeum ( quandoquidem ita sermone comparati sunt , ut pro arbitrio in omnem partem sese versent , ac quidvis effigant ) nihil enim de hac re in præsentia cum illis altercabor. Ceterum quo tandem genere erit earum rerum , qua motu cientur, & agitantur ? ut interim taceam quam gravis sit contumelia , asserere creatorem eodem , quo res ab eo creatas , motu incitari , atque eum , cujus vi ac numine res condita voluntur ( si tamen hoc etiam daturi sunt ) eodem modo cum iis volvi , ac circumferri.

422 *Quaest. III. De Simplicitate Dei*, cumferri. Quaro etiam quidnam sit, quod univ-  
sum hoc moveat? Quidnam vicissim illud, ac rur-  
sum à quo illud moveatur? eodemque modo in in-  
finitum progrediar. Quì etiam fieri potest, quin in  
loco omnino sit, siquidem fertur, ac motu incita-  
tur. Iam si aliud quoddam corpus prater quintum  
illud Deum esse statuant, siquidem Angelicum,  
unde probabunt Angelos corpore constare, & quo  
tandem corpore? Quid autem si res ita se habeat,  
Deus Angelum, quò ministro utitur antecellet? Sà  
corpus quoddam his sublimius esse dixerint, rursus  
corporum examen rationis expers inducetur, ac nu-  
garum gurgis adeo profundus, ut nusquam pes figi  
possit. Atque hinc constat corpus non esse. Neque  
enim adhuc quisquam eorum, qui divinitus afflati  
sunt, vel hoc dixit, vel ab aliis dictum approbavit;  
atque ab huiusmodi sermone fides Ecclesia ab-  
horret.

9. Videndi D. Iustinus in dialogo cum Triphone.  
Irenæus lib. 2. cap. 16. Origenes lib. 7. contra Cel-  
sum, & homil. 3. in Genes. ubi ait, contrarium  
dogma esse alienum ab Ecclesiastica fide. Basiliius  
hom. 10. in Hexam. Gregorius Nyssenus infra ci-  
tandus. Epiphanius heres. 70. D. Ioannes Da-  
mascenus lib. 1. fid. orthodox. cap. 4. ubi eandem cum  
Nazianzeno rationem, brevius tamen adducit.  
Immò & Philosophi antiqui non pauci absur-  
dum omnino putarunt Deum arbitrari corpo-  
reum. Inter quos Plato, qui in Timæo verissi-  
mè dixit Deum *asomaton*, id est, corporis ex-  
pertem: cuius ad hanc rem testimonio usus est  
Iustinus in dialogo cum Triphone. Et Hermes  
Trismegistus relatus à D. Cyrillo Alexandrino  
lib. 1. cont. Iulianum. Empedocles etiam Agre-  
gentinus elegantibus carminibus opinionem  
Epicuræorum

Epicuræorum de Deo corporato exagitavit, ut missos faciam Aristotelem *lib. 8. phys. & lib. 12. metaphysica.* Ammonium *lib. 1. Periherm.* & alios. Quinimo idem D. Cyrillus Alexandrinus Græcorum sapientes communiter id sensisse refert *lib. adversus Antropomorphitas cap. 18.* dicens; *Græcorum sapientes magis piè de Deo sentiunt, qui illum corporis, formæ, quantitatis, & figuræ expertem esse affirmant; & ubi vis locorum esse, & à nulla re abesse.*

Tres rationes ad id probandum in corp. adducit D. Thomas, quarum prima est; Deus est primum movens immobile, ut ostensum est *q. preced.* sed nullum corpus secundum quod ipsum, & per propriam naturam est movens immobile, sed motum ab alio movet: ergo Deus non est corpus. Minor prob. quia omne corpus in re vel est inanimatum & insensibile; & sic caret principio intrinseco sui motus; vel est animatum, & sic movetur per animam quæ est entelechia ejus, seu vis movens ipsum, ut patet: ergo nullum corpus secundum quod ipsum est movens immobile. Hanc rationem insinuat D. Damascenus *lib. 1. fid. orthod. c. 4.* & D. Greg. Naz. *loco citato.*

Secunda ratio est; omne quantum est aliquo modo in potentia; nam continuum est potentia divisibile in infinitum, numerus autem in infinitum crescere potest; sed omne corpus est quantum: ergo omne corpus est aliquo modo in potentia; sed Deus nullo modo est in potentia: ergo Deus non est corpus. Prob. minor: Primum ens nullo modo in potentia esse potest; Deus est simpliciter primum ens, ut diximus: ergo nullo modo in potentia esse potest. Prob. maj.

10.

11.

424 *Quest. III. De Simplicitate Dei,*

Maj. licet in uno, & eodem quod exit de potentia in actum (scil. per motum physicum) prius sit potentia quam actus tempore simpliciter; v. g. semen prius est prioritate temporis potentia homo, quam sit actu homo; tamen actus prior est potentia: ergo quod est simpliciter primum ens, nullo modo est in potentia; quia in eo quod esset in potentia non esset primum ens simpliciter, sed esset aliquod ens eo prius, nimirum illud quod esset actu in eo genere in quo illud esset in potentia. Antecedens patet, quia quod est in potentia, non reducitur in actum nisi per ens actu; v. g. quod est in potentia calidum non reducitur in actum calidi nisi per id quod est calidum in actu: ergo est causa ejus, quod fiat in actu: ergo simpliciter est prius illo in re, seu in existentia, non solum natura sed tempore; ut docet *quest. 7. de por. art. 1. c.*

12. Tertia ratio est; Deus est id quod est nobilissimum in entibus; sed impossibile est aliquod corpus esse nobilissimum in entibus: impossibile est igitur Deum esse corpus. Prob. minor; corpus physicum aut est vivum, aut non vivum; sed neutrum potest esse nobilissimum in entibus: ergo impossibile est aliquod corpus esse nobilissimum in entibus. Prob. minor; imprimis corpus non vivum nequit esse aliquid in ordine entium nobilissimum, quia ipso nobilius est corpus vivum; magis enim accedit ad participationem primi actus, qui essentialiter est vita. Neque etiam corpus vivum potest esse aliquid in ordine entium nobilissimum, quod sic prob. corpus vivum non vivit in quantum corpus, quia alias omne corpus viveret: ergo

ergo vivit per aliquid aliud, sicut corpus nostrum vivit per animam, à qua participat vitam; sed illud per quod vivit corpus est melius quam corpus; igitur corpus vivum inquantum corpus nequit esse in entibus nobilissimum. Hæc ratio desumpta est ex D. August. lib. de vera relig. cap. 11. ubi ait: *Corpus autem minus est quam vita qualibet, quoniam quantulumcunque manet in specie per vitam manet, sive qua unumquodque animal, sive qua universa mundi natura administratur. Corpus ergo magis subjacet morti, & ideo vicinius est nihilo. Quapropter vita qua fructu corporis delectata negligit Deum (qui vita est ipsius) inclinatur ad nihilum, & ita est nequitia. Idem habet cap. 29. Proximum est (inquit) attendere qua ista sit natura vitalis, qua cuncta ista sentit; qua profectò quoniam vitam dat corpori prestantior eo sit necesse est. Et in Psal. 145. Semper, inquit, corpus, quoniam corpus est, infra animam est, & qualibet anima vilis melior est quolibet magno, & prestantissimo corpore.*

---

### C A P V T III.

#### *Solvuntur contraria argumenta.*

**A**Rg. 1. Corpus est quod habet trinam dimensionem: sed sacra scriptura trinam dimensionem Deo attribuit: ergo est corpus. Prob. minor ex illo Iob. 11. ubi de Domino loquens ait; *Excelsior cælo est, & quid facies? profundior inferno, & unde cognosces; longior terra mensura ejus, & latior mari; sed longitudo, latitudo, & profunditas est trina dimensio; igitur*

13.

426 *Quaest. III. De Simplicitate Dei,*  
tur sacra scriptura attribuit Deo trinam dimensionem.

14. Resp. quod Philippus propter hocce testimonium arbitratus est Sophar Nahamonitem posuisse Deum corporeum: *Videtur mihi*, inquit, *quod Deum corporeum credat, quandoquidem latitudinis, & longitudinis ejus mensuras affirmat,* sed fallitur, quia, ut inquit S. D. Sacra Scriptura hic sub similitudine quantitatis corporeæ, quantitatem virtuales ipsius Dei designat, utpote per profunditatem, virtutem ejus ad cognoscendum, ac penetrandum occulta quæque; per altitudinem, excellentiam virtutis ejus omnibus supereminens; per longitudinem, durationem divini esse, per latitudinem; affectum dilectionis ad omnia. Vel, ut dicit D. Dionysius *cap. 9. de divin. nomin.* per profunditatem Dei intelligitur incomprehensibilitas ipsius essentiae; per longitudinem processus virtutis ejus omnia penetrantis; per latitudinem verò superextensio ejus ad omnia, in quantum scilicet sub ejus protectione omnia continentur. Glossa in eum locum ait; *Excelsior cælo, quia in circumscriptione sui Spiritus cuncta transcendit, profundior inferno, quia transcendendo subvehit. Longior terra, quia modum creatura perennitate aternitatis excedit. Latior mari, quia tempora sic possidet, ut sub potentia sua presentia coangustet: Vel secundum Apostolum latitudo Dei est dilectio, quâ & persequentes colligit. Longitudo, qua longanimiter tolerando ad Regnum perducit. Sublimitas, quia & intelligentiam glorificatorum transcendit. Profundum, quia, & damnatis inferius judicium incomprehensibiliter exerit. Eodem etiam modo exhibet latitudinem amando, longitudinem tolerando,*

rando ; altitudinem intellectus , & vota superando ; profunditatem ; motus cogitationum illicitos judicando. *Altitudo verò , & profunditas quam sint investigabiles nemo scit , nisi quod contemplando ad summa provehitur , vel occultis motibus resistens tentationibus , unde Iob despecto dicitur Excelsior , quasi altitudinem ejus , & profunditatem quomodo tu cognoscere sufficis , qui vel virtute ad summa provehi , vel temetipsum in tentationibus reprehendere nescis.*

15.

Arg. 2. Omne figuratum est corpus , cum figura sit qualitas circa quantitatem ; sed Deus videtur esse figuratus : ergo Deus est corpus. Probatum minor ; Nam Deus efformaturus hominem ait ; *Faciamus hominem ad imaginem , & similitudinem nostram* ; Genes. 1. cap. sed figura imago dicitur secundum illud Heb. 1. *Cum sit splendor gloria , & figura substantia ejus* , id est , imago : ergo Deus habet figuram , seu est figuratus.

16.

Resp. S. D. quod homo dicitur esse ad imaginem Dei , non secundum corpus , sed secundum rationem , & intellectum , quibus animalia excedit , & eis præstat. Vnde statim subditur , *ut præsit piscibus maris &c.* Quæ solutio est D. Augustini in Psal. 48. dicentis ; *Imago Dei non est in corpore , non est in auribus istis , quas videtis , & oculis , & naribus , & palato , & manibus , & pedibus ; sed facta ubi est intellectus ; ubi est mens , ubi ratio investiganda veritatis , ubi est fides , ubi est spes vestra , ubi charitas vestra. Ibi habet Deus imaginem suam* , sed expressius eam tradit D. Gregorius Nyssenus orat. 1. in illa verba *Faciamus &c.* dicens : *Corpore ne , an ratione in animo situm est hoc imperium ; an in car-*

ne? Caro nostra multorum animalium carne longè est imbecillior. Quis enim hominis caro cum carne cameli, aut bovis, aliarumque ferarum comparari potest, cui collata facillè superatur, ac vincitur? In quo igitur consistit hic principatus? in rationis prestantia. Quanto enim corporis imbecillitate homo reliquis animalibus infirmior est, tantò est rationis excellentia superior. Ingentes enim moles, ac pondera, qua pro arbitrio suo transferunt homines quocunque volunt, solertiâ non corporis viribus aguntur, & permoventur. Faciamus hominem ad similitudinem nostram, de inferiori homine loquitur.

17. Arg. 3. Omne quod habet partes corporeas est corpus; sed scriptura attribuit Deo partes corporeas: ergo est corpus. Prob. minor quia attribuit ei brachia; Iob enim 40. dicitur; *Sic habes brachium sicut Deus, & etiam oculos, & aures* Psal. 35. *Oculi Domini super justos, & aures ejus in preces eorum.*

18. Resp. S.D. quod partes corporeæ attribuuntur Deo in scripturis per similitudinem, & metaphoram desumptam ex actibus, & operationibus illius. Itaque per brachium, divinæ potentia virtutis exprimitur, quo quidem utitur, & ad sustentationem bonorum secundum illud Isaïæ 40. *In brachio suo congregabit agnos, & ad punitionem malorum* Lucæ 1. *Fecit potentiam in brachio suo, dispersit superbos mente cordis sui;* Oculus autem de Deo dictus vim ejus ad intelligendum facta nostra, & consulendum nobis demonstrat; aures verò quibus precibus eorum intendit celeritatem in exaudiendo demonstrat. D.Thom. ibidem videndus.

19. Arg. 4. Situs non convenit nisi corpori; sed  
ea



ea quæ ad situm pertinent, in scripturis Deo attribuuntur: ergo est corpus. Prob. minor. Dicitur enim Isaïæ 6. *Vidi Dominum sedentem*, & Isaïæ 3. *Stat ad judicandum Dominus*; sedere autem, & stare ad situm pertinent.

Resp. S. D. quod metaphoricè hæc Deo attribuuntur; dicitur enim sedens propter immobilitatem sui esse, ac consilij, autoritatemque: stans autem propter fortitudinem ad debellandum omne quod adversatur. 20.

Arg. 5. Nihil potest esse terminus localis à quo, vel ad quem, nisi sit corpus, vel aliquid corporeum; sed Deus in scriptura dicitur esse terminus localis: ergo Deus est corpus. Prob. min. quia Psal. 33. dicitur; *Accedite ad eum, & illuminamini*; Et Hierem. 17. *Recedentes à te in terra scribentur*; accessus autem, & recessus terminos locales petunt. 21.

Resp. S. D. quod ad Deum non acceditur, aut ab eo receditur, passibus corporis, cum sit ubique, sed affectibus mentis; & sic accessus, & recessus sub similitudine localis motus spirituales mentis affectum designant. Hæc solutio est D. Augustini tum alibi, tum ibi dicentis; *Vnde accedunt gentes? Fide sectando, corde inhiando, charitate currendo. Pedes tui charitas tua est. Duos pedes habeto, noli esse ciandus. Qui sunt duo pedes? duo praecepta dilectionis Dei, & proximi. Istis pedibus curre ad Deum, accede ad illum.* 22.

Denique idem S. Doctor epist. 111. de his omnibus corporalibus figuris, quæ Deo in scriptura attribuuntur hæc habet; *Nam de membris Dei, quæ assidue Scriptura commemorat, ne quisquam secundum carnis hujus formam, & figuram nos* 23.

430 *Quest. III. De Simplicitate Dei,*  
esse crederet similes Deo, propterea, & eadem scri-  
ptura, & alas habere Deum dixit, quas nos utique  
non habemus. Sicut ergo alas cum audimus prote-  
ctionem intelligimus; sic & cum audimus manus,  
operationem intelligere debemus; & cum audimus  
pedes, praesentationem; & cum audimus oculos,  
visionem qua cognoscit; & cum audimus faciem,  
notitiam qua innotescit; & si quid aliud eadem  
scriptura tale commemorat, puto spiritualiter in-  
telligendum. Neque hoc ego tantum, aut ego prior,  
sed omnes qui qualicumque spirituali intelligentia  
resistunt eis, qui ob hoc anthropomorphita nomi-  
nantur. Ex quorum litteris, ne multa commemo-  
rando majores moras faciam, hoc unum Sancti  
Hieronymi interpono, ut noverit iste frater, non se  
de hac re mecum magis, quam cum prioribus age-  
re debere, si quid eum contra permovet. Cum ergo  
ille vir in scripturis doctissimus, Psalmum expo-  
neret, ubi dictum est: Intelligite ergo qui insipien-  
tes estis in populo, & stulti aliquando sapite; Qui  
plantavit aurem, non audiet; aut qui finxit ocu-  
lum, non considerat? Inter cetera iste locus, in-  
quit, adversus eos maximè facit, qui anthropo-  
morphita sunt, qui dicunt Deum habere membra,  
qua etiam nos non habemus, verbi causa: Dicitur  
Deus habere oculos; oculi Domini aspiciunt omnia,  
manus Domini facit omnia. Et audivit, inquit,  
Adam sonum pedum Domini deambulantis in pa-  
radiso: hac simpliciter audiunt, & humanas im-  
becillitates ad Dei magnificentiam referunt: ego  
autem dico, quod Deus totus oculus est, totus ma-  
nus est, totus pes est. Totus oculus est, quia omnia vi-  
det. Totus manus est, quia omnia operatur. Totus  
pes est, quia ubique est. Ergo videte quod dicat;  
Qui plantavit aurem, non audiet, aut qui finxit  
oculos,

*Art. I. An Deus sit Corpus, Cap. IV. 431*  
*oculos, non considerat. Et non dixit, Qui plan-*  
*tavit aurem, non audiet, qui finxit oculos non*  
*considerat; membra tulit efficientias dedit.*

---

## C A P V T IV.

*Solvuntur instantia contra rationes*  
*Divi Thomae.*

**P**rima instantia militat contra primam ra- 24.  
tionem in qua pro fundamento assumitur,  
quod *nullum corpus movet non motum*, hoc enim  
falsum est; primò, quia magnes immotus fer-  
rum attrahit, & gravia à generante absque ejus  
motu moventur; & ipsum cœlum Empyreum  
in hæc inferiora agit, & tamen non movetur;  
similiter nix immota frigefacit, & sensibile im-  
mutat sensum per impressionem suæ speciei in  
illo, cum tamen sensibile objectum immotum  
in se penitus maneat.

Resp. propositionem hanc verissimam esse, 25.  
loquendo de corpore secundum quod ipsum, si-  
ve secundum proprietatem corporis; hoc enim  
corpori proprium est, ut non moveat, nisi mo-  
tum, & nullo modo sit se movens; quia secun-  
dum proprietatem corporis non est enér gia, seu  
vis se movens, sed hoc accidit illi, sicut diffe-  
rentia generi; aliàs omne corpus esset se mo-  
vens. Hujus rei gratia sciendum est ex D. Tho-  
ma *quest. 5. de pot. a. 8.* quod corpus habet du-  
plicem actionem, unam quidem secundum pro-  
prietatem corporis, ut scil. agat ut motum ab  
alio, seu per actionem alterius (hoc enim pro-

prium est corporis, ut motum moveat, & agat.) Aliam autem actionem habet, secundum quod attingit ad ordinem substantiarum separatarum, & participat aliquid de modo ipsarum; sicut naturæ inferiores consueverunt aliquid participare de proprietate naturæ superioris, ut apparet in quibusdam animalibus, quæ participant aliquam similitudinem prudentiæ, quæ propria est hominum; hæc autem est actio corporis, quæ non est ad transmutationem materiæ; sed quandam diffusionem similitudinis formæ in medio secundum similitudinem spiritualis intentionis quæ recipitur de re in sensu, vel intellectu, & hoc modo sol illuminat aërem, & color speciem suam multiplicat in medio; Vterque autem modus actionis in istis inferioribus causatur ex corporibus cœlestibus. Nam & ignis suo calore transmutat materiam ex virtute corporis cœlestis; & corpora visibilia multiplicant suas species in medio virtute luminis, cujus fons est in cœlesti corpore.

26. Dicimus igitur, quod neque magnes immortuus attrahit ferrum, neque nix non mota frigidificat, aut sensibile immutat sensum absque ullo motu, inquantum corpora sunt, sed movent dependenter ab actione corporum cœlestium. Sicut enim habetur *in lib. de causis*, quando causa prima actionem suam à causato retrahit, oportet etiam quod causa secunda ab eodem actionem suam auferat, eò quod causa secunda habet hoc ipsum quod agit per actionem causæ primæ in cuius virtute agit. Agunt autem & movent, seu moventur omnia sublunaria corpora in virtute corporis cœlestis; & istud in virtute substantiæ separatæ, utpote magis in actu.

q. 5. de  
pot. a. 8.  
corp.

actu. Vnde in nullo sublunari aliqua actio aut motio est nisi in virtute primi corporis ; siue sit actio alterativa , siue intentionalis & spiritalis, qualis est motio objectorum sensibilium, ut diximus. De motu gravium autem & levium multa satis diximus *in lib. phys. quest. 19. art. 2.* ibi videnda. Impræsentiarum breviter dixisse sufficiat, quod gravia & levia non moventur à generante sicut exteriori motore , postquam formam suam consecuta sunt, sed dicuntur moveri à generante, dum fiunt ; moveri, inquam, consequenter & per potentiam habituatam ad motum, quam generans eis confert, quæ ablato impedimento naturaliter absque motore proximo extrinseco reducitur in actum , esto nonnisi dependenter à motu primi corporis. *D. Th. lib. 1. de cælo lect. 18.*

Ad illud de cælo Empyreo , respondetur ex S. D. *quodlib. 6. art. 19.* quod equidem cælum Empyreum influit in hæc inferiora absque motu, sed non influit in quantum corpus vel actione corporibus propria, quæ non nisi mota agunt & movent ; sed actione quam habet secundum quod ad ordinem substantiarum separatarum quodammodo attingit, & de modo ipsarum aliquid participat, quo pacto in virtute substantiæ separatae agit & movet. *Dicendum, inquit, quod influat ( nimirum cælum Empyreum ) in corpora inferiora , quia totum universum est unum unitate ordinis , ut patet per Philosophum 12. metaph. ( text. com. 52. ) Hæc autem unitas ordinis attenditur, secundum quod quodam ordine reguntur corporalia per superiora , ut Augustinus dicit in 3. de Trinit. Vnde si cælum Empyreum non influeret in corpora inferiora, cælum Empyreum non*

27.

434 *Quest. III. De Simplicitate Dei,*  
contineretur sub unitate universi, quod est incon-  
veniens. Videtur autem proprius effectus ejus esse  
perpetuitas, & permansio in inferioribus corpori-  
bus. Nam secundum Philosophum in 11. metaph.  
text. com. 43. in cælo sunt principaliter duo motus,  
quorum unus est ab Oriente in Occidentem, qui vo-  
catur diurnus, & est super polos Equinoctialis;  
& quia iste est uniformis causat perpetuitatem  
in inferioribus motibus. Alius autem motus est ab  
Occidente in Orientem, quo movetur Sol, & alij  
planeta, qui est super polos Zodiaci, per quem  
planeta accedunt, & recedunt à nobis; unde iste  
motus propriè causat differentiam generationis &  
corruptionis, & cæterorum motuum in istis infe-  
rioribus; & sic continuatur generatio & corruptio  
horum inferiorum, quousque Deus vult; qua qui-  
dem quantum ad continuitatem causatur à primo  
motu, quantum autem ad contrarietatem à secundo;  
sicut autem uniformitas motus præcedit difformita-  
tem, ita etiam unitas quietis præcedit uniformita-  
tem motus; quia moveri est aliter se habere nunc  
quam ut prius, & sic quies habet puram unitatem.  
Uniformitas autem motus habet unitatem cum di-  
versitate, & ideo primum cælum scil. Emphy-  
reum, singulariter per suam quietem influit, (id  
est, singulari modo influit, & non communi  
illo influendi modo, quo corpora ut mota in-  
fluere, & agere consueverunt.) Secundum au-  
tem cælum, quod dicitur aqueum per motum suum  
uniformem. Tertium autem cælum scil. Sydereum,  
per suum motum diffirmem. Hoc autem est pro-  
prium huic corpori, quod influat absque motu,  
in quantum est supremum attingens quodammodo  
ordinem substantiarum separatarum, prout Diony-  
sius dicit 2. cap. de divin. nom. quod divina sapien-  
tia

*Art. I. An Deus sit Corpus, Cap. IV. 435*  
*tia conjungit principia secundorum finibus primorum.* Vnde hæc instantia in nullo infringit dictum S. D. dicentis, quod nullum corpus movet nisi motum, quia loquitur de motione quæ est corpori propria secundum quod corpus, & non secundum actionem, quam habet prout attingit quodammodo ad ordinem substantiarum separatarum, & participat aliquid de modo earum. Licet prout sic etiam agant in virtute substantiæ separatae, & subinde non influunt aut agunt nisi ut mota.

Secunda instantia adducitur communiter contra tertiam rationem, & est ejusmodi; Corpus cœleste non est vivens, quinimò inanime, seu anima destitutum; sed corpus cœleste multò nobilius, ac præstantius est plurimis corporibus vivis, puta formicâ, verme, aut mulca: ergo non omne corpus non vivum est melius vivo. Minor prob. 1. ex Arist. *lib. 1. de cœlo tex. 13.* ubi cœlum diviniorem omnibus inferioribus substantiam vocat. Quod etiam asserit *lib. 1. de part. animal. & lib. 6. Ethic.* D. Thomas idem docet *ibid. lect. 6. & in 4. dist. 48. q. 2. art. 3.* & alibi sæpe. Secundo prob. quia corpus cœleste est incorruptibile, nobiliores sortitum dispositiones, ut diaphaneitatem, lucem, &c. Tertiò quia est causa æquivoca omnium corporum sublunarium, etiam viventium, habetque nobiliorem motum, & universales influxus, seu operationes, quæ omnia ejus nobilitatem majoram enunciant. 28.

Resp. ad arg. dist. min. corpus cœleste multò nobilius est plurimis corporibus vivis simpliciter & secundum suam formam specificam, seu nobiliores participationes specificas, & gradus 29.

436 *Quaest. III. De Simplicitate Dei,*  
 dus formales essendi, nego; secundum modum  
 informationis, & alias nobilitates consequen-  
 tes corpus inquantum cœleste est, & attingens  
 quodammodo ad ordinem substantiarum sepa-  
 ratarum, concedo. Vnde absolutè & simplici-  
 ter non est nobilius, sed quantum ad quid.  
 Qui quidem nobilitatis modus non potest divi-  
 nitatem primi principij arguere, quod debet  
 esse nobilius secundum naturam ac simpliciter,  
 & id quo melius nullo modo intelligi queat.  
 Quapropter optimè convincit ratio D. Thomæ  
 quod Deus nequeat esse corpus non vivum, quia  
 corpus non vivum absolutè, & secundum spe-  
 ciem corporis naturalis imperfectius est vivo,  
 vivum enim addit nobilitatem essendi ad corpus  
 simpliciter existens, sive sit mixtum perfectum,  
 sive imperfectum.

30. Hujus rei gratia nota, quod cum aliquid  
 intantum sit perfectum inquantum est actu, aut  
 plures in se nobilitates & actualitates essendi  
 participat, perfectio alicujus rei ex duplici ca-  
 pite attendi potest; vel secundum plures nobi-  
 litates & gradus essendi; vel secundum plenio-  
 rem participationem alicujus earum, vel plu-  
 rium. Prima est simpliciter major nobilitas &  
 perfectio; secunda autem quoad aliquid; sicut  
 multa animalia in perfectione sentiendi homi-  
 ne perfectiora sunt, quia plenius participant  
 principium sentiendi; sed non propter hoc di-  
 cuntur simpliciter perfectiora homine, quia  
 homo plures nobilitates participat, nimirum  
 esse, vivere, & intelligere, & in hoc se habet ex  
 additione ad illa. Similiter corpus cœleste dicitur  
 nobilius, non quidem secundum plures nobili-  
 tates, & formales participationes essendi, sed  
 secundum



secundum pleniorē participationem propriæ formæ, & actualitatis. Nam in corporibus inferioribus, inquit S. D. quæst. 5. de pot. art. 8. c. non est tota potentialitas completa per actum, eo quod materia subsistens uni formæ remanet in potentia ad aliam formam, quod non est in corporibus cœlestibus. Nam materia corporis cœlestis non est in potentia ad aliam formam: unde sua potentialitas tota est terminata per formam quam habet. Ex quo cœleste corpus habet quod sit incorruptibile, & nobiliores dispositiones accidentales.

Vnde ad primam prob. dico equidem cœlum esse diviniore substantiæ, quam corpora viventia, quia plenius in actu secundum quod totaliter est terminata & absque potentialitate ad aliam formam; sed non secundum plures formales participationes essendi. Vnde non est corpus cœleste nobilius simpliciter, sed quantum ad aliquid. Ad 2. dico quod incorruptibile secundum aliquid est perfectius corruptibili, quia excludit potentialitatem ad actum, sed non simpliciter, nisi sit incorruptibile ex forma habente plures nobilitates, & gradus essendi, ut in Angelo. Ad 3. resp. quod cœlum mediante motu, & influxu suo, quem exercet, ut est instrumentum intelligentiæ motricis, quæ quodammodo est ut forma assistens ejus, est causa æquivoca, ac subinde perfectior; sed non in ratione corporis, sed corporis quod habet nobiliorem formam assistentem, in cujus virtute habet agere & movere. Ita S. D. loc. cit. dicens; *Elementa agunt in virtute corporum cœlestium, & corpora cœlestia agunt in virtute substantiarum separatarum; Vnde cessante actione*

ne

31

438 *Quaest. III. De Simplicitate Dei,*  
*ne substantia separata, oportet quod cesset actio*  
*corporis caelestis, &c.*

ARTICVLVS SECVNDVS.

*Vtrum in Deo sit compositio ma-*  
*teria & forma.*

32.

**P**OSTQVAM in superiori articulo S. D. Deum non esse corpus multis demonstravit, impraesentiarum ipsum nullatenus ex materia, & forma componi ostendit. Nec existimes ipsum inutiliter hanc quaestionem inculcare; longe enim à superiori diversa est. Hujus rei gratia notandum est quod Anicebron in *lib. fontis vite* ( ut refert D. Thom. *infra quaest. 50. art. 2.* ) quandam in rebus spiritualibus materiam admisit. Supponebat enim, quod quaecunque secundum intellectum distinguuntur, sint etiam in rebus distincta; in substantia autem incorporea intellectus aliquid apprehendit, per quod à substantia corporea distinguatur, & aliquid per quod cum ipsa conveniat. Illud per quod à substantia corporea differt, vocabat formam; illud autem quod huic formae distinguenti subiciebatur, quasi commune, materiam ipsius esse aiebat. Ex quo concludebat eandem spirituum, & corporalium materiam esse; itaut forma incorporeae substantiae ita sit in materia spiritualium impressa, sicut forma quantitatis in corporalium, ac sensibilibus materia. Ut igitur S. D. omnem compositionis modum, quem Philosophi

*Art. 11. An in Deo sit compos. mat. & for.* 439

Philosophi excogitarunt, à Deo removeat, præsentem quæstionem de compositione materiæ, & formæ exagitat, quam, & negativè resolvit.

Nonnullos fuisse qui hujusmodi compositionem ex materia spiritali, & forma, qualem corporibus cœlestibus, & intelligentibus attribuebant, Deo irrogarint, non dubium esse debet. Horum suppresso nomine meminerunt D. Gregorius, Nazianzenus *orat.* 34. & D. Damascenus *lib.* 1. *fid. orthodox. cap.* 3. Inter quos forsàn ipse Anicebron. Sed dubio procul omnes illi qui Deum corporatum fecerunt, hujusmodi compositionem in Deo admisisse convincuntur, cum nullum corpus sit, quod materiæ, saltim spiritalis, & formæ sit expers.

Conclusio; impossibile est in Deo esse materiam. Ita communiter SS. PP. in superiori articulo citati. Probat S. D. in *sed contra*, quia omne compositum ex materia, & forma est corpus; sed Deus non est corpus, ut in præcedenti articulo ostensum est; ergo non est compositus ex materia, & forma. Major prob. quia quantitas dimensiva sequitur materiam, ipsique primò inhæret.

Deinde probat in *corp.* primò, quia materia est id quod est in potentia; sed Deus est purus actus, non habens aliquid de potentialitate admixtum: ergo Deus non est ex materia, & forma compositus. Hæc ratio sumitur ex Philosopho *lib.* 12. *Metaph. text.* 30. ubi ostendit oportere primum motorem esse omninò immaterialem, quia materia est in potentia.

Secundò probat sic; primum bonum simpliciter & optimum, quale est Deus, oportet esse per

33.

34.

35.

36.

440 *Quest. III. De Simplicitate Dei*,  
 per essentiam bonum, & non per participatio-  
 nem; sed omne compositum ex materia & for-  
 ma est duntaxat bonum per participationem,  
 prout videlicet materia participat formam: ergo  
 Deus non est compositus ex materia & forma.  
 Prob. min. in tantum aliquid est bonum inquan-  
 tum est perfectum & in actu; sed compositum  
 est actu per formam, & perfectum: ergo est bo-  
 num per illam. Hæc ratio fundatur in eo quod  
 Philosophus 1. *phys. text. 81.* asserit; nimirum  
 materiam esse sicut naturam recipientem, for-  
 mam autem ut quid divinum, quoniam dat esse  
 & bonitatem, reique perfectionem. Ex quo  
 sequitur, ipsum compositum non habere quod  
 sit per materiam bonum & perfectum; ac subin-  
 de secundum se non esse totum bonum, neque  
 per essentiam.

37. Probat tertiò; Deus est primum agens, cum  
 sit prima causa efficiens, ut ostensum est; sed  
 primum agens nequit esse ex materia & forma  
 compositum: ergo Deus non est compositus ex  
 materia, & forma. Prob. min. Primum agens  
 simpliciter, per essentiam forma esse debet, for-  
 ma inquam per se subsistens: sed quod est per  
 essentiam, & secundum quod ipsum forma per  
 se subsistens, non est ex materia & forma com-  
 positum: ergo primum agens simpliciter nequit  
 ex materia & forma esse compositum. Prob.  
 maj. omne agens agit per formam, ceu ratio-  
 nem agendi, & in quantum per eam est in actu:  
 ergo secundum quod aliquid se habet ad for-  
 mam, per quam est actu, se habet ad hoc quod  
 sit agens: ergo quod per se primò, & secun-  
 dum quod ipsum est agens, oportet quod per  
 essentiam sit forma, & actus; aliàs dependeret  
 ab

*Art. II. An in Deo sit compos. mat. & for. 441*  
ab alio ut esset in actu, ac subinde non esset simpliciter primum agens, sed per aliud, & non secundum quod ipsum, seu per se primò.

Itaque, cum S. D. ait, *quod primum & per se* 38.  
*agens, oportet quod sit primò, & per se forma,*  
ly, primum, excludit agens aliud à quo seu per quod recipiat virtutem agendi, vel reducatur virtus ejus ad actum; & ly, per se agens, denotat illam virtutem, seu potentiam per se conjunctam actui, & non per aliud; nam hujusmodi agens oportet quod sit primò, & per se, seu secundum quod ipsum forma & actus: quod autem primò, per se, & secundum quod ipsum & forma & actus, nullo modo est potentia, ac subinde omnino est à materia immunis.

#### §. I.

*Solvuntur argumenta.*

**A**Rg. 1. omne quod habet animam est com- 39.  
positum ex materia & forma; sed scriptura attribuit animam Deo: ergo est compositus ex materia & forma. Maj. patet, nam anima est forma corporis; definitur enim, actus primus corporis physici potentiâ vitam habentis. Prob. autem minor ex illo Hebr. 10. ubi ex persona Dei dicitur; *Iustus autem meus ex fide vivit, quod si subtraxerit se, non placebit anima mea.*

Resp. S. D. quod anima attribuitur Deo per 40.  
similitudinem actus (similitudinem inquam metaphoricam, & largè dictam;) Vnde sensus est, non placebit voluntati meæ: quod enim volumus aliquid, ex anima nobis est; unde illud dicitur esse placitum animæ Dei, quod est placitum voluntati

442 *Quaest. III. De Simplicitate Dei,*  
 voluntati ipsius. Hæc solutio habetur in glossa.  
 Et notandum est ex S. D. *in eum locum* quod  
 Apostolus allegat hic authoritatem Abacuch se-  
 cundum translationem Septuaginta, sicut à Ga-  
 maliele didicerat, ad cujus pedes legem didicit:  
 D. Hieronymus autem legit ex Hebræo, *non erit*  
*recta anima ejus*, quod idem sonat: Voluntas  
 enim Dei nostrarum actionum regula esse de-  
 bet; qui ergo non concordat voluntati Dei, non  
 est recta anima ejus, ac subinde non placet vo-  
 luntati Dei.

41. Arg. 2. ira, gaudium, & hujusmodi sunt pas-  
 siones conjuncti, seu compositi ex materia &  
 forma, ut dicitur *in 1. de anim. text. 12. 14.*  
 & 15. sed hujusmodi attribuuntur Deo in scrip-  
 tura: ergo Deus est ex materia & forma com-  
 positus. Minor patet ex Psalmo 105. *Iratus fu-*  
*rore Dominus in populum suum.*
42. Resp. S. D. quod ira & hujusmodi attribuun-  
 tur Deo secundum similitudinem effectus. Quia  
 enim proprium irati est punire, ejus ira punitio  
 metaphoricè vocatur. D. August. ibi: *De con-*  
*suetudine translatus potentiam vindicandi hoc no-*  
*men accepit.*
43. Arg. 3. Materia est individuationis principium;  
 sed Deus videtur esse individuum, non enim de  
 multis prædicatur; ergo est compositus ex ma-  
 teria & forma.
44. Resp. ex S. D. dist. maj. materia est princi-  
 pium individuationis in his, quorum formæ  
 sunt in materia receptibiles, concedo; in his,  
 quæ sunt formæ per se subsistentes, nego: quia  
 forma in materia receptibilis, quantum est de  
 se, nisi aliud impediatur in pluribus recipi potest;  
 unde per aliud individuari debet, nimirum  
 materiam.

*Art. III. An sit idem nat. vel ess. Cap. I. 443*  
materiam, quæ est primum subiectum substans,  
ac subinde in alio esse non potest; forma autem  
quæ non est in materia receptibilis, sed est per  
se subsistens, ex hoc ipso individuatur, quod  
non potest in alio recipi, & huiusmodi forma est  
Deus. Sed de his plura alibi.

\*\*\*

## ARTICVLVS TERTIVS.

*Virum sit idem Deus quod sua natura  
vel essentia?*

---

### CAPVT PRIMVM.

*Sensus tituli explicatur, & aperitur quo-  
modo natura & suppositum in substantiis  
materialibus non differre dicantur.*

**D**V o explicanda veniunt, quæ in præ-  
senti quæstione solent negotium fa-  
cessere, antequam conclusionem D.  
Thom. statuamus. Primum est, quid  
significet hoc nomen, Deus, cum inquiritur,  
an Deus sit idem quod sua essentia, vel natura.  
Secundum verò est, quomodo intelligendus ve-  
niat S. D. cum asserit, quod in his quæ non sunt  
composita ex materia & forma, natura & sup-  
positum realiter non differunt, bene verò in  
compositis ex materia, & forma. Ratio primi  
dubij est, quia ex una parte videtur, quod hoc  
nomen, Deus, non nisi pro supposito sumi de-  
beat. Quoniam nihil aliud hic tractatur, nisi  
utrum suppositum & natura idem sint, an verò

I.

E c

444 *Quest. III. De Simplicitate Dei,*  
distinguantur realiter, ut patet in corp. & solut.  
ad 2. Ex alia autem parte apparet non posse ul-  
latenus de supposito intelligi; tum quia infra  
*quest. 29. art. 2.* inquit S. D. *utrum persona sit*  
*idem quod essentia*, tum etiam quia hic nulla-  
tenus de persona divina fit mentio, quæ ta-  
men est idem quod suppositum in natura intel-  
lectuali.

2.

1. p. q. 39.  
art. 4. c.  
q. 9. de  
pot. art.  
4.

Supponendum est quod hoc nomen Deus  
divinam significat essentiam ut in habente ip-  
sam, sicut hoc nomen homo humanitatem in  
supposito. Sciendum est autem quod nominis  
concreti est duplex significatum; unum forma-  
le, quod propriè significatum dicitur; aliud  
materiale, quod sub significato formali acci-  
pitur, & ei supponitur, sicut determinatum  
sub indeterminato: v. g. significatum formale  
hujus nominis, animal, est animalis ratio;  
nimirum substantia corporea, animata sensi-  
bilis, significatum verò materiale, & supposi-  
tionis est homo, equus &c. quia supponuntur  
sub animali, tanquam determinatum sub inde-  
terminato. Formale ergo significatum hujus no-  
minis, Deus, est hic Deus per se primò subsi-  
stens essentialiter, seu communicabiliter sine  
divisibilitate formæ. Vel est ipsa deitas una nu-  
mero non multiplicata, ut est ex modo signifi-  
candi primò importans hunc Deum essentiali-  
tèr subsistentem. Significatum verò quasi mate-  
riale, & suppositionis sunt supposita seu perso-  
næ in quibus talis forma significata, seu hic Deus  
essentialiter subsistens reperitur, & per proprie-  
tates relativas ultimò determinatur ad rationem  
talis personæ divinæ.

3.

Dico igitur quod ly, *Deus*, hic sumitur pro  
significato



*Art. III. An sit idem nat. & esse. Cap. I. 445*

significato formali, & prout significat hunc Deum essentialiter, & absolute subsistentem, estque suppositum deitatem habens, quod esto in re sit persona, cum sit in natura intellectualis; tamen quia persona significat proprietates relativas, quibus abinvicem personæ divinæ distinguuntur, nimirum paternitatem, filiationem &c. consultò S. D. non est usus nomine personæ, sed suppositi; quia nondum constabat quod Deus esset in personis trinus, & in essentia unus. Quapropter infra meritò inquit, an persona sit idem quod essentia, quia persona supra rationem suppositi addit proprietates relativas distinguentes, ratione quarum potest dubitari an distinguantur abinvicem, licet Deus & deitas realiter idem esse constituentur.

Quoad secundum ratio dubitandi est, quia passim asserit S. D. quod in omni creatura, natura & suppositum realiter distinguantur, & in solo Deo sint realiter idem; sed Angelus est creatura spiritualis non composita ex materia & forma: ergo non est universaliter verum, quod in illis substantiis, quæ non sunt ex materia & forma compositæ natura & suppositum realiter non differunt.

Omissis variis dicendi modis, quos interpretes hîc excogitant, notandum est quod natura hic sumitur pro rei quidditate, substantia, seu essentia, quam significat ejus definitio; sicut natura hominis dicitur ipsius quidditas seu essentia, quam diffinimus per animal ratione mortale. Suppositum verò significat particulare in genere substantiæ, seu substantiam primam. Vnde suppositum est nomen secundæ impositionis, significans habitudinem ipsius parti-

Ex loco  
cit. q. 9.  
de pot. &  
q. 29. 1. p.  
2. 4. 3. p.  
q. 3. art.  
3.

4.  
Quod-  
lib. 2. q.  
2 a. 2. 3.  
p. q. 17.  
art. 1. 1.  
dist. 5. 1.  
c.

5.  
1. p. q. 19.  
a. 1. quod.  
lib. 2. a. 4.  
in 3 d. 6.  
q. 1. a. 1.  
quæ-  
stionc. 1.  
& alibi.

446 *Quest. III. De Simplicitate Dei*,  
cularis ad naturam communem, inquantum natura communis in ea subsistit. Qui quidem respectus tantummodo est secundum rationem & modum significandi. Vnde natura & suppositum non sunt duæ res, ita ut res quæ est suppositum sit alia realiter ab ea quæ est natura, sicut materia prima & forma ejus sunt duæ res (aliàs natura communis de particulari non prædicaretur, cum unum prædicari de alio sit esse illud;) sed est alia quoad modum significandi; natura enim significatur ut pars formalis, seu ut quo; suppositum autem ut totum & habens naturam seu formam.

6. Ex quo sequitur, quod cum rationes totius & partis diversæ sint, si contingat aliquid realiter ipsi supposito competere, inquantum est particularis substantia, quod sit præter naturam ejus, tunc suppositum & natura distinguuntur realiter; non quidem sicut duæ res, sed sicut eadem res à seipsa secundum aliam, & aliam rationem considerata, sicut distinguitur corpus album à corpore eodem secundum rationem corporis considerato, cui accidit albedo; & homo sedens ab eodem homine non sedente; quia homini secundum quod homo est, sedere contingit, & est præter essentiam ejus atque diffinitionem, qua explicatur quid sit res. In omni autem creatura aliquid accidit, quod realiter est præter rationem seu essentiam, & naturam speciei; unde in omni creatura suppositum realiter distinguitur à natura, inquantum natura, cum qua realiter est idem, habet aliquid aliud quod non est de ratione talis naturæ. Hoc tamen aliter evenit in substantiis corporeis, seu compositis ex materia & forma; & aliter

*Art. III. An sit idem nat. & essen. Cap. I. 447*  
aliter in substantiis spiritualibus; & penes aliquid non distinguuntur natura & suppositum in substantiis spiritualibus, penes quod in corporalibus re ipsa discriminantur.

Cujus rei gratia sciendum est ex S. D. *quodl. 2. art. 4. ad 1.* quod dupliciter consideratur aliquid substantiæ particulari accidere, seu esse accidens præter rationem rei: Vno modo quia non cadit in definitione significante essentiam rei, & tamen est designativum vel determinativum alicujus essentialium principiorum; sicut rationale accedit animali, utpote præter definitionem ejus existens; & tamen est determinativum essentiae animalis, unde est essentialiale homini, & de ratione ejus existens. Alio modo aliquid accedit alicui, quia nec est in ejus definitione, nec est determinativum alicujus essentialium principiorum, sicut albedo accedit homini.

His ergo (inquit S. D.) quæ sunt composita ex materia & forma accedit aliquid præter rationem speciei existens utroque modo. Cum enim sit de ratione speciei humanæ v. g. quod componatur ex anima & corpore, determinatio corporis & animæ est præter rationem speciei, & accedit homini inquantum est homo, quod sit ex hac anima & ex hoc corpore; sed hoc convenit per se huic homini, de cujus ratione esset, si diffiniretur, quod esset ex hac anima, & ex hoc corpore, sicut de ratione hominis communis est, quod sit ex anima & corpore. Accidunt etiam compositis ex materia & forma præter rationem speciei multa alia, quæ nõ sunt essentialium principiorum determinativa, ut albedo, & similia homini. Substantiis verò immaterialibus crea-

448 *Quaest. III. De Simplicitate Dei,*  
tis accidunt quidem aliqua præter rationem speciei, quæ non sunt determinativa essentialium principiorum; non tamen accidunt eis aliqua quæ sint determinativa essentialium principiorum, seu essentialiæ speciei, quia ipsa natura speciei in substantiis spiritualibus, non individuatur per materiam, qua carent; sed per se ipsam ex hoc quod talis forma est per se subsistens, & non est nata recipi in aliqua materia. Vnde per se ipsam non est multiplicabilis, neque prædicabilis de pluribus.

9. Dicendum est itaque naturam & suppositum in omni creatura realiter differre, sed longè aliter in substantiis corporalibus, ac spiritualibus: Nam in corporalibus differunt, non modo per ea quæ communiter accidunt, & non sunt per se determinativa alicujus principiorum essentialium; sed etiam per propria & determinativa alicujus principiorum essentialium; nam hæc materia, & hæc forma sunt de ratione individui, & determinativa materiæ & formæ communis, quæ sunt principia speciei; & insuper communia accidentia, quæ in substantiis materialibus ad rationem individuationis conferre dicuntur. At in substantiis spiritualibus natura & suppositum non differunt per accidentia determinativa principiorum essentialium, sed communia, ut esse, & agerere &c. ut docet S. D. *ibidem*. Vnde in hoc articulo ipse agens de distinctione suppositi à natura, secundum ea ex quibus propriè differre solet suppositum à natura; discrimen constituit inter substantias sensibiles seu corporeas, & spirituales; quòd in illis differunt natura & suppositum, videlicet per propria accidentia determinativa speciei, in spiritualibus

*Art. III. An sit idem nat. & ess. Cap. II. 449*  
ritualibus autem non differunt, nimirum per principia propria distinctionis numericæ, esto aliunde in substantiis spiritualibus creatis realiter distinguantur, nimirum quia suppositum addit esse, seu subsistere.

## C A P V T II.

*Deciditur questio, & solvuntur argumenta contraria.*

**D**icendum quod Deus est omnino idem in re quod sua natura vel essentia. Probat *in sed contra*, quia sicut se habet vita ad viventem, ita Deitas ad Deum; sed de Deo dicitur, quod est vita, & non solum vivens, ut patet Ioannis 14. *Ego sum via, veritas, & vita*: ergo Deus est ipsa Deitas, seu essentia, & natura. Et profecto ita sentiunt communiter Patres: D. Iustinus quæst. 144. *Neque enim, ait, more nature creata est Deus, ut esse in ipsi, & habere in concretionem sive concreta intelligantur, sed ut natura extans, sic & esse ipsum, & habere omnem superant concretionem*. D. Cyrillus Alexandrinus lib. 1. Thef. cap. 8. *Non est aliud natura Dei, aliud ipse Deus, Simplex enim atque imcompositus est*. D. Greg. Naziazenus orat. 49. *Qua est, inquit, substantia Dei, nisi ipsum quod Deus, simplex, singulare, purum, nulla concretionem permixtum*. Et paulo post: *Ergo ipsum quod est, hoc erit substantia ejus rei, qua esse defenditur*.

Deinde probat S. D. ratione quæ in hunc modum deduci potest: In his quæ substantiali-

ter completa sunt in genere substantiæ, aut sunt primæ substantiæ ac particulates, sive supposita, si non sunt composita ex materia & forma, non differt suppositum & natura, (videlicet secundum principia propria individuantiæ de se determinativa principiorum essentialium speciei:) sed Deus est substantia prima, seu particularis non composita ex materia & forma, ut supra ostensum est: ergo in eo realiter non differunt suppositum & natura, seu Deus, & Deitas. Prob. maj. suppositum à natura intrinsecè differre nequit sicut alia res: ergo solum ab ea differre potest sicut eadem res à seipsa habente aliquid præter rationem speciei, quod sit per se, ac proprium determinativum principiorum essentialium, sive naturæ speciei: sed in substantiis spiritualibus, atque in compositis ex materia & forma non est aliquod accidens præter rationem speciei, quod sit per se, propriumque determinativum illius in ratione suppositi, ac per se subsistentis: ergo in substantiis spiritualibus, & incompositis ex materia & forma non differunt realiter natura & suppositum, nimirum per principia propria distinctionis numericæ.

12. Major patet: essentia enim seu natura uniuscujusque rei est id quod significat definitio ejus: sed definitio est idem realiter cum definito, seu re habente naturam, dicitur enim ad convertentiam de definito: ergo si ab eo debet distinguui, oportet quod sit per aliquid, quod non sit de ratione & definitione naturæ, sed accidat ipsi definito inquantum diffinitum est: nihil enim ab alio differt secundum quod est idem illi: ergo si suppositum est idem naturæ realiter,

*Art. III. An sit idem nat. & eff. Cap. II. 45*

ter, in eo quod naturam habet, in eo quod naturam habet, differre minimè potest; sed differre debet per aliquid quod sit extra rationem naturæ speciei; v. g. homo est idem realiter naturæ hominis, quæ est animal rationale, & ex solo modo significandi differt: unde nunquam dicitur homo differre à natura hominis per animal rationale, sed per aliquid quod sit præter rationem ejus. Minor verò prob. substantiæ spirituales, non compositæ ex materia & forma, sed per se subsistentes, secundum propriam formam & quidditatem sunt substantiæ individuæ in rationali natura: ergo supposita: ergo esse suppositum non est præter quidditatem earum. Antecedens prob. quia non habent per quid dividantur materialiter, seu numericè: ergo per se sunt individuæ. Sed de his alibi diffusè.

Arg. 1. Nihil est in seipso; sed natura vel essentia Dei, quæ est deitas, dicitur esse in Deo: ergo videtur quod Deus non sit idem quod sua natura, vel essentia. Resp. ex S. D. distinguendo minorem, natura, vel essentia Dei, quæ est deitas, dicitur esse in Deo, quantum ad modum significandi, & prout est in acceptione intellectus nostri, concedo: quantum ad rem significatam, seu in re, nego. Quia enim de rebus simplicibus loqui non possumus nisi per modum compositorum, à quibus cognitionem accipimus: ideo de Deo loquentes utimur nominibus concretis, ut significemus ejus subsistentiam, quia apud nos non subsistunt nisi composita: Et utimur nominibus abstractis, ut significemus ejus simplicitatem. Quod ergo dicitur deitas, vel vita esse in Deo, referendum est ad diversitatem quæ est in acceptione intellectus

I 3.

452 *Quaest. III. De Simplicitate Dei*,  
intellectus nostri, & non ad aliquam diversita-  
tem rei.

14. Arg. 2. effectus assimilatur suae causae, quia  
omne agens agit sibi simile: sed in rebus crea-  
tis non est idem suppositum quod sua natura,  
non enim est idem homo quod sua humanitas:  
ergo nec Deus est idem quod sua deitas. Resp.  
S. D. quod effectus Dei imitantur ipsum, non  
quidem perfecte, sed secundum quod possunt:  
& hoc ad defectum imitationis pertinet, quod  
id quod est simplex & unum, non potest reprae-  
sentari nisi per multa; & sic accidit in eis com-  
positio, ex qua provenit, quod in eis non est  
idem suppositum quod natura.

¶ ¶ ¶ ¶ ¶ ¶ ¶ ¶ ¶ ¶ ¶ ¶ ¶ ¶ ¶ ¶ ¶ ¶ ¶ ¶

## ARTICVLVS QVARTVS.

*Verum in Deo sit idem essentia quod esse?*

I.  
De pot.  
q 7. art.  
2.



ESSENTIA dicitur id cuius actus est  
esse. Nam cum duplex sit actus for-  
mae, scil. esse, & operatio, essentia  
proprie secundum quod essentia est,  
dicitur per ordinem ad actum, qui est esse; me-  
diis autem potentiis, quae in ea radican-  
tur, dicit ordinem ad actum, qui est operatio. Sermo  
igitur est de esse, prout est actus essentiae quod  
solet dici existentia, praedicaturque ut secundum  
adjacens, dicendo, res est, seu existit; non ve-  
ro sumitur *esse*, prout significat compositionem  
enunciationis; sic enim verificatur tam de his  
quae actu sunt, quam de illis quae actum essen-  
di non habent. Vnde sensus est, utrum Deitas  
sit idem realiter formaliter cum esse, & ex solo  
modo



*Art. IV. An in Deo sit idem eff. quod esse.* 453  
modo significandi distinguantur ; cum esse , in-  
quam simpliciter , & absolutè dicto.

Conclusio D. Thomæ est ; Deus non solum 2.  
est sua essentia , sed etiam est suum esse. Hanc 1. cont.  
sublimem veritatem Moyses à Domino edoctus 1. cont.  
est , qui cum ab eo quæreret *Exod. 3.* dicens ; *Si* 1. cont.  
*dixerint filij Israël , quod est nomen ejus , quid di-* 1. cont.  
*cam eis ?* Dominus respondit. *Ego sum qui sum ,* 1. cont.  
*ait ; sic dices ad filios Israël , Qui est misit me ad* 1. cont.  
*vos ;* Sed quodlibet nomen est institutum ad si-  
gnificandum naturam , seu essentiam alicujus  
rei : ergo ipsum divinum esse est sua essentia ,  
vel natura. Hanc etiam veritatem Catholici Do-  
ctores professi sunt ; ait enim D. Hilarius lib. 6.  
de Trinit. *Esse non est accidens in Deo , sed sub-*  
*sistens veritas ;* id ergo quod subsistit in Deo est  
suum esse.

Prima ratio D. Thom. est : Deus est simpli- 3.  
citer prima causa efficiens : sed primæ causæ 3.  
efficienti repugnat , quod non sit suum esse : Hic, & 1.  
ergo Deus est suum esse. Prob. minor : quidquid 1. cont. gēt.  
habet esse , & non est ipsum esse , acquirere de- c. 22. rat.  
bet esse ab alia causa efficiendi : Sed prima cau- 3.  
sa habet esse : ergo si non est suum esse , oportet  
ut illud esse ab alia causa efficiendi acquirat , &  
sit causatum. Prob. major : quidquid convenit  
alicui , quod est præter essentiam ejus , oportet  
esse causatum , vel à principiis essentia , ( sicut  
accidentia propria consequentia speciem , v. g.  
risibile consequitur hominem , & causatur ex  
principiis essentialibus speciei ) vel ab aliqua  
causa extrinseca , atque principio efficiendi ex-  
teriori ; sicut calor in aqua causatur ab igne :  
sed impossibile est quod ipsum esse sit tantum-  
modo causatum ex principiis essentialibus rei ,  
seu

seu speciei : igitur quidquid habet esse, & non est ipsum esse, accipere debet esse ab aliqua alia causa efficiendi, seu ab alio principio exteriori. Major patet, quia causa dans esse, est efficiens, sive propriè & per verum influxum, ut generans dat esse genito : sive impropriè & per metaphoricum influxum, sicut essentia dicitur proprietates causare, quia ad esse illius naturaliter consequuntur, ac resultant. Minor verò probatur, impossibile est quod aliquid sibi sit causa essendi simpliciter ; esto possit sibi esse causa essendi secundum aliquod esse accidentale, quod est esse secundum quid : sed si ipsum esse simpliciter esset tantummodo causatum ex principiis essentialibus rei, esset sibi causa essendi simpliciter : igitur impossibile est quod ipsum esse sit tantummodo causatum ex principiis essentialibus rei. Prob. major : prius est secundum intellectum saltem, causam effectivam esse, quam effectum, quia in tantum aliquid agit inquantum est actu : sed si aliquid esset sibi causa essendi, intelligeretur esse antequam haberet esse : ergo impossibile est quod aliquid sit sibi causa essendi simpliciter.

4. Secunda ratio D. Thom. in hunc modum deducitur : omnis actus qui est circa ultimum  
 Ibid. & opusc. 2. actum, est in potentia ad illum : sed ultima  
 c. 11. & actualitas, sive ultimus actus omnis rei est ipsum  
 31. esse, nulla enim natura vel forma est actu, nisi  
 inquantum est, vel significatur esse : ergo oportet ut essentia ejus, quæ est ut primus actus, vel sit ipsum esse & ultima actualitas ; vel sit potentia ad esse : sed in Deo repugnat potentialitas : ergo Deus est suum esse. Prob. maj. in ordine potentiarum & actuum, quod est prius,  
 nimirum

*Art. I. An in Deo sit idem eff. quod esse. 455*  
nimirum viâ generationis & compositionis, & potentiale respectu sequentis, & ultimum est completivum illius in uno & eodem : sed omnis actus qui est circa ultimum actum, viâ generationis præcedit illum, vt patet : ergo omnis actus, qui est circa ultimum actum est potentia ad illum.

Tertia ratio D. Thom. est : Deus est primum ens simpliciter : sed necessum est, ut primum ens sit suum esse : ergo Deus est suum esse. Minor prob. quod est per participationem alicujus, seu esse ab alio participat, nequit esse primum ens : sed id quod non est suum esse, oportet ut ab alio esse participet : ergo necessum est ut primum ens simpliciter sit suum esse. Major patet, quia id quo aliquid participat, ad hoc ut sit, prius est eo quod ipsum participat, sicut ignis prius est ignito, quod participat ignem. Minor verò prob. omnis res est, per id quod habet esse : sed quod est, & non per essentiam suam, est per participationem : ergo id quod est, & non est suum esse, seu ens per essentiam, oportet ut ab alio participet esse, sive sit ens per participationem. Minor hoc exemplo declaratur : quod habet ignem, & non est ignis, est ignitum per participationem ejus quod essentialiter est ignis ; v. g. ferrum candens habet ignem, & essentialiter non est ignis, quia non habet formam substantialem ejus, sed ferri speciem : unde ferrum dicitur ignitum per participationem : ergo similiter illud quod est, & non est per essentiam ejus, est ens per participationem. Hanc rationem insinuat D. Hieronymus citatus in Glossa exodi 3. dicens : *Nunquid*

5.

456 *Quest. III. De Simplicitate Dei,*  
*quid solus Deus erat, & cetera non erant? Vtique*  
*erant Angeli, Cælum, terra, & ipse Moyses,*  
*& Egyptii, sed commune nomen substantia pro-*  
*prium sibi vendicat, quia cetera ut sint, Dei sum-*  
*pserunt beneficio. Deus verò, qui semper est, nec*  
*habet aliunde principium, & ipse sui origo est,*  
*suaque causa substantia, non potest intelligi aliun-*  
*de habere quod subsistit. Nam in igne aliud est ca-*  
*lidum, aliud calefactum.*

6. Circa hanc rationem advertendum est ex  
 1. metaph. S. D. quod aliquid dicitur participare aliud, in-  
 lect. 10. quantum totaliter non est ipsum ( dicitur nam-  
 & quodl. que participare quasi partem capere : ) Etenim  
 2. q. 2. a. si totaliter esset illud, seu secundum se totum,  
 1. jam esset idem per essentiam, & non per parti-  
 cipationem : Sicut ignis non est per essentiam  
 calor, sed ipsum participat, quia non est secun-  
 dum se totum calor, sed aliquid aliud præter  
 essentiam & formam caloris, nempe totum  
 quoddam substantiale, cui calor ipse convenit.  
 Quod autem unum non sit idem alteri totali-  
 ter, seu secundum se totum, sed illi accidat,  
 dupliciter contingit : primò realiter, secundum  
 quod nimirum addit aliquid realiter ei : Sicut  
 corpus album realiter non est idem totaliter  
 corpori quod albedinem participat, quia ad  
 corpus addit albedinem, quæ est realis quædam  
 perfectio ipsius corporis. Et quod sic participa-  
 tur debet esse realiter extra essentiam, & quid-  
 ditatem ejus, cui convenit, sive sit accidens  
 prædicamentale, sive prædicabile. Secundò per  
 intellectum, inquantum videlicet realiter & se-  
 cundum naturam est idem ipsi seu eadem res ;  
 attamen addit secundum rationem aliquid  
 quod intelligitur actu non esse de ratione ejus,  
 sed

*Art. IV. An in Deo sit idem eff. quod esse. 457*

sed determinat ipsum, licet potentia formali indeterminata sit in eo; quo pacto rationale addit animali in homine, & sic homo dicitur participare animal, licet substantialiter sint eadem res. Primo modo essentia, seu id quod est dicitur participare ipsum esse, nimirum ut aliquid realiter existens præter essentiam ejus, non quidem per modum quo accidens est extra essentiam subjecti cui inhæret, sed eo modo quo actus est extra essentiam ejus, quod est potentia ad ipsum, seu ab eo realiter perfectibile. Et Deus dicitur esse ens per essentiam, quia omnimodè essentia divina realiter est suum esse, secundum se totum, licet ex modo significandi, & concipiendi distinguantur, & concipiantur unum ut non totaliter aliud. Videnda sunt quæ diximus *tomo 6. clyp. philos. quæst. 3. præcipue art. 5.*

Arg. 1. Si in Deo realiter esset idem essentia & esse, maximè quia ad esse divinum nihil additur, sed est omnino simplex: sed hoc non: ergo in Deo non est idem realiter essentia & esse. Prob. minor: esse cui nulla fit additio est esse universalissimum & commune, quod de omnibus prædicatur, & in omnibus rebus imbibitur: sed Deus non est ens commune prædicabile de omnibus: ergo non est esse cui nulla fit additio. Prob. minor, quia hoc nomen Deus est incommunicabile, secundum illud Sapientis 14. *Incommunicabile nomen lignis, & lapidibus imposuerunt*: hoc est, nomen Deitatis, lapides & Deos nominantes: nomen autem incommunicabile naturam incommunicabilem significat.

Resp. S. D. quod dupliciter intelligitur alii  
cui

7.

8.

cui non fieri additionem: primo, itaut de ratione ejus sit quod non fiat, vel fieri possit additio; sicut dicimus esse de ratione animalis irrationalis ut sit sine ratione, quia nullatenus fieri potest ut ei addatur per quod rationale fiat: secundò intelligitur alicui non fieri additionem, quia non est de ratione ejus quod ipsi fiat additio; sicut animal commune est sive ratione, quia non est de ratione ipsius ut habeat rationem; sed nec de ratione ejus est, ut careat ratione. Primò igitur modo esse sine additione est esse divinum, quod est summè perfectum: secundò modo esse sine additione est esse commune, de cujus ratione non est ut ei fiat additio, cum non sit de ratione ejus quod sit substantia vel accidens, sed indifferens ad utrumque & communicabile.

9. Arg. 2. de eodem non possumus scire, & ignorare: sed de Deo possumus scire an sit, cum possit demonstrari Deum esse, nescimus autem quid sit: ergo non est idem esse Dei, & quodquid est ejus; seu natura vel quidditas est esse ejus.

10. Resp. S. D. quod esse dupliciter dicitur; uno modo significat actum essendi; alio modo significat compositionem propositionis, quam anima adinvenit conjungens prædicatum subjecto. Primò modo accipiendo esse est ipsa Dei natura & essentia, & sicut non possumus scire essentiam, ita nec esse hoc modo sumptum; quia hoc modo non scitur de aliqua re an sit, nisi sciatur quid nomen significat, Dei autem non est aliquod nomen, quod perfectè ipsum exprimat, cum sit ineffabilis; sed tantummodo imperfectè ipsum adumbrare potest, ex effectibus creatis

*Art.V. An Deus sit in aliquo gen. Cap.I. 459*  
creatis ad ipsum nominandum deveniendo. Se-  
cundò autem modo scimus Deum esse, id est,  
scimus quod hæc propositio, quam formamus  
de Deo, cum dicimus, *Deus est*, vera est: &  
hoc scimus ex ejus effectibus, ut dictum est.

\*\*\*

## ARTICVLVS QVINTVS.

*Vtrum Deus sit in aliquo genere.*

---

### CAPVT PRIMVM.

*Statuitur conclusio, & probatur ex PP.*



**N**OTAT S. D. in corp. quod aliquid est  
in genere dupliciter; uno modo sim-  
pliciter & propriè, sicut species, quæ  
sub genere continentur; alio modo  
per reductionem, sicut principia & privationes;  
v. g. punctus & unitas ad genus quantitatis re-  
ducuntur sicut principia; cæcitas autem, & om-  
nis privatio reducitur ad principium sui generis.

1.

Prima conclusio: Deus non continetur in  
aliquo genere propriè, & sicut species alicujus  
generis (ac subinde neque ut individuum, quia  
omne individuum participat speciem aliquam  
ejus generis sub quo est; multò minus ut ge-  
nus, cum genus sit quid potentiale & imperfe-  
ctum, de multisque specie differentibus prædi-  
cabile, quod divinæ essentiae unitati perfectis-  
simæ repugnat.) Huic D. Thomæ assertioni,  
quæ apud Theologos communior est, suffraga-  
gantur Patres. Et imprimis D. Dionysius cap. 1.

2.

*Tom. I.*

F f

460 *Quaest. III. De Simplicitate Dei,*  
*de divin. nom. ubi ait : Deum esse supra substan-*  
*tiam. D. Clemens Alex. lib. 11. thes. cap. 1. Quid-*  
*quid, ait, ita dicitur de alio, ut quid sit essen-*  
*tialiter significet, vel sicut genus, vel sicut spe-*  
*cies, vel sicut differentia, vel sicut definitio, de*  
*ipso predicatur. Horum enim quatuor solummodo*  
*aliquid interrogationi quid est, verè accomoda-*  
*tur. Ingenitum autem nec ut genus, nec ut species*  
*dici de Deo potest. Genus enim & species, alterum*  
*specie, alterum numero de multis dicuntur: in-*  
*genitum verò de solo Deo dicitur. Sed nec ut de-*  
*finitio de Deo ingentum predicatur; tunc quia*  
*definitio non vocabulum unum, sed oratio est;*  
*tum quia privativa nomina non quid est; sed quid*  
*non est significant: Relinquitur ergo, si neque ut*  
*genus, neque ut species, neque ut sicut substan-*  
*tialis differentia predicetur. Quod etiam falsum*  
*est. Videmus enim substantialem differentiam in*  
*compositis solum inveniri, Deus verò simplicissi-*  
*mus est. Insuper D. Gregorius Nazianz. orat. 34.*  
*Fieri, inquit, omnino non potest quin circumscri-*  
*tus sit Deus, si animo & cogitatione comprehendi*  
*potest, unum quippe circumscriptionis genus cir-*  
*cumscriptio quoque ipsa est. Quod si in genere*  
*ponitur, quomodo animo & cogitatione non*  
*comprehenditur, cum genus quodlibet determi-*  
*natain fortiatur rationem?*

3. Præterea D. August. lib. 5. de Trinitate, in  
 nullo genere accidentium Deum concludi osten-  
 dit ( quod nullus negat, & nos infra art. 6. osten-  
 demus. ) De genere autem substantiæ loquens  
 lib. 7. cap. 4. ita habet; *Res verò mutabiles neque*  
*simplices propriè dicuntur substantia. Deus autem*  
*si subsistit, ut substantia propriè dici possit, in eo*  
*inest aliquid tanquam in subiecto, & non est sim-*  
*plex,*



*Art. V. An Deus sit in aliquo genere, Cap. I. 461*  
plex, cui hoc sit esse, quod illi est; & quidquid  
aliud de illo ad illum dicitur, sicut magnus, om-  
nipotens, bonus, & si quid hujusmodi de Deo non  
incongruè dicitur. Nefas est a tem dicere ut sub-  
sistat, & subsistat Deus bonitatis suæ atque illa bo-  
nitas non substantia sit vel potius essentia, neque  
ipse Deus sit bonitas suæ, sed in illo sit tan-  
quam in subiecto, Vnde manifestum est Deum abusive  
substantiam vocari. Quod si dicatur eam à Deo  
substantiam duntaxat excludi, quæ habet acci-  
dentibus subistere, nihil retulerit; cum subistere  
accidentibus sit aut essentia, vel proprietas il-  
lius substantiæ, quam Philosophi agnoverunt  
genus speciale prædicamenti, & à substantiando  
accidentibus nomen traxit, ut omnes fatentur.  
Si ulterius recurratur ad substantiam quandam  
abstrahentem à creatâ, & increatâ, quæ sit ge-  
nus hujus prædicamenti; non majus pondus  
habet; quia illa immediatè debet respicere  
Deum ut speciem quandam, & ut quid prius  
Deo ex parte rei objectæ, quod statim osten-  
demus inconueniens, & absurdum esse. Tan-  
dem D. Anselmus in *Monologio* c. 25. ita habet;  
*Sed si ratum est, quod de hujus natura simplicitate*  
*perspectum est, quomodo substantia est? Nam*  
*cum omnis substantia admixtionis differentiarum,*  
*vel mutationis accidentium sit susceptibilis; hu-*  
*jusmodi immutabilis sinceritas omnimodè admix-*  
*tionis, siue mutationis est inaccessibilis: quomodo*  
*ergo obtinebitur eam esse quamlibet substantiam;*  
*nisi dicatur substantia pro essentia, & sic sit ex-*  
*tra, sicut est supra omnem substantiam? Et statim*  
*cap. 26. Constat igitur, quia illa substantia nul-*  
*lo communi tractatu substantiarum excluditur, à*  
*cujus essentiali comminatione omnis natura exclu-*

462 *Quaest. III. De Simplicitate Dei,*  
dicitur. Nempe cum omnis substantia tractetur, aut  
esse universalis, qua pluribus substantiis essentialiter  
communis est, ut hominem esse commune est  
singulis hominibus; aut esse individua, qua universalem  
essentiam communem habet cum aliis, quemadmodum singuli homines commune habent  
cum singulis ut homines sint, quomodo aliquis  
summam naturam in aliarum substantiarum tractatu  
contineri intelligit, qua nec in plures substantias se dividit,  
nec cum aliqua alia per essentialem communionem se colligit.

---

## C A P V T II.

*Probatur conclusio rationibus D. Thomae.*

4. **P**ROBAT eam in sed contra D. Thomas, hoc pacto: genus secundum intellectum, ex parte rei objectæ, quæ denominatur genus, est prius eo quod in genere continetur: sed Deo nihil est prius, neque secundum rem, neque secundum intellectum ex parte rei objectæ: ergo nullatenus Deus in aliquo genere esse potest. Major patet, nam illud dicitur naturâ prius, à quo non valet subsistendi consequentia; non valet autem à genere ad species vel individua, quæ sub eo continentur. Minor verò prob. illud quod admittitur Deo prius secundum intellectum debet se habere quodammodo in ratione principij & causæ ipsius; sed impossibile est, etiam secundum intellectum, poni aliquid quod sit habeat ex parte rei cognitæ ut principium & causa ipsius Dei, quia de ratione ejus est absque principio esse; sicut impossibile est concipere bovem  
bovem

*Art.V. An Deus sit in aliquo gen. Cap. II. 46* ;  
 bovem absque defectu rationis , quia iste defectus est de ratione essentiali ipsius : ergo nihil potest poni prius , etiam secundum intellectum ex parte rei objectæ , ipso Deo. Prob. maj. quia intelligitur ut prius ordine generationis, vel ordine perfectionis: si ordine generationis est prius secundum potentiam , & causam materiale : si ordine perfectionis est prius secundum actum, & in ratione dandi esse : ergo illud quod admittitur esse Deo prius secundum intellectum, ex parte rei objectæ debet esse prius ordine perfectionis , & ut actus , vel principium dans esse : vel ordine generationis , & ut potentia , atque secundum modum causæ materialis. Quo pacto genus dicitur natura prius speciebus , & quodammodo causa, ac principium earum. Dixi ex parte rei cognitæ , seu objectæ Deo nihil esse prius secundum intellectum , nam ex parte modi cognoscendi aliquid concipimus prius, nimirum effectus creatos : sed ut sit genus ; vel species debet esse prius ex parte rei cognitæ ; genus quidem est prius specie via generationis ; sed species ordine perfectionis præcedit.

. Deinde probat S. D. *in corp.* triplici ratione, 5.  
 quarum prima est : illud quod in aliquo genere Dist. 8. q.  
 ut species constituitur , debet ex differentia & 4. art. 2.  
 genere componi : sed hoc repugnat Deo : ergo ei etiam repugnat in genere per se collocari sicut speciem sub genere. Maj. patet, quia omnis species ex genere & differentia constituitur. Prob. minor , impossibile est quod in Deo fiat aliqua additio unius ad alterum per modum quo actus potentiæ additur : sed species fit per additionem differentię ad genus per modum

quo actus potentiaë additur: ergo omnino repugnat Deo compositio ex genere & differentia. Major patet, quia Deus est purissimus, ac simplicissimus actus: ex eo quod purissimus actus excludit omnem potentialitatis rationem: ex eo autem quod est actus simplicissimus omnem additionem excludit: quia de ratione simplicissimi est, quod nulla omnino fiat ipsi additio; nam omnis additio compositionem quandam importat.

6. Minorem probat S. D. nam animal sumitur à natura sensitiva per modum concretionis: hoc enim dicitur animal, quod naturam sensitivam habet; rationale verò sumitur à natura intellectiva, quia rationale est, quod naturam intellectivam habet: sed intellectivum comparatur ad sensitivum sicut perfectum ad imperfectum in linea vitæ, vel sicut actus ad potentiam; quia sensitivum potentia est rationale, & habet determinari per ipsum: ergo species fit per additionem differentiaë ad genus per modum quo actus additur ad potentiam, saltem ex parte ejus, unde sumitur differentia, & illius à quo sumitur genus. Ad plenioris rationis intelligentiam vide quæ diximus tomo 1. clypei philos. part. 2. q. 6. art. 4. ubi fusè ostendimus quomodo gradus genericus se habeat ut quid potentiale, & determinabile per differentiam.

7. Resp. aliqui, quod licet potentialitas in re Deo repugnet, non tamen compositio ex genere & differentia, quæ tantum rationis est, nullam potentialitatem in re includens, sed solum Logicè, & ex modo concipiendi; quatenus scilicet conceptus genericus per modum determinabilis,

*Art.V. An Deus sit in aliq.gen.Cap.11.465*

nabilis, & perfectibilis concipitur, ac significatur; differentia verò per modum determinantis atque perficientis exprimitur, licet ab eadem simplici forma in re proveniant, præsertim in substantiis immaterialibus, ut sumitur ex S. D. 1. p. q.50. art.2. ad 1. Vbi notat D. Cajetanus D. Thomam non ex parte rei, sed solius considerationis nostræ genus à differentia in Angelis distinguere. Cum ergo non implicet ex parte considerationis nostræ rationem intellectualitatis purissimæ, quæ est veluti differentia constitutiva ipsius divinæ naturæ, distinguere, nihil obstat quominus Deus ex genere & differentia constitui, ac subinde in genere collocari dicatur.

Sed contra est: quia licet in substantiis immaterialibus realiter ab eadem forma sumantur genus & differentia, non tamen secundum eandem rationem, nam in eis desumitur genus prout forma illa habet quodammodo accedere ad non esse, seu recedere ab esse actuali; differentia verò sumitur ab eadem prout ad actualitatem essendi accedit, & imitatur Deum in perfectione essendi secundum suam formalem speciem; sed in Deo nullatenus concipi potest aliqua ratio formæ accedentis quodammodo ad non esse, & recedentis à perfectissima essendi actualitate, cum sit suum esse, & actus purissimus: ergo neque in ipso poterit cum fundamento in re concipi aliqua ratio generis, cui intelligatur addere aliqua differentia, per majorem accessum ad actualitatem essendi. Plura diximus tom.2. clypei Philos. quæst.4. art.3. §.1. vide ibi.

Secundò probat sic: Si Deus in aliquo gene-

8.

D. Tho-  
mas de  
ente &  
essen.c.  
6.

9.

Hic, & in  
1. dist. 8.  
q. 4. a. 2.

466 *Quaest. III. De Simplicitate Dei,*

re collocaretur, tale genus non posset esse nisi  
ens : sed ens ex Philolopho 3. *metaph. text. 10.*  
nequit esse genus : ergo nullatenus in genere  
Deus constitui potest. Maj. prob. omne genus  
debet ipsius rei essentiam significare, cum præ-  
dicetur in quid ; sed nullum prædicatum præ-  
ter ens potest quidditatem & essentiam Dei si-  
gnificare : igitur si Deus in aliquo genere col-  
locaretur, tale genus non posset esse nisi ens.  
Prob. min. essentia Dei est formaliter & quid-  
ditativè ipsum esse simpliciter & illimitatum  
præhabens in se omnes perfectiones eminenter,  
id est, cum plenitudine absque defectu, cum  
unitate absque compositione & universalitate ;  
sed nullum genus sub ente contentum est essen-  
tialiter & quidditativè hujusmodi esse : ergo  
nullum prædicatum præter ens, potest quiddi-  
tatem & essentiam Dei significare. Major ex  
dictis patet, & ulteriùs manifestabitur *quæst. seq.*  
*art. 2.* eamque insinuat D. Bernardus lib. 5. de  
confid. cap. 6. dicens : *Si bonum, si magnum, si*  
*beatum, si sapientem, vel quidquid tale de Deo*  
*dixeris, in hoc verbo instauratur, quod est, est.*  
*Nempe hoc est ei quod omnia esse. Si & centum*  
*talia addas, non recessisti ab esse : Quid item*  
*Deus? Sine quo nihil est. Tam nihil esse sine ipso,*  
*quam nec ipse sine se potest. Ipse sibi ipse omnibus*  
*est. Ac per hoc quodammodo solus est ipse, qui*  
*suum ipsius est, & omnium esse...* *Quid est Deus?*  
*Ex quo omnia, per quem omnia, in quo omnia :*  
*non quasi in loco, sed quasi in virtute.* Minor verò  
prob. quia quodlibet genus sub ente conten-  
tum est pars subjectiva entis, & quodammodo  
potestatem, & ambitum ejus contrahit, ut pa-  
tet in omnibus generibus; unde substantia non  
continet

*Art.V. An Deus sit in aliq.gen. Cap.II.467*  
 continet in se essentiam , seu esse quantitatis,  
 vel è contra : ergo non continet illimitatè om-  
 ne esse. Primam minorem etiam probat D.Tho-  
 mas : omne genus differentias habet , quæ ex-  
 tra essentiam illius sunt : sed nulla differentia  
 posset inveniri , quæ esset extra ens , cum ens  
 in omnibus rerum differentiis intrinsecè in-  
 cludatur , quia non entis non potest esse diffe-  
 rentia : ergo ens nequit esse genus. Vide quæ  
 diximus.

Tertiò probat sic : Omne , quod est in gene-  
 re , habet quidditatem , seu essentiam differen-  
 tem ab esse , ( nimirum actualis existentiae ) ita  
 ut esse accidat illi : sed in Deo esse suum est sua  
 quidditas & essentia , itaut esse nullo modo  
 possit ei accidere : ergo Deus in genere non po-  
 nitur ut species ejus. Minor ex dictis pater,  
 nam aliter esse accideret quidditati Dei , & ita  
 esset sibi acquisitum ab alio , & non haberet  
 esse per essentiam suam. Major verò prob. illi  
 quidditati , secundum hoc quod in genere col-  
 locatur , non debetur esse in actu secundum se,  
 sed tantummodo ex hoc quod est suscepta in  
 hoc , & in illo , quod est præter rationem ejus,  
 & ei accidit ; v. g. humanitati, ex hoc quod est  
 humanitas , non debetur esse in actu : potest  
 enim cogitari humanitas , & tamen ignorari, an  
 aliquis homo sit , vel existat actu : quod se-  
 cus se haberet, si esse actu de ratione illius esset,  
 cum nihil concipi queat sine eo quod est de  
 ratione essentiali ipsius : igitur omne quod est  
 in genere habet quidditatem differentem ab  
 esse.

IO.  
 1. dist. 8.  
 9.4. art.  
 2.

## CAPUT III.

*Solvuntur argumenta contraria.*

11. **A** Rg. 1. Omne quod est, vel est substantia, vel accidens : sed Deus non est accidens : ergo est substantia. Cum igitur substantia prædicetur de ipso sicut prædicatum substantiale, & non conversim, quia non omnis substantia est Deus, videtur quod de ipso prædicetur sicut genus, & ita Deus est in genere substantiæ. Conf. substantia est, quæ non est in subiecto sed ens per se : sed hoc Deo maxime competit : ergo est in genere substantiæ. Conf. 2. Vnumquodque mensuratur per aliquod sui generis, sed Deus est mensura omnium substantiarum, ut patet per Comment. 10. *metaph.* ergo Deus est in genere substantiæ.

12. **R**esp. S. D. *ibid.* quod Deus simpliciter non est accidens, nec tamen omnino propriè potest dici substantia : tum quia nomen substantiæ dicitur à substando : tum quia substantia quidditatem nominat, quæ est aliud ab esse ipsius. Vnde ista divisio entis in substantiam & accidens, est divisio entis creati. Potest tamen Deus largo modo substantia dici, quatenus omne illud dicitur substantia, quod non est accidens, intelligendo per nomen substantiæ aliquod eminentissimum per se, quod intelligitur esse supra omnem substantiam creatam, continens tamen omne illud, quod in substantia perfectionis reperitur, absque imperfectionum fæce. Et tunc de solo Deo substantia prædicabitur,

1. diff. 8.  
q. 4 a. 2.  
ad 1.  
& hîc.



cabitur , unde magis erit prædicatum proprium , quam genericum. Quapropter non dicitur substantia de Deo , & creaturis univocè , sed analogicè , propter diversum modum prædicandi. Et hæc potest esse alia ratio , quare Deus non est in aliquo genere , quia scil. nihil de ipso & aliis univocè prædicatur.

Resp. ad 1. conf. S. D. *loc. cit.* quod substantiæ nomen , prout est genus , non dicit solum per se esse , sed naturam & essentiam cui competit sic esse , id est , per se esse , itaut esse non sit essentia ipsa , sed accadat quodammodo illi : quod quidem esse Deo respectu essentiæ illius non convenit , cum essentia Dei formaliter sit suum esse. Resp. ad 2. Conf. ex eodem S. D. *locis cit.* quod Deus dicitur mensura omnium substantiarum non sicut mensura homogenea , & ejusdem rationis ; sed tanquam id quod est perfectissimum & simplicissimum omnium substantiarum ? Vnde non oportet , quod sit in genere substantiæ sicut contentum sub illo , quasi pars subjectiva univocè conveniens cum aliis substantiis ; sed sicut principium in se omnem illius generis perfectionem habens , & non modò illius , sed & omnium generum ad nullum illorum determinatur.

Arg. 2. Deo non repugnat distinctio rationis : ergo neque compositio ex genere & differentia ; ac subinde neque repugnat quod in prædicamento sicut species collocetur. Antec. patet , nam hæc reperitur inter attributa , & essentiam. Conseq. prob. quia omnis distinctio aliquam compositionem supponit. Conf. non repugnat concipere aliquid in Deo per modum potentiæ & actus , seu perfectibilis , & perfectientis:

13.

14.

470 *Quaest. III. De Simplicitate Dei,*  
 cientis : sic enim intellectus concipitur ut po-  
 tentia ad intelligere , & voluntas ut actus pri-  
 mus ad velle ut actum secundum : igitur neque  
 repugnat compositio ex genere & differentia, ex  
 eo quod genus se habeat ut aliquid perfectibile  
 per differentiam.

15. Resp. quod in Deo equidem non repugnat  
 distinctio rationis, bene verò compositio ex ge-  
 nere, & differentia; quia hæc necessariò ex par-  
 te objecti potentialitatem aliquam inducit, ac  
 subindè intrinsecè imperfectionem involvit.  
 Secus verò distinctio rationis, quæ ex parte ob-  
 jecti summam simplicitatem cum plenitudine  
 essendi plurium rationum unitivè, & absque  
 imperfectione includit, & solum effectivè, &  
 ex parte concipientis plures rationes involvit,  
 ut diximus ex D. Thoma in 1. dist. 2. q. 1. art. 3.

16. Resp. ad conf. quod ex parte rei significatæ  
 nihil potest concipi ut perfectibile, quia ille  
 actus primus ex parte rei essentialiter est con-  
 junctus cum actu secundo; licet ex modo signi-  
 ficandi id exprimere non valeamus, ut dictum  
 est. Sumitur ex D. Thom. 1. d. 23. art. 1. c. *In*  
*divinis cum Deus sit actus purus non permixtus*  
*potentia, non est aliquid in eo significabile per mo-*  
*dum potentia non conjunctæ actui, & actus ut di-*  
*stinguibile, & distinctum.*

## ARTICVLVS SEXTVS.

*Utrum in Deo sint aliqua accidentia?*

**C**ONCLUSIO : in Deo nequit aliquod accidens esse. Contrarium opinati sunt quidam aliqui Philosophi sentientes in Deo quædam accidentia, seu intentiones reperiri, id est formas quasdam extra substantiam ejus inexistentes, ut refert D. Thomas 1. cont. gent. cap. 23. & Commentator lib. 12. metaphys. text. 39. Hæc tamen conclusio est de fide, & communis inter SS. Patres, & Theologos. Definita est expresse à D. Leone Pontifice epist. decret. q. 3. ad Torebium cap. 5. dicente : *Solus Deus nullius participationis est indigens : de quo quidquid dignè utrumque sentitur, non qualitas est, sed essentia. Immutabili enim nihil accidit nihil deperit : quia esse illi quod est, semper æternum, semper proprium ei est.* Idem definitum est in Concilio Lateranensi sub Innocentio III. ubi statutum est Deum esse omnino simplicem : quod enim accidentia fortitur, simplex omnino non est. Eandem asserunt D. Cyrillus Alexand. lib. 11. thes. cap. 1. scribens : *Accidens Deo nullum inesse potest. Perfecto enim ex seipso nihil potest accidere.* Et infra : *Sapienter, inquit, dicitur nihil accidere substantia Dei : quoniam in seipsa perfecta est.* S. Gregorius Nyssenus homil. 5. in Cantica : *Nihil est, inquit, quod circa ipsam (nimirum divinitatem) consideretur; non tempus, non locus, non figura, non quantitas, &c.* Insuper D. August. lib. 5. de Trin. cap. 4. *Nihil,*  
ait,

1.

472 *Quaest. III. De Simplicitate Dei,*  
ait, *accidens in Deo, quia nihil mutabile, aut*  
*amissibile.* Idem docet cap. 5. 15. & 16. Tandem  
idipsum docent, D. Basilius *epist. 141. ad Casar-*  
*rienses.* D. Athanasius *epist. ad Episcop. Africa.*  
Marius Victorinus *lib. 1. cont. Arrianos Nicetos*  
*in orat. 40.* D. Greg. Nazianz. & alii. Idem Phi-  
losophi non pauci naturali rationis ductu asse-  
quuti sunt.

2. Probat S. D. *in sed contra*: Omne accidens  
est in subiecto: sed Deus nequit esse subiectum,  
scil. inhæSIONIS: ergo in Deo non sunt acci-  
dentia. Minor prob. ex Boëtio *lib. de Trinit.* di-  
cente, quod forma simplex nequit esse subje-  
ctum: Deus autem est simplicissimus, ut *art.*  
*seq.* ostendetur. Circa quam rationem adverte,  
quod est sermo de forma simpliciter simplici,  
& quæ est suum esse: nam Angelus est forma  
simplex, & tamen in eo accidentia reperiuntur,  
quia Angelus non est suum esse. Etenim forma  
simplex, quæ est suum esse, nihil præter quid-  
ditatem suam habet, unde in ea idem esse oportet,  
esse, quam id quod est, quoquo modo. Quod  
insinuavit D. August. *lib. 6. de Trinit. cap. 6. & 7.*  
dicens: *Deus multipliciter quidem dicitur ma-*  
*gnus, bonus, sapiens, beatus, verus, & quidquid*  
*aliud non indignè dici videtur: Sed non est ibi*  
*aliud beatum esse, & aliud magnum, aut sapien-*  
*tem, aut verum, aut bonum esse, aut omnino ipsum*  
*esse.*

3. Deinde probat *in corp.* triplici ratione: Prima  
est: subiectum comparatur ad accidens quod  
illi convenit sicut potentia ad actum, & perfe-  
ctionem quandam: accidens enim quodammo-  
do subiectum in actu esse præstat, & perficit  
secundum quid, seu aliquod accidentale, v. g.  
sapientia

*Art. VI. An in Deo sint aliqua accident.* 473  
sapientia perficit ipsum, secundum hoc quod  
est esse sapiens: sed Deus est purissimus actus  
omnem à se potentialitatem removens: ergo in  
eo accidentia esse nequeunt.

Secunda ratio est: Ex Boëtio *lib. de hebdom.* 4.  
licer, id quod est, aliquid aliud possit adjunctum  
habere, tamen ipsum esse nihil aliud adjunctum  
habere potest; sicut id quod est homo potest  
habere aliquid aliud præter humanitatem; ta-  
men humanitas nihil præter essentiam hominis  
habet; & calidum potest aliquid aliud habere  
quam calorem, sed calor nihil omnino extra-  
neum ab essentia caloris admittit, quia consi-  
deratur secundum se; sed Deus per essentiam  
est ipsum esse suum: ergo nihil habet præter  
essentiam suam. Majorem declarat S. D. *opusc. 69.*  
animadvertens, hoc omnibus formis abstractè  
consideratis commune esse, ut nihil habeant in  
se, quod præter eorum sit essentiam & natu-  
ram, sive substantiam: significantur enim ut id  
quo aliquid est formaliter tale, sicut albedo est  
id quo aliquid est formaliter album; & huma-  
nitas est quâ homo formaliter est homo; sed  
nihil est formaliter album nisi per formam albi,  
seu id quod habet albedinis essentiam & natu-  
ram; & nihil est homo formaliter nisi huma-  
nitate: ergo ipsum esse abstractè consideratum  
nihil præter id quod per essentiam est ipsum esse,  
admittit; ac subinde nullum accidens, quia  
hoc est participans esse, & non per essentiam  
ipsum esse. Id quod est verò, seu concretum si-  
gnificatur ut ipsam formam habens; ex hoc au-  
tem quod aliquid habet aliquam naturam, non  
prohibetur aliquid aliud habere, quod ad ejus  
rationem non pertineat. Ex hoc enim quod  
homo

homo humanitatem habeat, non prohibetur quin habeat & aliam naturam, seu formam, puta sapientiam, albedinem, &c.

5. Tertia ratio est; accidens reale, quod est actus subjecti, nequit esse nisi duplex, nimirum commune, & proprium: sed neutrum horum Deo accidere potest: ergo in Deo accidentia esse non possunt. Prob. minor de accidenti communi; nam accidenti communi naturaliter prius est aliquid aliud: sed in Deo nihil potest esse quod realiter posterius sit, aut prius alio: ergo in Deo reperiri nequit aliquod accidens commune. Major patet, quia accidens commune est ens in alio & secundum quid, sed hoc prius est ens per se, cum sit causa ejus: ergo accidenti communi realiter aliquid est prius. Minor etiam est evidens, quia quidquid est in Deo, Deus est, cum sit omnino simplex atque suum esse; sed quidquid est Deus, est primum ens simpliciter: ergo in Deo nihil esse potest quod sit realiter altero posterius. De accidenti autem proprio prob. quia accidentia propria causantur ex principiis subjecti; sed nihil potest esse in Deo causatum: ergo nequeunt in eo aliqua accidentia propria reperiri.

6. Arg. 1. Sapientia, virtus, & hujusmodi Deo attribuuntur: sed hæc sunt accidentia in nobis: ergo etiam in Deo. Conseq. prob. quia quod est in uno substantia, in alio accidens esse nequit: substantia enim nulli est accidens, ut dicitur *in 1. physic. text. 27.* inde probatur, quod calor non sit forma substantialis ignis, quia in aliis est accidens: ergo si sapientia, virtus, & hujusmodi in nobis sunt accidentia, etiam Deo attributa erunt accidentia.

Resp.

Resp. ex S. D. hîc neg. conseq. ad prob. dist. 7.  
antec. quod est in uno substãtia, in alio accidens  
esse nequit, si in utroque secundum eandem ra-  
tionem univocam inveniatur, concedo; si ana-  
logicè, & per dependentiam unius ab alio in quo  
illud primò, & altissimo, seu altiori modo in-  
venitur, nego: quia illud participat deficienter,  
& non secundum eandem rationem; sicut esse  
hominem secundum se est substantia; sed in la-  
pide, vel ligno in quo est secundum quid, est  
accidens. Sapientia autem, virtus, &c. non sunt  
univocè & secundum eandem rationem in Deo  
& creaturis, sed in Deo altiori modo, ceu causa  
totius esse, in creaturis participativè, & deficienter,  
dependentè ab ipso.

Arg. 2. in quolibet genere est unum primum, 8.  
quod est illius generis veluti fons: sed multa  
sunt accidentium genera: ergo si illa formaliter  
non sint in Deo, erunt multa prima, quod est  
inconveniens.


Resp. ex S. D. dist. consequens, erunt multa 9.  
prima simpliciter, nego: secundum quid, con-  
cedo; nam omnia accidentium genera in prin-  
cipia substantiæ, ceu causam eorum reducuntur,  
sicut in priora; & tandem in Deum, qui est ut  
principium generis substantiæ, extra ipsum exi-  
stens, ut explicuimus *art. preced.* Alia argumen-  
ta, quæ specialia accidentia in Deo constituenda  
esse probant, puta qualitatem ut scientiam,  
relationem ut paternitatem, actionem ut crea-  
re, &c. in suis propriis locis dissolventur.

## ARTICVLVS SEPTIMVS.

*Virum Deus sit omnino simplex.*

## CAPVT PRIMVM.

*Arnaldistarum relato errore statuitur conclusio, & probatur.*

- I.  DVERTE quod ly *simplex* hic usurpatur, prout omnem omnino compositionem intrinsecam in seipso excludit, vel quod nullo modo compositum est, siue compositione rei, siue rationis. Arnaldus quidam de Brixia unus ex sequacibus, & cohæreticis ipsius Petri Abailardi, inter alios errores quos doctrinæ Patrum contemptor, ac novitatum, adinventionumque supra modum amator amplexus est, asseruit in Deo esse quippiam compositum, cui ipsius affectæ adhæserunt; refert Prateolus verbo *Arnaldista*. Quidnam autem illud sit, aut quo motivo ad hoc asseverandum inductus sit apud dictum authorem non legitur; Forſan ob personarum numerum in essentiæ unitate, aut nominum diversitatem, quibus diversæ ejus perfectiones significantur; Hoc enim jamdudum quæstionem fecit, & animos pulsavit, quomodo cum his simplicitas Dei stare possit; ut colligitur ex D. Gregorio Nazianzeno orat. 45. de divinitate ad Evagrium Monachum ubi ait; *Quaestio igitur abs te proposita erat hujusmodi;*  
*quoniam*



*Art. VII. An Deus sit omnin. simp. Cap. I. 477*  
 quonam modo esse queat Patris, & Filij, & Spiritus Sancti natura simplex, an composita? Si enim simplex quomodo ternarium eorum qua ante diximus, numerum recipiet? Nam quod simplex est, uniusmodi, numerique expers; quod autem in numeros cadit, scindi necesse est, etiamsi numeris minime subiciatur, quod porro scinditur, passivum utique obnoxium; scitio enim passivum est. Quocirca si simplex Dei natura est, supervacanea fuerit nominum constitutio; si autem vera est nominum positio, nominibusque ipsis parendum est; uniformitas, ac simplicitas statim è medio tolletur. Vnde in Concilio Lateranensi quod eo tempore habitum est, quo huiusmodi error grassabatur, definitum est personarum Trinitatem simplicitati Dei non obstare.

Conclusio : Deus est omnino simplex. Hæc conclusio est de fide, definita in Concilio Lateranensi sub Innocentio III. de fide Catholica cap. 1. his verbis. *Firmiter credimus, & simpliciter confitemur, quod unus solus est verus Deus aternus; Pater, & Filius, & Spiritus Sanctus; tres quidem personæ, sed una essentia, substantia, seu natura simplex omnino.* Hanc conclusionem probat S. D. in sed contra ex August. lib. 6. de Trinit. cap. 6. ubi asserit S. D. Deum omnino simplicem esse, esto in eo plura attributa sint, & tres personæ distinctæ. Possunt videri idem S. D. lib. 11. de Civit. cap. 10. D. Damasc. lib. 1. fid. orthodox. cap. 3. D. Hilarius lib. 8. de Trinit. D. Isidorus lib. 1. de summo bono cap. 1. D. Greg. Nazianzenus orat. 2. de Theolog. ubi ait : *Si ea quæ à Deo facta sunt qualitates substantiarum suarum diversas habent, tu putas in Deo talem esse substantiam, qualem habet aliquid horum quod fa-*

478. *Quaest. III. De Simplicitate Dei,*  
*etum est? Absit. Qua est enim substantia Dei, nisi*  
*ipsum quod Deus simplex, singulare purum, nulla*  
*concretione permixtum. &c. D. Irenæus lib. 2.*  
*cap. 16. Athenagoras legat. pro Christianis. D.*  
*Bernardus lib. 5. de considerat. & alij Patres*  
*qui hanc veritatem unanimi ore fatentur.*

3. Idem probat S. D. in corp. quinque rationibus, quarum prima est; Illud est omninò simplex quod à se omnem omninò compositionis modum excludit; sed Deus à se omnem omninò compositionis modum excludit; ergo est omninò simplex. Prob. min. in Deo non est compositio quantitativarum partium cum non sit corpus, neque compositio materiæ, & formæ, aut naturæ, & suppositi, neque tandem subiecti, & accidentis, ut probatum reliquimus supra: ergo omnem à se compositionis modum excludit.

4. Secunda ratio est: Deus est simpliciter primum ens: sed nullum compositum potest esse primum ens: ergo Deus nullo modo est compositus: Prob. min. omne compositum est posterius suis componentibus, & dependens ab eis: ergo nullum compositum potest esse primum ens. Prob. antecedens compositum non est nisi per hoc quod simplicia ad constitutionem alicujus tertii adunantur: sed simplex est prius in se quam addatur ei aliquid ad compositionem tertii: ergo omne compositum est posterius suis componentibus, & dependens ab eis. 1. d. 8. q. 4. art. 1.

5. Tertia ratio est: omne compositum causam habet: sed Deus non habet causam, cum sit prima causa efficiens, ut supra ostensum est 9. 2. art. 3. ergo non est compositus, sed omninò simplex.

*Art.VII. An Deus sit omnin.simp.Cap.I.479*  
plex. Prob. maj. Compositio non est nisi ex  
diversis : sed diversa inquantum hujusmodi  
non sunt unita : ergo ut uniantur ad componen-  
dum aliquid , aliquo componente seu reducen-  
te ad unionem indigent.Vide q.7.de pot.art.1.c.

Quarta ratio : in omni composito oportet  
esse potentiam , & actum , seu potentiam actui  
commisceri : sed in Deo nulla est potentia , aut  
ulla ratione esse potest : non est igitur in eo ali-  
qua compositio , sed est omninò simplex. Maj.  
patet, in compositis vel una partium est in po-  
tentia ad alteram , sicut materia ad formam,  
subjectum ad accidens , genus ad differen-  
tiam , vel saltem partes sunt potentia ad to-  
tum , quia partes comparantur ad totum , ut  
materia ad formam , seu esse imperfectum ad  
perfectum : quod adeò verum est , ut in his quæ  
non sunt unum simpliciter , sed per colligatio-  
nem , aut aggregationem duntaxat ipsæ partes  
congregatæ sint, sicut potentia respectu unionis:  
sunt enim unitæ in actu postquam fuerunt in  
potentia unibiles: Minor etiam est evidens, quia  
si Deus aliquo modo esset in potentia , oporte-  
ret aliquid secundum hanc rationem esse prius  
ipso per quod in actum reduceretur.

Quinta ratio : oportet primum ens esse sum-  
mum , & perfectissimum bonum , seu per essen-  
tiam bonum : nullum compositum potest esse  
summum, & perfectissimum bonum : ergo Deus  
nequit esse compositus. Prob. minor , opti-  
mum , & summum bonum est in quo nihil est  
quod careat bonitate , sicut altissimum est in  
quo nihil nigredinis admiscetur. Partes carent  
ea bonitate quæ est propria totius compositi  
perfectio : ergo nullum compositum potest esse

6.

7.

q.7. de  
pot. art.  
1. lib.1.  
cont.  
gent.c.  
18. rat. 6.

480 *Quaest. III. De Simplicitate Dei,*  
 summum, & perfectissimum bonum. Major pa-  
 tet, nam licet in eo quod participat aliquam  
 perfectionem, & formam possit esse aliquid  
 quod non sit illa perfectio, seu forma, sicut in  
 albo est perfectio corporis quæ non est albedo;  
 tamen in eo quod per essentiam est forma nihil  
 est extraneum aut in potentia ad illam formam,  
 sicut in albedine quæ est ipsa essentia albi, ut  
 per se non est aliquid quod non sit forma, &  
 perfectio albi. Prop. min. partes quælibet sunt  
 imperfectæ respectu totius, seu non sunt ipsum  
 quod est totum: Pars enim hominis non est  
 homo: neque aliqua partium pedis est pes: ne-  
 que pars aquæ est tota aqua: non enim si tota  
 aqua est bicubita, & pars ejus: Similiter partes  
 numeri senarii minimè perfectionem ipsius ha-  
 bent senarii: neque partes lineæ perveniunt ad  
 mensuræ perfectionem, quæ in tota lineâ repe-  
 ritur: ergo partes tarent ea bonitate, quæ est  
 perfectio totius.

## C A P V T II.

### *Solvuntur argumenta.*

8. **A**Rguitur 1. ea quæ sunt à Deo, ipsum  
 imitantur: sed in rebus, quæ sunt à Deo  
 nihil est omninò simplex: ergo Deus non est  
 omninò simplex. Maj. patet, quia ab ipso, sicut  
 à primo bono sunt omnia bona: & ab eo om-  
 nia entia, seu primo ente derivantur.
9. Resp. S. D. quod ea quæ sunt à Deo imitan-  
 tur Deum, non secundum eandem omninò ra-  
 tionem & eo pacto quo unus homo genitus al-  
 terum

*Art. VII. An Deus sit omnin. simp. Cap. II. 481*  
terum generantem imitatur, sed sicut causata  
primam causam, cujus rationem non adæquant.  
Est autem de ratione causati, quod est terminus  
ipsius actionis causativæ, quod sit aliquo  
modo compositum, quia ad minus esse ejus, est  
aliud quam quod quid est. Quod universaliter  
verum est de omni causato prout in re, & exer-  
citè causatur, seu est terminus actionis causati-  
væ, per hanc enim participat aliquod esse, ad  
quod tantummodo erat in potentia.

Vnde si instes, quod prima principia compo-  
nentia sunt simplicia, & tamen causantur.  
Resp. quod eo modo, quo causantur, nimirum  
ratione compositi, simplicia non sunt, sed com-  
posita, quia in eis aliud est essentia, & aliud  
esse, esto secundum se, aut rationes suas simpli-  
cia sint.

Arg. 2. Omne quod est melius Deo attribuen-  
dum est: sed apud nos composita sunt meliora  
simplicibus, sicut corpora mixta elementis, &  
animalia plantis: ergo non est dicendum quod  
Deus sit omninò simplex.

Resp. S. D. quod apud nos composita sunt  
meliora simplicibus: quia perfectio bonitatis  
creaturæ non invenitur in uno simplici, sed in  
multis: Sed perfectio divinæ bonitatis inveni-  
tur in uno simplici. Vbi nota quod composita  
dicuntur meliora, non quidem absolutè pro-  
pter materialem compositionem, aliàs lapis, qui  
est compositus physicè esset anima nobilior,  
quæ est simplex substantia, ac spiritualis, sed se-  
cundum formalem compositionem, videlicet  
secundum plures participationes formales ipsius  
esse; secundum quas magis, & multiformius  
dicuntur esse in actu: quo pacto inter creaturas

482 *Quaest. III. De Simplicitate Dei*,  
sublunares homo dicitur melior, quia habet  
plures participationes ipsius esse; nam partici-  
pat esse, ut vitam, ut sensum, & intellectum, &c.  
quæ sunt participationes formales. Et quia  
Deus per essentiam est ipsum esse, præhabet in  
se omnes has perfectiones, & ratione hujus est  
melior etsi simplex, quia perfectiones omnige-  
nas unitivè in suo esse complectitur, quæ in  
cæteris dispersæ sunt, ac participatæ.

13. Arg. 3. Ens cui non fit additio, est commune  
prædicatum de omnibus, de quo nihil potest  
verè negari: sed Deus non est hujusmodi: ergo  
oportet ut ad illius esse fiat aliqua additio: sed  
illud cui fit additio non est omnino simplex:  
ergo Deus non est omnino simplex.

14. Resp. S. D. 1. sent. dist. 8. q. 4. art. 1. quod  
aliquid esse sine additione dicitur dupliciter:  
primo itaut de ratione ejus sit, ut sibi additio  
non fiat, seu nihil sibi addatur: Secundò, itaut  
non sit de ratione ejus quod ipsi fiat additio,  
nec tamen sit de ratione ejus quod non fiat. Ens  
cui non fit additio, & de cujus ratione est ut  
nihil ei addatur, non est ens commune, prædi-  
catum de omnibus, sed primum ens simplici-  
ter, quod est Deus: hoc enim oportet esse per-  
fectum in se, ex quo additionem non recipit;  
nec potest esse commune, quia omne commune  
salvatur in proprio, ubi ipsi fit additio. Ens au-  
tem de cujus ratione non est ut sibi fiat addi-  
tio, neque quod non fiat, sed potest fieri ut de-  
terminatur in proprio, est ens commune, præ-  
dicatum de omnibus, quod est imperfectum, &  
ad ipsum ex additione se habent vivens, sen-  
tiens, intelligens; in quibus appropriatur ac  
determinatur ratio communis entis. Itaque esse  
divinum

*Art. VII. An Deus sit omn. simp. Cap. II. 483*  
divinum est determinatum in se, ac proprium,  
ab omnibusque aliis divisum, ex eo quod in ra-  
tione sua habet quod ei non fiat additio : sed  
ens commune determinatur, & appropriatur.  
Vnde negationes dictæ de Deo, non faciunt in  
ipso aliquam compositionem.

Pro majori intelligentia advertendum ex eo-  
dem S. D. *ibid. ad 2.* Quod in rebus creatis res  
determinatur ut sit, tripliciter : Primò per addi-  
tionem alicujus differentia, quæ potentialiter  
in genere continebatur. Secundò, ex eo quod  
natura communis recipitur in aliquo, & fit hoc  
aliquid. Tertiò ex hoc quod alicui additur acci-  
dens, per quod dicitur esse, vel sciens, vel al-  
bus &c. Nullus istorum modorum potest esse  
in Deo, quia imprimis ipse non est quidpiam  
commune, cum de intellectu suo sit, quod sibi  
aliquid non addatur : nec etiam ejus natura est  
in aliquo recepta, cum sit actus purus, & tan-  
dem non recipit aliquid extra essentiam suam,  
eo quod essentia sua omnem perfectionem con-  
tinet. Vnde remanet quod sit aliquid in se de-  
terminatum simpliciter per conditionem ne-  
gandi ab ipso omnem additionem, vel condi-  
tionem : & ejus esse absolutum, non tantum est,  
sed aliquid est, nec differt in eo quod est, &  
quo est seu aliquid esse, nisi per modum signi-  
ficandi, vel per rationem. Ex quo patet quod  
attributa nullam compositionem in Deo fa-  
ciunt ; Sapientia enim v. g. secundum suam ra-  
tionem non facit compositionem, sed secun-  
dum suum esse : prout nimirum in subiecto in-  
existens est realiter differens ab ipso, qualiter in  
Deo non est, ut diximus.

Arg. 4. ubi sunt plures res in uno, ibi oportet

15.

16.

ret

484 *Quest. III. De Simplicitate Dei,*  
ter esse aliquem compositionis modum : sed in  
divina natura sunt tres personæ realiter distin-  
ctæ , convenientes in una essentia : ergo vide-  
tur ibi esse aliquis compositionis modus.

17. Conf. de quocunque prædicatur aliquid ,  
quod non est de substantia ejus , illud non est  
simplex , sicut de homine prædicatur albedo ,  
quæ non est de substantia ejus , ac proinde facit  
compositionem cum eo : sed quidquid prædi-  
catur de aliquo postquam non prædicabatur ,  
illud non est de substantia ejus de quo prædi-  
cari incipit : cum nulli rei substantia sua de  
novo adveniat : cum igitur de Deo prædicatur  
aliquid , postquam non prædicabatur , ut esse Do-  
minum , & Creatorem , quæ dicuntur de ipso  
ex tempore , videtur quod ipse non sit simplex.

18. Resp. ad arg. S. D. *loc. cit. ad 4.* quod pro-  
prietas personalis comparata ad essentiam , non  
differt realiter ab ipsa , & ideo non facit con-  
positionem cum ea : sed comparata ad suum  
correlativum facit distinctionem realem : sed  
ex ea parte qua ad correlativum dicitur , non  
est aliqua unio cum essentia divina , & ideo  
nec compositio. Vnde relinquitur ibi tres esse  
res , & tamen nullam compositionem. D. Ber-  
nardus epist. 190. *Nec enim verum , summum-  
que bonum quod sunt ( nimirum Pater , Filius , &  
Spiritus Sanctus ) inter se particulariter divi-  
dunt , quoniam nec participialiter id possident , sed  
hoc ipsum essentialiter sunt. Nam quod alter ex  
altero , vel alter ad alterum veracissime dicitur ,  
personarum sanè designatio est , non unitatis divi-  
sio. Licet namque in hac ineffabili & incompre-  
hensibili Deitatis essentia alter & alter , id qui-  
dem requirentibus proprietatibus personarum , so-  
briè*



*Art. VII. An Deus sit omn. simp. Cap. II. 485*  
*brè catholiceque dicatur, non tamen ibi est alter-*  
*rum & alterum sed simplex unum: ut nec praju-*  
*dicium faciat unitati Trinitatis confessio: nec pro-*  
*prietatum sit exclusio vera assertio unitatis. Et Dix.*  
*Aug. lib. cont. Felicianum: Dum utrumque unum*  
*dico ( scil. Patrem & Filium ) substantiam veri*  
*Patris, ac veri Filii non separo. Et dum non eum-*  
*dem Patrem, quem Filium pradico, utriusque per-*  
*sonam servata uniuscujusque proprietate discerno.*  
*Itaque si substantiam quæris, ipsa Trinitas unus est*  
*Dèus: si personam alter est filius: Idem, inquam,*  
*communione substantia, alterum proprietate per-*  
*sona.*

Ad confirm. resp. ex eodem S. D. *ibid* ad 3. 19.  
 quod hujusmodi relationes, quæ dicuntur de  
 Deo ex tempore, non ponunt aliquid in ipso  
 realiter, sed tantum in creatura. Contingit  
 enim aliquid dici relativè, non quod ipsum re-  
 feratur, sed quia aliquid refertur ad ipsum, sicut  
 est in omnibus, quorum unum dependet ab al-  
 tero, & non è contrario, sicut scibile non est  
 relativum, nisi quia scientia refertur ad ipsum:  
 scibile enim non dependet à scientia, sed è con-  
 verso. Sed quia intellectus noster non potest  
 accipere relationem in uno extremorum, quin  
 intelligatur in illo ad quod refertur: ideo po-  
 nit relationem quandam circa ipsum scibile, &  
 significat ipsum relativè. Vnde illa relatio,  
 quæ significatur in scibili, non est realiter in  
 ipso, sed secundum rationem tantum, in scien-  
 tia autem realiter. Ita etiam relatio importata  
 per hoc nomen *Dominus*, vel *Creator*, cum de  
 Deo dicitur, non ponit aliquid in Deo, nisi se-  
 cundum intellectum; sed tantum in creatura.  
 Ex quo patet quod diversitas relationum ipsius  
 Dei

486 *Quaest. III. De Simplicitate Dei*,  
Dei ad creaturas non ponit compositionem in  
ipso.

20. Quæres an simplicitas sit perfectio simpliciter simplex, & attributalis ipsius Dei? Resp. negativè, sumitur ex D. Gregorio Nazianzeno orat. 38. dicente: *Neque enim simplicitas illi natura est; quandoquidem nec compositis sola compositio*. Esset autem natura Dei realiter, si esset ejus perfectio simpliciter. Prob. ex D. Thoma in 4. dist. 11. *quæst. 2. art. 1. ad 1.* simplicitas per se non est causa nobilitatis sed perfectio; sed perfectio attributalis & simpliciter simplex debet per se esse ratio seu causa alicujus nobilitatis in Deo, quia simpliciter melius est eam esse, quam non inesse; sicut patet de scientia, voluntate &c. ergo simplicitas non est perfectio simpliciter simplex, & attributalis. Prob. maj. quod simpliciter, & secundum quod ipsum est tale, semper & in omni est tale: sed esse simplex non est in omni & secundum quod ipsum, causa nobilitatis: ergo per se non est causa nobilitatis. Prob. minor, nam ubi perfecta bonitas in uno simplici invenitur, simplex est nobilior, quam compositum, sicut anima est nobilior corpore, quando verò simplex est imperfectum, tunc compositum est nobilior quam simplex, sicut homo est nobilior terra: ergo simplicitas non est in omni, & secundum quod ipsum causa nobilitatis. Ex quo facilis patet solutio ad omne id quod objici potest.

21. Quæres 2. utrum esse omnino simplex sit proprium Dei, itaut nulli creaturæ competere possit? Resp. S. D. in p. dist. 8. q. 5. art. 1. c. quod creatura est duplex: quædam enim est, quæ  
habet

*Art.VII. An Deus sit omn.simp.Cap.II.487*  
habet esse completum in se ; sicut homo & huiusmodi : & talis creatura à simplicitate divina ita deficit , quod incidit in compositionem ( nimirum actu & simpliciter. ) Cum in solo Deo esse suum sit sua quidditas , oportet quod in qualibet creatura , sive corporea , sive spiritali inveniatur quidditas , vel natura sua , & esse suum , quod est sibi acquisitum à Deo , & ita componi debet ex essentia & esse , seu quo est & quod est. Est etiam quædam creatura , quæ non habet esse in se , sed tantum in alio , sicut materia prima , vel forma quælibet , aut natura universalis ; non enim est esse alicujus , nisi particularis subsistentis in natura , & talis creatura non deficit à simplicitate , itaut sit composita ( nimirum actu & simpliciter , sicut ea quæ habet esse completum , ) deficit tamen à simplicitate primi , & defectus iste ex duobus perpenditur : vel quia est divisibile in potentia aut per accidens , vel quia est componibile alteri , sicut materia primæ formæ , vel accidens subjecto , quod divina simplicitas non admittit. Vnde neque Angelus , neque anima sunt omnino simplices , quia in eis est compositio ex quo est , & quod est. Quapropter solum dicuntur forma simplex , inquantum eorum natura seu quidditas non componitur ex diversis , esto non sit suum esse , ac subinde in eis invenitur ratio actus & potentiæ.



*Art. VIII. An Deus in comp. alior. veniat. 489*  
*tanquam natura sit Deus mundo permixtus. Idem*  
*Varroni tribuitur à D. August. lib. 7. de civit.*  
*cap. 6. ubi ait : Dicit ergo idem Varro adhuc de*  
*natura!i theologia praloquens , Deum se arbitra-*  
*ri esse animam mundi, quem Græci vocant Cos-*  
*mon , & hunc ipsum mundum esse Deum. Hoc*  
*ipsum sensisse videtur Virgilius lib. 6. Æneid.*  
*dicens ;*

*Spiritus intus alit , totamque infusa per artem 2.*  
*Mens agitat molem , & magno se corpore*  
*misceat.*

Plato etiam , ut asserit Ludovicus Vives *ibi* ,  
 animatum dixit esse mundum , animamque il-  
 lam , & mundum esse Deum ; sed alium Deum ,  
 quem mentem vocat , hoc ipso mundo priorem  
 facit , & animæ ipsius mundi parentem. In  
 quo à Thalete , & Democrito dissensit , qui non  
 alium putarunt majorem Deum animâ mundi.  
 Hoc ipsum de Spiritu Sancto , nimirum esse  
 mundi animam asseruit Petrus Abailardus , te-  
 ste D. Bernardo *epist. 199.* ubi de ipso hæc nar-  
 rat : *Omitto quod dicit Spiritum Sanctum esse*  
*animam mundi ; mundum juxta Platonem tantò ex-*  
*cellensius animal esse , quantò mēliorem animam*  
*habet Spiritum Sanctum.*

Secundus error , inquit D. Thomas , fuit Al-  
 marianorum , qui Deum esse rerum omnium  
 formale principium , seu esse formale uniuscu-  
 jusque rei asseruerunt. Quorum insaniam ana-  
 thematizavit Concilium Lateranense sub Inno-  
 centio III. cap. 2. sub his verbis ; *Reprobamus*  
*etiam , & damnamus perversissimum dogma im-*  
*pij Almarici ( à quo Almariani ) cujus mentem*  
*sic pater mendacij excacavit , ut ejus doctrina*  
*non tam hæretica censenda sit , quam insana.*

Tertius

3.

4. Tertius error fuit cujusdam Davidis de Dinando, qui stultissimè posuit Deum esse materiam primam, seu principium materiale omnium rerum. Hujus libri (Teste Cefario *lib. dial. 5.*) perpetuò damnati sunt, & exusti. Alios errores communes cum Almarico habuit: Vnde & inter sectatores ejus à dicto Concilio Lateranensi damnatus censetur. Floruit, summum Pontificatum agente dicto Innocentio III.

5. Conclusio; Deus nullo modo in compositionem alicujus rei venit, sive ut materia, sive ut forma seu principium formale. Probat imprimis S. D. ex Dionys. c. 2. de divin. nom. dicente: *Neque tactus est ejus, scil. Dei, neque alia ad partes commiscendas communio; sed quod est materia vel forma alicujus rei, constitutionem ejus ingrediatur necesse est, & cum altero communionem habeat: ergo Deus in compositionem alterius rei venire nequit.* Confirmatur *ex libro de causis*, in quo *propos. 6.* dicitur, quod causa prima regit omnes res, præterquam commisceatur eis. Hanc conclusionem Leo primus epist. ad Torivium cap. 5. stabilivit, vocans contrariam doctrinam *impiam, & ex Philosophorum quorundam, & Manichæorum opinione manantem, quam Catholica fides damnat, sciens nullam tam sublimem, tamque precipuam esse facturam, cui Deus ipse natura sit*, id est, cujus Deus sit principium formale, aut materiale, seu quidditas. Idem docent D. August. lib. 7. de civit. c. 30. *Quamvis nihil possit esse sine ipso, videlicet Deo, non tamen sunt ulla quod ipse.* Et D. Athanasius de incarnat. Verbi, dicens; *Sicut ens in omni rerum natura, extra quidem omnia subsistit, quantum attinet ad ipsius substantiam, intra omnia tamen habetur, quantum spectat ad ipsius potentiam,*

*Art. VIII. An Deus in comp. alior. veniat. 491*  
*potentiam, omnia gubernans. Videndi præterea D.*  
*Clemens Alex. lib. 5. Strom. Eusebius lib. 14. c. 6.*  
*& alij communiter.*

Probat S.D. primò; quia Deus est prima causa efficiens; sed primum efficiens nequit esse materia, vel forma quæ est pars compositi; quia hæc sunt effectus ejus, sicut & compositum ipsum, quod necessariò est effectus primi agentis: ergo Deus nequit in compositionem aliorum venire, sicut materia vel forma. 6.

Secundò probat, de ratione primi agentis est primò & per se agere; Deus est primum agens: ergo de ratione ejus est primò & per se agere, & secundum quod ipsum; sed nulla pars per se primò, & secundum quod ipsa agit, non enim manus agit secundum quod ipsa, sed homo per manum, & ignis calefacit per calorem: ergo Deus nequit esse pars alicujus compositi. Nec est instantia de anima rationali, quæ per se primò intelligit &c. quia hoc ei non debetur in quantum est forma corporis, sic enim homini per se intelligere debetur, sed in quantum est forma per se subsistens. 7.

Tertiò probat, quia Deus est primum ens simpliciter; sed nulla pars compositi potest esse simpliciter prima in entibus: ergo Deus nequit esse pars materialis, vel formalis alicujus compositi. Prob. minor, quia materia est pars ut potentia, sed omnis potentia simpliciter est posterior actu, per quem habet esse: ergo materia nequit esse primum ens simpliciter. Deinde neque forma, quia forma, quæ est pars compositi, est forma participata, cum fiat in materia per actionem agentis; sed omne participatum, sicut & participans est posterius omni eo quod est per essen-

tiam, sicut ignis in ignitis est posterius eo quod est per essentiam, quia dependenter ab eo fit ignis in hac materia reddens eam ignitam; ergo forma, quæ est pars compositi, nequit esse simpliciter prima in entibus.

9. Arg. 1. ex D. Dionysio lib. de cœlesti hierarchia c. 4. Deitas quæ est super omne esse, est omnium rerum esse; & ex D. August. *serm.* 38. *de verbis Domini*, Verbum Dei, quod est Deus est forma quædam non formata; sed esse & forma intrans rei constitutionem; igitur Deus in compositionem aliorum venit. Resp. ex S. D. hic dist. min. esse, & forma effectivè, & exemplariter sumpta, nego; esse formaliter, & forma informativè accepta, concedo min. Nam ars quæ est forma exemplaris in mente artificis existens non intrat constitutionem domus ad extra, qua ad nomam ejus formatur. Deitas autem est esse & forma rerum omnium exemplaris.

10. Arg. 2. quæcunque sunt, & nullo modo differunt, sunt omnino idem; sed Deus & materia prima sunt, & nullo modo differunt, cum sint omnino simplicia, & subinde nullas habentia differentias per quas differant: ergo omnino sunt idem, quapropter cum materia prima in compositionem rerum omnium compositarum veniat, etiam & Deus. Resp. dist. maj. si non differant seipsis, neque per differentias, concedo: si differant seipsis, aut sint primo diversa, nego; & dist. min. Deus & materia prima nullo modo differunt, seipsis, nego; per differentias superaditas, concedo.





# QVÆSTIO QVARTA,

Vtrum Deus sit perfectus?

**P**OST considerationem divina simplicitatis, inquit S. D. de perfectione ipsius Dei dicendum est. Et quia unumquodque secundum quod perfectum est, sic dicitur bonum, primò agendum est de perfectione divina: Secundo de ejus bonitate.



## ARTICVLVS PRIMVS.

*Vtrum Deus sit perfectus?*

**D**E perfecto substantialiter, & secundum se impræsentiarum est sermo. I.  
§. metaph.  
lect. 18.  
Dupliciter autem dicitur aliquid secundum se perfectum, ut notat S. D. Nimirum simpliciter seu universaliter, & in aliquo genere. Perfectum simpliciter seu universaliter dicitur aliquid, quia nihil ei omnino deficit absolute, nec habet aliquam hyperbolem, id est, excedentiam; quia videlicet à nullo penitus in bonitate exceditur, nec aliquid extra accipit, aut indiget exteriori bonitate. Dicitur autem perfectum in aliquo genere; ex eo

494 *Quaest. IV. De Perfectione Dei*,  
 quod, quantum ad illud genus pertinet, nec  
 habet hyperbolem, id est, excedentiam, quasi  
 ei aliquid eorum deficiat, quæ illi generi de-  
 bentur; nec aliquid eorum, quæ ad perfectio-  
 nem illius generis pertinent, est extra ipsum,  
 quasi eo careat; Sicut homo dicitur perfectus,  
 cum beatitudinem adeptus est. Vel quodlibet  
 corpus particulare dicitur quantitas perfecta se-  
 cundum suum genus, quia habet tres dimen-  
 siones, quibus non sunt plures: Sed mundus  
 dicitur perfectus universaliter, quia omnino ni-  
 hil extra ipsum est. De perfecto simpliciter seu  
 universaliter est sermo.

2. Conclusio: Deus est maximè perfectus, sim-  
 pliciter & universaliter. Probat S. D. *in sed con-  
 tra* ex illo Matthæi 5. *Estote perfecti sicut Pater  
 vester cælestis perfectus est.* Quem locum expo-  
 nens Concilium Lateranense sub Innocentio  
 III. cap. damnamus, ait: *Estote perfecti sicut Pa-  
 ter vester cælestis perfectus est: ac si diceret ma-  
 nifestius: estote perfecti perfectione gratia, sicut  
 Pater vester Cælestis perfectus est perfectione na-  
 ture.* Vbi est sermo de perfectione simpliciter,  
 & quæ non habet hyperbolem, seu exceden-  
 tiam. Quod notavit Remigius in cat. D. Thom.  
 dicens: *Quia verò perfectio dilectionis ultra di-  
 lectionem inimicorum non potest procedere: ideo  
 postquam Dominus præcepit diligere inimicos, sub-  
 junxit: Estote ergo & vos perfecti, sicut & Pater  
 vester cælestis perfectus est. Ipse quidem perfe-  
 ctus est ut omnipotens; homo autem ut ab omni-  
 potente adjutus.* Eandem conclusionem asserunt  
 communiter Sancti Patres, quorum plures seq.  
 art. adducemus.

3. Deinde probat S. D. *in corp.* sic: Perfectum  
 dicitur,

dicitur, cui secundum suæ perfectionis modum nihil deest : sed Deo secundum modum suæ perfectionis nihil deest : ergo ipse est maximè & universaliter perfectus. Prob. min. in tantum aliquid est perfectum, inquantum est actu : sed Deus est maximè in actu, immo est actus purus : ergo Deus est maximè perfectus. Prob. minor : Deus est primum & fontanale rerum omnium principium activum : sed hujusmodi principium oportet esse maximè in actu : ergo Deus est maximè in actu. Prob. minor ; in tantum aliquid agit, inquantum est actu : ergo id quod agit & potest omnia, sicut Deus, esse oportet maximè in actu. Et hoc sonant illa Remigii verba : *Deus est perfectus ut omnipotens.*

Arg. 1. perfectum dicitur quasi totaliter factum : sed Deo nullo modo convenit esse factum : 4.  
hic & 1. ergo esse perfectum non convenit Deo. Resp. cont.  
gent.  
cap. 28. S. D. quod nomen perfecti, seu perfectionis Deo convenienter nequit attribui, si nominis significatio quantum ad sui originem attendatur : quod enim factum non est, propriè perfectum dici non potest. Verum, quia ut inquit Gregorius *lib. 1. Moral. cap. 6.* balbutiendo ut possumus excelsa Dei resonamus ; sicut in his quæ fiunt, cum aliquid de potentia educitur in actum, nominari solet perfectum, quasi totaliter factum ; ideo hoc nomen, *perfectum*, ad omne id significandum transumptum est, cui de actu essendi nihil deest, quem secundum se habere natum est : sive hoc habeat per modum perfectionis ( hoc est, per factionem ) sive non, sed à se. Et hoc pacto dicitur Deus maximè perfectus.

5. Arg. 2. Deus est primum principium ; sed prima principia rerum videntur esse imperfecta , ut patet in semine quod est principium animalium ac plantarum : ergo Deus non est perfectus. Resp. S. D. quod equidem principium materiale imperfectum est, cum sit in potentia privationi annexa : non verò primum principium activum, ut dictum est; Deus autem non est primum principium materiale , quia istud nequit simpliciter esse primum, sed semper aliquod aliud principium præsупponit activum à quo transmutetur, & educatur de potentia in actum, propter quem est : licet sit primum principium eorum quæ ex eo fiunt. Nam esto semen sit animalis ex eo generati principium, ante se tamen habet animal à quo decidatur, & in cuius virtute effectum producit. Oportet enim ante id quod est in potentia, esse aliquid in actu : cum ens in potentia non reducat in actum, nisi per aliquod ens actu.
6. Arg. 3. essentia Dei est ipsum esse, ut dictum est : sed ipsum esse videtur esse imperfectissimum : ergo Deus est imperfectus. Prob. minor, quod est communissimum, & omnium additiones recipiens, est maximè imperfectum : sed ipsum esse est communissimum, & omnium additiones recipiens, cum vivere, sentire, & intelligere se habeant ex additione ad illud : ergo esse est imperfectissimum.
7. Resp. S. D. quod esse simpliciter est communissimum, scil. per modum causæ, seu principii primi, non quidem materialis & receptivi, quod est imperfectum, cum sit potentia ad actum, & perfectionem ; sed principii formalis activi, omnes res perficientis, etiam ipsas formas,

mas , quæ ipsum esse participant : nam comparatur ad omnia ut actus , nihil enim habet actualitatem nisi in quantum est. Vnde oportet quod ipsum esse simpliciter perfectissimum sit, cum de ratione principii activi sit perfectio, secundum illam rationem, secundum quam agit, & facit res esse in actu. Vnde esse simpliciter ut causa universalissima continet ipsum vivere , sentire , & intelligere, nec se habent ex additione ad ipsum absolute , sed ut participatur in hoc, & illo : v. g. lapide, leone, homine &c. ut infra melius explicabitur.

Ex his colligit S. D. quod esse non comparatur ad alia sicut recipiens , sed magis sicut receptum. Quod intelligendum venit de ipso esse , ut à creaturis participatur ; quia nimirum esse de se est actus illimitatus , & accipit esse limitatum ac determinatum ad talem speciem vel naturam , per appropriationem ad ipsam in aliquo supposito , vel individuo , cujus est per se fieri vel generari : unde comparatur sicut actus ad recipiens proprium à quo individuetur , ac limitatur.

8.

## ARTICVLVS SECVNDVS.

*Utrum in Deo sint perfectiones  
omnium rerum.*

## CAPVT PRIMVM.

*Quibusdam adnotatis statuitur conclusio D.  
Thoma, & rationes ejus elucidantur.*

I.  
1. p. q. 73.  
1 c. 3.  
dist. 27.  
q. 1. art.  
4. c.

**P**ERFECTIONIS vocabulo hîc omne id exprimitur, quod ad actum essendi, atque rei bonitatem spectat, quâ est in se, vel ad alterum bene disposita: quo pacto esse rei, illiusque virtus, & operatio, perfectiones ipsius dicuntur. Perfectiones in duplici differentia creaturis assignari solent. Alia est perfectio simpliciter simplex & universaliter perficiens; quam videlicet melius est in unoquoque inesse seu inexistere, quam non inesse; itaut si desit, rei aliquid deficere existimetur ad universalem essendi perfectionem, & bonitatem pertinens; sicut intellectivum esse, & quæ sunt ejus perfectiones propriæ, atque bonitates ei secundum se competentes, ut vita, sapientia &c. in suo conceptu nullam de se imperfectionem claudentes. Alia est perfectio secundum quid & limitata, quæ videlicet secundum modum quo in aliquo reperitur, est illius naturæ propria perfectio & bonitas; non autem simpliciter, atque universaliter ad essendi bonitatem pertinet, itaut, si secundum illam rationem

*Art. II. An in Deo sint perfect. omn. C. I. 499*  
tionem & essendi modum alteri desit, non sit simpliciter & universaliter perfectum formaliter, seu ad supremum perfectionis non attingat, sicut ratiocinari dicitur perfectio hominis, & rugire leonis. Cum inquit S. D. utrum in Deo sint perfectiones omnium rerum: *ly sine* indistinctè stat pro omnibus perfectionibus, quæ in omnibus rerum generibus reperiuntur, sive sint perfectiones simpliciter simplices, sive secundum quid, nec explicat modum, quo in eo reperiuntur, formaliterne, an eminenter; quia ex rationibus ejus satis id liquet, & nos §. seq. examinabimus.

Conclusio; Deus est ens universaliter perfectum, id est, ipsi non deest alicujus generis nobilitas; sed sunt in eo rerum omnium perfectiones. Hanc conclusionem asserunt Patres; & imprimis D. Dionys. cap. 5. de divin. nomin. dicens; *Deus in una existentia omnia prahabet.* D. Gregorius Nazianz. orat. 42. *Universum id quod est, inquit, in se complectitur, quod nec principium habuit, nec finem habiturum est, quasi pelagus quoddam substantia immensum & interminatum, omnem tum temporis, tum natura cogitationem superans.* Insuper D. Irenæus lib. 2. cap. 1. *Cum sit solus Deus, ait, & solus Dominus, & solus conditor, & solus continens omnia, & omnibus ut sint ipse prestans, &c.* Videndi sunt D. August. lib. 4. de Trinit. cap. 1. D. Cyrillus Alexandrinus lib. 1. cont. Julianum, D. Gregorius Nyssenus lib. 5. de opificio hom. cap. 16. Damascenus lib. 1. de fide cap. 8. D. Ambrosius lib. 1. Hexam. cap. 4. Hilarius lib. 11. de Trinit. in fine Anselmus in Monol. cap. 34. & 35. & alij communiter.

Probat

2.

3. Probat S. D. *in corp.* duplici ratione, quarum prima est : quidquid perfectionis est in effectu oportet ut in causa ipsius effectiva reperiatur, vel secundum eandem rationem, si sit causa univoca; sicut homo generat hominem, qui in similitudinem ejusdem naturæ est cum ipso generante; vel altiori modo, si sit agens æquivocum & universale: sed Deus est causa effectiva omnium rerum sicut agens æquivocum & universale: ergo oportet omnium rerum perfectiones in Deo originaliter præexistere superabundanter, & eminentiori modo. Majorem quoad primam partem de causa univoca, quia ad intentum non facit, (nec enim Deus est causa univoca rerum) non probat S. D. sed ad secundam probandam accedit, hoc medio: omnis effectus in sua causa agente, virtute præexistit; sed impossibile est effectum in virtute causæ agentis imperfectiori modo præexistere, esto possibile sit actum effectus imperfectiorem esse, quam sit actus causæ agentis: ergo effectus debet in causa sua effectiva præexistere modo æquè perfecto, vel perfectiori, seu altiori & eminentiori: sed in causa effectiva æquivoca nequit modo æquè perfecto præexistere: ergo perfectiori seu eminentiori modo.

4. Major patet, secunda etiam minor est evidens: quia si in agente æquivoco & universali, modo æquè perfecto secundum se præexisteret, secundum eandem actus, & formæ per quam agit, rationem præexisteret; ac subinde non jam esset in ea sicut in causa æquivoca, sed univoca. Prima autem minor prob. agens inquantum agens, est perfectum & in actu; igitur actio consequitur modum actus in agente; quia



*Art. II. An in Deo sint omn. perfect. C. I. 501*  
quia agens agit secundum quod est actu : sed  
intantum aliquid est perfectum , inquantum est  
actu : ergo impossibile est effectum per actionem  
agentis , perfectionem actum participare , quam  
sit actus agentis : ergo in causa agente nequit  
imperfectiori modo contineri ; sed nec æquè  
perfecto in causa æquivoca , ut probatum est :  
ergo in ea perfectiori , seu altiori modo conti-  
netur.

Hanc rationem insinuant, tum D. Dionysius  
loc. cit. dicens ; *Quod non quidem est, & hoc non  
est ; sed omnia est* ( scil. Deus ) *ut omnium cau-  
sa* : Tum etiam D. Greg. Nazianz. orat. 12. ubi  
ait : *Illud primum cum animis nostris reputantes  
Deum , omnium quæ sunt pulcherrimum , & su-  
blimiissimum esse , nisi quis tamen eum malit supra  
omnem essentiam ponere , aut in ipso quidquid est  
collocare , utpote à quo alia quoque ut sint accepe-  
runt.* Nota illa verba : *utpote à quo alia quoque  
ut sint , acceperunt* ; quæ denotant omnium rer-  
um perfectiones in Deo collocandas , ceu in eo  
qui omnium earum est causa effectiva præbens  
illis ut sint.

Secunda ratio D. Thomæ est : oportet quod  
illud esse quod est per se subsistens , quidditati-  
vè & ex se , totam essendi perfectionem , seu  
plenitudinem in se contineat , sed Deus quid-  
ditativè & ex se est ipsum esse per se subsistens  
( ut supra ostensum est *quæst. 3. art. 4.* ) ergo to-  
tam perfectionem essendi in se continere debet,  
sed continere in se totam essendi perfectionem,  
est omnium rerum perfectiones in se comple-  
cti , quia in tantum aliquid est perfectum in-  
quantum est : ergo Deus est universaliter per-  
fectus , seu in eo sunt rerum omnium perfe-  
ctiones.

5.

6.

ctiones. Prob. maj. cui competit tota virtus essendi, ei nulla virtus nobilitatis seu perfectionis deesse potest, quæ alicui rei conveniat; sed rei quæ est suum esse, competit esse secundum totam essendi potestatem: ergo illa res quæ est suum esse per se subsistens, debet totam essendi plenitudinem seu perfectionem & potestatem continere; major patet, quia omnis nobilitas cujusque rei inest sibi secundum suum esse; nulla enim ex sapientia nobilitas homini inesset, nisi per eam esset actu sapiens, & sic de aliis: ergo secundum modum, quo res habet esse, est illius modus in nobilitate; igitur cui competit tota virtus essendi, ei nulla virtus nobilitatis deesse potest. Minor verò prob. oportet formam non participatam ab aliquo subiecto, sed per se in re subsistentem, continere totam essendi potestatem, seu perfectionem quæ illi formæ secundum se competere quoquomodo potest; sed esse est ut forma & actus omnium rerum, ut supra explicuimus: ergo si ponatur aliquid in se per se subsistens, seu quod sit suum esse subsistens, oportet quod totam essendi potestatem in se complectatur. Major prob. in tantum alicui formæ deest aliquid de potestate essendi, in quantum à subiecto, in quo recipitur, limitatur, & non perfectè recipitur; v. g. alicui albo de virtute albedinis deest, ex defectu subiecti recipientis albedinem, secundum omnem modum quo receptibilis est; sed si ponatur forma per se subsistens & irrecepta, non habet huiusmodi limitationem: igitur oportet formam non participatam ab aliquo subiecto, sed per se in re subsistentem, continere totam essendi potestatem, seu perfectionem, quæ illi formæ secundum

*Art. II. An in Deo sint perfecti. Cap. II. 503*  
dum se competere quoquomodo potest. Et hoc  
intendit D. Dionysius cap. 5. de divin nomin.  
inquiens : *Quod Deus non modo existens est , sed*  
*simpliciter & incircumscriptè totum in seipso uni-*  
*formiter esse praecipit.*

## C A P V T I I.

*Quomodo rerum omnium perfectiones in*  
*Deo sint , ostenditur.*

**S**Ciendum est ex D. Thoma quod aliqua per-  
fectio potest esse per sui similitudinem in sua  
causa effectiva tripliciter , primò secundum esse  
naturale , & secundum eandem rationem : Quo  
pacto effectus sunt in sua causa univoca. Secun-  
dò secundum esse naturale , sed non secundum  
eandem rationem , quo pacto sunt in causa æqui-  
voca. Tertiò , effectus est in sua causa , non qui-  
dem secundum esse naturale , sed secundum esse  
spirituale , fixum tamen & quiescens ; sicut for-  
ma domus in ædificatore non est natura quæ-  
dam , ut est virtus calefactiva vel calor in igne ,  
sed est quædam intentio intelligibilis in anima  
quiescens. Certum est quod omnes res , earum-  
que perfectiones sunt in Deo secundum esse spi-  
rituale , sicut artificata in mente artificis , cum  
habeat rerum omnium ideas , ut infra ostende-  
tur *quest. 15.* certum est etiam quod sunt in eo  
per sui similitudinem omnes rerum perfectiones  
secundum esse naturale , tanquam effectus in sua  
causa effectiva æquivoca , ut ostendimus ; modò  
est difficultas quomodo in eo existant , an emi-  
nenter formaliter , aut virtualiter duntaxat.

Pro

7.  
q. 27. de  
verit. a.  
7.

8. Pro resolutione advertendum est, aliquam perfectionem in aliquo posse tripliciter esse; Primò formaliter absolutè, id est, secundum essentiam formæ, & modum essendi; qua ratione vegetativum convenit plantæ, sensitivum animali, & rationale homini; Etenim rationale in homine dicit, non solum intellectus formæ rationem, sed etiam determinatum, & limitatum intelligendi modum, videlicet discurrendo, & dependenter à phantasmatis, qui modus est homini proprius, ac naturaliter ei conveniens quatenus rationalis est. Secundò virtualiter, quando nimirum forma non est actu & formaliter in illo secundum suam rationem & modum essendi, sed potentia activâ, & virtute seminali; quo pacto animal est in semine tanquam virtute activa à generante decisa. Tertio eminenter quando reperitur forma aliqua seclusis imperfectionibus, quæ illam circumvestiunt.

9. Rursus potest aliquid in alio contineri eminenter duplici modo; scil. eminenter formaliter, & eminenter virtualiter. Dicitur contineri eminenter formaliter, quando continetur secundum formalissimam sui rationem, non tamen secundum limitatum essendi modum quem habet prout est in suo subiecto inferiori & limitato; quo pacto in rationali continentur vegetativum & sensitivum secundum formalem sui rationem, non tamen secundum modum essendi, quem habet vegetativum in planta, & sensitivum in animali, quemadmodum explicuimus *supra quaest. I. art. 4.* Dicitur autem contineri eminenter virtualiter, quando secundum propriam rationem & differentiam qua constituitur

*Art. 11. An in Deo sint perfecti. Cap. 11. 305*  
 tur in tali specie, vel genere, neque secundum  
 modum essendi continetur, sed secundum esse,  
 & actualitatem essendi quam habet, sicut calor  
 in sole; neque enim est in eo ratio caloris, pro-  
 ut reperitur in sublunaribus, sed virtus præ-  
 stans eminenter actum calidi, & esse calidum in  
 effectu. Vide *tom. 2. clypei phylosop. quest. 2.*  
*art. 3. §. 5.*

Conclusio; perfectiones omnes simpliciter sim-  
 plices, & quæ secundum suam rationem forma-  
 lem non dicunt imperfectionem, eminenter forma-  
 liter in Deo reperiuntur; perfectiones autem  
 secundum quid, & in determinato genere, forma-  
 liter in eo non reperiuntur, sed eminenter dun-  
 taxat, seu eminenter virtualiter. Prob. ex D. Th.  
 Quando in effectu reperitur aliquid, per quod  
 assimilatur suæ causæ; & aliquid per quod ab  
 ea differt, si illud in quo causæ assimilatur, de  
 causa ipsa dicatur, propriè & formaliter dicitur  
 de illa; immò per prius, & eminentius, quam de  
 effectu; illud verò per quod differt non nisi me-  
 taphoricè, aut falsò de causâ dici potest, sed non  
 verè & propriè ipsi attribui; sed in effectibus  
 creatis, seu creaturis multæ reperiuntur per-  
 fectiones per quas assimilantur Deo, quæ in suo  
 conceptu imperfectionem non involvunt; &  
 aliæ per quas ab ipso differunt, quæ sunt in de-  
 terminato genere contentæ: ergo perfectiones  
 simpliciter simplices reperiuntur formaliter emi-  
 nenter in Deo; quæ verò sunt determinati ge-  
 neris, verè & propriè non dicuntur de illo, sed  
 duntaxat metaphoricè.

Maj. exemplo ibi adducto declaratur, scil. de  
 latere per ignem calefacto, & indurato. Nam in  
 hoc quod lutum ab igne calefiat, seu calidus  
 reddatur,

10.

ex 1. sent.  
 dist. 2. q.  
 1. 2. 2. &  
 3. q. 7. de  
 pot. art.  
 5. 0. & ad  
 8.

11.

reddatur, igni assimilatur (in tantum enim aliquid dicitur agere in aliud, inquantum similitudinem suæ formæ, vel actus per quem agit, illi imprimit; ) in hoc verò quod lutum calefactum ingrossetur, & induretur, differt ab igne, & hoc habet ex materiæ propriæ cognitione; quia id in quo later assimilatur igni, de igne dicitur, nimirum calidum esse, propriè & verè, seu formaliter de igne dicitur, immò priùs & eminentiùs: nam later est calidus quasi calefactus, & participativè; ignis autem naturaliter. Id autem in quo later factus calidus ab igne differt, si dicatur de igne, non propriè & verè de eo dicitur, sed metaphoricè aut falsò; falsum est enim ignem, qui est subtilissimum corporum, grossum dici, sicut later calefactus dicitur; durus autem ipse dici potest metaphoricè, propter similitudinem aliquam cum duro; nimirum propter violentiam actionis, & non facilem potentiam passionis. Nam sicut durum non habet potentiam ad facilè recipiendum, ita nec ignis, propter rationes dictas. Et ratio est, quia ut inquit S. D. omnis actus procedit ab agente secundum aliquam rationem quæ in ipso est, agere enim est communicare effectui hoc ipsum quod agens est actu: sicut calidum calefacit, inquantum calorem communicat per quem est in actu calidi: ergo si reperitur aliqua perfectio in effectui, per quam suæ causæ similetur, in eo quod agens est, & hæc de causa dicatur, propriè & formaliter debet de illa dici; & è contra non debet illi attribui, saltem propriè, sed metaphoricè duntaxat, si per eam effectus agentis non assimilatur, sed ab eo differat.

1. dist. 35.  
q. 1. art.  
2. ad 3.

12. Minor etiam est evidens, nam simpliciter  
existentiâ

existentia simulantur ei in esse, & esse verè dicitur de Deo, viventia in vivere, cognoscencia in intelligere, & aliis perfectionibus consequentibus, ut sapientia, bonitas, veritas &c. Differunt verò, seu potius sunt diversa secundum speciales modos participandi esse, vitam, & intellectum, quia accedunt ad materiam, & potentialitatem seu nihilum, & recedunt à Deo inquantum limitant illud esse: ergo hujusmodi perfectiones simpliciter simplices secundum rationem suam, formaliter sunt in Deo, seu verè & propriè (nam hoc idem est) etenim verum ac proprium aurum dicimus, quod habet naturalem formam auri, & proprietates illius; unde si aliqua ratio verè & propriè conveniat, formaliter convenire dicitur. Quod autem verè & propriè non convenit, sed metaphoricè, non convenit formaliter, quia non habet rationem, & naturam formæ, sed quandam ejus similitudinem. Vnde perfectiones quæ sunt secundum quid & in determinato genere, non dicuntur Deo formaliter convenire, quia non convenit Deo natura propria illarum formarum aut ratio earum, prout est propria hujus generis, speciei, vel individui; v. g. non convenit anima, vel sensus, aut vita corporea, quia secundum quod est propria speciei, vel generis habet limitationem, & modum qui repugnat primo enti & esse illimitato. Quod autem contineantur eminenter virtualiter, & sicut in causa æquivoca, continente omnem actualitatem essendi, patet ex dictis. Nam divina essentia comparatur ut ad actus omnia illa prædicata creaturarum propria, & limitata, sicut actus perfectus ad imperfectum, ac subinde virtute continet om-

508 *Quaest. IV. De Perfectione Dei,*  
nem rationem eorum secundum quod de actualitate essendi participant ; sicut senarius continet binarium , & ternarium , &c. licet non sit binarij vel ternarij species formaliter, ut diximus *tom. 2. clypei philos. q. 6. art. 4.*

13. Quapropter hæc continentia ad omnes omnium creaturarum perfectiones se extendit , non solum in communi , & ut habent rationem entis , sed in particulari ut speciales perfectiones sunt , inquantum sunt quædam ipsius esse divini participationes , atque imitationes , imperfectæ tamen. Quam imperfectionem contrahunt per accessum ad potentiam , & nihilum creaturæ. Vnde hæc non est Deo , sed creaturæ propria , ac subinde à Deo extranea , ac formaliter creaturæ conveniens , sed eminenter duntaxat Deo. Quia cum sit de ratione cujuslibet formæ creatæ limitatio , & accessus ille ad potentialitatem ac nihilum , non potest separari ab illa forma , ut est propria creaturæ , ac subinde secundum essentiam nequit illa forma reperiri in Deo , utpote in suo conceptu essentiali imperfectionem involvens : quod autem non continetur secundum naturam & essentiam forinæ non continetur formaliter. 1. p. q. 14. art. 6.

14. In quo consistat illa eminentia continendi,  
1. dist. 2. explicat S. D. dicens : *In Deo praeminenter existit , quidquid perfectionis in creaturis est. Et hæc*  
q 1. art. 3. *eminentia attenditur quantum ad tria : scil. quantum ad universalitatem , quia in Deo sunt omnes perfectiones adunata , quæ non congregantur in aliqua una creatura. Item quantum ad plenitudinem , quia est ibi sapientia sine omni defectu , & similiter de aliis attributis , quod non est in creaturis. Item, quantum ad unitatem, quia quæ in creaturis*



*Art. II. An in Deo sint perfecti. Cap. II. 509*  
*turis diversa sunt, in Deo sunt unum: & quia in*  
*illo uno habet omnia, ideo secundum illud unum*  
*causat omnia, cognoscit omnia, & omnia sibi per*  
*analogiam simulantur. Quapropter D. Dionys. su-*  
*pracitatus dicit: quod Deus in una existentia om-*  
*nia prahabet. En primum, & D. Aug. lib. de spe-*  
*culo cap. 14. ait: Deus est sine quantitate magnus,*  
*sine qualitate bonus, sine tempore sempiternus, sine*  
*morte vita, sine infirmitate fortis, sine mendacio*  
*verus, sine loco ubique totus, sine situ ubique pra-*  
*sens, sine extensione omnia implens, sine contra-*  
*ctione ubique occurrens, sine motu omnia transcen-*  
*dens, sine statu intra omnia manens, sine indigen-*  
*tia omnia creans, sine labore omnia regens, sine mu-*  
*tatione omnia mutabilia faciens. En secundum.*  
*De 3. intelligendus Irenæus supra citatus.*

### C A P V T III.

#### *Solvuntur argumenta.*

**A**Rgum. 1. Deus non continet eminenter 15.  
 ipsam vitam & sapientiam, seu vivere &  
 sapere; sed hæc sunt perfectiones simpliciter  
 simplices: ergo perfectiones simpliciter simpli-  
 ces non continentur eminenter formaliter in  
 Deo. Prob. maj. Deus intantum dicitur omnes  
 perfectiones eminenter continere, quia est ipsum  
 esse simpliciter & per se subsistens: sed in  
 esse non possunt contineri eminenter perfectio-  
 nes vitæ & sapientiæ: ergo Deus non continet  
 eminenter vitam & sapientiam. Prob. min. id  
 quod est perfectius, nequit in perfectiori tan-  
 quam in causa effectiva eminenter contineri,  
 quia perfectum est prius imperfecto secundum

510 *Quaest. IV. De Perfectione Dei*,  
 esse : sed vita & sapientia sunt quid perfectius  
 quam esse : ergo nequeunt in illo eminenter si-  
 cut in causa effectiva contineri. Prob. min. vi-  
 vens est perfectius quam ens , & sapiens quam  
 vivens : ergo vita , & sapientia , quam ipsum  
 esse. Vnumquodque enim nobilitatem sortitur  
 ex forma , & actu. Nota breviter , quod per sa-  
 pientiam intelligit vitam cognoscitivam , seu  
 intellectualem , & per sapiens ipsum cognosci-  
 tivum , seu intellectivum , ut patet *sup. Dionys.*  
*cap. 5. lect. 1.*

16. Resp. ex S.D. neg. maj. ad prob. dist. min. in  
 esse per se subsistenti in re , & quod est ut actus  
 & causa omnium rerum non possunt contineri  
 eminenter perfectiones vitæ & sapientiæ , nego :  
 in esse non per se subsistenti in re , sed quod  
 habet participari , & quodammodo inesse , con-  
 cedo. Ad prob. dist. min. vita & sapientia sunt  
 quid perfectius quam esse , si sumantur vita &  
 sapientia prout in re includunt ipsum esse , ut  
 actum earum , & ei specialem perfectionis gra-  
 dum addunt , concedo : si sumantur secundum  
 suas rationes formales quas addunt enti , cum  
 exclusionem ipsius esse simpliciter & in actu , ne-  
 go ; sic enim esse est perfectius secundum ratio-  
 nem suam formaliter & præcisivè ad vitæ , &  
 sapientiæ rationes , à quibus abstractione for-  
 mali abstrahit ; nam se habet ut actuans omnes  
 perfectiones , quæ intantum sunt simpliciter  
 perfectiones , inquantum habent de ipso esse  
 actu. Hinc est quod si admittatur in re tale esse  
 per se subsistere , & non in intellectu tantum ,  
 reipsa includet perfectiones vitæ , & sapientiæ  
 & quaslibet alias , sicut actus & causa essendi  
 simpliciter omnibus. Tale autem esse , quod  
 per

*Art. II. An in Deo sint perfecti Cap. III. § I I*  
 per rationem duntaxat in creatis accipitur ut  
 per se & solitariè, in Deo reipsa per se subsistens  
 est, inde est quod in eo continentur omnes re-  
 rum perfectiones, sicut in primo actu, & om-  
 nium causa effectiva.

Argum. 2. in eo qui est maximè simplex, re-  
 rum omnium perfectiones esse nequeunt; sed  
 Deus est maximè simplex: ergo in eo rerum  
 omnium perfectiones non sunt. Prob. maj. mul-  
 ta & diversa in uno simplici esse non possunt;  
 sed perfectiones rerum sunt multæ & diversæ:  
 ergo non possunt esse in eo qui est maximè  
 simplex. Conf. opposita simul in eodem esse  
 non possunt; sed multæ rerum perfectiones  
 sunt adinvicem oppositæ, ut sunt diversæ ejus-  
 dem generis species, quæ per oppositas diffe-  
 rentias constituuntur: ergo in Deo rerum om-  
 nium perfectiones esse non possunt.

Resp. ex S.D. dist. maj. in eo qui est maximè  
 simplex non possunt multa & diversa esse per  
 modum plurium concedo: per modum unius,  
 nego: quo pacto omnium rerum perfectiones  
 sunt in Deo, esto simplicissimus sit. Sicut enim  
 sol (ut ait Dionysius *cap. 5. de divin. nom.*) sen-  
 sibilium substantias & qualitates multas, diffe-  
 rentesque ipse unus existens, & uniformiter  
 lucendo, in seipso uniformiter præaccipit, ita  
 multò magis in causa omnium necesse est exi-  
 stere omnia secundum naturalem unionem. Ad  
 conf. eodem modo dicitur, quod ea quæ inter  
 se sunt contrariæ, in Deo præexistunt, non ut  
 contraria, sed ut unum.

Arg. 3. omne illud quod dicitur de aliquo ex  
 sola ratione similitudinis alterius, non est pro-  
 priè in illo, sed metaphoricè duntaxat de ipso

17.

18.

19.

prædicatur, sicut cum dicitur pratum ridere; sed perfectiones quæ ex creaturis Deo attribuuntur, solum secundum aliquam rationem similitudinis, quam creaturæ perfectiones ad divinam bonitatem habent, Deo attribuuntur: igitur non sunt in eo verè & propriè seu formaliter, sed similitudinariè tantum.

20. Confirm. hujusmodi perfectiones simpliciter simplices analogicè duntaxat Deo & creaturis conveniunt, ut docet S. D. *infra* q. 13, art. 5. sed quæ analogicè duntaxat conveniunt secundum eandem rationem formalem non conveniunt; ergo perfectiones simpliciter simplices, quæ formaliter in creaturis reperiuntur, in Deo formaliter non sunt constituendæ, & eo modo quo creaturis competunt, aliàs secundum eandem rationem simpliciter, & univocè convenirent.

21. Resp. ad arg. ex D. Th. q. 7. *de potent.* art. 5. ad 8. dist. maj. si illa similitudo per se fundetur in esse formæ, ut forma & actus est utriusque, inæqualiter tamen, & secundum habitudinem unius ad alterum, nego: si non fundetur in esse formæ secundum se, sed secundum aliquem effectum ejus, concedo. Sicut videre prati non fundatur in similitudine formæ prati cum homine, sed in quodam effectum ejus. Et dist. min. perfectiones, quæ ex creaturis Deo attribuuntur, solum ei attribuuntur secundum aliquam rationem similitudinis, fundatæ in conceptu proprio formæ in se non claudens imperfectionem, concedo: fundatæ in sola proprietate, vel habitudine ad effectum, nego minorem, & consequentiam. Verba D. Thomæ sunt: *Dicendum quod in effectu invenitur aliquid, per quod assimilatur sua causa, & aliquid per quod à sua causa differt: quod quidem*

dem convenit ei vel ex materia, vel ex aliquo huiusmodi; sicut patet in latere indurato per ignem. Nam in hoc quod lutum calefiat ab igne, igni similatur: in hoc verò quod calefactum ingrossetur & induretur, differt ab igne; sed habet hoc ex materia conditione. Si ergo id in quo later igni similatur, de igne dicatur, proprie dicetur de eo, & eminentius & per prius. Ignis enim est calidior quam later, & iterum eminentius: nam later est calidus quasi calefactus, ignis autem naturaliter. Si verò id in quo later ab igne differt, dicamus de igne, falsum erit, & nomen huiusmodi conditionem in suo intellectu habens de igne non poterit dici; nisi metaphoricè. Falsum est enim ignem qui est subtilissimum corpus, grossum dici. Durus autem dici potest propter violentiam actionis, & non facilem potentiam passionis. Similiter consideranda sunt in creaturis quadam, secundum quæ Deo simulantur, quæ quantum ad rem significatam, nullam imperfectionem important, sicut esse, vivere, & intelligere, & huiusmodi. Quadam verò sunt secundum quæ creatura differt à Deo, consequentia ipsam prout est ex nihilo, sicut potentialitas, privatio, motus, & alia huiusmodi: & ista sunt falsa de Deo. Et quæcunque nomina in suo intellectu huiusmodi conditiones claudunt, de Deo dici non possunt nisi metaphoricè, sicut leo, lapis, & huiusmodi, propter hoc quod in sui definitione habent materiam. Dicuntur autem huiusmodi metaphoricè de Deo propter similitudinem effectus.

Ex his patet ad conf. dico enim quod equidem huiusmodi perfectiones simpliciter simplices Deo analogicè conveniunt, non propter solam effectus formæ, vel proprietatis similitudinem, ut contingit in his quæ metaphoricè

22.

514 *Quest. IV. De Perfectione Dei*,  
dicuntur ; sed secundum esse & rationem for-  
mæ , licet inæqualiter , & per attributionem  
unius ad alterum , ut accidit in analogis attri-  
butionis & proportionalitatis. Videnda sunt  
quæ diximus *tomo 2. clypei Philosophia quest. 2.*

---

## C A P V T IV.

*Quomodo huiusmodi perfectiones , seu attri-  
buta in Deo , inter se & ab essentia  
divina distinguantur.*

### §. I.

*Varia sententia referuntur, & quædam prænotantur,*

23. **Q**uidam antiqui , quos suppresso nomine  
refert D. Thomas *in 1. dist. 2. q. 1. art. 2.* asse-  
ruerunt attributa divina inter se nonnisi penes  
diversa connotata in creaturis differre. Quam  
sententiam postea sequuti videntur Gregorius  
*in 1. dist. 8. q. 2. art. 1. & 2.* & alii nominales,  
solam distinctionem rationis ratiocipantis inter  
huiusmodi attributa admittentes , cui ex parte  
Dei nihil proximè correspondeat , ex parte ta-  
men effectus diversa connotatio.

24. Alii dixerunt huiusmodi attributa etiam ante  
omnem intellectus operationem distinctione  
aliqua reali formali, seu ex natura rei distingui.  
Huius sententiæ meminit Durandus *in 1. dist. 2.  
quest. 2.* Authores tamen illius non refert , sed  
cum ipse floruerit circa tempora in quibus scri-  
psit Scotus : nam iste floruit circa annum 1297.  
ut refert Spondanus , ille autem circa annum  
1318. ut narrat Trithemius, verisimile est quod  
de

*Art. II. An in Deo sint perfecti. Cap. IV. § 15*  
 de Scoto ipso, & Sectatoribus ejus intelligat,  
 cui communiter hæc sententia tribuitur. Eam  
 docet in 1. dist. 2. quæst. 7. Ipsum sequuntur com-  
 muniter ejus discipuli. Hujusmodi distinctio  
 quæ in Scholis, & publicis congressibus tot  
 disputationum lites movere solet, sic ab ipso  
 met Scoto ibidem explicatur. *Sed nunquid hæc*  
*distinctio dicetur realis? Respondeo, non est pro-*  
*prie realis actualis, sicut communiter, realis actua-*  
*lis illa, qua est differentia rerum & in actu... &*  
*sicut non est realis actualis, ita non est realis po-*  
*tentialis... Potest autem vocari differentia rationis,*  
*sicut dicit Doctor quidam, non quod ratio accipia-*  
*tur pro differentia formata ab intellectu; sed ut*  
*ratio accipitur pro quidditate rei, secundum*  
*quod quidditas est objectum intellectus. Vel alio*  
*modo potest vocari differentia virtualis: quia illud*  
*quod habet talem distinctionem, in se non habet*  
*rem, & rem, sed est una res habens virtualiter,*  
*sive eminenter quasi duas realitates: Quia utrique*  
*realitati ut est in illa re competit illud proprium*  
*quod inest tali realitati, ac si ipsa esset res distin-*  
*cta, ita enim hæc realitas distinguit (nimirum*  
*personalitas) & illa res non distinguit (scilicet essen-*  
*tia) sicut si ista esset una res, & illa alia. Et paulò*  
*infra eam vocat non identitatem, dicens: Ista*  
*autem distinctio, sive non formalis identitas. Vnde*  
*colligitur, non tam distinctionis propriæ, quam*  
*non identitatis vocem, & rationem apud Sco-*  
*tum habere.*

Alii denique docent attributa inter se & ab  
 essentia distingui virtualiter à parte rei, & for-  
 maliter per intellectum, non quidem distin-  
 ctione rationis ratiocinantis, & absque funda-  
 mento in re, sed ratione ratiocinata. Hæc sen-  
 tentia

tentia inter Theologos est receptissima, & cum D.Th. innumeris in locis eam constituunt omnes ejus discipuli & alii non pauci quos citat, & sequitur Illustriss. Godoy *hic q. 2. tr. 1. disp. 5. §. 1.*

26. Pro cujus intelligentia diligenter notandum est (quia, ut inquit S. D. *ex hoc pendet totus intellectus eorum, quæ dicuntur in 1. lib. sent.*) quod ratio prout hîc sumitur nihil aliud est, quam id quod apprehendit intellectus de significatione alicujus nominis, & hoc in his quæ habent diffinitionem est ipsa rei diffinitio, secundum quod dicit Philosophus 4. *metaphys.* ratio quam significat nomen, est diffinitio, sed quædamque dicuntur habere rationem sic dictam, quæ non diffiniuntur, sicut quantitas, qualitas & hujusmodi, quæ non diffiniuntur, quia sunt genera generalissima. Et tamen ratio qualitatis est id quod significatur nomine qualitatis: & hoc est illud ex quo habet qualitas, quod sit qualitas. Et sic patet quod ratio sapientiæ v. g. quæ de Deo dicitur, est id quod concipitur de significatione hujus nominis, quamvis ipsa sapientia divina diffiniri non possit. Nec tamen hoc nomen *ratio* significat ipsam conceptionem, quia hoc significatur nomine sapientiæ, sed significat intentionem hujus conceptionis, sicut & hoc nomen diffinitio, & alia nomina secundæ impositionis.

27. Ex hoc patet qualiter ratio dicatur esse in re, inquit S. D. non enim hoc dicitur, quasi ipsa intentio, quam significat hoc nomen, *ratio*, sit in re, aut etiam ipsa conceptio, cui convenit talis intentio, sit in re extra animam, cum sit in anima, sicut in subiecto, sed dicitur esse in re, in quantum in re extra animam est aliquid, quod respondet



respondet conceptioni, sicut signatum signo.

28.

Sciendum est autem quod ipsa conceptio intellectus tripliciter se habet ad rem, quæ est extra animam. Aliquando enim hoc quod intellectus concipit, est similitudo rei existentis extra animam; sicut hoc quod concipitur de hoc nomine *homo*, & talis conceptio intellectus habet fundamentum in re immediate, in quantum res ipsa ex sua conformitate ad intellectum, facit quod intellectus sit verus, & quod nomen significans illum intellectum propriè de re ipsa dicatur. Aliquando autem hoc quod significat nomen, non est similitudo rei existentis extra animam, sed est aliquid quod consequitur ex modo intelligendi rem, quæ est extra animam; & huiusmodi sunt intentiones, quas intellectus noster adinvenit, sicut significatum huius nominis *genus*, non est similitudo alicujus rei extra animam existentis, sed ex hoc quod intellectus intelligit animal, ut in pluribus speciebus, attribuit ei intentionem generis, & huiusmodi intentionis, licet proximum fundamentum non sit in re, sed in intellecta, tamen remotum fundamentum est res ipsa. Vnde intellectus non est falsus, qui has intentiones adinvenit. Et simile est de omnibus aliis, quæ consequuntur ex modo intelligendi, sicut est abstractio mathematicorum, & huiusmodi, *ibid.*

Aliquando verò id quod significatur per nomen non habet fundamentum in re, neque proximum, neque remotum, sicut conceptio chimæ; quia neque est similitudo alicujus rei extra animam, neque ex modo intelligendi rem aliquam naturæ consequitur. Et ideo ista con-

29.

ceptio

ceptio est falsa. Vnde patet quod ratio dicitur esse in re, inquantum significatum nominis, cui accidit esse rationem, est in re. Et hoc contingit propriè, quando conceptio intellectus est similitudo rei, *ibidem c.*

30. Ex quo sequitur, quod sicut ratio hominis non dicitur esse in homine, quasi res quædam in ipso, sed est sicut in subiecto in intellectu, & est in homine, sicut in eo, quod veritati ipsius fulcimentum præstat: ita etiam ratio bonitatis divinæ, & alterius cujuscunque attributi est in intellectu concipiente, sicut in subiecto, in Deo autem sicut in eo, quod correspondet per quandam similitudinem isti rationi faciens ejus veritatem. Sicut enim dicitur aliquid fundari, vel radicari in aliquo, ex quo firmitatem habet, sicut domus in fundamento, & arbor in terra, ita pariter hujusmodi rationes intellectæ in rebus intellectis fundari, & radicari dicuntur, quia ab eis hauriunt suæ veritatis firmitatem, *ibid. ad 1.*

31. Sed sciendum est quod rationes intellectæ habent duplicem firmitatem, scil. firmitatem sui esse, & hanc habent ab intellectu sicut alia accidentia à suis subiectis; & etiam habent firmitatem suæ veritatis, & hanc habent ex re cui conformantur. Ex eo enim quod res est, vel non est, locutio & intellectus veritatem, vel falsitatem habet. Rationes ergo attributorum fundantur, vel radicanur in intellectu quantum ad firmitatem sui esse, quia intellectus est earum subiectum; in essentia autem divina quantum ad firmitatem suæ veritatis. *Ibid. ad 5.*

32. Ex his patet convenientia inter D. Thomam, & ipsum Scotum, in eo quod uterque admittit cum

*Art. II. An in Deo sint perfect. Cap. IV. § 19*  
 cum diversitate attributorum summam simplicitatem, quæ non comparitur ullam distinctionem actualem, seu differentiam rerum, itaut Deus habens plura attributa nullatenus habeat rem, & rem. Deinde conveniunt in hoc, quod in Deo realiter est aliquid correspondens conceptioni intellectus, & præbens fulcimentum veritati illius, quando diversas concipit rationes attributorum, ac perfectionum. Tota ergo difficultas est, utrum ante operationem intellectus entitas quæ est bonitas, & entitas quæ est sapientia taliter se includant, & identificentur, ut bonitas ex natura sua, prout in Deo repperta, sit realiter formaliter sapientia, vel è contra sit non ipsa, etiam prout in Deo invenitur, & est divina.

## §. II.

*Statuitur divina attributa inter se, & ab essentia non distingui realiter ex natura rei, & autoritate probatur.*

**A**Ntequam ad impugnandam subtilis Doctoris sententiam deveniamus, prænotandum est ex D. Thoma quod dupliciter aliqua possunt esse unum in Deo. Vno modo ex parte ejus in quo sunt tantum, & non ex propria ratione, sicut scientia, & potentia: non enim scientia ex hoc quod scientia, est idem quod potentia secundum rem, sed ex hoc quod est divina, & quæ sic sunt unum re in Deo, in creaturis inveniuntur secundum rem differre. Alio modo ex ipsa ratione eorum, quæ dicuntur esse unum realiter, & sic bonum, & ens sunt unum in Deo realiter; quia de ratione boni est, quod non

33.  
 Quæst.  
 21. de ver.  
 rit. a. 1.  
 ad 5.

non differat secundum rem ab ente, & idèò ubique invenitur bonum, & ens, sunt idem secundum rem. Itaque dicimus, quod esto diversa attributa, ut scientia, & potentia ex propria ratione, qua inveniuntur in creaturis, non sint unum secundum rem, tamen ut attributa divina, & prout sunt in Deo sunt taliter unum secundum rem, quod secundum rem, immò ex natura rei in qua sunt habeant non differre realiter, sed sola ratione ratiocinata, quia sunt in ea tanquam in simplicissima essentia, & natura, ac subinde ut omnino unum.

34.

Prob. Primò hæc veritas ex Concilio Remensi, quod damnans Gilberti Poretani errores, quorum primus iste fuit; *Quod divina natura qua divinitas dicitur, Deus non sit, sed forma quâ Deus est, quemadmodum humanitas homo non est, sed forma quâ est homo*: ita definit: *Credimus & confitemur simplicem naturam divinitatis esse Deum, nec aliquo sensu catholico posse negari, quin divinitas sit Deus, & Deus sit divinitas. Sicubi verò dicitur Domini sapientia sapientem, magnitudine magnum, divinitate Deum esse, & alia hujusmodi, credimus nonnisi eâ sapientia, qua Deus est, sapientem esse; nonnisi eâ magnitudine, qua est ipse Deus, magnum esse; nonnisi eâ aeternitate, qua est ipse Deus æternum esse; nonnisi eâ unitate unum, qua est ipse. Quæ definitio sumpta est ex SS. Patribus, præsertim verò ex D. Augustino, ut videre est in D. Bernardo serm. 80. in Cantica, ubi ita scribit: *Iam de magnitudine, bonitate, & justitia sapientiaque, idem per omnia quod de divinitate sentimus; Unum in Deo sunt, & cum Deo. Nec enim aliunde bonus, quam unde magnus; nec aliunde justus*  
aut*

*Art. II. An in Deo sint perfect. Cap. IV. § 21*  
aut sapiens, quam unde magnus, & bonus; nec  
aliunde denique hac omnia, quam unde Deus, &  
hoc quoque nonnisi seipso. Sed dicit hareticus;  
*Quid? Deum divinitatem esse negas? Non, sed*  
*eandem divinitatem quâ est, Deum nihilominus*  
*asserto, ne Deo excellentius aliquid esse assentiar.*  
*Nam & magnitudine dico magnum, sed quia ipse*  
*est, ne majus aliquid Deo ponam; & bonitate fa-*  
*teor bonum, sed non alia quam ipse est, ne melius*  
*ipso aliquid mihi videar invenisse; & de ceteris*  
*in hunc modum securus & libens pergo inoffenso;*  
*ut aiunt, pede in ejus sententiam, qui dicebat;*  
*Deus nonnisi ea magnitudine magnus est, quæ est*  
*quod ipse. Alioquin illa erit major magnitudo*  
*quam Deus. Augustinus hic est, validissimus*  
*malleus hæreticorum. Si quid itaque de Deo pro-*  
*prie dici possit, rectius congruentiusque dicetur,*  
*Deus est magnitudo, bonitas, justitia, sapientia;*  
*quam Deus est magnus, bonus, justus, aut sapiens.*  
Videndus S. D. Augustinus lib. 7. de Trinit. c. 4.  
& 6. lib. 15. c. 5. & 6. & alibi passim.

Communis Scotistarum solutio est, inten-  
tum Concilij fuisse, duntaxat à divina simplici-  
tate distinctionem realem entitativam exclu-  
dere, qualis inter rationes creatas realiter di-  
stinctas reperitur, non verò distinctionem for-  
malem ex natura rei, qualem admittit Scotus  
& ejus Schola. Quod ex eo colligit Mastrius in  
1. disp. 2. art. 3. num. 68. quòd D. Bernardus loco  
cit. disputans contra Gilbertum adducit exem-  
pla quæ realem inferunt distinctionem, ut al-  
bedinis à nive, & nigredinis à corvo. Simili-  
ter ad Bernardi & aliorum Patrum testimonia  
respondent de hujusmodi distinctione reali en-  
titativa intelligi debere, non verò de distinctione  
reali

reali ex natura rei ; quam admitti à SS. Patribus existimant , dum simplicem multiplicitatem constituunt ; aut uni attributo attribuunt, quod alteri denegant ; Etenim D. Hilarius lib. 8. de Trinit. inquit , *Non voluntatem Dei , sed potestatem efficere creaturam* ; Et D. August. lib. 6. de Trinit. cap. 6. ait Deum multipliciter dici , magnum , bonum , sapientem , beatum , verum , & quidquid aliud non indignè dici videtur.

36.

Profecto quamvis nullatenus dubitem subtilis Doctoris opinionem toto cœlo ab errore Gilberti distare, quod ad relationes & essentiam spectat , ut infra *quaest.* 28. ostendetur ; tamen in constituenda hujusmodi distinctione reali ex natura rei inter essentiam & attributa , vel ipsa attributa adinvicem , non satis longè à modo dicendi Gilberti abscedere videtur Scotus ; nec satis præfati Concilij definitionem servare (quod tamen citra tanti Doctoris , & ejus Scholæ injuriam dictum velim. ) Non , inquam , videtur satis præfati Concilii definitioni ejus doctrina consonare ; Nam Concilium contra Gilbertum diffiniens , in Symbolo fidei quod condidit, ob servandam omnimodam naturæ divinæ simplicitatem , statuit , in aliquo sensu catholico non posse negari , quin Deus sit divinitas , sapientia , bonitas &c. sed admissa Scoti distinctione reali ex natura rei , oportet quod verum sit dicere ante omnem operationem intellectus , quod Deus ex natura rei non sit sua sapientia , nec sapientia divina ejus bonitas : ergo hæc distinctio non satis videtur definitionem præfati Concilii salvare. Minor prob. quia unum distingui ab alio est unum non esse aliud : ergo si à parte rei , & ante omnem operationem intellectus attributa

*Art. II. An in Deo sint perfect. Cap. IV. § 23*  
 buta ex natura rei ab essentia distinguuntur,  
 verum erit dicere, quod Deitas non sit bonitas;  
 nec bonitas Deus, aut Dei sapientia &c. Et  
 reipsa quidem ita concedit Scotus in 1. dist. 8.  
*quest. 4. §. ad questionem*, ubi ait: *Sapientia est*  
*in re ex natura rei, & bonitas est in re ex natura*  
*rei: Sapientia autem in re formaliter non est boni-*  
*tas in re.* Nec ibi locum habet dicere, quod  
 non potest catholicè negari, quia Deus sit divi-  
 nitas, vel sapientia, aut bonitas entitativè: quia  
 Concilium utitur signo universalì negativo,  
 nimirum *nec aliquo sensu catholico posse negari*  
*quin Deus sit divinitas &c.*

Præterea, quia inter attributa & essentiam  
 divinam nonnisi distinctionem formalem ex  
 natura rei, & non realem entitativam consti-  
 tuit Gilbertus: ergo hanc à Deo removel Con-  
 cilium contra Gilbertum definiens. Prob. an-  
 tec. quia ipse Gilbertus dixit attributa esse in-  
 teriùs in Deo, relationes verò extrinsecus affi-  
 xas, ut patet ex Magistro Sent. lib. 1. *distinct. 33.*  
 ubi referens opinionem Gilberti, & sequacium  
 illius, ait: *Hoc autem aliqui negant* (nimirum  
 proprietates personales esse ipsammet essentiam  
 divinam, vel id quod est Deus) *dicentes quidem*  
*proprietates in personis esse, sed non esse personarum*  
*ipsas: quia ita dicunt esse in personis, vel in essen-*  
*tia divina ut non sint interiùs, sicut ea que secun-*  
*dum substantiam dicuntur de Deo, ut bonitas &*  
*justitia: sed extrinsecus affixa sunt.* Sed quod  
 est interiùs in aliquo, & non est accidens ipsi  
 inhærens, aut pars ejus, realiter & entitativè  
 est substantia illius in quo est interiùs, sicut  
 humanitas quæ est in homine, non ut acci-  
 dens, aut pars ejus, sed ut forma qua homo est

37.

524 *Quaest. IV. De Perfectione Dei*,  
homo, realiter entitativè est substantia hominis:  
ergo cum Gilbertus non posuerit attributa v.g.  
bonitatem, sapientiam &c. esse accidentia Dei  
physica, aut partes ejus, sed quasdam formas  
quibus est sapiens, bonus &c. non constituit  
distinctionem realem entitativam, sed solum  
realem ex natura rei.

38. Confirm. quia hæc fuit Gilberti doctrina in  
prædicto Concilio damnata: *Quod natura divi-  
na, quæ divinitas dicitur, Deus non sit, sed forma  
quâ Deus est, quemadmodum humanitas homo non  
est, sed forma quâ est homo*: sed humanitas non  
est distincta entitas ab homine sicut accidens à  
subjecto, vel ut una pars ab alia, aut à suo to-  
to, quia in re dicit totam hominis essentiam;  
licèt alio modo formaliter quam homo, quia  
homo dicit essentiam hominis ut in habente,  
humanitas verò ut per se: ergo etiam non con-  
stituit distinctionem realem entitativam, tan-  
quam inter duas entitates, inter essentiam &  
attributa, sed solum formalem ex natura rei,  
quia attributa se habent ut quædam formæ qui-  
bus Deus est sapiens, bonus &c. Deus autem  
se habet ut id in quo sunt tales formæ, inter-  
rius tamen, seu intra substantiam Dei existen-  
tes, aliàs essent ejus accidentia physica, quod  
nullatenus admisit Gilbertus. Hinc est quod  
M. Albertus *dicta dist. 33. art. 5.* rationes Gilberti  
adducens, præsertim eam quæ in contradictoriis  
fundatur, ait, quod ipse duas propositiones  
supponebat, nimirum quod non idem sit *om-  
nino* unicus & distinguens, sed differunt in  
aliquo: & quod id quod distinguitur secun-  
dum intellectum solum, non sit causa distin-  
ctionis rei, quod est fundamentum Scoti ad  
consti



*Art. II. An in Deo sint perfecti. Cap IV. § 2 §*  
constituendam distinctionem ex natura rei in  
divinis.

Pro majori evidentia notandum est, quod 39.  
ipsemet Gilbertus *lib. de sex principiis cap. 5.* sic  
rationem formæ explicat: *Forma est compositio-*  
*ni contingens, simplici & invariabili essentia con-*  
*sistens.* Vbi notat M. Albertus quod diffinitur  
ibi logicè forma, prout dat esse formale totius,  
& est notio ipsius: quæ dicitur contingens,  
non quia aliquando non sit substantia, sed  
quia modus accipiendi eam semper est contin-  
gens & semper est accidens, nimirum logicè:  
quia secundum rationem suam accipitur ut ali-  
quid præter rationem subjecti, ut quo tamen  
subjectum est, & denominatur formaliter tale.  
Vnde ut forma est, semper importat respectum  
causæ ejus, quod secundum eam formatur, ut  
docet D. Th. *de verit. 9. 3. art. 3. c.* Quapropter  
cum oporteat causam formalem quodammodo  
distingui ab eo quod secundum eam formatur,  
quia nihil est forma sui ipsius, & divinitas, bo-  
nitas, sapientia divina &c. sint quædam formæ  
in re secundum quas Deus est Deus, bonus,  
sapiens &c. idcirco Gilbertus nolebat absolute  
concedere, quod Deitas esset Deus, sed id quo  
Deus est; sicut humanitas est id quo homo est  
homo, seu causa formalis ejus, quod est homi-  
nem esse: Non tamen ita quod assereret Deum  
& Deitatem esse duas entitates realiter entita-  
tivè distinctas, sed realiter ex natura rei; qua-  
tenus Deitas intrinsecè est in Deo sicut consti-  
tuens formaliter, seu id quo Deus est, ac subin-  
de non omnino idem ex natura formæ, seu rei  
cum ipso. Moveor ad hoc asserendum ex defi-  
nitione Concilii: quia ipsum non tantum de-

526 *Quaest. IV. De Perfectione Dei*,  
 finivit, *Simplicem naturam divinitatis esse Deum*  
 quod planè suffecisset, si Gilbertus distinctionem  
 realem entitativam admisisset: quia inter  
 sic distincta semper absolutè verificatur quod  
 unum non sit aliud; sed addidit: *Nec aliquo*  
*sensu Catholico posse negari quin divinitas sit*  
*Deus, & Deus sit divinitas*: Quia Gilbertus  
 equidem concedebat, ut diximus, non esse Dei-  
 tatem, sapientiam &c. extra Deum; ut entita-  
 tem ab eo diversam, sed intra substantiam  
 ejus: tamen secundum quod ipsam seu ex na-  
 tura rei esse non Deum, sed formam quâ Deus  
 esset: quam tergiversationem ut rejiceret ad-  
 jecit: *Nec in aliquo sensu &c.*

40. Quod ad Patrum testimonia attinet, quæ  
 Scotistæ de distinctione reali entitativa dunta-  
 xat, & non reali ex natura rei intelligenda vo-  
 lunt, immo hanc ab eis admitti aiunt, solutio  
 stare non potest: Primò quia ipsi SS. Doctores  
 explicantes quomodo hæc multiplicitas Deo  
 attribuat, ad diversum modum concipiendi  
 intellectus nostri, & significandi eandem sim-  
 plicem rem, & naturam diversis nominibus re-  
 currunt. Quod patet ex D. August. 7. *de Trinit.*  
*cap. 1.* ubi ait, magnitudinem, bonitatem, ju-  
 stitiam, pluribus vocabulis in eadem sapientia  
 intelligi: *Aut si hac omnia*, inquit, *pluribus vo-*  
*cabulis in eadem sapientia, & virtute intelliguntur,*  
*ut ea sit magnitudo qua virtus, ea bonitas qua sa-*  
*pientia, & ea rursus sapientia qua virtus, sicut*  
*jam tractavimus, meminerimus cum aliquid horum*  
*nomino accipiendum esse ac si omnia commemorem.*  
 Præterea D. Bernardus lib. 5. *de confid.* cap. 13.  
*Voces diversa*, inquit, *semita multe, sed unum per-*  
*ens significatur.* Tertiò D. Cyrillus Alex. lib. 11.

Theauri

*Art. II. An in Deo sint perfect. Cap. IV. § 27*

Theauri ait substantiam Dei seipsa perfectam esse, sed tamen nos cogi ea accidentium modo intelligere: *Reliquum est*, inquit, *ut voce modoque dicendi accidentia esse dicamus, non enim potest humana natura majus aliquid, quam ipsa concipere possit, de Deo dicere. Nostro enim proprio modo intelligimus & loquimur ex iis quæ in nobis sunt, quasi per exempla, majora intelligentes: sicut qui in minima charta cælestem circulum describunt. Tandem D. Damascenus lib. I. fid. orthod. cap. II. postquam præmisit, aliud esse re considerare & aliud ratione atque intelligentia, statim concludit quod omnia in Deo re sunt unum nisi ubi obviat relationis oppositio, ratione autem & intelligentia hoc distinctum, quia unum agnoscimus Deum.*

Secundò, quia nihil in abstracto significatum dicitur de alio, nisi includatur in formali conceptu alterius: sed quando duo ita se habent ut unum formaliter in conceptu alterius includatur, nequeunt ex natura rei distingui: ergo cum in SS. Patribus passim reperiantur prædicationes, in quibus attributa in abstracto significata adinvicem prædicantur, atque de essentia, oportet quod apud eos non possit hujusmodi realis formalis distinctio inter essentiam & attributa, vel attributa adinvicem in Deo constitui. Maj. patet, quia forma in abstracto nihil præter essentiam formalem rei dicit; v. g. humanitas dicit solam essentiam formalem hominis, & nil aliud præter ipsam: sed unum prædicari de alio est unum esse aliud: ergo cum forma in abstracto considerata prædicatur de alia similiter in abstracto considerata, oportet quod una includatur formaliter in

41.

conceptu & ratione alterius, quia nil aliud præter ipsam important. Præterea ideo entitas in abstracto prædicatur de quolibet, quia in ratione cujuslibet intrinsecè includitur. Minor etiam est evidens, quia in his quæ ex natura rei distinguuntur reperitur diversa definitio: ergo diversa quidditas & ratio: ergo unum non includitur formaliter in conceptu & ratione alterius.

42. Tandem, Sancti Patres eam distinctionem, & multipliciter inter essentiam, & attributa, vel attributa adinvicem rejiciunt, quæ obstat summæ Dei simplicitati: sed constituere plura attributa ex natura rei distincta obstat summæ simplicitati Dei, ut fusè ostendetur §. seq. ergo rejiciunt quamlibet distinctionem realem, etiam ex natura rei.

### §. III.

*Attributa divina ab invicem, vel ab essentia divina non distinguuntur realiter ex natura rei, ratione desumpta ex summa Dei simplicitate ostenditur.*

43. **R**ationes quibus Theologi distinctionem ex natura rei à divinis attributis & essentia rejiciunt, sunt variae ac multimodæ, quarum prima sit: Deus est summè unus unitate simplicitatis, seu omnino simplex, ut sumitur ex Concilio Lateranensi sub Innocentio III. cap. 1. sed summa unitas simplicitatis, vel summa simplicitas secum aliquam distinctionem ex natura rei non compatitur: ergo inter essentiam & attributa, seu attributa adinvicem aliqua distinctio realis ex natura rei admitti non debet

*Art. II. An in Deo sint perfecti. Cap. IV. § 29*  
debet. Maj. probari potest, ex ipso Scoto simplicitas est quædam perfectio : sed quælibet perfectio in Deo ejusmodi est, quod eâ major esse non possit, cum sit simpliciter infinita, & actus purus : ergo Deus est summè unus unitate simplicitatis, seu omnino simplex, itaut major simplicitatis perfectio esse nequeat.

Minor etiam prob. unitas simplicitatis est vera identitas, ut patet ex ipso Scoto : ergo quod est summè unum unitate simplicitatis, seu omnino simplex, est summè & omnino idem; sed quod est summè & omnino idem nullam secum realem distinctionem, etiam ex natura rei compatitur : ergo summa unitas simplicitatis, seu summa simplicitas secum aliquam realem distinctionem ex natura rei non compatitur. Minor prob. omnis distinctio realis ex natura rei est quædam realis non identitas, ut patet ex Scoto supracitato §. 1. sed quælibet realis non identitas opponitur summæ reali identitati : ergo quod est summè & omnino idem nullam compatitur secum non identitatem realem, subindeque nullam distinctionem ex natura rei.

Conf. 1. perfecta identitas in perfecta unitate fundatur; unde Sortis ad Platonē non est perfecta identitas, quia non fundatur in perfecta unitate; sed magis est idem realiter, quod est idem identitate reali formali, quàm quod est idem identitate reali tantum, ut constat ex eodem Scoto in 1. dist. 2. quæst. 7. §. in quinto : ergo quod est idem identitate formali est magis perfectè unum, quam quod est idem sola identitate reali; sed quod est aliquid perfectiùs unum, eò magis est indistinctum, & simplex in suo esse;

quia unum dicitur ex eo quod est indivisum seu indistinctum in se, & distinctum à quolibet alio: ergo quod est summè unum, & omnino simplex, debet habere summè esse indistinctum in se, & in re; sed quod admittit distinctionem ex natura rei, non est in re summè indistinctum; quia hæc distinctio, cum sit quædam species distinctionis realis, licet minima, realiter opponitur indistincto: ergo tollit summam unitatem, ac simplicitatem omnimodam: quam in Deo præfatum Concilium Lateranense exigit, nam *ly omnino simplex*, est idem ac *prorsus seu in nullo distinctum*.

46. Conf. 2. Oppositorum sunt oppositæ rationes; sed ex ipso Scoto identitas in unitate fundatur, & quò perfectior est unitas, eò perfectior est identitas: ergo distinctio, quæ opponitur identitati saltim formali, in aliqua multitudine fundari debet, cum multitudo & unitas opponantur: sed quælibet multitudo absoluta in re opponitur summæ simplicitati naturæ & essentiæ: ergo natura & essentia Dei non erit omnino simplex. Prob. min. quia sicut unum dicitur quod non dividitur, seu est indivisum in se, ita quædam multa ex eo dicuntur, quod dividuntur; sed quod divisionem patitur, non est omnino simplex: ergo quælibet absoluta multitudo in re opponitur summæ simplicitati aliqujus naturæ & essentiæ.

47. Nec valet commune Scotistarum effugium, dicentium, quòd ad compositionem, quæ simplicitati opponitur, non sufficiat quælibet pluralitas, sed requiratur imprimis quod illorum plurium unum sit potentia ad aliud; deinde quod unum non sit idem alteri, saltim perfectè,

etè, quod in Deo non contingit; capropter distinctionem ex natura rei in eo nullam compositionem importat, sed summam simplicitatem.

Non, inquam, valet; quia admissa distinctione reali ex natura rei, reperitur imprimis quod essentia non sit idem perfectè attributis, seu unum attributum alteri attributo; quod prob. 1. quia quælibet realis distinctio est realis non identitas: realis non identitas opponitur summæ reali identitati: ergo admissa reali distinctione ex natura rei inter essentiam & attributa, ipsa non erunt perfectè idem. Secundò, quia illud non est simpliciter & perfectè tale essentialiter, quo aliquid majus, & perfectius in eodem ordine & linea reperitur; sed identitate quæ reperitur inter essentiam & attributa, vel attributa adinvicem comparata (supposita distinctione ex natura rei inter illa) simpliciter reperitur major & perfectior identitas in ratione identitatis, nimirum identitas realis formalis, ut ipse Scotus fatetur *loc. cit.* ergo essentia & attributa, admissa tali distinctione ex natura rei, non erunt perfectè idem.

Deinde etiam ipsa essentia divina erit in potentia ad perfectiones attributorum, vel saltem essentia divina & attributa ut particulares rationes quidditatum in Deo existentes erunt potentia ad Deum ceu quoddam totum, & quidpiam summè perfectum ex essentia & attributis coalescens. Quod prob. primò, omne perfectibile est quodammodo in potentia ad suam propriam perfectionem: sed essentia divina ut distincta ex natura rei ab ipsis attributis se habet in ratione perfectibilis respectu attributorum: ergo se habet in re ut quædam potentia ad illa.

Prob.

Prob. min. omne attributum ut distinctum ex natura rei ab essentia divina est ex propria ratione perfectio simpliciter simplex, quam melius est esse quam non inesse; sed omnis perfectio in ordine ad aliquod perfectibile dicitur: ergo cum attributa dicantur perfectiones in ordine ad essentiam, ipsa essentia se habebit in ratione perfectibilis ad attributa.

50. Prob. 2. potentia dicitur per carentiam actus debiti, seu perfectionis naturae inesse; sed essentia secundum quod ipsa in re non est formaliter attributum divinum, quod ei inesse natum est, ut actus & perfectio quaedam; & tam essentia quam attributa ut rationes & quidditates speciales existentes in Deo formaliter ex natura rei non sunt ipsum quod est Deus: ergo sunt potentia ad Deum.

#### §. IV.

*Huiusmodi distinctio formalis ex natura rei inter attributa & essentiam Dei, seu attributa ad invicem, rejicitur ratione desumpta ex infinitate Dei, & purissima essendi actualitate.*

51. **S**ecunda ratio ex infinita naturae divinae perfectione, & purissima essendi actualitate, in hunc modum deducitur: Essentia divina est simpliciter infinita & in omni genere; sed non esset infinita simpliciter & in omni genere, nisi in suo conceptu quidditativo atque primario formaliter & ex sui natura omnia attributa sibi in re identificaret: ergo essentia divina in suo conceptu quidditativo, & primario formaliter & ex sui natura omnia attributa sibi identificat: sed quod formaliter & ex natura rei sibi aliquid in



in re identificat, non distinguitur formaliter & ex natura rei ab illo: ergo essentia divina non distinguitur realiter formaliter seu ex natura rei ab ipsis attributis. Maj. patet; minor verò prob. de ratione infiniti simpliciter & in omni genere est quod in suo esse, & conceptu quidditativo formaliter omnem, & quamcunque perfectionem simpliciter simplicem includat; itaut in re, seu ex natura rei nulla sit extra ipsum: sed si attributa, quæ sunt perfectiones simpliciter simplices formaliter in Deo reperiuntur, à divina essentia in re formaliter ex natura rei distinguerentur, tunc in re non essent in conceptu quidditativo divinæ essentiæ comprehensa, & formaliter inclusa: ergo essentia divina non esset infinita simpliciter & in omni genere, nisi in suo conceptu quidditativo atque primario formaliter & ex natura rei omnia attributa sibi in re identificaret. Maj. patet, quia infinitum in omni genere & simpliciter dicitur, quod sine & termino perfectionis caret, seu extra quod nulla perfectio est: sed si infinitum simpliciter in suo esse & conceptu quidditativo formaliter omnem & quamcunque perfectionem simpliciter simplicem non includeret formaliter, & ex natura sua, jam non careret termino & fine perfectionis, essetque aliquid extra ipsum; quia taliter haberet unam aut plures, quod non haberet aliam, vel alias: igitur de ratione infiniti simpliciter & in omni genere est, quod in suo esse & conceptu quidditativo formaliter omnem, & quamcunque perfectionem simpliciter simplicem includat, itaut in re, seu ex natura rei nulla sit extra ipsum.

Conf.

52. Conf. inter ea quæ sunt per essentiam, & simpliciter infinita & actus purus non potest in re, seu formaliter ex natura rei inæqualitas in perfectione reperiri: sed si attributa divina ab essentia formaliter ex natura rei distinguerentur, necessariò in re inæqualitas aliqua in perfectione interveniret: ergo nec essentia ut contradistincta ab attributis, vel unum attributum ab alio, essent simpliciter & per essentiam infinita. Maj. patet; quia si inæqualitas reperitur, est ratione alicujus perfectionis realiter extra ipsum existentis; ac subinde jam erit potentiâ in re ad ipsam. Minor verò prob. 1. ex ipso Scoto voluntas secundum suam rationem est perfectior intellectu; sed voluntas secundum suam rationem formaliter in Deo reperitur, & secundum hanc ex natura rei est ab intellectu divino distincta: ergo in Deo voluntas secundum suam rationem, & prout ab intellectu divino distincta realiter ex natura rei est inæqualis perfectionis. Prob. 2. quia omnis distinctio formalis importat formaliter unum non esse aliud in sua ratione: sed secundum quod unum in sua ratione non est aliud, caret formaliter ratione alterius, & hæc necessariò est quædam perfectio, cum sit quædam actualitas: ergo est inæqualis perfectionis, & actualitatis.

53. Conantur adversarij primò, hoc argumentum in nos retorquere; aientes; dum nos concipimus unum attributum divinum, ut distinctum ab alio, vel ab essentia, aut concipimus illud ut infinitum simpliciter & in omni genere, seu ut includens in suo conceptu quidditativo essentiam divinam & omnia attributa formalitater, vel non? Si primum dicamus; ergo neque

Quod-  
lib 3. art.  
7. q. de  
spirit.  
creat. a.  
8 c. 1. p.  
q. 47. art.  
1. 2.

neque ratione ratiocinata adinvicem distinguuntur; quia quæ sic distinguuntur, unum non est de conceptu & ratione diffinitiva alterius. Si secundum dicatur; ergo pari ratione poterit per præcisionem ex natura rei sic concipi.

Sed perperam: esto enim dicamus, quod diversa attributa secundum quod ex creaturis Deo § 4.  
attribuuntur, ratione distinguantur, ut infra 3. cont.  
diffusè explicabitur; tamen si in re sumatur genr.  
prout est in se, verè est formaliter ipsa essentia c. 78.  
divina & quidquid in Deo est seu ipse Deus. Attamen cum hujusmodi distinctio ex natura rei ponatur in Deo, non equidem prout habet cognosci ex diversis creaturarum perfectionibus, sed per se & antecedenter ad omnem intellectus operationem, profectò respicit attributa & essentiam in se: ergo in se unum attributum non erit infinitum simpliciter & in omni genere etiam prout est in Deo, & ipse Deus.

Secundò cum Scoto *quodlib. 1. art. 1. & 1. dist. 8. quest. 4.* respondent, tribus modis intelligi posse, quod divina essentia in se contineat omnes perfectiones simpliciter; primo modo formaliter, itaut præcisè accepta secundum suam quidditatem & rationem formalem essentialiter includat, seu imbibat omnes perfectiones simpliciter, secundum earum peculiare rationes formales, & in hoc sensu est impossibile. Etenim cum perfectio simpliciter sit in Deo perfectissimo modo secundum propriam rationem formalem positivam, & actualem, si esset una omnium formalitas à parte rei, simul essent & non essent secundum formale esse earum omnes perfectiones in Deo; vel essent in eo tantum virtualiter & eminenter ad modum perfectionum

num secundum quid. Secundo modo potest intelligi quod essentia contineat illas perfectiones idèticè, & unitivè ratione suæ infinitatis; & hæc continentia non sufficit. Tertio tandem modo potest intelligi, quod essentia divina contineat in suo conceptu quidditativo omnes perfectiones attributales radicaliter seu fundamentaliter & originativè, quatenus prædicto modo præcisè inspecta est fecundissima radix ex qua omnis perfectio simpliciter secundum propriam formalitatem simplici quadam emanatione pululat, ut connaturales ejus proprietates; & in qua etiam omnis talis perfectio radicatur per realem identitatem. Et in hoc sensu essentia dicitur pelagus quoddam infinitum perfectionum, ens illimitatum continens in se omnes perfectiones, actus purus, & id quod majus excogitari non potest.

56. Sed profectò hæc solutio vim argumenti nullatenus infringit, aut labefactat, primò; quia in re non datur essentia divina præcisè accepta, sed Deus actu existens; hæc enim præcisio nonnisi per operationem intellectus esse potest, sicut non datur in re humanitas præcisà, sed hic homo: sed Deus actu existens formaliter includit quidditativè omnes perfectiones simpliciter, secluso modo imperfecto & limitato quem habent in rebus creatis: ergo cum Deus & essentia divina, seu deitas in re nullatenus distinguantur, sed distinguuntur solum ex modo significandi, ut fatetur ipsemet Scotus, oportet quod essentia divina in re formaliter & natura rei includat in suo conceptu quidditativo omnes hujusmodi perfectiones secundum suas proprias rationes formales positivas & actuales.

Secundo:

Secundo: illa ratio formalis positiva & actualis cujuslibet attributi vel est quædam realis perfectio, etiam secundum quod est formalitas, vel non? Si est quædam realis perfectio, & actus non includitur in re in essentia: ergo essentia in re non est infinita simpliciter, & actus purus: quia caret in re illa perfectione positiva & actuali, quam nata est habere, unde est potentia ad illam. Si non est quædam realis perfectio: ergo neque attributum de cuius ratione est, quod sit formaliter quædam perfectio simpliciter simplex. Tandem, quia in re est unum esse simpliciter in Deo: ergo una formalitas in re omnium quæ sunt in Deo. Conseq. prob. quia illa formalitas in re non est nihil: ergo ens; sed illud ens est simpliciter unum, cuius est unum esse: ergo illa formalitas in re erit una omnium attributorum, cum sit unum esse, & solum erit ratione & per intellectum diversa.

57.

Tertiò, quia si divina essentia continet in suo conceptu quidditativo solum virtualiter & radicaliter omnes perfectiones: ergo non magis dicentur esse in Deo perfectiones attributales, quam cæteræ quævis creaturarum perfectiones, quæ etiam virtualiter & eminenter sunt in illa, & ut quædam bonitates & similitudines divini esse radicanter in illa. Quod si dicas, perfectiones attributales formaliter in ea contineri: modo sic, non continentur alio modo quam per identitatem, & in quantum in uno esse infinito identificantur; igitur cum Deus sit per essentiam suum esse, continebit illas perfectiones unitivè: ergo erunt de conceptu formali essentiæ; ac subinde ab ea formaliter ex natura rei non distinguuntur. Sed contra hanc

58.

538 *Quaest. IV. De Perfectione Dei,*  
hanc pullulationem & virtualementem continentiam  
plura dicemus *infra* q. 28.

§. V.

*Hæc distinctio rejicitur evertendo contraria  
fundamenta.*

59. **T**ertia ratio sic ad hominem formatur : Ideo  
Scotus ipse hujusmodi distinctionem inter  
essentiam & attributa in Deo admittit, quia  
Deus non eo est Deus, quo est sapiens, justus  
&c. nam Deitate est Deus, & sapientia non est  
formaliter Deus, sed sapiens &c. sed hæc ratio  
nulla est, immo contra veritatem pugnat : ergo  
non est in Deo admittenda hujusmodi distin-  
ctio. Prob. min. Deus formaliter non est eo  
Deus, quo ens, substantia, & spiritus : sed ta-  
men, in sententia Scoti, conceptus entis, &  
substantiæ, sive spiritus distinguuntur formali-  
ter ex natura rei, à conceptu divinæ essentiæ,  
cum sint ejus prædicata quidditativa & abso-  
luta : igitur ratio Scoti prorsus nulla est. Prob.  
ant. Deus & creatura formaliter in ratione en-  
tis, & substantiæ conveniunt : ergo si ratio  
entis, & substantiæ formaliter ex natura rei est  
Deitas, Deus in ratione Deitatis formaliter cum  
ipsa creatura conveniet.

60. Conf. nam Scotus in 1. dist. 8. *quaest. 4. §. ad  
questionem*, ex eo probat attributa formaliter ex  
natura rei distingui, quia si infinita sapientia  
esset formaliter infinita bonitas, tunc sapientia  
in communi esset formaliter bonitas in com-  
muni ; quia infinitas non destruit formalem ra-  
tionem naturæ cui additur : sed hæc ratio eo-  
dem modo concludit de prædicatis quidditati-  
vis,

vis, sic arguendo: si entitas infinita esset formaliter substantia infinita, tunc ratio entis in communi esset formaliter ratio substantiæ in communi, quia infinitas addita non variat rationem formalem rei: ergo minùs idonea est.

Conf. 2. ex eo dicuntur attributa formaliter ex natura rei distingui, quia cum sint perfectiones simpliciter simplices reponuntur in Deo secundum proprias rationes formales positivas actuales: sed etiam ens, substantia, spiritus, & vita intellectualis sunt perfectiones simpliciter, & Deum formaliter denominant ens, substantiam, virtutem, non minus quàm substantia sapientem, justitia justum &c. ergo si hoc infert attributa formalem distinctionem ex natura rei, eandem quoque inferet inter prædicata quidditativa. Tandem, quia ideo probantur ea formaliter ex natura rei differre, quia diffinitione essentiali differunt: sed etiam ens, substantia, spiritus, & vita essentiali diffinitione differunt: ergo vel ratio Scoti nulla est; vel utrobique distinctionem formalem ex natura rei admittendam probat. Variè conantur hæc inconvenientia solvere Recentiores Scotistæ, sed solutiones, quas adhibent vim horum rationum nullatenus infringunt, & aliàs facilè impugnari possunt, unde eas præmitto, infra plura dicturus.

61.

§. VI.

*Quomodo attributa divina inter se, & ab essentia distinguantur, ostenditur.*

**D**icendum est itaque attributa divina solâ ratione distingui inter se, & ab essentia,  
*Tom. I. L 1*

62.

non quidem ratione ratiocinante, sed ratione ratiocinata, & quæ habet fundamentum in re: quod quidem fundamentum non est aliqua realis distinctio virtualis intrinseca in Deo existens sicut in subiecto, ratione cuius sit, aut dicatur aliquo modo secundum rem intrinsece multiplex; sed simplex forma, quæ ratione suæ eminentiæ, & universalis perfectionis illimitatæ habet correspondere diversis attributorum rationibus, tanquam præbens fulcimentum veritati earum. Ita D. Thomas in 1. dist. 2. q. 1. art. 2. ubi ait: *Dicendum est, quod in Deo est sapientia, bonitas, & huiusmodi:: quæ sunt diversa ratione, non tantum ex parte ipsius ratiocinantis, sed ex proprietate ipsius rei.* Et art. 3. corp. ita habet: *Sic ergo patet, quod pluralitas nominum venit ex hoc, quod ipse Deus nostrum intellectum excedit. Quod autem Deus excedat intellectum nostrum est ex parte ipsius Dei propter plenitudinem perfectionis ejus, & ex parte intellectus nostri, qui deficienter se habet ad eam comprehendendam. Unde patet, quod pluralitati istarum rationum respondet aliquid in re, quæ Deus est, non quidem pluralitas rei, sed plena perfectio, ex qua contingit, ut omnes istæ conceptiones ei aptentur. Qui ergo dixerunt quod pluralitas ista est tantummodo ex parte intellectus nostri, vel ex parte effectuum, quodammodo verum dixerunt, & quodammodo non. Si enim hoc referatur ad causam multiplicationis, sic verum dixerunt, quod est ex parte intellectus nostri, & effectuum quodammodo, ex eo quod intellectus noster non potest concipere divinam perfectionem unâ conceptione sed pluribus, cuius una ratio est ex hoc quod est assuesfactus ad res creatas. Si autem referatur ad modum, quo istæ rationes*

*rationes*



*Art. II. An in Deo sint perfecti. Cap. IV. 541*  
 rationes attribuantur Deo, falsum dicunt. Non enim ex hoc quod bona facit, vel ad modum bonorum se habet, bonus est: sed quia bonus est, ideo bona facit, & alia participando ejus bonitatem ad modum ejus se habent. Vnde si nullam creaturam fecisset, nec facturus esset, ipse in se talis esset ut posset verè considerari secundum omnes istas conceptiones quas nunc habet intellectus noster ipsum considerando. Et sic patet quartum, quod scil. pluralitas istorum nominum non tantum est ex parte intellectus nostri formantis diversas conceptiones de Deo qua dicuntur diversa rationes, sed ex parte ipsius Dei, inquantum scil. est aliquid Deo correspondens omnibus istis perfectionibus scil. plena & omnimoda perfectio, secundum quam contingit, quod quodlibet nominum significantium istas conceptiones de Deo verè & propriè dicitur, non autem ita quod aliqua diversitas, vel multiplicitas ponatur in re, que Deus est, ratione istorum attributorum.

Prima pars conclusionis, nimirum quod non distinguuntur sola ratione ratiocinante & penes diversa connotata in creaturis, probatur rationibus attributorum si nihil in re corresponderet, intellectus intelligendo Deum esse sapientem, bonum, justum &c. esset falsus: sed hoc est absurdum: ergo aliquid correspondet in re istis diversis conceptionibus, ac subinde sola distinctione ratiocinante non distinguuntur. Major prob. ex eo quod res est, vel non est sicut concipitur, intellectus dicitur verus, vel falsus: ergo si rationibus attributorum, quas intellectus Deo attribuit, nihil correspondet in re, intellectus formando diversas attributorum rationes, & eas Deo attribuens

63.

q. 7. de  
 pot. art.  
 1. 5. & 6.  
 1. sent.  
 cit. infra  
 q. 13.

542 *Quest. IV. De Perfectione Dei*,  
falsus esset. Præterea, cum dicitur Deus est sapiens, aut misericors & justus, non attribuit Deo intellectus rationes sapientiæ, aut misericordiæ & justitiæ, sicut attribuit rationes generis, vel speciei rebus intellectis, sed prout habent esse in intellectu, quia sic non attribueret ipsas Deo secundum quod in se est, sed secundum quod à nobis concipitur, quod est absurdum: ergo aliquid in re correspondere debet multitudini horum attributorum præbens fulcimentum veritati rationum, quas intellectus de Deo format.

64. Nec valet dicere, quod istis diversis rationibus, seu nominibus attributorum respondent diversa connotata in rebus, nimirum diversi effectus ipsius Dei, quos in rebus causat. Non, inquam, valet: Primò, quia cum effectus à causa secundum similitudinem procedat, prius oportet intelligere causam aliqualem, quam effectus tales: non ergo dicitur sapiens Deus, & justus, aut bonus, secundum distinctas rationes, quia distinctos effectus causat, nimirum sapientiam, justitiam, & bonitatem; sed sapientiam causat; quia in se sapiens est, & justitiæ, aut bonitatis effectus in aliis causat, quia in se justus & bonus est. Vnde August. *lib. 2. de doct. Christ. cap. 32.* dicit, quod quia Deus bonus est, sumus: & inquantum sumus, boni sumus.

65. Secundò, quia sequeretur quod hujusmodi perfectiones prius convenirent creaturis, quam Deo: sicut sanitas prius dicitur de eo quod habet in se sanitatem, quam de eo quod sanitatem causat, quod dicitur sanum ea ratione, quia sanitatem causat; sed hoc est absurdum, quia nihil

*Art. II. An in Deo sint perfect. Cap. IV. 543*

nihil est perfectionis & actualitatis in rebus, quod non sit participatum à Deo : ergo diversis rationibus attributorum non solum respondere debent diversa connotata, sed aliquid in Deo existens, quo dicatur sapiens, justus &c.

Tertiò, quia si nihil aliud intelligitur, cum dicitur, Deus est bonus, vel sapiens, nisi quod Deus est bonitatis, vel sapientiæ causa, sequetur quod eadem ratione omnia nomina effectuum divinatorum de eo prædicari possint, & sic dicitur, Deus est cælum, vel terra; sicut dicitur, Deus est bonus vel sapiens; cum etiam causet cælum & terram. Tandem quia ab æterno Deus est sapiens, bonus, &c. non existentibus diversis ejus effectibus: ergo per ordinem ad distinctos effectus, & connotata nequeunt distingui sapientia, & bonitas in Deo. Quod si dicatur, ab æterno fuisse sapientem, & bonum, quia habuit virtutem infundendi bonitatem & sapientiam, tunc oportebit dicere quod bonum, vel sapiens significat illam virtutem; sed illa virtus est quædam supereminens similitudo sui effectus, sicut & quælibet virtus agentis æquivoci: ergo jam conceptui bonitatis, & sapientiæ correspondet aliquid quod est in Deo: ergo intellectus cum fundamento in re distinguit rationes sapientiæ & bonitatis, aliorumque attributorum.

Dices, omnes hujusmodi perfectiones, & rationes equidem in Deo reperiri, attamen coincidere in rem, & formalitatem, atque rationem deitatis; quia sapientia, bonitas, & aliæ perfectiones nullam rationem determinatam important formaliter & in recto; licet alia & alia connotent, & expriment in obliquo, ra-

544 *Quaest. IV. de Perfectione Dei,*  
tione quorum distingui dicuntur ratione ratio-  
cinante.

68. Contra, hujusmodi connotata sunt termini,  
& effectus aliquarum perfectionum in Deo exi-  
stentium; & conceptarum circa deitatem: ergo  
in Deitate jam est virtualis multiplicitas ratio-  
num istarum, seu potius est una simplex forma  
correspondens distinctis, ac diversis istis ratio-  
nibus. Conseq. prob. quia nihil est in effectu,  
cujus similitudo in causa non præexistat: ergo  
si sunt diversa connotata, & diversi effectus,  
oportet omnium illorum similitudines & ratio-  
nes in Deo ponere, & secundum unum esse  
deitatis in eo includi, ratione cujus dicitur  
virtualiter multiplex, utpote correspondens  
pluribus rationibus attributorum, & perfe-  
ctionum.
69. Conf. quotiescunque plura, aliàs inter se di-  
stincta in una simplici forma adunantur, seu per  
identitatem coincidunt, per se habent corres-  
pondere diversis conceptionibus, & rationibus;  
sed sapientia, justitia, &c. sunt de se formæ rea-  
liter distinctæ in creaturis: ergo quatenus sunt  
in Deo per identitatem de se æquivalent pluri-  
bus rationibus in creatura repertis: ergo cum  
fundamento in re potest intellectus inter eas di-  
stinguere. Maj. prob. in homine, quia enim ani-  
ma vegetativa, & sensitiva de se sunt formæ  
distinctæ, cum adunantur in anima rationa-  
li tanquam in superiori forma, verè habent  
correspondere distinctis rationibus, itaut alia  
sit definitio hominis inquantum vivens, alia  
inquantum animal, & alia inquantum homo;  
idem dic de diversis formis, & qualitatibus, quæ  
in sole adunantur.

Contra

Contra 2. quia sequeretur quod omnia ista nomina, justitia, misericordia, bonitas &c. essent verè Synonima, quia eandem rem, & rationem haberent; sed hoc est absurdum, ut dicemus infra *quest.* 13. ergo debet aliquid in re esse quod diversitati nominum, & attributorum correspondeat. Nec valet recurrere ad diversa connotata: quia quantum ad rem significatam id quod significatur per nomina prius est in Deo, quam in creaturis, & à Deo in creaturas derivatur; sed posterius non est causa prioris: ergo connotata diversa non sunt causa cur omnes hujusmodi rationes attributorum sint in Deo, sed potius è contra. Conf. hujusmodi prædicationes, Deus est sapiens, Deus est misericors, Deus est justus, sunt formales; sed hoc nequit esse nisi importent distinctas rationes cum identitate rei: ergo necessariò constituendæ sunt distinctæ rationes attributorum cum fundamento in re. Minor patet, quia quando idem re & ratione est prædicatum cum subjecto fit prædicatio identica, v.g. homo est homo; ergo si sint prædicationes formales, oportet esse distinctas rationes prædicati & subjecti.

Itaque tota deceptio horum authorum in neganda distinctione rationis ratiocinatæ inter essentiam & attributa Dei, vel attributa divina inter se, ex hoc oritur, quod non distinguunt inter causam effectivam seu subjectivam distinctionis hujusmodi, & objectivam fundantem, veritatem conceptus. Verum est, quod causa effectiva quodammodo sunt diversa connotata, inquantum ex diversis perfectionibus repertis in creatura, diversa attributorum nomina Deo attribuimus, & sic quantum ad prin-

70.

71.

346 *Quaest. IV. De Perfectiōe Dei,*  
 cipium cognitionis, seu quantum ad id à quo  
 nomina attributorum imponuntur, habent lo-  
 cum diversa connotata; sed quantum ad res si-  
 gnificatas per hujusmodi nomina attributorum,  
 per se primò sunt in Deo, & per prius quam in  
 creatura; ac subinde non dependent à diversis  
 connotatis secundum veritatem essendi in ipso  
 Deo. Causa autem objectiva distinctionis præ-  
 bens fulcimentum veritati diversorum conce-  
 ptuum, & multitudinis attributorum est divi-  
 ni esse plena perfectio illimitatè continens om-  
 nes formales rerum perfectiones. Igitur in in-  
 tellectu & diversis connotatis ponimus causam  
 effectivam hujusmodi distinctionis, & non in  
 essentia divina; quia hoc compositionem saltim  
 rationis in Deo constitueret, & omnimodam  
 ejus simplicitatem impediret; sed fundamen-  
 tum tantum istius distinctionis in Deo colloca-  
 mus cum D. Thoma *locis cit.* Ex his manet re-  
 jecta distinctio illa virtualis intrinseca; quia  
 hanc omnimodam simplicitatem tolleretur, ut su-  
 pra ostensum est; Et etiam patebit amplius ar-  
 gumentis §. §. adducendis.

## §. VII.

*Solvuntur precipua Scoti, & Scotista-  
 rum argumenta.*

72. **A** Rg. 1. De uno & eodem nequeunt verifi-  
 cari duæ præpositiones contradictoriæ, quia  
 impossibile est idem simul esse & non esse; sed  
 de intellectu divino, & divina voluntate v. g.  
 quæ sunt diversa attributa propositiones con-  
 tradictoriæ in divinis verificantur actu & for-  
 maliter ante omnem intellectus operationem,  
 &

*Art. II. An in Deo sint perfecti. Cap. IV. 547*

& à parte rei : ergo à parte rei intellectus & voluntas realiter formaliter sunt non idem, seu ex natura rei distinguuntur. Maj. Prob. nam ante omnem intellectus operationem hæc propositio est vera, *Intellectus est principium generationis verbi* ; & etiam ista ; *Voluntas non est principium generationis verbi* ; sicut etiam verum est, Verbum procedere per intellectum, & non per voluntatem ; ergo de intellectu & voluntate verificantur propositiones contradictoriæ.

Conf. ex modo loquendi SS. Patrum, qui 73.  
attributa divina cum essentia conferentes, aliquid enuntiant de essentia, quod de attributis non efferunt : ergo verificantur de eis propositiones contradictoriæ. Antec. prob. ex D. August. lib. 15. de Trinit. cap. 6. ubi ait : *Si dicam, aternus, sapiens, justus, bonus, Spiritus, horum omnium quod posui videtur significare substantiam; cetera verò hujus substantia qualitates.* Idem asserit D. Damasc. lib. 1. fid. orthod. c. 4. dicens ; *Si justum, si bonum, si tale quid dixeris, non naturam dicis Dei, sed circa naturam.* Præterea idem D. August. epist. 102. ita habet ; *Legitur quidem Spiritus Sapientia multiplex, sed rectè dicitur etiam simplex; multiplex, quoniam multa sunt quæ habet; simplex autem quoniam non aliud quam quod habet est; Ex quo sic; ideo dicitur multiplex, quia multa habet, nimirum multas perfectiones, & attributa; sed ipsa multa à parte rei habet: ergo à parte rei est illa multiplicitas, & subinde perfectionum distinctio; sed non realis entitativa: ergo formalis ex natura rei.*

Respond. ad arg. communi solutione, dist. 74.  
maj. si sit idem adæquatè, seu idem secundum  
rcm

1. dist. 2. rem & rationem , concedo maj. si sit idem secundum rem , & diversum ratione , seu ratione  
 9. 1. art. 3. dist. 33. multiplex , nego : est autem ratione multiplex ,  
 3. dist. 33. quando una res diversis correspondet conceptionibus intellectus , & nominibus ; ut de ea  
 2. 1. & 4. art. 1. ad 2. & alibi passim. verificentur ; sicut punctum quod cum sit una res , respondet secundum veritatem diversis conceptionibus de eo factis , sive prout cogitatur in se , sive prout cogitatur centrum linearum : & hæ rationes , sive conceptiones sunt in intellectu , sicut in subiecto , & in ipso puncto sicut in fundamento veritatis istarum conceptionum. Et distinguo min. de intellectu divino & divina voluntate verificantur actu & formaliter propositiones contradictoriæ , secundum quod intellectus & voluntas sunt idem , nego : secundum quod sunt idem re , & distinctas habent rationes , concedo minorem , & nego consequentem.

75. Resp. 2. dist. maj. ut supra : & dist. min. de intellectu divino , & divina voluntate verificantur à parte rei , & ante omnem operationem intellectus , duo contradictoria , si fiat sermo de causa , & fundamento veritatis , seu verificationis , concedo min. quantum ad esse formale completum ipsius veritatis , seu verificationis , nego min. Id est , veritas harum propositionum habet causam , & fulcimentum in esse divino , quatenus propter suam plenitudinem & eminentiam habet correspondere diversis rationibus , & conceptionibus intellectus , conformitatemque , & adæquationem cum illo fundare : tamen veritas , seu verificatio formaliter non est & completivè nisi in intellectu , qui secundum quod sub diversis rationibus habet eandem



*Art. II. An in Deo sint perfect.* *Cap. IV.* 549  
eandem rem apprehendere, diversimodè enun-  
tial de illa, & diversum iudiciu format.

Cujus rei gratia notandum est ex D. Thom. 76.  
quod eorum quæ nominibus significantur, tri- 2. dist. 19.  
plex reperitur differentia. Quædam enim sunt, quæst. 5.  
quæ secundum totum esse completum sunt ex- art. 1. c.  
tra animam, cujusmodi sunt entia completa,  
sicut homo & lapis. Quædam autem sunt quæ  
nihil habent extra animam, sicut somnia &  
imaginatio chimæræ. Quædam autem sunt, quæ  
habent fundamentum in re extra animam, sed  
complementum rationis eorum, quantum ad  
id quod est formale, est per operationem ani-  
mæ, ut patet in universali; humanitas enim  
est aliquid in re, non tamen ibi habet ratio-  
nem universalis, cum non sit extra animam  
aliqua humanitas multis communis; sed secun-  
dum quod accipitur in intellectu, adjungitur  
ei per operationem intellectus intentio, secun-  
dum quam dicitur species. Et similiter est de  
tempore, quod habet fundamentum in motu  
scil. prius & posterius ipsius motus, sed quan-  
tum ad id quod est formale in tempore, scil.  
numeratio, completur per operationem intel-  
lectus numerantis. Eadem prorsus ratione phi-  
losophandum est de veritate, quæ habet fun-  
damentum in re, sed ratio ejus completur per  
operationem intellectus, quando scil. appre-  
henditur eo modo quo est. Vnde dicit Philo-  
sophus 6. *metaph.* quod verum & falsum sunt  
in anima, sed bonum & malum in rebus: Vnde  
ipsum esse rei est causa veritatis, secundum  
quod est in cognitione intellectus. Sed tamen  
ratio veritatis per prius invenitur in intellectu  
quam in re. Sicut etiam calidum & frigidum,  
&

& aliæ causæ sanitatis sunt causa sanitatis, quæ est in animali ; & tamen animal per prius dicitur sanum , & signa sanitatis , & causa sanitatis dicuntur sana secundum analogiam ad sanum , quod de animali dicitur. Vnde dicendum est , quod verum per prius dicitur de veritate intellectus , & de enunciatione dicitur inquantum est signum illius veritatis, de re autem dicitur inquantum est causa.

78. Dicimus itaque , quòd verificatio, seu veritas contradictoriarum formaliter & completivè est per operationem animæ , licet causa veritatis sit in re : in re enim est voluntas , & in re est intellectus divinus : & in re non generat per voluntatem , sed per intellectum , licet sint eadem entitas , quia alia est ratio unius à ratione alterius , quæ ratio habet fulcimentum & radicem in plena perfectione divini esse , sed complementum in operatione animæ : sicut absolute dicitur quod tempus est à parte rei ratione ejus in quo fundatur , licet complementum formaliter habeat in operatione animæ. Et sic multis negantur verificari contradictoria à parte rei , & ante operationem intellectus , quia formaliter & completivè non verificantur , sed tantum fundamentaliter. Itaque cum dicitur , quod formaliter & actu à parte rei verificantur contradictoria , si ly *formaliter* reduplicet causam verificationis seu veritatis , quæ est esse rei , verum est : si ly *formaliter* reduplicet rationem formalem , & completam verificationis , seu veritatis , falsum est.

79. Resp. ad conf. Sanctos Patres intelligendos de distinctione rationis ratiocinata , & quæ oritur ex diverso modo concipiendi , ac significandi,

*Art. II. An in Deo sint perfecti. Cap. IV. § 5* 1  
 ficandi, quia nimirum attributa ex modo concipiendi ac significandi non significant substantiam, licet realiter sint ipsa, sed quendam modum & determinationem ejus, scil. sapientem esse, justum esse. Sumitur ex D. August. lib. 7. de Trinit. dicente: *Magnitudinem, justitiam, bonitatem pluribus vocabulis in eadem sapientia intelligi.* Et lib. 6. cap. 6. explicans quomodo Deus dicatur multiplex, inquit: *Deus multipliciter quidem dicitur magnus, bonus, sapiens, beatus, verus, & quidquid aliud non indigne dici videtur: sed eadem magnitudo ejus est qua sapientia... & eadem bonitas, sapientia, & magnitudo, & eadem veritas, qua illa omnia.* Ex quo deducit hoc ejus simplicitati omnimodæ non obstare. Quod aliter eveniret si de distinctione aliqua reali esset sermo, ut probatum est supra §. 3. Præterea ex D. Bernardo lib. 5. de consideratione cap. 13. ubi ait: *Quid est Deus? Longitudo, latitudo, sublimitas & profundum. Quid inquis? Tenemus te quaternitatis (quam abominatus es) professorem? Minimè, abominatus sum, & abominor. Visus sum protulisse plura, sed unum est. Unus Deus signatus est pro captu nostro, non pro suo statu Voces diverse, semita multa, sed unum per eas significatur, unus queritur... Hoc singulum horum in Deo, quod quatuor simul: hæc quatuor ipsa quod singulum est. Nobis autem, quia non possumus cum Deo simplicitate contendere, dum contendimus apprehendere unum, occurrat veluti quadruplicatum. Hoc facit speculum, & enigma &c.*

Contra solutionem argument. multipliciter instant Scotistæ, quorum tamen instantiæ ex dictis facile evanescent. Primò quidem, quia  
 effectus

352 *Quaest. IV. De Perfectione Dei,*  
 effectus in actu debet habere causam in actu :  
 sed radix & causa contradictionis est distin-  
 ctio ; contradictio namque est signum distin-  
 ctionis , velut ejus effectus : ergo contradictio  
 formaliter , & actualiter vera , arguere debet  
 distinctionem formalem actualem : sed hæc est  
 contradictio actualiter , & ante operationem  
 vera, *Intellectus est principium generationis Verbi :*  
*Et voluntas non est principium generationis Verbi*  
*in Deo :* ergo in Deo arguere debet aliquam di-  
 stinctionem formalem actualem ex natura rei  
 inter voluntatem & intellectum.

81. Conf. nullum ens reale dependet ab opera-  
 tione intellectus : sed attributa sunt aliquid  
 reale , & unum formaliter non est aliud ; aliàs  
 diceretur verbum procedere formaliter per vo-  
 luntatem , sicut dicitur per intellectum proce-  
 dere : ergo realiter formaliter ex natura rei di-  
 stinguuntur.

82. Instant 2. quæ solùm ratione ratiocinata dif-  
 ferunt , quamvis in esse objectivo sint plura,  
 à parte rei tamèn sunt omnino actualiter idem :  
 sed ad verificanda contradictoria absque repu-  
 gnantia requiritur pluralitas rationum forma-  
 lium contradictioni commensurata , ita quod si  
 contradictoria sint realia , illa de quibus enun-  
 ciantur sint plura à parte rei , nec sufficit plu-  
 ralitas objectiva in intellectu : ergo de his quæ  
 sola ratione ratiocinata differunt , aut virtua-  
 liter duntaxat , nequeunt à parte rei absque re-  
 pugnantia verificari contradictoria.

83. Conf. contradictio naturam sui fundamenti  
 sequitur ; & ita salvatur in aliqua natura sicut  
 ibi reperitur fundamentum : sed fundamentum  
 ejus est distinctio : igitur si distinctio reperitur  
 in

*Art. 11. An in Deo sint perfecti. Cap. IV. § 3*

in aliqua natura virtualiter tantum, & secundum quid, nequit ibi reperiri contradictio formaliter & simpliciter. Nam sicut supra distinctionem rationis nequit fundari contradictio realis, sed tantum rationis; ita supra distinctionem virtuales nequit fundari contradictio formalis & actualis, sed tantum virtualis.

Instant 3. ubi sunt extrema contradictionis in actu & formaliter, ibi est contradictio formalis & actualis: sed in divinis dantur in actu affirmationes & negationes v. g. de intellectu & voluntate, quæ sunt extrema contradictionum: ergo dantur actuales contradictiones ibi, & non virtuales tantum. Maj. patet, quia contradictio sequitur naturam extremorum.

Resp. ad 1. instantiam concessa maj. neg. min. videlicet quod radix & causa distinctionis sit distinctio: quinimo omnis distinctio formalis (qualis esset distinctio ex natura rei, si admittenda esset) est per aliquam oppositionem. Prima autem oppositionum est contradictoria, quæ est inter esse & non esse simpliciter; ac subinde erit quoque radix prima cujuslibet formalis distinctionis. Si ergo causa contradictionis sit diversa forma in re, distinctio quæ est per eam, erit in re: si autem causa contradictionis sit idem esse rei prout fundat diversas rationes, ipsa distinctio erit rationis ratiocinata habens fundamentum in ipsa re, ut supra explicatum est.

Resp. 2. concessa maj. dist. min. radix & causa contradictionis est distinctio sive per oppositas res, sive per oppositas rationes ejusdem rei virtualiter multiplicis, concedo: est distinctio per oppositas res semper, nego min. & dist. conseq.

84.

85.

86.

conseq. contradictio formaliter & actualiter vera arguere debet distinctionem formalem actualem, sive per oppositas res, sive per oppositas rationes, concedo; per oppositas res semper, nego. Et distingo min. hæc est contradictio actualiter ante operationem intellectus vera &c. veritate rei præbentis fulcimentum veritati enunciationum, concedo: veritate formali & completivè, nego. Unde formaliter & in exercitio solum arguit distinctionem actualem formalem per intellectum, & virtuales à parte rei.

87. Resp. ad conf. dist. maj. nullum ens reale dependet ab operatione intellectus, quantum ad suum esse, concedo: quantum ad rationem suam, nego: nam tempus est verum ens reale, & tamen dependet ab actu animæ. Et dist. min. attributa sunt aliquid reale, & unum non est aliud, secundum suum esse, nego: secundum rationem suam, concedo min. & nego conseq.

88. Resp. ad 2. instantiam dist. maj. quæ solum ratione ratiocinata differunt, à parte rei sunt omnino actualiter idem re & secundum suum esse, concedo: idem re & ratione, nego maj. Et dist. min. ad verificanda contradictoria requiritur pluralitas rationum formalium contradictioni commensurata, itaut si contradictoria sint realia, illa de quibus enunciantur sint plura à parte rei, sive pluralitate actuali, sive eminenti, & virtuali præbente fundamentum diversis rationibus intellectualibus, concedo: pluralitate rei, & quæ est per oppositas formas & differentias semper, nego min. & conseq. dist. ut supra, vel absolute, negatur.

Resp.

Resp. ad Conf. primò , concessa maj. neg. 89.  
minorem ; nimirum quod fundamentum contradictionis sit distinctio , hoc enim falsum esse , diximus supra. Resp. 2. concessa maj. dist. minorem , fundamentum contradictionis est distinctio , absolute sumpta nego ; prout esse eorum quæ distinguuntur dicit habitudinem ad intellectum , concedo min. Et dist. consequ. nequit ibi reperiri contradictio , quoad rationem completam & adæquatam , concedo ; inadæquatam & fundamentalem nego.

Resp. ad 3. instantiam distinguendo, in divinis dantur actu affirmationes & negationes de intellectu & voluntate , quoad rationem fundandi illas , concedo ; quantum ad rationem formalem completam affirmationis & negationis , nego : affirmatio enim & negatio sunt actus intellectus componentis & dividens , licet causam suæ veritatis vel falsitatis in re habeant. 90.

Arg. 2. illa quæ definitionibus , propriisque rationibus distinguuntur , debent ex natura rei formaliter distingui : atqui essentia divina , & attributa adinvicem comparata propriis definitionibus distinguuntur , & propriis conceptibus objectivis se invicem formaliter excludunt : ergo ex natura rei formaliter distinguuntur. Minor patet , quia si definiatur misericordia , alia erit ratio ejus & definitio à ratione ac definitione misericordiæ , & deitatis , bonitatis &c. Major verò prob. quia definitio exprimit naturam & essentiam rei prout est ; & traditur de rebus secundum earum naturam consideratis à parte rei , & non prout subjacent conceptibus intellectus ; quia tale esse per apprehen-

sionem non est quid reale, sed rationis; neque est essentialiter rei vel realitati, sed adventitium & accidentarium.

92. Conf. quod convenit intellectui, & voluntati ut sic, necessario convenit intellectui, & voluntati Dei; sed intellectui & voluntati ut sic convenit distinctio realis essentialis, seu ex natura rei: ergo intellectus divinus, & divina voluntas etiam essentialiter formaliter seu ex natura rei distinguuntur. Minor prob. intellectus, & voluntas ut sic definiuntur definitionibus essentialiter distinctis; sed quæ differunt definitione essentiali differunt essentialiter, & subinde realiter ex natura rei: ergo intellectus & voluntas ut sic essentialiter distinguuntur, & subinde realiter ex natura rei.

93. Resp. ad arg. dist. maj. quæ differunt definitione adæquata, & tradita de re prout est in se, concedo maj. definitione non adæquata naturæ rei secundum quod est in se, sed prout habet à nobis imperfectè concipi & significari, nego majorem; & dist. min. essentia & attributa adinvicem comparata propriis definitionibus adæquatis, & traditis de eis secundum quod sunt in se, distinguuntur, nego min. propriis definitionibus, seu potius descriptionibus inadæquatis, & traditis de illis prout à nobis habent concipi, & significari imperfectè, concedo min. & nego consequ.

94. Ad prob. dico quod definitio exprimit naturam & essentiam rei, eo modo quo est definitio, si enim est plena & adæquata ratio rei explicat perfectè rem secundum quod est in se; si autem sit ratio rei inadæquata & deficiens, explicat rem non quidem secundum omnem ejus rationem



*Art. II. An in Deo sint perfect. Cap. IV. 557*  
 nem adæquatam, sed prout habet fundare hanc  
 sui rationem inadæquatam, & deficientem pro-  
 pter inadæquationem concipientis ad rem con-  
 ceptam. Hinc est quod si Deus perfectè definiri  
 posset, unica ejus esset definitio, quemadmo-  
 dum & una est simplex natura & essentia. Su-  
 mitur ex D. Thom. in 1. dist. 2. quæst. 1. art. 3. c.  
 ubi ait : *Si autem intellectus noster Deum per*  
*seipsam videret, illi rationi posset imponere no-*  
*men unum* ( idem dic de definitione, quia ratio  
 quam significat nomen est definitio, in his quæ  
 definiri possunt ) *Et ideo dicitur Zacharia cap.*  
*ult. In illa die erit Dominus unus, & nomen ejus*  
*unum. Illud autem nomen unum non significaret*  
*bonitatem tantum nec sapientiam tantum, aut ali-*  
*quid hujusmodi, sed significata omnium istorum*  
*includeret : sed tamen si intellectus videns Deum*  
*per essentiam imposeret nomen rei quam videret,*  
*& nominaret mediante conceptione quam de ea*  
*habet, oporteret quod imposeret plura nomina, quia*  
*impossibile est quod conceptio intellectus creati re-*  
*presenteret totam perfectionem divina essentia. Po-*  
*test 2. responderi neg. min. nimirum quod es-*  
*sentia & attributa distinguantur propriis defini-*  
*tionibus, sed rationibus diversis prout habent*  
*concipi à nobis. Nec enim Deus propriè definiti*  
*potest. Ibid. c.*

Resp. ad Conf. transeat maj. & dist. min. 95.  
 intellectui & voluntati prout dicunt ordinem  
 ad diversum esse limitatum, concedo : absolute  
 vel secundum quod habent esse in primo prin-  
 cipio, nego. Quia sic respiciunt unum simpli-  
 cissimum esse. Ad prob. dicitur ut supra.

## §. VIII.

*Solvuntur argumenta sententia asserentis attributa divina inter se non nisi ratione ratiocinante, & penes diversa connexa in creaturis distinguui.*

96. **A** Rg. 3. idem non potest à seipso ratione ratiocinata, sed solum ratione ratiocinante distinguui; sed attributa inter se, & cum essentia divina sunt omnino idem: ergo nequeunt inter se & ab essentia ratione ratiocinata, sed solum ratione ratiocinante distinguui. Prob. maj. 1. distinctum ab aliquo non est aliquod illius; sed idem est aliquid sui ipsius: ergo idem à seipso non potest ratione ratiocinata distinguui. Secundò prob. distincta sunt plura; sed idem eò quod est idem non potest esse plura: ergo idem à seipso distinguui non potest. Tertiò prob. quod est distinctum secundum rem, est plura entia secundum rem; igitur quod est distinctum secundum rationem cum fundamento in re est plura entia rationis; sed absurdum est dicere quod plura attributa divina sint plura entia rationis; igitur & quod distinguantur ratione ratiocinata. Quartò, non minus propria est entis rationis distinctio rationis, quam distinctio realis propria est entis realis; sed ens rationis non potest distinguui re: igitur ens reale non potest distinguui ratione.
97. Conf. magis est unum, quod est unum re, & ratione, quam quod est unum re & multiplex ratione: sed Deus est maximè unus: ergo debet esse unus re, & ratione: ergo nulla distinctio rationis inter ipsius perfectiones adinvicem, seu inter eas & essentiam constituenda

*Art. 11. An in Deo sint perfecti. Cap. IV. § 59*  
tuenda est, quia hæc rationum multiplicitatem inducit.

Resp. dist. maj. idem secundum quod idem 98.  
adæquatè, seu idem re & ratione non potest à seipso ratione ratiocinata distingui, concedo : idem re, & inadæquatè, & virtualiter multiplex, seu fundans diversas rationes non potest distingui à seipso secundum unam & aliam rationem acceptum, nego : Et dist. min. attributa inter se & cum essentia sunt omnino idem re, concedo : re & ratione seu adæquatè, nego minorem, & conseq. Ad prob. 1. dist. maj. distinctum ab aliquo non est aliquid illius, eo modo quo distinguitur, concedo : sub ea ratione qua non distinguitur, nego : Vnde cum attributa in re non distinguantur ab essentia sunt aliquid ejus, immo ipsamet simplex entitas ; sed tamen unum habet diversam rationem ab alio, & ab essentia : quæ diversa ratio non inducit aliquam in Deo multiplicitatem, sed in intellectu duntaxat humano, qui propter suam imperfectionem, & Dei eminentem intelligibilitatem habet de eadem simplici entitate plures rationes efformare. Ad 2. prob. dist. maj. distincta sunt plura eo modo quo distinguuntur, concedo ; aliter, nego : & sic attributa & essentia sunt plura pluralitate rationis, sed non rei.

Ad 3. prob. concesso antecedenti, dist. con- 99.  
seq. quod est distinctum secundum rem cum fundamento in re est plura entia rationis, si ly *rationis* appellet supra ly *plura*, concedo conseq. id est, sunt plura pluralitate rationis, seu secundum rationem effectivè distinguentem : si ly *rationis* appellet supra entia, nego conseq. Et dist. min. absurdum est dicere quod attributa

sint plura entia rationis, si ly *rationis* appelletur supra ly *plura*, nego: sensus enim erit, quod sunt plura pluralitate rationis, & dependenter à conceptione intellectus distinguuntur inter illa: si ly *rationis* appelletur supra ly *entia*, concedo; Sed tunc non sequeretur argumentum; sicut enim ex eo quod est distinctum realiter non sequitur quod sit ens reale, imò potius est distinctum realiter, quia in re est ens habens causam realem multipliciter, nimirum oppositas formas, vel differentias; ita pariter non sequitur ex hoc quod distinguitur ratione, quod sit ens rationis, sed solum quod sit aliquid habens causam propter quam sub diversis rationibus concipi possit, quæ est eminentia objecti ut præbens fundamentum veritati, & intellectui ut causa effectiva, & subjectiva.

100.

Ad 4. prob. dist. maj. non minus propria est enti rationis distinctio rationis, quam distinctio realis est propria enti reali, quantum ad rationem formalem distinguendi, concedo; sicut enim distinctio realis distinguit inter rem, & rem propter distinctas formas, seu differentias reales oppositas; ita distinctio rationis inter diversas rationes rerum. Quantum ad fundamentum & causam distinctionis & oppositionis nego; Cum enim ens rationis sit entis umbra, seu ad instar entis realis esse habeat, & secundum quid, in ipso exigit quodammodo habere fundamentum, & causam; unde distinctio rationis potest ex parte fundamenti habere aliquid reale; non verò distinctio realis habet aliquid rationis, quia est simpliciter distinctio. Et distinguo, ens rationis non potest distingui re, quantum ad rationem formalem distinguendi, concedo

concedo ; quantum ad fundamentum distinctionis , seu quantum ad id quod radicat formalem illam distinctionem rationis , nego.

Resp. ad conf. dist. maj. magis est unum , 101.  
quod est unum re & ratione , quam quod est unum re , & multiplex ratione ; si sit multiplex ratione subjective , vel penes diversas rationes fundatas in diversitate rerum , saltem remotè , concedo ; si sit multiplex ratione objective , & ut præbens fundamentum veritati diversarum conceptionum , quæ de ipso formantur , propter plenitudinem essendi , & elongationem à concipiente , nego. Et concessa minori , dist. consequ. debet esse unus re & ratione subjective , & ut omnem diversitatem rationis fundatæ in diversitate rerum excludens concedo ; objective , & ut præbens fulcrimentum diversis conceptionibus , quæ propter universalitatem , & eminentissimam essendi plenitudinem , de ipso formantur , nego. Itaque distinctio rationis non est in Deo tanquam in subiecto , aut ut habente diversitatem rationum illarum fundatarum in diversitate rerum , sicut rationes generis & differentię sunt in homine ortæ ex diversitate rerum , nimirum materia & forma , ut explicuimus in *Logica* *tomo 1. quest. 6. art. 4.* sed est in intellectu creato ut in subiecto & causa effectiva ; in Deo autem ut in præbente fundamentum , qui in una simplicissima entitate & actualitate essendi habet omnes perfectiones identificare , ut sæpius dictum est. Ita sumitur ex D. Thom. *loc. cit. ex 1. sent. & infra quest. 13. art. 4. ad 3.* ubi ait ; *Hoc ipsum ad perfectam Dei unitatem pertinet , quod ea quæ sunt multipliciter & divisivè in aliis , in ipso sunt sum-*

562 *Quaest. IV. De Perfectione Dei,*  
*pliciter & unitè. Et ex hoc contingit quod est*  
*unus re, & plures secundum rationem, quia intel-*  
*lectus noster ita multipliciter apprehendit eum,*  
*sicut res multipliciter ipsum representant.*

102. Arg. 4. & simul contra prædictas solutiones  
 instatur, intellectus non potest facere ens reale  
 quod in se ens reale non est : ergo neque potest  
 facere plura entia realia, quæ in se plura non  
 sunt ; & consequenter nequit inter entia realia  
 objectivè distinguere.

103. Conf. 1. quia divina essentia est eadem sibi  
 ipsi, non potest ratione ratiocinata à seipsa per  
 intellectum nostrum distinguì ; sed non minus  
 sapientia, & quodlibet attributum Dei est idem  
 cum essentia divina, quam essentia divina sibi  
 ipsi : ergo similiter sapientia & quodlibet at-  
 tributum non poterit ab essentia divina ratione  
 ratiocinata distinguì. Minor patet, nam si ma-  
 gis distinguatur sapientia ab essentia, quam es-  
 sentia à seipsa, in Deo non erit summa simpli-  
 citas, quandoquidem unum erit magis simplex  
 & unum identicè, quam aliud.

104. Conf. 2. si sapientia divina v. g. ab essentia  
 distingueretur, etiam sequeretur essentiam à  
 seipsa distinguì ; sed hoc est absurdum : ergo  
 non distinguitur ; sequela prob. quia quando duo  
 sunt eadem, à quocunque distinguitur unum,  
 distinguitur & aliud,

105. Resp. concessio anteced. dist. conseq. non po-  
 test facere plura entia realia, pluralitate reali,  
 vel formaliter, vel fundamentaliter, concedo :  
 pluralitate rationis, & quantum ad exercitium  
 pluralitatis, nego : sicut enim tempus est quid  
 reale ; & tamen completur per actum rationis ;  
 ita & per actum rationis, quæ sunt virtualiter

&

*Art. 11. An in Deo sint perfecti. Cap. IV. § 63*  
& fundamentaliter distincta in re, fiunt actu distincta.

Resp. ad 1. conf. dist. maj. quia est eadem re & ratione, seu adæquatè, concedo : quia est eadem re tantum, nego maj. Et dist. min. non minùs sapientia & quodlibet attributum Dei est idem re, & ex parte Dei in se, cum essentia divina, quam essentia divina sibi ipsi, concedo : idem ratione, & ut habet cognosci ex diversis creaturarum perfectionibus, nego min. & conseq. Ad 2. conf. resp. neg. sequelam. Ad cujus prob. dist. maj. quando duo sunt eadem adæquatè, seu re & ratione, concedo : quando sunt eadem re tantum, & inadæquatè, nego. Sic autem sunt eadem attributa cum essentia divina,

Arg. 5. si attributorum distinctio in Deo fundamentum haberet, maximè illius eminentiam cum deficientia intellectus nostri comparatam; sed hoc non sufficit : ergo hujusmodi rationis distinctio in Deo fundamentum habere nequit. Prob. min. primò : quia etiam sapientia est eminentiæ atque perfectionis infinitæ : sed tamen comparata cum deficientia intellectus nostri non est fundamentum alicujus distinctionis rationis : ergo hoc non sufficit. Deinde quia eminentia divina nequit fundamentum præbere, ut ei aliqua imperfectio attribuat : sed distinctio attributorum inter se, & ab essentia est aliqua imperfectio : ergo nequit in illius eminentia fundari.

Conf. non minus opponitur unitati distinctio, quam compositio simplicitati : sed compositio etiam rationis, summæ simplicitati Dei opponitur; ac subinde in eo reperiri nequit: ergo distinctio

564 *Quest. IV. De Perfectione Dei,*  
distinctio rationis etiā opponitur summæ uni-  
tati, & identitati divinæ, & in illo reperiri non  
potest.

109. Conf. 2. non minus opponitur distinctio uni-  
tati, quam potentialitas summæ actualitati :  
sed summæ actualitati repugnat omnino poten-  
tialitas etiam rationis : ergo etiam distinctio  
rationis summæ unitati, & identitati Dei.

110. Resp. ad arg. ex D. Thom. in 1. dist. 2. q. 1.  
art. 3. c. concessa majori, negando min. Ad cu-  
jus prob. primam, distingo maj. sapientia di-  
vina est eminentiæ perfectionis infinitæ, quan-  
tū ad plenitudinem essendi, concedo ; quan-  
tū ad universalitatem, & rationem unificari-  
vam omnium rerum, nego maj. & concessa mi-  
nori nego consequ. *Nam hæc eminentia* ( inquit  
S. D. ) *attenditur quantum ad tria, scil. quantum*  
*ad universalitatem, quia in Deo sunt omnes per-*  
*fectiones adunata qua non congregantur in aliqua*  
*una creatura. Item quantum ad plenitudinem, quia*  
*est ibi sapientia sine omni defectu, & similiter de*  
*aliis attributis, quod non est in creaturis. Item*  
*quantum ad unitatem, qua enim in creaturis di-*  
*versa sunt in Deo sunt unum : & quia in illo uno*  
*habet omnia, ideo secundum illud unum causat om-*  
*nia, cognoscit omnia, & omnia sibi per analogiam*  
*similantur. Secundum ergo hanc opinionem* ( vide-  
licet Dionysii c. ult. de divin. nom. & Anselmi  
cap. 3. Monol. ) *Conceptiones quas intellectus no-*  
*ster ex nominibus attributorum concipit, sunt verè*  
*similitudines rei, qua Deus est. Itaque dico, quod*  
*sapientia in re, quatenus est Deus, est perfe-*  
*ctionis infinitæ & eminentiæ quoad omnem*  
*rationem ex qua pensatur eminentia : sed ut ar-*  
*tributum ratione distinctum ab essentia est in-*  
*finitæ*



finitæ perfectionis & eminentiæ , duntaxat quantum ad plenitudinem essendi , quia in ratione sapientiæ nihil ei deest , sed non quantum ad universalitatem & rationem unificativam omnium rerum , quia ex modo significandi tantum dicit rationem sapientiæ , sed nomen Deus in sua ratione omnia unificat & completitur. Ad 2. neg. min. quia hujusmodi distinctio quantum ad fundamentum ejus ex summa perfectione oritur , licet quantum ad subjectum & causam effectivam ejus , quæ est humanus intellectus ; imperfectionem arguat : unde in Deo ut in subjecto & causa reperiri nequit.

Ad 1. conf. respondent aliqui cum Illustrissimo D. Godoy hic , dist. min. compositio rationis simpliciter , & ex conceptibus se mutuo non includentibus , repugnat Deo , concedo min. compositio rationis secundum quid , seu quoad conceptus se mutuo non explicantes , licet mutuo se includentes , nego min. Talis autem est distinctio rationis quæ inter attributa & essentiam reperitur , quia invicem se includunt , licet unum non explicet in sua ratione conceptum seu rationem alterius. III.

Resp. 2. dist. min. compositio rationis ex parte ejus in quo est tanquam in subjecto & causa , summæ simplicitati opponitur , concedo ; ex parte ejus in quo est , tanquam in obiecto & fundamento unificante plures rationes illimitatè , & eminenter , nego minorem ; & dist. conseq. distinctio rationis ex parte ejus in quo est tanquam in subjecto & causa , concedo : ex parte ejus in quo est tanquam in obiecto , & fundamento unificante plures rationes eminenter , & illimitatè , nego : sic autem est III 2.

566 *Quaest. II. De Perfectione Dei,*  
est in Deo, & in intellectu creato ut in subiecto  
& causa, ut sapius dictum est,

113. Ad 2. conf. respondent aliqui negando paritatem: nam ad potentialitatem per rationem exigitur quod una perfectio concipiatur ut per aliam perfectibilis, quam in se actu etiam implicito non includat: est autem de ratione actus puri non posse ab alio præscindere, ideoque illi opponitur esse in potentia ad aliquam perfectionem, nedum reali potentialitate, sed etiam potentialitate rationis: at verò ad distinctionem rationis hæc præcisio non requiritur, sed sufficit non expressio. Et quia potest concipi essentia, ut attributa non exprimens, & attributa ut non exprimentia essentiam, potest inter attributa & essentiam dari distinctio rationis non obstante summa unitate, quâ identificantur realiter: non autem potest concipi essentia ut in potentia in ordine ad attributa, quia licet illa non explicet actu, tamen implicitè includit.

114. Resp. 2. dist. min. summæ actualitati repugnat omnis potentialitas etiam rationis, ut relatæ ad rem conceptam prout est in se, seu radicatæ in ipsa, concedo; ut relatæ ad concipientem, & significantem inadæquatè, nego; nam si quodlibet attributum, ut attributum est, significatur & intelligitur ut quædam essentia perfectio, oportet quod ipsa per ordinem ad intelligentem & significantem se habeat in ratione perfectibilis; quia quælibet perfectio est alicujus perfectibilis perfectio. Vnde distinctio, & compositio rationis necessariò aliquam imperfectionem important, non quidem in re, sed in faciente & effingente talem distinctionem. Videnda quæ ex D. Thoma

ma

*Art. II. An in Deo sint perfecti. Cap. IV. § 67*  
ma diximus supra capit. 5. §. 7. resp. ad 1.

Arg. ultimò, si attributa distinguerentur virtualiter, & ratione ratiocinata ab essentia, & inter se, sequeretur quod essent virtualiter & ratione inæqualia in perfectione : sed hoc est absurdum ; ergo &c. Minor patet, quia quodlibet attributum est ens per essentiam & infinitum, & subinde non potest carere alterius perfectione, aut eo esse aliquid perfectius. Maj. etiam constat, quia nequit reperiri distinctio formalis, sive aliqua inæqualitate, quia per oppositas differentias fieri debet, quæ sunt sicut numeri, quibus addito vel detracto variatur species.

115.

Resp. omissis variis dicendi modis, qui videri possunt apud Illustrissimum Godoy hic tract. 1. disp. 5. §. 7. num. 130. & seq. dist. maj. essent inæqualia in perfectione secundum se, & ex parte rei conceptæ, vel secundum rationem relata ad rem in se, nego ; secundum quod habent significari ex diversis rerum creaturarum perfectionibus, vel secundum rationem relata ad concipientem, & principium cognoscendi, quod est creatura, concedo maj. & nego minorem. Ad prob. dico quod implicat significari aliquid perfectius eo quod infinitum simpliciter & in omni genere, vel eo quod est infinitum in tali genere, loquendo quoad plenitudinem essendi in tali genere ; non implicat autem significari aliquid perfectius infinito in aliquo genere, sicut si daretur infinita gratia esset perfectior infinita quantitate ; & infinitus intellectus infinito sensu.

116.



## ARTICVLVS TERTIVS.

*Utrum aliqua creatura possit esse simili-  
lis Deo.*

- I.  
1. dist. 1.  
q. 1. art.  
3. infra  
q. 13. &  
q. 7. de  
pot.



IRCA titulum nota ex S. D. quod Rabbi Moyse arbitratus perfectiones, & attributa Dei in eo secundum verissimam nominum suorum rationem non esse, consequenter locutus dixit, *quod omnia nomina qua de Deo & creaturis dicuntur, dicantur equivocè, & quod nulla sit similitudo creaturae ad creatorem ex hoc quod creatura est bona, vel sapiens, vel huiusmodi aliquid*: idcirco postquam S. D. statuit quod in Deo sint rerum omnium perfectiones, quod nec ipse Rabbi Moyse negabat, quærit an ita sint in eo, quod sit aliqua similitudo creaturæ ad Deum non secundum solum nomen, & æquivocè, sed vel univocè vel analogicè, quod ille non concedebat. Aliter explicat Cajetanus, sed parum ad rem, & mentem Div. Thomæ.

2. Ut quæsito respondeat Sanct. Doct. supponit omnem similitudinem secundum aliquam convenientiam vel communicationem in forma attendi; ea propter secundum multos modos communicandi in forma multiplicem similitudinem distingui. Quædam enim dicuntur similia, quæ communicant in eadem forma secundum eandem rationem, & modum essendi: & hæc non solum dicuntur similia, sed etiam

*Art. III. An aliq. creat. poss. esse sim. Deo. § 69*  
 etiam æqualia in sua similitudine ; sicut duo  
 æqualiter alba dicuntur similia in albedine,  
 & hæc est perfectissima similitudo. Alio mo-  
 do dicuntur similia , quæ communicant in  
 forma secundum eandem rationem , & non  
 secundum eundem modum , quinimo secun-  
 dum magis & minus , ut minus album dici-  
 tur simile magis albo , & hæc similitudo est  
 quodammodo imperfecta. Tertio modo di-  
 cuntur aliqua similia , quæ communicant in  
 eadem forma , sed non secundum eandem ra-  
 tionem , ut patet in agentibus non univo-  
 cis , verbi gratia , Sole qui habet formam  
 caloris secundum quam causat ipsum in his  
 inferioribus , sed non est calor secundum ean-  
 dem rationem generis , vel speciei in his & illo,  
 sed analogicè tantum , ut explicuimus *tomo 2.*  
*clypei philos. ph. quest. 2.*

Conclusio , creatura quælibet inquantum  
 est ens assimilatur Deo ut primo & univer-  
 sali principio totius esse ( ac subinde ut ha-  
 bent rerum omnium perfectiones ) non qui-  
 dem secundum eandem rationem univocam,  
 specificam , vel genericam , sed secundum ali-  
 qualem analogiam. Prima pars probatur, Deus  
 est causa efficiens omnis creaturæ : sed in-  
 ter causam efficientem , seu agentem , & ejus  
 effectum oportet aliquam similitudinem inter-  
 venire : ergo quælibet creatura assimilatur Deo  
 ut primo & universali principio totius esse.  
 Probatur minor , unumquodque agit secundum  
 quod est actu , nimirum ipsum quod agitur , id  
 est , secundum quod actu habet id quod causat  
 in effectum , quia nihil est in effectum quod non  
 sit in virtute suæ causæ : igitur oportet aliquo  
 modo

570 *Quest. IV. De Perfectione Dei,*  
modo effectum suæ causæ similem esse, inquantum nimirum effectus est per hoc quod participat actualitatem agentis.

4. Secunda pars probatur, effectus qui non continentur in eadem specie, vel in eodem genere cum sua causa, non assimilantur ei secundum eandem rationem specificam; vel genericam, sed secundum aliqualem analogiam; & convenientiam in esse; sed creaturæ sunt effectus Dei, qui non continentur in eadem specie vel genere cum ipso Deo, cum Deus in nullo genere contineatur, ut supra ostensum est, sed sit principium omnis generis: ergo creaturæ non sunt similes Deo secundum eandem rationem univocam, genericam vel specificam, sed tantum secundum analogiam; & convenientiam in esse, quatenus ipse est primum & universale principium totius esse creati, quod ipsum imitatur.

5. Argum. 1. dicitur in Psalm. 85. *Non est similis tui in diis Domine*: sed inter omnes alias creaturas sunt excellentiores, quæ dicuntur Dei participativè: multò ergo minùs possunt aliæ creaturæ dici Deo similes. Respond. S. D. ex Dionysio, quod creatura dicitur non esse Deo similis, univocè & secundum eandem rationem speciei vel generis, licet ei similis sit inquantum imitatur ipsum aliquo modo, quia omne id quod est, nonnisi per ipsum habet esse. Hæc solutio maximè sacro textui consonat. Etenim ibi psalmographus intendebat ostendere, quotquot Gentiles colebant Deos, tantum à Deo distare, quantum id quod fit à prima causa æquivoca, & eminentissima, cum qua nonnisi secundum quandam

*Art. III. An aliq. creat. poss. esse sim. Deo. 571*  
 quandam analogiam convenire, & conquadrate  
 potest; Et quid dixit? ait Augustinus, *Non*  
*est similis tibi in Diis Domine: Quodlibet aliud*  
*cogitet homo, non est simile quod factum est illi*  
*qui fecit. Excepto Deo quidquid aliud est in na-*  
*tura rerum, factum est a Deo, quantum interest*  
*inter eum qui fecit & illud quod factum est, quis*  
*dignè cogitet?*

Argument 2. Inter ea quorum non est com-  
 paratio, neque similitudo, cum similitudo sit  
 comparatio quædam; sed inter Deum & crea-  
 turam nequit esse comparatio: ergo neque si-  
 militudo. Probat. minor, inter ea quæ sunt  
 diversorum generum non est comparatio, ver-  
 bi gratia inter dulcedinem & albedinem, non  
 enim dicimus dulcedinem albedini similem  
 esse; sed Deus & creatura non sunt ejusdem  
 generis: ergo inter Deum & creaturam nequit  
 esse comparatio.

6.

Respond. Sanct. Doct. quod Deus & crea-  
 tura non sunt res diversorum generum, qua-  
 si Deus unum genus constituat, & creatura  
 aliud, sicut substantia, quantitas, & quali-  
 tas &c. Neque etiam sunt ejusdem generis,  
 itaut sub eodem genere contineantur, sicut  
 homo & Leo sub eodem genere animalis,  
 sed sunt ejusdem generis, Deus quidem ut  
 principium generis, extra tamen omne ge-  
 nus existens, creatura verò ut in genere con-  
 tenta. Et quia inter effectum & causam agen-  
 tem, seu principium efficiens ipsius oportet  
 aliquam similitudinem intercedere, analogant  
 quidem si sit causa superexcedens, idcirco in-  
 ter Deum & creaturam est aliqua similitudo,  
 secundum analogiam tamen.

7.

8. Argument. 3. Similia dicuntur quæ in forma conveniunt; sed Deus & creatura in eadem forma convenire nequeunt; igitur neque similia esse. Probat. minor. forma seu quidditas Dei est ipsum esse; sed nulla essentia seu quidditas creaturæ est suum esse: ergo Deus & creatura in forma convenire nequeunt.
9. Resp. Sanct. Doct. quod creaturæ ad Deum non dicitur esse aliqua similitudo, quia communicent in forma secundum eandem rationem generis, vel speciei, sed secundum analogiam tantum, qua ratione convenit in esse cum Deo, inquantum Deus est ens per essentiam, & subinde fons & principium totius esse; creatura verò est ens per participationem, ac subinde effectus Dei, qui est ens per essentiam, quapropter debet aliquo modo, nimirum secundum analogiam illi similari.
10. Argument. 4. in similibus est mutua similitudo; sed inter Deum & creaturam mutua similitudo reperiri nequit: ergo creatura non potest esse similis Deo. Maj. patet, nam simile est simili simile. Minor verò prob. quia Deus nequit similis dici alicui creaturæ, quod oporteret dici, ut reperiretur mutua similitudo, nam dicitur Isaïæ 40. *Cui similem fecistis Deum?*
11. Respond. Sanct. Doct. quod licet aliquo modo condatur creaturam esse Deo similem, nullo tamen modo concedendum est quod Deus sit creaturæ similis, videlicet similitudine propriè dicta, cujus rei gratia notat quod similia sunt in duplici differentia, quædam sunt ejusdem ordinis, ut sunt duo alba; & inter



*Art. III. An aliq. creat. poss. esse simil. Deo. 573*  
inter ea quæ sunt similia hoc modo est mutua  
similitudo; quædam verò sunt similia quæ sunt  
diversorum ordinum; quia scil. unum ipsorum  
per se est causa (nimirum superior & æquivoca  
seu effectiva exemplaris) & alterum est causa-  
tum, ut sunt imago & imaginatum: imagina-  
tum enim est causa ipsius imaginis; & inter hæc  
non est mutua similitudo (nimirum propriè di-  
cta, ut statim explicabimus) Dicimus enim  
imaginem esse similem Sorti, non autem Sor-  
tem esse similem imagini. Et quia Deus non est  
ejusdem ordinis cum creatura, utpote qui est  
super omnem creaturam, & omnis creaturæ  
causa, videlicet superior & æquivoca; ideo in-  
ter Deum & creaturam non est mutua similitu-  
do; dicimus enim creaturam esse Deo similem,  
non autem Deum esse similem creaturæ.

12.


Contra hanc doctrinam facere videtur id  
quod docet S.D. infra quæst. 57. art. 2. ad 2. ubi  
ait; *Dicendum quod secundum suam naturam An-  
geli non assimilantur rebus materialibus; sicut as-  
similatur aliquid alicui secundum convenientiam  
in genere, vel specie, aut in accidente (nimirum  
speciei) sed sicut superius habet similitudinem cum  
inferiori; ut sol cum igne. Et per hunc etiam mo-  
dum in Deo est similitudo omnium, & quantum  
ad formam, & quantum ad materiam; inquan-  
tum in ipso præexistit ut in causa quidquid in re-  
bus invenitur: ergo superioris ad suum inferius  
potest esse similitudo, ac subinde Deus potest  
dici creaturæ similis.*

13.

Resp. ex S. D. q. 4. de verit. art. 4. ad 2. quod  
strictè accipiendo nomen similitudinis, nonnisi  
in his quæ sunt æquè ordinata, seu ejusdem  
ordinis, reperitur similitudinis reciprocatio;

in his autem quæ se habent per modum causæ & causati non invenitur propriè loquendo similitudinis reciprocatio; dicimus enim quod imago Herculis similatur Herculi, sed non è converso. Et sic Deus non dicitur creaturæ similis, ut de Verbo divino probat Anselmus in *Monolog. cap. 32.* Si tamen largo modo similitudo accipiat, sic potest dici quod Deus est similitudo creaturæ non quasi imago, sed quasi exemplar & principium, ut habetur quæst. 7. de pot. art. 7. ad 4.





## QVÆSTIO QVINTA; DE BONO.

**D**E I N D E quarendum est, inquit S. D. de bono : & primò de bono in communi, secundò de bonitate Dei. Circa ordinem à D. Thom. observatum occurrit commune dubium an rectus sit ? Priùs enim de unitate & veritate disputandum videbatur, cum unum & verum secundum rationem sit prius bono. Omissa Cajetani subtilitate, respondetur cum S.D. q.2 1. de verit. a. 3. c. *Quod tam verum quam bonum habent rationem perfectivorum, sive perfectionum. Ordo autem inter perfectiones aliquas potest attendi dupliciter ; uno modo ex parte ipsarum perfectionum ; alio modo, ex parte perfectibilium. Considerando ergo bonum & verum secundum se, ( idem dic de uno ) sic verum est prius bono secundum rationem, cum sit perfectivum alicujus secundum rationem speciei, bonum autem non solum secundum rationem speciei, sed secundum esse quod habet in re : & ita plura in se inclu-*

dit ratio boni, quam ratio veri, & se habet quodammodo per additionem ad illa, & sic bonum praesupponit verum, verum autem praesupponit unum, cum veri ratio ex apprehensione intellectus perficiatur, unumquodque autem intelligibile est, inquantum est unum: qui enim non intelligit unum, nihil intelligit, ut dicit Philosophus 4. metaph. Vnde istorum nominum transcendensium talis est ordo, si secundum se consideretur, quod post ens est unum, deinde verum, deinde post verum bonum. Si autem attendatur verum & bonum ex parte perfectibilium, sic bonum est naturaliter prius quam verum, duplici ratione: Primo, quia perfectio boni ad plura se extendit, quam perfectio veri. A vero enim non sunt nata perfici, nisi illa quae possunt aliquod ens percipere in seipsis, vel in seipsis habere secundum suam rationem, & non secundum illud esse quod habet ens in seipso: & huiusmodi sunt solum ea quae immaterialiter aliquid recipiunt, & sunt cognoscitiva. Species enim lapidis est in anima, non autem secundum esse quod habet in lapide. Sed à bono nata sunt perfici illa, quae secundum materiale esse aliquid recipiunt; cum ratio boni in hoc consistat, quod aliquid sit perfectivum tam secundum rationem speciei quam secundum esse. Et ideo omnia appetunt bonum, sed  
non

*Art. I. An bonum differat ab ente, Cap. I. § 77*  
*non omnia cognoscunt verum : in utraque*  
*enim ostenditur habitudo perfectibilis ad*  
*perfectiorem, qua est bonum & verum, scil.*  
*in appetitu boni & cognitione veri. Secun-*  
*dò, quia illa qua nata sunt perfici bono*  
*& vero, per prius perficiuntur bono quam*  
*vero. Ex hoc enim quod participant esse*  
*perficiuntur bono : ex hoc autem quod co-*  
*gnoscunt aliquid perficiuntur verò. Cogni-*  
*tio autem est posterior quam esse. Vnde &*  
*in hac consideratione, ex parte perfectibi-*  
*lium bonum precedit verum. Cum ergo*  
*S. D. hic agat de bono, & vero ex par-*  
*te perfectibilis, similiter de uno, prius*  
*agit de bonitate Dei, quam de ejus uni-*  
*tate, vel veritate.*



## ARTICVLVS PRIMVS.

*Virum bonum differat secundum  
rem ab ente ?*

### CAPVT PRIMVM.

*Quibusdam presuppositis statuitur conclusio.*



**S**ERMO est de bono & ente simplici-  
ter acceptis, videlicet prout ens dicit  
actum essendi; bonum autem rationem  
appetibilis, seu perfectivi ipsius ap-  
petitus. Vnde sensus difficultatis est, utrum

I.

bonum sub hac ratione addat aliquid reale, seu realem aliquam naturam & perfectionem, ratione cujus ab ipso ente secundum rem differat; sicut album formaliter addit corpori, quod album denominatur, realem formam & perfectionem per quam secundum rem à corpore, vel subiecto quod est album, distinguitur.

2. Notandum est ex S. D. *quaest. 21. de verit. art. 1. c.* quod tripliciter aliquid super alterum addere potest: primò secundum rem, & per modum alicujus extranei realiter, itaut res quæ additur sit extra essentiam illius rei quæ additur; quo pacto album corpori superaddit, quia albedinis essentia præter corporis essentiam est. Secundò per modum alicujus differentiae contrahentis, seu determinantis potentialitatem vel indifferentiam ejus cui additur; quo pacto homo animali addere dicitur; non quidem ita quod in homine sit alia res, quæ sit penitus extra essentiam animalis, aliàs non totum quod est homo esset animal, sed ipsum esset hominis pars, ac subinde de homine non prædicaretur; sed addere dicitur quatenus animal per ipsum rationale in homine contrahitur; quia id quod determinatè & actualiter continetur in ratione hominis, implicitè & quasi potentialiter (potentia formali indeterminata) continetur in ratione animalis; est enim de ratione hominis quod habeat animam rationalem; de ratione autem animalis est quod habeat animam non determinando ad rationalem, vel non rationalem; illa tamen determinatio ratione cujus homo super animal addere dicitur, in aliqua re fundatur, nimirum anima rationali prout dicit gradum intellectivi, quod non dicit animal secundum

*Art. I. An bonum differat ab ente, Cap. I. 579*  
secundum se. Vnde addere dicitur secundum rationem, & non secundum rem. Tertiò dicitur aliquid super alterum addere secundum rationem tantum; quando scil. aliquid est de ratione unius, quod non est de ratione alterius; quod tamen nihil est in rerum natura, sed in ratione tantum; sive per illud contrahatur id, cui addi dicitur, sive non. Cæcum enim addit aliquid supra hominem, scil. cæcitatem, quæ non est aliquod ens in natura, sed rationis tantum, secundum quod ens rationis comprehendit negationem & privationem; & per hoc homo contrahitur, non enim omnis homo est cæcus; sed cum dicimus talpam cæcam non fit per hoc additum aliqua contractio, quia omnis talpa cæca est.

Supponenda est præterea boni communiter & absolute sumpti definitio, quam ex communi Philosophorum consensu tradit Aristoteles *lib. 1. Ethic.* dicens bonum esse, *id quod omnia appetunt.* Est enim bonum objectum proprium appetitus, ac subinde motivum ejus; sicut sonus est proprium auditus objectum. Vnde sicut sonus est, qui ab omni percipitur auditu, ita oportet bonum esse id, in quod tendit omnis appetitus. Ea propter cum rei cujuslibet sit aliquis appetitus, vel intellectivus, vel sensitivus, vel naturalis, consequens est, quod quælibet res suo modo bonum appetat. Ideo dicit Philosophus omnia bonum appetere, id est, in bonum tendere, sive rationalia & intellectualia, sive sensitiva, sive tandem inanimata & ratione seu cognitione carentia, & quæ purè in finem ut directa tendunt *D. Thom. ibid.*

3.

Circa

4. Circa hanc definitionem notat S. D. *ibid. lect. 1.* quod prima simpliciter, quale est bonum; per priora notificari aut definiri nequeunt, sed per posteriora describuntur, ac nota fiunt, quemadmodum causæ per effectus. Cum igitur bonum propriè sit motivum appetitus, bonum per motum appetitus, qui est effectus ejus, sicut vis motiva per motum, describitur.
5. Prima conclusio: bonum & ens sunt idem secundum rem. Probat S. D. ex D. Augustino *lib. 1. de doct. Christ. cap. 32.* dicente: *Inquantum sumus boni sumus*; sed sumus inquantum esse habemus; igitur esse est bonum; sed impossibile est quod sit aliquod ens quod non habeat esse: ergo necesse est quod omne ens sit bonum.
6. Deinde probat ratione; ratio boni absolute sumpti in hoc consistit quod sit appetibile; sed aliquid est appetibile inquantum est perfectum: ergo inquantum aliquid est bonum inquantum est perfectum; sed inquantum aliquid est perfectum inquantum est actu, & inquantum est actu inquantum est ens, quia esse, à quo dicitur ens simpliciter, est actualitas omnis rei: ergo bonum & ens sunt idem secundum rem. Major patet ex communi diffinitione boni, quam tradit Aristoteles *lib. 1. Ethic. cap. 1.* dicens, bonum esse id quod omnia appetunt; sed id in quod fertur, ac tendit omnis appetitus est appetibile simpliciter, sicut id in quod fertur omnis visus, est visibile simpliciter; igitur ratio boni in eo consistit, quod sit appetibile. Minor etiam est evidens, quia omnis res propriam appetit perfectionem: ergo inquantum aliquid natum est appeti seu movere appetitum, inquantum in se habet aliquam perfectionem, quæ sit conveniens & perfectiva rei.



Pro majori intelligentia nota ex S. Doct. *quæst 21. de verit. art. 1. c.* quod verum & bonum super intellectum entis rationem seu respectum perfectivi addunt. In quolibet autem ente est duo considerare ; scil. ipsam rationem speciei ; & esse ipsum , quo aliquid aliud in specie illa subsistit. Et sic aliquod ens potest esse perfectum dupliciter : uno modo ; secundum rationem speciei tantum , & sic ab ente perficitur intellectus , qui perficitur per rationem entis ; nec tamen ens est in eo secundum esse naturale ; & ideo hunc modum perficiendi addit verum super ens. Verum enim est in mente, ut dicit Philosoph. in 6. *metaph.* & unumquodque ens in tantum dicitur verum, in quantum conformatum est, vel conformabile intellectui. Et ideo omnes rectè diffinientes verum ponunt in ejus definitione intellectum.

7.

Alio modo ens est perfectivum alterius, non solum secundum rationem speciei ; sed etiam secundum esse quod habet in rerum natura ; & per hunc modum est perfectivum bonum. Bonum enim in rebus est , ut Philosoph. dicit 6. *Metaph.* In quantum autem unum ens est secundum esse suum perfectivum alterius & conservativum, habet rationem finis respectu illius quod ab eo perficitur. Et inde est quod omnes rectè diffinientes bonum ponunt in ratione ejus aliquid, quod pertineat ad habitudinem finis. Vnde Philosoph. dicit in 1. *Ethic.* quod bonum optimè diffiniunt dicentes , quod bonum est quod omnia appetunt. Sic ergo primo & principaliter dicitur bonum, ens perfectivum alterius per modum finis ; sed secundariò dicitur aliquod bonum , prout est ductivum in finem,

8.

nem, (quo pacto utile dicitur bonum:) vel natum est consequi finem; sicut & Sanum dicitur, non solum habens Sanitatem, sed perficiens, & conservans, & significans, *ibid.*

9. Secunda conclusio: bonum & ens secundum rationem differunt. Prob. S. D. quia bonum dicit rationem appetibilis, seu habitudinem causæ finalis in conceptu suo, quam non dicit ens: ergo secundum rationem bonum addit ad ipsum rationem appetibilis: ergo secundum rationem ab illo distinguitur.

## C A P V T I I.

### *Solvuntur argumenta contraria,*

10. **A** Rg. 1. ea quæ sunt aliud, & aliud, secundum rem differunt; sed ens & bonum sunt aliud & aliud: ergo secundum rem differunt. Minor prob. ex Boëtio in lib. de hebdomad. dicente: *Intueor in rebus aliud esse quod sunt bona, & aliud esse quod sunt.*

11. Resp. ad min. Quod ens est duplex, scilicet ens simpliciter, & ens secundum quid. Ens simpliciter dicitur illud, quo res est primò in actu per suam formam substantialem. Ens verò secundum quid dicitur illud, quod advenit rei per ultimam accidentalem perfectionem. Homo namque dicitur ens simpliciter per esse substantiale, quod habet ab anima. Haber verò esse secundum quid per formas accidentales supervenientes formæ substantiali sicut per justitiam dicitur justus, per scientiam sciens. Similiter bonum est duplex, scilicet simpliciter, & secundum

secundum quid ; bonum simpliciter est ultima rei perfectio , quam res habet per suam ultimam accidentalem formam ; bonum verò secundum quid est prima rei perfectio , quæ est ipsum esse ; quando enim aliqua res habet tantum esse , est bona secundum quid. Ex quibus patet quod ens simpliciter , est idem re cum bono secundum quid , & ens secundum quid , est idem realiter cum bono simpliciter. Bonum namque secundum quid est ipsum esse substantiale , quod dicitur etiam ens simpliciter , & bonum simpliciter est ultima perfectio rei , quæ dicitur etiam ens secundum quid. Si igitur accipiaturs ens communiter , & indistinctè prout comprehendit ens simpliciter , & ens secundum quid , & similiter bonum prout est commune ad bonum simpliciter , & secundum quid. Dicitur ad argumentum quod ens , & bonum sunt aliud , & aliud tantum secundum rationem , & de hac alietate interpretanda est Boëtij sententia. Si autem sermo sit de ente simpliciter , per comparisonem ad bonum simpliciter , & de ente secundum quid per comparisonem ad bonum secundum quid , tunc dicitur quod sunt aliud , & aliud , non solum secundum rationem , sed etiam realiter ; nam ens simpliciter significat primum actum substantialem , qui realiter ab ultimo actu accidentali , qui dicitur bonus simpliciter , distinguitur , & secundum hunc modum sententia Boëtij potest intelligi de alietate reali , & erit sensus , quod intuemur in rebus aliud esse quod sunt , quia res simpliciter sunt per primum actum , & aliud esse quod bonæ sunt , quia simpliciter bonæ dicuntur res per ultimum actum , ut dictum est.

Arg. 2.

12. Arg. 2. omne quod dicitur per informationem alicujus ( id est omne illud quod se habet ut forma determinans alicujus ad certam rationem, ut patet quæst. 21. de verit. art. 1. ) Omne, inquam, quod dicitur per informationem alicujus, aliquid realiter super illud addit: sed bonum dicitur per informationem entis, ut dicitur *in lib. de causis prop. 21. & 22.* determinat enim ens ad specialem rationem: ergo bonum differt secundum rem ab ente. Major patet, quia nihil realiter informatur à seipso, seu determinat seipsum.
13. Dices, quod bonum determinat ens secundum rationem. Contra, aut illi rationi responderet aliquid in re, aut nihil? Si nihil, sequitur quod illa ratio sit cassa & vana; si autem aliquid responderet in re, habetur propositum, nimirum quod bonum supra ens realiter aliquid addat.
14. Resp. S. D. *ibid.* quod isti rationi aliquid responderet in re, scilicet realis dependentia ejus quod est ad finem ipsum, sicut est etiam in aliis relationibus rationis, quæ Deo attribuuntur.
15. Resp. 2. ad arg. ex S. D. *hic ad 2.* quod bonum dicitur per informationem, non quidem si fiat sermo de bono absolute, sed de bono quod est bonum bonitate ultima, & simpliciter secundum ultimum actum, qua ratione differt ab ente absolute dicto.
16. Arg. 3. Illa duo quæ sic se habent, quod unum eorum suscipit, & alterum non suscipit magis, & minus, distinguuntur realiter ab invicem; sed bonum suscipit magis, & minus; esse autem non suscipit magis, & minus: ergo bonum differt secundum rem ab ente.

Resp.

*Art. 1. An bonum differ. ab ente, Cap. 11. § 85*

Resp. quod bonum dicitur secundum magis, & minus secundum actum supervenientem, puta secundum scientiam, vel virtutem; etenim unus dicitur magis sciens vel virtuosus, quam alius. Sed non dicitur secundum magis & minus absolute & secundum se. Videnda quæ dicta sunt *solut. ad 1.* 17.

Arg. 4. quāto magis receditur ab uno primo simplici, tantò major in rebus differentia invenitur; sed ens & bonum in Deo sunt unum re, & distinguuntur ratione: ergo in creaturis distinguuntur plusquam ratione; & ita distinguuntur re, cum supra distinctionem rationis non sit nisi distinctio rei, q. 21. de verit. a. 1. arg. 5. Conf. Sicut bonum & ens convertuntur, ita homo & risibile; sed risibile, quamvis convertatur cum homine, addit tamen super hominem aliquid realiter, scil. ipsam hominis proprietatem, quæ est de genere accidentium: ergo & bonum realiter addit super ens. *Ibid.* 18.

Resp. ad arg. ex S. D. *ibid.* ad 5. dist. min. bonum & ens in Deo sunt unum re, præcisè quia in Deo sunt, nego: ex propria etiam ratione, concedo min. & neg. conseq. Nam licet ea quæ sunt unum in Deo, quia in Deo sunt, & distinguuntur tantum ratione, in creaturis distinguantur realiter, non tamen si aliàs sint unum secundum propriam rationem, ut ens & bonum. 19.

Resp. ad Conf. ex S. D. *ibid.* ad 10. quod risibile quamvis convertatur cum homine, tamen addit aliquam naturam extraneam super ipsum, quæ est præter essentiam hominis, unde realiter distinguitur; sic autem nihil potest addi super ens, ut dictum est. 20.

## CAPUT III.

*Ostenditur quomodo ratio boni sit relativa,  
quomodo ve absoluta.*

21. **C**UM dixerimus bonum esse quod ab omnibus appetitur, necessum est fateri quod ipsum exprimat quandam convenientiæ relationem, seu habitudinem appetibilitatis ad ipsum appetitum (ut docet D. Thom. hic, & *quaest. 1. de verit. art. 1.*) sicut verum addit ipsi relationem conformitatis & adæquationis ad intellectum. Modò oritur difficultas, utrum bonum formaliter significet huiusmodi relationem, & per eam formaliter constituatur, sitque aliquid relativum; an verò per fundamentum talis appetibilitatis constituatur, quam multi appetibilitatem radicalem nuncupant.
22. Dicendum existimo, quod bonum secundum suum esse, & in genere rei est perfectio absoluta fundans ordinem convenientiæ ad appetitum; sed secundum suam rationem, secundum quam enti dicitur addere, & quasi in linea intentionali importat ordinem rationis ad appetitum. Ita sumitur ex *D. Thoma q. 1. de verit. art. 1. corp.* Prob. prima pars, quia bonum perfectionem importat, cum bonum & perfectum idem sint: sed Deus neque bonus neque perfectus est aliqua relatione, sed per essentiam, sicut & creaturæ dicuntur bonæ, inquantum bonitatem ejus participant: ergo bonum secundum suum esse non consistit in aliqua relatione. Secunda pars etiam prob. Omnis relatio objecti ad

*Art. I. An bonum differ. ab ente, Cap. III. § 87*  
ad potentiam, cujus actus ab objecto mensuratur, est relatio rationis; sed hujusmodi est relatio quam bonum ad appetitum dicit: ergo secundum suam rationem, secundum quam ad ipsum ens addit, importat ordinem rationis ad appetitum, *q. 21. de verit. art. 1.*


Objicies, appetibile formaliter dicit relationem ad appetitum: ergo bonum formaliter in relatione consistit. Confirm. Malum, & bonum sunt contraria; malum dicit privationem relationis convenientiæ, seu appetibilitatis ad appetitum: ergo bonum formaliter dicit relationem ad appetitum. Confirm. 2. eadem res dicitur bona, & mala respectu diversorum, sicut calor est bonus, huic v. g. igni; & malus alteri, scilicet aquæ; sed hoc est proprium relativè oppositorum, ut respectu diversorum possint de eadem re verificari: ergo &c.

Resp. ad 1. D. Cajet. appetibile dupliciter accipi posse, primò fundamentaliter proximè, quo pacto rationem boni constituit; & est quid intrinsecum illi; secundò formaliter, & sic rationem boni explicat, sed ipsum bonum non constituit. Et hoc pacto relationem dicit. Quod nos in conclusione aliter explicuimus, dicentes bonum secundum esse, re ipsa esse quid absolutum, ejus tamen rationem per ordinem rationis ad appetitum explicari. Resp. ad Conf. malum importare privationem appetibilis fundamentaliter, sed non formaliter sumpti. Resp. ad 2. ea, quæ contrariè opponuntur, etiam de eodem dici respectu diversorum. Quo pacto aliquid respectu unius magnum, & comparatione alterius parvum judicatur.

\*\*\*

## ARTICVLVS SECVNDVS.

*Vtrum bonum secundum rationem sit  
prius quàm ens.*

- I.  O T A quod ratio quæ significatur nomine entis dicitur ipsum esse ; ratio autem significata nomine boni est, quod sit appetibile, seu perfectivum appetentis ; unde bonum formaliter dicit rationem finis, & ultimi. Cum ergo ens & bonum sint idem secundum supposita ; secundum autem suas rationes formales significatas differant, impræsentiarum exurgit difficultas, quid sit prius in intellectus apprehensione, num ratio significata per nomen entis, quæ est esse ; num ratio boni, quæ est appetibile esse, sumendo utramque rationem sine inclusione unius in alia. Et est sermo, non quidem de rationibus entis & boni abstractivè designatis, sed concretivè & prout participantur. Quod satis indicat; tum articuli titulus, tum autoritas adducta *in sed contra* ex libro de causis, nimirum : *Prima rerum creaturarum est esse* : in qua est sermo, non de esse separato, sed de esse participato : itaut sensus sit, quod inter cæteras omnes perfectiones in rebus à Deo participatas prima sit esse, in quocunque divinam similitudinem participante : v. g. in intelligentia, vel anima prius consideratur esse, quam ipsius intelligentiæ vel animæ ratio, vel quælibet alia perfectio. *Lib. de caus. lect. 4.*

2. Huic quæstioni causam dedit Platoniorum singularis



*Art. II. An bonum sit prius quam ens, &c.* 89  
singularis opinio. Ipsi namque existimantes  
unum & bonum esse quid communius quam  
ens, quippe quod de pluribus prædicaretur, vi-  
delicet de materia prima, quam dicebant unam  
& bonam, & tamen non ens, eam à privatio-  
ne non distinguentes, consequenter asseruerunt  
prius esse simpliciter, quia quantum aliquid est  
communius est prius, ac per consequens poste-  
riorum causa. *Ibidem.*

Sciendum est quod de bono & ente secun- 3.  
dum suas rationes privatas dupliciter loqui pos-  
sumus. Primum absolute & simpliciter prout di-  
cunt diversas perfectiones ac participationes in  
eadem natura se consequentes. Secundum com-  
parativè ad diversa composita quibus insunt,  
& abinvicem distinguuntur, diversasque ordi-  
nationes & combinationes fundant; sicut in  
Deo bonum & ens per essentiam dicuntur, in  
creaturis verò per participationem. Et in istis  
quædam sunt simpliciter, quædam secundum  
quid sunt entia & bona. Hic est sermo de ente  
secundum suas rationes simpliciter & absolute  
sumptas, & prout dicunt diversas quodammodo  
perfectiones in eadem natura & supposito re-  
pertas, nimirum esse, & esse appetibile.

Conclusio, ens est secundum rationem prius 4.  
quam bonum. Probat *in sed contra*, ex lib. de  
causis proposit. 4. ubi dicitur, quod prima re-  
rum creatarum est esse; sed esse est ratio entis:  
ergo ens secundum rationem est prius quam  
bonum.

Deinde probat *in corp.* illud est simpliciter 5.  
prius secundum rationem, quod simpliciter pri-  
mò in conceptione intellectus cadit; sed ens  
est ejusmodi: ergo ens est simpliciter prius

quam bonum. Maj. patet, quia ratio significata per nomen est id, quod intellectus de re concipit, & illud significat per nomen: ergo illud est simpliciter prius secundum rationem, quod simpliciter primò in conceptione intellectus cadit. Minor verò prob. Nihil prius cadit in conceptione intellectus, quam id quod est per se primò intelligibile, seu cognoscibile. Sed ens est per se primò intelligibile, & intantum aliquid est intelligibile & cognoscibile inquantum est ens: ergo ens primò cadit in conceptione intellectus.

6. Arg. 1. Ordo nominum est secundum ordinem rerum significatarum per nomina; sed inter alia nomina Dei primo ponit bonum quam ens. D. Dionysius *cap. 3. de divin. nom.* ergo bonum secundum rationem est prius quam ens. Conf. illud est prius secundum rationem, quod ad plura se extendit; sed bonum ad plura se extendit quam ens: ergo bonum est prius secundum rationem quam ens. Minor prob. quia, ut dicit D. Dionys. *cap. 5. de divin. nom.* bonum se extendit ad existentia & non existentia, ens verò ad existentia tantum: ergo bonum ad plura se extendit, quam ens.

7. Resp. ex S. D. dupliciter, primò quòd Deus dupliciter considerari potest, uno modo secundum se. Alio modo secundum quod est causa rerum; si primo modo consideretur, prius ei convenit nomen entis, quam boni; si verò secundo modo, convenit ei prius nomen boni, quam quodcunque aliud nomen, eò quia bonum importat rationem causæ finalis, quæ est causa causarum, & Dionysius tractabat de divinis nominibus. Secundum quod important cir-

*Art. II. An bonum sit prius quam ens, &c. 591*  
ca Deum habitudinem causæ, propterea inter  
alia divina nomina, quæ ei attribuit, prius  
assignat nomen boni.

Resp. 2. quod licet bonum secundum verita-  
tem non sit priusquam ens, tamen secundum  
Platonieos est prius, quia secundum ipsos par-  
ticipatio boni ad plura se extendit, quàm ens:  
Dicebant enim ipsi quod materia prima erat  
non ens, quia erat idem cum privatione, &  
tamen quod ipsa erat bona, quia appetebat bo-  
num scilicet formam, & quia unumquodque  
appetit sibi simile, & materia prima appetit for-  
mam, quæ est quoddam bonum; ideo tenebant  
primam materiam esse bonam, non autem esse  
ens, & propterea dicebat Dionysius, quòd bo-  
num extenditur ad non existentia.

Et per hæc patet primò ad confirmationem  
responsio concedendo quod bonum se extendit  
ad existentia, & non existentia secundum Pla-  
tonicos. Resp. 2. Quod per non existentia pos-  
sumus duo intelligere, vel ea, quæ nullo mo-  
do existunt, scilicet nec actu, nec potentia,  
vel ea, quæ non existunt actu. Ad non existen-  
tia primo modo, non extenditur neque ens,  
neque bonum. Ad non existentia verò secun-  
do modo se extendit bonum, non autem ens.  
Et ratio est, quia bonum habet rationem finis,  
in quo non solum quiescunt quæ sunt in actu,  
sed ad ipsum etiam moventur ea, quæ in actu  
non sunt, sed in potentia tantum. Ens autem  
non importat habitudinem causæ, nisi forma-  
lis, vel inhærentis, vel exemplaris, cujus causa-  
litas non se extendit nisi ad ea quæ sunt actu, &  
hac ratione potest dici, quod bonum sit aliquo  
modo prius quam ens.

10. Arg. 2. Quod est universalius, est prius secundum rationem : sed bonum est universalius quam ens : ergo bonum est prius secundum rationem. Min. prob. Quia ens non se extendit ad non ens, ad quod tamen bonum se extendit, cum non ens sit appetibile juxta illud : *Bonum erat ei si natus non fuisset.*
11. Resp. neg. maj. Ad prob. dicimus. Quod non esse non est appetibile per se, sed per accidens inquantum appetitur privatio alicujus mali, quæ quia non potest esse, nisi per carentiam esse ipsius appetentis, appetitur non esse, & quia non esse per accidens appetitur, per accidens etiam potest dici bonum.
12. Arg. 3. Appetibile particulare est posterius appetibili universali : sed ens est appetibile particulare, & bonum appetibile universale : ergo bonum est prius quam ens. Min. prob. Quia non solum appetimus esse, sed vivere, sapere, & hujusmodi : ergo ens est appetibile particulare, & bonum appetibile universale.
13. Respond. neg. min. Ad probationem dicitur. Quod vivere & sapere, & hujusmodi non appetuntur, nisi ut sunt actu ; unde in omnibus appetitur quoddam esse, & sic nihil est appetibile nisi ens, & nihil est bonum, nisi ens.

\*\*\*

## ARTICVLVS TERTIVS.

*Vtrum omne ens sit bonum.*



**C**ONCLVSIO: omne ens inquantum ens, id est, per se & secundum quod ipsum est bonum, seu per se convenit omni enti esse bonum, & non per accidens, itaut nihil in re sit ens quod non sit bonum, nec aliquid sit non ens quod sit bonum & appetibile; sicut cum dicimus hominem inquantum hominem, esse rationalem, sensus est quod per se rationalis est, & nihil præter ipsum ratione præditum est. q. 21. de verit. a. 2. c. Probat *in sed contra*, omne ens quod non est Deus, est Dei creatura: sed omnis creatura Dei est bona, ut dicitur 1. ad Timoth. c. 4. Deus verò est maximè bonus: ergo omne ens est bonum.

1.

Deinde probat *in corp.* Omne ens inquantum ens, est quodammodo perfectum: sed quidquid est perfectum habet rationem appetibilis & boni: ergo omne ens inquantum huiusmodi est bonum. Prob. maj. intantum est aliquid perfectum inquantum est actu, omnis enim actus est perfectio quædam: sed omne ens inquantum ens, est in actu, quia dicit esse, quod est actualitas omnis rei: ergo omne ens inquantum ens est quodammodo perfectum. Et nota quod est sermo de ente ut habet esse in re, & secundum suppositum, seu participialiter, non verò nominaliter sumpto, & ut dicit prædicatorum essentialium connexionem, seu rationem rei.

2.

Nam bonum & ens simpliciter habent esse in rebus, verum autem in intellectu. Sumitur hæc conclusio ex D. August. lib. 1. de doct. Christ. cap. 31. ubi ait : *Inquantum Deus est, sumus, & inquantum sumus, boni sumus.*

3. Arg. 1. quod contrahit aliud, non est idem illi convertibiliter; sed bonum contrahit ens; igitur non omne ens est bonum, seu ens & bonum non convertuntur secundum supposita. Maj. patet, nam rationale, quod contrahit animal, non est idem cum animali convertibiliter. Minor prob. quod addit alteri contrahit ipsum, sicut substantia, quantitas, qualitas, & alia hujusmodi contrahunt ens, quia addunt illi specialem modum essendi; sed bonum addit enti rationem appetibilis; ergo contrahit ipsum.

4. Resp. neg. min. ad prob. dist. maj. quod addit alteri applicando ipsum ad specialem naturam & quidditatem, concedo: quod addit alteri non applicando ipsum ad specialem naturam & quidditatem, nego. Sicut v. g. ens dicitur contrahi per decem prædicamenta, quorum unumquodque addit aliquid super ens, non quidem aliquam differentiam, quæ sit extra essentiam entis, sed determinatum modum essendi qui fundatur in ipsa essentia rei. Et dist. min. bonum addit enti rationem appetibilis applicando ipsum ad specialem naturam & quidditatem, nego: relinquendo ipsum in sua amplitudine & ambitu, concedo, q. 21. de verit. art. 1. c.

5. Arg. 2. nullum malum est bonum; sed aliquod ens dicitur malum: ergo non omne ens est bonum. Maj. patet ex illo Isaïæ 5. *Va quæ dicitis malum bonum, & bonum malum.* Conf. Nullum divisum convertitur cum membro dividente,

vidente, sicut animal cum rationali; sed ens dividitur in bonum & malum, cum multa entia mala dicantur: ergo ens & bonum non convertuntur, seu non sunt idem.

Resp. ad arg. S. D. hîc, quod nullum ens dicitur malum, inquantum est ens, sed inquantum caret quodam esse; sicut homo dicitur malus, inquantum caret esse virtutis, & oculus dicitur malus, inquantum caret acumine visus. Resp. ad conf. *quest. 21. de verit. art. 2. ad 6.* quod aliquid potest dici bonum ex suo esse, & ex sua proprietate (nimirum bonitate essentiali) vel habitudine superaddita (nimirum bonitate accidentali) sicut dicitur aliquis homo bonus, inquantum est justus & castus, & ordinatus ad beatitudinem. Ratione primæ bonitatis ens convertitur cum bono, seu per se est idem illi, sed ratione secundæ (id est, ex habitudine superaddita) bonum dividit ens, nimirum ut differentia opposita malo.

Arg. 2. materia prima est ens; sed non est bona: ergo non omne ens est bonum. Prob. min. materia prima non habet rationem appetibilis, sed appetentis: ergo non est bona, quia bonum dicit rationem appetibilis, diffinitur enim, id quod omnia appetunt.

Resp. S. D. quod materia prima eo modo, quo est ens, est etiam bona, & appetibilis; est enim ens in potentia, & bona, & appetibilis pariter in potentia. Habet verò rationem appetentis respectu formæ inquantum caret ipsa.

Resp. 2. ad mentem Platoniorum concedendo materiam primam esse non ens propter privationem cum qua existimabant materiam primam

primam esse idem. Concedebant tamen ipsam esse bonam quia habet ordinem ad bonum, id est ad formam. Ad formam igitur argumenti secundum Platonicos respondetur ad maj. quae dicebatur, quod omne bonum est appetibile distinguendo, quod aliquid esse bonum dupliciter contingit, scilicet in actu, & hoc habet rationem appetibilis. Aut quia ordinatur ad bonum, & hoc non habet rationem appetibilis, sed potius appetentis, quia scilicet appetit bonum, ad quod ordinatur, id est ipsam formam. Materia prima non est bona in actu, sed tantum dicitur bona, quia est ad bonum ordinata, & ideo non habet rationem appetibilis, sed appetentis.

10. Arg. 3. Philosoph. dicit in 3. metaphys. quod in Mathematicis non est bonum: sed mathematica sunt entia: ergo non omne ens est bonum. Minor patet, quia de Mathematicis est scientia, quae non est nisi de ente.

11. Resp. ex S. D. hic, & q. 21. de verit. art. 2. & in 3. d. 7. quaest. 1. art. 4. & alibi saepe, quod in Mathematicis secundum rationem speciei, & sub qua à Mathematico considerantur, praecisive ab esse illorum in re non est bonum, sed concretive ad esse naturale eorum, sub qua ratione, non à Mathematico, sed à Naturali considerantur. Neque enim bonum sequitur ens sub quocunque respectu & ratione, sed ut habet quodammodo rationem appetibilis, & perfecti, seu perfectivi ipsius appetitus. Quod non convenit nisi his, quae habent aliquod esse actu in re, vel apprehenduntur ut aliquod esse actu, & ut quaedam perfectio appetentis. Vnde dist. maj. in mathematicis non est bonum, sub ea ratione



ratione qua considerantur à Mathematico præcisiuè ab esse naturali eorum, concedo ; sub alia ratione , nimirum prout sunt quædam entia in natura existentia , & sensibilia , nego ; sic enim habent quoddam esse actu ; & rationem appetibilis, atque finis sortiuntur.

12.

Sed contra, quia ex hac solutione sequeretur quod nulla res in universali sumpta esset bona, cum nulla res in universali actu subsistat in re, quod est absurdum. Resp. dist. nulla res in universali existit aut subsistit in re, pro illo statu quo universalitati subest, concedo ; in individuis habentibus propriam formam, & naturam speciei, quæ universalitati subest, nego. Ad cujus evidentiam sciendum est ex D. Thom. *loc. cit.* & Cajetano hîc, quod licet omnia universalia in hoc conveniant, quod in sua universalitate non subsistunt ; inter universalia tamen physica, metaphysica, & mathematica hoc discrimen reperire est, quoad subsistere in suis propriis abstractionibus, quod metaphysica secundum naturam substantem abstractioni propriè in individuis habent subsistere, quoniam in rerum natura quædam individua reperiuntur abstrahentia ab omni materia, tam sensibili quam intelligibili ; nimirum Deus, & intelligentiæ, anima que humana separata. Similiter & individua physica reperiuntur, quæ habent materiam in sui ratione, tam sensibilem, quam intelligibilem : mathematica verò secundum propriam abstractionem sumpta non sortiuntur individua, in quibus sic existant, & subsistant ; quoniam in re nullum datur individuum abstrahens à materia sensibili tantum, & non intelligibili, à qua abstrahunt  
mathema

mathematica. Et hoc intelligit S. D. inquiring quod mathematica non subsistunt, scilicet in aliquo proprio individuo, cui competat propria ratio naturæ quæ subest abstractioni mathematicæ, sed in individuo physico.

\*\*\*

## ARTICVLVS QVARTVS.

*Utrum ens habeat rationem causæ finalis.*

1.



VM bonum habitudinem causæ importet, etenim in appetitum agit per modum perfectivi ipsius, ut diximus; difficultas oritur, utrum bonum rationem causæ finalis, an potius formalis, vel efficientis habeat. Et est sermo de causa finali secundum suam rationem formalem sumpta, per quam constituitur in ratione causæ finalis, itaut ratio formalis constitutiva boni, quod est esse appetibile seu perfectum, & perfectivum formaliter ac per se rationem causæ finalis importet, itaut ratio boni sit formaliter ratio finis, & non solum fundamentaliter & identicè.

2.

Conclusio, bonum inquantum bonum formaliter rationem causæ finalis importat; rationem autem causæ efficientis & formalis præsupponit, sed in sua ratione formaliter non importat. Probat S. D. *in sed contra* ex philosopho lib. 2. *Physic. tex. 31.* dicente, quod illud cuius causa est, est sicut finis & bonum aliorum. Deinde probat ratione primam partem, id quod omnia appetunt, habet rationem causæ finalis; sed bonum est id quod omnia appetunt: igitur habet rationem causæ finalis.

Secundam

*Art. IV. An ens hab. rationem causæ fin. § 99*

Secundam partem probat sic : primum in  
causando est ultimum in causato ; sed bonum  
prout habet rationem finis est primum in cau-  
sando : ergo bonum, prout habet rationem cau-  
sæ finalis , est ultimum in causato seu effectu ;  
ac subinde rationem causæ efficientis ac forma-  
lis præsupponit. Maj. manifestatur. Nam quando  
ex aëre generatur ignis , primum in causando  
est calor , quo disponitur aër ad recipiendam  
formam ignis, quando autem aër est dispositus,  
prius natura recipit formam ignis ; deinde reci-  
pit calorem, qui consequitur ipsum. Vnde patet  
quod calor, qui fuit prior in agendo , est ultimò  
receptus in effectu, & sic patet major, quod pri-  
mum in causando est ultimum in causato. Min.  
ostenditur , quia manifestum est , quod finis in  
qualibet actione movet agentem ; Agens enim  
omne agit propter finem ; Secundò actio agentis  
mover materiam ad recipiendam formam. Ter-  
tio tandem advenit ipsa forma , ex quibus pa-  
tet quod in causando prior est causalitas causæ  
finalis , quæ movet agentem ; secundò est cau-  
salitas causæ efficientis , quæ introducit for-  
mam ; tertio est causalitas formæ , dando esse  
materiæ in qua recipitur. In causato autem  
oppositum accidit , nam ipsum causatum prius  
recipit formam , per quam in esse constituitur ;  
secundò recipit virtutem agendi , unumquod-  
que enim tunc perfectum est cum potens est  
agere sibi simile ; tertio habet rationem boni,  
quæ tunc convenit rei , cum perfecta est. Vnde  
manifestum est , quod in causato prius est ra-  
tio causæ formalis, deinde efficientis , & tertio  
finalis. Et sic patet major.

Arguitur primò. Pulchrum non habet ratio-  
nem

3.

4.

nem causæ finalis, sed formalis : sed bonum idem est quod pulchrum : ergo bonum non habet rationem causæ finalis, sed formalis. Min. prob. Quia Dionysius 4. *cap. de div. nom.* dicit, quod bonum laudatur ut pulchrum.

5. Resp. ad min. Quod bonum esse idem, quod pulchrum, potest dupliciter intelligi. Vno modo ut sit idem subiecto, & hoc modo est vera minor ; nam bonum & pulchrum fundantur in eadem re, scilicet super formam, & propter hanc identitatem dixit Dionysius quod bonum laudatur ut pulchrum. Alio modo ut sit idem secundum rationem, & hoc est falsum. Nam bonum secundum suam rationem respicit appetitum, & habet rationem finis, pulchrum autem respicit vim cognoscitivam, & habet rationem formæ, & idè alia est ratio boni, & alia ratio pulchri. Quod ratio boni respiciat appetitum, manifestatur, quia bonum est quod omnia appetunt, ut dictum est, & quia ipse appetitus est quasi quidam motus in rem, sequitur ulterius, quod bonum habeat rationem finis, ad quem tanquam ad terminum ordinatur motus appetitus. Quod verò pulchrum spectet ad vim cognoscitivam, & habeat rationem formæ manifestatur, quia pulchra sunt quæ visa placent, & idè ad vim cognoscitivam spectant. Et ex hoc sequitur, quod habeat rationem causæ formalis, quia si pulchra sunt, quæ visa placent, necesse est, ut consistent in debita proportionem, ed quia sensus delectatur in rebus debite proportionatis, sicut in sibi similibus ; quia igitur pulchrum spectat ad potentiam cognoscitivam, & cognitio quælibet fit per assimilationem, & similitudo spectat ad formam, hinc  
fit

*Art. IV. An ens hab. rationem causæ fin. 601*

fit quod pulchrum habet rationem causæ formalis. Ad formam igitur argumenti dicitur ad minorem, quod bonum, & pulchrum sunt idem subiecto, sed non secundum rationem, & ided non sequitur, quod si unum habeat rationem causæ formalis, quod alterum eandem rationem habeat.

Arg. 2. Quod est diffusivum habet rationem causæ efficientis, & non finalis: sed bonum est diffusivum, ut Dionysius dicit: ergo bonum habet rationem causæ efficientis, & non finalis. Maj. prob. Quia diffundere est agere. 6.

Resp. ad Maj. & ejus prob. Quod esse diffusivum effective spectat ad causam efficientem; esse verò diffusivum ut finis, spectat ad causam finalem. Bonum est diffusivum ut finis non ut efficiens. 7.

Arg. 3. Inquantum Deus bonus est, sumus, inquit August. lib. 1. de doctr. Christ. sed sumus à Deo ut à causa efficiente: ergo bonum habet rationem causæ efficientis. 8.

Resp. ad min. Quod Deus est non solum causa efficiens creaturarum, sed etiam finalis, Verba Augustini referenda sunt ad Deum, ut est causa finalis. 9.

Arg. 4. contra illam propositionem à D. Thoma in corp. assumptam, nimirum: *Id quod est primum in causando, ultimum est in causato*; Ultimus omnium finis, qui est bonitas divina, est primum in causando, sed tamen non est ultimum, sed primum in essendo: ergo hæc propositio veritatem non continet. Maj. patet, nam quidquid Deus agit, propter suam bonitatem agit. 10.

Conf. nam etiam forma ignis, quem D. Thomas 11.

mas

mas in exemplum adduxit, non solum est primum in essendo, sed etiam in causando: ergo propositio illa assumpta non continet veritatem. Prob. antec. nam prius forma ignis causat formaliter ignem, sive causantem, sive causatum, quam calor effectivè calefaciat. Et simile est in omnibus, semper enim forma prævenit & in esse, & in causalitate formali.

12. Resp. supponendo ex D. Thom. *quodlib. 5.*

*art. 19.* quod quamvis sint quatuor causæ, tres tamen earum scil. formalis, efficiens & finalis in idem concurrunt. Vnde relinquitur quod ordo naturæ sit duplex; unus quidem secundum rationem causæ materialis; secundum quod imperfectum est prius perfecto, & potentia actu, via generationis, & fiendi. Alius autem ordo naturæ est secundum rationem aliarum trium causarum, secundum quam perfectum est prius imperfecto, & actus potentia. Cum ergo dicitur quod primum in causando, ultimum est in causato, sensum reddit, quod primum via perfectionis & intentionis, est ultimum in causato, via scil. generationis, fiendi, & executionis, secundum quod accipit esse in mobili sive subjecto quod causatur; v.g. in generatione unius particularis hominis in naturali subjecto primò invenitur esse; deinde invenitur vivum, seu animal, postmodum autem homo, ut ex Arist. 2. *de generat. animal.* docet Divus Thomas *lib. de causis lect. 1.* in ipso homine via fiendi & generationis prius invenitur natura speciei secundum esse substantiale perfecta, quam secundum virtutem, & operationem, secundum quam est in actu perfecto simpliciter, ut dictum est *quaest. præced.* Sed in causando primò

*Art. IV. An ens hab. rationem causa fin.* 603  
primò occurrit via perfectionis & intentionis  
ipse homo habens esse perfectum & in actu  
secundum quod potest sibi simile generare.

His suppositis ad argum. respondetur, quod  
divina bonitas, quæ est primum in causando  
respectu Dei, & in cuius virtute cætera agunt,  
primum, inquam, via perfectionis & inten-  
tionis, est ultimum in quolibet causato via ge-  
nerationis & fiendi; nam esse, quod est pro-  
prius effectus Dei, via generationis est ulti-  
mum, secundum determinationem ejus in mo-  
bili, cum sit actus ultimus omnis formæ &  
perfectionis ut alibi fusiùs explicabitur. Ex qui-  
bus ad conf. patet. dist. antec. forma ignis est  
prima in causando, secundum se, seu ut dat  
esse specificum, nego: ut est diffusa super mo-  
bile mediante virtute sua & operatione, nimi-  
rum calore & calefactione, ad introducendum  
sui similitudinem in illo concedo; sic autem  
habet rationem finis, & primi in causando via  
perfectionis, & intentionis.

13.

\*\*\*

## ARTICVLVS QVINTVS.

*Utrum ratio boni consistat in modo,  
specie, & ordine.*



CONCLUSIO, Ratio boni consistit  
in modo, specie, & ordine. Probat  
S. D. in sed contra ex D. Augustino  
lib. de natura boni dicente; Hæc tria  
modus, species, & ordo tanquam generalia  
bona, sunt in rebus à Deo factis, & ita hæc

I.

tria ubi magna sunt, magna bona sunt, & ubi parva, parva bona sunt, ubi nulla, nullum bonum est, quod non esset nisi ratio boni in eis consisteret: ergo ratio boni consistit in modo, specie, & ordine.

2. Deinde probat S. D. *in corp.* In his, in quibus consistit ratio perfecti, in iisdem consistit ratio boni: Sed in his tribus, scilicet modo, specie, & ordine consistit ratio perfecti: ergo in iisdem consistit ratio boni. Maj. prob. Quia unumquodque dicitur bonum, & est appetibile, inquantum est perfectum. Min. prob. Quia cum perfectum illud dicatur cui nihil deest, secundum modum suæ perfectionis, ad hoc ut aliquid perfectum sit, tria necessariò requiruntur. Primò requiritur forma, per quam in esse constituitur, & quia per formam unumquodque reponitur in determinata specie, ideò forma dicitur species. Et quia species sunt sicuti numeri, ut Aristot. dicit 8. *Met.* (rationem assignans, quia sicut unitas addita, vel subtracta, variat speciem numeri) ita in definitionibus, differentia addita, vel subtracta variat speciem, propterea forma dicitur etiam numerus, & ideò dicebat Augustinus quod numerus speciem præbet. Forma autem aliquid præsupponit antequam intelligatur recepta in materia, & aliquid ad eam consequitur, quando jam est recepta. Id quod præsupponit, est commensuratio sui ad principia materialia, & ad principium efficiens. Non enim quælibet forma recipitur in qualibet materia, nec indifferenter à quolibet agente producitur; & hæc commensuratio dicitur modus, sive mensura, & Augustinus dicebat; Mensura modum præfigit. Ad formam



*Art. V. An ratio boni consist. in modo, &c.* 605  
formam jam receptam in materia, sequitur inclinatio ad finem, vel ad operationem. Vnumquodque enim in quantum est actu, agit, & tendit in id, quod sibi convenit, ratione suæ formæ, & hæc inclinatio dicitur ordo, vel pondus, de quo ait idem Augustinus, quod pondus omnem rem, ad quietem, & stabilitatem trahit, & hoc est tertium, quod requiritur ad hoc, ut aliquid perfectum esse dicatur, & sic patet quod modus, species, & ordo sunt ratione perfecti, & per consequens de ratione boni.

Arg. 1. Ea quæ spectant ad rationem entis, non sunt attribuenda rationi boni; sed modus species, & ordo spectant ad rationem entis: ergo non sunt attribuenda rationi boni; Maj. prob. Quia ens, & bonum distinguuntur secundum rationem, & ideo quod attribuitur rationi unius, non debet attribui rationi alterius. Min. patet. Quia Augustinus attribuit hæc tria, scilicet modum, speciem, & ordinem, rei quæ eadem est quod ens, & non bono, ut patet ex ejus verbis. Inquit enim 4. super Genes. ad lit. quod mensura (quæ idem est quod modus) omni rei modum præfigit. Humerus (qui est idem quod species) omni rei speciem præbet, & pondus (quod idem est quod ordo) omnem rem ad quietem, & stabilitatem trahit. Ex quibus patet quod hæc tria, non bono, sed rei, attribuuntur. Non enim dicit August. quod mensura omni bono modum præfigat, sed omni rei, & sic de aliis: ergo &c.

Resp. neg. min. Ad prob. dicimus. Quod illa tria attribuuntur enti, non ut à bono secundum rationem distinguitur, sed prout idem est,

quod bonum, & perfectum, enti enim non conveniunt illa tria, nisi prout est bonum, & perfectum, & hac ratione illa tria attribuuntur rei ab Augustino.

4. Arg. 2. Si ratio boni consistit in modo, specie, & ordine proceditur in infinitum in modis, speciebus, & ordinibus, quod est inconveniens. Conseq. manifestatur. Quia modus, species, & ordo sunt quædam bona: ergo modus habebit modum, speciem, & ordinem, & idem dicitur de ordine, quæ cum iterum sint bona quædam, procedetur in infinitum.

5. Resp. neg. conseq. Ad prob. dicitur: Quod aliquid potest dici bonum dupliciter. Vno modo ut quod, & bonum hoc habet modum, speciem, & ordinem. Aliquid verò est bonum ut quo, & hoc propriè non debet dici bonum, sed quo aliquid est bonum, & tale bonum non habet alium modum, speciem, & ordinem: species igitur, modus, & ordo dicantur bona, non ut quæ, sed ut quibus. Et idè non est necesse, ut habeant alium modum, speciem, & ordinem, nec proceditur in infinitum.

6. Arg. 3. Quodcumque aliqua duo sic se habent, quod unum illorum potest esse absque altero, illud non est de ratione alterius; sed bonum potest esse absque modo, specie, & ordine: ergo hæc tria non sunt de ratione boni. Min. prob. In malo non sunt modus, species, & ordo, cum malum sit privatio horum trium; sed in malo est aliquod bonum, cum malum non tollat totaliter bonum: ergo bonum potest esse absque modo, specie, & ordine.

7. Respond. negand. minor. Ad prob. dicimus. Quod unam & eandem rem contingit habere

*Art. V. An ratio boni consist. in modo, &c.* 607  
 bere plura esse, sicut & plures formas, per  
 quas dantur illa plura esse, sicut homo ha-  
 bet esse hominis per formam substantialem,  
 quæ est anima, esse videntis, per virtutem  
 visivam, esse albi per albedinem, & sic de  
 aliis, & unumquodque horum consequun-  
 tur modus species, & ordo. Vnde homo se-  
 cundum quod habet esse hominis, habet pro-  
 prium modum, speciem, & ordinem; secun-  
 dum quod habet esse scientis vel videntis,  
 habet alium modum speciem, & ordinem.  
 Malum autem adveniens privat aliquo ho-  
 rum esse, sicut malum, quod est cæcitas, pri-  
 vat esse videntis, & ideò privat etiam mo-  
 do, specie; & ordine, quæ consequuntur il-  
 lud esse, sive formam, quæ per malum tol-  
 litur, non autem tollitur omne bonum, nec  
 omnis modus, species, & ordo. Ex quibus  
 patet quod malum eo modo, quo malum est  
 privatio boni, est etiam privatio modi, spe-  
 ciei, & ordinis illius boni; & sicut malum  
 non tollit omne bonum, nec etiam tollit  
 omnem modum, speciem & ordinem, &  
 quod ubi remanet bonum remanent etiam ista  
 tria.

Argument. 4. Ratio boni non potest con- 8.  
 sistere in his, quæ possunt dici mala; sed mo-  
 dus, species, & ordo possunt dici mala:  
 ergo in his non consistit ratio boni. Min. prob.  
 Quia dicimus malum modum, malam speciem,  
 & malum ordinem.

Respond. ad minor. Quod illa tria per se 9.  
 semper bona sunt, ut dicit Augustinus in lib.  
 de nat. boni, omnis enim modus, inquan-  
 tum modus, bonus est, & sic potest dici de

specie , & ordine , per accidens autem possunt dici mala , vel quia sunt minora quam esse debeant , vel quia non sunt accommodata his rebus , quibus sunt accommodanda , vel quia sunt aliena , & incongrua. In forma igitur dicitur ad maiorem argumenti quod ea, in quibus consistit ratio boni , non possunt dici mala per se , per accidens autem non est inconveniens , & ad minorem quod ista tria dicuntur per accidens mala.

10. Argument. 5. Quæ sunt de ratione boni , debent omni bono convenire ; sed modus , species , & ordo non conveniunt omni bono : ergo modus , species , & ordo non sunt de ratione boni. Min. prob. Quia lux , quæ est quoddam bonum est creata secundum Ambrosium lib. 1. exam. cap. 9. absque numero , pondere , & mensura ad quæ tria reducuntur modus , species , & ordo.

11. Resp. neg. min. Ad prob. dicimus. Quod lux non dicitur absque modo , specie , & ordine creata simpliciter , sed comparative per respectum ad alia corporalia , quia scilicet virtus ejus se extendit ad omnia corporalia cum sit qualitas activa primi corporis alterantis , scilicet primi cæli , & propterea dicitur absque modo , specie , & ordine , quatenus scilicet non est virtus determinata respectu corporaliū.



## ARTICVLVS SEXTVS.

*Vtrum convenienter dividatur bonum per honestum, utile, & delectabile.*



CONCLUSIO. Bonum non solum  
humanum, sed inquantum bonum  
communiter dividitur per utile, honestum, & delectabile. Probat 1. S. D.  
authoritate D. Ambrosii lib. 1. de officiis utentis  
ista divisione.

Deinde prob. in corp. sicut se habet terminus  
motus corporis naturalis ad ipsum naturalem  
motum, sic se habet bonum, & appetibile ad  
motum ipsius appetitus: sed terminus motus  
corporis naturalis dividitur per ea, quæ sunt  
proportionabilia utili, honesto, & delectabili:  
ergo terminus motus appetitus, qui est  
ipsum bonum, convenienter dividitur per honestum,  
utile, & delectabile. Maj. prob. Quia  
appetitus est quidam motus, cujus terminus est  
appetibile & bonum.

Minor declaratur. Terminus motus corporis  
naturalis est duplex, quidam dicitur terminus  
secundum quid, & sic media, quibus  
ad ultimum terminum percipitur, dicuntur  
termini motus, quia terminant aliquam partem  
motus: quidam verò dicitur terminus motus  
simpliciter, & hic est terminus ad quem  
ultimate pervenitur per motum, qui terminus  
potest dupliciter accipi, vel pro re ipsa,

quæ acquiritur per motum , puta loco , forma , vel quantitate , vel pro parte , quam mobile habet in illo termino. Similiter in motu appetitus , est terminus secundum quid , & sic media , quibus appetitus consequitur finem ultimatè appetitum , dicuntur termini , & vocantur bona utilia , est etiam terminus simpliciter in motu appetitus , & est ille , ad quem appetitus ultimo pervenit. In quo termino duo possunt considerari , scilicet res ipsa bona , quæ terminat motum appetitus , & talis res vocatur bonum honestum ; & causa , qua appetitus in ea quiescit , & hoc dicitur bonum delectabile , & sic patet minor.

4. Argument. 1. Id quod dividitur in decem prædicamenta , non convenienter dividitur per ea , quæ possunt inveniri in uno prædicamento : sed bonum dividitur in decem prædicamenta , ut dicitur 1. *ethic.* & honestum , utile , & delectabile possunt inveniri in eodem prædicamento : ergo bonum non convenienter dividitur per honestum , utile , & delectabile.
5. Respond. ad min. Quod bonum dupliciter potest considerari. Primò prout est idem secundum rem cum ente. Secundò prout differt ab eo secundum rationem. Primo modo consideratum dividitur in decem prædicamenta : Secundo verò dividitur per honestum , utile , & delectabile.
6. Argum. 2. Omnis divisio fit per opposita : sed honestum utile , & delectabile non sunt opposita ; ut Tullius dicit : ergo hæc non est  
conveniens

*Art. VI. An bonum divid. per honest. &c.* 611  
conveniēsis divisio. Min. prob. Quia honesta  
sunt delectabilia, & utilia.

Respond. dicendo ad maj. Quod divisio-  
nem esse per membra opposita dupliciter po-  
test intelligi, vel quod sit per oppositas res;  
vel per oppositas rationes. Non est necesse,  
quod omnis divisio sit per oppositas res, sed  
sufficit, ut fiat per oppositas rationes. Tunc  
ad minorem dicitur, quod divisio boni per  
honestum, & utile, & delectabile, non est  
per oppositas res, sed per oppositas ratio-  
nes. Nam delectabile est illud quod est appe-  
tibile propter delectationem tantum quod ali-  
quando potest esse inutile, & inhonestum.  
Utile verò est, quod non habet ex se unde  
appetatur, sed solum appetitur, ut ducens  
ad aliud, ut est sumptio amaræ medicinæ.  
Honestum verò dicitur illud, quod ex se-  
ipso habet, unde appetatur, ex quibus pa-  
tet inter has rationes esse aliquam opposi-  
tionem.

Argum. 3. Illa divisio, in qua divisum præ-  
dicatur de uno membro dividente propter aliud,  
non est conveniens: sed bonum non æqua-  
liter prædicatur de his tribus, sed de uno  
prædicatur, per respectum ad aliud: ergo hæc  
non est conveniens divisio. Major probatur:  
Quia ubi unum propter alterum, ibi unum  
tantum est, & ideo si divisum prædicatur  
de uno per respectum ad alterum; illa  
non erunt duo, sed unum tantum mem-  
brum. Minor patet. Quia utile non est bo-  
num nisi propter honestum, & delecta-  
bile.

Respond.

7.

8.

9. Respond. Quod major est vera quando divisum est univocum. Si autem divisio sit analogi in analogata est falsa, nam analogum prædicatur de uno analogato in ordine ad alterum. Bonum igitur prout dividitur per illa tria est quoddam analogum, & de his tribus prædicatur per prius, & posterius. Per prius enim prædicatur de honesto, secundo de delectabili, tertio de utili.



QVÆSTIO






## QVÆSTIO SEXTA,

## De Bonitate Dei.



*EINDE* quarendum est de bonitate ipsius Dei, postquam videlicet de esse, & Majestate, seu perfectione disputatum est; quia ut risè Seneca epist. 95. Primus Dei cultus est Deum credere; deinde addere illi majestatem suam, reddere bonitatem, sine qua nulla majestas est.



## ARTICVLVS PRIMVS.

*Utrum esse bonum Deo conveniat.*



*CONCLUSIO* est affirmativa; Et ita nota ut Synesius orat. de regno, hæc protulerit; *Licet* nullum nomen inventum sit, quod Dei naturam assequeretur, & ab ea exprimenda aberrantes homines, per ea quæ ab illa fiebant, ipsum Deum attingere conarentur, bonum tamen Deum omnes tam sapientes, quam imperiti ubique celebrarunt, idque universi mutuo consensu atque una voce sunt professi. Immò Tertullianus lib. 1. cont. Marcionem ait: *Deus de sola bonitate censendus: quasi totius divinitatis census sit bonitas, & divini*

I.

divini ærarij pretiosissimus thesaurus. Plurima sunt Sacræ Scripturæ testimonia, quæ eam demonstrant. Probat S. D. *in sed contra* ex illo Thren.c.3. *Bonus est Dominus sperantibus in eum, anima querenti illum.*

2. Deinde probat *in corp.* Deum esse præcipuè bonum, hac ratione : Bonum aliquid est secundum quod est appetibile; sed Deo præcipuè competit esse appetibilem, seu appeti ab omnibus: ergo Deo convenit esse præcipuè bonum. Prob. min. illi præcipuè competit esse maximè appetibilem, seu ab omnibus appeti, à quo omnes bonitates desideratæ effluunt; sed omnes perfectiones desideratæ effluunt à Deo sicut à prima causa dante omnibus esse actu, & ordinationem ad finem ultimum, qui est ipsemet Deus, seu Dei bonitas: ergo Deo præcipuè competit ab omnibus appeti. Prob. maj. Vnumquodque appetit suam propriam perfectionem: sed perfectio & forma effectus est similitudo quædam agentis, cum omne agens agat sibi simile: ergo omnia desiderant similitudinem primi agentis participare, à quo omnes bonitates, & perfectiones effluunt. Vnde finis omnium rerum est ut similitudinem primi boni, scil. Dei quodammodo participent.

3. Pro pleniori intelligentia notandum est ex S. D. *quaest. 22. de verit. art. 2.* quod causa secunda in suum effectum non potest influere nisi in quantum recipit virtutum primæ causæ. Sicut autem influere causæ efficientis est agere, ita influere causæ finalis est appeti, & desiderari. Et ideo quemadmodum secundarium agens non agit, nisi per virtutem primi agentis existentem in eo; ita secundarius finis non appetitur, nisi per

*Art. 1. An esse bonum conveniat Deo. 615*

per virtutem finis principalis in eo existentem, prout scilicet est ordinatum in illud & habet similitudinem ejus. Et ideo sicut Deus propter hoc quod est primum efficiens agit in omni agente; ita propter hoc quod est ultimus finis appetitur in omni fine. Vnde præcipue ei competit esse bonum & appetibilem ab omnibus, inquantum nihil appetibilis rationem habet, nisi per similitudinem primæ bonitatis. Et quia ipsum esse est proprius Dei effectus, & subinde similitudo divinæ bonitatis, inde est quod omnia desiderant esse. Sed cum hoc discrimine quod sola creatura rationalis potest Deum explicitè desiderare, cætera verò implicitè duntaxat appetunt, inquantum ejus similitudinem desiderant. Hinc D. August. dicit in *lib. soliloq.* quod Deum diligit quidquid deligere potest.

Argument. 1. Ratio boni consistit in modo, specie & ordine; sed hæc non videntur Deo convenire: igitur esse bonum non convenit Deo. Minor. patet, nam Deus est immensus, & ad nihil ordinatur quasi indigens ipso.

Respond. Sanct. Doct. quod habere modum speciem, & ordinem, ad rationem boni causati pertinet: Deus autem non est bonum causatum, sed omnium bonorum causa: ea propter ad ipsum pertinet, non quidem habere, sed imponere aliis speciem, modum, & ordinem. Vnde dist. min. non videntur hæc Deo convenire sicut causæ, nego; sicut causato, concedo.

Argument. 2. bonum est quod omnia appetunt: sed Deum non omnia appetunt: ergo esse

4.

5.

6.

616 *Quaest. VI. De Bonitate Dei*,  
esse bonum non convenit Deo. Prob. minor.  
nihil appetitur nisi cognitum, seu notum;  
Deum non omnia cognoscunt: ergo non omnia  
appetunt.

7. Respond. ex Sanct. Doct. negand. minor.  
ad probat. distinct. major. nihil appetitur nisi  
cognitum sive notum, si appetens sit quodam-  
modo directivum sui in finem, concedo: si  
sit solummodo ab alio directum, nego. Ita-  
que appetendo proprias perfectiones omnia  
ipsum Deum naturaliter appetunt saltem im-  
plicitè, inquantum perfectiones omnium re-  
rum sunt quædam similitudines divini esse:  
sed cum hoc discrimine, quod creatura ratio-  
nalis, cum sit capax cognoscendi Deum se-  
cundum se, explicitè appetere potest illum, se-  
cundarios fines in eum ordinando. Sed crea-  
turæ cognoscitivæ sensibiles, cum non sint ca-  
paces Dei in se, cognoscunt eum implicitè  
duntaxat, quatenus quasdam participatio-  
nes suæ bonitatis repertas in omni appetibili,  
quod ipsæ cognoscendo appetunt. Inani-  
mata autem, & omnino non cognoscentia  
appetitu naturali absque ulla prorsus à pro-  
pria cognitione finis appetunt Deum; licet  
præsupponant cognitionem superioris agen-  
tis inclinantis & ordinantis ea in finem.

\*\*\*

## ARTICVLVS SECVNDVS.

*Verum sit summum bonum.*



OT A quòd summum comparativè seu per habitudinem ad alia dicitur ; sicut summum calidum ad omnia calida per excessum omnium eorum. Vnde sensus est , utrum Deus ad alia bona quælibet comparatus , per excessum ad illa se habeat , itaut sit maximum , & optimum bonorum , cui in bonitate nihil æquari possit , aut aliquo modo ipsum excedere : & sit optimum non modò in aliquo bonitatis vel perfectionis genere ; v. g. virtutis , vel sapientiæ ; sed etiam simpliciter & in omni genere. *Hic arg. 2. & 3. cum sol.*

1.

Conclusio : Deus est summum bonum simpliciter , & non solùm in aliquo genere , vel ordine rerum. Quod imprimis patet ex illis Scripturæ locis , ubi negatur esse aliquid , quod possit ullo modo cum Deo comparari ut Psal. 34. *Domine quis similis tibi ? Vbi Augustinus ; Domine quis similis tibi ? terrena mihi ostenduntur , tu terra creator es. Et hinc fortè advertunt ad superiorem creaturam , & dicunt mihi , cole Lunam , cole istum Solem , quia luce sua tanquam magna lucerna de cælo efficit Diem. Et hic planè dico , Domine quis similis tibi. Lunam & stellas tu fecisti , Solem diei tu accendisti , cælum tu composuisti. Sunt multa invisibilia meliora. Sed fortè & hîc dicitur mihi , Angelos cole , angelos adora. Et hîc dicam , Domine quis similis tibi.*

2.

Et

*Et ipsos angelos tu creasti. Nihil sunt angeli nisi videndo te. Melius est cum ipsis possidere te, quam ipsos adorando cadere à te.*

3. Prob. S. D. in *sed contra*, ex D. Augustino lib. I. de Trinit. cap. 2. dicente, quod Trinitas divinarum Personarum est summum bonum, quod purgatissimis mentibus cernitur. Ex quo lib. de moribus Eccles. ad Dei amorem nos adhortatur, dicens; *Audivimus quid diligere, & quantum diligere debeamus; eo est omnino tendendum, ad id omnia nostra consilia referenda. Bonorum summa nobis Deus est, Deus est summum bonum. Neque infra remanendum nobis est, neque ultra quarendum; alterum enim periculosum, alterum nullum est.*

4. Deinde prob. rat. Illud est summum bonum, & optimum bonorum, quod eminentissimo modo omnes bonitates, & perfectiones ab aliis desideratas, aut participatas in se continet: sed Deus eminentissimo modo continet omnes perfectiones, & nobilitates ab aliis desideratas, quæ ab ipso sicut à prima causa in eas effluunt: ergo est summum bonum. Prob. min. Omnes hujusmodi bonitates, & perfectiones à creaturis desideratæ, & ab eo effluentes, continentur in ipso sicut in causa æquivoca; sed quod sic continetur, est eminentiori modo, quam in effectu reperiatur: ergo continet eas eminentiori modo, quam à creaturis participantur. Minor patet ex differentia repertâ inter causam univocam, & æquivocam; nam similitudo effectus in causa univoca uniformiter invenitur; in causa autem æquivoca excellentiùs reperitur, sicut calor excellentiori modo est in sole, quam in igne. Vide supra dicta, *quest. 4. art. 2.*

Arg. 1.

*'Art.II. An Deus sit summum bonum. 619*

Arg. 1. Deus est summè simplex; sed summè simplex nequit esse summum bonum: ergo Deus non est summum bonum. Prob.min. Quod est summè simplex nequit se habere ex additione, nam esset compositum ex eo quod additur, & seipso: sed summum bonum se habet ex additione, summum enim bonum addit aliquid supra bonum, ratione cujus ab eo distinguatur, alias omni bono conveniret: ergo summè simplex nequit esse summum bonum.

Resp.neg. min. ad prob. dicimus. Quod cum dicitur Deus, summum bonum, ly *summum*, non addit aliquid reale supra bonum, sed solum relationem, & quia relatio, qua Deus refertur ad creaturas non significat aliquid reale in Deo, sed tantum rationis ( licet in creatura sit realis) sicut accidit in relatione, quæ est in scibili respectu scientiæ, quæ relatio in scientia est realis, & in scibili est rationis; idèd non oportet quod in Deo significetur aliqua compositio, cum dicitur summum bonum, sed hoc tantum denotatur, quod creaturæ Deo comparatæ in bonitate, inveniuntur deficientes.

Arg. 2. bonum est, quod omnia appetunt: sed nihil aliud est quod omnia appetant, nisi solus Deus, qui est finis omnium; ergo nihil est aliud bonum, nisi Deus. Quod etiam videtur per id, quod dicitur Matth. 19. *Nemo bonus nisi solus Deus.* Ergo non est summum bonum. Conseq. prob. summum dicitur per comparisonem ad alia, sicut dicitur summum calidum per comparisonem ad alia quæ sunt calida: ergo si nihil aliud est bonum nisi ipse, summum bonum non erit.

Resp. S. D. quòd dum dicimus bonum esse

quod omnia appetunt, non est intelligendum quasi quod omne bonum ab omnibus appetatur, sic enim intellectum, hoc dictum est falsum, quia multa sunt bona, quæ ab aliquibus non appetuntur, sed est intelligendum, quod nihil appetitur nisi sub ratione boni, & est sensus, quod omnia appetunt, quæ appetunt in quantum sunt bona. Ad prob. dicimus quod authoritas illa intelligenda est de bono per essentiam, scilicet quod nemo est bonus per essentiam, nisi solus Deus, cum hoc tamen stat, quod alia sunt bona per participationem.

9. Arg. 3. Quod est summum bonum, est aliis comparabile; sed Deus nulli rei est comparabilis: Ergo Deus non est summum bonum. Maj. patet. Quia summum quandam comparationem importat. Minor verò prob. Ea quæ sunt comparabilia debent esse in eodem genere; Nam ea quæ sunt in diversis generibus non possunt adinvicem comparari, ut patet de linea, & de dulcedine quæ quia sunt diversi generis, non possunt comparari ad invicem; sed Deus, & creaturæ non sunt in eodem genere, cum Deus in nullo genere contineatur: Ergo Deus nulli est comparabilis.

10. Resp. neg. min. Ad prob. dicimus: Ad majorem quod aliqua duo non esse, in eodem genere potest dupliciter accidere: Primò quod utrumque ipsorum sit contentum in genere, & hoc modo linea & dulcedo sunt diversorum generum, linea enim continetur in genere quantitatis, & dulcedo qualitatis. Alio modo aliqua possunt non esse in eodem genere sic, ut unum ipsorum sit contentum in aliquo genere, aliud verò in nullo genere contineatur. Tunc dicitur



*Art. III. An esse bonum sit propr. Dei, &c. 621*  
 dicitur ad argumentum, quod ea quæ sunt di-  
 versorum generum primo modo, non sunt  
 comparabilia, ut benè dictum est de linea, &  
 dulcedine, quæ verò non sunt ejusdem generis  
 secundo modo, sunt comparabilia, Deus, &  
 creatura non sunt ejusdem generis secundo mo-  
 do, creatura enim omnis est contenta in ali-  
 quo determinato genere: Deus verò est princi-  
 pium omnium generum, extra genus existens,  
 & sic comparatur ad alia per excessum, & hoc  
 est dici summum bonum.

\*\*\*

## ARTICVLVS TERTIVS.

*Utrum esse bonum per essentiam sit  
 proprium Dei.*

**P**ROPRIVM sumitur hic prout deno-  
 tat id quod soli convenit, & distin-  
 guitur ab eo quod pluribus naturis  
 seu subjectis commune est. Vnde ly  
*proprium* reddit hunc sensum, utrum solus  
 Deus sit bonus per essentiam, itaut nullum  
 aliud præter ipsum, sit per essentiam bonum.  
 Pater in corp. art. ly *per essentiam*, accipitur hic,  
 prout opponitur ei quod est per participatio-  
 nem convenire. Participare autem dicitur, quasi  
 partem capere. Vnde participativè aliquid est  
 tale, quia non universaliter sed partialiter, nec  
 per se, sed ab alio acceptum. Econtra autem,  
 quod per essentiam convenit, per se convenit,  
 & non inest aliunde susceptum, & universali-  
 ter non partialiter. Vnde sensus est utrum hoc  
 quod est esse bonum, Deus universaliter & ex

I.

se habeat, & nullo modo ab alio participet, aut cum aliqua bonitatis diminutione.

2. Conclusio : Solus Deus est bonus per suam essentiam. Sumitur ex D. August. in psal. 117. dicente : *Non potuit laus ejus brevius explicari, quam ut diceretur, quoniam bonus est. Quid sit grandius ista brevitate non video, cum ita sit proprium Deo, quod bonus est, ut à quodam compellatus ipse filius Dei, cum audisset, Magister bone, ab eo scil. qui carnem ejus intuens, & divinitatis ejus plenitudinem non intelligens, solum hominem arbitrabatur, responderet: Quid me interrogas de bono? Nemo bonus, nisi unus Deus. Quod quid est aliud dicere, quam si me bonum vis appellare, intellige & Deum.* Et Gloss. explicans illud Marci 10. *Quid me dicis bonum* (comparatione, inquit, Dei) *nemo bonus nisi solus Deus: Qui solus bonus ex se, alii per ipsum. Idem habet Beda ibid. & communiter Patres. Audiendus Tertullianus lib. cont. Marcionem, dicens: Bonus naturâ solus Deus, qui enim quod est sine initio habet, non institutione habet illud. Bonitas Dei est ratio ejus, neque enim ratio sine bonitate est ratio, nec bonitas sine ratione bonitas, nisi fortè penes Deum Marcionis irrationabiliter bonum. Ex se ipso bonus, ex nobis justus &c.*

3. Probat S. D. in corp. Vnumquodque dicitur bonum secundum quod perfectum est; sed soli Deo per essentiam convenit omnis & omnimoda perfectio, quæ rebus competere potest: ergo solus Deus est per essentiam bonus. Prob. minor, perfectio alicujus rei triplex est. Prima quidem, secundum quod in suo esse constituitur. Secunda, prout ei aliqua accidentia superadduntur ad suam perfectam operationem necessaria,

*Art. III. An esse bonum sit proprium Dei.* 623  
 necessaria, cujusmodi sunt potentia, habitus,  
 & virtutes. Tertia verò perfectio alicujus est  
 per hoc, quòd aliquid aliud attingit sicut fi-  
 nem, per cujus adeptionem, & conjunctionem  
 ad ipsum perficitur; sed nulla ex his perfectio-  
 nibus ex se & per essentiam alicui creaturæ  
 competit, sed soli Deo: ergo soli Deo per essen-  
 tiam competit omnis & omnimoda perfectio,  
 quæ creaturis competere potest. Majorem de-  
 clarat in igne, cujus prima perfectio in esse  
 illius substantiali consistit, seu in esse quod per  
 formam substantialem habet. Secunda ipsius  
 perfectio in caliditate, levitate, siccitate, sub-  
 tilitate, & aliis hujusmodi qualitatibus seu vir-  
 tutibus sita est. Tertia denique ejus perfectio  
 est, secundum quod in proprio loco quiescit,  
 & in eo conservatur, quod est finis ejus. Minor  
 verò prob. de perfectione substantiali: illud di-  
 citur habere suam perfectionem substantialem  
 simpliciter, quod habet suam essentiam, seu  
 formam ut actuatam suo esse, seu existentia  
 simpliciter, & in re: sed soli Deo competit  
 quod ex se, & per essentiam sit, omnis autem  
 creatura, non ex se habet, sed à Deo participat  
 esse; per hoc enim creatura dicitur, quod ab  
 alio ipsa accipit, & deducitur in esse simpli-  
 citer, & actu: ergo soli Deo per essentiam con-  
 venit quod sit substantialiter perfectus. Maj.  
 prob. quia ante actualitatem existentia in re  
 & simpliciter, ipsa res solum erat in potentia  
 objectiva, seu activa suæ causæ; quod autem  
 habet esse in potentia duntaxat, secundum  
 quid est, & non simpliciter, unde non verifi-  
 catur de eo quod sit absolutè & sine addito,  
 sed cum termino diminuyente, nimirum, est

seu existit in potentia : ergo cum aliquid in-  
 tantum sit perfectum , inquantum est actu , ne-  
 quit habere aliquid suam perfectionem sub-  
 stantialem & primam , nisi habeat essentiam ut  
 actuatam in se suo esse , quod equidem non  
 perficit ut forma dans speciem , sed ut actualitas  
 ejus , ac subinde ad eandem primam perfectio-  
 nem rei spectans. De perfectione secunda pro-  
 batur , quia Deus nullis accidentibus ad suam  
 perfectam necessariis operationem perfici indi-  
 get : sed nulla creatura est , quæ ad operandum  
 hujusmodi accidentibus perfici non indigeat ,  
 cum nulla sit ex se immediate per suam sub-  
 stantiam operativa : ergo soli Deo per essentiam  
 hæc secunda perfectio competit. Maj. ex dictis  
 supra q.3. art.6. patet : Nam Deo nulla insunt  
 vel adveniunt accidentia , sed quæ de alijs di-  
 cuntur accidentaliter , ipsi essentialiter conve-  
 niunt , ut esse potentem , sapientem , & ejus-  
 modi. Minor probata est à nobis diffusè tom.3.  
*elypei philos. q.8. phys.art.8. vide ibi.*

4.

De tertia tandem perfectione prob. Deus,  
 cum sit ultimus finis & essentialiter sua boni-  
 tas , ad nullum alium finem ordinari potest ,  
 per cujus adeptionem & conjunctionem ad  
 illum perfici possit : sed hoc nulli alteri com-  
 petere potest : ergo perfectio finis nulli alteri  
 quam Deo ex se & per essentiam competere  
 potest. Prob. min. nullus finis secundarius ha-  
 bet habitudinem vel rationem finis moventis ,  
 & sua bonitate allicientis appetitum nisi se-  
 condum ordinem ad primam causam ; quia cau-  
 sa secunda non influit in suum causatum , nisi  
 præsupposito influxu primæ causæ : ergo bo-  
 num prout habet rationem finis moventis , vel  
 quietantis

*Art. III. An esse bonum sit propr. Dei, &c. 62*  
 quietantis appetitum, non potest dici de creatura, nisi præsupposito ordine creatoris ad creaturam: sed quod habet rationem boni præsupposito aliquo, non habet rationem boni per seipsum: ergo nulla creatura potest esse bona bonitate finis, per essentiam & ex se. Ex his infert S. D. q. 21. de verit. art. 5. c. fin. quod *dato*, quod creatura esset ipsum suum esse sicut & Deus, adhuc tamen esse creatura non haberet rationem boni, nisi præsupposito ordine ad creatorem, & pro tanta adhuc diceretur bona per participationem, & non absolute (hoc est bonitate ultima per rationem finis, qui habet simpliciter rationem boni, & cum eo convertitur.)

Argum. 1. quod est unum per essentiam, est etiam bonum per essentiam: sed omne ens est unum per essentiam: ergo omne ens est bonum per essentiam: ac subinde esse bonum per essentiam non est proprium Dei. Maj. prob. quia est eadem ratio de utroque, cum utrumque cum ente convertatur.

Respond. S. D. quod non est eadem ratio de uno & bono. Vnum enim tantum indivisionem importat, quæ cum sit privatio quædam nullam perfectionem dicit, & propter hoc indivisio essentialiter omni enti convenit. Entibus quidem simplicibus, quia sunt tam actu, quam potentiâ indivisa: compositis verò quia sunt indivisa actu, & divisa in potentia: Bonum autem secundum suam rationem perfectionem importat; quæ rebus creatis per essentiam non convenit, sed per ipsum esse quod est participatum, & ab essentia cujuscunque creaturæ distinctum. Ad id verò quod additur, nimirum bonum converti cum ente, sicut &

unum, dicitur quod convertuntur secundum rem, non autem secundum rationem.

7. Arg. 2. quod est ens per essentiam est etiam bonum per essentiam; Sed quælibet res est ens per essentiam; ergo quælibet res est bona per essentiam. Maj. prob. Quia esse est proprium bonum uniuscujusque rei, cum omnia appetant ipsam esse.

8. Resp. neg. min. Creatura enim non habet esse, nec bonitatem per essentiam, sed utrumque habet ab essentia distinctum; esse enim existentiae cujuslibet rei creatæ, per quod creaturis convenit esse bonum, est ab eorum essentia distinctum.

9. Arg. 3. Si res creatæ non essent bonæ per essentiam sequeretur processus in infinitum in bonitatibus cujuslibet rei; quod est inconveniens. Conseq. prob. Nam si res non sunt bonæ per essentiam, sed per aliquid aliud ab essentia differens, illud aliud erit quoddam bonum; tunc aut illud erit bonum per aliquid distinctum à sua essentia, vel non? Si per aliud iterum de illo quæritur, & sic in infinitum. Si non: Ergo aliquid est bonum per essentiam præter Deum.

10. Resp. neg. conseq. Ad prob. dicimus quod aliquid potest dici bonum dupliciter. Primò ut quod. Secundò ut quo. Bonum ut quod creatum est bonum per aliud ab essentia distinctum, scilicet per esse vel per aliquid superadditum ut dictum est. Bonum verò ut quo, non propriè potest dici bonum, sed potiùs, quo aliquid est bonum. Et idè non est necesse, ut aliquo alio sit bonum. Conclusio intelligenda est de bono ut quod, & sic nullus datur processus in infinitum.

\*\*\*

## ARTICVLVS QVARTVS.

*Vtrum omnia sint bona bonitate divina?*



1. **N**ON est impræsentiarum difficultas, utrum omnia, quæ participativè sunt bona, scil. creata, à Deo bonitatem participant, sicut à prima causa efficiente: hoc enim constat, quoniam à primo bono est omne bonum, sicut à primo ente est omne ens. Vnde dicitur Iacobi 1. *Omne datum optimum, & omne donum perfectum desursum est, descendens à Patre Luminum.* Sed sermo est de bonitate divina sumpta in ratione causæ formaliter denominantis. Vnde sensus quæstionis est, an omnia denominativè sint bona bonitate divina, sicut albedine res est alba, loco locata, & scientia aliquis denominatur & est sciens.

2. Duplex est denominatio: una intrinseca, & alia extrinseca; intrinseca desumitur à forma existente in ipso subiecto, & illi suum esse intrinsecè communicante; sicut corpus ab albedine denominatur, & est album. Extrinseca est quæ sumitur à forma, quæ equidem intrinsecè non inest, sed existit in alio tanquam in subiecto, tamen aliqua habitudo, signi, causæ, vel effectus ad ipsum subiectum denominatum, vel subiecti denominati ad ipsam formam denominantem importatur, sicut mina denominatur per habitudinem signi, & medicina per habitudinem causæ ad ipsam sanitatem intrinsecè in animali existentem.

3. Notandum est ex D. Thom. q. 21. de verit. art. 4.

3.

*Art. 4. c.* quod aliqui existimantes Deum esse formam seu esse omnium rerum, consequenter asseruerunt omnem creaturam dici formaliter bonam bonitate divina, sicut forma inhærente, seu forma omni rei conjuncta. Platonici autem dixerunt, quod sint bona formaliter bonitate divina, non sicut forma conjuncta, sed ut forma separata. Cujus rei gratia sciendum est, quod Plato ea, quæ secundum intellectum separari possunt, ponebat etiam secundum esse separata; & ideo sicut homo potest intelligi præter Socratem & Platonem, ita ponebat hominem esse præter Socratem & Platonem, quem dicebat per se hominem & ideam hominis. Sicut autem constituabat ideam seu speciem hominis separatam omnibus hominibus communem, cujus participatione homines dicebantur: ita ponebat quoddam bonum esse separatum præter omnia bona, quod nuncupabat per se bonum, sive ideam cujus participatione omnia bona dicerentur, ut patet per Philosoph. 1. *Ethic. c. 6.* Sed hoc discrimen inter ideam hominis, & ideam boni collocabat, quod idea hominis ad omnia se non extenderet, bene verò idea boni. Atqui subinde asserbat quod ipsum per se bonum, esset universale rerum omnium principium: & quod hujusmodi bonitate prima omnia bona denominarentur; seu per participationem ejus bona dicerentur. Et quamvis hæc opinio irrationabilis videatur, quantum ad hoc quod constituit species rerum separatas, præsertim speciem boni; quia bonum non univocè dicitur de bonis, & in talibus non assignatur idea secundum Platonem; tamen in hoc à veritate, nec ab Aristotelis sententia discordat, quod asserit à primo per essentiam

tiam



*Art. IV. An omnia sint bona bonit. div. 629*  
riam ente & bono unumquodque posse dici bonum & ens, inquantum per modum cuiusdam assimilationis, licet remotè ac deficienter participat ipsum. Quod si aliquando dissonare videatur, nonnisi verbis discrepat ab hac Aristotelis sententia.

Conclusio: Omnia sunt bona bonitate creata formaliter, ceu forma inhærente; bonitate verò increata & divina sicut forma exemplari, effectiva, & finali, non verò tanquam forma inhærente. Probat *in sed contra*: Omnia sunt bona inquantum sunt entia, quia secundum Augustin. inquantum sumus boni sumus; sed non dicuntur omnia entia formaliter per esse divinum tanquam per formam intrinsecè inhærentem, sed per esse proprium: ergo non omnia bona sunt formaliter bona bonitate divina, sicut forma inhærente. Conf. secundum Aug. 8. *de Trinit. c. 3.* Omnia creata participatione boni bona sunt; sed participatio ipsius boni non est bonitas prima, ipsa enim est totalis, & perfecta bonitas: ergo non omnia sunt bonitate prima formaliter, *de verit. 9. 21. art. 4.*

Secunda pars prob. ex D. August. 8. *de Trinit. c. 3. cit.* dicente; *Bonum hoc, & bonum illud: tolle hoc, & tolle illud: & vide ipsum bonum si potes; ita Deum videbis non alio bono bonum, sed bonum omnis boni*; sed unumquodque suo bono bonum est: ergo unumquodque est bonum ipso bono, quod est Deus; sed non sicut aliquâ formâ inhærente: ergo causaliter, & per assimilationem ad ipsum, sicut ad primum principium effectivum à quo sunt; quod est etiam finis ad quem omnia ordinantur; & forma ad quem omnia formantur. Vnde Boëtius in *lib. de hebdom.* ait  
quod

4.

5.

- quod omnia dicuntur bona inquantum ordinantur ad Deum, nimirum sicut ad finem. *Ibidem*
- 6.

Arg. 1. quodcumque aliquid denominatur tale ex solo respectu ad alterum, non denominatur tale per aliquid sibi formaliter inhærens, sed per illud quod est extra ipsum, ad quod refertur; sicut urina dicitur sana ex hoc quod sanitatem animalis significet, seu ad eam signi habitudinem dicit: sed omnis creatura dicitur bona per respectum ad primam bonitatem sicut dictum est: ergo ipsa non denominatur formaliter bona ab aliqua bonitate sibi formaliter inhærente, *q. cit. de verit. arg. 2.*

7. Resp. S.D. *ibid.* quod dupliciter denominatur aliquid tale per respectum ad alterum. Vno modo quando ipse respectus est causa denominationis; sicut urina dicitur sana per respectum ad sanitatem; ratio enim sani, secundum quod de urina prædicatur, est esse signum sanitatis animalis, signum autem formaliter dicit respectum, & in talibus quod denominatur per respectum ad alterum, ab aliqua forma sibi inhærente non denominatur, sed ab aliquo extrinseco ad quod refertur. Alio modo denominatur aliquid per respectum ad alterum, non tamen ita quod respectus ipse sit ratio denominationis, sed causa illius respectus est ratio denominandi. Et in talibus fit denominatio ab aliqua forma intrinseca, fundante talem respectum, sicut dicitur aliquis sciens à scientia, quæ fundat respectum ad ipsum scibile. Vnde dist. min. creatura dicitur bona per respectum ad primam bonitatem, itaut respectus sit ratio denominandi ipsam bonam, nego: itaut causa illius respectus sit ratio denominandi, concedo. Vnde formaliter

*Art. IV. An omnia sint bona bonit. Dei, 631*  
formaliter & intrinsecè dicitur bona, sicut &  
à scientia dicitur aliquis intrinsecè sciens.

Arg. 2. si creatura est bona bonitate aliqua  
inhærente, vel hujusmodi est bona alia boni-  
tate, similiter sibi inhærente, vel non? si pri-  
mum: ergo erit processus in infinitum, quod est  
impossibile; si secundum: ergo jam aliqua boni-  
tas creata erit, quæ seipsa sit bona, sed hoc non,  
quia sola prima veritas seipsa bona est: igitur  
creatura non est bona formaliter aliqua boni-  
tate sibi inhærente.

Resp. S.D. *ibid.* quod aliter se habet in formis  
generalibus, & aliter in formis specialibus. In for-  
mis enim specialibus non recipitur prædicatio  
concreti de abstracto, ut dicatur albedo est alba,  
vel calor est calidus, ut patet per Dionysium 2. c.  
*de divinis nominibus*. Sed in formis generalibus  
hujusmodi prædicatio recipitur, dicimus enim  
quod essentia est ens, & bonitas est bona, &  
unitas una, & sic de aliis. Cujus ratio est, quia  
illud quod primò cadit in apprehensione intel-  
lectus est ens. Vnde oportet quod cuicumque ap-  
prehenso per intellectum, intellectus attribuat  
hoc quod est ens. Et idè cum apprehendit essen-  
tiam alicujus entis dicit illam essentiam esse  
ens, & similiter unamquamque formam genera-  
lem, vel specialem, ut bonitas est ens, albedo est  
ens, & sic de aliis. Et quia quædam sunt, quæ  
communicant rationem entis inseparabiliter, ut  
unum, bonum, & hujusmodi, oportet quod hæc  
de quolibet apprehenso prædicentur eadem ra-  
tione qua ens, unde dicimus essentia est una, &  
bona, similiter unitas est una, & bona, ita de  
bonitate, & albedine, & qualibet forma genera-  
li, vel speciali. Sed album, quia est speciale, non  
commu

8.

9.

communicat inseparabiliter rationem entis, unde potest apprehendi forma albedinis sine eo quod attribuat ei esse album; idcirco non cogimur dicere, albedo est alba. Album enim uno modo dicitur: Ens autem, & unum, & bonum, & alia huiusmodi, quæ de quolibet apprehenso necesse est dici, multipliciter dicuntur. Aliquid enim dicitur ens, quia in se subsistit: aliquid quia est principium subsistendi, ut forma: aliquid quia est dispositio subsistentis, ut qualitas: aliquid quia est privatio dispositionis subsistentis, ut cæcitas.

10. Et ided cum dicimus essentia est ens, si procedatur sic: ergo est aliquo ens vel se vel alio, processus non sequitur, quia non dicebatur hoc modo esse ens, sicut aliquid subsistens in esse suo est ens, sed sicut quo aliquid est; unde non oportet querere quo ipsa essentia aliquo sit, sed quomodo aliquid alterum sit per essentiam. Similiter cum dicitur, bonitas bona non hoc modo dicitur bona, quasi in bonitate subsistens: sed hoc modo quo bonum dicimus illud quo aliquid ad bonum est. Et sic non oportet inquirere, utrum bonitas sit bona se bonitate, vel alia, sed utrum ipsa bonitate sit aliquid bonum quod sit alterum ab ipsa bonitate, sicut est in creaturis; vel quod sit idem cum ipsa bonitate, sicut est in Deo. *Ibidem.*



## QVÆSTIO SEPTIMA,

## De Infinitate Dei.

**P**OST considerationem divina perfectionis, inquit S. D. considerandum est de ejus infinitate, & de ejus existentia in rebus: attribuitur enim Deo quod sit ubique & in omnibus rebus, inquantum est incircumscriptibilis, & infinitus.



## ARTICVLVS PRIMVS.

*Utrum Deus sit infinitus?*

**S**UMITVR hîc, ly *Deus*, pro naturâ divina in concreto, ut in re per se subsistens est, sub formali conceptu naturæ, & non sub conceptu alicujus attributi specialis; v. g. scientiæ, potentiæ, & similium: tum quia de his infra sermonem instituit; tum quia semel probato quod ejus essentia sit infinita, convincitur omnem ejus potentiam & virtutem infinitate gaudere, quia Deus essentialiter est sua potentia & virtus, & quidquid est in seipso. *D. Thom. 1. d. 43. art. 1. cap. fin.*

Infinitum duplex est, scil. infinitum privativè, & negativè. Infinitum privativè dicitur quod

1.

2.

634 *Quest. VII. De Infinitate Dei ,*

1. dist. 3. quod secundum genus suum natum est habere  
 9. 1. a. 1. finem, non habens : & hujusmodi infiniti ratio  
 quodlib. quantitati comperit ; habet enim ipsa partem  
 3. art. 3. post partem in infinitum. Aliud est infinitum  
 negativè, quod videlicet aliquo termino non fi-  
 nitur, sed secundum se caret fine unde limitetur.  
 De infinito negativè agitur. Quod quidem in-  
 finitum dici potest & secundum materiam, &  
 secundum formam. Dicitur enim aliquid infi-  
 nitum ex eo quod non finitur : Finitur autem  
 & materia per formam, in quantum materia, quæ  
 est in potentia ad diversas species, ad unam  
 earum determinatur per formam, nimirum spe-  
 cificam. Forma autem per materiam finitur, in-  
 quantum forma speciei, quæ nata est in pluribus  
 individuis esse, secundum quod in hac recipitur  
 materia, ad unum eorum determinatur. Ea  
 propter & materia sine forma habet quodam-  
 modo infiniti rationem, & pariter forma sine  
 materia.

3. Vtroque modo aliquid esse infinitum duplici-  
 ter contingit : nimirum simpliciter & secundum  
 quid. Simpliciter infinitum dicitur, quod secun-  
 dum omnem sui rationem infinitum est, seu ca-  
 ret termino & fine. Secundum quid autem in-  
 finitum dicitur, quod secundum aliquam dum-  
 taxat sui rationem, non tamen secundum om-  
 nem infinitum est, sed aliqua ex parte termino  
 & fine concluditur : Sicut si daretur aliquod  
 corpus infinitum secundum longitudinem, fini-  
 tum autem secundum latitudinem & profundi-  
 tatem, esset infinitum secundum quid : si autem  
 secundum omnem dimensionem, quæ nata est  
 corpori convenire, termino & fine careret, esset  
 simpliciter infinitum.

Hoc

Hoc infinitum simpliciter duplex est, scilicet 4.  
in aliquo duntaxat genere, ut corpus illud in  
genere quantitatis simpliciter infinitum esset :  
& extra omne genus, seu in omni genere, quod  
videlicet secundum omnem sui rationem sine  
& termino caret : Quod propriè secundum es-  
sentiam infinitum dicitur. Et de hoc præsens  
quæstio procedit.

Tandem in præsentì nomine materiæ intelli- 5.  
ge tam materiam primam secundum se, quæ in  
potentia ad infinitas formas substantiales esse  
dicitur ; quam materiam secundam, seu com-  
positum, quod est in potentia ad infinitas for-  
mas accidentales, vel artificiales, ut signum ad  
infinitas figuras. Nomine autem formæ pariter  
intelligenda venit, tam forma substantialis,  
quæ est forma speciei ; quam accidentalis, quæ  
est modus & dispositio quædam ipsius.

Estò omnes Philosophi in varias de primo 6.  
rerum principio sententias inierint, unanimiter  
tamen ipsos rationem infiniti primo attribuisse  
principio refert Aristoteles *lib. 3. phys. text. 30.*  
Et hoc rationabiliter, hoc est per probabilem  
rationem, considerantes ab hujusmodi prin-  
cipio res in infinitum effluere ac dimanare. Ve-  
runtamen sicut eorum nonnulli circa naturam  
primi principii errasse deprehenduntur, ita & cir-  
ca modum infinitatis ipsius. Constituentès enim  
primum principium esse materiale quidpiam,  
puta aquam, aërem, ignem, vel medium quen-  
dam vaporem, consequenter materialem quan-  
dam infinitatem, quæ est infinitas secundum  
quid, & in potentia, ipsi arrogarunt : aientes  
corpus aliquod infinitum esse rerum omnium  
principium. Alii autem primum principium

simpliciter, quod est Deus, equidem corporeum non esse arbitrati sunt, attamen usurpantes finitum & infinitum, quatenus duntaxat passiones ipsius quantitatis sunt, quæ quidem quantitas molis in Deo locum habere non potest, ipsi tantummodo infinitatem secundum quantitatis virtualis rationem attribuerunt, asserentes Deum idcirco infinitum esse, quia virtutem haberet infinitam, substantiam tamen in ratione essentiae finitam; & sic à Sanctis eam videri, quod erroneum est. Ita refert D. Th. in 1. dist. 43. *quaest. unica, art. 1. corp.* Fuit Deus quodammodo finitus Manichæo, ut constat ex D. August. *lib. cont. epist. fundament. cap. 8. & 9.* Ipse enim cum suis, ut diximus supra, Deum esse quoddam corpus quadrum & immensum, ex tribus lateribus duntaxat immensum, sed ex uno latere tenebris claudebatur.

7. Conclusio D. Thomæ est; Deus est infinitus & perfectus: id est, Deus est infinitus secundum essentiam, ut forma & actus perfectissimus, & non sicut materia, quæ est infinita secundum quid & in potentia. Hæc conclusio est secundum fidem certa, immò & naturali ratione nota. Constat ex Sacra Scriptura psal. 144. ubi dicitur, *Magnus Dominus, & laudabilis nimis ( seu valde ) & magnitudinis eique non est finis.* Vbi Augustinus: *Ideo dixit valde, quia magnitudinis ejus non est finis; ne fortè incipias velle laudare, & pures te laudando posse finire, cujus magnitudo finem non potest habere. Noli ergo te putare eum, cujus magnitudinis finis non est, sufficienter posse laudare. Nonne ergo melius est, ut quomodo ipse non finitur, nec laus ipsius finiatur? Illius magnitudo sine fine est, &*

tua



*tua laudatio sine fine sit.* Hæc conclusio definita est in cap. firmiter de summa Trinitate & fide catholica, ex Concilio Lateranensi sub Innocentio III. eamque asserunt communiter Patres, ac nominatim D. Dionysius cap. 9. de divin. nom. dicens: *Magnus super omnem magnitudinem, omnem transiliens infinitatem.* D. Athanasius in Symbolo. Theodoretus lib. divin. decret. cap. de Principio, & lib. 3. de curand. affect. præc. D. Damascenus lib. 1. fid. orthod. cap. 4. adductus à D. Thoma in sed contra, D. Augustinus lib. 3. contra Maximinum cap. 26. & lib. 3. de Trinit. cap. 3. ubi Deum vocat, *omnis boni bonum*, id est, bonum infinitum & perfectum absque limite.

Probat S. D. ratione, quæ in hanc formam deduci potest; omnis forma speciei secundum propriam rationem, si abstractè (id est, non esse in materia, seu supposito consideretur) infinitatem quandam habet, scil. quantum ad individua illius speciei, ad quæ communis de se remanet; esto ex alia parte finita sit, in quantum ad speciem determinatur, unde est finita simpliciter, infinita tamen secundum quid; sicut in albedine abstractè consideratâ & intellectâ ratio albedinis non est finita ad aliquod album in individuo, esto ratio coloris & ratio essendi in ea determinetur, & ad determinatam speciem contrahatur: sed illud quod est maximè formale omnium, id est, maximè irreceptum & de se illimitatum est ipsum esse, cum sit illimitatum non modò quoad individua, sed etiam quoad determinationem in certo gradu & specie: ergo illud esse absolutum, & omnino irreceptum, si in ea ponatur, erit omnino

8.

638 *Quest. VII. De Infinitione Dei,*  
 infinitum, quia non finitur, nec finitione materiae in individuis, nec finitione determinari gradus per contractionem formae ad aliquam potentialitatem; sed tale esse est Deus: ergo Deus est simpliciter infinitus & perfectus. Prob. maj. ex eo dicitur aliquid infinitum, quod non est finitum: sed forma si abstractè consideretur, in propria ratione non est ad aliquid finita: ergo in sua ratione infinitatem habet, seu non est finita. Prob. minor, forma per materiam finitur, inquantum forma in se considerata communis est ad multa, sed per hoc quod recipitur in materia in re & exercitè fit forma determinata hujus rei: ergo si abstractè consideretur, ejus ratio non est finita, sed infinitatem habet.

9. Confirmatur: illa substantia quæ non finitur neque finitione materiae, neque finitione formae & actus, est simpliciter secundum essentiam infinita: sed Deus est ens per se subsistens, quod non finitur neque finitione materiae, seu potentiae, neque finitione formae seu actus: ergo est simpliciter infinitus, & perfectus. Major patet, quia in substantiis termini substantiales, seu essentiales sunt materia & forma: ergo ens per se subsistens, quod non finitur, neque finitione materiae, neque finitione formae remanet simpliciter infinitum, & perfectum. Minor verò ex dictis patet: quia Deus non constat materia, sed est omnino immaterialis & incorporeus; & est actus omnino illimitatus, non pertinens ad specialem gradum genericum, vel differentialem entis: quo pacto dixit D. Gregorius Nazianzenus, quod est *quodam substantia pelagus infinitum.*

Scotus

Scotus innata D. Thomæ contradicendi pruriginē laborans, & processum hujus rationis non advertens, eam redarguere conatur, primò: quia omnis forma priùs naturā quam recipiatur in materia, est secundum se in tali gradu entis; igitur finita vel infinita: non ergo finitur primò per respectum ad negationem alicujus extrinseci, putà materiæ, vel alterius cujuscunque. Secundò, quia sequeretur quod essentia Angeli esset infinita, quia est forma de se non receptibilis in materia. Nec valet, inquit, dicere, quod essentia Angeli finitur per suum esse, quia esse est posterius essentiā in creaturis: ergo cum in illo priori sit irrecepta in materia, & subinde infinita, non potest finiri postea per ipsum esse. Tertiò, quia ex hoc solùm concluditur, quod Deus non sit finitus, seu coarctatus à materia, non tamen probatur quod sit infinitè perfectus, seu tanta perfectione pollens, ut omnes omnigenæ perfectionis limites excedat.

Resp. processum rationis D. Thomæ optimum esse, ut ex deductione illius patet. Vnde ad primam Scoti instantiam breviter dico, quod illa forma est finita simpliciter & finitione formæ determinatæ ad speciem & gradum entis, ac subinde terminis essentiæ concluditur, & habet determinatum esse; infinita autem secundum quid, inquantum non est ad aliquam materiam, vel suppositum determinata. Ad 2. dico Angeli naturam esse simpliciter finitam, quia finita est finitione formæ ad certum gradum entis, & speciei determinatæ; infinita autem secundum quid, quatenus non est in materia recepta. Ita D. Thomas art. seq. & alibi sæpe. Ad 3. dico quod rectè concluditur, esse infinitum simpli-

citer ; quia si ex eo aliquid est infinitum , quia caret termino & fine : sicut ex eo capite est infinita forma abstractè considerata ( nimirum infinitate secundum quid , seu secundum aliquam rationem ) quia caret materia per quam finiatur ; profectò si reperitur aliqua essentia , quæ nulla ratione finiatur , neque finitione materiæ , neque finitione formæ determinatæ ad certam speciem , & gradum entis , rectè sequitur quod sit simpliciter , & secundum omnem rationem infinita ; ejusmodi autem est essentia divina , quæ essentialiter est ipsum esse irreceptum , quod est actus omnis formæ , & non forma determinatæ rationis.

12. Arg. 1. omne infinitum est imperfectum , quia habet rationem partis & materiæ , ut dicitur 3. *Phys. text. 66.* sed Deus est perfectissimus : ergo non est infinitus. Resp. S. D. verum esse de infinito quod se tenet ex parte materiæ , non verò de infinito simpliciter ex parte actus & formæ.

13. Arg. 2. Finitum & infinitum conveniunt quantitati , secundum Philos. 1. *Phys. text. 15.* sed in Deo non est quantitas , cum non sit corpus ; igitur Deus non est infinitus. Resp. S. D. quod infinitum se tenens ex parte materiæ est equidem passio quantitatis , quia quantitas sequitur materiam , & respicit terminos suos , v. g. figuram & formam ; tale autem infinitum non attribuitur Deo , ut dictum est.

Arg. 3. quod ita est hîc quod non alibi , est finitum secundum locum : ergo quod ita est hoc , quod non est aliud est finitum secundum substantiam ; sed Deus est hoc , & non est aliud ; non enim est lapis , aut lignum : ergo Deus non est infinitus secundum substantiam.

Resp.

*Art. II: An aliq. quam Deus pos. esse infin. 641*

Resp. ex D. Th. dist. conseq. si habeat esse hoc & non aliud per aliquod principium determinativum sui esse, concedo: si habeat esse hoc & non aliud ex se, seu irreceptione sui esse, nego: quia sicut illud quod est hîc & non est aliibi, habet locum à quo determinatur, & circumscribitur, ita debet habere substantiam à quo finiatur, quod non habet, si ex se sit esse simpliciter irreceptum, quale est esse Dei, ut diximus.

\*\*\*

## ARTICVLVS SECVNDVS.

*Vtrum aliquid aliud quam Deus possit esse infinitum per essentiam.*

**S** VMITVR hîc infinitum prout abstrahit ab infinito secundum quid & simpliciter. Dicitur autem infinitum secundum essentiam, id est, secundum substantiam & naturam quâ constituitur, ut distinguitur substantia contra accidens communiter dictum. Et est quæstio de essentia in re, seu existente in aliquo ejus individuo, sumptam secundum ea, quæ illi secundum se, quam secundum ea quæ illi, quatenus existit in illo individuo, conveniunt. Vnde sensus difficultatis est, utrum possit aliquid præter Deum habere essentiam & naturam, quæ simpliciter essentia terminis non concludatur: qui sunt materia & forma speciei in rebus compositis, & esse participatum in substantiis spiritualibus.

Conclusio: aliquid præter Deum potest esse infinitum secundum quid, sed non simpliciter, secundum substantiam seu essentiam. Quod non possit aliquid esse simpliciter per essentiam in-

642 *Quest. VII. De Infinitate Dei*,  
 finitum, probat S. D. *in sed contra*, hac ratione :  
 nullum infinitum per essentiam potest esse ex  
 aliquo principio ipsius effectivo ; sed omne quod  
 est præter Deum est ex Deo tanquam primo  
 principio effectivo : ergo nihil, quod est præter  
 Deum, potest esse infinitum. Majorem probat  
 autoritate Arist. *lib. 3. Physic. text. 30.* sed & ra-  
 tione *in corpore art.* demonstratur : quod non est  
 suum esse, sed participans esse, nequit esse sim-  
 pliciter infinitum : sed nullius rei essentia, quæ  
 creatur, est suum esse, sed à Deo participat esse,  
 tanquam à principio effectivo : ergo nullum in-  
 finitum simpliciter & per essentiam potest esse  
 ex aliquo principio effectivo. Major ex dictis pa-  
 tet, quia illud quod participat esse, jam limitat  
 illud ad certam speciem ; unde illud esse non  
 est irreceptum simpliciter. Minor etiam est evi-  
 dens, quia per hoc aliquid ab alio dicitur effici,  
 quia suum esse ab illo participat.

3. Quod autem in rebus aliquid aliud possit se-  
 cundum quid esse infinitum probat S. D. hac ra-  
 tione : nam vel sermo est de infinito secundum  
 materiam, vel secundum formam ? sed quolibet  
 ex his modis potest aliquid in hujusmodi rebus  
 esse infinitum secundum quid : igitur aliquid  
 præter Deum potest secundum quid infinitum  
 esse. Minor de infinito secundum materiam prob.  
 quod est potentia ad infinita, est secundum ma-  
 teriam infinitum ; sed materia esto sit in re actu  
 existens sub una forma substantiali, ac subinde  
 determinata ad speciem, finitaque simpliciter,  
 tamen est in potentia ad infinitas formas acci-  
 dentales, v. g. lignum quod est per suam for-  
 mam substantialem ad speciem determinatum,  
 est in potentia ad infinitas figuras : ergo est se-  
 cundum

*Art. 11. An aliquam Deus pos. esse infin. 643*  
cundum quid infinita. De infinito autem secundum formam probatur eadem minor, dantur aliquæ formæ in materia irreceptæ, & per se subsistentes, ut Angeli; sed istæ sunt infinitæ secundum quid: ergo potest dari infinitum secundum quid ex parte formæ. Minor prob. quia non finiuntur per materiam: ergo ex hac parte carent fine, ac subinde sunt infinitæ, secundum quid tamen, & non simpliciter, quia non sunt suum esse, sed eorum esse receptum, & ad terminatam naturam contractum; terminatam, inquam, secundum speciem, seu determinatum gradum entis.

Hæc conclusio sicut certissima, ita & ab omnibus Theologis recepta. Tamen in assignanda divinæ infinitatis ratione, seu unde habet Deus quod per essentiam sit simpliciter infinitus, non conveniunt. P. Vasquez hic *disp. 25. cap. 5.* ait, veram rationem infiniti secundum essentiam non aliam esse, quam non esse ab alio. Sed profecto dum vult modum explicandi S. Thomæ & Discipulorum ejus effugere, velit nolit, in eum incidit: Nam ideo Deus non est ab alio, quia non est participans esse, sed suum esse, seu ens per essentiam, ac subinde ejus esse in alio non recipitur, aliàs illud esse esset participatum: igitur infinitatis hujusmodi ratio tanquam ad primam sui radicem reducenda est ad illud principium, quod Deus est ipsum esse simpliciter, quod est omnino irreceptum, & carens fine ac termino unde limitetur. Et profecto si ad auctoritates Patrum, quas pro suæ sententiæ confirmatione advertisset, id ipsum eum docuissent. Nam Dionysius statim subdit: *Magnitudo hæc & infinita est, & sine quantitate, & sine numero &c.*

Quæ

644 *Quest. VII. De Infinitate Dei,*  
 Quæ verba sic explicat D. Thomas : *Dicit quòd magnitudo divina est infinita , quod nulli magnitudini creata convenit , & est etiam sine quantitate , quia non est in genere quantitatis , sed Dei magnitudo est ejus esse &c.* Similiter D. Gregorius Nazianzenus ( quam ipse allegat ) *orat.* 38. infinitatem Dei ad esse irreceptum & per se subsistens reducit : Verba ejus sunt. *Deus semper est , atque hoc modo seipsum nominat , cum in monte Mesi oraculum edit. Univerſum enim id quod est in ſe complectitur , nec principium habens , nec finem habiturum , velut pelagus quoddam essentia immensum , & interminatum.* Et Nicetas ab eo citatus hoc ipsum manifestè insinuat.

5. Arg. 1. virtus Dei est infinita , cum sequatur essentiam infinitam ; sed virtus infinita potest producere infinitum effectum : ergo Deus potest producere aliquem effectum , qui secundum substantiam sit infinitus. Resp. ex S. D. dist. min. quantum est de se , concedo : ex parte effectus intrinsecè repugnantis , nego. Intrinsecè autem repugnat ex parte facti , quod detur infinitus per essentiam effectus , quia esset suum esse , & non participans esse , quod implicat , cum nihil producat , nisi inquantum participat esse. Sicut ergo Deus , licet habeat potentiam infinitam , non potest facere aliquid non factum , hoc enim esset contradictoria esse simul : ita non potest facere aliquid infinitum simpliciter. Nota circa ly *non factum* sic explicari à D. Thoma quodlib. 9. art. 1. corp. *Dicendum quod cum dicitur , Deum non posse aliquid facere , hoc non est propter defectum divina potentia , sed propter impossibilitatem , que importatur in facto. Quod quidem contingit dupliciter : uno modo , quia repugnat*




*Art. II. An aliq. quam Deus pos. esse infin. 645*  
 repugnat facto inquantum est factum, sicut dicimus  
 Deum non posse facere aliquam creaturam, que  
 se in esse conservet. Quia ex hoc ipso quod res ali-  
 qua ponitur habere superiorem, ponitur etiam in-  
 digere conservatore, cum idem sit causa essendi  
 rem, & conservans rem in esse. Alio modo, quia  
 repugnat huic facto, inquantum est factum, sicut si  
 dicamus Deum non posse facere equum rationalem.  
 Esse enim rationale, quamvis non repugnet facto  
 inquantum est factum; tamen hoc factum, scil. esse  
 rationale omni equo inquantum est equus, in cujus  
 diffinitione cadit irrationale.

Arg. 2. quidquid habet virtutem infinitam,  
 habet essentiam infinitam; sed intellectus crea-  
 tus habet virtutem infinitam: ergo omnis sub-  
 stantia intellectualis creata est infinita. Minor  
 prob. quia intellectus apprehendit universale;  
 quod est infinitum, quia se ad infinita singula-  
 ria extendere potest.

Resp. ex S. D. hic, & in 1. dist. 43. q. 1. a. 2. dist.  
 min. intellectus creatus, habet virtutem secun-  
 dum quid, concedo: Simpliciter, nego: & simi-  
 liter ejus essentia est infinita secundum quid, &  
 inferius; sed finita simpliciter & superius, quia  
 non est suum esse, nec recipit totum esse Dei,  
 vel virtutem infinitam ejus, sed secundum mo-  
 dum limitatum sibi possibilem. Ad 3. arg. de  
 materia prima, quæ respicit infinitas formas,  
 patet ex dictis, quod propterea est infinita se-  
 cundum quid.

6.

7.



## ARTICVLVS TERTIVS.

*Vtrum possit esse aliquid actu infinitum secundum magnitudinem?*

- I. **M**ULTA satis de hac differuimus *tomo 3. clypei nostri Philosophia quest. 11.* quæ hic resumenda duximus, quædam ad pleniorẽ articuli intelligentiam præterea adjecturi. Animadvertendum itaque est, quod S. D. in corp. rationem reddens cur de infinitate secundum magnitudinem disputationem suscipiat, cum supra statuerit in rebus nihil infinitum secundum essentiam dici posse, advertit quod aliud est aliquid esse infinitum secundum essentiam, & aliud esse infinitum secundum magnitudinem. Dato enim quod esset aliquod corpus secundum magnitudinem infinitum, utpote ignis, vel aër, non tamen propterea esset secundum essentiam infinitum: quia ipsius essentia finita ac determinata esset ad aliquam speciem per formam, & ad aliquod individuum per materiam. Et ideo habito ex præmissis, quod nulla creatura est secundum essentiam infinita, adhuc inquirendum superest, utrum aliquid creatum possit esse infinitum secundum magnitudinem, quæ est accidens ipsius. Hujusmodi enim infinitates longè diversæ sunt, ac separabiles adinvicem. Nam in Deo infinitas essentiæ absque quantitate reperitur: nec una infert necessariò aliam.

Adverte præterea, quod sicut esse infinitum secundum essentiam est habere essentiam non  
lini

*Art. III. An aliq. pos. esse infin. &c. Cap. I. 647*  
limitatam ad aliquam speciem vel gradum entis determinatum : ita esse infinitum secundum magnitudinem est habere quantitatem ad aliquem gradum vel mensuram , seu terminum ipsius non limitatum.

---

## CAPVT PRIMVM.

*Ostenditur nullum corpus naturale posse esse secundum magnitudinem infinitum.*

**P**Rima conclusio D. Th. est ; nullum corpus naturale potest esse infinitum secundum magnitudinem , quod intelligendum venit , etiam de potentia Dei absoluta. Probat primò S.D. *in corpore* , ratione , quæ in hunc modum formari potest : Omne corpus naturale habet determinatam formam substantialem ; sed ad determinatam formam substantialem sequitur determinata quantitas : ergo in re omne corpus naturale habet determinatam quantitatem , & non infinitam in actu. Maj. patet ; quia ut probavimus supra , non est actu in re corpus naturale ut sic , sed hoc corpus naturale ; hoc autem corpus physicè , & in re non est actu hoc corpus , nisi per hanc formam in hac materia. Minor verò prob. Ad formam substantialem prout est forma corporis naturalis sequuntur accidentia : ergo ad determinatam formam substantialem , sequuntur determinata accidentia : sed quantitas est unum accidens corporis naturalis : ergo ad determinatam formam substantialem sequitur determinata quantitas ; sed illud quod est determinatum in aliquo genere , nequit in eodem genere

genere esse actu infinitum : ergo non potest dari corpus naturale secundum quantitatem infinitum.

3. Tota difficultas hujus rationis consistit in explicando , quomodo physicè , & in re ad determinatam formam substantialem , sequantur accidentia determinata. Varij sunt modi dicendi ; qui possant videri apud interpretes D. Thomæ. Quibus omissis recolenda sunt quæ diximus in *Logica quest. 5. art. 1.* nimirum quod esse est ex se actualitas illimitata , & sic solum potest limitari ab illo à quo participatur ; unde si sit aliquod esse non participatum est infinitum ; ut patet in Deo. Contingit autem quod forma participans esse , est ulterius etiam participata ab aliquo alio subjecto , quod est potentia susceptiva ejus ; sicut albedo participatur à corpore , quod est potentia ad albedinem ; unde quando talis forma participat esse , illud participat non sine ordine ad illud subjectum , à quo ulterius participatur , v. g. albedo non participat esse actu , nisi ut participata à corpore , quod est potentia susceptiva albedinis. Esse in accidenti equidem est quod sit ultima actualitas formæ accidentalis. Verum quia accidens natum est inesse , cum non sit per se subsistens , sed originatum à subjecto quod est potentia ad ipsum ; ideo ejus esse est inesse.

4. Notandum est præterea ex D. Thom. *1. d. 8. quest. 4. a. 1.* quod determinatio rerum creatarum fit multis modis ; primò per additionem differentiarum , vel formæ essentialis ; & hoc modo fit determinatio specifica vel generica v. g. per rationale additum animali fit determinatio animalis ad speciem hominis ; & per ly , *per se* , additum

*Art. III. An Aliq. pos. esse infin. &c. Cap. I. 649*

additum enti fit determinatio ejus ad substantiam ; & sic de cæteris. Secundò fieri potest per additionem alicujus accidentis ; v. g. per qualitatem , quæ est potentia naturalis , determinatur substantia ad agendum ; ut per calorem ad calefaciendum. Tertiò determinatur per receptionem ejus in alio , v. g. albedo determinatur per receptionem sui in corpore , hoc ad tale esse. In accidentibus ergo duplex est limitatio , scil. specifica , & hæc desumitur ex propriis principiis à quibus in subiecto causantur ; ut explicuimus *tomo 1. Clp. philos. quest. 6. 4. 4. §. 2.* Alia est limitatio secundum esse accidentis , & hæc sumitur à corpore naturali , ut per formam determinatam in re est recipiens , & causans esse actu ipsorum accidentium.

His positis urgetur efficaciter ratio D. Thom. 5.  
Ad formam substantialem prout dat esse corpori naturali sequuntur accidentia materialia ; quia forma dat primum esse actu , quod est esse simpliciter ; accidens autem dat esse secundum quid ; & omne simpliciter est causa ejus quod est secundum quid ; sicut Deus , qui in omni genere est simpliciter ens , omnibus aliis est causa essendi : ergo ad determinatam formam substantialem , prout est dans esse determinatum simpliciter actu , & in re , sequuntur determinata accidentia secundum esse actu accidentium. Conseq. prob. corpus , seu magnitudo physice sumpta dicit materiam , & formam cum quantitate recepta , & actu existente ; alia non haberet rationem corporis naturalis ; nam ut actu , & formaliter sit corpus , debet habere trinam dimensionem ; ut sit naturale , debet constare materia , & forma , quæ sunt princi-  
pia

pia entis naturalis : ergo ut sit hoc corpus naturale quod producitur actu, debet habere hanc materiam cum hac forma, & hac quantitate recepta tanquam in subiecto, & causa : ergo secundum esse actu limitata : ergo secundum quod quantum. Conseq. prob. hoc quod est actu non est esse illimitatum, sed est esse actu hujus formæ, quæ est quantitas, non absolutè, sed ut recepta, hic enim est modus corporis naturalis ; sed existentia formæ accidentalis, secundum quod talis forma accidentalis habet actu recipi in subiecto est limitata, & determinata, ut supra notavimus : ergo est necessariò limitata actu, & in re.

6. Itaque sta bene in hoc, quod primò producitur singulare in re & actu, consequenter natura communis in singulari determinata ; dum ergo producitur actu corpus naturale producitur primò hoc corpus ; & consequenter producitur corpus : sed corpus naturale non est sine quantitate in eo recepta, ut naturale est, quia est mobile, & sensibile : ergo similiter producitur primò hæc quantitas, seu esse hujus quantitatis, & secundo quantitas communis, in hac quantitate existens ; sed non est hæc quantitas actu nisi per hoc esse, & non est hoc esse, nisi per hanc causam, & subiectum, & non est hoc subiectum, seu hæc causa in re, & actu, nisi per hanc formam substantialem : ergo ad determinatam formam substantialem dantem actu, & in re esse corpori naturali determinatum physicè, & actu, necessariò sequitur determinata quantitas, secundum hoc esse quantum.

7. Vnde satis inconsideratè P. Vasquez, Martinez, &

*Art. III. An aliq. pos. esse infin. &c. Cap. I. 651*  
& alij recentiores hanc profundissimam S. D.  
rationem ut inefficacem rejiciunt ; 1. quia,  
esto esse quantitatis , sequatur ad esse substan-  
tiæ finitæ , solum sequitur , quod quantitas sit  
finita secundum esse, non verò in ratione quan-  
titatis. 2. Quia falsum est omne corpus habere  
naturaliter determinatam quantitatem ; nam  
ignis sine termino crescere potest , per additio-  
nem combustibilium , ut dicitur in 2. de Anim.  
text. 41.

Nam contra primam objectionem instatur,  
quia esse actu quantitatis physicè , & in re,  
non competit quantitati nisi ut in subjecto , in  
quo causam habet , loquendo de quantitate  
naturaliter sumpta : ergo si est finita , in ra-  
tione essendi physicè , & in re , oportet quod  
physicè , & in re sit illa quantitas finita in ra-  
tione quantitatis : quia in re forma aliqua non  
potest esse infinita , cujus esse actuale finitum  
sit ; cum debeant esse proportionata. Itaque  
quidem bene stat , quod illud corpus naturale  
non sit infinitum secundum essentiam , etiamsi  
sit infinitum secundum magnitudinem : quia  
essentia sua esset terminata ad aliquam speciem  
per formam suam substantialem, ut docet Sanct.  
Doct. loc. cit. sed non stat quod esse proprium  
quantitatis sit finitum , & quod ratio quanti-  
tatis sit infinita , quia esse est actus illius for-  
mæ , & ipsa forma , seu quantitas est potentia  
ad esse , seu id quod : potentiæ autem infinitæ,  
nullatenus potest esse actus finitus , cum pro-  
portionem debeant dicere. Et profectò mirum  
est , quod isti ponant quamlibet formam esse  
realiter indistinctam à suo esse , & quod ve-  
lint quantitatem esse infinitam , & ejus esse fi-

*Tom. I.*

*SI*

8.

nitum physicè , & in re. Tandem , quia etiam propria ratio quantitatis sumitur per ordinem ad subjectum , ut toties dictum est ; cum ergo illud simpliciter finitum sit in ratione radicitus , & causæ ipsius quantitatis , & effectus debeat suæ causæ commensurari , satis percipi nequit , quomodo stante corpore naturali finito , quantitas ad ipsius formam sequuta infinita esse valeat.

9. Contra secundam objectionem etiam instatur , quia ignis propriè non augetur ab intrinseco , id enim quod convertitur in ignem , non ingreditur in ignem , itaut cuilibet ejus parti uniatur , & superaddatur ; sed diffunditur ignis per generationem formæ ignis in materia aliena : & ad formam , quæ generatur , sequitur sua quantitas determinata , non equidem secundum rationem formæ speciei , sed individi ; quia ignis , qui accenditur in ligno quatuor palmorum , v. g. in re non habet quantitatem viginti cubitorum : sed illud quod superaddi potest , nullatenus potest esse actu infinitum : quia quolibet combustibili dato , Deus aliud addere potest : ergo etiam sub hac ratione in infinitum cathegorematicè , si actu augeri nequit , sed solum syncathegorematicè. Et semper restat quod ut sequitur actu , & physicè quantitas ignis , ad formam substantialem ignis in hac materia habet determinationem secundum subjectionem , & causam à qua produci-  
tur. Non itaque in igne idem accidit atque in corporibus animatis : omnium enim animato-  
rum quæ constant in figura , & quantitate , certa est quantitas in qua salvatur forma illius speciei , & est ratio magnitudinis in maximo ,

&



*Art. III. An alig. pos. esse inf. &c. Cap. II. 653*  
& minimo, in qua stat & extra quam species non salvatur : & augmentum habet terminum, qui est quantitas organorum, quæ sufficit operationibus virtutum, & potentiarum ; sed in igne augmentum interminatum est in quantitate ; tantum enim augetur quantum est cremabile oppositum igni. Sed de hac determinatione, vel indeterminatione non procedit ratio D. Thomæ, ut aliqui perperam contendunt : quis enim dubitat Deum posse hominem creare, vel producere extra eam quantitatem quam exigit forma speciei : sed de determinatione secundum ipsum esse actu in re quatenus omne accidens naturaliter existens in corpore, ab eo habet esse actu, & finitatem, seu esse finitum modo supra explicato.

Secunda ratio Div. Thomæ est desumpta ex ratione mobilitatis, seu motus naturalis, hoc pacto : Omne corpus naturale aliquem motum naturalem debet habere, *ex primo cali text. 5.* sed nullum corpus infinitum potest esse naturaliter mobile : ergo implicat corpus naturale secundum magnitudinem infinitum. Prob. minor, vel moveretur motu recto, vel circulari ; sed nullo ex his : ergo nullum corpus infinitum potest esse naturaliter mobile. Prob. minor, imprimis non moveretur motu recto : quod prob. nam nihil sic movetur, nisi cum est extra locum suum, seu acquirit unum, & derelinquit alium, ut ad sensum patet ; sed tunc non posset unum derelinquere, & aliud occupare de novo, quia cum esset infinitum occuparet omnem locum : ergo non posset moveri motu recto. Deinde neque circulari. Quia in motu circulari oportet, quod una pars corporis transferatur

654 *Quest. VII. De Infinitate Dei*,  
ad locum, in quo fuit alia pars ; sed hoc in corpore circulari , si ponatur infinitum , esse non posset : ergo non moveretur motu circulari. Prob. min. lineæ circuli à centro protractæ , quanto longius protrahuntur , tanto magis distant : ergo in corpore infinito distarent inter se infinitè : ergo nunquam una perveniret ad locum alterius.

---

## C A P V T I I.

*Nullum corpus mathematicè acceptum posse  
esse secundum magnitudinem infinitum  
statuitur , & probatur.*

- II. **S**ECUNDA conclusio D. Thomæ est : non potest dari corpus mathematicum secundum magnitudinem infinitum. Probat S. D. hac ratione : Oportet quod corpus mathematicum si ponatur actu existens , habeat aliquam formam ; sed forma quanti est figura : ergo oportet quod habeat aliquam figuram ; sed figura necessariò importat terminationem quantitatis ex qua resultat : ergo necessariò erit terminata ; sed quod est actu terminatum terminis alicujus generis non est actu infinitum in illo genere : ergo non potest dari corpus mathematicè sumptum , actu infinitum. Major prob. quia nihil potest poni in re actu existens , nisi sub aliqua forma : ergo si ponatur corpus mathematicum actu existens , & in re , debet poni sub aliqua forma. Ant. prob. ex eodem S. D. *ibid. insolut. ad 2.* non potest poni actu existens nisi sub aliquo genere entis ponatur :  
sed

sed in re nihil est sub genere, quod in re sub aliqua illius specie determinata non ponatur: ergo debet poni in re sub aliqua specie, quæ sit natura certa, & determinata: sed non est natura certa, & determinata nisi per formam: ergo nihil potest poni in re actu existens nisi sub aliqua forma: ergo si ponatur in re quantitas mathematicè sumpta actu existens, debet poni sub specie bicubiti, tricubiti &c. Recole quæ diximus supra, nimirum genera non existere, sed primo & per se existunt actu singularia, consequenter species, & tandem genera: Primò enim & per se existit actu hic homo: consequenter homo, dein animal &c. Si ergo ponatur quantitas actu existens, erit hæc quantitas: ergo erit sub aliqua specie quantitatis, quia genus non existit in re nisi in suis speciebus.

Contra hanc rationem instat P. Vasquez, primò: quamvis corpus mathematicum in sola cogitatione infinitum esse nequeat, quia semper à nobis apprehenderetur instar aliorum, quæ finita sunt: hinc tamen colligitur reipsa à Deo fieri non posse, multa enim quæ cogitare non possumus, à Deo fieri non repugnant: plus enim potest Deus facere, quam intellectus creatus possit cogitare. 2. quia etiam ex parte nostræ cogitationis non repugnat; nam facile apprehendimus vastitatem aliquam, sive magnitudinem extra cælum sine ullo termino: nihil ergo repugnat quominus corpus mathematicum infinitum à Deo produci possit. Ad has instantias multi multa adducunt, quæ meo iudicio non satis ingenuè mentem S. D. attingunt. Quibus omissis nota quod S. D. non lo-

12

quitur de corpore mathematico secundum eam-  
 rationem qua habet esse tantum in ratione ab-  
 strahente, & non in re, ut perperam existimat  
 P. Vasquez, sed loquitur de existentia in re: &  
 venit sic intelligendus: sicut mathematica ha-  
 bent esse actu solum in ratione, cum abstrahant  
 à materia sensibili; si demus quod sic abstracta  
 à corpore naturali, seu substantia corporea,  
 producantur actu à Deo, & ponantur in re exi-  
 stentia, sicut existunt tantum in intellectu; non  
 possunt poni actu infinita; Et ratio D. Thom. ef-  
 ficaciter hoc probat; illud infinitum erit in ge-  
 nere quantitatis; sed in re non ponitur actu exi-  
 stens aliquod genus, nisi in aliqua specie deter-  
 minata: ergo illa quantitas quæ ponetur actu  
 existens, necessario erit aliqua species determi-  
 nata quantitatis, in aliquo ejus individuo: ergo  
 habebit aliquam figuram, & terminationem;  
 ergo non erit actu infinita. Quod autem hæc sit  
 mens D. Thom. sumitur ex verbis ejusdem in  
 corp. ubi ait; *Si imaginemur corpus mathemati-*  
*cum existens actu, oportet quod imaginemur ipsum*  
*sub aliqua forma; quia nihil est actu nisi per suam*  
*formam.* Vbi loquitur de existentia in re, quæ est  
 à forma ut latè probavimus supra; quia nihil  
 actu existit, nisi sit certa natura, & determina-  
 ta, & non est determinata actu, & formaliter  
 nisi per formam. Et in solut. ad 2. inquit: *Lices*  
*infinitum non sit contra rationem magnitudinis in*  
*communi, est tamen contra rationem cujuslibet*  
*speciei ejus; scilicet contra rationem magnitudinis*  
*hicubita, vel tricubita; sicut circularis, vel*  
*triangularis, & similium; non autem est possibile*  
*in genere esse, quod in nulla specie est. Unde non*  
*est possibile esse aliquam magnitudinem infinitam,*

*Art. III. An aliquod pos. esse inf. &c. Cap. II. 657*  
*cum nulla species magnitudinis sit infinita.* Vbi de  
 existentia in re loquitur, nam per intellectum  
 bene possum concipere aliquod genus non de-  
 terminando ipsum ad aliquam ejus speciem; quia  
 primò intelligitur genus, deinde species; sed in  
 re primò ponitur singulare, consequenter spe-  
 cies, tandem genus, & cum non ponatur poste-  
 rius nisi posito priori in re, & actu non ponitur  
 species existens, nisi in singulari, neque genus nisi  
 in specie. Ex quibus patet solutio ad objec-  
 tionem P. Vasquez, quæ procedunt contra corpus  
 mathematicum, ut habet esse in intellectu, &  
 imaginatione; quod neque somniavit D. Thom.  
 Nam quæstio est de reali productione fienda à  
 Deo; & in sententia D. Thomæ nihil est produci-  
 bile actu, nisi sub statu singularitatis, in quo  
 rei competit determinatè existere.

Et melius percipies efficaciam hujus ratio-  
 nis, si perpendas id quod adduximus ex S. D.  
 quodlib. 12. *nimirum quod infinitum repugnat ex*  
*modo quo Deus agit; quia, inquit, Deus agit per*  
*intellectum, & verbum quod est formativum om-*  
*nium; unde oportet, quod omnia, quæ egit, sine*  
*formata.* Quæ ratio sistit in hoc; quod verbum,  
 & intellectus, qui est ratio producendi, seu in  
 quo omnia producuntur, est idea, & forma  
 practica, quæ necessariò respicit esse actu, &  
 determinatum in re: ergo si produceret Deus  
 infinitum produceret illud ut formatum, &  
 determinatum in re; sed quantitas non est de-  
 terminata in re mathematicè, nisi sit determi-  
 nata figuræ, & physicè non est determinata,  
 nisi habeat determinatum esse in subiecto, &  
 ab eo ut causa: ergo deberet esse determina-  
 ta figuræ.

## CAPUT III.

*Solvuntur argumenta.*

14. **A**rguitur primò, non repugnat infinitum in potentia; quia in quolibet continuo sunt infinitæ partes proportionales unitæ indivisibilibus, aliàs penetrarentur: ergo neque repugnat infinitum in actu. Consequentia prob., quia ex possibili posito in actu nulla sequitur repugnantia.
15. **C**onf. **Q**uantitas ex se nullum petit terminum, & idèd potest magis, ac magis extendi: ergo & in infinitum si extendatur, non propterea amittet essentialem quantitatis rationem.
16. **R**esp. ad argum. ex S. D. 1. sent. dist. 19. q. 2. a. 1. & D. Alberto Magno *lib. 3. Phys. tract. 2.* quod aliquid dupliciter dicitur esse in potentia; primò in potentia finita ad unum actum purum; ita quod cum est in actu illo nihil remanet de potentia ad actum illum; sicut æs dicitur in potentia statua idoli, & sperma in potentia dicitur homo. Alio modo dicitur aliquid in potentia non per ordinem ad actum purum, & finientem completè ipsam potentiàm, sed ad actum permixtum potentiæ ad eundem actum, & hæc sunt quorum esse est in fieri, ut motus qui est actus existentis in potentia secundum quod est in potentia; unde relinquit semper mobile in potentia ad actus succedentem particulam. Dico ergo quod non repugnat infinitum in potentia, ad actum potentiæ permixtum, & in fieri;

*Art. III. An aliq. pos. esse inf. &c. Cap. III. 659*  
fieri ; benè verò potentia ad actum purum , & completum , seu simpliciter. Vnde loquendo de infinito simpliciter negatur consequentia. Ad cuius probationem respondetur quod ex possibili posito in actu secundum modum exigentiæ ipsius potentiæ nullum sequitur inconveniens : & si est possibilitas ad actum purum , & simpliciter , potest poni actus simpliciter. Si est actus potentiæ permixtus , sicut in successivis , hoc modo poni debet.

Respond. ad confirm. quod quantitas in re, 17.  
& ut sequitur ad substantiam , seu secundum esse petit terminum ; licet in potentia in infinitum divisibilis sit secundum partes rationis , & proportionales.

Argument. 2. non repugnat dari infinitum 18.  
in actu , neque ex parte potentiæ divinæ , quia hæc infinita est , neque ex parte facti : ergo &c. Probatur antec. 1. quia infinita magnitudo non est infinitas simpliciter , sed in genere determinato & essentiam habet finitam ; & positam in prædicamento ; verbi gratiâ si daretur linea infinita , esset intra genus lineæ : esset enim extensa secundum longitudinem , etsi termino careret. Prob. 2. quia omnis magnitudo creabilis collectivè sumpta est infinita , & si de facto omnis illa crearetur esset actu infinita : ergo non repugnat ex parte facti.

Confirm. Quia virtus divina ad producendum magnitudinem est infinita , & si operaretur ex necessitate naturæ ; & ageret secundum ultimum suæ potentiæ produceret magnitudinem actu infinitam : ergo etiam modo liberè operans potest illam actu infinitam producere. 19.


Respond.

20. Respond. ad arg. quod non repugnat neque ex parte potentiae infinitae, secundum se sumptae; neque ex parte facti absolute; sed ex parte modi quo Deus essentialiter est operans, per intellectum scilicet, & verbum quod est formativum omnium: unde oportet, ut omnia, quae agit, sint formata: si autem infinitum actu daretur non esset formatum, ut latè ex S. D. *quodlib. 12. quest. 2. art. 1.* supra explicuimus. Ad 1. prob. dist. antec. si daretur linea simpliciter infinita in actu physice, & in re non esset finita secundum essentiam formaliter & praecisa ratione lineae, transeat; ut sequitur ad substantiam, nego: oporteret enim quod substantia illa secundum essentiam esset finita. Vnde simpliciter, & physice non poneretur in genere quanti; quia sic de ratione ejus est quod sit modus substantiae corporeae in re afficiens ipsam, vel ad ipsam consecutus; ad eam, ut habet esse in re. Ad secundam prob. dico quod omnis magnitudo creabilis collectivè sumpta secundum se est infinita actu non secundum actum purum, sed secundum actum permixtum potentiae, & si de facto ille crearetur, esset infinita in actu secundum actum potentiae permixtum: quod est esse secundum quid actu, & non simpliciter. Cuilibet enim potentiae correspondet proprius actus, & talis actus est correspondens infinitae magnitudini potentia creabili. Et licet secundum intellectum speculativum Deus cognoscat in se infinitam actu magnitudinem, non tamen secundum intellectum practicum: prout scilicet contemplatur operabilia, ut subsunt intellectui practico, veluti actioni divinae, de cujus ratione est quod operetur per  
ideam



*Art. IV. An possit esse mult. infin. in rebus.* 661  
ideam formata in re, & determinata secundum  
esse.

Respond. ad confirm. neg. conseq. quia in 21.  
modo operandi liberè importatur modus deter-  
minativus effectus in re, quia tunc operatur  
per verbum practicum suum, quod est forma-  
tivum, & determinativum omnium in nu-  
mero, pondere & mensura. Quod non con-  
tingit in agentibus necessariis, quæ secundum  
totum suam virtutem operantur. Si impedita  
non sint.



## ARTICVLVS QVARTVS.

*Utrum possit esse multitudo infinita  
in rebus.*

**S**ERMO est de multitudine universa-  
liter dicta, siue sit in genere, sicut  
rerum quantitativarum multitudo,  
quæ ex divisione continui causatur:  
siue extra genus, ut multitudo Angelorum,  
aliarumque rerum spiritualium. Duplicem de  
hac re Sanct. Doct. apud antiquos Philoso-  
phos invaluisse refert. Prima fuit Avicen-  
næ, & Algazelis asserentium quod impossibile  
quidem sit esse multitudinem actu infinitam  
per se: sed actu infinitam per accidens non re-  
pugnare.

Circa quod notandum est, quod multitudo 2.  
infinita impræsentiarum æquipollet multitu-  
dini infinitæ causarum essentialiter subordina-  
tarum inter se in ordine ad aliquid tertium  
causandum. Multitudo autem infinita per acci-  
dens

dens æquipollet multitudini rerum, seu causarum non ordinarum essentialiter inter se; sed accidentaliter dumtaxat. Rem exemplo manifestat Sanct. Doct. dicens: Et hoc sic manifestari potest in operatione fabri ad quam quædam multitudo requiritur per se, scilicet quod sit ars in anima, & manus movens, & martellus: & si hæc in infinitum multiplicarentur, nunquam opus fabrilis completeretur: quia dependeret ex infinitis causis. Sed multitudo martellorum, quæ accedit ex hoc quod unum frangitur, & accipitur aliud, est multitudo per accidens. Accedit enim quod multis martellis operetur, & nihil differt, utrum uno, vel duobus, vel pluribus operetur, vel infinitis, si infinito tempore operaretur: per hunc igitur modum posuerunt quod possibile est esse actu multitudinem infinitam per accidens.

3. Secunda sententia asseruit repugnare infinitam multitudinem in actu, non modò per se, sive in essentialiter subordinatis, sed etiam per accidens. Quoad primum omnes Philosophi convenerunt: nam si oppositum admitteretur, ut deducit Philosoph. 7. *metaph.* omnis causalitas tolleretur: Quoniam in his secunda dependet à prima in causando, in infinito autem non datur primum; posse tamen esse multitudinem in actu per accidens infinitam.

4. Dicendum est tamen implicare, seu impossibile esse, quòd detur infinitum in actu secundum multitudinem. Ita S. D. tum hîc, tum *quodlib. 9. art. 1.* Probat in *sed contra* ex illo Sapient. 11. *Omnia in pondere, numero, & mensura disposuisti*, D. Augustin. 4. *sup. Genes. ad lib. cap. 3.* *Mensura, inquit, rei modum præfigit, & numerus omni*

*Art. IV. An possit esse mult. infin. in rebus. 663*  
*omni rei speciem prabet.* Sed quod est in deter-  
minata specie multitudinis non potest actu esse  
infinitum, ut probatur *in corp.* igitur nequit dari  
multitudo actu infinita.

Probat Sanct. Doct. *in corp.* primò ; quia 5.  
omnis multitudo actu existens est in aliqua  
specie multitudinis : ergo est in aliqua specie  
numeri ; quia species multitudinis sunt secun-  
dum species numerorum ; sed omnis species nu-  
meri est finita, quia numerus est multitudo men-  
surata per unum : ergo implicat dari multitu-  
dinem infinitam. Antecedens satis superque  
patet ex his , quæ diximus supra ; Prima con-  
seq. difficultatem patitur non modicam ; nam  
multitudo est quid communius quam nume-  
rus ; ea propter etiam alias species præter nu-  
merum habere debet , datur enim multitudo  
Angelorum , quæ propriè non est numerus  
quantitativus ; unde non concluditur ex eo  
quod sit in aliqua multitudinis specie , quod sit  
etiam in aliqua specie numeri ; sicut ex eo quod  
sit in aliqua specie animalis , non rectè infer-  
tur , quod sit necessariò in specie humana ;  
potest etenim esse in Leonina ; deinde esto mul-  
titudo infinita sit secundum aliquam speciem  
numeri , non tamen si ponatur esse multitudo  
actu infinita ; nec enim hæc mensurabilis erit  
per unum , sicut numerus finitus. Alias instan-  
tias similes adducit P. Vasquez apud Nazarium  
*ibid. contr. 1.* Pro quarum solutione interpretes  
multa adducunt.

Recolenda sunt ea quæ diximus tom. 2. 6.  
clyp. philosoph. quæst. 6. art. 4. ex Sanct. Doct.  
nimirum quod *numerus absolutus a rebus* , non  
*est nisi in intellectu* ; ut autem est rebus concre-  
tus,

tus, est à parte rei ; unde absolutus à rebus non potest produci actu in re, sed producitur, ut concretus rebus. Dupliciter autem numerus res ipsas importat ; nimirum signatè, & exercitè ; quatenus importat exercitè est ens per accidens ; ut autem eas importat signatè, est ens per se, & ejus ultima unitas ut subordinans sibi alias est forma ejus, ac per consequens mensura ; per ultimam enim unitatem dignoscitur numeri species certa ; verbi gratia quaternitas ut concreta rebus est mensura qua dignoscuntur, & mensurantur tot res. Licet autem quantitas discreta seu multitudo logicè habeat plures species, non verò physicè ; nec enim oratio distinctam speciem physicè constituit ab ipso numero ; ut ibidem docuimus §. 2.

7. Modo percipies facilè acumen, & pondus rationis Angelicæ Sanct. Doct. cum dicit ; omnis multitudo actu existens est in aliqua specie multitudinis : ergo est in aliqua specie numeri. Nam multitudo actu existens, est multitudo physicè sumpta ; & multitudo, licet logicè habeat alias species, non tamen physicè ; ergo optimè concludit Divus Thomas loquendo de multitudine physica, quod species multitudinis sunt secundum species numerorum. Et cum numerus non sit in specie determinata nisi per ultimam unitatem, ut sibi subordinat alias, & totum numerum mensurat, oportet quod quilibet numerus actu existens sit finitus, & limitatus in re. Vnde ad 1. instantiam. Resp. dist. ant. multitudo est quid communius &c. si sumatur Logicè, concedo : Physicè, nego : Logicè autem non ponitur numerus actu in re existens, sed Physicè. Ad 2. dico quod implicat quod ponatur

natur

*Art. IV. An possit esse mult. infin. in rebus.* 66 §  
natur numerus, & non ponatur in specie determinata numeri, Physicè loquendo: quia nihil est in genere, quod in re non sit in aliqua ejus specie determinata. Si autem ponatur in specie determinata, eo ipso jam habet ultimam unitatem finientem, & mensurantem.

Secunda ratio Divi Thomæ procedit in hunc modum. Multitudo in rerum natura existens est creata; sed omne creatum sub aliqua certa intentione creantis comprehenditur; non enim in vanum Deus aliquid operatur: ergo necesse est quod sub certo numero omnia comprehendantur; sed quod sub certo numero comprehenditur, non potest esse actu infinitum: ergo impossibile est esse multitudinem infinitam in actu. Prima minor prob. ex illo sapient. cap. 11. *omnia in pondere, numero, & mensura disposuisti.* 8.

Respond. P. Vasquez, quod quamvis quolibet creatum sit terminus alicujus certæ intentionis, & operationis ipsius creantis, multa tamen creata non oportet esse terminum alicujus certæ intentionis, & operationis, sed multarum intentionum, & operationum; & sic infinita creata erunt termini infinitarum intentionum, sicut & creationum. Et si instetur quod tota rerum universitas non potest habere nisi rationem unius creati primò intenti. Negat, quia hujusmodi rerum universitas non una, sed pluribus rerum singularum productionibus producitur. Et cum Deus perspicaci intellectu, & omnipotenti voluntate; quæ falli, aut deficere nequeunt, omnia operetur; non minùs universa illa rerum multitudo sub certam Dei voluntatem, & cognitionem caderet, quam si

si finita esset. Contra, esto Deus per intellectum suum præcognoscat infinita, & voluntas ejus efficax absolutè considerata infinita possit, tamen ut in exercitio agit & producit creata illa, necessariò debet producere illa ut formata; quia agit in re per verbum suum, tanquam per ideam practicam, idea autem est quædam forma ad quam artifex respiciens operatur conformiter ad eam; sed omne quod est in re formatum habet terminum in re, & finem: ergo in re data qualibet multitudine creata necessariò debet esse terminata, sub certa intentione comprehensa, quatenus in exercitio Deus agit per verbum suum tanquam per ideam practicam, & formam operativam.

10. Conf. intentio non est quilibet actus quo voluntas vult finem absolute, sed secundum quod est terminus alicujus quod in ipsum ordinatur; non enim ex hoc dicimur intendere sanitatem, quia absolutè volumus illam; sed quia volumus ad eam per aliquid aliud pervenire, ut explicat D. Thomas 1.2. q.12. art. 1. ergo data qualibet multitudine creata, ut finis intentionis divinæ, in executione debet habere rationem termini: ergo alicujus finiti. Quia omne illud quod habet terminum, vel est terminus, finitum est in eo genere, quo in re est terminus productus.

11. Conf. 2. quia terminus intentionis in exercitio, seu executione necessariò est aliqua forma, unde forma, & finis ex Philosopho coincidere dicuntur: ergo si multitudo illa crearetur cum esset terminus in executione illius intentionis, vel illarum, necessariò in re aliquam multitudinis formam haberet; sed quodlibet per propriam formam finitur ad certam speciem, & naturam  
in

*Art. IV. An poss. esse mult. infin. in rebus. 667*  
 in re; ergo illa multitudo creata in re necessariò  
 esset finita. Itaque ad instantiam istam: Resp.  
 omissis aliis solutionibus, quæ videri possunt  
 apud M. Nazarium 1. p. 9. 7. art. 4. tom. 1. quod mul-  
 ta creata, possunt sumi dupliciter primò absolute;  
 secundò ut terminant intentionem Dei agentis  
 per verbum suum, & intellectum practicum in  
 exercitio; primò modo non sunt termini certæ  
 intentionis, sed in infinitum multiplicari pos-  
 sunt; quia solùm respiciuntur voluntate absolute  
 sumpta, & cognitione proponente; sed secundò  
 modo impossibile est, quod non sint in re termi-  
 ni certæ, vel certarum intentionum; quia sic  
 respiciuntur à voluntate Dei cum ordinatione  
 practica, & per intellectum practicum, qui in re,  
 & exercitio non agit nisi aliquid formatum, cum  
 hoc sit finis intellectus practici. Et hoc fefellit  
 P. Vasquez. Quia quidquid in re producit, pro-  
 duci debet cum certa actualitate, cum non pro-  
 ducatur esse, vel actus, ut sic; ergo cujusslibet  
 multitudinis in re productæ per intellectum pra-  
 cticum, & voluntatem supponentem ordinatio-  
 nem intellectus, necessariò debet esse certa actua-  
 litas, & certum esse; quod in re sit finis opera-  
 tionis illius directæ per intellectum practicum.

Objicies: in quolibet instanti unius horæ  
 potest Deus creare unum Angelum, vel ani-  
 mam rationalem; sed sunt infinita instantia  
 unientia infinitas partes proportionales: ergo  
 essent actu creati infiniti Angeli vel animæ. Et  
 si dicatur, quod non sunt infinita instantia phy-  
 sicè & in re, seu signata sed proportionalia;  
 Contra, quia ex D. Thom. 1. p. 9. 46. art. 2. & opusc.  
 27. potuit Deus mundum ab æterno creare; sed  
 in primò instanti, & quolibet alio subsequenti



# I N D E X

RERVM ET VERBORVM,  
Quæ in hoc Tomo continentur.

*Primus numerus paginam , secundus  
verò notas marginales designat.*

## A

*Abailardus.*



BAILARDI Error de Theologia,  
pag.201.n.3

*Accidens.*

In Deo nullum est accidens, pag.471.  
num.1. & seqq.

*Actus.*

Quilibet actus exequendus est secundum quod  
convenit ad suum finem , pag.218. n.31. &  
seqq.

*Anabaptista.*

Anabaptistarum error & cur Bibliſtæ vocati,  
p.203.num.6

*Apocryphi libri.*

Quinam dicti , & quid significet hoc nomen,  
p.265.n.68. & 69

*Argumentum.*

Decem argumentorum fontes recensentur & in  
tres reducuntur,

p.222.n.39.& 40

T t 2



# INDEX RERVM

*Arnaldus.*

Illius error, in Deo esse quippiam compositum,  
p.476.n.1

*Arthemonita.*

Error Arthemonitarum de Theologia, p.201.n.2

*Atheista.*

Atheistarum error, & Origo, p.332.n.1. & seqq.  
usque ad p.338

*Attributum.*

Quid sit, & ejus definitio, p.410.n.103. & 104.  
& seqq.

*Audius vel Andaus.*

Illius error de Deo. p.417.n.4

## B

*Bibilista.*

**Q**ui vocati Bibilistæ, & quare, pag.203.n.6

*Bonum.*

Boni definitio, p.579.n.5

Bonum ab omnibus appetitur, ibid.

Bonum & eas sunt idem secundum rem, p.580.  
num.5

Bonum differt ab ente, p.582.n.9

Bonum est perfectio absoluta fundans ordinem  
convenientiæ ad appetitum, p.586.n.22

Ratio Boni consistit in modo, specie, & ordine,  
p.603. n.1. & seqq.

Bonum convenienter dividitur, p.609. n.1. &  
seqq.

An Bonum conveniat Deo, p.613.n.1. & seqq.

An esse bonum per essentiam sit proprium Dei,  
p.621.n.1. & 2. & seqq.

Deus est summum bonum simpliciter, p.617.  
n.2. & seqq.

*Bonitas.*

# ET VERBORVM.

*Bonitas.*

Omnia sunt bona bonitate divina, p.629. n.4.  
& seqq.

C

*Calvinus.*

**C**Alvini error de Theologia, p.201.n.3  
*Canonici libri.*

Qui sint, p.263.n.65

*Causa.*

An causa quo universalior eo ad plura se exten-  
dat, p.139.n.15.& seqq.

*Carlostadius.*

Carlostadij error de Theologia, p.203.n.6

*Christus.*

Cur Christus factus Homo, p.5.n.4

Cur Christus Scala dicitur, ibid.

*Corpus naturale.*

Non potest esse infinitum secundum magnitudi-  
nem, p.647.n.2.& seqq.

Neque mathematicè, p.654.n.11.& seqq.

*Creatura.*

Creatura quælibet assimilatur Deo, p.569.n.3.  
& seqq.

Creaturis Deus duplices rationes indidit, p.77.  
num.95

D

*Deus.*

**Q**Vid significat hoc nomen *Deus*, pag. 444.  
num.2.& seqq.

Deum esse idem in re quod sua natura vel essen-  
tia probatur, p.449.n.10.& seqq.

Necessarium esse Deum ponere probatur, pluri-  
mis rationibus, p.339.n.9.& seqq. usq; ad p.359

T t 3

# INDEX RERVM

Objectiones contrariæ refelluntur, p. 359. n. 39. & seqq.

An Deum esse sit per se notum & per rationem demonstrabile, p. 313. n. 5. & seqq. & p. 322. n. 1. & seqq.

Argumenta contraria refelluntur, p. 329. n. 12. & seqq.

Deum non esse corpus probatur, p. 419. n. 7. & seqq.

Argumenta contraria rejiciuntur, p. 425. n. 13. & seqq.

An sit compositus materia & forma, & negativa opinio probatur, p. 438. n. 32. & seqq.

An Deus in compositionem aliorum veniat: Errores antiquorum, & non venire probatur, p. 488. n. 1. & seqq. usque ad p. 492

Deus est sua essentia & suum esse, p. 453. n. 2. & seqq.

Deus non continetur in aliquo genere propriè, p. 459. n. 2. & seqq. usque ad p. 467

Argumenta adversaria diluuntur, p. 468. n. 11. & seqq.

## *Deuterocanonici libri.*

Quinam sint & explicatio hujus nominis, p. 265. n. 68. & 69

## *Disciplina physica, seu demonstrativa scientia.*

An præter physicas disciplinas sit alia scientia necessaria ad contemplationem Dei, pag. 18. n. 6. & seqq.

Aliam necessariam esse probatur, p. 20. n. 9. & seqq.

## *Doctor.*

Cur Doctores sacri in scriptura nominentur Ecclesiæ mainmæ & ubera,

p. 4. n. 3  
*Doctrina.*

## ET VERBORVM.

*Doctrina.*

Doctrinâ religionis agnitio Dei comparatur , &  
cultus ei impenditur, p.3.n.2

*Doctrina Sacra.*

Quid intelligendum nomine *Doctrina Sacra*,  
p.16.n.3. & seqq.

Plura nomina Sacræ Doctrinæ, p.17.n.4. & seqq.  
Ejus necessitas ad perfectam divinorum cognitionem,  
p.23.n.12

Illius principia , & differentia à principiis physicae disciplinæ , & in quibus convenit, p.49. usque ad 57

Ab Apostolis in SS. Patres & Ecclesiæ Doctores doctrina sacra est derivata , p.7.n.6

An sit una vel plures , p.129. usque ad 134

Esse unam specie scientiam probatur, p.134.n.8. & seqq.

Quare doctrina sacra sit ad salutem necessaria quoad modum perfectæ cognoscendi veritates divinas,  
p.24.n.14. & seqq.

Ejus operatio , utilitas, & effectus , pag.26. per totam.

Ejus origo , p.35.n.31

Ad fidem nutriendam est necessaria, p.30.n.22

Argumenta contraria diluuntur, p.31. & seqq.

Doctrinæ sacræ convenit uti metaphoris, p.271. n.81. & seqq.

E

*Ens.*

**E**Ns est secundum rationem prius quam bonum, p.589.n.4. & seqq.

Omne ens inquantum ens est bonum , pag.593. num.1

# INDEX RERVM

An ens habeat rationem causæ finalis , [p.598.](#)  
[n.1](#) & seqq.

*Epicurus.*

Illius error de Deo , [p.416.n.2](#)

*Erasmus.*

Erasmi opinio de Theologia , [p.203.n.7](#)

*Essentia.*

Quid sit essentia , [p.452.n.1](#)

Per quid essentia Dei metaphysice constituatur ,  
[p.362.n.45.&](#) seqq.

Modi dicendi rejiciuntur , [p.365. n.50.](#) & seqq.  
 usque ad p.382

*Ethnici.*

Ethnicorum error de Deo , [p.416.n.2](#)

F

*Felicianus.*

**F**eliciani secta Arriani error , [p.202.n.4](#)  
*Fides.*

Quid sit de ratione fidei , [p.57.n.70](#)

An fides acquisita , vel infusa articulorum fidei  
 sufficiat ad causandum Theologiæ habitum.  
[p.56.n.72.&](#) seqq.

Objectiones contrariæ dissolvuntur , [p.64.n.79.](#)  
 & seqq.

G

*Gentiles.*

**V**Ti argumentis contra Gentiles,& paganos  
 maximè expediens, & [quare,p.215.n.24.](#)  
 & seqq.

Modus aprior arguendi , [p.218.n.29](#)

*Gentiles Philosophi.*

Inanes rationes & argutæ Gentilium Philo-  
 sophorum

## ET VERBORVM.

sophorum de Sacra Theologiæ Doctrina, p. 91.  
num. 1

*Gilbertus.*

Illius error,

[p. 520. n. 34](#)

H

*Homo.*

**C**Vt homines cadunt in multiplices religio-  
nes, [pag. 3. n. 2](#)  
Quando homo adimplet suum [officium, p. 4. n. 3](#)  
Homini solidatum est contueri divina & intel-  
ligere, [p. 3. n. 2](#)  
Cur homo à Deo conditus, [pag. 18. num. 6](#)

I

*Idololatria.*

**O**Rigo Idololatriæ, [p. 41. n. 43](#)  
*Infinitus, Infinitum.*  
Infinitum quotuplex, [p. 633. n. 2. & seqq.](#)  
Deus est infinitus, [p. 636. n. 7. & seqq.](#)  
Aliquid præter Deum potest esse infinitum se-  
cundum quid, sed non simpliciter secundum  
substantiam, [p. 641. n. 2. & seqq.](#)  
Nullum corpus naturale potest infinitum secun-  
dum magnitudinem, [p. 647. n. 2](#)  
*Intellectualitas, Intellectus.*  
Intellectualitas assignatur pro constitutivo na-  
turæ divinæ, [p. 382. n. 75. & seqq.](#)  
Plura argumenta solvuntur, pag. [395.](#) usque ad  
[pag. 410](#)  
Vt Intellectus assentiat quæ requirantur, [p. 60.](#)  
num. 73

*Libri*

# INDEX RERVM

## L

### *Libri Canonici.*

- Q**ui sint libri canonici, p.263.n.65  
 Quinam Protocanonici & quid significet  
 hoc nomen, p.264.n.66  
 Quinam Deuterocanonici & quid significet hoc  
 nomen, p.264.n.67  
 Quinam libri dicti Apocryphi & quid significet  
 hoc nomen, p.265.n.68. & 69

### *Lutherus.*

- Quid de Theologia sentit, p.91.n.1  
 Lutheri error de Scholastica Theologia, p.202.  
 num.5

## M

### *Mahometes.*

- E**rror Mahometis de Theologia, p.200.n.2  
*Manichæus, Manichæi.*  
 Error Manichæi de Theologia, p.201.n.2  
 Eorum error, de Deo, p.418.n.5

### *Melancton.*

- Philippi Melancton error de Theologia, p.203.  
 num.6

### *Metaphora.*

- Quid est Metaphora, p.269.n.75  
 Doctrinæ sacræ convenit uti metaphoris, p.271.  
 n.81.& seqq.

### *Miraculum.*

- Quædam Miracula in favorem Sacræ Scripturæ,  
 p.240.n.16

### *Multitudo.*

- Non datur multitudo infinita, p.662. num. 4. &  
 seqq.

### *Natura*

# ET VERBORVM.

## N

### *Natura Rationalis.*

**A**D quid natura rationalis facta, p.1.n.1  
In quibus similis & dissimilis cæteris ani-  
malibus, p.2. ibid.

## P

### *Pagani.*

**M**Aximè expediens contra Paganos uti ar-  
gumentis & quare, p.215.n.24. & seqq.  
Arguendi modus aptior, p.218.n.29

### *Parabola.*

Quid est parabola, p.276.n.77. & seqq.

### *Perfectio.*

Perfectio alicujus rei ex duplici capite potest  
attendi, p.436.n.30

Quid exprimit perfectio, p.498.n.1

Quot modis perfectio potest esse in causa, p.503.  
n.7. & seqq.

Perfectiones omnes simpliciter simplices in Deo  
reperiuntur, p.505.n.10. & seqq.

An perfectiones seu attributa in Deo distin-  
guantur, Antiquorum sententiæ. p.514.n.23

Et non distingui realiter ex natura rei probatur,  
p.519.n.33. & seqq. & p.528.n.49. & seqq.

Sed distingui ratione ratiocinata, p.540.n.62. &  
seqq.

### *Perfectus, Perfectum.*

Quot modis aliquid dicitur secundum se perfe-  
ctum, p.493.n.1

Deus maximè est perfectus simpliciter & uni-  
versaliter, p.494.n.2. & seqq. & p.499.n.2. &  
seqq.

### *Propositio.*



# INDEX RERVM

## *Propositio.*

Quid sit propositio per se nota, & quot modis dicitur, p.310.n.1.& seqq.

## *Protocanonici libri.*

Quinam dicti, & quid significat hoc nomen, p.264.n.67

## R

### *Ratio.*

**R**atio perfecta in homine sapientia nominatur, p.3.n.3

### *Religio.*

Cur homines cadunt in multiplices Religiones, p.3.n.2.

## S

### *Saducei.*

**S**aduceorum error, p.109.n.17

### *Salus.*

Quid intelligendum nomine *Salus*, p.18.n.6

### *Sapientes.*

Cur in errores prolapsi, p.23.n.12

### *Sapientia.*

An contra scientiam dividatur, p.175.n.1

Humana sapientia quotuplex, p.177.n.3.& seqq.

Theologia est maximè sapientia, p.178.& seqq.

### *Sensus.*

Quot modis accipitur, p.280.n.1

Sacræ Scripturæ quadruplex, p.281.n.3

An sub littera una plures sensus litterales possint contineri, p.293.n.32.& seqq.

An præter quatuor sensus Sacræ Scripturæ detur accommodatitius, p.301.n.46.& seqq.

### *Simplex, simplicitas.*

Deus est omnino simplex, p.477.n.2.& seqq.

An simplicitas sit perfectio attributalis Dei, p.486.n.20

## ET VERBORVM.

An sit proprium Dei esse omnino simplex, p. 486.  
num. 21

### *Scientia.*

Quælibet scientia virtute in suis principiis tota  
continetur, p. 75. n. 92

Scientia duplici principio comparatur, p. 76. n. 93

Quomodo tota scientia in principiis contineri  
dicatur, p. 191. n. 12

Finis cujusslibet scientiæ quinam sit, p. 130. n. 3.  
& seqq.

Scientia practica & speculativa in quibus dif-  
ferant & convenient, p. 150. n. 2

Quot modis potest dici practica vel speculativa,  
p. 162. n. 19

Quæ consideranda veniant in scientia nostra,  
p. 117. n. 43

### *Scientia subalternata.*

Quando dicitur scientia subalternata, & quot  
modis hoc contingit, p. 108. n. 28

### *Scriptores sacri.*

An fuerint in scribenda Spiritus Sancti instru-  
strumenta, p. 256. n. 48. & seqq.

### *Scriptura Sacra.*

Scriptura cur Sacra, & Sancta nominata,  
p. 228. n. 2

Negantes authoritatem scripturæ referuntur,  
p. 229. & 230. n. 4

Scriptura Sacra à Deo inspirata, vereque verbum  
ipsius, p. 231. n. 5. & seqq.

Objectiones solvuntur, p. 241. n. 19. & seqq.

Divisio Sacræ Scripturæ, p. 261. n. 62

An Scriptura Sacra à Deo fuit inspirata, & in-  
spiratam esse à Deo multipliciter potest in-  
telligi, p. 250. n. 33. & seqq.

Competit illi sub uno sermone plures sensus  
habere, p. 281. n. 3. & seqq. & p. 285. n. 10.

# INDEX RERVM

## T

### *Theologia.*

- Q** Vid significet, pag. 56. n. 32. & seqq.  
 Duplex Theologiæ modus, p. 37. n. 36  
 Triplex antiquorum Philosophorum genus  
 Theologiæ, p. 38. n. 37. & seqq.  
 Theologiam cum primis Parentibus ortam esse  
 Patres ostendunt, p. 40. n. 42  
 Divisiones Theologiæ, p. 42. n. 45. & seqq.  
 Cur hæ Scholæ institutæ in primitiva Ecclesia,  
 p. 46. n. 52  
 Quæ nomina retinuit jam Theologia, pag. 49.  
 num. 57.  
 Articulos fidei respicit, p. 57. n. 70  
 Theologiam esse verè & propriè scientiam pro-  
 batur, p. 92. usque ad 99  
 Theologiæ apices qui, p. 93. n. 4  
 Solutio contrariorum argumentorum, pag. 99.  
 usque ad 107  
 An sit habitus entitative, & quoad substantiam  
 supernaturalis, p. 79. n. 97. & seqq.  
 An Theologia nostra sit subalternata scientiæ  
 Dei & beatorum; plures sententiæ referuntur,  
 p. 108. usque ad p. 116  
 An Theologia nostra maneat in patria; & mane-  
 re probatur, p. 116. n. 42. & seqq.  
 Aliqua argumenta solvuntur, pag. 125. usque  
 ad 128  
 Finis Theologiæ est in cognitione Dei & divi-  
 norum nos perficere, p. 152. n. 5  
 Esse simul practicam & speculativam statuitur,  
 p. 155. n. 7. & seqq.  
 Theologiam esse digniorem alijs scientiis pro-  
 batur, p. 166. n. 1. & seqq.

## ET VERBORVM.

Contraria argumenta refutantur, pag.171.usque  
ad 175

Esse maximè sapientiam probatur, p.178. n.5.  
& seqq.

Quodnam sit ejus subiectum; Et Deum esse pro-  
batur, p.184.n.1.usque p.191

Illi competere rationibus uti probatur, p. 204.  
n.8.& seqq.

Non congruit Theologiæ principia ratione dis-  
quirere, sed revelata per fidem suscipere pro-  
batur, p.205.n.12.& seqq.

Theologiæ competit contra negantes sua prin-  
cipia argumentari, p.208.n.16.& seqq.

### *Testamentum.*

Testamentum propriè quid dicit, p.261.n.62  
*D. Thomas.*

Illus maxima cura & sollicitudo ut Ecclesiæ  
profectui studeret, p.8.n.8.& seqq.

Quid per phycas disciplinas intelligat, p. 15.  
n.1. & seqq.

### *Tyro.*

Quæ præcludere solent viam addiscendi Tyro-  
nibus, p.9.& seqq. n.9.10. & 11

## V

### *Viclef.*

**V**iclef error de Vniuersitatibus, Collegiis,  
&c, p.202.n.5

**F I N I S.**



